

C O R P U S
APOLOGETARUM CHRISTIANORUM
SAECULI SECUNDI.

EDIDIT
IO. CAR. TH. EQUES DE OTTO.

VOLUMEN IX.
HERMIAS QUADRATUS ARISTIDES ARISTO
MILTIADES MELITO APOLLINARIS.

INSUNT ET PROLEGOMENA MARANIANA.

IENAE
IN LIBRARIA MAUKII (HERM. DUFFT).
MDCCCLXXII.

**HERMIAE PHILOSOPHI
IRRISIO
GENTILIIUM PHILOSOPHORUM.**

**APOLOGETARUM
QUADRATI ARISTIDIS ARISTONIS
MILTIADES MELITONIS APOLLINARIS
RELIQUIAE.**

**ILLAM AD OPTIMOS LIBROS MSS.
NUNC PRIMUM AUT DENUO COLLATOS RECENSUIT
PROLEGOMENIS ADNOTATIONE VERSIONE INSTRUXIT
HAS UNDIQUE COLLEGIT
PRAEMISSIS DISSERTATIONIBUS EDIDIT
COMMENTARIIS ILLUSTRAVIT**

IO. CAR. TH. EQVES DE OTTO

**PHIL. ET THEOL. D., IN C. R. FACULTATE EVANG.-THEOLOG. VINDOBONENSI P. P. O.,
C. R. REGIMINIS CONSILIARIUS, C. AUSTRIACI ORDINIS CORONAE FERREAE III CL. ET
R. GRAECI ORDINIS SALVATORIS EQVES.**

**INSUNT ET MARANI PROLEGOMENA
IN IUSTINUM TATIANUM ATHENAGORAM
THEOPHILUM HERMIAM.**

CUM SPECIMINE LITHOGR. CODICIS HERMIAE VINDOBONENSIS.

**IENAE
IN LIBRARIA MAUKII (HERM. DUFFT).
MDCCCLXXII.**

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA.

NOV 14 1931

1305

PRAEFATIO.

In „Corpore Apologetarum Christianorum saeculi secundi,“ quod suscepi, per gratiam dei tam feliciter progressus sum, nullum ut mihi allatum fuerit impedimentum quo minus ad finem perducerem. Postquam octo volumina, et quinque quidem priora iteratis curis adornata, edidi: quae, tam in Germania quam extra eam a viris eruditis benevole admodum recepta, Iustini Tatiani Athenagorae Theophili opera complectantur: nonum, idque ultimum, nunc in conspectum publicum venit ac qui restabant apologetas praebet.

Etenim huius voluminis primo loco dedi Hermiae, Luciani illius christiani, Irrisionem gentilium philosophorum, de qua in prolegomenis uberrime exposui. Porro, multorum desiderio ut satisfacerem, visum est Prudentii Marani, viri inter Maurinos sagacissimi, recipere prolegomena, in editione operum Iustini Tatiani Athenagorae Theophili Hermiae a. MDCCXLII suppeditata: in quibus quum de superioribus horum apologetarum editionibus, tum de

nonnullis Iustini Tatiani Athenagorae Theophili placitis, atque de eorum gestis et scriptis disputavit. Multos equidem operarum errores in his prolegomenis obvios, etiam in Maraniana editione Parisiis a. MDCCCLVII mendose repetita conspicuos, tacite correxi. Adieci in appendice admonitiones, a Marano Hermiae libello et suppositis Iustino operibus praefixas: in quibus de iis quid sentiat breviter exponit. Tum apologetarum Quadrati Magnetis, Aristidis Atheniensis, Aristonis Pellaei, Miltiadis sophistae ecclesiarum, Melitonis Sardiani, Apollinaris Hierapolitani, quorum volumina confectrice rerum omnium vetustate perierunt, reliquias, a Marano neglectas omnino ac praetermissas, undique collegi et ea ratione percensui quae a me in caeterorum apologetarum scriptis est adhibita: et Melitonis quidem fragmenta (XIII—XVI) apologiamque („ad Antoninum“) eidem adsignatam, quorum antiqua translatio syriaca a. MDCCCLV in Anglia prodiit e codicibus Musei Britannici Nitriacis, primus in Germania syriace et latine edidi. Insuper de vita et scriptis horum apologetarum uberius accuratiusque disserui. Postremo indices addidi, sicut in prioribus voluminibus. Quibus omnibus me confido haud ingratum iis fecisse qui haec literarum studia colunt.

Ne una quidem hodie sententiola exstat Apollonii, nobilis Romani, ἀνδρὸς τῶν τότε πιστῶν ἐπὶ

παιδεία καὶ φιλοσοφία βεβοημένον, qui sub Commodο imperatore, ante quam sanguinem pro Christo funderet, in senatu λογιωτάτην ὑπὲρ ἧς ἐμαρτύρει πίστεως ἀπολογία pronuntiavit, ut Eusebius Hist. eccl. I. V. c. 21 testatur. Coll. Hieronymi Epist. ad Magn. 70 (al. 84) et lib. De vir. illustr. c. 42. Hanc Apollonii Apologiam ad Senatum Romanum, ex latino in graecum sermonem translata, Eusebius, ut I. c. refert, inseruerat Martyriorum Collectioni ab ipso factae (τῇ τῶν μαρτυρίων συναγωγῇ: vid. Heinichen. ad Euseb. H. E. ed. 2. p. 202 s.): quacum pridem tota deperit. Cf. Tillemont Mémoires ecclés. T. III. Par. 1695. 4^o. p. 55 ss. 613 s. et Gieseler Lehrb. d. KG. T. I. P. I. ed. 4. p. 176 s. Desideratur etiam Irenaei libellus apologeticus ad Gentiles (πρὸς Ἑλληνας), qui Περὶ ἐπιστήμης (Christianorum) inscribebatur et illorum philosophos impugnabat, quibus ignota erat veritas (Adv. haeres. I. II. c. 14. §. 7); laudatur ab Eusebio I. V. c. 26: cuius mentem perperam accepit Hieronymus (De vir. illustr. c. 35), dum librum „De disciplina“ a libro „Contra Gentes“ distinguit.

Pietas postulat ut qui auxilia critica mihi suppeditarunt eos grato hîc animo commemorem. Atque Monacensium quidem Hermiae codicum diversas lectiones Ioannes Georgius Krabinger, vir clarissimus, in meum usum descripsit. Prolixa etiam in me voluntas exstitit Wolfgangi L. B. de Goethe,

3Q
1513
A2

Camerarii Magniducalis Saxo-Vimariensis, qui, quum in urbe Roma versaretur, per viros egregios Henricum Brunn et Carolum Lorentzen multa ex Romanis Hermiae codicibus mecum communicanda curavit. Insignis theologus Atheniensis, Constantinus Kontogonis, a me literis interpellatus de manuscripto Aristidis codice, qui in quodam Graeciae monasterio adservari dicebatur, perdiligenter in eum inquisivit mihiq̃ue dedit responsum: quo omnem hac super re dubitationem sustulit. In syriacis Melitonis recte in sermonem latinum vertendis doctissimo Eduardo Sachau permulta debeo, linguarum semiticarum professori in Universitate Vindobonensi.

Restat ut grates solvam amico Bernhardo Matthiae, Phil. D., qui singulas meae Apologetarum editionis plagulas a prelo madentes accuratissime perlustraverit.

Scribebam m. Augusto a. MDCCCLXX.

Otto.

PROLEGOMENA

IN

HERMIAE IRRISIONEM PHILOSOPHORUM.

- I. CONSILIUM HUIUS EDITIONIS.
 - II. RECENSUS LIBRORUM MANUSCRIPTORUM.
 - III. RECENSUS LIBRORUM IMPRESSORUM.
 - IV. RECENSUS TRANSLATIONUM.
 - V. ARGUMENTUM IRRISIONIS.
 - VI. DE INSCRIPTIONE ET AETATE OPUSCULI.
-

I. De huius editionis ratione.

In textu quem vocant constituendo mihi erat suprema lex, ut a scriptura antiquiorum melioris notae codicum, Vindob. Monac. 1. Ottobon. Leidens., qui in opusculo Hermiae valde inter se consentiunt, ubique proficiscens neutiquam codices recentiores, Anglic. Monac. 2. 3. Vatic., negligerem aut parvi aestimarem, ubi magis genuina videbantur exhibere. A cunctis autem codicibus illis non discessi nisi necessitate coactus; etenim tum demum certam quamdam coniecturam amplexus sum, si summa usquam corruptelae erat evidentia*). Anxie etiam interpunctioni iuste eligendae vigilavi. Capita autem maiorum retinui numerum Maranianum; praeterea margini apposui non paginas solum literasque (B. C. D) usitatissimae editionis Morellianae, sed etiam segmentorum numeros a Dommerichio et Menzelio ex Worthiana editione receptos.

Adnotatio est critica et exegetica, quemadmodum in meis caeterorum apologetarum editionibus. Idcirco partim diversas librorum manuscriptorum

*) Vide c. 1. n. 8. 10. 12, c. 2. n. 7. 10. 11. 13. 19. 20, c. 3. n. 4. 5. 8. 10. 13. 17, c. 4. n. 1. 10, c. 5. n. 1. 2. 8. 10. 11. 12, c. 6. n. 8. 13. 16. 18, c. 7. n. 4. 6. 8. 10. 11, c. 8. n. 1. 10. 12. 13. 14, c. 9. n. 3. 11. 12, c. 10. n. 3. 5. 12. 15.

impressorumque lectiones ac virorum doctorum measque coniecturas religiose indicat; partim accuratam difficiliorum locorum interpretationem praebet.

Versio latina, quam Seilerus scripsit et Wolfius Maranusque passim emendarunt, a me servata est, innumeris vero locis sic castigata ut fere nova possit videri.

II. De codicibus manuscriptis.

Reperiuntur hodie in variis Europae bibliothecis, ut investigando cognovi, duodecim Hermiae codices manu exarati: quorum nonnulli melioris notae, Vind. Mon. 1. uterque Ottob. Leid., ad saeculum decimum quartum et quintum pertinent. Reliqui sunt inferiore aetate scripti: aut ab ignoto aliquo librario ante medium saeculum decimum sextum (Mon. 2), aut aliquanto post a Darmario (Mon. 3. Vat. Matr. Scor. 1) et a Calosyna (Scor. 2). Alterutri saeculo est Angl. adiudicandus.

Ex codicibus illis, si eum exceperis ex quo princeps fluxit editio (Mon. 2), ad nostrum usque tempus ab editoribus collati erant quattuor: alter Ottob. Leid. Angl. Vat.; tres ipse primus in usum criticum adhibui: Vind. et Mon. 1. 3.

Iam omnes Hermiae codices, aut editoribus incognitos aut ab iis nondum curate descriptos, diligentissime persequar.

I. *Codex Vindobonensis philosophicus et philologicus graecus XIII* (ap. Nessel. Catal. Biblioth. Caes. Mstorum P. IV, Vindob. 1690, p. 10) sive *codex philosophicus graecus XX* (ap. Lambec.

Comm. de Biblioth. Caes. Vindob. lib. VII, Vindob. 1675, p. 51; ed. Kollar. 1781. T. VII. p. 111), Vindobonae in Bibliotheca Palatina (inde ab a. 1672) asservatus, olim peculium Sebastiani Ericii († 1585) ut ipse notâ codici praefixâ (fol. 4^b non numer.) testatur, chartaceus (ex charta orientali) formae maximae, foliis constans 249, saeculo decimo quarto (quintove) scriptus, ultimo loco fol. 246^a—249^b Hermiae Irrisionem gentilium philosophorum suppeditat, hoc titulo signatam: ἑρμείου φιλοσόφου, διασχυρμὸς τῶν ἑξω φιλοσόφων: ~ In fine: τέλος ἑρμείου, τοῦ φιλοσόφου. Insuper hoc codice scholia in aliquot Platonis libros continentur, ex Olympiodori, philosophi alexandrini, ore (sive praelectionibus) excepta*): 1^o. fol. 1^a—98^a σχόλια εἰς τὸν πλάτωνος ἀλκιβιάδην ἀπὸ φωνῆς ὀλυμπιοδώρου, τοῦ μεγάλου φιλοσόφου: ~ Divisa sunt in πράξεις κη'. 2^o fol. 99^a—213^b ὀλυμπιοδώρου φιλοσόφου σχόλια εἰς τὸν πλάτωνος φαίδωνα. λείπει δὲ τούτοις τὰ ἑξ ἀρχῆς φύλλα ἑξ. Haec nota cum titulo illo in margine est adscripta. 3^o. fol. 213^b—245^b εἰς τὸν φίληβον: ~ Hic codex a graeco homine eleganter exaratus est; singulae paginae versus 29 comprehendunt. Scriba iota subscriptum non agnoscit; raro quidem vocum utitur compendiis, constanter vero exhibet ἄνoς, ἄνοῦ, ἄνω, ἄνον, ἄνων. Egomet optimum hunc Hermiae codicem (= „V i n d.“), quem nullus adhuc editer contulit et in usum criticum adhibuit, summa diligentia pervolutavi diversas-

*) Cf. Zeller *Die Philosophie d. Griechen* (ed. 2) Tom. III. P. 2, Tub. 1868, p. 772.

que lectiones tanta enotavi religione ut ne levissimam quidem discrepantiam omiserim.

II. *Codex Monacensis DXII*, Monaci in Bibliotheca Regia custoditus, quondam in Bibliotheca Reipublicae Augustanae Vindelicorum, membranaeus saeculi decimi quinti, formae quadratae, titulis et initialibus miniatis, caractere minuto et nitido, foliis 61 constans, secundo loco fol. 19—24 Hermiae Irrisionem offert hoc titulo ornatam: ἑρμείου φιλοσόφου διασυρμός τῶν ἔξω φιλοσόφων. In fine legitur: τέλος ἑρμείου, τοῦ φιλοσόφου. Praeterea eo codice continentur: 1^o. fol. 1—18^b εὐνομίου τοῦ δυσσεβοῦς ἀπολογητικός, πρὸς ὃν ἔγραψε τοὺς ἀντιρρητικούς ὁ μέγας βασιλεὺς. 3^o. fol. 25—49^a τοῦ νύσσης περὶ ψυχῆς λόγος πρῶτος. 4^o. fol. 49^b—61^a διάλογος τοῦ ἁγίου βασιλείου καὶ γρηγορίου τοῦ θεολόγου, qui incipit: βασιλεὺς· τί ἐστὶν ἀρχή; γρηγόριος· τὸ πρῶτον αἷτιον τοῦ δευτέρου αἰτίου. Egregii huius codicis lectiones variantes, quas nullus ante me Hermiae editor collegit, debeo viro de re patristica meritissimo Ioanni Georgio Krabinger († 1860), qui *Διασυρμόν* accuratissime anno 1849 in meum usum contulit. — Signatus est codex a me in editione mea „Mon. 1.“

III. *Codex Ottobonianus graccus CXCI*, Romae in Bibliotheca Vaticana inter codices mstos Ottobonianos conditus, chartaceus in 8^o mai., saeculi decimi quinti, praebet Hermiae Irrisionem fol. 1—6^a: ἑρμείου φιλοσόφου διασυρμός τῶν ἔξω φιλοσόφων: ~ In fine: τέλος ἑρμείου [sic, c. spir. len.] τοῦ φιλοσόφου: ~ Inter alia eodem codice continentur Pseudo-Iustini Ἐκθesis τῆς ὁρθῆς πίστεως atque

Ἀνατροπὴ δογμάτων τινῶν Ἀριστοτελικῶν. Haec benevole mecum communicavit vir doctissimus Carolus Lorentzen, qui, quum Romae degeret, a me rogatus anno 1856 codicem in gratiam meae editionis accuratius inspexit. Ex eo lectionis varietate iam Maranus usus est: quocum — pariter atque Menzelius — vocavi „Ottob.“

In eadem Bibliotheca — id quod eruditissimus Henricus Brunn anno 1853 Româ ad me scripsit — exstat illi codici, quod Hermiae quidem opusculum attinet, consimillimus:

IV. *Codex Ottobonianus graecus CXII*, olim in Bibliotheca Guilielmi Sirleti cod. gr. num. 190 (cf. E. Miller Catalogue des Manuscrits grecs de la Bibliothèque de l'Escurial, Par. 1848. 4^o, p. 316*), chartaceus h. e. bombycinus in folio, saeculi decimi quinti, qui Hermiae Irrisionem continet tertio loco fol. 28^b—31^b: ἐρμείον [sic, c. spir. len.] φιλοσόφου διασυρμὸς τῶν ἔξω φιλοσόφων ~ In fine: τέλος ἐρμείον [sic] τοῦ φιλοσόφου. Ut nonnulla saltem de hoc codice addam, fol. 1 usque ad fol. 17 Tatiani Oratio descripta legitur, initio mutila; incipit enim fol. 1 verbis c. 10 (p. 46 meae edit.) αὐτῆς πρὶν τὴν προειρημένην ἀποθανεῖν. Inter utrumque librum collocatus est Eunomii (εὐνομίον τοῦ δυσσεβοῦς) apologeticus.

V. *Codex Leidensis XVI quarto num. 486*, Lugduni Batavorum in Bibliotheca Universitatis asservatus, olim penes Isaacum Vossium (in Anglia**),

*) Coll. quae de codicibus illius Cardinalis († 1585) in Opp. Athenagor. (= Corp. Apoll. Vol. VII) Proll. p. XX exposui.

**) Cf. Catalog. librorum mstorum Angliae et Hiberniae, Oxon. 1697.

chartaceus saeculi decimi quinti, forma quarta, nitide scriptus, secundo loco praebet *Hermiae* opusculum, cui titulus praefigitur: ἑρμείου φιλοσόφου διασυρ-
 μὸς τῶν ἑξὼ φιλοσόφων. Erravit Nolte, dicens (in Mign. edit. p. 1761) hunc codicem exhibere *Ερμίου* (non *Ἑρμείου*), scilicet in errorem inductus a Menze-
 lio, cuius verba (p. 35) perverse interpretatus est. Insunt praeterea in eodem codice: 1^o. *Apoph-
 thegmata* electa ex philosophis, poetis et rhetori-
 bus graecis. Ex hoc codice edidit Beine. 3^o. εὐνο-
 μίου τοῦ δυσσεβοῦς ἀπολογητικός, πρὸς ὃν ἔγραψε τοὺς
 ἀντιρρητικούς ὁ μέγας βασιλεῖος. 4^o. διάλογος τοῦ ἁγίου
 βασιλείου καὶ γρηγορίου τοῦ θεολόγου. 5^o. *Agrip-
 pae* regis et *Berenicae* sororis eius *Oratio* ad
Iudaeos, ex *Iosepho*. 6^o. *Compellatio* ad *Constan-
 tinum* *Porphyrogenitum*. 7^o. *Albinus* περὶ τῆς
 τάξεως βιβλίων τοῦ πλάτωνος. — Hunc codicem, quem
 saeculo XIV adscripsit et „Voss.“ vocavit, contulit
 Menzel. Equidem „Leid.“ appellavi.

VI. *Codex Monacensis LVIII*, in eadem illa
Bibliotheca Bavarica servatus, quam supra comme-
 moravi, olim peculium *Ioannis Iacobi Fuggeri*, char-
 taceus in fol., foliorum 347, ante medium saeculum
 decimum sextum scriptus, titulis et initialibus rubri-
 catis, literis minutis et elegantibus, manu diversa,
 libros offert: 1^o. *Simeonis*, fol. 1: ἑρμηνεία πονη-
 θεῖσα τῷ ἁγιωτάτῳ ἀρχιεπισκόπῳ θεσσαλονίκης κυρῷ συ-
 μεῶνι περὶ τε τοῦ θείου ναοῦ καὶ τῶν ἐν αὐτῷ ἱερέων κτλ.

Fol., Tom. II. P. I. p. 60. No. 2210. 99 et Catalog. librorum tam im-
 pressorum quam mstorum Bibliothecae publicae Universitatis Lugduno-
 Batavae, Lugd. ap. Batav. 1716. Fol., p. 395 sq. No. 13.

2^o. Nicolai Cabasilae, fol. 13: τοῦ σοφωτάτου καὶ λογιωτάτου κυροῦ νικολάου τοῦ καβασιλᾶ ἐξηγήσεις εἰς τὴν θείαν καὶ ἱερὰν λειτουργίαν. Opus mutilum est. 3^o. Ioannis Zonarae, fol. 52: ἰωάννου μοναχοῦ τοῦ ζωναρᾶ ἐρμηνεία εἰς τοὺς ἀναστασίμους κανόνας ἰωάννου τοῦ δαμασκηνοῦ μουσουργοῦ. In medio opere occurrit lacuna. 4^o. Eiusdem, fol. 256: τοῦ αὐτοῦ εἰς τοὺς ἀναβαθμούς [h. e. in psalmos graduales] καὶ περὶ τῆς ἐνοειδοῦς αἰτίας τοῦ πνεύματος. 5^o. Leonis, archiepiscopi Bulgariae, fol. 260: λέοντος ἀρχιεπισκόπου βουλγαρίας ἐπιστολὴ πεμφθεῖσα πρὸς τινα ἐπίσκοπον ῥώμης περὶ τῶν ἀζύμων καὶ τῶν σαββάτων. 6^o. Mercurii Trismegisti, fol. 264: ἑρμοῦ τοῦ τρισμεγίστου ποιμάνδρος. 7^o. Eunomii, fol. 294: εὐνομίου τοῦ δυσσεβοῦς ἀπολογητικός, πρὸς ὃν ἔγραψε τοὺς ἀντιρρητικούς ὁ μέγας βασιλεῖος. 8^o. Hermiae, fol. 307: ἑρμείου φιλοσόφου διασυρμὸς τῶν ἔξω φιλοσόφων. 9^o. Athanasii, fol. 312: τοῦ ἐν ἁγίοις πατρὸς ἡμῶν ἀθανασίου ἀρχιεπισκόπου ἀλεξανδρείας τοῦ μεγάλου περὶ τῆς ἐν σαρκὶ οἰκονομίας τοῦ Θεοῦ λόγου καὶ περὶ τῆς ἁγίας τριάδος. 10^o. Demetrii Cydonii, fol. 327: τοῦ κυδῶνη [sic, non κυδωνίου, id quod editi habent] περὶ τοῦ καταφρονεῖν τὸν θάνατον. Idem est codex, quem in editione Demetrii et Hermiae prima a. 1553 Seilerus „ex Fuggeri bibliotheca“, ubi tunc asservabatur, typis exscribendum curavit*). Autographae ipsius editoris correctiones in margine utriusque libri positae

*) Id fugit omnes Hermiae editores. Magno in errore versatur Menzelius, qui in Herm. edit. p. 29sq. codicem Fuggeri diversum esse opinatur ab illo codice Monacensi 58 (olim 112), quem quinto loco affert.

sunt, teste Krabingero, qui codicem in meam gratiam denuo inspexit. — Siglo designavi „Mon. 2.“

VII. *Codex Anglicanus* est ille codex, quem possidebat Thomas Gale, Eboracensis Ecclesiae Decanus. Is collationem codicis Ioanni Millio m. Febr. a. 1700 transmisit, ut in editione Worthiana publicaretur; sed nullo verbo codicem descripsit: ne dixit quidem quo saeculo sit exaratus. Frustra etiam adibis „Catalogos librorum mstorum Angliae et Hiberniae“, Oxon. 1697. Fol., Tom. II. P. I. p. 188, ubi No. 5933. 99 codex noster affertur. Titulus: ἐρμείον [non Ἐρμίου, ut Dommerichius in sua editione p. 30 perperam dicit] φιλοσόφου διασυνεμὸς τῶν ἔξω φιλοσόφων. Saepe hic codex cum Darmarianis (Mon. 3 et Vat.) consentit. — A Wortho (et Dommerichio) in notis sub signo „MS.“ repraesentatur, sed a me, ut a Marano et Menzelio, „Angl.“ nuncupatur.

VIII. *Codex Monacensis CCCXXXIX*, Monaci in Bibliotheca Regia servatus, olim Conventus Eremitarum S. P. Augustini Monacensis, chartaceus formae quadratae, saeculo decimo sexto (anno 1576, ut alter Scor.) ab Andrea Darmario exaratus, homine indocto ac negligenti, a quo multi codices originem ducunt quum aliorum scriptorum tum Hermiae*), literis minutis, sine ullo titulorum aut initia-

*) De hoc Darmario Epidaurio cfr. Muratori Antiqq. Ital. Tom. III. col. 927sq. et Krabinger in *Gel. Anzeigen, herausg. von Mitgl. d. k. bayer. Akademie d. Wissensch.*, 1849. N. 56. col. 454sq. Illum codicem, si coniecturae locus dandus, Darmarius a. 1583 m. Sept., Monaci quum versaretur, monachis vendidit ordini S. Augustini adscriptis, quos supra memoravi. Vix ulla est ex insignibus Bibliothecis, in quam

lium minio, foliorum 75, quo continentur: 1^o. fol. 1—11^a ἑρμείου τοῦ φιλοσόφου διασυρμὸς τῶν ἔξω φιλοσόφων. In fine: τέλος σὺν Θεῷ ἀμήν. 2^o. fol. 12—51^b ἰουλιανοῦ καίσαρος εἰς τὸν βασιλέαν [sic] ἡλίον πρὸς σαλονστῖνον. 3^o. fol. 52—75^a ἰουλιανοῦ ἀντοκράτορος καίσαρος ἀντιοχικὸς ἢ μισοπώγων. Ad calcem adscripta sunt haec: ὑπὸ ἀνδρέου δαρμαρίου σὺν Θεῷ εἴληφε τέρμα ἐν τῷ ἔτει ᾡϥος νοεμβρίου κς. Huius quoque codicis, ab editoribus nondum adhibiti, collationem anno 1849 accepi manu Krabingeri, quem supra laudavi. — Indicavi per notam „Mon. 3.“

IX. *Codex Vaticanus graecus*, Romae in Bibliotheca Vaticana inter codices mstos Reginae Sueciae collocatus, h. e. *Cod. Reg. gr. CLIX* (ap. Montefalconium Biblioth. bibliothecarum msta nov., Par. 1739. Fol., Tom. I. p. 35 B = num. 984), chartaceus formae quadratae, ab Andrea Darmario saeculo decimo sexto scriptus, habet Hermiam fol. 1—12: ἑρμείου τοῦ φιλοσόφου διασυρμὸς τῶν ἔξω φιλοσόφων. Sequitur fol. 13—17: γρηγορίου Θεολόγου στίχοι πρὸς τὸν μέγαν βασιλεῖον, cum interpretatione Nicetae. Subscriptio fol. 17: ὑπὸ ἀνδρέου δαρμαρίου σὺν Θεῷ πέρας εἴληφεν. Equidem huius quoque codicis debeo notitiam Carolo Lorentzen, qui in meum usum denuo eum evoluit. — Praeunte Marano, qui primus diversas huius codicis scripturas (sed minus accurate) protulit,

non irrepperit aliquis ex Darmarii codicibus graece scriptis. Habet ex iis aliquot Bibliotheca Imperatoria Parisiensis, habet et nonnullos Ambrosiana, habet triginta quattuor Darmarianos Bibliotheca S. Laurentii Escorialensis, teste E. Millero l. c. p. XXIII sq. Coll. Coxe Catal. codd. mstorum Bibliothecae Bodleianae P. I. p. 507.

appellavi „Vat.“, quo signo etiam Menzelius usus est.

Tres in Hispania exstant codices: quorum tamen lectiones arcessere nondum licuit. - Neque videntur ullius esse momenti critici, quippe exarati ab Andrea Darmario et Antonio Calosyna post medium saeculum decimum sextum.

X. *Codex Matritensis CXIX*, Matriti in Bibliotheca Nationali (antea Regia) repositus, teste I o a n n e Iriarte (Regiae Bibliothecae Matritensis codd. graeci msti, Vol. I, Matr. 1769. Fol., p. 479) chartaceus, ex charta vulgari, in quarto, literis inelegantibus, foliorum 154, saeculo decimo sexto scriptus, haud dubie a Darmario, ut apparet ex Mon. 3, qui eosdem libros complectitur. Insunt in eo: 1^o. fol. 1 *ἰουλιανοῦ καίσαρος εἰς τὸν βασιλέα ἥλιον πρὸς σαλουστῖνον*. 2^o. fol. 49 *ἰουλιανοῦ αὐτοκράτορος καίσαρος ἀντιοχικὸς ἢ μισοπῶγων*. Huius orationis plus quam dimidia pars in codice desideratur. 3^o. fol. 77 *ἑρμείου τοῦ φιλοσόφου διασυρμὸς τῶν ἔξω φιλοσόφων*. Praebet codex, ut omnes Darmariani, non solum in titulo τοῦ ante φιλοσόφον, sed etiam in fine ἔργον [sic] μηδενὶ pro ἔργῳ μηδενί. 4^o. fol. 89 *ἀλεξάνδρου μοναχοῦ λόγος εἰς τὴν εὐρεσιν τοῦ τιμίου καὶ ζωοποιοῦ σταυροῦ*.

XI. *Codex Scorialensis graecus arm. y. plut. III. num. 12*, in Nationali Bibliotheca Escorialensi reconditus, chartaceus in folio, a Darmario, ut ipse in codice indicavit, exaratus anno 1576, h. e. eodem anno quo Mon. 3, foliis 379 constans. Ut Millerus l. c. p. 286 sq. refert, eo continentur: 1^o. fol. 1

Cyrilli Alexandrini λόγοι ἑορταστικοί, P. II. Prior pars in codice γ. III. 11 exstat. 2^o. fol. 288^a Eiusdem Epistola ad Nestorium, incipiens: καταφλvaroῦσι μὲν, ὡς κτλ. 3^o. fol. 294^b Eiusdem Epistolae ad Ioannem patriarcham Antiochiae περὶ εἰρήνης. Initium: εὐφραινέσθωσαν οἱ οὐρανοί. 4^o. fol. 309^a Iuliani εἰς τὸν βασιλέα ἥλιον. 5^o. fol. 346^b Eiusdem ἀντιοχικὸς ἡ μισοπώγων. 6^o. fol. 369^a ἐρμείου τοῦ φιλοσόφου διασυρμὸς τῶν ἔξω φιλοσόφων.

XII. *Codex Scorialensis graecus X. IV. 1* eiusdem Bibliothecae, chartaceus formae quadratae, a Calosyna *) scriptus saeculo decimo sexto exeunte, foliorum 73. Ibi exhibentur: 1^o. Hermiae διασυρμὸς τῶν ἔξω φιλοσόφων et 2^o. Iuliani εἰς τὸν βασιλέα ἥλιον. Cf. Miller. l. c. p. 401.

III. De codicibus editis.

Hermiae Irrisio gentilium philosophorum primum, una cum Demetrii Cydonii Thessalonicensis opusculo de contemnenda morte **), Basileae anno 1553 e prelo prodiit. Titulus editionis hic est: „ΤΟΥ ΚΥΔΩΝΙΟΥ ΠΕΡΙ τοῦ καταφρονεῖν τὸν θάνατον. ἘΡΜΕΙΟΥ ΦΙΛΟΣΟΦΟΥ ΔΙΑσυρμὸς τῶν ἔξω φιλοσόφων. Cydonij de conTEMNENDA MORTE Oratio. HERMIAE PHILOSOPHI *irrisio gentilium philosophorum.* Ex

*) Hic librarius est multorum codicum auctor; cfr. Iriarte l. c. p. 501 et Miller l. c. p. XXII.

**) Vixit Cydonius saeculo decimo quarto. Cf. Io. Alb. Fabricii Bibliothec. graec., cur. G. C. Harles., Vol. XI. p. 398 sqq. et *Nouvelle Biographie générale* etc. Tom. XIII (Par. 1857) col. 553 sq. Illum de contemnenda morte libellum denuo gr. et lat. c. adnot. edidit Chr. Theoph. Kuinoel. (Auct. gr. min. T. I) Lips. 1796. 8^o.

inclyti ac generosi D. D. IOANNIS IACOBI FUGGERI splendidiss. ac ornatiss. bibliotheca desumpta: et nunc primum cum Graecè, tum Latine, Raphaelis Seileri Augustani, Geryonis c. v. filij, opera ac unctione in lucem prolata. BASILEAE, PER IOannem Oporinum.“ 8vo min. In fine editionis (p. 173 non numer.): „BASILEAE, PER Ioannem Oporinum: Anno Salutis humanae M.D LIII. Mense Martio.“ — Suppeditatur Irrisio graece p. 81—91, latine p. 155—167. In epistola dedicatoria, praefationis locum occupante, ad nobiles adolescentes Sigismundum Fridericum et Carolum germanos fratres, magnifici Ioannis Iacobi Fuggeri filios, RAPHAEL SEILERUS, iuvenis, ab anno 1570 Camerae Imperatoriae assessor, haec inter alia scribit: „Locis (librariorum et negligentia et inscitia) corruptis innumerabiles coniecturas tum ipse excogitavi, tum depravatae lectionis loco et pro portentosis erratis doctissimi praeceptoris censuram ac castigationes, quas singulari mihi benevolentia in iis salebris, in quibus defixus haesitabam, suppeditavit, adieci.“ In editionis margine Seilerus illas exhibuit emendationes, etiam in codice msto (hodie Monac. LVIII) appositas, ex quo primam suam editionem depromsit; non vero indicavit quaenam ab ipso profectae sint aut a laudato excogitatae praeceptore, Hieronymo Wolfio, gymnasii Augustani ephoro.

Iterata est Seileri editio, cum eiusdem versione latina, in hoc scriptorum fasciculo: „Θεολόγων διαφορών συγγράμματα παλαιὰ καὶ ὀρθόδοξα.“ Theologorum aliquot graecorum veterum orthodoxorum libri graeci

et iidem latinitate donati⁴, Fol.*), ubi quinto loco (post Canones Apostolorum, Ignatii Epistolas, Athenagorae Opera, Aeneae Gazaei Theophrastum) occurrit, eodem quo editio illa princeps titulo ornata: „*Τοῦ Κυδωνίου περὶ κτλ.*“ usque ad „in lucem prolata“, quibus verbis adduntur haecce: „Apud Andream Gesnerum F. MDLIX.“ In aliis exemplis „MDLX.“ — Haec editio (Tigurina) subiunctam habet (p. 33 — 44) Agapeti Expositionem capitum admonitoriorum. Hermiae libellum, absque notis a Seilero in margine positis, continet p. 26 — 30: *Ἑρμίου* [sic] *φιλοσόφου διασυρμὸς τὸν* [sic] *ἔξω φιλοσόφων.*

Dein prodiit Hermiae opusculum in appendice huius libri: „Tabula compendiosa de origine, successionem, aetate, et doctrina veterum philosophorum, ex Plutarcho, Laërtio, Cicerone, et aliis eius generis scriptoribus, a G. Morellio Tiliano collecta. Cum Hier. Wolfii annotationibus. Basileae ex officina Heruagiana, per Eusebium Episcopium, M.D.LXXX.“ 8^o. — HIERONYMUS WOLFIIUS, clarissimus philologus**), exprimendum curavit textum graecum (p. 180—188: *Ἑρμίου, φιλοσόφου χριστιανοῦ* [sic], *Διασυρμὸς τῶν ἔξω φιλοσόφων*) a Seilero publici iuris factum, ita tamen, ut non tantum coniecturas fere omnes a Seilero in margine collocatas, sed passim quoque emendationes ab illo non allatas clam in ipsum textum admitteret. De textu Hermiano op-

*) Locus et annus non adiecti sunt; typographus autem (Andreas Gesnerus F.) praefationem ad lectorem sic finit: „Vale 1559.“

**) Cf. „Synopsis vitae Hier. Wolfii, gymnasii Augustani ephori, ab ipso scriptae,“ in Iac. Bruckeri Miscellan. historiae philosophicae etc. (August. Vind. 1748) p. 352—381.

time meritus est. Subiunxit latinam Seileri versionem pluribus locis emendatam: p. 189—199. Postremo (p. 200—269) multas, sed plerumque exigui nostra aetate momenti, suppeditavit „Annotatiunculas in libellum Hermiae, in quo insectatur profanos philosophos, hoc est eos qui, contemptis sacris literis et divina patefactione, de rebus divinis et principiis omnium rerum disputare non dubitauit.“

Seilerianam Hermiae editionem ac translationem latinam denuo, iuxta exemplar Tigurinum Andreae Gesneri, prelo subiecit FEDERICUS MORELLUS, in calce Operum Iustini Phil. et Mart., una cum Athenagorae Theophili Tatiani scriptis, Parisiis anno 1615 et tum 1636. Fol., Append. p. 175—180: *Ἑρμίου* [sic] *φιλοσόφου διασυρμὸς τῶν ἔξω φιλοσόφων*. Alterius exemplaris Morelliani, quod in paginis prorsus cum priori consentit, equidem in notis meis habui rationem. Idem exemplar ex asse expressit editio quae Coloniae vel Vitebergae potius anno 1686 lucem vidit. De his editionibus uberius exposui in Opp. Iustin. Tom. I. P. I (= Corp. Apoll. Vol. I) ed. 2. Proll. p. XXV sq.

Porro ex editione Seileriana, secundum Morellianum exemplar anni 1615, FRONTO DUCAEUS (Le Duc) Hermiam graece et latine inseruit (quarta) Parisiensis Patrum Bibliothecae (a. 1624) auctario graeco-latino, h. e. „Bibliothecae veterum Patrum seu scriptorum ecclesiasticorum“ Tomo primo, Parisiis (per Sonnios fratres et Hieronymum Drovardum) MDCXXIV. Fol. p. 187—191. In paucis locis tacite textus vulgati errores castigavit.

Raro a textu per editionem Seileri vulgato discedunt Wilhelmus Worth, Prudentius Maran, Io. Christophorus Dommerich: quorum iam exemplaria asseram. Neque Wortho neque Marano ad manus fuerunt editiones Seileri ac Wolfii, propter emendationes aut in margine (ap. Seil.) aut in textu (ap. Wolf.) exhibitas haud contemnendae.

„Τατιανοῦ πρὸς Ἕλληνας. Ἑρμίου [sic] διασυρμὸς τῶν ἔξω φιλοσόφων. Ἐκ θεάτρου ἐν Ὁξονίᾳ, ἔτει θεογονίας αψ’.“ Alter titulus: „Tatiani Oratio ad Graecos. Hermiae Irrisio gentilium philosophorum. Ex vetustis exemplaribus recensuit, adnotationibusque — aliorum suas qualescunque adiecit WILHELMUS WORTH, A. M. Oxoniae, e theatro Sheldoniano, Anno Domini MDCC.“ In aliis exemplis additur: „Impensis Ioannis Oweni.“ 8°. — Worthus in editione illa, quam in Corp. Apoll. Vol. VI (= Tatiani Orat. ad Gr.) Proll. p. XXIV sqq. curatius descripsi, praebet Hermiae opusculum (in 19 capita divisum) cum Seileri interpretatione p. 113—229, editionis Morellianae vestigiis insistens, nonnullis tamen locis textum graecum sanans: non ubique in ipso textus corpore, sed in adnotatione textui subiecta. In praefatione ad lectorem dicit (p. XIV): „Hermias in eodem fere quo Tatianus versatur argumento: auctor elegans, lepidus et, ut eruditis quibusdam videtur, etiam pervetustus. De hoc autem explorati nihil. Ego certe plurimum vereor, ut affectatae istae, quibus scatet, argutiae sapiant recentius aliquod seculum. Caeterum hic aqua mihi haerebat, ut aiunt. Neque enim suppetere mihi in bibliothecis

nostris MS. codicem, cuius ope huius *Διασφραγισ* loca quaedam manifeste mendosa sanari poterant, imo ne quidem per universam Galliam reperiri tractatus huius exemplar aliquod manu exaratum edoctus sum literis D. Michaelis Lequien. — Sollicitum hac de re sublevavit mox Aulæ nostræ [h. e. S. Edmundi, Oxoniae] Principalis [Ioannes Mill] longe dignissimus. Aiebat enim D. Thomam Gale, Eboracensis Ecclesiae Decanum, Hermiae codicem manu scriptum habere, seque variantes eius lectiones ab amico suo singulari illico impetraturum fore. Id quod certe factum. Interpellatus hac de re literis vir ille doctissimus, post paucos aliquot dies non modo codicem suum cum excusis haud gravate contulit, sed et pro studio suo in bonas literas propensissimo etiam observationibus suis ex tempore quidem fuis iis, longe tamen doctissimis, nostrum hunc illustravit *Διασφραγισ*.“ Has Galei observationes Worthus integras dedit, una cum illius epistolio (scripto „Febr. 27. A. D. MDCC“) ad Millium. Adiecit p. 210—212 Cavei in „Historia literaria scriptorum ecclesiasticorum“ de Hermia iudicium.

Post quattuor decennia prodiit Hermias cum caeteris apologetis graecis curâ PRUDENTII MARRANI Parisiis (Hagae Comitum) anno 1742. Fol. mai. Editionis titulum in Opp. Iustin. l. c. p. XXX sq. exsignavi. Hermiae Irrisio gentilium philosophorum legitur p. 402—406, in capita 10 distributa. Doctus ille monachus e Congregatione S. Mauri Benedictinus novis codicum mstorum subsidiis usus

est, de quibus nimis breviter in Praefat. P. I. c. 4 (p. IX) retulit: „Hermias cum duobus Romanis collatus, altero Vaticano et altero Ottoboniano.“ Lectionem vulgatam aliquot locis correxit: nonnunquam quidem in ipso textu, frequentius in notis textui subiectis. Raro in explicatione Hermiae versatur, sed translationem Scilerianam pluribus locis emendavit. Praemisit (p. 401) textui „Admonitionem in Orationem Hermiae.“

Marani editio apologetarum 1^o. paginis paullulum mutatis mendose recusa est Venetiis apud Aug. Savioli anno 1747. Fol. mai.: Hermias p. 430 — 435 habetur. — 2^o. Ad hoc Venetum exemplar Hermianam Irrisionem graece et latine emisit Andreas Gallandi: „Bibliotheca veterum Patrum antiquorumque Scriptorum ecclesiasticorum.“ Tom. II, Venet. 1766. Fol. mai., p. 68 — 72. Doctus Congregationis Oratorii presbyter quinque tantum adnotationes, ex Wprthi editione desumas, Maranianis addidit. Admonitionem Marani in Hermiam Prolegomenis p. IX inseruit. — 3^o. Absque notis secundum idem exemplar Maranianum Hermias graece et latine inter „Opera Patrum graecorum“ [curâ Fr. Oberthür] Vol. III, Wirceb. 1779. 8^o, p. 426 — 439 comparet. — 4^o. Denuo, a. 1857, Marani editionem apologetarum formâ imminutâ typisque extenuatis recudi fecit I. P. Migne Parisiis (Petit-Montrouge) in officina sua: „Patrologiae cursus completus seu Bibliotheca universalis etc. omnium SS. Patrum etc.: recursio chronologica. Series graeca.“ Tom. VI. Ibi Hermias col. 1169 — 1180 exstat.

Migne passim textum Hermiae clam mutavit et aliquot Menzelii adnotationes absurde admiscuit Maranianis. In calce (col. 1761) notulas perpaucas adiecit Io. Henr. Nolte, plerasque fere omnes ex editione Menzeliana sine negotio excerptas; caeterae, quas ipse suo Marte dedit, nullius sunt pretii.

„*Ἑρμείου φιλοσόφου διασχυρὸς τῶν ἔξω φιλοσόφων.*

Hermiae philosophi gentilium philosophorum irrisio. Cum adnotationibus Hier. Wolfii, Thomae Galei, Wilh. Worthii suisque graece in usum praelectionum separatim edidit Io. CHRISTOPH. DOMMERICH, dialect. et philosoph. primae professor p. o. in academia Helmstadiensi. Halae apud Carolum Hermannum Hemmerde. MDCCLXIII.“ 8^{vo} min.

Dommerichius nova codd. mstorum auxilia non adhibuit; ipsa Marani editio incognita ei fuit. In praefatione (p. 15 sq.), postquam codicum mstorum et impressorum levissimam mentionem fecit: „Fundamenti loco“, inquit, „Oxoniensem editionem posui, cuius et textum, in quem ingenio nostro vel coniecturis nihil licere cum criticorum perspicacioribus arbitrati sumus, et adnotationes integras Galei et Worthii hic sistimus. Praeter hanc, primam sc. Seilerianam, Wolfianam et Wittebergensem, quarum nobis tantum potestas fuit, in subsidium vocavimus, unde lectionis varietatem. emendationes et adnotationes quasdam suppeditamus. Ex Hieron. Wolfii adnotationibus illas selegimus, quae criticae magis videbantur quam theologicae. Has enim prorsus omisimus; unam atque alteram historicam

passim quoque decerpimus. Quas tantorum viro-
rum animadversionibus adiecimus, adnotatiunculae
nostrae, et criticae sunt et philosophicae. Excur-
sum nonnumquam fecimus in ipsum philosophiae
campum, ut auditores nostri recte philosophari di-
scant. Quae ad philosophiae historiam faciunt, co-
piosius exposuimus, ut auctori lumen, ubi opus esse
videbatur, accenderemus.“ Textus graecus com-
paret p. 19—36, adnotatio p. 37—108.

Et haec quidem de iis Hermiae editionibus,
quae lectionem Seilerianam secutae sunt.

Novam recensionem exhibet editio Menzeliana,
cui titulus hic praescriptus est: „*Ἑρμείου τοῦ [sic]
φιλοσόφου διασπρμὸς τῶν ἔξω φιλοσόφων*. Hermiae irri-
sio gentilium philosophorum. Edidit W. F. MEN-
ZEL, Theol. Doct. Lugduni Batavorum, apud C.
G. Menzel, MDCCCXL.“ 8°. — Menzelius iuvenis,
qui editionem Hermiae paravit suadente Kistio, „pro-
motore aestumatissimo“, ait in praefatione: „Exhi-
bui ipsum Hermiae librum quam potui emendatissi-
mum, adiutus librorum MSS. lectionibus et erudi-
tissimorum interpretum coniecturis. Ipse Hermiae
codicem MS. ex libris Isaaci Vossii in Bibl. Acade-
miae nostrae asservatum cum editis contuli, unde
doctorum coniecturae aliquot sunt corroboratae et
nonnihil novi prodiit. Deinde philosophorum placita,
quae Hermias iocans et cavillans attigit, in ani-
madversionibus paulo copiosius enucleavi: ex omni-
bus hisce denique de Hermiae aetate et auctoritate
sententiam conficere studui“ scil. in Prolegomenis
(p. 5—28), ubi Menzelius etiam de codicibus mstis

et editis breviter (p. 29—32) exposuit. Textui graeco (19 capp. ut in edit. Worth.), p. 35—50, subiecit notas criticas. Scripturam vulgatam multis locis emendavit: non ubique in ipso textus corpore, sed in notis. Interdum erravit in afferendis lectionibus; v. g. statim c. 1. n. 1 (p. 35), ubi ait: „Reliqui libri MSS. et editi *Ἐρμίου φιλοσόφου*.“ Versionem latinam p. 51—60 et uberiores adnotationes p. 61—103 dedit.

IV. De codicibus in alias linguas versis.

Latinam Hermiae translationem a RAPHAELE SEILERO confectam editores repetierunt: quam quidem soli Hieron. Wolfius et Prud. Maranus pluribus locis emendarunt. Novam exhibuit W. F. MENZELIUS, eamque interdum elegantem magis quam verbis graecis respondentem.

Versio Seileriana etiam inserta est 1^o Bibliothecae SS. Patrum, a Margarino de la Bigne adornatae, edit. 1. Tom. V (Par. 1576. Fol.) col. 191—196, ed. 2. Tom. IV (1589) col. 155—159, ed. 3. Tom. IV (1610) col. 137 sqq.; 2^o Magnae Bibliothecae veterum Patrum (Coloniae 1618. Fol.) Tom. IV. p. 119—121; 3^o Maximae Bibliothecae veterum Patrum (Lugduni 1677. Fol.) Tom. IV. p. 180—181. Ex Marani editione versionem dederunt Caillaud et Guillon in „Collectione selecta SS. ecclesiae Patrum“ Tom. II. Par. (et Lips.) 1829. 8^o. p. 209—215 et denuo Mediol. 1830. 8^o. p. 175—180.

Praeterea Hermiae exstant translationes: una germanica et duae gallicae.

Hermias Verspottung der heidnischen Philosophen; übersetzt, [und] mit einer Einleitung und Erläuterungen versehen von M[ag.] WILH. FERD. THIENEMANN, Pfarrer zu Nenkersdorf bei Borna. Leipzig 1828. 8^o min. — Interpres, qui editione Worthiana usus est (prorsus incognita ei fuit Maraniana), in introductione (p. 9—15) de Hermia eiusque opusculo, etiam de codicibus mstis et editis, brevissime agit; in calce (p. 31—36) adnotationum criticas et exegeticas praebet, quae vero nihil emolumenti afferunt. Cf. Jenaische Allg. Literatur-Zeitung 1828. N. 222.

Chefs - d'oeuvre des pères de l'église, ou choix etc. Traduction avec le texte latin en regard etc. Tom. I: S. Clément, S. Ignace, S. Polycarpe, S. Justin, Hermias, Tertullien, Minucius Felix. Par. 1837. 8^o mai.

L'Octavius de Minucius Felix. Traduction avec le texte en regard et des notes, par ANT. PÉRICAUD. Seconde édition, revue, corrigée et augmentée du Discours d'Hermias contre les philosophes et de quatre dissertations de M. l'abbé Grep-p o. Lyon, Périsse. 1843. 8^o mai.

V. Argumentum Irrisionis Hermianae*).

Quandoquidem philosophia ab angelis malis

*) Analysin etiam dederunt C. Werner *Gesch. d. apolog. und polem. Literatur*. Tom. I. Scaph. 1861. p. 316—318 et I. Alzog *Grundr. d. Patrologie*. Frib. 1866. p. 79—81.

principium cepit, absurdae sunt et inter se pugnant-
tes philosophorum sententiae.

Etenim philosophi non consentiunt 1^o de ani-
ma h. e. eius natura (c. 1), summo eius bono, eius
immortalitate et post hanc vitam statu, sed alii in
alias opiniones absurdissimas abierunt (c. 2). Multo
minus 2^o de deo et de mundo potuerunt quod
verum est statuere. Iam adduntur 3^o philosophorum
de rerum principiis dissensiones. De principiis
cum Anaxagora Melissus et Parmenides pugnant, et
Parmenidi adversatur Anaximenes (c. 3). Si quis
Empedoclem sequatur, ab eo abducat Protagoras,
a Protagora Thales, a Thalete Anaximander (c. 4).
Magna est Archelai fama, sed neque ei Plato as-
sentitur neque Platoni Aristoteles (c. 5)*). Phe-
recydis doctrinam nugae esse existimat Leucippus.
Democrito ridenti refragatur plorans Heraclitus
(c. 6). Epicurum ridet Cleanthes capite e puteo
elato. Carneades et Clitomachus contendunt nihil
mente comprehendere posse ac semper veritati falsam
quamdam speciem adhaerescere (c. 7). Pythagoras
ex numeris elementa componit (c. 8). Quodsi in
metiendo, secundum Pythagorae placita, universo
mundo tempus triveris (c. 9), Epicurus petet ut
alios mundos eosque innumeros dimetiariis.

Ex illis concludit Hermias philosophiam nulla
evidenti ratione niti (c. 10).

*) Platonem et Aristotelem, philosophorum principes, Hermias in medio
loco ponit: novem philosophos ante illos profert, totidem post re-
censet.

VI. De inscriptione et aetate Irrisionis gentilium philosophorum.

Hermiae libellus, quo concurrentes adversa fronte inter se gentilium philosophorum opiniones ridet, de anima, de deo et mundo, de rerum initiis absurda et pugnancia inter se tradentes, in libris tam manu quam typo expressis inscribitur sic: *Ἑρμείου φιλοσόφου διασυρμὸς τῶν ἔξω**) *φιλοσόφων*. Excipias primum editiones Morellianam Duceanam Worthianam Maranianam (Galland. et Mign.), quae — iuxta exemplar Tigurinum A. Gesneri — pro *Ἑρμείου* perperam *Ἑρμίου* offerunt. Dicebant veteres non modo *Ἑρμίας*, sed etiam *Ἑρμείας* (*Ἑρμέας*, *Ἑρμῆς* **): quae quidem forma cunctis codicibus nostris mstis firmatur. Vide supra p. XII sqq. Tum recentiores excipias codices Monac. 3. Vatic. Matrit. Scorial., in quibus Darmarius (cf. supra p. XIX sqq.) pro arbitrio suo voci *φιλοσόφου* articulum *τοῦ* prae-misit. Etiam Menzelius (ex Vatic.) dedit *τοῦ φιλοσόφου*. Sed emendatione facile supersedemus. Pariter enim, ut unum saltem exemplum afferam, Iustiniani libri inscribuntur: *Ἰουστίνου φιλοσόφου κτλ.* Denique Wolfiana editio appellationi *φιλοσόφου* additam habet vocem *χριστιανοῦ*, citra omnium codicum auctoritatem. Neque opus est additamento. Nam per se patet non alium philosophum nisi christianum op-

*) H. e. qui non sunt ex Christianorum coetu: 1 Cor. 5, 12 sq. Col. 4, 5. 1 Thess. 4, 12. 1 Tim. 3, 7. Adde quae ad Iustini Cohort. ad Gent. c. 10 (= Corp. Apoll. Vol. III) ed. 2. p. 45. n. 1 observavi.

**) Cf. Pape Wörterb. d. griech. Eigennamen (Bruns. 1842) p. 139.

poni τοῖς ἔξω φιλοσόφοις. Eadem ratione e. g. Iustinus Martyr sese simpliciter appellat philosophum, quum sectator doctrinae sit christianae, quam putat esse philosophiam eamque omnibus numeris absolutam. Dial. c. Tr. c. 8: *Ταύτην μόνην εὕρισκον φιλοσοφίαν ἀσφαλῆ τε καὶ σύμφορον. Οὕτως δὴ καὶ διὰ ταῦτα φιλόσοφος ἐγώ.* Cf. quae monui ad Tatian. Orat. c. 31 (Vol. VI) p. 118. n. 2. Qui autem e philosophorum gentilium scholis prodierunt etiam post quam christianis sacris se addixerunt philosophi non solum nomen retinebant, verum etiam habitum: utpote semper amici sapientiae, iam non humanae quidem (τῆς σοφίας τοῦ κόσμου τούτου, Herm. Irris. c. 1. §. 1), sed divinae. „Gaude pallium et exsulta,” ait Tertullianus De pall. c. 6, „melior iam te philosophia dignata est, ex quo Christianum vestire coepisti.“ Eo sensu praeter Iustinum etiam Aristides et Pantaenus philosophi vocantur ab Eusebio et Hieronymo. Pariter Melitoni in fronte apologiae nuper syriace editae philosophi nomen tribuitur. Et Athenagoras, ἐν αὐτῷ χριστιανίσας τῷ τρίβωνι teste Philippo Sideta, in utriusque sui operis inscriptione φιλόσοφος χριστιανὸς *) appellatur. Heraclas quoque philosophicum pallium cum Christi sacerdotio coniungebat (Euseb. II. E. VI. c. 19. §. 14). Plura colligere non libet in re manifesta et explorata.

De Hermia nostro, quis fuerit quoque tempore scripserit, plane silent omnes veteres. Heumannus **)

*) De hac formula in Opp. Athenag. (= Corp. Apoll. Vol. VII) Proll. p. LXIII exposui.

**) Act. philosophor. Tom. III (Fasc. XV) Hal. 1724. p. 445.

equidem opinatus est auctorem Irrisionis esse pseudonymum, et nomen Hermiae vel potius Hermetis (Trismegisti) fictum ad philosophos eo acrius irridendos sumsisse. Sed ipse dubitat de veritate illius opinionis: cui nemo calculum criticum adiecit. Neque argumentis refellendum quod sine ullo prorsus argumento profertur.

Bigneus caeterique Bibliothecae SS. Patrum editores (vide supra p. XXX) Hermiam quarti saeculi scriptoribus adiunxerunt; non vero rationem attulerunt, qua ducti id fecerint *). Thienemannus (p. 11 sq.) suspicatus est Hermiam haereticum istum esse, qui sectam Hermianorum (sive Seleucianorum, a Seleuco auctore), a Philastrio De haer. c. 55 et Augustino De haer. c. 59 memoratam, saeculo quarto (?) constituerit. At vero, praeterquam quod a Philastrio eiusque pedisequo Augustino Hermias haud dubie cum Hermogene confusus est et Hermiani cum Hermogenianis**), obstat totum Irrisionis argumentum; nam homo, ut ex Philastrii et Augustini narratione parum diligenti patescit, gnostizans aliud de philosophorum gentilium decretis iudicium fecisset***).

Praeunte Wolfio (p. 201) Lambecius enu-

*) Temere eos seculus est Ad. Rechenberg: Exercitatt. ad histor. ecclesiast. et liter. p. 314.

**) Id — quod quidem Thienemannum fugit — iam I. A. Fabricius ad Philastr. l. c. („qui autem Hermias Philastrio et Augustino, idem Tertulliano — Hermogenes“) ac multo prius Danaeus ad August. l. c. scite adnotarunt. Accedit L. Lange in *Ersch. et Grub. Allg. Encyclop. der Wiss. u. K.* Sect. II. P. 6. p. 345 sq.

***) Animadvertit quoque censor; *Jen. Allg. Lit.-Zeitung* 1828. N. 222. p. 335. Coll. L. Lange l. c. p. 346

que secutus Tentzelius *) coniecerunt nostrum Hermiam fuisse illum Sozomenum, historiae ecclesiasticae scriptorem, qui saeculo quinto sub Theodosio II floruit, ducti partim nominis convenientia, partim locis quibusdam in Sozomeni Historia (I. c. 18. II. c. 5. III. c. 17. V. c. 1), ubi de gentilibus eorumque philosophis agitur **). Sane praeter nominis congruentiam nihil est in hac coniectura, quod eam verisimilem reddat. Quodsi sola nominis similitudo sufficit ad harricandum, non desunt, ut I. A. Fabricius ***) advertit, alii Hermiae, quibus non minori specie libellus tribui possit, ut Hermias martyr apud Comanos sub Antonino imperatore, cuius acta martyrii graece ex codice Florentino dedit Papebrochius in Act. SS. Maii Tom. VII. p. 424 — 427 cum latina versione H. Bollii Carthusiani ****),

*) Lambec. Comm. de Biblioth. Caes. Vindob. lib. VII. p. 54; ed. Kollar. Tom. VII. p. 115. — Tentzel. Exercitt. sel., Lips. 1692. 4^o (s. Miscellan. eccles., ibid. 1708. 4^o), P. I. p. 227 sq. et 456; coll. eiusd. *Curieuse Biblioth.* Tom. I (1704) p. 232 sqq.

**) Tentzelius in Exercitt. II. cc. etiam coniecturam proposuit, quae Hermiam Alexandrinum facit Irrisionis auctorem, Syriani auditorem, qui circa annum 450 floruit et scholia in Platonis Phaedrum scripsit. „Sed quia de Alexandrini christianismo nihil constat, Lambecio potius subscribo.“ Nimirum fuit ille philosophus ethnico-neoplatonicus. Cf. Zeller *Die Philosophie d. Griechen* (ed. 2) Tom. III. P. 2. p. 747 sqq. — Quid? Iac. Tirinus, e S. I., in indice auctorum sui in sacram scripturam commentarii (Lugd. 1632. Fol.) Tom. III. s. v. *Hermias* nostrum Hermiam temere putavit illum esse cuius Diogenes Laertius V. 3 alique meminerunt: qui quidem, amicus Aristotelis, Atarnensium fuit tyrannus. Cf. Zeller l. c. Tom. II. P. 1. p. 642. P. 2. p. 16.

***) Biblioth. gr. ed. Harl. Vol. VII. p. 114 ac Delect. argumenti. et syllab. scriptt. etc. p. 57.

****) Huius Hermiae etiam meminit Graesse *Lehrb. einer Literaturgesch.* Tom. I. P. 2 (Dresd. 1838) p. 946.

atque Hermias presbyter, quem colloquentem inducit Cyrillus Alexandrinus in Dialogis de divinitate et incarnatione unigeniti (Opp. ed. Aubert. Tom. V. P. I. p. 385—778). Deinde loci, qui ex Sozomeni Historia ad firmandam coniecturam adducuntur, nihil ad rem conferunt, ut vel primo intuitu quivis videt. Insuper, id quod etiam Caveus*) contra monuit, in omnibus codicibus manuscriptis et impressis Hermias noster philosophi nomen sortitur, quod Sozomeno nusquam tribuitur neque valde congruit cum advocati (σχολαστικῶν) arte, quam is sequebatur. Severiores vitae monachicae cultores quandoque philosophari dicti sunt; cf. Sozom. l. III. c. 17. Sed Sozomenus non fuit monachus. Etiam stilus eius, ut idem Caveus observavit, ab Hermiae stilo plurimum recedit; in hoc scriptore est concinnus et salibus undique conspersus, in illo historico simplex et inelaboratus.

Menzelius, Batavus Hermiae editor, suspicatus est (p. 5 sqq.) neque ad numerum apologetarum saeculi secundi referendum esse illum neque ante saeculum quintum vixisse.

Concedo hunc scriptorem diversam sequi a Iustini Athenagoraeque apologiis rationem. Quae quidem apologiae, sensu proprio ita dictae, si univarse loqueris, magis defendunt Christianos coram imperatoribus, h. e. adversariorum gentilium criminationes repellunt et quam iniuste Christiani opprimantur exponunt. Alii vero libri apologetici contra

*) Scriptt. eccles. historia liter., Basil. 1741. Fol., Vol. I. p. 81.

istos adversarios non intra defensionis fines consistunt, immo vehementius impetum faciunt, stulta esse demonstrantes quae gentiles habeant pro verissimis. Huc referendae sunt Iustini (?) ac Tatiani Orationes ad gentiles (*πρὸς Ἑλληνας*). Medium quoddam tenent libri ad homines privatos qui multum valebant, ut Epistola ad Diognetum et Theophili ad Autolyicum libri. Denique una tantum aliqua Christianorum doctrina singulari tractatu apologetico vindicatur, velut doctrina de uno ac solo deo: quod quidem sit Iustini (?) libello De monarchia. Eusebius H. E. IV. c. 18 testatur Iustinum libellum de anima scripsisse, in quo varias gentilium philosophorum attulerit sententias: *σχολικὸν περὶ ψυχῆς, ἐν ᾧ, διαφόρους πέρσεις προτείνας περὶ τοῦ κατὰ τὴν ὑπόθεσιν προβλήματος, τῶν παρ' Ἑλλήσι φιλοσόφων παρατίθεται τὰς δόξας*. Quid? Pariter Hermias in una re versatur: aggreditur philosophos gentiles, eos propter ipsorum maximis de rebus (de anima, de deo et mundo etc.) dissensiones facete ridens, quo maiore studio gentiles christianam philosophiam amplectantur.

Talem autem in philosophos impetum, qualem Hermias fecerit, Menzelius existimavit prorsus abhorrere ab apologetis saeculi secundi. Quamquam ipse concedit aliquam cum Hermia convenientiam cerni in libris Theophili, qui l. II. c. 4 philosophos ob absurdas eorum et inter se pugnantes de deo et mundo sententias perstringit atque l. III. c. 5 iterum eosdem exagitat ob flagitia, quae commendant (v. c. Platonem, qui voluerit communes esse mulieres), et inconstantiam in doctrina de diis.

Ὡς τῆς διανοίας τῶν οὕτως ἀκριβῶς φιλοσοφησάντων καὶ φι-

λοσοφίαν ἐπαγγελλομένων! Οἱ γὰρ ταῦτα δογματίσαντες τὸν κόσμον ἀσεβείας ἐνέπλησαν. Adde Epist. ad Diogn. c. 8: Ἡ τοὺς κενοὺς καὶ ληρώδεις ἐκείνων λόγους ἀποδέχῃ τῶν ἀξιοπίστων (ironice dictum) φιλοσόφων, ὧν οἱ μὲν τινες πῦρ ἔφασαν εἶναι τὸν θεὸν κτλ.; Etiam Athenagoram in medium proferre debebat Menzelius. Hic apologeta philosophorum studia censet esse inania (Suppl. c. 11); alium statuere aliter de deo et de materia et de formis et de mundo, quia non a deo sed a seipsis de deo discere velint (cc. 7. 24). Quid? Cum Hermia itidem consentit auctor Cohortationis ad gentiles, qui c. 1—13 (Corp. Apoll. Vol. III. p. 16 sqq.) demonstrat veritatem ex scriptoribus gentilibus non posse cognosci: neque ex poetis, quorum absurda refert commenta (c. 2), neque ex philosophis, quorum absurdiores opiniones recenset (c. 3. 4). Immo ne Platonem quidem et Aristotelem excipit; non solum enim inter se (c. 5. 6), verum et secum ipsi (c. 7) pugnant*). C. 7 (p. 36) ait: Οἱ μὲν γὰρ αὐτῶν φασὶ πῦρ εἶναι τὴν ψυχὴν, οἱ δὲ τὸν ἄέρα, οἱ δὲ τὸν νοῦν, οἱ δὲ τὴν κίνησιν, οἱ δὲ τὴν ἀναθυμίασιν, ἄλλοι δὲ τινες δύναμιν ἀπὸ τῶν ἀστρῶν ῥέουσιν, οἱ δὲ ἀριθμὸν κινήτικόν, ἕτεροι δὲ ὕδωρ γονοποιόν. Quae paene ad verbum reperiuntur apud Hermiam c. 1 §. 2: Οἱ μὲν γὰρ φασιν αὐτῶν ψυχὴν εἶναι τὸ πῦρ, οἱ δὲ τὸν ἄέρα, οἱ δὲ τὸν νοῦν, οἱ δὲ τὴν κίνησιν, οἱ δὲ τὴν ἀναθυμίασιν, οἱ δὲ δύναμιν ἀπὸ τῶν ἀστρῶν ῥέουσιν, οἱ δὲ ἀριθμὸν κινήτικόν, οἱ δὲ ὕδωρ γονοποιόν. Porro Tatianus in

*) Iustinus Apol. I. c. 4: Γινώσκετε δ' ὅτι καὶ οἱ τὰ ἐναντία δοξάσαντες καὶ δογματίσαντες τῶν παλαιῶν τῷ ἐνὶ ὀνόματι προσαγορεύονται φιλόσοφοι.

Oratione sua, paullo post Iustini Martyris mortem composita, cum irrisione acerbissima Graecis obiicit quam ridicula sint quae ad superstitionem suam tuendam proponant. Ut omittam alia, dicit nihil praeclari philosophando Graecos protulisse; philosophorum principes (ipsum Platonem et Aristotelem) suis quemque erroribus ac vitiis insignes esse: *μισεῖ μὲν ἕτερος τὸν ἕτερον, ἀντιδοξοῦσιν δὲ ἑαυτοῖς* (c. 2. 3). „Qui sapientiam dividitis a vera sapientia abscissi estis“ (c. 26)*). Assyrium maxime, sive scribendi materiam sive methodum respicias, imitatus est Hermias: cuius libellus, ut iam Maranus (p. 401) observavit, nihil aliud videtur esse quam sententiae ab illo c. 25 pronuntiatae amplificatio: *Τοῖς Πλάτωνος ἐπὶ δόγμασι· καὶ ὁ καὶ Ἐπίκουρον σοφιστεύων διαπρύσιος ἀνθίσταται σοι. Πάλιν τε εἶναι θέλεις κατὰ τὸν Ἀριστοτέλην· καὶ τις κατὰ τὸν Δημόκριτον λοιδορεῖται σοι**).*

Quodsi gentiles nullos patronos habebant meliores quam philosophos, ad quos, tamquam ad

*) Iustinus Dial. c. Tr. c. 2: *Τί ποτε δ' ἐστὶ φιλοσοφία . . . τοὺς πολλοὺς λέληθεν· οὐ γὰρ ἂν Πλατωνικοὶ ᾗσαν, οὐδὲ Στωϊκοὶ κτλ., μιᾶς οὔσης ταύτης ἐπιστήμης.* Quippe illi non divinam, quae una est, sed humanam sapientiam et hominum inventa (*τὴν σοφίαν τοῦ κόσμου τούτου*, Herm. Irris. c. 1. §. 1) secuti sunt.

**) Cf. Baur *Vorles. üb. d. chr. Dogmengesch.* Tom. I. Sect. 1 (Lips. 1865) p. 360 sq. Etiam Lucianus philosophorum dissensiones valde risit, maxime in Hermotimo: quocum libellum Hermianum comparavit Freppel: *Les apologistes chrétiens au II^e siècle. Cours d'éloquence sacrée, fait à la Sorbonne 1859—60. Par. 1860. p. 66 sqq.* — Van Senden *Gesch. d. Apologetik*, übers. v. Quack und Binder, P. I (Stuttg. 1846) p. 253: „Hermias ist ein Mann von einer unerschöpflichen satyrischen Ader, und man kommt beim Lesen seiner Schrift oft in Versuchung zu glauben, dass er ausser Tatianus, dieser Geißel der Griechen, auch Lucianus, den Voltaire der alten Welt, mit Erfolg gelesen habe.“

murum communitum (ὥσπερ ἐπὶ τεῖχος ὀχυρόν), confugere solebant (Cohort. ad gent. c. 3): potissimum eos, ut ex praecedente expositione apparet, apologetae secundi saeculi impugnabant. Id propositum habet Hermias quoque, ut in fine libri (c. 10. §. 19) aperte fatetur: Ταῦτα μὲν τοίνυν διεξῆλθον, βουλόμενος δεῖξαι τὴν ἐν τοῖς δόγμασιν οὖσαν αὐτῶν ἐναντιότητα, καὶ ὥς εἰς ἄπειρον αὐτοῖς καὶ ἀόριστον πρόεισιν ἢ ζήτησις τῶν πραγμάτων, καὶ τὸ τέλος αὐτῶν ἀτέκμαρτον καὶ ἄχρηστον, ἔργῳ μηδενὶ προδήλω καὶ λόγῳ σαφεῖ βεβαιούμενον. Opinatur Menzelius adeo ieiune verum apologetam, illis praesertim temporibus, rationem haud facile conclusisse. Non equidem confugio ad eos qui, ut Thienemannus et Fesslerus alique*), suspicantur Hermiae opusculum nonnisi fragmentum maioris libri apologetici esse, cuius altera pars perierit. Consulto non disertis ablegat verbis Hermias ad religionem christianam, divinam illam philosophiam, quae una sit absolute certa ac vere utilis sapientia, in cuius auctoritate acquiescendum sit; nam hunc esse scopum Διασυρμού facile lectores ipsi poterant concludere ex tota scriptoris expositione, praesertim quum principio animos lectorum advertisset ad illud apostoli**): ἡ σοφία τοῦ κόσμου τούτου μωρία παρὰ τῷ

*) Thienemann p. 11, van Senden l. c. p. 254, Fessler in *Wetzeri et Wellii Kirchen-Lexikon* Tom. V (Frib. 1850) p. 137, Ritter *Kirchengesch.* Tom. I (Bonn. 1854) p. 118, de Pressensé *Gesch. d. drei ersten Jahrh. d. chr. K.*, übers. v. Fabarius, P. IV (Lips. 1865) p. 260. — Perperam Tzschirner *Gesch. d. Apologetik* Tom. I (Lips. 1805) p. 259 sq. (coll. eiusd. *Der Fall d. Heidenthums*, herausg. von Niedner, Tom. I. Lips. 1829. p. 218): „Der Anfang der Schrift scheint mehr Fortsetzung, als Eingang zu einem Werke zu seyn.“

**) Vocatur ab Hermia Paulus ὁ μακάριος ἀπόστολος. Hoc

θεῶ*). Hermias δι' ἀπαγωγὴν sanctionis disciplinae eminentiam simul ac praestantiam probat. Inde etiam patescit quosnam sibi proposuerit lectores. Scripsit gentilibus; suis eos armis profligavit. Simul autem illo in philosophos impetu percellebantur ex numero Christianorum qui ad graecam philosophiam inclinabant eique incumbabant. Blande lectores gentiles alloquitur c. 1: ὁ ἀγαπητοί (Rom. 12, 19. 2 Cor. 7, 1. 12, 19. Hebr. 6, 9 al.): quo magis quae scripsit in animos demittant. Ex hac compellatione temere Worthus conclusit tractatum more orationis seu homiliae ab Hermia apud auditores suos habitum fuisse. Imitatus est autem Hermias in hac quoque disputandiratione Tatianum: qui, quamquam ipse non oratoris sed scriptoris partes sibi attribuit (c. 35: γράφειν μὲν ἀρξάμενος, c. 42: Ταῦτα ἡμῶν ... συνέταξα), auditores interdum alloqui videtur, velut quum ait c. 5: Καὶ γὰρ αὐτὸς ἐγὼ λαλῶ καὶ

epitheton ab illa aetate minime abhorret. Sic Clemens Romanus Ep. I ad Cor. c. 47 laudat primam ad Corinthios epistolam τοῦ μακαρίου Παύλου τοῦ ἀποστόλου. Sic etiam Hippolytus Refut. omn. haeres. l. VIII. c. 20 (ed. Dunck. et Schneidew.) p. 438: ἡ φωνὴ τοῦ μακαρίου Παύλου. Item Clemens Alexandrinus Strom. l. I. c. 19 (ed. Klotz.) §. 94 de Paulo: ὁ θεσπέσιος ἀπόστολος. Appellatur quoque ὁ γενναῖος (l. II. c. 22. §. 136) et ὁ καλὸς (l. V. c. 6. §. 34) ἀπόστολος.

*) In eadem video sententia versari Freppelium l. c. p. 81: „On aurait tort de regarder cette conclusion comme purement négative; car l'intention de l'auteur ne saurait être douteuse. C'est pour gagner les esprits à la religion chrétienne qu'il cherchait à les détacher des sectes philosophiques. Son but est manifeste par le texte de saint Paul qu'il choisit pour épigraphe: *la sagesse de ce monde n'est que folie aux yeux de dieu.*“ Recte addit: „Le seul reproche qu'on puisse faire au dénouement de cette pièce satirique, c'est d'être trop brusque.“ Cf. Schroeckh Chr. Kirchengesch. P. III (ed. 2) p. 145 et Aschbach Allgem. Kirchen-Lexikon Tom. III. p. 243.

ὑμεῖς ἀκούετε, et c. 17: Λύπεσθ, ὦ Ἕλληνες, κεκράγους ὥσπερ ἀπὸ τοῦ μετεώρου κατακούσατέ με.

Tum Menzelius Hermiam de numero apologetarum christianorum secundi saeculi eximit, „quod vanum esse omne philosophiae studium audacter pronuntiet.“ Minime vero, quod illum virum doctum fugit, Hermias philosophiam respuit divinam, a qua ipse φιλοσόφον nomen duxit, sed ab hominibus profectam. Nee prorsus abhorrent alii saeculi secundi apologetae, ut in promptu est ex iis quae supra dixi. Sine discrimine omnes philosophos Hermias irridet, sicut Tatianus. Aliquot apologetae agnoscunt quidem nonnulla veritatis vestigia apud gentiles (Ἕλληνας), imprimis apud Platonem: ita ut, etiamsi in evangelio maiorem gravitatem et auctoritatem inesse censerent quam in philosophia platonica, haec tamen tamquam illius προπαιδεία videretur esse. Quam cognationem in quibusdam doctrinis conspicuam duplici modo natam esse exponunt: aut inde (ut Iustin. et Theophil.; coll. ad Autol. I. c. 14. p. 42 meae edit. ibique n. 5) quod philosophi gentiles ex scriptis veteris testamenti hauserint, aut (ut idem Iustin., coll. Athenag. Suppl. c. 7. p. 34 et 36 meae edit. ibique n. 6) quod illi philosophi λόγον particulam (μέρος sive σπέρμα) omnibus hominibus a deo insitam recte usurpaverint. Quaecunque hoc modo philosophi praeclare disputarunt, ea sunt Christianorum; sed quia non omnia quae sunt τοῦ παντός λόγον h. e. Christi intellexerunt, saepe absurda et inter se contraria pronuntiarunt.*) At vero pror-

*) Cf. librum meum De Iustini Mart. scriptis et doctrina p. 81 sqq.

sus aliter sentit Tatianus. Recte van Senden*): „Der Strom der Vertheidigungskunst hatte während der Zeitperiode der Antonine hauptsächlich eine doppelte Richtung genommen; die eine schlängelte sich gegen den Hellenismus hin und suchte diesen Weltfluss in sich aufzunehmen, die andere wandte sich von demselben ganz ab und wollte damit als mit einem Sumpfe von Lügen und Ungerechtigkeit Nichts gemein haben. In Justinus sah man zwar beide Richtungen vereinigt. Mit Tatianus und Hermias breitete die letztgenannte sich aus, und der Gnosticismus drängte viele Lehrer der katholischen Kirche in dieselbe.“ Atque doctissimus ac mihi amicissimus H. A. Daniel**): „Die Kirchenlehrer der ersten Jahrhunderte theilten sich in zwei grosse Reihen, von denen die eine die Philosophie als vorbereitendes ja wohl erläuterndes Element gelten lässt, die andere sie mit Heftigkeit dem Reiche der Dämonen überantwortet. Tatianus gehört zu den letztern und muss als erster Repräsentant dieser antiphilosophischen Richtung betrachtet werden; denn obgleich Justinus etwas verschiedene Ansichten über griechische Weisheit darlegt, so erscheint doch als Gesammtsinn derselben, dass in der hellenischen Philosophie, die mit dem Evangelium aus einer Quelle, dem göttlichen Logos, geflossen sei, sich Erscheinungen darbieten, welche der Christenlehre zwar tief untergeordnet, aber ihr nicht ganz unverwandt sind. Allerdings entlehnten auch nach Tatian's

*) L. c. p. 254.

**) *Tatianus der Apologet* p. 122 sq.

Meinung die Philosophen von Hellas Vieles aus den heiligen Schriften der Barbaren, aber sie verderbten und verfälschten die Wahrheit auf das Unwürdigste. C. 40. §. 61: *Πολλοὶ οἱ κατ' αὐτοὺς σοφισταί, κεχρημένοι περιεργία, τὰ ὅσα παρὰ τῶν κατὰ Μωσέα καὶ τῶν ὁμοίως αὐτῷ φιλοσοφούντων ἔγνωσαν καὶ παραχαράττειν ἐπειράθησαν, πρῶτον μὲν ἵνα τι λέγειν ἴδιον νομισθῶσι, δεύτερον δὲ ὅπως, τὰ ὅσα μὴ συνίεσαν διὰ τινος ἐπιπλάστον ῥητολογίας παρακαλύπτοντες, ὡς μυθολογίαν τὴν ἀλήθειαν παραπροσβεύωσι.* So ist nur bei den Barbaren die Wahrheit, bei den Philosophen nur Irrthum; sie wissen durchaus nichts von Gott, und wenn sie von göttlichen Dingen mit einander reden, so ist es als spräche ein Blinder mit einem Tauben (c. 26. §. 43). Alle, welche daher aus ihren Schriften Erkenntniss schöpfen wollen, gleichen den Danaiden mit dem trügerischen Siebe (§. 42); ja ihre Bücher führen zur Verdammniss (*καταδίκης ἔχει τρόπον*, c. 29. §. 47).“ Et cum Tatiano, uti vides, omnino consentit Hermias. Quapropter non video, cur apologetis secundi saeculi nequeat adnumerari.

Neque, id quod etiam fugit Menzelium, alii illa aetate abhorrebant a dura ista rigidaque Tatiani et Hermiae sententia. Etenim teste Clemente Alexandrino Strom. I. VI. c. 10 (ed. Klotz.) §. 80 philosophiam graecam (*τὴν ἐλληνικὴν φιλοσοφίαν*) fugiebant quidam ut pueri larvas. Existimabant illam philosophiam ad hominum perniciem in vitam venisse, ut quae profecta sit a maligno aliquo inventore, h. e. a diabolo: I. I. c. 1. §. 18 et c. 16. §. 80. Nonnulli, ut idem Clemens refert, universam philo-

sophiam (τὴν πᾶσαν φιλοσοφίαν) dicebant non a deo (l. VI. c. 17. §. 156) ortam esse, sed a quibusdam angelis in terram delapsis (l. I. c. 16. §. 80), imprimis a diabolo (l. VI. c. 3. §. 66)*). Istos philosophiae inimicos vehementer l. VI. c. 17. §. 159 improbat: Πῶς οὖν οὐκ ἄτοπον τὴν ἀταξίαν καὶ τὴν ἀδικίαν προσνέμοντας τῷ διαβόλῳ ἐναρέτου πράγματος τοῦτον τῆς φιλοσοφίας δοτῆρα ποιεῖν; Pariter autem Hermiae (c. 1. §. 1) videtur sapientia huius mundi cepisse principium ἀπὸ τῆς τῶν ἀγγέλων ἀποστασίας. Probe igitur Neander**): „In diesem Hermias erkennen wir jene von Clemens Alex. eifrig bekämpfte Parthei leidenschaftlich befangener Feinde der griechischen Philosophie, Solche, welche die griechische Philosophie nach jenem jüdischen Märchen von der Mittheilung gefallener Engel ableiteten***).“

Quoniam ergo, ut liquet ex iis quae disserui, Hermiae opusculum optime quadret ad illud tempus, h. e. secundi saeculi extremum (180 – 200),

*) Coll. l. I. c. 17. §. 81: ἄγγελος, μαθὼν τι τῆς ἀληθείας καὶ μὴ καταμείνας ἐν αὐτῇ (h. e. diabolus), ταῦτα ἐνέπνευσε καὶ κλέψας ἐδίδαξεν.

**) *Allg. Gesch. d. chr. Relig. u. Kirche*, ed. 2 (Hamb. 1843) Tom. I. P. 2. p. 1162. Coll. p. 918 sqq.

***) Neander l. c. p. 923: „Die heftigsten Gegner der freien Richtung (wie sie von dem Alexandriner Clemens vertreten wurde) schlossen sich, um die Beschäftigung mit der griechischen Philosophie ganz zu verdammen, an das in dem apokryphischen Buche Henoch [cf. Tertull. de cultu fem. l. c. 3] vorgetragene jüdische Märchen an, dass alle höheren Erkenntnisse den Heiden auf eine unrechtmässige Weise durch die Mittheilung gefallener Geister zugekommen seyen, und sie machten alle Philosophen der Heiden ohne Unterschied zu Organen des bösen Geistes.“ Adde eiusd. *Christl. Dogmengesch.*, herausg. v. Jacobi, P. I (Ber. 1857) p. 58. Coll. Potter. ad Clem. Al. Strom. l. I. c. 17. p. 366. n. 7.

nobis non opus est ut seriora circumspiciamus tempora *).

Iam Galeus (ap. Wörth. p. 214 not. 5), nondum in scirpo quaerens, ad verba Irris. c. 1. §. 2 *Οἱ μὲν γὰρ φασιν αὐτῶν ψυχὴν εἶναι τὸ πῦρ κτλ.* adnotavit, hinc constare Hermiam quaedam e Theodoreti († 457) Therapeuticis desumsisse. At supra (p. XXXIX) ostendi Hermiam illo loco paene ad verbum consentire cum Cohortatione ad gentiles, Iustini nomen prae se ferente. Cf. Irris. c. 1. n. 8. Neque usquam alibi in Hermia occurrunt quae ex Theodoro vel alio scriptore post saeculum secundum vivente sint deprompta. Ista Galei coniectura deceptus, Wörthus quoque (in praefat. ad edit. suam p. XIV) Hermiam ad recentiorem aetatem referendum contendit, sed nullo verbo probavit.

Horum autem Anglorum auctoritatem secutus est Menzelius. Qui: „Quodsi,“ inquit (p. 25 sq.), „inquirimus in ea quae Hermiam, si vixerit saeculo quinto aut etiam serius, ad edendum opusculum suum impellere potuerint, multa (?) offendimus quae sine dubio hac aetate (?) foverunt apud Christianos odium philosophorum. Primo loco tunc temporis eadem valebat in philosophiam criminatio, quam etiam saeculi secundi patres (v. c.

*) Ex numero theologorum recentiorum, sed antiquiorum Menzelio, nonnullos saltem memoro; ad illud tempus opusculum Hermianum etiam referunt qui scripserunt 1^o historiam ecclesiasticam: Stäudlin p. 62, Henke ed. 5. Tom. I. p. 127, Io. E. Chr. Schmidt ed. 2. Tom. I. p. 486, — 2^o historiam dogmatum: Münscher-Coelln Tom. I. p. 99, Baumgarten-Crusius *Lehrb.* Tom. I. p. 176 et *Compend.* Tom. I. p. 65. 82, Lentz Tom. I. p. 86.

Irenaeus adv. haeres. II. c. 14. p. 133 ed. Mass. et Tertullianus de praescript. haeret. c. 7. de anima cc. 3. 17 [adde Hippolyt. Refut. omn. haer. I. I. c. 1 p. 6]] ei obiecerant, nempe ex ea potissimum haereses originem habere; imprimis saeculo IV hoc nomine male audiit philosophia neoplatonica, cui arianam deberi haeresin multi contendebant (Gregor. Naz. Orat. 36 et Hieronym. adv. Lucifer. T. II. p. 142 ed. Martian.). Sic v. c. apud Socratem lib. I. p. 32 Ariani vocantur *Προφνηταί*. Secundo loco Iuliani *ἀποστασία*, quae, ut res ipsa loquitur, vehementem movit Christianorum indignationem. Tertio denique loco hic in censum venire posset invidia, quam fortasse excitavit apud nonnullos scriptorum classicorum, imprimis philosophorum, studium, quod apud Christianos post Basilii Magni Gregoriorum Nazianzeni tempora quodammodo efflorescere coeperat, qua in causa unum nominasse sufficiat Ptolemaidis episcopum Synesium, diu gentilem, Platonis admiratorem et imitorem." — His argumentis paullo altius petitis omnes prorsus deesse nervos probandi, quivis videt vel primo intuitu; quae quum nullius sint pretii, intacta relinquo.

Quid igitur? Hermiae opusculum, ut luce clarius ex eius contextu apparet, vigente adhuc gentilismo scriptum est, id quod iam Dupinus, Caveus, Tillemontius, Lardnerus, Dommerichius monuere. Itaque de variis philosophantium sectis Hermias non aliter loquitur, ac si in scholis etiam tunc regnarent: nempe Platonicos, Peripateticos, Stoicos, Pythagoreos, Epicureos, alios ridet, auctorum

et coryphaeorum absurdas ac pugnantes inter se sententias de rebus gravissimis proponens. Tzschirnerus*): „In das zweite oder in das dritte Jahrhundert gehört Hermias auf jeden Fall, theils weil die Lebendigkeit seines Widerspruchs auf eine Zeit führt, wo noch die Schulen der griechischen Philosophen blüheten, theils weil er ein Philosoph genannt wird und desshalb ebenso wie Justinus und Athenagoras auch nach seinem Uebergange zum Christenthume in seinem Aeussern als Philosoph sich angekündigt zu haben scheint, was in spätern Zeiten nicht leicht geschah. Ob er aber in die letzten Decennien des zweiten Jahrhunderts oder in die ersten des dritten zu setzen sey, wage ich nicht zu entscheiden“ **).

Verum enimvero quinto saeculo et sexto nec gentilismus vigeat neque in scholis regnabant variae philosophorum sectae. Namque saeculo quinto gentiles sive „pagani“ (sic primum dicti in lege Valentiniani I a. 368: Cod. Theodos. XVI. 2, 18) pagos quaerebant, ut iam anno 423 vix ulla eorum vestigia amplius exstarent (Theodos. II in Cod. Theod. XVI. 10, 22), et pauci tantum supererant philosophi neoplatonici***), in umbraculis latitantes et sexto saeculo (a. 529) a Iustiniano I Athenis, ultimo eorum

*) *Der Fall d. Heidenth.* p. 218 sq.

**) Idem praeeunte Marano (p. 401) statuerunt Schroeckh l. c. P. III p. 144 et Lumper *Histor. theol.-crit. de vita, scriptis atque doctr. SS. Patrum* P. III (Aug. Vind. 1784) p. 123.

***) Augustinus in libris c. Academ., anno 386 scriptis, testatur l. III. c. 19: „Nunc philosophos non fere vidimus, nisi aut Cynicos aut Peripateticos aut Platonicos. Et Cynicos quidem, quia eos vitae quaedam delectat libertas atque licentia.“

refugio, expulsi*). Idem imperator paganis, qui supererant, baptismum obtrusit. Atque Hermias, si „saeculo quinto aut etiam serius“ Irrisionem scripsisset, certe hanc opportunitatem istos philosophos, quamvis tunc in angulis latitarent, eorumque *γλῶσσας* exagitandi non dimisisset. Constat enim philosophiam neoplatonicam inde ab ineunte saeculo p. Chr. n. tertio, quo orta est, summam apud gentiles auctoritatem obtinuisse et Christianis, maxime saeculo quarto, valde odiosam fuisse. At ne unum quidem Hermias illius aetatis philosophum obiter tetigit, ut Plotinum vel Porphyrium vel Proclum. Aliiter rem tractarunt, nec gentilium sed potius Christianorum causa in diversas inter se opiniones philosophorum, recentiorum pariter atque veterum, oblata occasione inquisiverunt Socrates Scholasticus, qui Hist. Eccl. l. III. c. 23 contra Libanium aliosque sub Iuliani imperio philosophos gentilium erudite disseruit, et Theodoretus Cyri episcopus in Therapeuticis**): ad quos, coniecturam suam ut stabiliret, Menzelius minus apte provocavit.

Quid plura? Finem impeno disputationi, addens quae Moehlerus***) scite monuit: „Manches spricht für ein hohes Alterthum der Schrift des Hermias. Wir zählen dahin seine Ansicht von dem Ursprunge

*) Cf. H. Kellner *Hellenismus und Christenthum* (Colon. 1866) p. 391. 412.

**) Vid. van Senden l. c. p. 327 sqq.

***) *Patrologie* Tom. I (Ratisb. 1810) p. 304 sq. Comp. van Senden l. c. p. 251: „Schwerlich wird man die Schrift des Hermias in eine so späte Zeit setzen können, worin Ruhe herrschte und der Sieg über die Philosophie schon erlangt war; denn die Lebendigkeit und Wärme deutet auf Tage heftiger Reibung, die Funken sprühen machte.“

der heidnischen Philosophie als einer Gabe der Dämonen, ferner die ganze Haltung seiner Polemik, welche durchgehends an das erste jugendkräftige Zusammenstossen der neuen christlichen Lehre mit der hellenischen Philosophie erinnert, und die nach den siegreichen Fortschritten des Christenthums, wie überhaupt, so auch in der Wissenschaft schon im Verlaufe des dritten Jahrhunderts eine etwas verschiedene Gestalt und Richtung annahm.“

Adhuc nemo*) istam Menzelii coniecturam amplexus est et assensione comprobavit, sed omnes post eum viri docti, ex fontibus haurientes et in scriptis veterum Christianorum volutati, qui, ut Neander et Baur, data occasione iudicium hac de causa fecerunt**), Hermiam nostrum iure meritoque apologetis adnumerarunt saeculi secundi.

*) Si unum exceperis Wagenmannum in *Herzogii Real-Encyclopädie f. protest. Theol. u. Kirche* Tom. VI (Stuttg. 1856) p. 5. Etiam Gieseler (*Lehrb. d. Kirchengesch.* Tom. I. P. 1, Bonn. 1844, p. 208), postquam de apologetis saeculi secundi egit, ait: „Dagegen ist des Hermias *Διασκευὸς τῶν ἔξω φιλοσόφων* in eine spätere Zeit zu setzen.“ Alzog l. c. p. 79 (coll. eius *KG.* ed. 5. p. 134) saeculo tertio adscripsit.

**) Permaneder *Biblioth. patr.* Tom. I. Landish. 1841. p. 24. Tom. II. 1842. p. 206 sq., Neander l. c. ed. 2. 1843. Tom. I. P. 2. p. 1162, Bähr in *Pauly Real-Encycl. d. class. Alterthumswiss.* Tom. III. Stuttg. 1844. p. 1215 sq., L. Lange *Lhrb. d. KG.* Lips. 1846. p. 142 (coll. *Ersch. et Grub. Allg. Encycl.* Sect. II. P. 6. p. 346), Fessler *Institut. patrol.* Tom. I. Oenip. 1850. p. 226, Kontogonis *Φιλολ. u. κριτ. ιστορία τῶν — ἀγίων τ. ἐκκλησ. πατέρων.* Tom. I. Athen. 1851. p. 269 et eiusd. *Ἑκκλησιαστ. ιστορία.* Tom. I. Athen. 1866. p. 209, Kurtz *Hdb. d. KG.* ed. 2. Tom. I. Mitav. 1858. p. 367, Hasse *KG.* P. I. Lips. 1864. p. 42, Baur l. c. 1865. p. 258, de Pressensé l. c. 1865. p. 260, Niedner *Lhrb. d. KG.* Ber. 1866. p. 264, Hase *KG.* ed. 9. Lips. 1867. p. 55. — Adde Ritter *Gesch. d. christl. Philos.* P. I. Gott. 1841. p. 344, Charpentier *Studd. üb. d. KVV.*, übers. v. Bittner, Mog. 1855. p. 252, Zeller l. c. Register. 1868. p. 11.

**HERMIAE PHILOSOPHI
IRRISIO GENTILIIUM PHILO-
SOPHORUM.**

¹ ΕΡΜΕΙΟΥ ΦΙΛΟΣΟΦΟΥ
ΔΙΑΣΤΡΩΜΟΣ ΤΩΝ ΕΞΩ ΦΙΛΟΣΟΦΩΝ.

1. Π¹αῦλος ²ὁ μακάριος ἀπόστολος τοῖς [³τὴν Ἑλλάδα τὴν ^{P. 175}
Λακωνικὴν παροινοῦσι] Κορινθίοις γράφων, ὃ ἀγαπητοί, ⁴ἀπε- §.1
φῆνατο, λέγων ⁵Ἡ σοφία τοῦ κόσμου τούτου μαρὰ τῷ
θεῷ (οὐκ ἀσκόπως εἰπὼν· δοκεῖ γάρ μοι τὴν ἀρχὴν εἰληφέναι
ἀπὸ τῆς τῶν ἀγγέλων ⁶ἀποστασίας), δι' ἣν αἰτίαν ⁷οὐδὲ σύμ-
φωνα οὐδὲ ὁμόλογα οἱ φιλόσοφοι πρὸς ἀλλήλους λέγοντες ἐκτί-
θενται τὰ δόγματα. ⁸Οἱ μὲν γάρ φασιν αὐτῶν ψυχὴν εἶναι 2

1. ΕΡΜΕΙΟΥ κτλ.] Vid. Prolegg. c. VI „De inscriptione et aetate Irrisionis,” p. XXXIII sq.

2. ὁ μακάριος ἀπόστολος] Cf. l. c. p. XLI sq.

3. τὴν Ἑ. τ. Λακ. παροιμ.] Sic omnes codd. msti (Vind. Mon. 1. 2. 3. Ottob. Leid. Angl. Vat.) et editi (Seil. Wolf. Morell. Duc. Worth. Maran. Dommer. Menz.) habent. Quae verba vereor ne ab homine male sedulo in marg. codicis vel supra lineam adscripta (caeterum pro Λακωνικὴν exspectabas Ἀργολικὴν) et inde per librarii incuriam textui infulta sint (cf. n. 8): ideoque cancellis inclusi. Mallet Menzelius ea delere. Nam Hermias, qui Graecis scribebat, cur addiderit, nemo dicet.

4. ἀπεφῆνατο κτλ.] Seil. Mor. Duc. Mar. inepte interpunxerunt sic: ἀπεφῆνατο λέγων· ἡ σοφία ... τῷ θεῷ, οὐκ ἀσκόπως εἰπὼν. Δοκεῖ γάρ μοι ... ἀγγέλων ἀποστασίας, δι' ἣν (Mar. ἀποστασίας

δι' ἣν) αἰτίαν κτλ. Sic etiam Wolf., qui verbis ἀγγέλων ἀποστασίας addidit: ὁ θεὸς πάντα ἡ φθορά. Δι' ἣν αἰτίαν κτλ. Sed illud ὁ θεὸς π. ἡ φθορά ne uno quidem cod. msto firmatur. Worth. Domm. Menz.: ἀπεφῆνατο ... τῷ θεῷ. Οὐκ ἀσκόπως εἰπὼν· δοκεῖ γάρ μοι ... ἀγγέλων ἀποστασίας. Δι' ἣν (Worth. ἀποστασίας· δι' ἣν) αἰτίαν κτλ. Menzelius commation οὐκ ἀσκόπως ... ἀποστασίας, per parentheses positum, coniecit manus alienae additamentum esse et idcirco ex textu eiiciendum. Non muto. Pro εἰπὼν alius (Nolt.) εἶπεν legit.

5. Ἡ σοφία ... θεῷ] Ep. I ad Corinth. 3, 19.

6. ἀποστασίας] Seil. ἀπὸ τοῦ θεοῦ. De sententia adeas Prolegg. p. XLV sq. Paullo ante desunt in Mon. 3 verba ἀπὸ τῆς.

7. οὐδὲ ... οὐδὲ] H. e. ne — quidem ... neque. Wolf. et Menz.

HERMIAE PHILOSOPHI IRRISIO GENTILIIUM PHILOSOPHORUM.

1. **P**aulus beatus apostolus Corinthiis [iuxta Graeciam Laconicam habitantibus] scribens, dilecti, pronuntiavit, dicens *Sapientia mundi huius stultitia est apud deum* (haud praeter rei veritatem locutus: videtur enim mihi principium cepisse ab angelorum defectione), cur neque verbis neque sententiis consentanea inter se philosophi dicant, quum placita exponunt. Nam eorum alii dicunt animam esse ignem, alii aerem,

dederunt οὐτε . . . οὐθ'. Etsi non mala emendatio, tamen non prorsus necessaria. Mox Seilero (in marg.) pro ὁμόλογα videtur ὁμολογούμενα scribendum esse: qua mutatione lubenter caremus.

8. Οἱ μὲν γάρ . . . οἱ δὲ τὴν μονάδα] Eadem fere verba Οἱ μὲν γάρ usque ad γονοποιόν exstant, ut Prolegg. p. XXXIX monui, in Cohort. ad gent. c. 7; aut mutuatus est Hermias ab auctore Cohortationis, aut uterque ex uno et eodem fonte hausit. — Praeunte autem Seilero (c. Mon. 2) omnes editores praeter Wolfium et Menzelium exhibent haecce: Οἱ μὲν γάρ φασιν αὐτῶν ψυχὴν εἶναι τὸ πῦρ, οἷον Δημόκριτος· τὸν ἄερα, οἱ Στωϊκοί· οἱ δὲ τὸν νοῦν· οἱ δὲ τὴν κίνησιν, Ἡράκλειτος· οἱ δὲ τὴν ἀραθυμίαν· οἱ δὲ δύναμιν ἀπὸ τῶν ἄστρων ῥέουσιν· οἱ δὲ ἀριθμὸν κινήτικόν, Πυθαγόρας· οἱ δὲ ὕδωρ γονοποιόν, Ἰππων· οἱ δὲ στοιχεῖον

ἀπὸ στοιχείων· οἱ δὲ ἁρμονίαν, Δείναρχος· οἱ δὲ τὸ αἷμα, Κριτίας· οἱ δὲ τὸ πνεῦμα· οἱ δὲ τὴν μονάδα, Πυθαγόρας. Quae quidem corrupta esse nemo non videt. Seilerus (in marg.) coniecit ante τὸν ἄερα esse reponendum οἱ δὲ et singulis opinionum auctoribus οἷον praemittendum: οἷον οἱ Στωϊκοί — οἷον Ἡράκλειτος et sic porro. Quas Seileri coniecturas Wolfius in ipsum textum importavit; idem, ut repetitione nominis Pythagorae supersederet, verba οἱ δὲ τὴν μονάδα, Πυθαγόρας omisit, iis autem quae aulea (de Pythagora) leguntur, οἱ δὲ ἀριθμὸν κινήτικόν, adiecit καὶ μονάδα. Cum illo textu vulgari consentiunt omnes codd. mslī, nisi quod Angl. Mon. 3. Vat. offerunt ψυχὴν εἶναι, δημόκριτος (hanc vocem Angl. etiam in marg. habet) τὸ πῦρ, οἷον τὸν ἄερα οἱ στωϊκοί (in Angl. οἱ στωϊκοί abest). Vind. Mon. 1. Ottob.

⁹ τὸ πῦρ, οἱ δὲ τὸν ἀέρα, οἱ δὲ τὸν νοῦν, οἱ δὲ τὴν κίνησιν, οἱ δὲ τὴν ἀναθυμίασιν, ¹⁰ οἱ δὲ δύνανται ἀπὸ τῶν ἄστρον ῥέουσιν, C οἱ δὲ ἀριθμὸν κινητικόν, οἱ δὲ ὕδωρ γονοποιόν, οἱ δὲ τῶν τεσσάρων στοιχείων ἁρμονίαν, ¹¹ οἱ δὲ τὸ αἷμα, οἱ δὲ τὸ πνεῦμα, οἱ δὲ τὴν μονάδα, ¹² καὶ ἄλλοι πολλοὶ [αὖ] τὰ ξυναντία. Πόσοι ¹³ λόγοι περὶ τούτων! Ἐπιχειρήσεις πόσαι! ¹⁴ Πόσαι δὲ καὶ σοφιστῶν, ἐριζόντων μᾶλλον ἢ τάληθες εὐρισκόντων!

praebent ψυχὴν εἶναι τὸ πῦρ· οἷον τὸν ἀέρα οἱ στωϊκοί, ita tamen, ut supra verba τὸ πῦρ positum sit δημόκριτος. Leid. legit στωϊκοί, sine articulo. Angl. paullo post γονοποιούν pro γονοποιόν. Angl. Mon. 3. Vat. εἶπον pro Ἰππων. Mon. 3. et Vat. δῖναρχος pro Δειναρχος (scribendum erat Δικαίαρχος). Mon. 3. κρατείας pro Κριτίας. Iam vero Galéus recte monuit omnia istic philosophorum nomina scholiastae deberi et e margine venisse in textum (Heracliti nomen, quod ad ἀναθυμίασιν pertinet, librarii inepte post κίνησιν posuerunt), ideoque Menzelius expunxit et sic legit ut supra in textu admisi: Οἱ . . . τὸ πῦρ, οἱ δὲ (pro οἷον, quod in codd. comparet) τὸν ἀέρα, οἱ δὲ κτλ. Sed apud Menzelium commation οἱ δὲ ἁρμονίαν mendose e textu excidit. Equidem pro vulg. οἱ δὲ στοιχεῖον ἀπὸ στοιχείων, οἱ δὲ ἁρμονίαν rescripsi οἱ δὲ τῶν τεσσάρων στοιχείων ἁρμονίαν. Cf. infra n. 10.

9. τὸ πῦρ κτλ.] Animam esse ignem praeter Democritum, quem scholiasta (n. 8) attulit (Aristot. De anima I. c. 2 et Plutarch. De placit. philos. IV. c. 3), etiam Hipparchus (Hippasus) et Heraclitus (Tertullian. De anima c. 5 coll. Plut. I. c. I. c. 3) affirmarunt. —

Οἱ δὲ τὸν ἀέρα cfr. Plut. I. c. IV. c. 3: Οἱ δ' ἀπ' ἀναξαγόρου ἀεροειδῆ ἔλεγον τε καὶ σῶμα. Adde I. V. c. 15 (de Herophylo) et Aristot. I. c. (de Diogene). Hippolytus Refut. omn. haeres. I. c. 21: Stoici animam dicunt esse corpus καὶ γενέσθαι ἐκ τῆς περιψύξεως τοῦ ἀέρος τοῦ περιέχοντος, διὸ καὶ καλεῖσθαι ψυχὴν. Cf. Gataker. ad Antonin. IV. c. 21. — Οἱ δὲ τὸν νοῦν, ut Anaxagoras et Democritus (Aristot. I. c.), quibus accedit Plato (Plut. I. c. IV. c. 2) in Phaedro p. 245 C. sqq. et in Phaedone p. 77 D. sqq. — Οἱ δὲ τὴν κίνησιν, Thales scilicet (Aristot. et Plut. II. cc.). — Heraclitus teste Plutarcho I. c. IV. c. 3 (coll. Aristot. I. c.) statuit τὴν μὲν τοῦ κόσμου ψυχὴν ἀναθυμίασιν ἐκ τῶν ἐν αὐτῷ ὕδατων κτλ. Cf. Zeller Die Philos. d. Griechen (ed. 2) Tom. I. p. 479 sq.

10. οἱ δὲ δύνανται κτλ.] Illa opinio, animam esse vim ex astris fluentem, pertinet ad Alcmaeonem (Aristot. I. c.) et Platonem (Tim. p. 41 D. sqq.). Cf. Zeller. I. c. p. 358. n. 3 et Tom. II. P. 1. p. 526. Hoc traditur, ut Wolf. adnotavit, etiam in Antholog. gr. ed. Steph. p. 494. — Οἱ δὲ ἀριθμὸν κινητικόν, scil. Xenocrates (Cicer. Tusc. I. c. 10). Per-

alii mentem, alii motionem, alii exhalationem, alii vim a sideribus promanantem, alii numerum vi movendi praeditum, alii aquam genitalem, alii quattuor elementorum harmoniam, alii sanguinem, alii spiritum, alii unitatem, et alii multi [rursus] contraria. Quot de his sententiae! Quot argumentationes! Quot item sophistarum, contendendum magis quam veritatem invenientium!

peram scholiastes in marg. (vid. n. 8), Plutarchus l. c. IV. c. 2 et alii eandem sententiam tribuerunt Pythagorae, ut docet Zeller l. c. Tom. I. p. 323 sq. — *Οἱ δὲ ὕδωρ γονοποιόν*, velut Thales (Tertull. l. c. et Macrobr. in Somn. Scip. I. c. 14) et Hippo (Aristot. l. c. et Hippol. l. c. I. c. 16). — Pergit Hermias in codd. mstis et editis (coll. n. 8): *οἱ δὲ στοιχεῖον ἀπὸ στοιχείων· οἱ δὲ ἁρμονίαν (Διναρχος)*. Illud *στοιχεῖον ἀπὸ στοιχείων* „obscurum est et aenigmatis instar,” ut Wolf. ait, addens: „modo scriptura non fallat.” Dommerichius verba Plutarchi l. c. attulit: *Δικαίαρχος [ἀπεφήνατο τὴν ψυχὴν] ἁρμονίαν τῶν τεσσάρων στοιχείων*. Inde recte suspicatus est Menzel. legendum fortasse *οἱ δὲ δ' στοιχείων ἁρμονίαν*, „quod facile in lectionem vulgatam potuit corrumpi.” Idque in textum reposui, sed pro *δ'* scripsi *τῶν τεσσάρων*. Idem statuere videtur Zeller. l. c. Tom. II. P. 2. p. 719.

11. *οἱ δὲ τὸ αἷμα κτλ.* Critias dixit animam ex sanguine constare (Aristot. l. c.). Etiam Empedocles animam inesse contendit *ἐν τῇ τοῦ αἵματος συστάσει* (Plut. l. c. IV. c. 5). — *Οἱ δὲ τὸ πνεῦμα*, scil. Stoici, ut Zeller. l. c. Tom. III. P. 1 p. 180 expo-

suit. — *Οἱ δὲ τὴν μονάδα*, velut Pythagoras ex scholiastae (cf. n. 8) sententia. Unitatem quidem principium omnium dicit Pythagoras (Justin. Cohort. ad gent. cc. 4. 18 et Plut. l. c. I. c. 3), at non dicit animam esse unitatem. Cf. Zeller. l. c. Tom. I. p. 322. Fortasse hoc commation ab interpolatore originem habet, ut Menzelio videtur.

12. *καὶ ἄλλοι πολλοὶ [αὖ] τὰ ἐναντία* Sic refingendum est pro vitiosa omnium codd. mstorum et editorum scriptura *καὶ οἱ παλαιοὶ τὰ ἐναντία*. De sola vocula *αὖ* (*hinwiederum*, c. 2. §. 4. p. 176 A) dubito num genuina sit. Alii aliter legendum coniecerunt: *καὶ ἄλλοι αὖ ἐναντία* (Gal.), aut *καὶ οἱ* [sic; fort. *ἄλλοι*] *πάλιν τὰ ἐναντία* (Marran.), aut *καὶ ἄλλοι αὖ τὰ ἐναντία* (Menz.), aut *καὶ οἱ δὲ πάλιν αὖ τὰ ἐναντία* (Nolt.).

13. *λόγοι*] Wolf. addit *φιλοσόφων*, ut philosophos a sophistis, qui sequuntur, distinguat.

14. *Πόσαι δὲ*] Scil. *ἐπιχειρήσεις*. — Wolfius: „Sophistae appellantur, auctore Cicerone ac Platone potius, qui quaestus aut gloriolae gratia philosophantur. Et quidem inter eos, qui philosophorum nomen sibi arrogarunt, plerique sophistae extiterunt: nec alium sibi finem proposuerunt, nisi ut no-

2. ¹ Ἀλλὰ γὰρ ἔστω· στασιάζουσι μὲν περὶ τῆς ψυχῆς, 3 τὰ δὲ λοιπὰ περὶ αὐτῆς ὁμονοοῦντες ἀπεφάναντο. ² Καὶ ἄλλοι τὴν ἡδονὴν αὐτῆς ὁ μὲν τις ἀγαθὸν καλεῖ, ὁ δὲ τις κακόν, ὁ δ' αὖ μέσον ἀγαθοῦ καὶ κακοῦ. ³ Τὴν δὲ φύσιν αὐτῆς οἱ μὲν ⁴ ἀθάνατόν φασιν, οἱ δὲ θνητήν, ⁵ οἱ δὲ πρὸς ὀλίγον ἐπιδιαμένουσιν, ⁶ οἱ δὲ ἀποθηριούσιν αὐτήν. οἱ δὲ εἰς ἀτόμους διαλύουσιν, ⁷ οἱ δὲ τρεῖς ἐνσωματοῦσιν, οἱ δὲ τρισχιλίων ἐτῶν πε-

vitale opinionum frequentes auditores ad se pellicerent, ab iisque aut nummos acciperent aut novi auctores cum admiratione vulgi haberentur.“ — Prius πόσαι (post ἐπιχειρ.) omisum est in Mon. 3 et Vat. Habet Vind. σοφιστικῶν, non σοφιστῶν. Seil. (in marg.) opinatur particulam καὶ redundare et pro σοφιστῶν mavult φιλοσόφων. In versione praebet: *quot philosophorum et sophistarum*. Maran. commendat: Πόσαι δὲ καὶ σοφιστῶν ἐπιχειρήσεις. Thienemannio placet aut prius πόσαι delere aut ex altero πόσαι efficere πόσοι. Menz. coniicit pro ἐπιχειρ. πόσαι κτλ. reponendum: ἐπιχειρήσεις πόσαι σοφῶν τε καὶ σοφιστῶν κτλ. Noll.: Πόσαι . . . εὐρισκόντων φλυαρία! Eiusmodi coniecturas referre piget.

1. Ἀλλὰ γὰρ ἔστω κτλ.] Transi- tio a natura seu substantia animi [c. 1: Οἱ μὲν γὰρ φασιν αὐτῶν ψυχὴν εἶναι τὸ πῦρ κτλ.] ad eius affectiones. Est autem Hermias figurata concessione usus per subiectionem: quasi dicat adversarius: Ut ortum animi ignorarint philosophi, tamen aliis in rebus de eo consenserunt praeclareque senserunt. His respondet auctor per inficiationem: Immo, inquit, eadem et hic sunt dissensiones et ignorationes. Idque ita esse probat enumeratione diversarum opinionum. Wolfius. —

Lectionem pravis emendationibus attentarunt Menzel.: ἀλλὰ γὰρ ἔσως (pro ἔστω) στασιάζουσι μὲν περὶ τῆς οὐσίας τῆς ψυχῆς, et Noll.: ἀλλὰ γὰρ ἔστιν οὗ (aut: ἀλλὰ γὰρ δῆλον ὅτι) στασιάζουσι μὲν περὶ τῆς τῆς ψυχῆς οὐσίας. Si quid emendandum, lege περὶ τῆς οὐσίας τῆς ψυχῆς. Artic. τῆς ante ψυχῆς deest in Mon. 3. Pro ἀπεφάναντο Mor. ἀπεφάναντο mendose.

2. Καὶ Seil. Wolf. Mar. vertunt *Atqui*. Hanc autem notionem particula non ex se nacta est, sed ex oppositorum membrorum natura. Seil. (in marg.) commendat καὶ μὴν ἄλλοι τὴν κτλ., Menz. οὐ μὴν ἀλλὰ τὴν κτλ. Alius καίτοι τὴν κτλ. legerit. Non muto. Mon. 1. 3 vitiose καὶ ἄλλην ἡδονὴν κτλ. Paullo post Vat. μέσην, non μέσον. Galeus ex ἡδονὴν censet efficiendum aut δύναμιν aut ιδέαν. „Quis enim,“ inquit, „statuerit τὸ [?] κακόν esse ἡδονὴν ψυχῆς?“ Scilicet αὐτῆς cum ἡδονὴν coniunxit. Pariter Menzelius: qui faletur se nescire quo sensu memoretur ἡ ἡδονὴ τῆς ψυχῆς. At vero iam Wolfius monuit verba struenda esse sic: ὁ μὲν τις (scil. τῶν φιλοσόφων) καλεῖ τὴν ἡδονὴν ἀγαθὸν αὐτῆς (τῆς ψυχῆς). „Videtur autem Hermias hic loqui de finibus bonorum et animo soli tribuere, ut praecipuae parti et praestantissimae, id quod est totius hominis.“ Etiam

2. Verum esto: dissentiunt inter se de anima, sed in caeteris de ea concordēs sententias pronuntiaverunt. Atqui alius voluptatem eius bonum, alius malum, alius rursus medium inter bonum et malum appellat. Eius porro naturam alii immortalem, alii mortalem esse aiunt, alii ad parvum aliquod tempus permanere, alii eam in bestiarum conditionem devolvunt, alii in atomos dissolvunt, alii ter in corpora inserunt,

Maranus: „Hermias non dicit bonum vel malum (τὸ ἀγαθὸν — τὸ κακὸν) esse, ex nonnullorum philosophorum sententia, voluptatem animae, sed voluptatem ab aliis, ut Epicureis, dici bonum animae, ab aliis malum, ab aliis vero medium quiddam inter bonum et malum.“ Voluptatem summum bonum esse voluit e. g. Aristippus (Cicer. Acad. IV. c. 42; cf. Zeller. I. c. Tom. II. P. 1. p. 249 sq.), pro malo habuerunt Cyrenaici, inprimis Antisthenes (Zeller. p. 214. 216. 219. 225. 235 sq.), et Stoici (Zeller. Tom. III. P. 1. p. 199 sq.); ad tertium genus, ut Thienem. quoque vidit, pertinet Theodorus ἄθεος (Zeller. Tom. II. P. 1. p. 274).

3. Τὴν δὲ φύσιν] Wolf. explicuit τὴν δύναμιν καὶ διαμονήν vim et permansionem. Nam Hermias supra de ortu sive materia animi locutus est, quae et ipsa φύσις dici potest.

4. ἀθάνατον ... θνητήν] Ex Plutarchi l. IV. de plac. phil. c. 7 constat Pythagoram et Platonem interitus expertem animam, ἄφθαρτον εἶναι τὴν ψυχὴν statuuisse, quam Democritus et Epicurus φθαρτήν, τῷ σώματι συνδιαφθειρομένην dicebant. Dommerichius. — Galland. φασι (c. ed. Ven.) errore, pro φασιν.

5. οἱ δὲ π. ὁ. ἐπιδιαμένουσιν] „Stoici,“ inquit Cicero, „diu man-

suros aiunt animos, semper negant.“ Tuscul. Quaest. I. I. c. 31. Ita et Tertullianus (de anima c. 54): „Stoici aliquod tempus animae indulgent, ab excessu usque in conflagrationem.“ Worthus. — Mon. 3 ἐπιδιαμένουσιν α.

6. οἱ δὲ ἀποθηριοῦσιν α.] Refert haec Wolfius ad Pythagoreorum μετεμψύχωσιν sive μετενσωμάτωσιν. Operae pretium est conferre ad hunc locum Plat. Polit. I. X. p. 618 sqq. Menzelius. — Verba οἱ δὲ εἰς ἁτόμους διαλύουσιν (Mon. 3 διαλύουσι) spectant ad Leucippum Democritum Epicurum, qui (c. 6) ex atomis orta esse omnia crediderunt et in eadem corpuscula resolvī.

7. οἱ δὲ κτλ.] Mon. 3 et Vat. τρεῖς ἐσωματοῦσαν, Angl. τρεῖς ἐνσωματοῦσαν, Vind. Mon. 1. 2. Ottob. (Leid.?) Seil. Duc. τριένσωματοῦσαν, Mor. τρίτον σωματοῦσιν. Gale legendum coniecit εἰς τρίτον vel εἰς τρεῖς ἐνσωματοῦσιν. Recte Seil. (in marg.) commendavit τρεῖς ἐνσωματοῦσιν. — Pro αὐτῇ ante ὀρίζουσιν habent Mon. 3 et Vat. αὐτῆς. Mon. 1. 3 ὀρίζουσι, Seil. ut Mon. 2 ὀρίζουσαν, sed recte in marg. ὀρίζουσιν. — Illae sententiae sunt Platoniorum. Maranus citavit Platonem in Phaedro p. 248 E, ubi is, postquam vulgares animas statuit non eo redire unde primum profectae sunt, nisi elapsis

ριόδους αὐτῇ ὀρίζουσιν. Καὶ γὰρ ⁸οἱ μηδὲ ἑκατὸν ἔτη ζῶντες περὶ τρισχιλίων ἐτῶν μελλόντων ἐπαγγέλλονται. Ταῦτα οὖν τί ⁹χρὴ καλεῖν; Ὡς μὲν ἔμοι δοκεῖ, τερατείαν ἢ ἄνοιαν ἢ μα-
 νίαν ἢ στάσιν ἢ ὁμοῦ πάντα. Εἰ μὲν τι ἀληθὲς ⁹εὐρήκα 176
 σιν, ὁμονοησάτωσαν ἢ συγκατατιθέσθωσαν, καὶ γὰρ τότε ἄσμε-
 νος αὐτοῖς πεισθήσομαι. ¹⁰εἰ δὲ ἀντισπῶσι τὴν ψυχὴν καὶ
 ἀνθέλκουσιν, ἄλλος εἰς ἄλλην φύσιν, ἕτερος δὲ εἰς ἑτέραν οὐ-
 σίαν, ὕλην δὲ ἐξ ὕλης μεταβάλλουσιν, ¹¹ὁμολογῶ ὑπεράχθε-
 σθαι τῇ παλιρροίᾳ τῶν πραγμάτων. ¹²Νῦν μὲν ἀθάνατος
 εἰμι καὶ γέγηθα, νῦν δ' αὖ θνητὸς γίνομαι καὶ δακρύω· ἄρ-
 τι δὲ εἰς ἀτόμους δυαλύομαι, ὕδωρ γίνομαι, ¹³ἀήρ γίνομαι,
 πῦρ γίνομαι· εἴτα μετ' ὀλίγον οὔτε ἀήρ οὔτε πῦρ, θηρίον
¹⁴με ποιεῖ, ¹⁵ἰχθύν με ποιεῖ. ¹⁶πάλιν οὖν ἀδελφοὺς ἔχω Β

decem annorum millibus, sic de phi-
 losophorum animabus loquitur: αὐ-
 ται δὲ τρίτῃ περιόδῳ τῇ χιλιετῇ,
 εἰς ἑλκωνται τρεῖς ἑφεξῆς τὸν βίον
 τοῦτον, οὕτω περὶθεῖσθαι τρισχι-
 λιοστῶ ἔτει ἀπέρχονται. Cf. Zel-
 ler. I. c. Tom. II. P. 1. p. 526 sqq.

8. οἱ] Seil. Worth. Mar. legunt
 εἰ. Iam Seil. (in marg.) οἱ repo-
 nendum censuit, id quod etiam Mon.
 3 et Vat. praebent. Eadem commu-
 tatio deprehenditur infra: c. 3. n. 5.
 Duc. καὶ γὰρ μηδὲ. Particulam γὰρ
 Menz. delendam putat. Pro ἐπαγ-
 γέλλονται (Vind. Mon. 1. 3. Ottob.
 Vat.) legunt editores, praeter Wolf.
 Mar. et Menz., ἀπαγγέλλονται.

9. εὐρήκασιν] Seil. ex Mon. 2
 εὐρήκασαν, sed in marg. proposuit
 εὐρήκασιν, idque caeteris codd.
 mstis (Mon. 1 εὐρήκασιν) firmatur.
 Mor. εὐρήκαμεν. Mox Seil. Wolf.
 Mor. Duc. vitiose συγκατατιθέσθωσαν.
 Tum ἀσμένως Angl. Mon. 3. Vat.,
 non ἄσμενος.

10. εἰ] Seil. (in marg.) οἱ le-
 gendum coniecit, Worth. Domm.
 Thienem. probarunt, Wolf. recepit

in textum. Male; mox enim re-
 spondet εἰ δέ. Worth. Domm. Menz.
 ἀνθέλκουσι, sine litera ν, quam
 tuentur omnes codd. msti. Dein
 ἄλλος lego, quod etiam Seil. (in
 marg.) Duc. Menz. receperunt. Wolf.
 ἄλλος μὲν. Caeteri editores ἄλλως
 mendose, velut omnes codd. msti.
 Denique pro μεταβάλλουσιν (Vind.
 Mon. 1. Ottob. Leid.) legunt μετα-
 βάλλουσιν Seil. Mor. Duc. (Mar.
 errore typogr.), μεταλαμβάνουσιν
 Angl. Mon. 3. Vat. Frustra Gale
 scribendum putat ἄλλην δὲ ἐξ ἄλλης,
 quum anima sit ἄϋλος, pro ὕλην
 δὲ ἐξ ὕλης, h. e. „wenn sie aber
 die Seele — bald aus dieser bald
 aus einer andern Materie bestehen
 lassen.“ Dommerich.: „Ex mente
 philosophorum gentilium loquitur
 Hermias, qui animum ἄϋλον non
 omnes habuerunt.“ Menzel.: „Phi-
 losophi, quos hucusque enumeravit
 Hermias, maximam partem ὕλην ἐξ
 ὕλης μετέβαλον.“ Is insuper pro-
 vocavit ad Plutarch. De plac. phi-
 los. I. c. 9, qui ὕλην definit τὸ
 ὑποκείμενον πρῶτον γενέσει καὶ

alii ter mille annorum circuitum ei praefiniunt. Etenim qui ne centum quidem annos vivunt hi de tribus futuris annorum millibus pollicentur. Haec igitur quo nomine appellanda sunt? Ut mihi quidem videtur, portentum aut stultitia aut insania aut dissidium aut haec simul omnia. Si quid veri invenerunt, concordent aut alius alii assentiatur, et ego tunc lubens iis fidem habebō; sin autem animum divellunt atque trahunt, alius in aliam naturam, alius in aliam essentiam, ac materiam ex materia mutant, fateor me valde indignari rerum instabilitate. Nunc immortalis sum et gaudeo, nunc contra mortalis fio et ploro; mox in atomos solvor, aqua fio, aer fio, ignis fio; paullo post neque aer neque ignis, feram me facit, piscem me facit: itaque rursus fratres habeo delphinos. Quum vero meipsum

φθορᾷ καὶ ταῖς ἄλλαις μεταβολαῖς, et in fine capitis addit: οἱ δὲ ὕδωρ λέγοντες ἢ γῆν ἢ πῦρ ἢ ἀέρα τὴν ὕλην, οὐκ ἐτι ἄμορφον αὐτὴν λέγουσιν ἀλλὰ σῶμα· οἱ δὲ ἀμερῇ καὶ τὰς ἀτόμους, ἄμορφον.

11. ὁμολογῶ ὑπεράχθεσθαι] Omnes codd. msti et editi ὁμολογῶ γὰρ ἄχθεσθαι. Maran. vult legi ὁμολογῶ γε ἄχθεσθαι. Genuinam lectionem excogitavit Menzelius, neque dubitavi in textum reponere. Mox παλεροῖα (sic) Seil. et Mor. pro παλιροῖα (Vind. Mon. 1. Ottob. Leid.), id quod iam Seil. in marg. commendavit caeterique editores textui inseruerunt. Val. πολυροῖα, Mon. 3 πορροῖα. Ἡ παλ. τ. π ρ α γ μ. designat crebram rerum conversionem (Seil.) vel perpetuam rerum in contrarias partes identidem abeuntium instabilitatem (Menz.).

12. Νῦν . . . δακρύω] Clem. Recognn. I. c. 3: „Philosophorum frequentabam scholas, ubi nihil aliud quam dogmatum adsertiones et impugnationes videbam agi sine fine, certamina, artes syllogismorum con-

clusionumque agitari versutias. Et si quando quidem obtinebat hic sermo, quod immortalis esset anima, gratulabar; si quando vero arguebatur quasi mortalis, cum tristitia discedebam.“

13. ἀήρ] Omnes codd. msti et editi (exc. Menz.) καὶ ἀήρ. Mox ante οὔτε ἀήρ fortassis excidit οὔτε ὕδωρ (sc. γίνομαι), quod concinnitatis gratia exspectaveris.

14. με] Mon. 3 δὲ, Seil. μὲν, sed in marg. με. Quum Hermias dicit ποιεῖ, subaudias ὁ φιλοσοφῶν. Paullo infra: εἰς πάντα γὰρ τὰ θηρία ὑπὸ τῶν φιλοσοφούντων μεταβάλλομαι.

15. ἔχθύν με ποιεῖ] Haec desunt in Mon. 3. Non solum dicta videntur in Empedoclem, qui teste Tertulliano De anim. c. 32 pronuntiavit „thamnus et piscis fui“ (coll. infra n. 20), sed, ut Maran. vidit, in ipsum etiam Platonem, qui sub finem Timaei hominum genus maxime ineptum et stolidum in pisces mutatum iri fabulatur.

16. πάλιν] Ita omnes codd. msti.

δελφῖνας. Ὅταν δὲ ἐμαντὸν ¹⁷ ἴδω, φοβοῦμαι τὸ σῶμα καὶ οὐκ οἶδα ὅπως αὐτὸ καλέσω, ἄνθρωπον ἢ κύνα ἢ λύκου ἢ ταῦρον ἢ ὄρνιν ἢ ὄφιν ἢ δράκοντα ἢ ¹⁸ χίμαιραν. Εἰς πάντα γὰρ τὰ θηρία ὑπὸ τῶν φιλοσοφούντων μεταβάλλομαι, χερσαῖα, ἔνυδρα, πτηνὰ, πολύμορφα, ἄγρια, τίθασσα, ἄφωνα, εὐφωνα, ἄλογα, λογικά· νήχομαι, ¹⁹ ἵπτάμαι, ἔρπω, θεῶ, καθίζω. ²⁰ Ἔτι δὲ ὁ Ἐμπεδοκλῆς καὶ Θάμνον με ποιεῖ.

3. ¹ Ὅπου τοίνυν τὴν ἀνθρώπου ψυχὴν ὁμογνωμόνως **5** εὑρεῖν οὐχ οἷόν τε τοῖς φιλοσοφοῦσι, ² σχολῇ γ' ἂν περὶ τῶν θεῶν ἢ περὶ κόσμου ³ δύναιντο ἀληθεῖς ἀποφήνασθαι. Καὶ C γὰρ ταύτην ⁴ τὴν ἀνδρείαν ἔχουσιν, ἵνα μὴ τὴν ἐμπληξίαν εἴπω· ⁵ οἱ γὰρ τὴν ἰδίαν ψυχὴν εὑρεῖν οὐ δυνάμενοι ⁶ ἀναζητοῦσι τὴν φύσιν τῶν θεῶν αὐτῶν, καὶ οἱ τὸ ἴδιον σῶμα οὐκ εἰδότες τὴν τοῦ κόσμου φύσιν περιεργάζονται. ⁷ Πάνυ γοῦν περὶ τὰς ἀρχὰς **6**

Morellus temere substituit πάλαι, eumque Duc. Worth. Domm. secuti sunt. Non ἔχω sed ἔξω Mon. 3.

17. ἴδω] Mon. 2 et Angl. ἴδων (sic). Item editi (ἰδών), praeter Wolt. et Menz. Veram scripturam, reliquis codd. mstis firmatam, iam Seil. in marg. indicavit.

18. χίμαιραν] Vind. et Mon. 1 χίμαιρα. Ad hanc triformem χίμαιραν spectat πολύμορφα, quod postea sequitur. Itaque praeter necessitatem Thienem. πολύμορφα collocandum censet post μεταβάλλομαι, ut acutissime cum θηρία coniungatur: „alle verschieden gestalteten Thiere.“

19. ἵπταμαι] Omnes codd. msti et editi (praeter Menz.) addunt πέτομαι. Alterutrum, ut iam Worth. observavit, explicationis gratia adscriptum in margine (vel supra lineam), unde scriba textui inseruit. Expuli πέτομαι, quia verbo ἵπτα-

σθαι etiam c. 10. §. 18 ulitur Hermias.

20. Ἔτι] Omnes codd. msti et editi ἔστι. Excipias Menzel., qui veram scripturam exhibet. Male Seil. in marg. et Wolf. in textu: ἔστι δὲ ὅτε Ἐμπεδοκλῆς. Mon. 3 ποιεῖν pro ποιεῖ. Respicit Hermias Empedoclis versus: "Ἦδη γὰρ ποτ' ἐγὼ γενόμεν κοῦρός τε κόρη τε || Θάμνος τ' οἰωνός τε καὶ ἐν ἀλὶ ἔλλοπος ἰχθύς. Cf. Fragm. philosophor. graec. ed. Mullach. Vol. I (Par. 1860) p. 1 et 17 sq.

1. Ὅπου τοίνυν κτλ.] Posteaquam Hermias expositis diversis sententiis ostendit philosophos neque de ortu et natura animi neque de finibus bonorum inter se consentire, argumentatur a minori ad maius et concludit: eos de rebus extra hominem positis, ut de mundo ipso quae deo, nihil habere comperti. — Mon. 3 ὁμογνώμως. Idem vitiose οἷός.

intueor, exhorresco corpus ac nescio quo nomine id vocem, hominemne an canem an lupum an taurum an avem an serpentem an draconem an chimaeram. In cunctas enim bestias ab illis philosophis commutor, terrestres, aquatiles, volucres, multiformes, feras, cicures, mutas, vocales, brutas, ratione praeditas: nato, volo, serpo, curro, sedeo. Praeterea autem Empedocles etiam fruticem me facit.

3. Quandoquidem igitur hominis animum philosophi concorditer deprehendere non possunt, vix ac ne vix quidem de diis aut de mundo verum pronuntiare poterunt. Etenim ea fortitudine praediti sunt, ne stuporem potius dicam: nam qui suum animum invenire nequeunt perscrutantur naturam ipsorum deorum, et qui suum corpus ignorant curiosam in indaganda mundi natura operam ponunt. Admodum certe in

2. σχολῇ] Vind. Mon. 1. Ottob. (Leid.?) σχολή, Mon. 3 σχολήν et γῆ pro γ'.

3. δύναιντο τὰλ.] Mon. 3 δύναιτο ἀληθῆς. Antea fortasse articulus τοῦ anta κόσμου reponendus (cf. n. 4), concinnitatis causa; nam praecedit τῶν θεῶν.

4. τῇν] Abest ab omnibus codd. mstis et editis; refinxit Menzel. Ob similitudinem cum ulla praecedentis vocis syllaba facile potuit interire. Pro ἀνδρείαν (sic omnes codd. msti; ἀνδρίαν Seil.) Galeus eumque secutus Gallandius malebant ἀναίδειαν, quo non opus est; interdum enim, ut Menzel. recte monuit, ἀνδρεία ironice de impudentia dicitur. Cf. Pape Lex. gr. Tom. I. p. 166. Tum Mon. 3 ἔχουσι, absque ν.

5. οἱ] Ita Wolf. Mor. Menz. (praeceunte Seilero in marg.); caeteri εἰ, ut cuncti codd. msti. Cf. c. 2. n. 8. Ante εὐρεῖν Mon. 3 et Vat.

habent ὁμογνωμόνως. Interpreteris: „qui suus ipsorum animus quid sit invenire non potuerunt“ etc.

6. ἀναζητοῦσι] Sic Menzel. probe substituit pro eo quod legebatur: ἐκζητοῦσι (Seil. in marg. et Wolf. in textu) et οὐ ζητοῦσι (caeteri editt. et codd. msti). Thienem. deletο οὐ mallet ζητοῦσι, quod improbandum. Deinde vox φύσιν omissa est in codd. mstis, praeter Angl. Mon. 3. Vat.; omissa est etiam in editis, praeter Maran. et Menzel. Ad sententiam quod attinet, consulantur libri Ciceronis de natura deorum, „in quibus tametsi praeclara quaedam insunt, tamen ineptissimis et monstrosissimis, non quidem ipsius Ciceronis, sed poetarum et vulgi opinionibus sunt referti“ (Wolf.).

7. Πάνν γούν κτλ.] Iam Her-
mias philosophorum de rerum
principiis dissensiones vividis co-
loribus depingit: quos plerumque,

τῆς φύσεως ἀνθίστανται ἀλλήλοις. Ὅταν μὲν ⁸ Ἀναξαγόρας παραλάβῃ με, ταῦτα παιδεύει· Ἀρχὴ τῶν πάντων ὁ νοῦς, καὶ οὗτος αἴτιος καὶ κύριος τῶν ὄλων, καὶ παρέχει τάξιν τοῖς ἀτάκτοις καὶ κίνησιν τοῖς ἀκινήτοις καὶ διάκρισιν τοῖς μεμιγμένοις καὶ κόσμον τοῖς ἀκόσμοις. Ταῦτα λέγων Ἀναξαγόρας ἐστὶ μοι ¹⁰ φίλος, καὶ τῷ δόγματι πείθομαι. Ἀλλ' ⁹ ἀνθίσταται τούτου Μελίσσος καὶ Παρμενίδης. ¹⁰ Ὁ γε μὴν Παρμενίδης καὶ ποιητικοῖς ἔπεσιν ἀνακηρύσσει τὴν οὐσίαν ἔν εἶναι καὶ αἰδίου καὶ ἄπειρον καὶ ἀκίνητον καὶ πάντῃ ὁμοίον. Πάλιν οὖν εἰς τοῦτο τὸ δόγμα οὐκ οἶδ' ὅπως μεταβάλλομαι. ¹¹ ὁ Παρμενίδης τὸν Ἀναξαγόραν ¹² τῆς ἐμῆς ἐξήλασεν. Ἐπειδὴν δὲ ¹³ ἠγῆσωμαι ⁷ δόγμα ἔχειν ἀκίνητον, Ἀναξιμένης ὑπολαβὼν ἀντιέκραγεν· ¹⁴ Ἀλλ' ἐγὼ σοὶ φημι, τὸ πᾶν ἐστὶν αἴρ, καὶ οἷτος πυκνούμενος καὶ συνιστάμενος ὕδωρ καὶ ¹⁵ γῆ γίνεται, ἀραιούμενος ¹⁷⁷

orationem obliquam raro adhibens, introducit ipsos loquentes. Plato Tim. p. 48. ^B: λέγομεν ἀρχὰς αὐτὰ (quattuor principia) τιθέμενοι στοιχεῖα τοῦ παντός. Plutarchus De plac. philos. I. c. 2: ἀρχὰς λέγομεν διὰ τοῦτο, ὅτι οὐκ ἔχει τι πρότερον, ἐξ οὗ γεννᾶται. — Leid. ἀνθίσταται.

⁸. Ἀναξαγόρας] Anaxagoras Clazomenius principia rerum particulas innumerabiles et admodum parvas esse dixit. Hae sunt homoeomeriae, quas Aristoteles alique Anaxagorae adscribunt. Ipse rerum semina (χρημάτων σπέρματα) appellavit, e quibus universum ut aqua e guttis aut aurum e ramentis constat. Mens autem (νοῦς) motum dedit immoto olim cunctarum rerum acervo, effecitque ut paullatim haec universitas converteretur etc. Mullachius I. c. Vol. I. p. 245. Coll. Zeller. I. c. Tom. I. p. 663 sqq. — Pro παιδεύει Mon. 3 παιδεύειν. Tum pro vulg. Ἀρχὴ πάντων Hermiae red-

didi Ἀρχὴ τῶν πάντων, quum hac formula constanter utatur (cc. 4. 5. 6. 8) et semper τὰ πάντα sive τὰ ὅλα dicat ad universitatem rerum designandam.

9. ἀνθίσταται] Sic omnes codd. msti, exc. Angl., cuius vera lectio oculos Galei videtur fugisse. Editi ἀνθίστανται. Noltius illam codicum lectionem reprobatur: sed in magna graecae linguae ignorantia versatur. Idem usus etiam apud classicos scriptores obtinet; consulas Matthiae Ausf. gr. Gramm. Tom. II (ed. 2) p. 605 et Rost Gr. Gramm. (ed. 7) p. 477. Antea ἀλλὰ Mon. 3. Pro τούτου, quod cunctis codd. mstis firmatur, Wolf. Worth. Domm. Gall. Menz. τούτῳ ediderunt, quadamtenus adstipulante Noltio. At illa lectio vulgaris haud spernenda est, ut docent exempla a Passovio in Schneid. Lex. gr. (Lips. 1819) Tom. I. p. 120 allata: Aesch. Pers. 700 δεὸς ἀνθίσταται φρενῶν et Quint.

constituendis naturae principiis sibi invicem adversantur. Ubi Anaxagoras me in disciplinam acceperit, docet haec: Initium omnium est mens, eaque causa et domina est cunctorum, et ordinem confusis praebet et motionem immobilibus et discrimen commixtis et ornatum inornatis. Haec quum dicit Anaxagoras, amicus mihi est, et placito eius me subiicio. At adversatur huic Melissus et Parmenides.. Ac Parmenides quidem poetica etiam oratione praedicat id quod est esse unum et aeternum et infinitum et immobile et ex omni parte simile. Rursus igitur nescio quo pacto in hoc placitum concedo; Parmenides Anaxagoram animo meo expulit. Postquam autem existimo me firmum habere placitum, Anaximenes vices dicendi excipiens contra clamat: At ego tibi dico, universum est aer: qui densatus et concretus aqua fit et terra;

Sm. 1, 520. Frustra Dommer. Παρμενίδης καὶ Μελίσσος (inverso ordine) legendum suspicatur. De Melisso (Parmenidis discipulo?) cf. Zeller. l. c. p. 436.

10. Ὁ γε μὴν Παρμενίδης κτλ.] De Parmenide, Eleaticae scholae principe, cuius sententiam non intellexit Hermias, adeas Karsten. Philosoph. graec. vett. reliqq. Vol. I. P. II (Amst. 1835) p. 168. 188. 201, Mullach. l. c. p. 109 sqq., Zeller. l. c. p. 395 sqq. — Vocem ποιητικοῖς expungendam putat Worth. Sed ferri potest (Menz.) ideoque debet. Tum pro πάντη (Wolf. Menz. Karst. l. c. p. 168) legunt omnes codd. msti (et reliqui editt.) παντὶ. Literae H et I saepe a scribis confunduntur; cf. c. 5. n. 5, Iustin. Dial. c. Tr. c. 35. n. 19. c. 86. n. 14 et Theophil. Ad Aut. II. c. 7. n. 21. III. c. 27. n. 19. Maran. malit πᾶν τι minus recte. Menzel. attulit Parmen. v. 116 (117): ἐωντῶ πάντοσε τῶντόν.

11. ὁ Παρμ.] Vat. ὁ Παρμ. καὶ. Mar. καὶ ὁ Παρμ. legerit. Cave a mutatione.

12. τῆς ἐμῆς] Aut addendum in textu γνώμης (Menz.) aut saltem mente supplendum (c. 7. §. 15). Quae quidem vox interdum omittitur. Ita κατὰ γε τὴν ἐμὴν Plat. Phil. p. 41 B. 277 A. 291 C. et ἐὰν ἢ γ' ἐμὴ νικᾷ. De rep. III. p. 397 D. IX. 862 A. Thienem. subaudit μνήμης vel καρδίας. Scribendum existimant Gal. et Mar. τῆς ἐμῆς διανοίας, Domm. τ. ἐ. ψυχῆς.

13. ἡγήσωμαι] Ita Wolf. Menz. eumque secutus Mign. Caeteri editt. et codd. msti ἡγήσομαι. Mox Mon. 3 δόγματα. — De Anaximene cf. Zeller. l. c. Tom. I. p. 178 sqq.

14. Ἄλλ'] Menz.; vulg. ἀλλὰ.

15. γῆ] Vind. Wolf. Menz. Caeteri absurde ἀήρ. Errorem etiam Seil. et Worth. notarunt.

δὲ καὶ ¹⁶ διαχεόμενος αἰθὴρ καὶ πῦρ, εἰς δὲ τὴν αὐτοῦ φύσιν ἐπανιῶν ἀῆρ ἀραιός, εἰ δὲ καὶ πνικνωθῇ, ¹⁷ φύσιν ἐξαλλάσσεται. Καὶ πάλιν ¹⁸ αὐτῷ τούτῳ μεθαρμόζομαι καὶ τὸν Ἀναξιμένην φιλῶ.

4. ¹ Ὁ δὲ Ἐμπεδοκλῆς ἄντικρυς ἔστηκεν, ἐμβριμώμενος καὶ ἀπὸ τῆς Αἵτινης μέγα βοῶν· Ἀρχαὶ τῶν πάντων ἔχθρα καὶ φιλία, ἥ μὲν συνάγουσα, ἥ δὲ διακρίνουσα, καὶ τὸ νεῖκος αὐτῶν ² ποιεῖ τὰ πάντα· ὀρίζομαι δὲ αὐτὰ καὶ ὅμοια καὶ ἀνόμοια, καὶ ἄπειρα καὶ πέρας ἔχοντα, καὶ αἰδία καὶ γινόμενα. Εὐγέ, ³ ὦ Ἐμπεδοκλείς, ἐπομαί σοι καὶ μέγροι τῶν κρατήρων τοῦ πυρός. Ἀλλ' ⁹ ⁴ ἐπὶ θάτερα Πρωταγόρας ἔστηκώς ἀνθέλκει με, φάσκων· Ὅρος ⁵ καὶ κρίσις τῶν πραγμάτων ὁ ἄνθρωπος, καὶ τὰ μὲν ὑποπίπτοντα ταῖς αἰσθησέσιν ⁶ ἔστι πράγματα, τὰ δὲ μὴ ὑποπίπτοντα οὐκ ἔστιν ἐν τοῖς εἶδεσι τῆς οὐσίας. ⁷ Τούτῳ τῷ λόγῳ κολακευόμενος ὑπὸ Πρωταγόρου τέρπομαι, ὅτι τὸ πᾶν ἢ τὸ πλεῖστον τῷ ἀνθρώπῳ ⁸ νέμει. Ἀλλαχόθεν δέ μοι Θαλῆς τὴν ἀλήθειαν ⁹ νεύει, ¹⁰

16. διαχεόμενος] Mon. 3 δια-
χρόμενος.

17. φύσιν] Id coniecit Wolf.;
adstipulantur Thienem. et Menz.
Equidem non dubitavi in textu col-
locare. Pariter paullo ante dixit
φύσιν. Vind. Mon. 1. 3. Ottob. Vat.
φησιν, id quod etiam Wolf. Mar.
Menz. in textu habent. Leid. Mon. 2.
Angl. φη. Sic Seil. quoque; in
marg. coniecit φησιν. Mor. et Duc.
φη, Worth. et Domm. φῆ. Caeterum
videtur sibi Menzelius in his depre-
hendisse latentem hexametrum, sic
forte restituendum: εἰ δέ κε πνικνω-
θῇ φύσιν ἐξαλλάσσεται [αὐτῆς].

18. αὐτῷ τούτῳ] Ex Vind. reposui.
Reliqui codd. msti αὐτῷ τούτῳ, et
ita editi quoque. (Maran. τούτῳ
accusativum putat esse quem vocant
graecum = „κατὰ τούτῳ“.) Excipe
Wolf. et Menz.; ille dedit αὐτὸ
τούτῳ (eandem coniecturam nota-

vit Seil. in marg. et repetiit Nolt.),
hic αὐτὸ τούτῳ. Iam vero Galeus
genuinam lectionem coniectura as-
secutus est. Nec erat cur Menzelio
pronomina illo modo coniuncta dis-
plicerent. Xenoph. Cyr. II. c. 3.
§. 4 περὶ αὐτοῦ τούτου = „über
eben dieses,“ wovon die Rede war.
Plura dederunt Ph. Buttmann *Gr.*
Gramm. (ed. 20) p. 350 et Al. Butt-
mann *Gramm. d. neutest. Spr.*
p. 95 sq.

1. Ὁ δὲ Ἐμπεδοκλῆς] De Em-
pedocle cf. Zeller. l. c. Tom. I.
p. 500 sqq. — Angl. Mon. 3. Vat.
ἐμβριμούμενος, caeteri codd. msti
ἐμβριμούμενος. Sic etiam editores,
praeter Menz. et Mign. qui ἐμβρι-
μώμενος rescripserunt. De Empe-
doclis iactantia videsis quae ad Ta-
tian. Or. ad Gr. c. 3 (n. 12) ad-
notavi.

2. ποιεῖ] Mon. 3 ποιῇ. Karsten.

sin rareseat et diffundatur, aether et ignis; in suam vero naturam reversus fit aer liquidus; sin densetur, naturam mutat. Et rursus ad eam ipsam sententiam animum compono et Anaximenem diligo.

4. Sed Empedocles contrarius obstat, minas iactans et ab Aetna magnum clamitans: Principia omnium sunt discordia et amicitia, quarum haec congregat, illa dissipat, et earum contentio facit omnia; statuo autem ea et similia esse et dissimilia, et infinita et finem habentia, et aeterna et facta. Macte, Empedocles, te sequor vel ad crateres ignis. Sed e regione stans Protagoras me distrahit, dicens: Terminus et criterium rerum est homo, et res sunt quaecunque in sensus cadunt, quae vero (in sensus) non cadunt in formis naturae non existunt. Hoc sermone a Protagora delinitus delector, quod universum aut certe plurimum homini tribuit. Aliunde autem Thales veritatem mihi nutu indicat,

1. c. Vol. II. p. 379: „Nonnulli Empedoclis dicta sic interpretati sunt, mundum modo interire et in unum veluti chaos quoddam confundi per Amicitiam, modo renasci de novo discretis elementis per Discordiam. Ex qua interpretatione fluxit vulgatum illud, Empedoclem τὸ Νεῖκος facere mundi fabricatorem, quo et Hermias spectat, fingens eum ex Aetnae crateribus clamantem: τὸ νεῖκος ποιεῖ τὰ πάντα.“

3. ὦ Ἐμπ.] Mon. 3 καὶ ὁ ἐμπεδοκλῆς.

4. ἐπὶ θάτερον] Mon. 3 et Vat. ἐπιθατέρον (sic). Dein iidem προταγόρας et paullo infra προταγόρου. — De Protagora cf. Mullach. l. c. Vol. II (1867) p. LXV sqq. et 130, ubi etiam hunc Hermiae locum laudavit.

5. ἔστι] Vind. Mon. 1. Ottob. (Leid. ?), ἐστὶ Mon. 3 et Vat., ἐστίν

Mon. 2 (et Angl. ?). Wolf. et Mor. ἐστὶ, caeteri editt. ἐστίν (Menz. ἔστιν).

6. Τούτῳ τ. λ.] Mon. 3 et Vat. τοῦτον τὸν λόγον. Antea artic. τῆς ante οὐσίας Thienem. expungendum putavit. — Insignis erat, ut Menzel. notavit, in Protagora vocis et orationis dulcedo et τὸ κηλεῖν τοὺς συνόντας. Vide, qui egregie hanc eius facultatem describit, Platonem Protag. p. 328 D. coll. p. 316 C.

7. νέμει] Vind. Mon. 1. 3. Ottob. Leid. Vat.; etiam Wolf. et Menz. Caeteri μένει.

8. νεύει] Mavult Gale μηνύει. De Thaletis sententia (Iustin. Cohort. ad gent. c. 3. p. 4 D = Plutarch. De plac. philos. I. c. 3) veterum testimonia collegit Mullach. l. c. Vol. I. p. 204 sq. — Menzel. dedit: ὀριζόμενος ὕδαρ τοῦ παντὸς ἀρχή. Sed lectionem vulgatam

ὀριζόμενος ὕδωρ τοῦ παντός ἀρχήν· καὶ ἐκ τοῦ ὕγροῦ τὰ πάν-
τα συνίσταται καὶ εἰς ὕγρον ἀναλύεται, καὶ ἡ γῆ ἐπὶ ὕδατος
ὀχεῖται. Διὰ τί τοίνυν ⁹ μὴ πεισθῶ Θαλῇ, τῷ ¹⁰ πρεσβυτάτῳ
τῶν Ἰώνων; Ἀλλ' ὁ πολίτης ¹¹ αὐτοῦ Ἀναξίμανδρος τοῦ ὕγροῦ C
πρεσβυτέραν ἀρχήν εἶναι ¹² λέγει τὴν αἰθιδιον κίνησιν, καὶ ¹³ ταύτην
τὰ μὲν γεννᾶσθαι, τὰ δὲ φθείρεσθαι. Καὶ δὴ τοίνυν πιστὸς
Ἀναξίμανδρος ἔστω.

5. Καὶ μὴν οὐκ ¹ εὐδοκιμεῖ Ἀρχέλαος, ἀποφαινόμενος τῶν ¹¹
ὅλων ἀρχὰς θερμόν καὶ ψυχρόν; Ἀλλὰ καὶ ² τούτῳ πάλιν ὁ με-
γαλόφωνος Πλάτων οὐχ ὁμολογεῖ, λέγων ἀρχὰς εἶναι ³ θεὸν καὶ
ὕλην καὶ παρὰδειγμα. Νῦν μὲν καὶ δὴ πέπεισμαι. ⁴ Πῶς γὰρ οὐ
μέλλω πιστεύειν φιλοσόφῳ τῷ τοῦ Διὸς ἄρμα πεποιηκότι; ⁵ Κα-
τόπιν δὲ αὐτοῦ μαθητῆς Ἀριστοτέλης ἔστηκε, ζηλοτυπῶν τὸν D
διδάσκαλον τῆς ἀρματοποιίας. Οὗτος ἀρχὰς ἄλλας ὀρίζεται, ⁶ τὸ
ποιεῖν καὶ τὸ πᾶσχειν· ⁷ καὶ τὸ μὲν ποιοῦν ἀπαθὲς εἶναι, [τὸν

facile ferimus. Cf. c. 5. n. 10. Inde
a verbis καὶ ἐκ τοῦ ὕγροῦ oratio
recta est: ipse Thales loquens in-
ducitur; quare non opus est part.
ὅτι, quam post καὶ inseruit Wol-
fius.

9. μὴ] Mon. 3 et Vat. μοι. Pro
πεισθῶ (Vind.) editores, praeter
Wolf. Menz. Mign., dederunt πει-
σθῶ. Illud in marg. Seil. commen-
davit.

10. πρεσβυτάτῳ] Probe (comp.
Iust. l. c. c. 5. p. 6 E) Menz. et
Mign. pro vulg. πρεσβυτέρῳ.

11. αὐτοῦ] Sic codd. msti, Angl.
fortasse excepto, cuius scripturam
Worthus h. l. disertis verbis non
affert. Seil. errore αὐτὸς, idque
in omnes editi. (praeter Wolf. et
Menz.) transiit. De Anaximan-
dro, quem Cicero quoque (Acad.
Quaest. II. c. 37) Thaletis popula-
rem et sodalem, Simplicius (Com-
ment. in Phys. I. p. 3) eius succes-
sorem et discipulum vocat, vide

Mullach. l. c. p. 237 sqq. Minus
accurate Hermias locutus est, ut iam
monuit Menzelius. Non dixit Ana-
ximander τὴν αἰθιδιον κίνησιν esse
τὴν τῶν πάντων ἀρχήν, sed ἐν τῷ
ἀπείρῳ, quod ἡ ἀρχὴ sit, inesse
αἰθιδιον κίνησιν. Ad hunc locum
respexit Zeller. l. c. Tom. I. p. 168
(n. 3).

12. λέγει] Leid. λέγων.

13. ταύτη] Mon. 3 ταύτην.

1. εὐδοκιμεῖ] Codd. msti omnes
(de Leid. et Angl. scriptura hīc in
dubio versor) offerunt εὐδοκιμεῖν,
quod etiam Seil. et Duc. legunt;
ille in marg. errorem correxit. De
Archelao, discipulo Anaxagorae,
idem retulerunt Diogenes Laert. II.
16 et Hippolytus Refut. omn. haeres.
I. c. 9, quos cum Hermia laudavit
Zeller. l. c. Tom. I. p. 716.

2. τούτῳ] Cuncti codd. msti et
editi τούτον. Excipe Mon. 3 et
Vat.: τοῦτον, Wolf. (iuxta emendat.
Seil. in marg.) et Menz.: τούτῳ.

statuens aquam esse universi principium: et ex humido omnia constant et in humidum resolvuntur, et terra supra aquam fertur. Cur igitur non crediderim Thaleti, Ionum antiquissimo? Verum civis eius Anaximander principium humido antiquius dicit esse aeternam motionem, eaque alia oriri, alia interire. Iam igitur fidus Anaximander esto.

5. Et profecto nonne magna laude floret Archelaus, qui universorum principia statuit esse calidum et frigidum? Sed etiam huic iterum non assentitur grandiloquus Plato, qui principia dicit esse deum et materiam et exemplar. Nunc iam persuasum mihi est. Nam quidni crediderim philosopho qui Iovis currum fecit? Sed a tergo eius stat discipulus Aristoteles, qui invidet magistro illam currus fabricationem. Hic alia principia statuit, agere et pati: atque agens quidem nulla re

De Platonis epitheto *μεγαλόφωνος* exposui ad Iustin. Cohort. ad gent. c. 31. n. 4. Mon. 3 *ὁμολογεῖν* pro *ὁμολογεῖ*.

3. *θεὸν . . . παράδ.*] Mon. 3 et Vat. *θεῶν . . . παραδείγματα*.

4. *Πῶς κτλ.*] Seil. in marg. et Wolf. in textu *πῶς γὰρ οὐ; μέλων κτλ.* Mon. 3 et Vat. *πῶς γὰρ οὐ μέλλει πιστεῦναι (πιστεῦναι Vat.)*. Verbis quae sequuntur, *τῷ τοῦ Διὸς ἄρμα*, Hermias ad illud Platonis dictum in Phaedro (p. 246 E) respicit, quod Iustinus l. c. (cf. ibi n. 5) uberiusque Athenagoras Supplic. p. Christ. c. 23 (n. 32) attulerunt.

5. *Κατόπιν*] Vind. et Mon. 1 *κατόπην*. Eadem commutatio c. 3 n. 10.

6. *τὸ ποιεῖν καὶ τὸ πάσχειν*] Menz. *τὸ ποιοῦν καὶ τὸ πάσχον*: id quod agit et id quod patitur. Non muto.

7. *καὶ τὸ μὲν ποιοῦν ἀπαθὲς* Corp. Apoll. Vol. IX.

εἶναι] Dogma illud, quod Aristotelis fuisse tradit Hermias, Zenoni et Stoicis tribuunt Plut. Plac. phil. I. c. 3 et Diog. Laert. VII. c. 1 n. 68. §. 134 ibiq. Menag. Stobaeus Ecl. phys. I. p. 336 habet haec: *Ἀριστοτέλη δέ φασι δηλοῦν ἕκαστον χρώμενον σχήματι τῆς ἐρμηνείας τοιούτῳ· τὸ τε ἐξ οὗ λέγοντα τὴν ὅλην καὶ τὸ ὑφ' οὗ τὸ ποιοῦν, τὸ δὲ καθ' ὃ τὸ εἶδος, τὸ δὲ δι' οὗ τὸ τέλος*. Quibuscum confer Arist. Metaph. I. c. 3 et V. c. 2. — Porro per τὸ ποιοῦν Hermias indicare mihi videtur quintam illam substantiam, quam praeter quattuor elementa Aristoteles ponebat. Diogenes Laert. V. c. 1. n. 13. §. 32 hoc Aristotelis placitum memorat: *εἶναι δὲ παρὰ τὰ τέσσαρα στοιχεῖα καὶ ἄλλο πέμπτον, ἐξ οὗ τὰ αἰθέρια· ἄλλοιαν δ' αὐτοῦ τὴν κίνησιν εἶναι, κνκλοφορικὴν γάρ*. Origenes c. Cels. IV. p. 202: *... Ἀριστοτέλει*

αἰθέρα,] τὸ δὲ πάσχον ⁸ ἔχειν ποιότητος τέσσαρας, ⁹ ξηρότητα ὑγρότητα θερμότητα ψυχρότητα. ¹⁰ τῇ γὰρ τούτων εἰς ἄλληλα μεταβολῇ τὰ πάντα γίνεται καὶ φθείρεται. ¹¹ Κεκμήκαμεν ἤδη ¹² μεταβαλλόμενοι ἄνω καὶ κάτω τοῖς δόγμασι· πλὴν ¹² ἐπὶ γε τῆς Ἀριστοτέλους γνώμης στήσομαι, καὶ μηκέτι ¹³ μοι μηδὲ εἰς λόγος ὀχλεῖται!

6. Ἀλλὰ τί ¹ δῆτα πάθοιμ' ἄν; Νευροκοποῦσι γὰρ μου ¹⁷⁸ τὴν ψυχὴν ἀρχαιότεροι ² τούτων γέροντες· Φερεκύδης ³ μὲν, ἀρχὰς εἶναι λέγων Ζῆνα καὶ Χθονίην καὶ ⁴ Κρόνον, Ζῆνα μὲν τὸν αἰθέρα, Χθονίην δὲ τὴν γῆν, Κρόνον ⁵ δὲ τὸν χρόνον· ὁ μὲν αἰθήρ τὸ ποιοῦν, ἡ δὲ γῆ τὸ πάσχον, ὁ δὲ χρόνος ἐν ᾧ τὰ γινόμενα. ⁶ Ζηλοτυπία τοίνυν τῶν γερόντων πρὸς ἀλλήλους.

καὶ τοῖς ἀπὸ τοῦ Περιπάτου ἄν-
λον φάσκουσιν εἶναι τὸν αἰθέρα,
καὶ πέμπτης παρὰ τὰ τέσσαρα
στοιχεῖα αὐτὸν εἶναι φύσεως. In-
stlinus Coh. c. 5. p. 6 B: πέμπτον
αἰθερίου τι καὶ ἀμετάβλητον ἀνα-
πλάττων σῶμα κτλ. (Cf. Plut. l.
l. c. 3 et 7.) Cicero Acad. l. c. 8:
„Quintum genus, e quo essent astra
mentesque, singulare, eorumque qua-
tuor, quae supra dixi, dissimile
quiddam rebatur.“ (Cf. Davis, ad
h. l.) Ex his vel similibus locis
scilicet textui addidisse credo τὸν
αἰθέρα. [Haec Menz. eiecit, equi-
dem uncis inclusi.] Caeterum quid-
nam apud Aristotelem intersit inter
τὸ ποιεῖν et τὸ πράττειν docebit
Clemens Strom. V. p. 589 D. Men-
zelius.

8. ἔχειν] Praeunte Menzelio re-
scripsi pro vulg. ἔχον. Mon 3 ἔχων.
In eodem codice antecedentia verba
καὶ τὸ μὲν ποιοῦν ἁ. ε. [τ. α.] τὸ
δὲ πάσχον exciderunt. Omissionis
causa in promptu est: πάσχειν —
πάσχον.

9. ξηρότητα κτλ.] Idem de Stoi-
cis habet Diog. Laert. VII. n. 69.

§. 137; de Aristotelis autem quat-
tuor στοιχείοις, terra aqua aere et
igne, cf. Nemes. c. 5. Menzelius.

10. τῇ γ. τούτων] Mon. 3 et
Vat. τὸ γὰρ τοῦτο. Menz. γίνε-
σθαι καὶ φθείρεσθαι legit pro vulg.
γίνεται καὶ φθείρεται. Cave a mu-
tatione. Eadem in oratione varia-
tionem habes alibi quoque (c. 6.
n. 21). Cf. c. 4. n. 8. Caeterum
Hermiae pro vulg. πάντα reddidi
τὰ πάντα, quam quidem dictionem
(raro τὸ πᾶν c. 3. §. 7. c. 4. §. 10
et τὰ ὅλα c. 9. §. 18) constanter
(coll. c. 6. §. 14) usurpat ad uni-
versitatem designandam.

11. Κεκμήκαμεν . . . μεταβαλ-
λόμενοι] Seil. in marg. et Wolf. in
textu κέκηκα μὲν . . . μεταβαλλό-
μενος. Ille in textu κεκμήκαμεν
. . . μεταμελλόμενοι (Mon. 2. 3.
Angl. Vat.) Sic caeteri quoque
editores, praeter Menz., qui reflexit
μεταβαλλόμενοι. Minus recte Gal.
et Mar. μεταβαλλόμενοι coniecerant.
Vind. Mon. 1. Ottob. Leid. μετα-
μελλόμενοι. — Pro ἄνω Mon. 3
τῶν ἁνῶν (sic); in marg. γρ.
ἁνῶν.

affici, [aetherem,] patiens vero qualitates habere quattuor, siccitatem humiditatem calorem frigus; horum enim mutua inter se mutatione omnia oriuntur et intereunt. Defatigati iam sumus sursum ac deorsum iactati opinionibus: caeterum in Aristotelis sententia stabo, neque ulla amplius argumentatio mihi negotium facessat!

6. Sed quid agam? Nam senes his vetustiores animi mei nervos incidunt: Pherecydes, qui principia esse dixit Iovem, Tellurem et Saturnum: Iovem esse aetherem, Tellurem terram, Saturnum tempus; et aetherem agere, terram pati, tempus esse in quo fiant omnia. Iam vero aemulatio est inter

12. ἐπί] Ita recte Wolf. et Menz.; iam Seil. in marg. adnotavit, sed in textu habet, ut reliqui editores, particulam ἔτι, quam etiam omnes codd. msti praebent.

13. μοι ... ὀχλείτω] Sic omnes codd. msti et editi. Solus Menz.: μοι ... ἐνοχλείτω. Insuper idem pro μοι malit με. Sed ἐνοχλείν τινι lubentius quam τινα dicebant Graeci. Cf. Pape l. c. Tom. I. p. 691. Scriptura autem vulgata si recte habet nec fortassis με pro μοι legendum est (Aesch. Prom. 1000: ὀχλεῖς μάτην με, coll. Her. V. 41: ὄχλευν αὐτήν, molestabant eam): illud ὀχλείτω absolute capias „molestiam afferat“, ut Soph. Oed. T. 446 παρὼν σὺ γ' ἐμποδὼν ὀχλεῖς (cf. Stephan. Thesaur. gr. ling. ed. Hase Vol. V. p. 2474), et cum dativo μοι, qui superflui videri possit, conferas Athenagor. Suppl. c. 13. p. 13 B. et c. 18. p. 17 D σκέψασθέ μοι.

1. δῆτα] Vind. Mon. 1. 3, Wolf. Menz. Mendose reliqui δὴ τὰ. Tum Mon. 3 πάθοιμεν. Idem cod. mox νευροκοπιούσι.

2. τούτων] Intellige Platonem et Aristotelem (c. 5). Menzelio, quem sequitur Noltius, magis arripet τούτων h. e. Ἀριστοτέλους.

3. μὲν] Scil. νευροκοπεῖ. Her-
mias infra non pergit: Ταῦτα δὲ (resp. voc. μὲν) πάντα ὁ Λεύκιππος (quem etiam γέρονσι adnumerat: cf. Zeller. l. c. Tom. I. p. 575 sq.) κτλ. Sed interponit: Ζηλοτυπία τοίνυν ... ἀλλήλους. Illud τοίνυν orationem continuat, servitque transitioni ad exemplum quod allaturus est scriptor: Ταῦτα γὰρ κτλ. Menzelius post verba ἐν ᾧ τὰ γινόμενα excidisse opinatur saltem alterius cuiusdam philosophi sententiam.

4. Κρόνον ... Κρόνον δὲ τὸν] Haec omnia in Mon. 3 desunt Darmarii incuria. De hoc Pherecydis loco cf. Zeller. l. c. Tom. I. p. 65.

5. δὲ] Seil. μὲν. Deinde Wolf. ὁ μὲν γὰρ αἰθῆρ.

6. Ζηλοτυπία] Haec vox restituta est Wolfii emendatione: quae Vind. et Mon. 1 (fortasse et Ottob.) firmatur. Etiam Seil. in transl. aemulatio. Galeus coniecit ζηλο-

Ταῦτα γάρ ⁷ τοι πάντα ὁ Λεύκιππος λῆρον ἡγούμενος, ⁸ ἀρχὰς εἶναί φησι τὰ ἄπειρα καὶ ἀεικίνητα καὶ ἐλάχιστα· καὶ ⁹ τὰ μὲν λεπτομερῇ ἄνω χωρήσαντα πῦρ καὶ ἀέρα γενέσθαι, τὰ δὲ παχυμερῇ κάτω ὑποστάντα ὕδωρ καὶ γῆν. Μέχρι ¹⁰ ποῦ τὰ τοσαῦτα ¹³ διδάσκειν, μηδὲν ἀληθὲς μανθάνων; Πλὴν εἰ μή τί γε Δημό- B κριτος ἀπαλλάξει με τῆς πλάνης, ἀποφαινόμενος ἀρχὰς τὸ ὄν καὶ τὸ μὴ ὄν· ¹¹ καὶ τὸ μὲν ὄν πλήρες, τὸ δὲ μὴ ὄν κενόν· ¹² τὸ δὲ πλήρες ἐν τῷ κενῷ ¹³ τροπῇ ἢ ὁσμῷ ποιεῖν τὰ πάντα. Ἴσως ἂν ¹⁴ πεισθίην τῷ καλῷ Δημοκρίτῳ καὶ βουλοίμην ¹⁵ ἂν σὺν αὐτῷ γελᾶν, εἰ μὴ μεταπείθοι ¹⁶ με Ἡράκλειτος, κλαίων ὁμοῦ καὶ λέγων· ¹⁷ Ἀρχὴ τῶν ὅλων τὸ πῦρ· δύο δὲ αὐτοῦ πάθη, ἀραιότης καὶ πυκνότης, ἡ μὲν ποιοῦσα, ἡ δὲ πάσχουσα, ἡ μὲν συγκρίνουσα, ἡ δὲ διακρίνουσα. Ἰκανῶς ἔχει μοι, C ¹⁸ καὶ ἤδη μεθύω τοῖς τοσαύταις ἀρχαῖς. Ἀλλὰ με παρὰ καλεῖ ¹⁴

τύπεια (!). Angl. Mon. 3. Vat. ζηλοτύπει (sic). Mon. 2 (et Leid.?) ζηλοτύποι, item editi (exc. Wolf.). Mon. 3 τοίνυν omisit. — Menzel. legendum suspicatur: Ζηλοτυπούντων οὖν τῶν γερόντων πρὸς ἀλλήλους („obtreçantibus igitur inter se illis senis,” Pherecyde et altero illo, quem vir doctus excidisse putat: vide supra n. 3), ταῦτά γε τοι πάντα ὁ Λεύκιππος κτλ. Qua emendatione non opus est. Prorsus inepte Noltius: Ζηλοτυπίας τοίνυν τ. γ. π. ἀλλήλους οὔσης (ταῦτα γάρ τοι ... ὕδωρ καὶ γῆν) μέχρι κτλ., addens: „Hermias ad trutinam scriptorum qui vocantur classicorum examinandus non est.”

7. τοι πάντα] Omisit Mon. 3.

8. ἀρχὰς] Mon. 3 ἀργοῦ. Mox idem cod. et Vind. φασι. Tum ἀεικίνητα Wolfii et Worthii coniecturae debemus pro vulg. ἀκίνητα. Menz. mallet αἰεὶ κινητὰ (sed cf. Plat. Phaedr. p. 245 C) sive εὐκίνητα. Firmatur illa scriptura Diogen.

Laert. IX. §. 30, quem Dommerich. laudavit: ἤρεσκε δὲ αὐτῷ ἄπειρα εἶναι τὰ πάντα, καὶ εἰς ἄλληλα μεταβάλλειν κτλ. Adde Hippol. Refut. omn. haer. I. c. 12: Λεύκιππος ... φησιν ἄπειρα εἶναι καὶ αἰεὶ κινούμενα κτλ. — Democritus, quem statim affert Hermias, et illos secutus Epicurus, de quo paullo post sermo est (vid. n. 19), atomos omnium rerum principia esse statuerunt (c. 2. n. 6).

9. τὰ] Mon. 3 τὸ.

10. ποῦ] Sic codd. msti; cf. Stephan. Thes. ed. Hase Vol. VI. p. 1538. Editi vitiose που. Solus Menzel. legit τοῦ. Homer. II. 24, 128: τέο μέχρις. Sed Hermias etiam c. 10 ... καὶ μέχρι ποῦ; Mon. 3 et Vat. non διδάσκονται ... μανθάνων, sed διδάσκαλε ... μανθάνω.

11. καὶ τὸ μὲν ὄν] Desunt in Mon. 3.

12. τὸ δὲ] Mon. 3 et Vat. καὶ τὸ.

illos senes. Etenim haec profecto omnia Leucippus nugae esse existimans, principia esse dicit infinita et semper mobilia et tenuissima: et subtilia quidem sursum elata ignem et aerem fieri, crassa autem quum infra substitissent aquam et terram. Quousque tandem tam multa doceor, veri tamen nihil disco? Nisi forte Democritus aliquantulum ab errore me liberabit, demonstrans principia esse id quod est et id quod non est: atque id quod est esse plenum, quod non est esse vacuum; plenum autem in vacuo omnia facere conversione vel figura. Fortasse bono Democrito fidem haberem et vellem cum eo ridere, nisi a sententia me deduceret Heraclitus, simul plorans et dicens: Principium universorum est ignis; duae autem sunt eius affectiones, raritas et densitas, altera agens, altera patiens, altera coniungens, altera dirimens. Satis mihi est, et iam ebrius sum tot principiis. Sed et il-

13. τροπή ἢ ὀυσμῶ] Mon. 3 et Vat. τροπήν ἢ ὀυσμόν, Angl. τροπήν καὶ ὀυσμόν. Caeteri codd. msti τροπή ἢ ὀυσμῶ. Wolf. autem (ut Seil. in marg.) et Menzel. pro ὀυσμῶ, quod reliqui editt. habent, receperunt ὀυσμῶ, aliam vocis formam (ionicam), frequentatam a Democrito; λέξιν ἀβδηρικτικὴν vocat Philoponus, qui, ut Aristoteles Metaph. I. c. 4, per σχῆμα explicuit. Cf. Zeller. I. c. Tom. I. p. 588 sq. — Cum Wolf. Duc. Menz. ποιεῖν scripsi pro ποιεῖ, quod caeteri legunt.

14. πεισθείην] Mon. 3 πεισθείη.

15. ἄν] Wolf. incuriā omisit. — Multi scriptores inde ab Octaviani Augusti temporibus (ut Seneca de ira II. c. 10 et Hippol. I. c. I. c. 13) dicunt Democritum risisse omnes res humanas vel, ut alii volunt, nunquam sine risu in publicum prodisse. Cf. Mullach. I. c. Vol. I. p. 331.

16. με] Ita Seil. in marg., Wolf. et Menz. in textu; caeteri μὲν, velut codd. msti. Tum Mon. 3 κλέων. — Senior aetas Heraclito perpetuam tristitiam affinxit, ut semper lacrimasse et in luctu vixisse diceretur. Cf. Senec. I. c., Lucian. Vit. auct. c. 14, Hippol. I. c. I. c. 4.

17. Ἀρχὴ κατ.] De hac sententia, Heraclito a scriptore nostro imputata, consulas Zeller. I. c. Tom. I. p. 461 sq. — Caeterum haec sibi vult Hermias: densitatis esse actionem et coniunctionem, raritatis vero dissipationem et passionem. Simpl. Phys. p. 310 de Heraclito et aliis physicis: διὰ πυκνώσεως καὶ μανώσεως τὰς γενέσεις καὶ φθοράς ἀποδιδόασιν, σύγκρισιν δὲ τις ἢ πύκνωσις ἐστὶ καὶ διάκρισις ἢ μάνωσις.

18. καὶ] Rescribo c. Menz. pro vulg. καὶν. Iam Seil. in transl. atque.

¹⁹ ἀνεῖθεν Ἐπίκουρος μηδαμῶς ὑβρίσαι τὸ καλὸν αὐτοῦ δόγμα τῶν ἀτόμων καὶ τοῦ κενοῦ· τῇ γὰρ ²⁰ τούτων συμπλοκῇ πολυτρόπῳ καὶ πολυσχηματίστῳ τὰ πάντα ²¹ γίνεται καὶ φθείρεται.

7. Οὐκ ¹ ἀντιλέγω σοι, βέλτιστε ἀνδρῶν Ἐπίκουρε· ἀλλ' ὁ Κλεάνθης, ² ἀπὸ τοῦ φρέατος ἐπάρας τὴν κεφαλὴν, καταγελάσσει ³ τοῦ δόγματος, καὶ αὐτὸς ⁴ ἀνιμᾷ τὰς ἀληθεῖς ἀρχάς, ⁵ θεὸν καὶ ὕλην· καὶ τὴν μὲν γῆν μεταβαλεῖν εἰς ὕδωρ, τὸ δὲ ὕδωρ εἰς ἄερα, τὸν δὲ ἄερα ⁶ ἄνω φέρεσθαι, τὸ δὲ πῦρ εἰς τὰ περίγεια χωρεῖν, τὴν δὲ ψυχὴν δι' ὅλου τοῦ κόσμου ⁷ διήκειν, ἧς μέρος ⁸ μετέχοντας ἡμᾶς ἐμψυχοῦσθαι. Τούτων ⁹ τοίνυν τοσούτων ¹⁵ ὄντων ἄλλο μοι πληθος ἀπὸ Λιβύης ἐπιρρεῖ, Καρνεάδης καὶ ¹⁰ Κλειτόμαχος καὶ ὅσοι τούτων ὁμιλεῖται, πάντα τὰ τῶν ἄλλων δόγματα καταπατοῦντες, αὐτοὶ δὲ ἀποφαινόμενοι διαρρηδὴν ἀκατάληπτα εἶναι τὰ πάντα καὶ ¹¹ αἰετῇ ἀληθείᾳ φαντασίαν παρα-

19. ἀνεῖθεν] Cf. supra n. 8.

20. τούτων] Mon. 3. τούτου.

21. γίνεται καὶ φθείρεται] Menz. γίνεσθαι καὶ φθείρεσθαι. Non muto. Cf. c. 5. n. 10.

1. ἀντιλέγω σοι] Mon. 3 et Vat. ἀντιλέγουσι.

2. ἀπὸ τ. φρ. ἐπάρ. τ. κεφ.] Facete et salse exagitat Cleanthem: qui κατὰ παρωνομασίαν Φρεάντλης appellatus fuit: quasi suam sapientiam non e schola Zenonis, sed ex hortorum puteis hausisset, quos noctu stipis emerendae causa rigabat, ut esset unde interdū et victilaret et philosopharetur. [Diog. L. VII. c. 5. §. 2.] Wolfius.

3. τοῦ] Omiserunt errore Mor. et Duc.

4. ἀνιμᾷ] Vind. Mon. 1. 2. 3. Ottob. Vat. ἀνειμῶ (id probat Mar.), Angl. (et Leid.?) ἀνειμῶν (idque Gal. et Thienem. probant), Seil. in marg. et Wolf. in textu ἀνειμῶ, reliqui editt. ἀνειμῶ, solus Menz.

recte ἀνιμᾷ. Dein vox ἀρχὰς a Mor. et Duc. vitiose omissa est.

5. θεὸν καὶ ὕλην] Mutuatus est hoc placitum Cleanthes a magistro Zenone. Cf. Plutarch. De plac. philos. I. c. 3 et Diogen. Laert. VII. c. 1. §. 134. Menzelius. Idem vir doctus ad verba quae sequuntur: „Multo accuratius habet hoc Cleanthis atque Stoicorum placitum Diog. L. VII. c. 1. n. 70. §. 142.“

6. ἄνω] Worthii monitu hanc vocem, Menzelium secutus, supplevi. Deest in caeteris codd. mstis et editis. Apud Mor. verba τὸν δὲ ἄερα [ἄνω] incuria exciderunt. Wolfius in textu legit sic: τὸ δὲ ὕδωρ εἰς ἄερα, τὸ δὲ πῦρ ἄνω φέρεσθαι, τὸν δὲ ἄερα εἰς τὰ περίγεια χωρεῖν, τὴν δὲ ψυχὴν κτλ. Aliter statuit in annotationibus, ubi „Puto,“ inquit, „inversa esse verba et sic legendum: τὸν δ' ἄερα εἰς τὰ περίγεια χωρεῖν, τὸ δὲ πῦρ ἄνω φέρεσθαι.“

line Epicurus me adhortatur ut nequaquam pulchrum suum de atomis et de vacuo placitum contumelia afficiam: nam horum multiplici ac multiformi complexione omnia oriuntur et intereunt.

7. Non contradico tibi, Epicure virorum optime; sed Cleanthes, caput a puteo attollens, tuum placitum deridet, et ipse extrahit vera principia, deum ac materiam: et terram mutari in aquam, aquam in aerem, aerem sursum ferri, ignem ad loca terrae proxima concedere, animum autem per totum mundum penetrare, cuius partem nos adeptos animari. Horum quum iam tantus sit numerus, alia mihi multitudo ex Lybia affluit, Carneades et Clitomachus atque omnes eorum sectatores, qui omnia caeterorum placita conculcant, ipsi vero disertis verbis pronuntiant universa comprehendere non posse ac veritati semper falsam imaginationem esse proximam.

7. διήκειν] Mon. 3 διήκει. — Ἡ ψυχὴ hoc loco est anima mundi, ut iam Wolf. animadvertit.

8. μετέχοντας] Codd. msti μετέχοντος, et idem habent Seil. Mor. Duc. Caeteri recte ut supra in textu.

9. τοίνυν] Incuria omisit Morellus, quocum faciunt Duc. Worth. Domm. — Quae sequuntur, ἄλλοι μοι πλήθος κτλ., respiciunt, ut Menz. scite adnotavit, ad Plat. Phaedr. p. 229 D: καὶ ἐπιρρεῖ δὲ ὄχλος τοιοῦτων Γοργόνων καὶ Πηγάσων καὶ ἄλλων ἀμηχάνων πλήθη τε καὶ ἀτοπίαι τερατολόγων τινῶν φύσεων. Permulti hunc Platonis locum respexerunt vel imitando expresserunt, quos Astius (Plat. Opp. Tom. X) p. 233 sq. laudavit. Ut duos tantum afferam, Clemens Alex. Protr. c. 6. §. 67 ait: καὶ πολὺς μοι ἐπιρρεῖ τοιοῦτος ὄχλος, οἷον ἐμορφώ τινα δαιμονίων παρεισάγων ξένων. Et Philostr. Heroic.

p. 60: πολὺς ἐπιρρεῖ τῶν τοιούτων ὄχλος, ubi vide Boissonad. p. 414.

10. Κλειτόμαχος] Wolf. Duc. Menz. Reliqui, ut codd. msti (Mon. 3 κλητόμαχος), male Κλιτόμαχος. Carneades fuit Cyrenaeus, Clitomachus (Hasdrubal) autem Carthaginiensis (idcirco ap. Max. Tyr. Diss. 10, 3: Κλειτόμαχος ὁ Λίβυς). De his academicis novis plura dedit Zeller. l. c. Tom. III. P. 1. p. 454 sqq. et 478.

11. αἰ] Omiserunt Wolf. et Mor. Post φαντασίαν enim textus vulgatus (in omnibus codd. mstis et ap. Seil. Duc. Worth. Domm. Mar.) illam particulam αἰ repetit, sicuti infra c. 8. n. 1 τὸ articulum. Hoc repetitum αἰ monitu Marani probe expunxerunt Galland. et Menzel. Sed Noltius scribere amat (priori αἰ deleto): καὶ δὴ τῇ α. φ. αἰ παρ. ψ. — Mon. 3 φαντασία.

κεῖσθαι ψευδῇ. Τί τοίνυν πάθω ¹² τοσούτῳ χρόνῳ ταλαιπωρή-
σας; Πῶς δέ μου τῆς γνώμης ἐκχέω τὰ τοσαῦτα δόγματα; Εἰ
γὰρ μηδὲν ¹³ εἶη καταληπτόν, ἀλήθεια μὲν ἐξ ἀνθρώπων οἴχεται,
ἢ δὲ ὑμνουμένη φιλοσοφία ¹⁴ σκιομαχεῖ μᾶλλον ἢ τὴν τῶν ὄντων ¹⁷⁹
ἐπιστήμην ¹⁵ ἔχει.

8. Ἄλλοι τοίνυν ἀπὸ τῆς παλαιᾶς φυλῆς, Πυθαγόρας καὶ ¹⁶
οἱ τούτου συμφυλέται, σεμνοὶ καὶ σιωπηλοί, παραδιδόασιν ἄλλα
μοι δόγματα ὥσπερ μυστήρια, καὶ τοῦτο δὴ τὸ μέγα καὶ ἀπ' ὀρη-
τον ¹ αὐτὸς ἔφα· ² Ἀρχὴ τῶν πάντων ἡ μονάς, ἐκ δὲ τῶν
σχημάτων αὐτῆς καὶ ἐκ τῶν ἀριθμῶν τὰ στοιχεῖα γίνεται. Καὶ
τούτων ἐκάστου τὸν ἀριθμὸν καὶ τὸ σχῆμα καὶ τὸ μέτρον οὕτω
πῶς ἀποφαίνεται· ³ Τὸ μὲν πῦρ ὑπὸ τεσσάρων καὶ εἴκοσι τριγώ-
νων ὀρθογωνίων συμπληροῦται, ⁴ τέσσαρσιν ἰσοπλεύροις περιεχό-
μενον· ⁵ ἕκαστον ἰσοπλευρον σέγκειται ἐκ τριγώνων ⁶ ὀρθογωνίων
ἕξ· ὅθεν ⁷ δὴ καὶ πυραμίδι προσεικάζουσιν αὐτό. Ὁ δὲ ἀήρ
ὑπὸ τεσσαράκοντα ὀκτὼ τριγώνων ⁸ συμπληροῦται, περιεχόμενον
⁹ ἰσοπλεύροις ὀκτὼ· εἰκάζεται δὲ ὀκταέδρῳ, ¹⁰ περιέχεται ὑπὸ
ὀκτὼ τριγώνων ἰσοπλεύρων, ὧν ἕκαστον εἰς ἕξ ὀρθογώνια διαι-
ρεῖται, ὥστε γίνεσθαι τεσσαράκοντα ὀκτὼ τὰ πάντα. Τὸ δὲ
ὔδωρ ὑπὸ ἑκατὸν εἴκοσι ¹¹ τριγώνων συμπληροῦται, ἴσοις καὶ

12. τοσούτῳ χρόνῳ] Menz. το-
σοῦτον χρόνον. Sed consulas Winer.
Gramm. d. neutest. Spr. (ed. 6)
p. 195 et Grimm. Lex. in librr. N.
T. (Lips. 1868) p. 460.

13. εἶη] Mallem pro εἶη, quod
hic loci soloecum est, ἔστι. Men-
zelius. Sed cfr. Matthiae Ausf. gr.
Gramm. Tom. II (ed. 2) p. 1017.

14. σκιομαχεῖ] Menz., codicum
ope non adiutus, temere substituit
σκιαμαχεῖ. Illa forma apud recen-
tiores haud fuit inusitata, ut docent
Lexica.

15. ἔχει] Mon. 3. et Val. ἔχειν.

1. αὐτὸς ἔφα] Omnes codd.
msti et editi τὸ αὐτὸς ἔφη. Exci-
pias Menz. qui fecit ΑΤΤΟΣ ΕΦΑ
τὸ. Exemplum voculae a librariis

male iteratae habes c. 7. n. 11. Cae-
terum de illa formula videsis Mul-
lach. I. c. Vol. II. p. VII sq.

2. Ἀρχὴ ... γίνεται] Cf. Diogen.
Laert. VIII. §. 25 (Mull. I. c.
p. XIII).

3. Τὸ μὲν πῦρ κτλ.] Idem Py-
thagorae placitum, ut iam Worth.
observavit, occurrit apud Plutarchum
De plac. philos. II. c. 6: Πυθα-
γόρας, πέντε σχημάτων ὄντων στε-
ρεῶν, ἅπερ καλεῖται καὶ μαθημα-
τικά, ἐκ μὲν τοῦ κύβου φησὶ γε-
γονέναι τὴν γῆν, ἐκ δὲ τῆς πυρα-
μίδος τὸ πῦρ, ἐκ δὲ τοῦ ὀκταέδρου
τὸν ἀέρα, ἐκ δὲ τοῦ εἰκοσαέδρου
τὸ ὔδωρ, ἐκ δὲ τοῦ δωδεκαέδρου
τὴν τοῦ παντὸς σφαῖραν.

Quid igitur agam qui per longum tempus laboraverim? Quo pacto tot placita ex animo meo effundam? Si enim nihil comprehendere potest, veritas facessit ab hominibus, et celebrata philosophia umbras potius consecratur quam rerum scientiam tenet.

8. Iam vero alii ex antiqua tribu, Pythagoras et tribules eius, graves et taciturni, alia mihi tradunt placita quasi mysteria, atque hoc magnum et arcanum ipse dixit: Initium omnium est unitas, e cuius figuris et numeris elementa fiunt. Atque eorum cuiuslibet numerum et figuram et mensuram in hunc fere modum demonstrat: Ignis quattuor et viginti triangulis rectangulis conficitur, et quattuor aequilateris continetur; unumquodque aequilaterum constat sex triangulis rectangulis: unde etiam cum pyramide eum comparant. Aer quadraginta octo triangulis (rectangulis) conficitur, et continetur octo aequilateris; comparatur cum octaedro, quod continetur octo triangulis aequilateris, quorum unumquodque in sex rectangula (triangula) dividitur, ita ut (triangula) omnia fiant quadraginta octo. Aqua centum et viginti [triangulis conficitur, et viginti aequalibus et aequi-

4. τέσσαρσιν] Mon. 3 τέτταρσιν.

5. ἔκ. ἰσόπλ.] Seil. in marg. coniecit et Wolf. in textu posuit ἑκαστον δ' ἰσόπλ. Male. Praecedenti μὲν respondet: ὁ δὲ ἄλλος.

6. ὁρθογωνίων] Negligentia omisit Morellus, quem omnes editt. secuti sunt. Solus Menz. vocem illam praebet, sed post ἔξ collocavit. In cunctis codd. mstis ita exstat ut supra in textu.

7. δὴ] Omnes codd. msti, Wolf. et Menz. Reliqui editt. δὲ, per Seil. in errorem inducti. Statim Mon. 3 καὶ τὸ, πυραμίδι. Porro non προσεκάθουσιν, sed —ζουσι Mon. 1. 3. Tum Mon. 3: αὐτὸ δὲ, omisso ὁ.

8. συμπληροῦται ... ὁκτώτρι-

γώνων] Haec omnia Darmarius, illerata voce τριγώνων deceptus, in Mon. 3 praetermisit.

9. ἰσοπλεύροις] Seil. ἰσόπλευρος.

10. τριγώνων ... εἴκοσι] Haec verba in codd. mstis et editis desunt, ideoque cancellis inclusi. Causa cur librarii omiserint cernitur in repetito εἴκοσι. Tum in fine enuntiati pro verbis τριγώνων εἴκοσι καὶ ἑκατόν, quae Hermiae reddidi, codd. msti legunt: τριγώνων εἴκοσι ς δὲ π̄ q̄η. (Angl. pro π̄ dedit καί.) Seil. pari modo exhibuit: τριγώνων εἴκοσι ς δὲ κρη. Sed in marg. commendavit et Wolf recepit: τριγώνων εἴκοσι ἑξάκισ, εἰσὶ δὲ ρκ. Mor. et Duc.: τριγώνων

ἰσοπλεύροις εἴκοσι] περιεχόμενον· εἰκάζεται δὲ εἰκοσαέδρῳ, ὃ δὴ συνέστηκεν ἐξ ἴσων καὶ ἰσοπλεύρων τριγώνων εἴκοσι καὶ ἑκατόν. ¹¹ Ὁ δὲ αἰθὴρ συμπληροῦται δώδεκα πενταγώνοις ἰσοπλεύροις C καὶ ὁμοίός ἐστι δωδεκαέδρῳ. ¹² Ἡ δὲ γῆ συμπληροῦται ἐκ τριγώνων μὲν ὀκτὼ καὶ τεσσαράκοντα, περιέχεται δὲ καὶ τετραγώνοις ἰσοπλεύροις ἑξ· ἐστι δὲ ὁμοία κύβῳ. Ὁ γὰρ κύβος ὑπὸ ἑξ τετραγώνων περιέχεται, ὧν ¹³ ἕκαστον εἰς ὀκτὼ τρίγωνα, ὥστε ¹⁴ γίνεσθαι τὰ πάντα ὀκτὼ καὶ τεσσαράκοντα.

9. Τὸν μὲν ¹ δὴ κόσμον ὁ Πυθαγόρας μετρεῖ. Ἐγὼ δὲ ¹⁷ πάλιν ἔνθεος γενόμενος τῆς μὲν οἰκίας καὶ πατρίδος καὶ ² τῆς γυναικὸς καὶ τῶν παιδίων καταφρονῶ, καὶ τούτων οὐκέτι μοι μέλει, εἰς δὲ τὸν αἰθέρα αὐτὸν αὐτὸς ἀνέρχομαι καὶ τὸν πῆχυν παρὰ Πυθαγόρου λαβὼν μετρεῖν ἄρχομαι τὸ πῦρ. Οὐ γὰρ ἀπό- D χρη μετρῶν ὁ Ζεὺς· ³ ἀλλ' εἰ μὴ καὶ τὸ μέγα ζῶον, τὸ μέγα σῶμα, ἡ μεγάλη ψυχὴ, αὐτὸς εἰς τὸν οὐρανὸν ἀνέλθοιμι καὶ μετρήσαιμι τὸν αἰθέρα, οὔχεται ⁴ ἡ τοῦ Διὸς ἀρχή. Ἐπειδὴν δὲ ⁵ μετρήσω καὶ ὁ Ζεὺς παρ' ἐμοῦ μάθῃ πόσας γωνίας ἔχει τὸ πῦρ,

εἴκοσις * δὲ κρη', Worth. Mar. Domm.: τριγώνων εἴκοσις 5' * δὲ κρη', Menz.: τριγώνων εἴκοσις 5 δὲ κρη'. Neminem autem arbitror dubitaturum quin recte restituerim. Worthus, quocum Maran. Dommer. Menzel. sentiunt, a vulgatae scripturae recedens vestigiis putavit legendum esse sic: Τὸ δὲ ὕδωρ συμπληροῦται ὑπὸ ἑκατόν εἴκοσι τριγώνων, περιεχόμενον ἴσοις καὶ ἰσοπλεύροις εἴκοσι· εἰκάζεται δὲ εἰκοσαέδρῳ, ὃ δὴ συνέστηκεν ἐξ ἴσων καὶ ὀρθογωνίων τριγώνων ρ'. Thienemannus locum ita interpolavit: τὸ δὲ ὕδωρ ὑφ' ἑκατόν εἴκοσι συμπληροῦται τριγώνων· εἰκάζεται δὲ εἰκοσαέδρῳ, ὃ δὲ [sic] συνέστηκεν ἐξ ἴσων καὶ ἰσοπλεύρων τριγώνων εἴκοσι, ὧν ἕκαστος [sic]

ὑφ' ἑξ ὀρθογωνίων περιέχεται, ὥστε γίνεσθαι ἑκατόν εἴκοσι τὰ πάντα.

11. Ὁ δὲ αἰθὴρ ... δωδεκαέδρῳ] Reposui πενταγώνοις (Vind.) pro vulg. πενταγωνίοις. Worthus, cui Mar. Domm. Menz. adstipulantur, coniecit sic scribendum esse: Ὁ δὲ αἰθὴρ ὑπὸ ἑκατόν εἴκοσι τριγώνων ὀρθογωνίων συμπληροῦται, περιεχόμενον δώδεκα πενταγωνίοις ἰσοπλεύροις, καὶ ὁμοίός ἐστι δωδεκαέδρῳ, ὃ δὴ συνέστηκεν ἐκ τῶν τριγώνων ἑκατόν καὶ εἴκοσι. Thienemannus autem nihil mutandum censet: „es scheint sich Hermias selbst in den letzten Beschreibungen der Kürze zu befeisigen.“

12. Ἡ δὲ γῆ ... κύβῳ] Wolf. ἡ γῆ δὲ pro ἡ δὲ γῆ, quod Menz.

lateris] continetur; comparatur cum icosaedro, quod constat ex aequalibus et aequilateris triangulis centum et viginti. Aether conficitur duodecim pentagonis aequalium laterum et similis est dodecaedro. Terra conficitur triangulis octo et quadraginta, et continetur sex tetragonis aequalium laterum; est autem similis cubo. Cubus enim sex tetragonis continetur, quorum unumquodque in octo triangula (dividitur): ita ut (triangula) omnia fiant octo et quadraginta.

9. Mundum igitur Pythagoras metitur. Ego vero rursus numine afflatus domum et patriam et uxorem et liberos contemno, neque amplius horum quidquam mihi curae est, atque ipse in ipsum aetherem adscendo et cubitu a Pythagora sumto metiri incipio ignem. Non enim satis est metiri Iovem; sed nisi etiam ego, magnum illud animal, magnum corpus, magnus animus, ipse in coelum adscendero et aetherem mensus fuero, interibit Iovis imperium. Postquam autem mensus sum et Iuppiter a me cognovit quot angulos

refinxit. Caeteri editores, ut codd. msti, δὲ omiserunt. Mon. 3 non *τετραγώνοις*, sed *τετραγωνίοις*. Worthus, quocum hic quoque Mar. Domm. Menz. faciunt, in hunc modum fortasse restituendum putavit: ἡ γῆ συμπληροῦται ἐκ τριγώνων μὲν ἡ' καὶ μ', περιέχεται δὲ καὶ τετραγωνίοις ἰσοπλεύροις ἔξ, ἔστι δὲ ὁμοία κύβῳ.

13. *ἑκάστον*] Mon. 3 *ἑκάστος*. Pro *εἰς ὀκτώ* idem cod. *εἰς* δὲ *τέσσαρα* habet, caeteri codd. msti et editi *εἰς δ'*. Iam Worthus monuit scribendum *εἰς ἡ'* (= *ὀκτώ*). Supple *διαίρεται* (Worth.; cf. n. 14).

14. *γίνεσθαι*] Vind. Otlob. Leid. Mon. 3; item Menz. Reliqui codd. msti et editi *γίνεται*. Pariter supra: ὦν *ἑκάστον διαίρεται*, ὥστε

γίνεσθαι. Pro *ὀκτὼ καὶ τέσσαρά-κοντα* (= *ἡ' καὶ μ'*) omnes codd. msti et editi legunt *καδ'* (= 24), quem librariorum errorem iam Worthus notavit.

1. δῆ] Angl. Mon. 3. Vat. οὐν. Tum Seil. (in marg.) mallet *τοῦτον τὸν τρόπον* sive *οὕτω μετρεῖ*, id quod Wolf. textui inseruit.

2. *τῆς*] Vind. *τῶν*.

3. *ἀλλ' εἰ μὴ*] Omnes codd. msti *ἀλλὰ μὴ*, exc. Angl., si fides habenda Wortho, qui hic de codicis lectione tacet. Etiam Seil. (ex Mon. 2) *ἀλλὰ μὴ*, in marg. *ἀλλ' εἰ μὴ* et sic editi. reliqui.

4. ἡ] Deest in Mon. 3.

5. *μετρήσω*] Angl. Mon. 3. Vat. *πάλιν μετρήσω*. Sic et Menz. Mox *πάθη* pro *μάθη* Wolf. vitiose.

πάλιν ἐξ οὐρανοῦ ⁶ καταβαίνω, καὶ ⁷ φαγὼν ἐλαίας καὶ σῦκα καὶ
λάχανα τὴν ταχίστην ἐπὶ τὸ ὕδωρ ⁸ στέλλομαι, καὶ κατὰ πῆλυν
καὶ δάκτυλον καὶ ἡμιδάκτυλον μετρῶ τὴν ὑγρὰν οὐσίαν καὶ τὸ
βάθος αὐτῆς ἀναμετρῶ, ἵνα καὶ ⁹ τὸν Ποσειδῶνα διδάξω πόσης
ἄρχει θαλάσσης. ¹⁰ Τὴν μὲν γῆν ἅπασαν ἡμέρᾳ ¹¹ μιᾷ περιέρ- 180
χομαι, συλλέγων αὐτῆς τὸν ἀριθμὸν καὶ τὸ μέτρον καὶ τὰ σχήμα-
τα· πέπεισμαι γὰρ ὅτι τοῦ κόσμου ¹² παντὸς οὐδὲ σπιθαμὴν
παρήσω, τοιοῦτος καὶ τηλικοῦτος ὢν. Οἶδα ¹³ δὲ ἐγὼ καὶ τῶν
ἀστέρων τὸν ἀριθμὸν καὶ τῶν ἰχθύων καὶ τῶν θηρίων, καὶ
¹⁴ ζυγῶ τὸν κόσμον ἰστάς ἐνκόλως τὸν σταθμὸν αὐτοῦ δύναμαι
μαθεῖν. ¹⁵ Ἀμφὶ μὲν δὴ ταῦτα μέχρι νῦν ἐσπούδακεν ἡ ψυχὴ 18
μου ¹⁶ τῶν ὅλων ἄρχειν.

10. ¹ Προσκύψας δέ μοί φησιν Ἐπίκουρος· Σὺ μὲν δὴ
κόσμον ἕνα μεμέτρηκας, ² ὃ φιλότης, εἰςὶ δὲ κόσμοι πολλοὶ καὶ
ἄπειροι. Πάλιν οὖν ἀναγκάζομαι ³ μετρεῖν οὐρανοὺς πολλοὺς, B
αἰθέρας ἄλλους καὶ τούτους πολλοὺς. Ἄγε δὴ, μηκέτι ⁴ μέλλε,
ἐπισιτισάμενος ὀλίγων ἡμερῶν εἰς τοὺς ⁵ Ἐπικουρείους κόσμους

6. καταβαίνω] Seil. καταφαίνω
mendose. Mon. 3 et Vat. καταβαίνων.

7. φαγὼν ἐλ. κ. σῦκα κ. λάχ.]
Allusio est ad ἀποχὴν τῶν ἐμψύ-
χων Pythagoricam. Victitarunt enim
Pythagorei herbis, frugibus et fructi-
bus rebusque caeteris e terra na-
scentibus. Wolfius.

8. στέλλομαι] Mon. 3 στέλλομεν.

9. τὸν] Agnoscunt codd. msti,
exc. Mon. 2 et Angl. Deest in edi-
tis, praeter Mar. et Menz.

10. Τὴν] Wolf. et Menz. καὶ
τὴν, absque codicum auctoritate.

11. μιᾷ] Mor. et Duc. omiserunt
errore. Statim περιέχομαι (Menz.)
feci ex vulg. παραέρομαι. Paullo
post Mar. et Gall. τὸν (sic) μέτρον.

12. παντὸς] Wolf. et Menz. Cae-
teri, ut codd. msti, πάντα. Etiam
Mar. coniecit παντὸς legendum. Non
παρήσω sed παροίσω Mon. 3.

13. δὲ] Menz. δ'. Noli mutare;
vide e. g. c. 4. §. 8: δὲ Ἐμπεδ.
— „Fortasse,“ ait Menz., „respi-
tur hoc loco Delphicum oraculum:
Οἶδα δ' ἐγὼ ψάμμου τ' ἀριθμὸν
καὶ μέτρα θαλάσσης cet. Herod.
l. I. c. 47.“

14. ζυγῶ] Fortassis ἐπὶ ζυγῶ,
Dicitur et una voce ζυγοσταεῖν,
librae imponere, trutinare, ponde-
rare. Wolfius. Cave a mutatione:
mihi vulgata lectio proba est.

15. Ἀμφὶ μὲν δὴ] Mon. 3 et
Vat. ἀμφοῖν δὴ μοι.

16. τῶν ὅλων ἄρχειν] Haec iro-
nice dicta sunt. Perperam Thiene-
manno exegema videntur esse, per-
tinens ad ταῦτα, ac legendum τ.
ὁ. ἀρχὴν vel ἀρχάς: „Mit diesen
Gegenständen, dem Urprincipe der
Welt, beschäftigte sich bis jetzt

habeat ignis, rursus ex coelo descendo, et olivas et ficus et olera comedens quamprimum ad aquam me confero, et per cubitum et digitum et semidigitum humidam naturam metior et profunditatem eius supputo, ut Neptunum quoque doceam quantum sit mare cui imperet. Terram universam uno die perlustro, colligens eius numerum et mensuram et figuras; persuasum enim habeo me ne dodrantem quidem totius mundi praetermissurum, quum talis sim et tantus. Novi etiam stellarum et piscium et bestiarum numerum, et mundum in trutina ponderans facile pondus eius possum cognoscere. Hactenus quidem animus meus his rebus intentus totius universitatis imperium affectavit.

10. Sed caput ad me inclinans ait Epicurus: 'Tu quidem unum iam mundum dimensus es, amice, sed mundi sunt multi et infiniti. Rursus igitur cogor dimetiri coelos multos, aetheres alios eosque multos. Agedum, non amplius mora, comparato paucorum dierum commeatu, Epicuri mundos pera-

meine Seele." Emendatio lectione vulgata peior.

1. Προσκύψας] Mon. 3 προσκύψαι. Seil. in marg. commendat προσκύψας, quomodo et Wolf. in textu habet.

2. ὧ φιλότης] Vind. Mon. 1. 3. Vat. (Wolf. Mor. Mar. Menz.), ὧ φιλότη (Ottob.?) Leid. Mon. 2 (Seil.), ὧ φιλότη Angl. (Worth. Domm.), ὧ φιλότα Duc. Illud ὧ φιλότης idem valet quod ὧ φίλε, substantivo pro adiectivo posito. Plat. Phaedr. p. 228 D: Δείξας γε πρῶτον, ὧ φιλότης, τί ἄρα κτλ. Frequenter usurparunt posteriores, ut Lucianus alii, quos Astius ad h. l. (Tom. X. p. 227 sq.) citavit. — Antea μεμέτρικας Seil. et Mor., postea εἰσὶ δὲ καὶ κόσμοι Mon. 3. — Caeterum esse mundos innumeros docuerunt Anaximander Anaximenes

Democritus Epicurus, de quibus consule Zeller. l. c. Tom. I. p. 171. 184. 607 (coll. p. 390) et Tom. IV. p. 378 sq.

3. μετρεῖν] Ita Menzelio praecunte substituo pro εἰπεῖν, quod sine sensu exhibent omnes codd. msti et editi.

4. μέλλε] Vind. et Leid. μέλλ', unde, Menzelium secutus, μέλλε dedi. Caeteri codd. msti et editi μέλλων. Illico cum Wolf. et Menz. scripsi ἐπισιτισάμενος (Vind. Mon. 1. Angl.; ἐπισιτησάμενος Mon. 3) pro vulg. ἐπισιτιασάμενος (Ottob. ? Vat. ? Leid. Mon. 2). Operae pretium existimat Menzelius conferre Luciani Icaromenippum c. 12: καὶ ὡς ἐνῆν μάλιστα κούφως ἐπισιτισάμενος, τὸ λοιπὸν ἔτεινον εὐθὺ τοῦ οὐρανοῦ κτλ.

5. Ἐπικουρείους] Codd. msti

ἀποδήμησον! ⁶ Τὰ μὲν οὖν πέρατα, Τηθύν καὶ Ὠκεανόν, εὐκόλως ὑπερίπταμαι. Εἰσελθὼν δὲ εἰς κόσμον ⁷ καινὸν καὶ ὥσπερ εἰς ἄλλην πόλιν, μετρῶ τὰ πάντα ὀλίγαις ἡμέραις· κακείθεν ὑπερβαίνω πάλιν ⁸ εἰς τρίτον κόσμον, εἴτα εἰς τέταρτον καὶ πέμπτον καὶ δέκατον καὶ ἑκατοστὸν ⁹ καὶ χιλιοστὸν, καὶ μέχρι ποῦ; Ἴδῃ γὰρ μοι σκότος ἀγνοίας ¹⁰ ἀπαντᾷ καὶ ἀπάτη μέλαινα καὶ ἄπειρος ἢ πλάνη καὶ ἀτελὴς φαντασία καὶ ἀκατάληπτος ¹¹ ἄνοια· πλὴν εἰ ¹² μέλλω καὶ τὰς ἀτόμους αὐτὰς ἀριθμεῖν, ἐξ ὧν οἱ ¹³ τοσοῦτοι κόσμοι γεγύνασιν, ἵνα μηδὲν ἀνεξέταστον παραλείπω, ¹⁴ μάλιστα τῶν οὕτως ἀναγκαίων καὶ ὠφελίμων, ἐξ ὧν οἶκος καὶ πόλις ¹⁵ εὐδαιμονεῖ. ¹⁶ Ταῦτα μὲν τοίνυν διεξῆλθον, βουλόμενος δεῖξαι ¹⁷ τὴν ἐν τοῖς δόγμασιν οὕσαν αὐτῶν ἐναντιότητα, καὶ ὥς εἰς ¹⁸ ἄπειρον αὐτοῖς καὶ ἀόριστον πρόεισιν ἢ ζήτησις τῶν πραγμάτων, καὶ τὸ τέλος αὐτῶν ἀτέκμαστον καὶ ἄχρηστον. ¹⁹ ἔργῳ μηδενὶ προδήλῳ καὶ λόγῳ σαφεῖ βεβαιούμενον.

(de Leid. hic tacet Menz.) ἐπικουρίους.

6. Τὰ μὲν ... ὑπερίπταμαι] Respicit sine dubio Hermias Iliad. XIV. 200 sq. coll. 301 sq.: Εἴμι γὰρ ὀψομένη πολυφόρβον πείρατα γαίης || Ὠκεανόν τε, θεῶν γένεσιν, καὶ μητέρα Τηθύν. Unde quis coniciat apud nostrum post πέρατα inserendum esse γῆς. Menzelius.

7. καινόν] Seil. Wolf. Mor. Duc. ζενόν, citra codicum fidem. In Mon. 3 Darmarii negligentia verba καὶ ὥσπερ usque ad εἰς τρίτον κόσμον praetermissa sunt.

8. εἰς τρίτον κόσμον] Sic (εἰς γ' κόσμον) omnes codd. msti, forsasse Angl. excepto, de quo hic tacet Worth., exhibens in textu εἰς* κόσμον et adnotans: „supple τρίτον.“ Mor. Duc. Domm. Mar. εἰς κόσμον, Seil. et Wolf. εἰς γ' κόσμον, Menz. εἰς κόσμον τρίτον.

9. κ. χιλιοστόν] Omiserunt Mor. et Duc. mendose.

10. ἀπαντᾷ] Ita (Wolf. et Menz.) legendum est pro ἄπαντα, quod quidem codd. msti et editi inepte habent.

grato! Terminos igitur, Tethyn et Oceanum, facile transvolo. Ingressus in mundum novum et quasi in aliam civitatem, melior cuncta paucis diebus; atque hinc transcendendo iterum in tertium mundum, postea in quartum et quintum et decimum et centesimum et millesimum, et quo tandem usque? Iam enim mihi occurrit ignorantiae caligo et nigra fraus et infinitus error et imperfecta imaginatio et incomprehensa stultitia: nisi forte etiam ipsas atomos numerare velim, ex quibus tot mundi orti sunt, ut nihil inexcussum praetermittam, praesertim ex rebus tam necessariis et utilibus, unde domus et civitatis felicitas pendet. Haec itaque enarravi, ut repugnantiam quae in eorum est placitis ostenderem, et inquisitionem rerum quam suscipiunt in vagum et infinitum evadere, eorumque finem esse inexplicabilem et inutilem, quippe qui nulla re evidenti ac ratione perspicua confirmetur.

11. ἄνοια] Vind. (Ottob.?) Leid. Mon. 1. 3. Vat. Editi ἄγνοια.

12. μέλλω καὶ] Omnes codd. msti μέλλω κατὰ, editi μέλλων κατὰ. At veram lectionem, quam Seil. in marg. notavit, Wolf. et Menz. in textu posuerunt. Mox αὐτοὺς Mon. 3 pro αὐτὰς.

13. τοσοῦτοι] Mon. 3 τοσοῦτο. Item postea παραλείπει.

14. μάλιστα κατὰ.] Hoc εἰρωνικῶς accipiendum est. Pro οὕτως (codd. msti) editi οὕτω. Soli Wolf. et Menz. illud refinxerunt.


15. εὐδαιμονεῖ] Ita Wolf. et Menz. Caeteri editt. et codd. msti omnes εὐδαιμονᾷ. Errorem iam Seil. (in marg.) correxit.

16. Ταῦτα κατὰ.] Conclusio, quae finem huius scripti ostendit.

17. αὐτῶν] H. e. τῶν (ἐξ) φιλοσόφων.

18. ἄπειρον] Mon. 3 ἄπειρα, sed supra α positum est ον. Pari- ter Aristoteles Eth. Nicom. I. cc. 1. 5. p. 1094. 1097 ed. Bekk.: εἰς ἄπειρον πρόεισιν.

19. ἔργον] Mon. 3 et Vat. ἔργον.



PRUDENTII MARANI
PROLEGOMENA
DE
IUSTINO TATIANO ATHENAGORA
THEOPHILO HERMIA.

PARS I. DE EDITIONIBUS OPERUM IUSTINI TATIANI
ATHENAGORAE THEOPHILI HERMIAE.

PARS II. DE IUSTINI TATIANI ATHENAGORAE THEO-
PHILI DOCTRINA.

PARS III. DE GESTIS ET SCRIPTIS HORUM APOLO-
GETARUM.

APPENDIX: DE HERMIAE OPUSCULO ET SPURIS IU-
STINI OPERIBUS.

PARS PRIMA.

DE SUPERIORIBUS EDITIONIBUS OPERUM SANCTI
IUSTINI MARTYRIS, TATIANI, ATHENAGORAE, THEO-
PHILI ANTIOCHENI ET HERMIAE.

CAPUT I.

DE EDITIONIBUS GRAECIS OPERUM S. IUSTINI VARIISQUE
INTERPRETIBUS.

Prodierat Lutetiae graece et latine anno 1539 ex officina Guillardii Cohortatio S. Iustini ad Graecos, sed omnia S. Martyris opera graece primus edidit Robertus Stephanus anno 1551 regiis typis, cum latentem hunc thesaurum e Bibliotheca Regia eruisset. Accurata viri celeberrimi diligentia, quae tot operibus nobilitata est, eamdem in hac editione laudem meruit. Sed ut fieri non potest, ut omnem prorsus maculam humana natura caveat, nonnulla, quamquam perraro, aliter ac in codice ms. exstabant, partim imprudens excusit, partim de industria, ut sententiam leniret, quae ipsi durior videbatur. Quin etiam, quod quidem incuriae tribuendum, brevem quamdam adversus gentiles pertractationem, seu potius observationum complexionem, semel post Confutationem Aristotelis dogmatum satis accurate, iterum post Quaestiones ad orthodoxos non sine lacuna et pluribus mendis edidit.

Opera Iustini a Roberto Stephano sine materiae delectu, sine genuinorum et spuriorum discrimine, ut in codice ms. invenerat, hunc in modum disposita: Epistola ad Zenam et Serenum, Cohortatio ad Graecos, Dialogus cum Tryphone Indaeo, Apologia pro Christianis ad Senatum, Apologia ad

Antoninum, De Dei monarchia *), Nonnullorum Aristotelis dogmatum confutatio, Quaestiones Christianorum ad Graecos, Quaestiones et responsiones ad orthodoxos, Quaestiones Graecorum ad Christianos. Testatur doctissimus Fabricius utramque Apologiam graece iampridem Romae editam fuisse a Zannero in 8^o cum Gregorii Thaumaturgi, Athanasii, Basilii, Gregorii Nazianzeni et Chrysostomi nonnullis, curante Hieron. Bunello, S. I.

Cum Iustini operum utilitas graece nescientibus clausa esset, eruditorum nonnulli latinis eum litteris illustrare aggressi sunt. Qua quidem in palaestra primus enituit vir graecis latinisque litteris instructus Ioachimus Perionius, Cormoeriacensis monasterii, ordinis S. Bened. monachus et theologiae doctor. Prodiit illius opus anno 1554 in folio apud Iacobum Dupuis. Praemittitur latinae interpretationi brevis Iustini vita ex ipsius operibus collecta. Post singulas pertractationes notae apponuntur ad contextum illustrandum. Deceptus Perionius primis Expositionis fidei verbis, quibus testatur Pseudo-Iustinus satis multis se contra Iudaeos atque gentiles disseruisse, praemittenda huic fidei Expositioni putavit Dialogum, duas Apologias, Cohortationem et libellum De monarchia; deinde post Expositionem fidei, sive rectae confessionis, locum concessit Epistolae ad Zenam et Serenum, variis Quaestionibus ac demum Aristotelis dogmatum confutationi. Sciebat tamen Perionius, idque ipse observat in prima annotatione ad Expositionem fidei, Iustinum ante in gentiles quam in Iudaeos stylum acuisse. Sed tamen eum ordinem sequendum duxit, quem a sancto Martyre indicatum putabat.

Perionii interpretatio magis elegans quam accurata, ut eruditorum nonnulli non sine aculeis in interpretem notarunt. Sed indulgentia utendum videtur in eum, qui neminem habens, quem sequeretur, aliis in hac periculosa alea praeivit.

*) Addere debebat Maranus: Expositio fidei. Otto.

Statuerat primo Perionius, quemadmodum ipse narrat in admonitione ad lectorem, non omnes Iustini libros simul edere, sed brevibus paginis alios aliis temporibus, pro eo ordine quem illis assignandum iudicabat. Sed consilium mutavit, ac omnia Iustini opera uno et eodem volumine comprehendit, sic tamen, ut non defraudaret illustres viros, quorum se nomini aliquos S. Martyris libros dedicaturum promiserat. Hinc Dialogus nuncupatur Othoni Castalonio cardinali, in quo quidem laudat theologiae in amplissimo dignitatis gradu studium; quippe qui sibi huius scientiae cognitionem, „postea quam ex humanitatis studiis mirificos fructus Nicolao Beraldo eruditissimo eloquentissimoque praecceptore usus cepisset, non solum iucundam et utilem, sed etiam necessariam per omne vitae tempus esse duxisset.“ Satis apte describit Perionius, quis tum esset rei litterariae status, cum veterum librorum et inveniendorum et in publicam lucem edendorum studia ferverent, praecipue ex quo Franciscus I, qui mirum in modum elaboravit „ut ex Graecia atque Iudaea,“ ut ait Perionius, „magna librorum graecorum atque hebraicorum multitudo comportaretur, multos non Gallos modo sed etiam Italos atque Hispanos et Germanos pulcherrimo exemplo“ incitaverat.

Utraque Apologia Ioanni Burgio Olivetani in Biturigibus coenobii abbati nuncupata, quem dudum Perionius in amicitiam adscitum non desinebat et „ad retinendam perpetuandamque studiorum rationem et ad munus praefecturae ex sua dignitate et ex suorum utilitate exsequendum“ incitare.

Cohortatio ad Graecos et liber De monarchia sub Francisci Boheri episcopi Macloviensis nomine apparent, cui Perionius eiusque avunculo Dionysio Briconneto abbati Cormoeriacensi et episcopo Macloviensi plurimum debebat. Nam cum Perionio benignitatem suam claudere vellent qui ei literis Lutetiae operam danti omnia suppeditaverant, ubi id comperit Briconnetus, suis illum opibus fovit eumque moriens

Francisco Bohero, cuius non minus proluxa fuit beneficentia, commendavit.

Cum Expositionem fidei genuinum esse Iustini foetum existimaret Perionius nec labis Nestorianaë maculas. quibus hoc opus inustum est, animadvertisset, non putavit se „ullum librum, qui maiores praestantioresque res contineret, posse mittere Carolo Lotharingo cardinali,“ adiunxitque Epistolam ad Zenam et Serenum, et quinque Quaestiones Christianorum ad Graecos. Reliquae Quaestiones Francisco Turnonio cardinali inscribuntur. Supererat Aristotelis dogmatum confutatio: hanc in nomine Philiberti Baboi episcopi Engolismensis edidit, satisque ingenue timorem suum fatetur, „ne huius libri lectione alii a legendo Aristotele magis quam Platone deterreantur.“ Paulo ante dixerat: „Maiores nostri, Platonica disciplina plane repudiata, Aristotelicam in hac principe omnium academia et comprobaverunt ipsi, et a suis probari retinerique voluerunt.“ Itaque Iustini amore et studio non adeo effertur, ut victum ab eo Aristotelem putet. „Quin etiam hoc vere possum dicere,“ inquit, „Aristoteleos, si velint (quoniam suis tantum rationibus atque principiis eum Iustinus hoc loco refellit, neque enim alieni a religione nostra homines scriptorum divinorum testimoniis urgeri possunt), facile posse ad ea, quae contra eum, sublata religione nostra, valere vult, respondere: cum praesertim nulla sit adeo debilis maleque instituta disciplina, cuius homines principis sui decreta defendere non possint.“

Anno sequenti, id est 1555, prodiit Basileae ac iterum Parisiis excusa est anno 1575 alia interpretatio, adornata a Sigismundo Gelenio, qui, cum in ipso cursu mortuus interruptum opus reliquisset, absolvendum suscepit vir quidam graece et latine peritus, qui, ut testatur Nicolaus episcopus in Admonitione ad lectorem, „non solum libros postremos fecit latinos, sed multos etiam locos in prioribus, ubi carmina ex auctoribus fuerant allegata, quae Gelenius, ne suae interpretationis cursum moraretur, transilierat, . . . supplevit,

sensu tamen magis quam carmine, etiamsi poeta sit eximius, exhibito . . . excellens etiam multis aliis Dei donis, maxime autem restituendis utriusque linguae scriptorum depravationibus: de quo tanto parcius loquar, quanto id notius est pluribus."

Extremi libri, qui erudito viro ad interpretandum relictisunt, videntur esse Aristotelis dogmatum confutatio, Quaestiones ad orthodoxos, atque aliae Christianorum ad Graecos et Graecorum ad Christianos Quaestiones. Haec enim accuratius, quam solet Gelenius, fuere reddita. Dignum erat eruditi viri nomen, quod posteris proderetur: sed forte a librario praetermissum, ut illius modestiae parceret. In hac editione retinetur operum ordo, quem Robertus Stephanus observaverat. In editione Parisiensi, quae anno 1575 prodiiit, adiuncta est S. Hippolyti oratio de consummatione mundi et antichristo et secundo adventu domini Iesu Christi ex interpretatione Ioannis Pici.

Ioannes Langus Silesius tertiam interpretationem anno 1565 in lucem emisit Basileae, additis commentariis. Opus absolverat ante quam Perionii et Gelenii elucubrationes in eius manus venirent; sed iis perlectis testatur non modo operae suae non se poenituisse, sed etiam animos accessisse, ut eam hominum iudiciis libentius committeret. Sua illum spes non fefellit: nam eius interpretatio aliis antepositur; sed tamen etsi non tam licenter interpretatur, quam Gelenius, nec tam saepe labitur, quam Perionius, suis tamen erratis non caret, quorum nonnulla effugisset, si Perionii et Gelenii interpretationes cum sua diligenter contulisset, ut omittam illam imitando utroque clariorem saepe et elegantior fieri potuisse. Langi interpretationi honor habitus fuit in editionibus, quae postea prodierunt, excepta tamen Bibliotheca Patrum Coloniensi anni 1618, in quam recepta fuit interpretatio Perionii.

Langi opus consideranti mihi mirari subiit hominis sententiam de controversiis, quae tum magno aestu fervebant.

In epistola nuncupatoria ad Maximilianum Bohemiae regem luget exortas ab annis plus minus quadraginta in Germania et aliis locis dissensiones. At eo consensu, qui his de rebus antea vigeat nec vigere inter Catholicos desiit, minime movetur. Sanctos patres plurimi facere videtur, contenditque eorum, „tamquam ecclesiae lucernarum, magnam in ea esse debere auctoritatem non privatim tantum apud singulos, verum etiam publice in conventibus sacris et conciliis apud mortales universos, quibus nomine et gloria Christi et salute propria nihil est prius et antiquius.“

At ille sanctorum patrum laudator quam male suis ipse stat principiis et praeceptis obsequitur! Nam dum commentatur insignem Iustini locum Apol. I. c. 65, ubi S. Martyr tam diserte et constanter asseverat panem et vinum fieri corpus et sanguinem Christi, quam ipsum Verbum hominem esse factum: quid huic testimonio opponit Langus? Unus illi pro omnibus patribus est Valentinus Cratoaldus, presbyter Vratislaviensis, quem in graecis litteris praeceptorem habuerat. Hoc monstratore et magistro fretus, Christi verba: „Hoc est corpus meum, hic est sanguis meus“, per causam explicandi et explanandi invertere non dubitat hunc in modum: Corpus meum est hoc, „nempe panis et cibus spiritualis et vivus qui de coelo descendit“, sanguis meus est hoc, „nempe potus spiritualis, vivificus et coelestis.“

Iustitiam putativam sic exagitat: „Fides huiusmodi,“ inquit, „plurimum *οἰήσῃ* et *δοκῇσῃ* id est existimatione et opinione concipitur, substantia carens, et iustitia putativa nititur et consistit, habitura etiam (ut verendum est) consentaneam sibi munerationem putativam et retributionem imaginariam. Et homines otio perdit, qui in dubium vocant an benefactis opus sit Christiano ad salutem, quid aliud agunt, quam quod manifesto ostendunt se in disputationem ambiguam deducere dominica et apostolica oracula (prophetica omitto) luce clariora et de eorum veritate dubitare?“ Haec in eadem epistola leguntur.

Memorabilis est narrata a Lango seditionis ob iustificationis controversiam exortae historia. „Suborta fuit proximis annis,“ inquit p. 12, „in quadam Germaniae ditione de iustificatione hominis scholastica contentio, quae deinde in apertam discessionem ita evasit, ut clerus ibi prope omnis a principe descisceret. Neque ille ratione alia suis satisfacere potuit, quam ut publico proposito edicto, quod primitus ab ipsis ecclesiae sanctae fundamentis iactis decretum fuit, statueret, ut iuxta sententiam apostoli Pauli iustificatio doceretur. Verum constitutioni ei addidit et iuxta quorundam neotericorum doctorum doctrinam, qui ab eo nominati non ita pridem decesserunt. Non enim, ut opinor, aliter, sicut dixi, illis satisfacere potuit. Nec dubito quin princeps is, qua est prudentia praeditus, de suo ipsius consilio, si per seditiosorum hominum importunitatem licuisset, pro novellis scriptoribus antiquos patres graecos et latinos fuerit repositurus.“

In disponendis S. Iustini operibus materiam sequutus est, ac Iustinum in tres tomos divisit, quorum primo continentur Cohortatio, liber De monarchia, duae Apologiae, quibus adiungitur Athenagorae Legatio, denique Aristotelis dogmatum confutatio cum appendice, ut apud Robertum Stephanum, et Quaestiones Christianorum ad Graecos. Tomum secundum implet Dialogus cum Tryphone, tertium Expositio fidei, Epistola ad Zenam et Serenum, Quaestiones et responsiones ad orthodoxos, cum Quaestionibus Graecorum ad Christianos.

Ante hos interpretes Ioannes Picus Mirandulanus Cohortationem ad Graecos latine reddiderat; quae interpretatio inter eius opera edita est Argentorati anno 1507, et Basileae 1528 in fol. in Io. Sichardi Antidoto contra haereses, et in Micropresbyterico 1550, inter Orthodoxographos 1551. 1569, atque iterum inter Io. Francisci Pici opera Basileae 1601 in fol. Refutationem Aristotelis dogmatum vertit latine Guillelmus Postellus, Parisiis anno 1552 in 8^o.

Habuit etiam Iustinus qui eum gallica lingua illustrarent. Opera omnia a Roberto Stephano edita gallice reddidit Ioannes de Maumont anno 1554, atque hanc elucubrationem, Monlucii Valentiae episcopi hortatu suscepta met typis Michaelis Vascosani excusam, cardinali Lotharingiae nuncupavit. Haec interpretatio iterum excusa anno 1559 apud eundem. Eadem lingua Cohortationem ad Graecos anno 1580 Parisiis Martinus Dupin, maiorem Apologiam Chanutus anno 1670, Epistolam ad Diognetum Parisiis anno 1725 P. le Gras oratorii sacerdos reddiderunt. Cum delituisse Chanutus sub nomine Petri Fondet, iterum haec interpretatio excusa est anno 1686 sub vero interpretis nomine. Germanice Cohortationem ad Graecos illustravit Caspar Hedio anno 1530 cum Historia ecclesiastica Eusebii, Socratis etc. Argentorati in fol. Iustini, Tertulliani et Minucii Felicis pro christiana religione Apologias Vincentique Lirinensis Commonitorium anglie nuper vertit et prolegomenis ac notis illustravit D. Reevius, Londini 1710 8°. 2 vol.

CAPUT II.

DE EDITIONIBUS S. IUSTINI OPERUM GRAECO-LATINIS.

Iustini opera graece et latine edidit Fridericus Sylburgius, cum Ioannis Langi interpretatione, anno 1593 Heidelbergae apud Commelinum, additis duobus operibus anno 1592 ab Henrico Stephano editis, Oratione ad Graecos et Epistola ad Diognetum. Huic editioni decus et pretium addidit Sylburgius cum indicibus copiosis, tum variis observationibus, quas aut suo nomine, aut a Io. Arcerio, Davide Hoeschelio, Hieronymo Wolfio acceptas, aut ex Billii „Observationibus sacris“ depromptas apposuit. Haec editio semel et iterum Parisiis anno 1615 et 1636 recusa est, comprehensis eodem volumine Athenagora, Theophilo Antiocheno, Tatiano et Hermia, nec non subiecta Iustini operibus Länssellii Iesuitae dissertatione adversus Casauboni in Baronium animadversiones.

Editio Coloniensis, sive Vitebergensis, anni 1686 praeter ea quae Parisiensibus continentur habet Commentarios Christiani Kortholti in Iustinum, Athenagoram, Theophilum et Tatianum.

Non commiserunt eruditi Angli, ut ad Iustinum illustrandum nihil operae et studii contulisse viderentur. „Novissime,“ inquit Fabricius tom. 5. pag. 61, „vir doctus Thomas Creech, cui Lucretius multum debet, novae Iustini editioni manum admovit Oxoniae. Sed miser ipse deplorandi sibi fati auctor, etiam ea quae affecta habuit, voluit aboleri.“

Ioannes Ernestus Grabe edidit Oxoniae anno 1700 maiorem Apologiam in 8^o „cum latina Ioannis Langi versione quamplurimis in locis correcta, subiunctis emendationibus et notis variorum, pluribusque novis additis, annexis insuper ad calcem annotationibus Langi et Kortholti, praemissa vero Langi praefatione, qua summam huius Apologiae enarravit.“ Eadem in urbe ac eundem in modum prodire anno 1703 Oratio utraque adversus Graecos, cum libro De monarchia et minore Apologia, cum notis Roberti et Henrici Stephano- rum, Grabii et aliorum. Subiunctae ad calcem annotationes Langi et Kortholti. Laus huius laboris debita H. Hutchino. Cum superesset Dialogus, in eo illustrando Samuel Iebb eadem via et ratione versatus est, qua Gravius et Hutchinus in praedictis operibus, nisi quod paucissimas notas apposuit easque ex Sylburgio fere semper desumas. Prodiit opus pariter in 8^o Londini anno 1719.

Prodiere Londini graece et latine anno 1722 „Iustini Philosophi et Martyris Apologiae duae et Dialogus cum Tryphone Iudaeo cum notis et emendationibus Styani Thirl- bii.“ Eruditi viri observationes in explicanda antiquitate, in contextu emendando, atque etiam in conferendis Scripturae locis cum editionibus Bibliorum et patribus versantur. Ad insignem de angelis locum, de quo agemus in secunda prae- fationis parte, admonet sibi „statutum esse in hoc opere controversias theologicas non attingere.“ Nusquam videtur ab hoc consilio discedere.

Nullus dubito quin laudem et approbationem vir egregie instructus graecis latinisque litteris meruisset, si novam adornasset interpretationem; sed cur ab hoc labore refugerit, his se usum rationibus declarat. „Tantum abfuit,“ inquit, „ut novam mihi versionem conficiendam esse putarem, ut propius nihil factum sit, quam ut nullam ederem: quippe qui et omnibus versionibus de graeca lingua in latinam, de utraque in vernaculas, quibus hanc cum doctorum incredibilem paucitatem, tum semidoctorum et sciorum multitudinem praecipue, ni fallor, debemus, capitalis hostis sim, et hunc ridiculum morem adiungendi libris graecis latinas interpretationes graecarum litterarum labem et perniciem exstitisse semper existimaverim. Compendii bibliopolae rationem habui, cui etiam hoc concessi, ut versionem in extremum libri non saltem ablegarem.“

Quomodo in emendanda Langi versione processerit, operae pretium est ex ipso discere. „In emendanda,“ inquit, „Langi versione latinitatis rationem nullam habui, quippe quam nihil nisi una litura emendare poterat; neque ipsam sententiam meis ponderibus, quod et ipsum non minoris laboris fuisset, haud scio an etiam maioris, quam novam versionem facere, sed quadam populari trutina leviterque et remisse, ut invitus et humilem operam aegre devorans, examinavi.“

Ad calcem appositae annotationes nonnullae Pearsonii ex Bibliotheca Regia Cantabrigiensi erutae, quas doctus editor non magni facit. Sequuntur notae Davisii in Apologiam I, quas ab hoc doctissimo viro perhumaniter missas cl. Thirlbius luce publica donavit, ut et grati animi sui et eruditionis Davisii monumentum essent. Indices rerum et verborum debentur Sylburgio. In epistola nuncupatoria, quae „Nobilissimo viro Guillelmo Domino Craven“ inscripta praefationis locum ac modum sortitur, doctus editor sanctorum patrum lectionis patrocinium suscipit, ac de criticae utilitate et difficultate disserit, tum de Iustino iudicium suum interponit, ac demum operae suae rationem explanat.

Non molli brachio vellicat eos quibus sordent antiqui patres. „Est autem,“ inquit, „aliud hominum genus, qui, quamquam cum indoctis disputare non soleo, paucis tamen redarguendi sunt. Ili si theologiam nesciunt, nihil sciunt, inque id studium sedulo sibi incumbere videntur: sed tamen antiquos patres, sive arrogantia, seu id quod dicunt revera sentiunt, sua lectione indignos habent. Nimirum boni theologi esse Scripturâ solâ niti contendunt, eam et quidquid nostra seire intersit, et quidquid ad intelligentiam sui opus sit, continere: qui secus sentiunt eos horribile convicium scriptori eius Deo facere, eoque patrum nullum usum esse posse, neque ullam auctoritatem antiquitatis, neque vetustissimos Scripturae interpretes anteferendos esse recentissimis. Quod de perspicuitate Scripturae dicunt, primo perridiculum et absurdum est: deinde cuius criminis adversarios inepte reos agunt, etiam impium. Absurdum est, quod omnes sentiunt non esse perspicuum, id omnibus esse perspicuum probare conari. Impium est, quod factum non esse manifestum sit, id Deum aut fecisse aut rebus humanis non satis consuluisse affirmare.“ Nemini veritatem amanti non placebit hoc de hominibus supra caput absurdis iudicium.

Quam ardua res sit et difficilis critica, hac inter alias ratione demonstrat. „Quid enim,“ inquit, „aliud causae esse potest, cur in tanta multitudine emendatorum, non tantum apud nos reliquesque populos aquilonares, quos iniquus sol, ille verus Phoebus, quo agitante calescunt ingenia, nisi limis ex longinquo non respicit, verum etiam apud vividos illos ingeniososque Gallos, omniumque Musarum vel populares, vel vicinos, divinae solertiae homines, Italos, vix singulis aetatibus tres aliqui aut quatuor rem feliciter gesserint, nisi rei quaedam incredibilis magnitudo ac difficultas?“ Haec ea mente a me non referuntur, ut vel iis applaudam quae de popularibus suis non timide, vel ea ostentem quae de Gal-
lis honorifice statuit, sed ut ex his etiam quisque perspiciat,

quam ingenua et sincera sit eruditi viri et sentiendi et quid sentiat dicendi libertas.

CAPUT III.

DE VARIIS EDITIONIBUS TATIANI, ATHENAGORAE, THEOPHILI ET HERMIAE.

Prima omnium Tatiani Orationis editionum debetur Ioanni Frisio, qui, cum huius Orationis exemplar manuscriptum ac variis ex alio codice lectionibus inspersum Venetiis ab Arnolfo Arlenio Paraxylo accepisset, hoc praesidio fretus Orationem Tatiani Tiguri graece vulgavit in fol. anno 1546 apud Froschoverum, cum Antonii Melissa et Maximi Sententiis ac Theophilo ad Autolycum. Ad oram huius editionis leguntur cum variae illae, quas dixi, lectiones, tum etiam breves nonnullae Conradi Gesneri notae, quicum Frisius codicem suum communicaverat. Eodem anno ac eadem in urbe Conradus Gesnerus vulgavit in fol. latinam Tatiani cum prolixis notis interpretationem, quae postea saepius recusa in Bibliothecis Patrum: Paris. a. 1575. 1589. 1610. Colon. 1618. Lugdun. 1677.

Graece et latine prodiit Tatianus Basileae inter Orthodoxographos anno 1555, et Parisiis in Auctuario Bibliothecae Patrum a. 1624 cum Ducae notis, et post opera Iustini Martyris in editionibus Paris. a. 1615 et 1636 et Colon. seu potius Vitebergensi anno 1686, cui postremae editioni additae Kortholti notae.

Sed has omnes editiones diligentiae et eruditionis laude superat Oxoniensis in 8^o anni 1700, quam debemus Wilhelmo Worth archidiacono Wigorniensis. Is Conradi Gesneri interpretationem nonnullis in locis emendavit, opus in certa quaedam capita distribuit, aliorum notis adiunxit suas, ac varias lectiones e tribus excerptas codicibus inter contextum et notas ordine disposuit.

Ad calcem appositae Georgii Bulli observationes de

Christi divinitate, Kortholti notae, et dissertatio domni Nicolai le Nourry monachi Benedictini. Sequitur Hermiae opusculum, quod cum Tatiano Worthus coniungendum duxit, deinde indices ac tandem erudita celeberrimi abbatis de Longuerue dissertatio, quam Worthus a Petro Halloixio post absolutum opus acceperat ea lege et conditione, ut eruditus dissertationis auctor celaretur.

In epistola nuncupatoria, quae Wilhelmi episcopi Wigorniensis et regii eleemosynarii nomen praefert, declarat eruditus editor huius laboris suscipiendi hanc sibi occasionem et causam exstitisse, „quod, cum ferverent haud ita pridem in Anglia de summis fidei capitibus controversiae, ac omnes atheismi machinas in hoc conversas videret, ut sub specie naturalis religionis excolendae paganismo via sterne- retur,“ Tatiani Orationem ad reprimendos impietatis progressus utilem fore sperasset, quippe qui luculentissime demonstret „religionem hanc omnem naturalem quam dicimus misellum quiddam esse, parumque admodum valere ad excolendum animum moresque informandos, nisi insuper legis christianae lumen accedat.“

Athenagorae liber De resurrectione mortuorum ante Legationem sive Apologiam prodiit. Hunc enim latine reddidit Georgius Valla, cuius interpretatio Venetiis in fol. excusa cum aliis variorum operibus anno 1498. Multa etiam ex hoc libro interpretatus est Marsilius Ficinus, quae in secundo illius operum tomo leguntur. Idem opus litteris latinis illustravit Petrus Nannius, ac primus graece vulgavit cum sua interpretatione Parisiis et Lovanii anno 1541 in 4^o. Haec editio graeco-latina repetita est Basileae in fol. anno 1550 in Micropresbytico, et inter Orthodoxographos anno 1555 in fol. Latine tantum idem opus ex Nannii interpretatione refertur post Philonis Iudaei opera latine reddita a Gelenio, Basil. 1552 in 8^o.

In Legatione sive Apologia tres interpretes elaborarunt: Conradus Gesnerus, qui graece et latine cum notis hoc opus

edidit in 8° Tiguri anno 1557 et Basileae anno 1558*), Ioannes Langus, qui inter opera Iustini latine a se edita in fol. Basileae a. 1565 Apologiam Athenagorae ob materiae similitudinem inseruit, tertius denique Suffridus Petri, qui cum uberioribus notis idem opus latine redditum vulgavit Coloniae in 8° a. 1567. Langi interpretatio servata fuit in editione Basileensi: Suffrido honor habitus in editionibus Lipsiensibus annis 1684 et 1685. Ceterae, quas deinceps numerabimus, interpretationem Gesneri retinuerunt. •

Utrumque opus, Legatio et liber De Resurrectione mortuorum, latine editum est in Bibliothecis Patrum, Lutetiae annis 1575. 1589. 1609, Coloniae 1618, Lugduni 1677; graece et latine cum notis Parisiis in 8° a. 1557 ab Henrico Stephano, quem immerito auctor Historiae general. scriptorum sacrorum et ecclesiasticorum novam interpretationem adornasse existimavit: item Tiguri 1559 et 1560 fol. inter Theologorum aliquot graecorum veterum orthodoxorum scripta, in Auctuario Bibliothecae Patrum Parisiis 1624, item post opera Iustini 1615. 1636. 1686, Oxonii in 12° cum brevibus notis Felli episcopi Oxoniensis 1682, Lipsiae in 8° 1684. 1685 cum notis Rechenbergii, qui interpretationem Suffridi retinuit.

Alia Oxoniae prodit editio anno 1706 in 8° caeteris praestantior, opera Eduardi Dechair, qui, varias lectiones ex uno codice Regiae Bibliothecae Parisiensis et nonnullis Anglicanis nactus, hoc praesidio ad contextum emendandum usus est, interpretationes Gesneri et Nannii pluribus locis emendavit, notasque eruditas adiunxit, et ad calcem observationes Suffridi, Langi, Kortholti et Rechenbergii, et nonnulla ex Baronio, Halloixio, Dodwello et Bullo excerpta apposuit.

Non defuere qui Athenagoram litteris vernaculis illustrarent. Librum De resurrectione italice vertit Hieronymus

*) Sed cf. Corp. Apoll. Voll. VII. Proll. p. XXXI sqq. Otto.

Faleti Venetiis apud Aldum in 4^o anno 1557, si Fabricio credimus; 1556, si auctori Hist. general. scriptor. sacr. et ecclesiast. Annum 1546 assignat eruditus editor Eduardus Dechair. Anglice idem opus prodiit interprete Richardo Pordero, Londini anno 1573. Apologiam gallice edidit Guido Gaussartus in 8^o Paris. 1574. Anglice utrumque opus David Humphreys in 8^o Londini 1714. Testatur doctissimus Fabricius exstare utriusque operis gallicam interpretationem, quae Arnoldo Ferrono debetur.

Iam diximus S. Theophilum graece primum prodiisse, una cum Tatiano, Tiguri in fol. 1546 opera Ioannis Frisii. In eadem urbe ac eodem anno prodiit latine ex interpretatione Conradi Clauseri, quae quidem interpretatio habetur in Bibliothecis Patrum, Paris. 1575. 1589. 1609. 1644, Colon. 1618, Lugd. 1677. Graece autem et latine exstat hoc opus inter Orthodoxographos a. 1555 Basil. in fol., in Auctuario Bibliothecae Patrum Paris. 1624 cum notis Frontonis Ducaei: post opera S. Iustini Paris. 1615. 1636 et Colon. seu potius Vittebergae 1686.

Anno 1684 prodiit Oxonii in 12^o nova editio librorum ad Autolyceum, opera Ioannis Felli episcopi Oxoniensis, qui codicem ms. e bibliotheca Bodleiana habuit, ac interpretationem Clauseri nonnullis in locis emendavit, brevesque notas adiunxit.

Concedunt hae omnes editiones Hamburgensi, quae prodiit anno 1724 in 8^o opera Io. Christophori Wolfii pastoris ad D. Cathar. Hamburg. et scholarchae. Is contextum contulit cum Bodleiano codice et Regio Parisiensi suisque et aliorum notis illustravit ac interpretationem pluribus locis emendavit.

„Hermias“, inquit Fabricius, „vidit lucem primum ex Io. Jacobi Fuggeri codice cum versione Raphaelis Seileri Augustani, Basil. 1553 in 8^o, additus Demetrii Cydonii Orationi de morte contemnenda: atque inter veteres aliquot theologos graecos, excusos Tiguri anno 1560 fol. graece et latine Corp. Apoll. Vol. IX.

curante Gesnero; deinde, ut latinas editiones in Bibliothecis Patrum repetitas omittam, graece et latine iterum cum castigationibus Frontonis Ducae in Auctuario Ducaeano Paris. 1624 in fol. tom. I, et ad calcem Iustini Martyris Paris. 1615. 1636 et Colon. sive potius Vittebergae 1686 in fol.; denique cum Th. Galei codice collatus, additis eiusdem Galei, qui Theodorito iuniorem esse Hermiam existimat, et Wilh. Worthi notis, ad calcem Tatiani Oxon. 1700. 8^o."

CAPUT IV.

PAUCIS EXPONITUR QUID IN HAC NOVA EDITIONE TENTATUM SIT.

Non longa oratione lectores tenebo, ut eis laboris mei rationem exponam, qui quidem, eruditorum iudicio, commissus, non tam a me laudandus ac praedicandus est, quam excusationis venia erratis et maculis, quae in arduo et difficili opere parum cavi, exposcenda.

Multae profecto magnaeque difficultates in his veteribus monumentis occurrerunt. Magna librarii vulnera fecere, sive nonnullis omittendis sive immutandis sive etiam, id quod in toto capite Apologiae 2 S. Iustini observavi, in locum non suum transferendis. Huc accedit stylus nec verborum electione concinnus, nec constructione accuratus, praesertim in Dialogo S. Iustini, qui, dum studio fervet defendendae veritatis, non modo proiicit ornamenta dicendi, sed etiam sermonis perspicuitati parum consulit. Tatiani lepores elegantesque picturae saepe non minus negotii facessunt, quam incoctus inornatusque sermo, adeo ut visus sit interpretibus et criticis Crescentem Cynicum aculeis defigere, dum mimos nativis coloribus describit. Operosa nonnumquam rerum profanarum apud hos scriptores explanatio: sed haud scio an operosius fuerit, non dico quid illi de Christi divinitate sentiant perspicere (mirus enim est illorum ardor animi in hoc defendendo dogmate et aperta in praedicando testimo-

nia), sed argumenta nonnulla, quibus in hoc genere utuntur, explanare et omnibus vestigiis persequi.

Subsidio fuere ad haec expedienda mss. codices, interpunctionis mutatio, parenthesis, ubi opus fuit, appositio, attenta denique locorum difficultum consideratio et cum aliis eiusdem aut diversi scriptoris collatio. Haec autem sine pluribus notis, iisque interdum prolixis, navari non potuerunt: sed tamen habita est cura brevitatis. Taedium mihi profecto et legentibus peperissem, iustoque gravior voluminis sarcina fuisset, si commentarios Langi, Perionii, Kortholti et aliorum apposuissem, si locis communibus res ecclesiasticas et profanas illustrare libuissem, et quidquid alii aut minus commode interpretati sunt aut minus docte opinati, quidquid a Bibliis nostris habent discriminis citata a Iustino et Theophilo testimonia, colligere. In his omnibus delectu opus esse duxi; annotationum operam intra contextus et scriptoris sententiae intelligentiam soleo coercere; virorum eruditorum, qui ante me utiliter laborarunt, observationes, ubi mihi minus probantur, paucis refello; ubi videntur adoptandae, libenter adscisco, sic tamen, ut plerumque in brevius cogantur nec debita quisquam laude fraudetur.

Novam interpretationem praecipue desiderabant utraque Iustini Apologia, liber De monarchia et Dialogus, Athenagorae liber De resurrectione et tres libri Theophili. Satis fuit in Oratione Iustini ad Graecos, Epistola ad Diognetum et Hermiae opusculo interpretationem pluribus locis emendare. In hoc autem labore id curae fuit, ut verbum verbo fidus interpret redderem, nec mihi sine necessaria causa licentiam sumerem. Aequae enim religio esset aut de veritate quidquam negligentia deterere, aut eam, quasi debilis et infirma sit, astu exaggerare. Itaque molestum fortasse nonnullis erit testimonia ad dogmatum defensionem praeclarrissima, sed quae sola interpretum auctoritate nitebantur, in hac mea interpretatione non reperire: quale est illud ex Iustini Dialogo c. 88: „Humanum genus per Adam in mor-

tem et fraudem seductionemque serpentis conciderat, ut interim propriam pro se maligne agentium cuiusque culpam taceam.“ Citatum etiam fuit illud Theophili ex libro 2: „Quod autem sibi per iniuriam et inobedientiam homo accersiverat, id ei nunc donat Deus, per suam humanitatem et misericordiam faciens homines sibi obsequentes.“ Contextus in causa exstitit, cur his testimoniis mea interpretatio careret. Sed hoc damnum, si tamen damnum videri debet, multa alia compensabunt, quae certis rationibus adductus ita reddidi, ut scriptoris sententia in clarissima luce posita sit ac tota lis dirimatur.

Operum ordinem, qui ad arbitrium in superioribus editionibus institutus fuerat, ex temporis notis dirigendum esse duxi. Non tamen disiunctae S. Iustini Apologiae. Reiecti in Appendicem suppositi Iustino libri, inter quos praeceptorum pietate eminet Epistola ad Zenam et Serenum: sed quam certum et manifestum est, eam Iustini non esse, tam obscurum et incertum est quo potissimum scripta sit tempore. Sequuntur duo opera, S. Martyris quidem nomine ob errorum venenum indigna, sed tamen satis idonea quae legendi et cognoscendi studia commoveant: Expositio rectae confessionis, in qua spirat haeresis Nestoriana, et Quaestiones ac responsiones ad orthodoxos, quae Pelagianis maculis insignes sunt. Aliae Quaestiones et Confutatio Aristotelis dogmatum mirabili styli similitudine eundem parentem referunt ac Quaestiones et responsiones ad orthodoxos. Secunda pars Appendicis assignata fuit Actis martyrii S. Iustini, quae graece et latine post Papebrochium edidi, et fragmentis operum perditorum Iustini, Tatiani et Theophili.

Usui fuere duo recentes mss. codices, quibus omnia Iustini tam genuina quam supposita opera continentur, alter e Regia Bibliotheca olim 270 *) nunc 450, alter ex Claro-

*) Scribendum erat 2270, deinde 2919 (pro 2929), denique 2135 (pro 2153). Otto.

montana. Praeterea ad Cohortationem adhibiti Regii codices perantiqui, nunc 451 et 174, olim 2271 et 2929, et Colbertinus, qui nunc Regius est 19. Ad Epistolam ad Zenam et Serenum Regii codices 451 et 174 ac praeterea duo Claromontani, qui tamen ita gemelli sunt, ut ex eodem codice uterque descriptus sit vel alter ex altero. Iidem Claromontani codices cum Regiis 938 et 1268 et duobus Coislinianis, quorum primus decimi saeculi esse creditur, ad Expositionem fidei emendandam profuerunt. Confutatio Aristotelis dogmatum collata cum Regio 2153. Athenagorae Legatio collata cum duobus Regiis 451. 174, tribus Romanis, quorum duo ex Ottoboniana, alius ex Vaticana Bibliotheca, Claromontano et alio ex Bibliotheca Institutionis Oratorii Parisiensis. Eiusdem liber De resurrectione collatus cum iisdem codicibus Regiis 451. 174. 450 et duobus Claromontanis, quibus accessere variae lectiones olim ab eruditissimo Bigot e ms. codice collectae, quae in Bibliotheca Sangermanensi asservantur. Liber 3 Theophili collatus cum Regio 887. Hermias cum duobus Romanis, altero Vaticano et altero Ottoboniano. Romanorum codicum varias lectiones debeo duobus eruditis nostrae congregationis in curia romana procuratoribus, D. Etiennot et D. Petro Maloet, quorum primus Legationem Athenagorae cum duobus Ottobonianis contulit. Postulat grati animi officium, ut et doctissimorum Regiae Bibliothecae custodum D. Boivin et D. de Targnies et eorum, qui illis successere, eximiam in me adiuvando humanitatem commemorem. Prolixa etiam et benefica in me voluntas exstitit reverendi patris Harduini, quem nemo nescit bibliothecae Collegii Parisiensis Societatis Iesu diu praefectum fuisse. Ad testimonia Iustini, quae ab Eusebio referuntur, adhibui varias lectiones ex codicibus mss. excerptas, quae mecum ab uno ex nostris novam editionem Eusebii historiae praeparante communicatae fuerunt.

PARS SECUNDA.

IN QUA MULTA EXPENDUNTUR AD IUSTINI ET
ALIORUM RELIGIONIS DEFENSORUM
DOCTRINAM SPECTANTIA.

CAPUT I.

AN COGNITUM PLATONI VERBUM MERITO EXISTIMAVIT
IUSTINUS? AN IPSE IUSTINUS HANC DE VERBO
DOCTRINAM IN PLATONIS SCHOLA PERCEPIT?

I. Platonis testimonia de ideis et λόγῳ ex Timaeo Locro. II. Alia ex Timaeo expenduntur. III. Quid sit apud Platonem Unigenitus, Deus genitus, Dei imago. IV. Mundum Plato existimavit perfectam esse Dei imaginem. V. Locus celebris, ubi Plato de triade loqui visus est, tetradem Pythagoricam continet. VI. Genitus a Deo foetus scientia est et veritas. VII. Nihil de Verbo apud Platonem viderunt scriptores Iustino antiquiores aut aequales. VIII. Iustinus huius doctrinae ieiunus ad ecclesiam accessit.

I. Non propositum mihi est quidquid his in scriptis ad doctrinam pertinet hoc loco colligere, sed ea tantum expendere, quae vel alienos in sensus detorta vel sua sponte obscura et difficilia in annotationibus illustrari et explicari non potuerunt. De Christi quidem divinitate uberrima esset disserendi seges, si non hoc labore quam potui accuratissime in notis defunctus essem. Sed superest in hoc genere non contemnenda quaestio, quae mihi maxime videtur mei esse instituti. Qui in Christi divinitatem postremis saeculis impias linguas acuerunt hi clamitare non desiere λόγον apud Platonem esse personam a summo Deo distinctam, et hanc doctrinam e Platonis schola in ecclesiam, duce facinoris Platonico Iustino, manasse. Ioannes Clericus in Epistolis criticis 7. 8. 9 Iudaeos ipsos ac inprimis Philonem e Platonis fontibus hausisse pronuntiat quidquid de Verbo Dei filio et omnium opifice docuerunt. In hoc platonismi in ecclesiam inducti commento, tamquam in re certa et explorata, nuperrime Laurentius Moshemius fundamenta iecit omnium

nugarum, quas in dissertatione „De turbata per Platonicos ecclesia“ devolvit. Cum ipsa Platonis testimoniorum consideratio videtur legentium animos morari et oblectare posse, tum vero de christiana doctrina, quam tamen in tanta evidētia luce fateor opera mea non indigere, bene meritum me spero, si demonstrem, nec Platonem christiani de Filio Dei dogmatis ulla prorsus aura perflatum fuisse, nec Iustinum ullo Platonis aut Platoniorum beneficio hae in re usum fuisse. Nobis igitur inquirendum est, quid sit apud Platonem idea et λόγος, a quibus conditus est mundus, et quid apud eundem filius Dei et imago Dei significant.

De ideis ac de ratione Dei non pauca occurrunt apud Platonem: has autem ideas, hunc logon a summo Deo distinctum fuisse, ut personam ab eo genitam, ne suspicatus quidem videtur. Ipsius sententiam praeclare expressam habemus cum in Dialogo, qui inscribitur Timaeus, tum in alio libello, in quo dialogorum morem non sequitur Plato, sed ipse refert quae ex Timaeo Locro, insigni Pythagorico, audierat. Sic incipit hic libellus: *Τίμαιος ὁ Λοκρός τάδε ἔφα· Δύο αἰτίας εἴμεν τῶν ξυμπάντων· νόον μὲν τῶν κατὰ λόγον γιγνομένων, ἀνάγκαν δὲ τῶν βίᾳ κατὰς δυνάμεις τῶν σωμάτων. Τουτέων δὲ τὸν μὲν τᾷς τὰγαθῶ φύσιος εἴμεν, θεόν τε ὀνυμαίνεσθαι, ἀρχάν τε τῶν ἀρχῶν· τὰ δ' ἐπόμενά τε καὶ συναιτία εἰς ἀνάγκαν ἀνάγεσθαι. Τὰ δὲ ξύμπαντα ἰδέαν, ὕλαν, αἰσθητόν τε, οἶον ἔκγονον τουτέων. Καὶ τὸ μὲν εἴμεν ἀγέννητόν τε καὶ ἀκίνατον, καὶ μένον τε καὶ τᾷς ταύτῃ φύσιος, νοατόν τε καὶ παράδειγμα τῶν γεννωμένων, ὁκόσα ἐν μεταβολᾷ ἐντί. Τοιοῦτον γάρ τι τὰν ἰδέαν λέγεσθαί τε καὶ νοεῖσθαι. Τὰν δ' ὕλαν ἐκμαγεῖον καὶ ματέρα, τιθάναν τε καὶ γεννατικὰν εἴμεν τᾷς τρίτας οὐσίας. . . . Δύο ὧν αἴδε ἀρχαὶ ἐναντίαι· ἅν τὸ μὲν εἶδος λόγον ἔχει ἄρρενός τε καὶ πατρός, ἃ δ' ὕλα θήλεός τε καὶ ματέρος.* „Timaeus Locrus haec dixit: Duas esse omnium causas: mentem quidem eorum quae secundum rationem fiunt, necessitatem vero eorum quae vi quadam secundum corporum potentias. Harum causarum alteram esse naturae illius, quae

boni dicitur, et deum vocari, ac causam causarum: quae vero consequuntur et tamquam adiuvantes causae accedunt, ad necessitatem referri. Tandem omnia esse ideam, materiam, sensile, velut utriusque foetum. Atque illud quidem esse ingenum et immobile et permanens, et eius naturae, quae dicitur eiusdem, intelligibile, exemplar genitarum rerum, quaecumque in mutatione versantur. Tale enim quid ideam dici et cogitari. Materiam autem esse expressum rerum simulacrum, et matrem et genitricem tertiae essentiae. . . . Sunt igitur haec duo contraria principia: quorum idea rationem habet maris et patris, materia vero feminae et matris.“ In hac Timaei Locri oratione mens, deus, idea, exemplar eodem prorsus sensu usurpantur. Idea principium minime otiosum, sed quod locum habet maris et patris, et ingenium quidpiam est et immobile et permanens. Nullum hic Verbi a summo Deo distincti vestigium.

Id confirmatur ex his quae sequuntur: *Πρὶν ὧν ὥραν οὐκ ἐγένεσθαι λόγῳ ἤστην ἰδέα τε καὶ ὕλη· καὶ ὁ θεὸς δαμιουργὸς τῷ βελτίονος. Ἐπεὶ δὲ τὸ πρεσβύτερον κάρρον ἐστὶ τῷ νεωτέρῳ, καὶ τὸ τεταγμένον πρὸ τῷ ἀτάκτῳ· ἀγαθὸς ὦν ὁ θεός, ὁρῶν τε τὰν ὕλην δεχομένην τὰν ἰδέαν καὶ ἀλλοιούμεναν παντοίως μὲν, ἀτάκτως δέ, ἔδει τ' εἰς τάξιν αὐτὰν ἄγειν, καὶ ἐξ ἀορίστων μεταβολῶν ἐς ὠρισμένην καταστᾶσαι, ἵν' ὁμόλογοι ταὶ διακρίσεις τῶν σωμάτων γίνωντο, καὶ μὴ κατ' αὐτόματον τροπὰς δέχοντο· ἐποίησεν ὦν τόνδε τὸν κόσμον ἐξ ἀπάσας τᾶς ὕλης.* „Antequam igitur coelum ratione fieret, erant idea et materia: deus autem melioris opifex, si quidem antiquius iuniore praestat, et quod ordinatum est inordinato. Deus igitur cum sit bonus, et videret materiam capacem ideae esse, ac omnibus quidem modis, sed tamen citra ordinem moveri; cumque opus esset eam in ordinem redigi, et ex infinitis mutationibus ad certam ac definitam constitui, ut corporum divisiones inter se non discreparent, nec temere ac fortuito vicissitudines acciperent: fecit igitur hunc mundum ex tota

materia.“ Coelum ergo λόγῳ conditur, sed hic λόγος non distinguitur ab idea, nec idea a Deo.

Non multo post idea vocatur intelligibilis essentia, quae omnia animalia in se complectitur. Κράτιστος δ' ἐστὶ γενναίων, ἐπεὶ ὑπὸ τῷ κρατίστῳ αἰτίῳ ἐγένετο, ἀφορῶντος οὐκ εἰς χειρόκματα παραδείγματα, ἀλλ' εἰς τὴν ἰδέαν καὶ ἐς τὴν νοατὴν οὐσίαν, ποθ' ἄνπερ τὸ γεννώμενον ἀπακριβωθὲν κάλλιστόν τε καὶ ἀπαρεγχείρητον γίγνεται. Τέλειος δ' αἰεὶ κατὰ τὰ αἰσθητὰ ἐστίν, ὅτι καὶ τὸ παράδειγμα τῇνο αὐτῷ, περιέχον πάντα τὰ νοατὰ ζῶα ἐν αὐτῷ, οὐδὲν ἐκτὸς ἀπέλιπεν ἄλλο, ὅρος ὧν νοατῶν παντελής, ὡς ὅδε ὁ κόσμος αἰσθητῶν. „Optimus autem est mundus omnium rerum genitarum, siquidem ab optima causa factus est, non manu facta exemplaria intuente, sed ideam et intelligibilem essentiam, ad quam accurate expressum id quod fiebat pulcherrimum est et inexpugnabile. Perfectus autem semper est in rebus sensilibus: propterea quod illius exemplar, quod omnia intelligibilia animalia in seipso complectitur, nihil extra reliquit aliud; quippe cum intelligibilium perfectus sit terminus, quemadmodum hic mundus sensilium.“ Nihil aliud igitur est idea, Timaeo iudice, quam essentia intelligibilis, quae omnia complectitur, nec otiosi exemplaris partes sustinet in mundo creando, sed maris et patris, utpote ipse Deus.

II. Totus Platonis Timaeus nihil aliud fere est, quam prolixior expositio huius Timaei Locri doctrinae. In hoc autem dialogo ratio et ideae divinae nusquam ab ipso Deo distinguuntur. Rationem sive λόγον nihil aliud esse, quam Dei cogitationem, patet ex his verbis p. 1052: Ἐξ οὗν λόγου καὶ διανοίας θεοῦ τῷ αὐτῇ πρὸς χρόνου γένεσιν, ἵνα γεννηθῇ χρόνος, ἥλιος καὶ σελήνη καὶ πέντε ἄλλα ἄστρα, ἐπικλήν ἔχοντα πλάνητες, εἰς διορισμὸν καὶ φυλακὴν ἀριθμῶν χρόνου γέγονε. „Ex hac igitur dei circa temporis creationem ratione et cogitatione, ut tempus crearetur, sol et luna et alia quinque astra, quae cognominantur planetae, ad distinctionem et observationem numerorum temporis facta sunt.“ Et p. 1049:

Οὕτως δὲ πᾶς ὄντως ἀεὶ λογισμὸς θεοῦ περὶ τὸν ποτε ἐσόμενον θεὸν λογισθείς, λείον καὶ ὁμαλόν, πανταχῇ τε ἐκ μέσου ἴσον καὶ ὅλον καὶ τέλειον ἐκ τελέων σωμάτων σῶμα ἐποίησε. „Sic igitur dei circa futurum aliquando deum instituta ratiocinatio laevem illum et acquabilem, et ex medio undequaque acqualem, et totum et perfectum ex perfectis corporibus corpus effecit.“

Immerito hunc postremum locum idoneum fuisse Clericus existimat, qui Christianis persuaderet idem de Verbo Scripturas sanctas ac Platonem docere. Haec enim Dei ratiocinatio, etiam si quis sponte caecutiat, nunquam videri possit persona a Deo distincta, nec aliud est, quam ipsa Dei cogitatio, ut in priore testimonio appellat Plato. Eo autem minus dubium est, quin Plato de sola Dei cogitatione loquatur, quod in utroque loco singularem Deo cogitationem et ratiocinationem attribuat. In primo enim ait tempus creari debuisse, ut, quemadmodum mundi exemplar est per omne aevum siue per omnem aeternitatem, ita mundus esset per omne tempus, et propter hanc Dei cogitationem factum esse solem. In altero autem hanc rationem affert, cur mundus hac forma donatus sit, quod Deus eum praestantior fore duxerit, si sibi ipse sufficeret nec alienis adminiculis egeret. Eadem loquendi ratio passim occurrit. Sic pag. 1048 Deus λογισάμενος, „cum cogitasset,“ invenit ea quae mentem habent pulchriora iis esse quae carent, mentem autem sine anima esse non posse, et „propter hanc cogitationem,“ διὰ τὸν λογισμὸν τόνδε, mentem in anima, animam in corpore constituit. Sic etiam p. 1049: Cum videret Deus frigus et calorem corpori nocere, διὰ τὴν αἰτίαν καὶ τὸν λογισμὸν τόνδε, „propter hanc causam et rationem,“ unum totum ex omnibus perfectum ac senii et morbi expertem mundum constituit.

Nihil moror, quod obicitur ex Epinomide, ubi mundum Plato a λόγῳ creatum dicit his verbis: Ταύτη μὴδεὶς ἄλλος ποτὲ νομίσει πάντων ἡμῶν ὥς οἱ μὲν θεοὶ εἰσιν αὐτῶν, οἱ δ' οὐ.

μηδ' ὥς οἱ μὲν γνήσιοι, οἱ δὲ τοιοῦτοί τινες οἷους οὐδὲ θέμις εἰπεῖν ἡμῶν οὐδενί. Πάντες δὲ δὴ πάντας λέγωμέν τε καὶ φῶμεν ἀδελφούς τ' εἶναι καὶ ἐν ἀδελφαῖς μοίραις· καὶ τιμὰς ἀποδιδῶμεν, μὴ τῷ μὲν ἐνιαυτόν, τῷ δὲ μῆνα, τοῖς δὲ μήτε τινὰ μοῖραν τάττωμεν, μήτε τινὰ χρόνον, ἐν ᾧ διεξέρχεται τὸν αὐτοῦ πόλον, ξυναποτελῶν κόσμον, ὃν ἔταξε λόγος ὁ πάντων Θειότατος ὁρατόν· ὃν ὁ μὲν εὐδαίμων πρῶτον μὲν ἐθαύμασεν, ἔπειτα δὲ ἔρωτα ἔσχεν τοῦ καταμαθεῖν ὅπόσα θνητῇ φύσει δυνατόν. „Nemo omnino ex nobis existimet alios quidem deos esse, alios vero non; aut alios legitimos, tales vero alios, quales nefas sit dicere. Sed fratres omnes ac in fraternis sortibus esse dicamus, iisque honores adhibeamus, non alii annum, alii mensem, alii vero nullam partem assignemus, nec tempus ullum, in quo circulum suum percurrit, mundum perficiens, quem ratio omnium divinissima visibilem statuit: quem quidem vir beatus primo admiratur, deinde ardet cupiditate ea discendi quaecumque natura mortalis percipere potest.“

Haec verba, „quem beatus vir primo admiratur“, non ad λόγον sed ad mundum referri debent, cuius admiratio initia nobis discendi et prima veluti elementa suppeditat, quod de divinae rationis admiratione dici non potest. Ille autem λόγος, qui mundum creavit, non magis personam a Deo patre distinctam hoc loco designat, quam in aliis supra alatis, aut etiam in isto ex Phaedone p. 85: „Elaborandum est ut, humanarum rationum optimam et quae minime refutari possit eligentes, ei insideamus, ut, illa tamquam rate vecti, vitae istius pericula enavigemus, nisi quis possit certiore tutioreque modo, tutiore videlicet vehiculo, aut divina aliqua ratione traduci atque transmitti,“ ἐπὶ βεβαιότερου ὀχήματος ἢ λόγου Θείου τινὸς διαπορευθῆναι.

III. Propius accedere videtur ad christiani instituti similitudinem in epistola ad Hermiam, Erastum et Coriscum, quos hortatur, ut amicitiam inter se ineant eamque hoc iureiurando confirment: Ἐπομνύντας σπουδῇ τε ἅμα μὴ ἀμούσῳ καὶ τῇ τῆς σπουδῆς ἀδελφῇ παιδείᾳ, καὶ τὸν τῶν πάντων Θεὸν

ἡγεμόνα τῶν τε ὄντων καὶ τῶν μελλόντων, τοῦ τε ἡγεμόνος καὶ αἰτίου πατέρα κύριον, ἐπομνύντας, ὅν, ἂν ὄντως φιλοσοφῶμεν, εἰσόμεθα πάντες σαφῶς εἰς δύναμιν ἀνθρώπων εὐδαιμόνων.
 „Iurantes non sine eleganti studio et sorore studii disciplina, et omnium deum ducem et eorum quae sunt et eorum quae futura sunt, ac ducis et causae patrem et dominum testem invocantes: quem quidem, si vere philosophemur, omnes perspicue cognoscemus, quantum fas est hominibus beatis.“

Haec de Verbo et Filio Dei dicta videri possent, si id per Platonem liceret, qui omnium ducem Deum et causam ipse sui interpretes mundum esse declarat. Sic enim loquitur in Epinomide p. 1005: Θεὸν δ' αὐτὸν μᾶλλον ἢ τινα τύχην ἡγοῦμαι δόντα ἡμῖν σώζειν ἡμᾶς. Ὅν δὲ θεὸν ἡγοῦμαι. φράζειν χρή, καίπερ ἄτοπον ὄντα, καὶ πως οὐκ ἄτοπον αὐ. Πῶς γὰρ τῶν ἀγαθῶν αἴτιον ἡμῖν ξυμπάντων. οὐ καὶ τοῦ πολὺ μεγίστου, τῆς φρονήσεως, αἴτιον ἡγεῖσθαι δεῖ γεγονέναι; Τίνα δὲ καὶ σεμνύνων ποτὲ λέγω θεόν, ὃ Μέγιστόν τε καὶ Κλεινία; Σχεδὸν οὐρανόν. Ὅν καὶ δικαιοτάτον, ὥς ξύμπαντες ἄλλοι δαίμονες ἅμα καὶ θεοί, τιμᾶν τε καὶ εὐχεσθαι διαφερόντως αὐτῷ. Τὸ δὲ καὶ τῶν ἄλλων αἴτιον ἀγαθῶν πάντων ἡμῖν αὐτὸν γεγονέναι, πάντες ἂν ὁμολογοῖμεν. „Deum autem magis arbitror, quam fortunam aliquam, hoc nobis prudentiae munus ad salutem nostram contulisse. Quem autem deum existimem, dicam vobis, quamvis id absurdum sit, ac rursus aliqua ratione non absurdum. Nam qui omnium nobis bonorum causa est, quomode non cum longe maximi, id est prudentiae, causam fuisse existimandum est? Quem autem deum, Megille et Clinia, laudibus effero? Coelum procul dubio. Quod quidem aequissimum est ut, quemadmodum alii omnes daemones simul et dii faciunt, ita nos quoque maiorem in modum colamus et precemur. Atque illud quidem aliorum omnium bonorum causam nobis exstitisse omnes confitebimur.“

Coeli nomine mundum a Platone designari patet ex his verbis Timaei p. 1047: Ὁ δὲ πᾶς οὐρανὸς ἢ κόσμος, ἢ καὶ ἄλλο, ὃ τί ποτε ὀνομαζόμενος μάλιστα ἂν δέχοιτο, τοῦθ' ἡμῖν

ὠνομάσθω. „Hoc autem universum coelum vel mundus, seu quo alio nomine appellari se maxime probet, a nobis appelletur.“ Cum ergo mundus hoc loco a Platone omnium bonorum causa et Deus et a caeteris diis et daemonibus coli solitus dicatur, is de quo in superiore testimonio eadem dicuntur mundus profecto existimandus est. Quin etiam ex posteriore testimonio superius sic videtur emendandum: τὸν τῶν πάντων θεῶν ἡγεμόνα, „omnium deorum ducem invocantes,“ hunc enim „omnes alii daemones simul et dii colunt.“ Mox deesse videtur αἴτιον, ita ut vertendum sit: „eorum quae sunt et eorum quae futura sunt causam.“ Vocem illam, αἴτιον, excidisse probant sequentia: τοῦ τε ἡγεμόνος καὶ αἰτίου πατέρα.

Multa alia de mundo in eandem sententiam dicta reperias. In Timaeo p. 1049: Διὰ πάντα δὴ ταῦτα εὐδαίμονα θεὸν αὐτὸν ἐγεννήσατο. „His omnibus de causis beatum illum deum genuit.“ Et p. 1072: Αὐτάρκη τε καὶ τελεώτατον θεὸν ἐγέννα. „Deum sibi ipsi sufficientem et perfectissimum generabat.“ Sic dialogum concludit: Θνητὰ γὰρ καὶ ἀθάνατα ζῶα λαβών, καὶ ξυμπληρωθεὶς ὅδε ὁ κόσμος, οὕτω ζῶον ὁρατόν, καὶ ὁρατὰ περιέχων, εἰκὼν τοῦ νοητοῦ θεοῦ, μέγιστος καὶ ἄριστος κάλλιστός τε καὶ τελεώτατος γέγονεν, εἰς οὐρανὸς ὅδε, μονογενὴς ὢν. „Mortalia enim et immortalia animalia capiens, ac completus hic mundus, sic animal visibile, visibilia comprehendens, intelligibilis dei imago, sensibilis, maximus, pulcherrimus et perfectissimus exstitit, unum hoc coelum, unigenitus.“ Sic etiam initio Timaei Locri mundus vocatur „unus, unigenitus, deus genitus.“ Hinc Velleius apud Ciceronem lib. I De nat. deorum multa iocatur in „rotundum deum“ Platonis, ac, „si mundus est deus, dei membra partim ardentia, partim refrigerata esse“ concludit, propterea quod multae mundi partes aut appulsu solis exarserint, aut obriguerint nive pruinaque longinquo solis abscessu.

IV. Platonem haec in opinionum commenta et verborum ampullas coniecit ea, quam sibi finxerat, mundi similitudo

cum Deo. Egregie ille quidem et luculenter docuit Deum omnia ad idearum suarum exemplar creasse, nec quidquam esse in mundo, quod non ideae divinae respondeat. At inscienter prorsus et absurde mundum essentiae divinae accuratam esse et omnibus numeris instructam imaginem sibi fingeat, nec quidquam esse in Deo, cuius non aliqua expressa sit in mundo imago. Sic loquitur p. 1047: *Λέγωμεν δὲ δι' ἣν αἰτίαν γένεσιν καὶ τὸ πᾶν τόδε ὁ ξυνιστὰς ξυνέστησεν. Ἀγαθὸς ἦν, ἀγαθῷ δὲ οὐδεὶς περὶ οὐδενὸς οὐδέποτε ἐγγίγνεται φθόνος. Τοῦτου δ' ἐκτὸς ὧν πάντα ὅτι μάλιστα ἐβουλήθη γενέσθαι παραπλήσια αὐτῷ.* „Dicamus autem, quam ob causam mundi auctor generationem atque hoc universum constituerit. Bonus erat; bono autem nulla umquam ulla de re inest invidia. Huius igitur expers cum esset, voluit omnia sibi quam simillima fieri.“

In hac de mundo sententia id videbatur inesse incommodi, quod mundus sit creatus, Deus vero sempiternus, nec proinde id, quod esse incepit, aeterni imago esse possit. Huic incommodo sic occurrit Plato p. 1052: *Ὡς δὲ κινηθῆναι αὐτὸ καὶ ζῶν ἐνενόησε τῶν αἰδίων θεῶν γεγονὸς ἄγαλμα ὁ γεννήσας πατήρ, ἡγάσθη τε καὶ εὐφρανθεὶς ἔτι δὴ μᾶλλον ὅμοιον πρὸς τὸ παράδειγμα ἐπενόησεν ἀπεργάσασθαι. Καθάπερ οὖν αὐτὸ τυγχάνει ζῶον αἰδίων, καὶ τόδε τὸ πᾶν οὕτως εἰς δύναμιν ἐπεχείρησε τοιοῦτον ἀποτελεῖν· ἡ μὲν οὖν ζοίου φύσις ἐτύχανε οὖσα αἰώνιος, καὶ τοῦτο μὲν δὴ τῷ γεννητῷ παντελῶς προσάπτειν οὐκ ἦν δυνατόν· εἰκόνα δ' ἐπινοεῖ κινητὴν τινα αἰῶνος ποιῆσαι, καὶ διακοσμῶν ἅμα οὐρανόν, ποιεῖ μένοντος αἰῶνος ἐν ἐνὶ κατ' ἀριθμὸν ἰοῦσαν αἰώνιον εἰκόνα, τοῦτον δ' ἐν δὴ χρόνον ὠνομάκαμεν.* „Postquam igitur moveri ac vivere animadvertit creatum illud deorum immortalium simulacrum is qui genuit pater, admiratus ac oblectatus est magisque exemplari simile perficere cogitavit. Quemadmodum ergo ipsum exemplar est animal sempiternum, ita etiam hoc universum tale quantum fieri poterat perficere instituit. Ac animalis quidem natura erat aeterna; id autem rei creatae omnino affingi non pote-

rat. Quamobrem excogitat mobilem quamdam aeternitatis imaginem; et dum coelum exornat, aeternitatis in uno permanentis aeternam imaginem numero progredientem creat, quam tempus vocavimus.“ Et non multo post: *Χρόνος δ' οὖν μετ' οὐρανοῦ γέγονεν, ἵνα ἅμα γέννηθέντες, ἅμα καὶ λυθῶσιν, ἄν ποτε λύσις τις αὐτῶν γένηται; καὶ κατὰ τὸ παράδειγμα τῆς αἰωνίου φύσεως· ἵν' ὡς ὁμοιότατος αὐτῷ κατὰ δύναμιν ᾗ. Τὸ μὲν γὰρ δὴ παράδειγμα πάντα αἰῶνά ἐστιν ὅν· ὁ δ' αὖ διὰ τέλους τὸν ἅπαντα χρόνον γεγονώς τε καὶ ὦν καὶ ἐσόμενός ἐστι μόνος.* „Tempus ergo simul cum coelo creatum est, ut simul genita simul dissolvantur, si qua eorum aliquando futura sit dissolutio: tum etiam ut aeternae naturae exemplari, quantum fieri potest, quam simillimus sit mundus. Nam exemplar per omnem est aeternitatem; mundus vero per omne tempus solus fuit, est et erit.“

Sic creato tempore ut mundus, „perfectissimo et intelligibili animali simillimus, naturam aeternam imitaretur,“ haec tamen similitudo, Platone iudice, inchoata et manca exstisset, nisi, quot animalium species ideis aeterni animalis observantur, totidem in mundo creatae fuissent. Sic rem exponit: *Τῷ δὲ μῆπω τὰ πάντα ζῶα ἐντὸς αὐτοῦ γεγεννημένα περιελιφέναι, ταύτῃ ἔτι εἶχεν ἀνομοίως. Τοῦτο δὴ τὸ κατάλοιπον ἀπειργάζετο αὐτοῦ πρὸς τὴν τοῦ παραδείγματος ἀποτυπούμενος φύσιν. Ἦπερ οὖν νοῦς ἐνούσας ἰδέας τῷ ὃ ἐστι ζῶον, οἷά τε ἔνεισι καὶ ὅσαι καθορᾷ, τοιαύτας καὶ τοσαύτας διανοήθη δεῖν καὶ τόδε σχεῖν.* „Sed quia nondum omnia animalia intra se genita mundus continebat, idcirco erat adhuc dissimilis. Quod autem illi deerat id perfecit deus naturam exemplaris imitatione exprimens. Quatenus igitur mens insitas ei quod est animal ideas cernit, qualesque sunt et quot intuetur, tales et totidem in mundo esse oportere iudicavit.“ Dicebat supra Timaeus Locrus mundum esse perfectum, quia illius exemplar, quod omnia intelligibilia in se ipso complectitur, nihil extra praetermisit, sed intelligibilium perfectus est terminus, ut hic mundus sensilium.

V. Venio ad celeberrimum ex secunda Platonis epistola testimonium, quod et Iustinus in Apologia prima et multi alii post eum citarunt, et Christianis fucum fecisse Clericus existimat. Significaverat Dionysius Platoni per Archedemum sibi non omnino satisfacere institutam a Platone „de primi natura“ demonstrationem. Sic respondet Plato: Φραστέον δὴ σοι δι' αἰνιγμάτων· ἵν', ἂν τι ἡ δέλτος ἢ πόντος ἢ γῆς ἐν πτυχαῖς πάθῃ, ὁ ἀναγνούς μὴ γνῶ. Ὡς γὰρ ἔχει. Περὶ τῶν πάντων βασιλέα πάντα ἐστὶ καὶ ἐκείνου ἕνεκα πάντα· καὶ ἐκεῖνο αἴτιον ἀπάντων τῶν καλῶν. Δεύτερον δὲ περὶ τὰ δεύτερα, καὶ τρίτον περὶ τὰ τρίτα. Ἡ οὖν ἀνθρωπίνη ψυχὴ περὶ αὐτὰ ὁρέγεται μαθεῖν ποῖα ἅττα ἐστί, βλέπουσα εἰς τὰ αὐτῆς συγγενῆ, ὧν οὐδὲν ἰκανῶς ἔχει. Τοῦ δὲ βασιλέως περὶ καὶ ὧν εἶπον, οὐδὲν ἐστὶ τοιοῦτο. „Dicendum tibi per aenigmata: ut, si quid huic tabellae vel mari vel terra contingat, qui legerit intelligere non possit. Sic autem habet. Circa omnium regem cuncta sunt, ipsius gratia omnia; ipse pulchrorum omnium causa. Secundum circa secunda; tertium circa tertia. Humana igitur anima haec qualia sint discere cupit, ad ea respiciens quae sibi cognata sunt, quorum nullum satis aptum est. At in rege et iis, de quibus dixi, nihil tale.“

Parvi refert huius loci sententiam investigare, quam ipse Plato quibusdam veluti integumentis consulto obvolvit. Videtur tamen aliud nihil indicare, quam quod saepe alias de variis cognoscendi modis disseruit. In libro 6 De rep. duo distinguit entia, visibile et invisibile, et duplicem utriusque cognoscendi modum. In visibili genere ponit „imagines sive umbras et simulacra,“ et ipsas res, quae his imaginibus adumbrantur, ita ut „quemadmodum se habet opinio ad scientiam, ita imago ad id cuius est imago.“ In invisibili genere duos pariter distinguit cognoscendi modos: „unum in quo anima suppositionibus et imaginibus utitur ad speciei invisibilis investigationem, alterum cum animus sine imaginibus ipsas species considerat.“ His paulo uberius explicatis tandem sic concludit: Καὶ μοι ἐπὶ τοῖς τέτταρσι τμήμασι τέτταρα ταῦτα παθήμα-

τα ἐν τῇ ψυχῇ γινόμενα λάβε. Νόησιν μὲν ἐπὶ τῷ ἀνωτάτῳ· διάνοιαν δὲ ἐπὶ τῷ δευτέρῳ· τῷ τρίτῳ δὲ πίστιν ἀπόδος, καὶ τῷ τελευταίῳ εἰκασίαν. „Ad has quatuor proportionales quatuor itidem mentis affectiones accipe. Intelligentiam supremo, cogitationem secundo, fidem tertio assigna, ultimo assimilationem sive imaginationem.“ Eadem docet lib. 7. p. 705.

Videtur epistola ad Dionysium hos cognoscendi modos indicare. Non enim triadem habet, sed quaternionem. Primum cognoscendi genus, illudque longe praestantissimum in ipsius entis consideratione versatur. Hoc solis sapientibus contingit, qui, ut ait Plato lib. 7 De rep., ipsum bonum intuentur eoque utuntur tamquam exemplari. Secundum cognoscendi genus versatur circa secunda, cum videlicet animus, ut de geometria et aliis eiusmodi artibus observat Plato ibid. lib. 6 De rep., imaginibus et suppositionibus ad entis investigationem utitur. Tertium circa tertia versatur, cum in rebus visibilibus non umbras et imagines, sed ipsas res apprehendimus, ex quo fidem effici declarat Plato. Quartum cognoscendi genus, quod εἰκασία sive imaginatio et assimilatio est, non obscure commemoratur in epistola ad Dionysium, ubi mens discendi cupida ad ea tantum respicere dicitur quae ipsi cognita sunt; quae cognoscendi ratio Platonis iudicio caeteris plurimum concedit. Non ergo hic trias quaerenda, sed tetras Pythagorica, quae ex quatuor cognoscendi modis explicatur apud Plutarchum lib. 1 De placitis philosophorum: Ἡ ἡμετέρα ψυχὴ, φησιν, ἐκ τετράδος σύγκειται· εἶναι γὰρ νοῦν, ἐπιστήμην, δόξαν, αἴσθησιν, ἐξ ὧν πᾶσα τέχνη καὶ ἐπιστήμη καὶ ἡμεῖς λογικοὶ ἐσμεν. „Anima nostra continetur tetrade: est enim mens, scientia, opinio, sensus: ex quibus ars omnis et scientia ac nos ipsi rationis participes sumus.“

VI. Praetermittendus non est alius locus ex lib. 6 De rep., qui apud Eusebium citatur Praepar. evang. lib. 2. cap. 21. Sic loquitur Socrates: Ἄρ' οὖν οὐ καὶ ὁ ἥλιος ὄψις μὲν οὐκ ἔστιν, αἷτιος δ' ὧν αὐτῆς ὁράται ὑπ' αὐτῆς ταύτης; Οὕτως, ἧ δ' ὅς. Τοῦτον

τοίνυν (ἤν δὲ ἐγώ) φάναι με λέγειν τὸν τοῦ ἀγαθοῦ ἔκγονον, ὃν τὰγαθὸν ἐγέννησεν ἀνάλογον ἑαυτῷ, ὃ τί περ αὐτὸ ἐν τῷ νοητῷ τόπῳ πρὸς τε νοῦν καὶ τὰ νοούμενα, τοῦτο τοῦτον ἐν τῷ ὁρατῷ πρὸς τε ὄψιν καὶ τὰ ὁρώμενα. „Nonne igitur sol ipse visus non est, et cum causa sit visus, ab ipso illo cernitur? Omnino, inquit ille. Sic igitur, inquam, de illo boni foetu, quem sibi similem id quod bonum est genuit, meam accipe sententiam: quale illud est bonum in loco intelligibili cum mente ac rebus mente perceptis comparatum, talem esse solem in visibili, si cum visu et rebus sub visum cadentibus confecturatur.“

Prima specie videtur Plato filium Deo attribuere, quem Deus sibi similem genuerit; sed si attendamus quae sequuntur, quaeque praecedunt, non de filio Dei, sed de scientia et veritate, quam Deus in nobis gignit, Platonem loqui constabit.

Quidnam sit bonum (quo nomine Deum designari nemo negaverit), explicare non audet Socrates rei difficultate deterritus; sed tamen eius τόκους sive partus exponere aggreditur, „et quis sit illius foetus ipsique simillimus,“ ὃς δὲ ἔκγονος τοῦ ἀγαθοῦ φαίνεται καὶ ὁμοιότατος ἐκείνῳ. Ut hunc τόκον καὶ ἔκγονον, partum et foetum boni exponat, statuit ea quae videntur minime intelligi, ideas intelligi quidem, sed minime videri: ac omnium quidem sensuum praestantissimum esse visum, et quemadmodum nemo videre potest, nisi affulgeat illa lux, quam solus ex diis coelestibus sol efficit, ita etiam nihil intelligi posse sine illo Dei foetu, quia Deus idem praestat in rebus quae intelliguntur ac sol in iis quae videntur. Rogatus ut rem clarius explanet, haeret in eodem exemplo, et quemadmodum oculi caecutiunt, cum ad ea vertuntur, quae noctis tenebris operta sunt, secus vero cum ad ea quae sol illustrat: ita de animo iudicandum statuit. „Quando enim,“ inquit, „eo fertur, ubi veritas et ipsum ens emicat, intelligit illud cognoscitque et mentem habere videtur. Quando autem ad id quod tenebris permixtum est quodque nascitur et perit, opinatur et caecutit, sursum deor-

sum opiniones immutans, ac mentis experti similis est. Quod igitur et veritatem rebus cognoscendis et virtutem praestat cognoscenti, boni ideam esse dicito, scientiae et veritatis, quae mente cognoscitur, causam.“

Nihil aliud ergo est ille Dei foetus, quam scientia et veritas, quae ut lux a sole, ita a Deo gignuntur. Eundem enim ordinem ponit inter bonum et ipsius partum, veritatem et scientiam, ac inter solem et lucem; et „quemadmodum lux et visus sunt quidem ἡλιοειδῆς,“ id est speciem habent ad solis splendorem accommodatum, „nec tamen sunt ipse sol, ita veritatem et scientiam esse quidem ἀγαθοειδῆς,“ id est boni speciem habere declarat, „sed tamen ipsum bonum non esse.“ Addit quemadmodum „sol iis quae videntur non id solum praestat ut videantur, sed etiam ea generare, augere, nutrire, quamvis ipse non sit generatio,“ ita „bonum iis quae cognoscuntur non solum largiri ut cognosci possint, sed etiam ipsam essentiam donare, quamvis ipsum minime sit essentia, sed supra essentiam, dignitate et potentia exsuperans.“

VII. Ad hanc Platonis interpretandi rationem accedit auctoritas veterum scriptorum, qui in eius libris maxime versati fuere. Nullam enim de hoc Dei Filio litteram invenias neque apud Ciceronem, neque apud Plutarchum, qui Platonis doctrinam omnibus vestigiis indagarunt, neque apud alios scriptores, qui de philosophorum sentiis pertractant. Nemo omnino commemoratur ex philosophis ethnicis, qui hanc de Verbo Dei Filio sententiam ante exortos recentiores Platonicos aut sequutus sit aut impugnaverit. Cicero in lib. 2 De leg. veram legem existimat „mentem esse omnia ratione aut cogentis aut vetantis Dei.“ Paulo post de eadem lege: „Non tum denique incipit lex esse,“ inquit, „cum scripta est, sed tum cum orta est. Orta autem simul est cum mente divina. Quamobrem lex vera atque princeps, apta ad iubendum et ad vetandum, ratio est recta summi Iovis.“ Vides Ciceronem, tum cum sibi Platonem ad imitan-

dum proponit, ne suspicari quidem λόγον sive rationem esse Filium Dei. Plutarchus in libro De placitis philosophorum tria Platonis principia recenset: Deum, materiam et ideam. Ideam autem nihil aliud esse putat, quam essentiam incorpoream ἐν νοήμασι καὶ φαντασίαις Dei existentem; in quo valde a Clerico et aliis huiusmodi discrepat, qui ideam apud Platonem substantiam esse volunt a Deo separatam et dissociatam.

Celsus apud Origenem Deum ipsum rationem esse omnium rerum pronuntiat, ut patet ex his verbis quae ab Origene referuntur lib. 5 pag. 240: Σάρκα δὴ μεστέην ὧν οὐδὲ εἰπεῖν καλόν, αἰώνιον ἀποφῆναι παραλόγως οὔτε βουλήσεται ὁ Θεός οὔτε δυνήσεται. Αὐτὸς γάρ ἐστιν ὁ πάντων τῶν ὄντων λόγος· οὐδὲν οὖν οἷός τε παράλογον οὐδὲ παρ' ἑαυτὸν ἐργάσασθαι. „Carnem vero iis plenam, quae ne appellare quidem decet, aeternam reddere contra rationem nec vult Deus nec poterit. Ipse enim omnium rerum ratio est: nihil ergo contra rationem aut contra seipsum facere poterit.“ Christianae doctrinae discrimen a Celsi sententia sic exponit Origenes pag. 246: ἀλλὰ καὶ ὁ τῶν πάντων λόγος ἐστί, κατὰ μὲν Κέλσον, αὐτὸς ὁ Θεός· κατὰ δὲ ἡμᾶς, ὁ υἱὸς αὐτοῦ. „Sed omnium quidem ratio est, secundum Celsum, ipse Deus: secundum nos, eius Filius.“

Idem Celsus, cum saepe Christianos multa dicat ex Platone hausisse, nusquam eorum de Verbo doctrinam, quam sexcenties exagitat, inter haec furta commemorat. Quin etiam penitus ignorabat Platonem de Filio Dei loquutum esse. Ait enim Christianos aliis non belle contentis, alta et inani spe plenos, quasi magnifica quaedam didicerint, nonnulla ut vera praedicare; sed haec Platonem multo ante docuisse; nec tamen eum prodigialiter loqui, nec volentibus interrogare, quid sit hoc quod promittat, silentium indicere, aut iubere, ut e vestigio credant talem esse Deum, talemque ei esse Filium, eumque huc delapsum secum esse colloquutum, pag. 280.

Non ignorabat Celsus nonnulla apud Platonem legi de Filio Dei, sed filii nomine mundum designari existimat. Sic enim loquitur apud Origenem lib. 5. pag. 308: Ὁπόθεν δὲ καὶ αὐτὸ τοῦτο ἐπῆλθεν αὐτοῖς Θεοῦ υἱὸν καλεῖν σημαίνω. Ἄνδρες παλαιοὶ τόνδε τὸν κόσμον, ὥς ἐκ Θεοῦ γενόμενον, παῖδά τε αὐτοῦ καὶ ἡγεῖον προσεῖπον. Πάννυ γοῦν ὁμοίος οὗτος κἀκεῖνος παῖς. „Unde autem et hoc ipsum eis in mentem venerit, ut Filium Dei appellarent, indicabo. Mundum veteres, utpote ex Deo genitum, ipsius filium et Deo similem vocabant. Bella vero similitudo huius et illius Filii Dei.“

VIII. Nondum ergo nati erant vel saltem nondum prodierant, scribente adversus Christianos Celso, novi illi Platonici, qui supremo Deo duas alias longe inferioris substantiae personas adiunxerunt, eisque aliquas in mundi creatione partes commiserunt. Iustinus ipse, cum ad religionem christianam accessit, nondum quidquam a Platone aut Platonici dictum sciebat, quod cum christiana de Verbo doctrina quadraret. Nam a sene, qui eum prima religionis elementa docuit, interrogatus Dialog. cap. 3 minime distinguit λόγον ἡγεμονοῦντα πάντων, „rationem omnibus imperantem,“ a Deo et cogitatione divina, sed manifeste respicit ad locum Platonis ex Timaeo supra allatum, ubi hortatur Plato, ut „humanarum rationum unam aliquam apprehendentes eique insidentes vitae pericula tamquam rate enavigemus, nisi quis possit firmiore aliquo vehiculo vel divina aliqua ratione apprehensa tutius traduci.“

Iustinus in Cohortatione, quod opus in primordiis conversionis scripsit, Platonem carpit c. 29 et 30, quod, his quae Mosi dicta sunt „Secundum formam tibi in monte monstratam ita facies“ lectis quidem sed non intellectis, „formam quamdam, sive exemplar eorum quae facta sunt ante id quod sensibus subiectum est, separatim exsistere“ existimasset, et praeexistentem terram, praeexistens coelum, praeexistentem hominem admisisset. Eundem castigat c. 7, quod

formam in „Dei notionibus“ recenseat, quam alibi substantiam separatim existentem pronuntiat.

Ita Iustinus, nihil suspicans Platonem de Verbo Dei Filio et Deo degustasse, imo ne ipse quidem in Platonica doctrina (non enim diu cum Platoniciis fuerat) multo versatus. Nam Plato exemplar mundi in Dei cogitationibus constanter reponit. Quodsi multis post annis visus est sibi Iustinus christianae de Filio et Spiritu sancto doctrinae aliquam, non dico cognitionem, sed, ut ipse ait, imitationem apud Platonem reperire, id, cum et sero animadversum sit et longius tractum, argumento est nunquam haec Iustinum observaturum fuisse, nisi et christiana doctrina imbutus et illius defendendae cupidus fuisset. Quinetiam ex duobus testimoniis, quae citat Apol. I. c. 60, alterum longe aliter legitur apud Platonem, ut in nota observavi, alterum non potest ad Filium Dei nisi per vim detorqueri.

Post tot Platonis et eorum, qui illius doctrinam apprime calluerunt, ac ipsius etiam Iustini testimonia, videor mihi pro meo iure statuere posse, fabulam Platonismi a Iustino in ecclesiam inducti inter ea commenta referri debere, quorum nullus unquam auctor exstitisset, aut saltem nullus adstipulator, si alius esse posset absurdi erroris defendendi modus.

Iam vero si quis obiciat veterum scriptorum iudicia, Clementis Alexandrini, Origenis, Eusebii Caesariensis et Cyrilli Alexandrini, qui Iustini exemplo Platonem christianae de Verbo doctrinae testem citarunt: nihil id mihi officiet, cum ab eorum auctoritate mea non multum discedat sententia. Nam Platonica illa Filii Dei descriptio, quem unigenitum, Deum genitum, intelligibilis Dei imaginem, Deum beatum, Deum sibi ipsi sufficientem et perfectissimum, omnium bonorum causam appellat, ita Hebraeorum de aeterno Dei Filio doctrinae congruit, ut eam verisimile sit, non secus ac ea, quae supra de Deo opus suum admirante et de planetis ad distinctionem temporum factis retuli, inde derivatam et

inepta cum mundo iunctura depravatam fuisse. Platonem negat Iustinus intellexisse quae ex sacris fontibus hauserat.

CAPUT II.

DE MATERIAE CREATIONE NONNULLA IUSTINI ET ATHENAGORAE LOCA EXPLICANTUR.

I. Iustini et Athenagorae testimonia ex aliis locis explicantur. II. Non sine causa de materiae creatione interdum silent. III. Sacri et ecclesiastici scriptores eodem modo loquuti.

I. S. Iustinus et Athenagoras de mundi creatione nonnulla dixerunt, quae hoc loco explanare conabimur, ne molestiam legentibus facessant. Initium ducam ab his Iustini verbis ex Apol. I. c. 10: *Καὶ πάντα τὴν ἀρχὴν ἀγαθὸν ὄντα δημιουργῆσαι αὐτὸν ἐξ ἀμόρφου ὕλης δι' ἀνθρώπους δεδιδάγμεθα.* „Et cum bonus sit omnia illum ab initio ex informi materia propter homines condidisse scimus.“ Plures torsit illud ἐξ ἀμόρφου ὕλης, quod quidem alii expungendum duxerunt, alii emendandum, alii benignius interpretandum. Quinetiam videtur prima specie Iustinus cum Platone consentire de mundi creatione, quamvis ille materiam ex nihilo creatam fuisse ne suspicatus quidem sit. Sic enim loquitur in eadem Apol. I. c. 59: *Ἵνα δὲ καὶ παρὰ τῶν ἡμετέρων διδασκάλων (λέγομεν δὴ τοῦ λόγου τοῦ διὰ τῶν προφητῶν) λαβόντα τὸν Πλάτωνα μάθητε τὸ εἰπεῖν, ὕλην ἄμορφον οὖσαν στρέψαντα τὸν Θεόν, κόσμον ποιῆσαι, ἀκούσατε τῶν αὐτολεξιῶν εἰρημένων διὰ Μωσέως τοῦ προδεδηλωμένου πρώτου προφήτου, καὶ πρεσβυτέρου τῶν ἐν Ἑλλήσι συγγραφέων· δι' οὗ μνηύον τὸ προφητικὸν Πνεῦμα πῶς τὴν ἀρχὴν καὶ ἐκ τίνων ἐδημιούργησεν ὁ Θεὸς τὸν κόσμον, ἔφη οὕτως· Ἐν ἀρχῇ ἐποίησεν ὁ Θεὸς τὸν οὐρανὸν καὶ τὴν γῆν. Ἡ δὲ γῆ ἦν ἀόρατος καὶ ἀκατασκεύαστος, καὶ σκότος ἐπάνω τῆς ἀβύσσου· καὶ πνεῦμα Θεοῦ ἐπεφέρετο ἐπάνω τῶν ὑδάτων. Καὶ εἶπεν ὁ Θεός· Γενηθήτω φῶς, καὶ ἐγένετο οὕτως. Ὡστε λόγῳ Θεοῦ ἐκ τῶν ὑποκειμένων καὶ προδηλωθέντων διὰ Μωσέως γεγενῆσθαι τὸν πάντα κόσμον, καὶ Πλάτωνα, καὶ οἱ*

ταῦτα λέγοντες, καὶ ἡμεῖς ἐμάθομεν, καὶ ὑμεῖς πεισθῆναι δύνασθε. „Atque ut a doctoribus nostris, id est a doctrina per prophetas vulgata, acceptum esse intelligatis, quod dixit Plato, Deum, cum materiam informem vertisset, mundum fecisse: audite quid totidem verbis dixerit Moses, primus prophetarum et scriptoribus omnibus vetustior, ut supra demonstravimus, per quem Spiritus propheticus quomodo mundum Deus initio et ex quibus condiderit declarat his verbis: *In principio fecit Deus coelum et terram. Terra autem erat invisibilis et incomposita, et tenebrae super abyssum; et Spiritus Dei ferebatur super aquam. Et dixit Deus: Fiat lux, et facta est lux.* Verbo igitur Dei ex subiectis et a Mose designatis rebus mundum universum esse conditum et Plato, et qui eadem ac ille dicunt, et nos ipsi didicimus, vobisque licet idem perspicere.“ Et c. 67 nulla materiae creationis facta mentione Deum ait, „cum materiam et tenebras vertisset, mundum effecisse.“

Athenagoras docet in Apol. c. 10 Verbum prodiisse, ut „materialium omnium, quae instar informis naturae et inertis terrae, partibus crassioribus commixtis cum levioribus, iacebant, idea et actus foret.“ Deum et materiam cum opifice et luto comparat c. 15: Ὡς γὰρ ὁ κεραμεὺς καὶ ὁ πηλὸς (ἕλη μὲν ὁ πηλός, τεχνίτης δὲ ὁ κεραμεύς), καὶ ὁ Θεὸς δημιουργός, ὑπακούουσα δὲ αὐτῷ ἡ ἕλη πρὸς τὴν τέχνην. „Quemadmodum enim figulus et lutum (materia quidem lutum, artifex autem figulus), ita Deus opifex et quae eius arti obsequitur materia.“ Et c. 19: Δεῖ δὲ καὶ τῇ ἕλῃ τεχνίτου καὶ ἕλης τῷ τεχνίτῃ. „Opus est autem et materiae opifex et materia opifici.“

Ut solvatur difficultas, si qua insit his testimoniis, illud primum statuere possumus, Iustinum et Athenagoram sic de materiae creatione aliis in locis loquutos esse, ut eorum dubia non possit esse sententia. Iustinus in Cohort. c. 22 hoc discrimen esse statuit inter factorem et opificem, „quod factor, nulla re alia indigens, ex sua ipsius virtute et pote-

state faciat id quod fit; conditor autem accepta a materia operandi facultate construat id quod conditur.“ In eodem libro Platonem exagitat quod materiam aeternam et increatam putaverit, ut observavimus ad c. 23. Eundem Platonem ait c. 30 legisse quidem sed non intellexisse initium libri Genesis, atque illud „Terra autem erat“ intellexisse de terra praeeistente, quia scilicet invisibilis et incomposita dicitur. Docet in Dialogo c. 5 animam, si increata esset, Deo aequalem futuram, ita ut ne Deus quidem cogere illam et vim inferre possit. Ex quo satis perspicitur, quantum ab illius mente abfuerit absurda materiae increatae opinio. In illo autem Apologiae loco, ubi Platonem laudat, materiae creationem leviter quidem et quasi transiens, sed tamen non obscure indicat. Ait enim his verbis „In principio creavit Deus coelum et terram“ ea contineri, ex quibus Deus mundum condidit, quia coelum et terram, ut multi alii, materiam sive, ut ait Augustinus, semen coeli et terrae intelligebat. Athenagoras docet c. 4 materiam esse creatam et corruptioni obnoxiam, et c. 10 omnia per Verbum creata et ornata.

II. Quamvis Iustinus et Athenagoras idem de materiae creatione senserint ac Christiani omnes, interdum tamen nullam vel levem huius creationis mentionem faciunt, quia id ab eis non postulabat propositi ratio. Iustinus ubi Platonem laudat, ethnicos adducere conatur, ut ea non oderint in Christianis, quae in Platone mirantur, eisque platonicae doctrinae cum christiana similitudinem veluti quamdam illecebram praetendit. Quare tunc necesse non erat in Platone ignorance materiam creationis exagitare, sed satius videbatur illius de mundo Dei sapientia creato sententiam laudare, ut ex Mosis haustam fontibus: quamvis materiam creatam Moses intelligat, ut Iustinus non obscure declarat, increatam Plato. Saepe alias laudatus Plato, quod reiectis aliorum philosophorum somniis mundum a Deo conditum docuerit, ut ad hunc Apologiae primae locum observavi. In alio loco, ubi Iustinus omnia ex informi materia docet a Deo

fuisse creata, apte et consequenter ratiocinatur. Probat enim „Deum non indigere materialibus hominum donis: omnia enim illum suppeditare . . . et cum bonus sit, omnia illum ab initio ex informi materia propter homines creasse.“ Necesse non erat in eiusmodi argumento materiam conceptis verbis creatam dicere; sed cum illam dispositam et ornatam fuisse ethnici concederent, satis erat hoc principio utentem demonstrare. Deum materialibus hominum donis non indigere. Sic etiam cum ait die solis Christianos convenire, quia haec dies est, in qua Deus tenebras et materiam vertit, ac Christus resurrexit, nihil dicit quod non verissimum sit, et ad Christianorum cultui approbationem conciliandam idoneum.

Non absimilis causa Athenagoram detinet, quominus materiam conceptis verbis creatam dicat in locis modo allatis. Quod ethnici libenter dabant materiam Deo ad artem obedire et subiici, eamque a Deo ornatam et divisam fuisse, id Athenagoras argumenti loco accipit c. 15, ut materiam probet Deo adaequandam non esse, ac proinde non colenda simulacra. Statuit c. 19 opus esse materiam opifici et opificem materiae; sed id statuit, ut aquam non esse omnium principium, nemine repugnante, demonstret. Atque ut Athenagoram pateat quadam veluti ad principia adversariorum accommodatione uti, ut eos facilius refellat: apponam exemplum ex libro De resurrectione mortuorum, ubi Deum ad vitam posse mortuos revocare sic probat c. 3: *Ἡς γάρ ἐστι δυνάμεις καὶ τὴν παρ' αὐτοῖς νενομισμένην ἄμορφον οὐσαν μορφῶσαι, καὶ τὴν ἀνείδεον καὶ ἀδιακόσμητον πολλοῖς καὶ διαφόροις εἶδεσι κοσμήσαι . . . τῆς αὐτῆς ἐστι καὶ τὸ διαλελυμένον ἐνωῶσαι, καὶ τὸ κείμενον ἀναστῆσαι, καὶ τὸ τεθνηκὸς ζωοποιῆσαι πάλιν, καὶ τὸ φθαρτὸν μεταβαλεῖν εἰς ἀφθαρσίαν.* „Cuius enim potestatis est informi, ut illi existimant, materiae formam affingere, et specie ac ornatu carentem multis variisque figuris ornare . . . eiusdem quoque est et dissoluta coagmentare et iacentia excitare, et mortua ad vitam revo-

care, et corrupta ad statum corruptionis expertem convertere.“ His verbis „informi, ut illi existimant, materiae“ satis declarat Athenagoras se de mundi creatione praeclarius quam adversarios sentire, sed tamen argumenta ex ipsius materiae creatione non deducere, cum facile posset, ac iis, quae ab adversariis conceduntur, contentum esse, ut eo validius feriat ac omnem repugnandi locum praecludat.

III. Iustinus et Athenagoras ab usitata sacris et ecclesiasticis scriptoribus loquendi ratione minime discedunt. In libro Sapientiae cap. 11. v. 17 omnipotens Dei manus mundum ἐξ ἀμόρφου ὕλης, „ex informi materia,“ fecisse dicitur. Omisit haec verba latinus interpres. Observat Origenes lib. 5 De principiis hoc tantum in Scripturae loco vocabulum materiae hoc sensu usurpari. Citat eundem locum Augustinus lib. 1 contra advers. legis et prophet. ac Deum observat „de materia quidem informi fecisse mundum, sed simul eam concreasse cum mundo.“

Gregorius Nazianz. Carm. iamb. 18. pag. 205 sic loquitur: Ὁ γὰρ σοφῶς τὰ πάντα ποιήσας λόγῳ . . . κόσμον τε τάξας τοῦτον ἐξ ἀκοσμίας. „Sapiente nam qui cuncta Verbo condidit . . . inordinatoque ordinem huic mundo dedit.“ Et in Orat. 1. pag. 33 comparat turbulentos motus, quorum testis erat, cum indigesta materiae mole antequam Deus ordinem et ornatum, quem conspiciamus, induceret. Γέγονε δὲ τὰ πάντα ὡς τὸ ἀπ' ἀρχῆς, ὅτε οὐπω κόσμος ἦν, οὐδὲ ἡ νῦν εὐταξία καὶ μόρφωσις, ἀλλὰ συγκεχυμένον τὸ πᾶν καὶ ἀνώμαλον ἐδεῖτο τῆς εἰδοποιοῦ χειρὸς καὶ δυνάμεως. „Factaque omnia sunt ut ab initio, cum nondum mundus erat, nec pulchra ea constitutio et formatio, quam nunc cernimus, sed omnia confusa et incondita formatricem manum et potentiam requirebant.“ Vid. Orat. 43. p. 699. Hieronymus ep. 82: „Rudis mundus, necdum sole rutilante, nec pallente luna, nec astris micantibus, incompositam et invisibilem materiam abyssorum magnitudine et deformibus tenebris opprimebat.“ Addit ad commendationem baptismi: „Solus Spiritus Dei in aurigae

modum super aquas ferebatur et nascentem mundum in figura baptismi parturiebat.“ Observationem mutuatus est Hieronymus a Tertulliano, qui in libro De baptismo cap. 3 sic loquitur: „Nam et tenebrae totae adhuc sine cultu siderum informes, et tristis abyssus, et terra imparata, et coelum rude: solus liquor, semper materia perfecta, laeta, simplex, de suo pura, dignum vehiculum Deo subiiciebat.“ Vid. Athanas. Orat. adv. gent. c. 38. 41. 42. In his testimoniis divina potentia non tam ab ipsa ex nihilo creatione laudatur, quam a mirabili ornatu, quem rebus creatis affinxit: quominus miremur, si scriptores in refellendis ethnicis occupati creationem materiae leviter attingunt, ac in considerando mundi ordine et descriptione libentius morantur, quia id magis ad profligandos adversarios appositum videbatur.

CAPUT III.

QUO SENSU IUSTINUS ASTRA GENTIBUS DATA AD COLENDUM DIXIT.

I. S. Martyris sententia explicatur et adversus Iurium defenditur. II. Iniquus Iurius in alios nonnullos ac praecipue in S. Augustinum.

I. Iurius in Historia critica dogmatum et cultuum ecclesiae Part. 4. pag. 711 praeclaram sibi occasionem de Iustino detrahendi nactus videtur, quia S. Martyr dicit Dialog. c. 121: *Τὸν μὲν ἥλιον ὁ Θεὸς ἐδεδώκει πρότερον εἰς τὸ προσκυνεῖν αὐτὸν ὡς γέγραπται, καὶ οὐδένα οὐδέποτε ἰδεῖν ἔστιν ὑπομείναντα διὰ τὴν πρὸς τὸν ἥλιον πίστιν ἀποθανεῖν.* „Solem quidem Deus dederat prius ad adorandum, sicut scriptum est: nec quisquam umquam exstitit, qui mortem propter fidem in solem oppeteret.“ Locus Scripturae a Iustino indicatus exstat Deuteronom. 4, 19, ubi sic legitur: „Ne forte elevatis oculis ad coelum videas solem et lunam et omnia astra coeli et errore deceptus adores ea et colas quae creavit Dominus Deus tuus in ministerium cunctis gentibus, quae sub coelo sunt.“ Habent LXX: ἃ ἀπένειμε κύριος ὁ Θεός σου αὐτὰ πᾶσι τοῖς ἔθνεσι τοῖς ὑποκάτω τοῦ οὐρανοῦ.

Iustinum igitur exagitat Iurius et alios, quos ei adiungit, nimirum Clementem Alexandrinum, Origenem et Augustinum, „quod sibi finxerint Moysem dixisse Deum distribuisse solem et lunam et stellas gentilibus, ut essent eorum dii ac ea adorarent, sibi que reservasse populum Israel.“ Non in solos patres iniquus est Iurius, quibus eam sententiam attribuit, quam „sensui communi, rationi, et religioni ita contrariam esse“ ait, „ut mirum sit in eam incidisse Christianos;“ sed ipsi etiam Moysi iniuriam facit, dum fatetur „eius verba hunc sensum suscipere posse.“

Sed tamen S. Iustini verba aequis animis accepta nullam erroris suspicionem iniiciunt; non enim Deum dicit huic cultui veniam dedisse, aut solem et stellas creasse, ut adorarentur: iustam potius indicat excaecationem gentium, quae lege et miraculis et prophetarum oraculis deterritae ab hoc cultu, ut Iudaei, non fuerunt. Alium habemus in eodem Dialogo locum, qui Iustini verba aliter interpretari non sinit. Iustinum rogat Trypho c. 55, ut exsequatur quod se demonstraturum promiserat, alium esse praeter Deum Patrem, qui in Scripturis Deus ac Dominus vocatur; sed monet „ne solem et lunam dicat, quae scriptum est gentibus concessa a Deo fuisse, ut ea tamquam Deos colerent.“ Tum Iustinus sic respondet: „Non eram allaturus, Trypho, has demonstrationes, quibus eos condemnari scio qui haec et similia colunt, sed eas, quas contra nemo dicere poterit.“ Si in verbis Moysis condemnationem eorum, qui solem et stellas colunt, perspiciebat Iustinus, quis dubitet quin illa eodem sensu acceperit, quo haec S. Stephani de ipsis Iudaeis dicta accipiuntur, Act. 7, 42: „Convertit autem Deus et tradidit eos servire militiae coeli.“

Non absimili sensu Tertullianus lib. De idololatria c. 9 sic loquitur de magia et astrologia: „At enim scientia ista usque ad evangelium fuit concessa, ut Christo edito nemo exinde nativitatem alicuius de coelo interpretetur.“ Et non multo post: „Sed et alia illa species magiae, quae miraculis

operatur, etiam adversus Moysen aemulata, patientiam Dei traxit ad evangelium usque."

II. S. Clemens Alexandrinus astra gentilibus data existimat ut ex eorum aspectu ad creatoris cultum assurgant. Sic enim loquitur Strom. 6. p. 669: "Εδωκεν δὲ τὸν ἥλιον καὶ τὴν σελήνην καὶ τὰ ἄστρα εἰς θρησκείαν, ἃ ἐποίησεν ὁ Θεὸς τοῖς ἔθνεσι, φησὶν ὁ νόμος, ἵνα μὴ τέλειον ἄθεοι γενόμενοι, τελέως καὶ διαφθαρεῶσιν. „Dedit solem et lunam et astra ad colendum, quae Deus fecit gentibus, inquit lex, ne omnino facti athei, omnino etiam interirent." Etsi autem deteriores illos putat, qui ad simulacrorum cultum delabuntur, eos tamen damnari declarat, qui astra colunt. Καὶ μὴν κακεῖνοι οἱ ἀπὸ τῆς τῶν ἄστρον σεβάσεως μὴ ἐπαναδραμόντες ἐπὶ τὸν τούτων ποιητήν. Ὅδὸς γὰρ ἦν αὐτὴ δοθεῖσα τοῖς ἔθνεσιν, ἀνακύψαι πρὸς τὸν Θεὸν διὰ τῆς τῶν ἄστρον θρησκείας. „Sed et illi quoque iudicantur, qui ab astrorum cultu non recurrerunt ad eorum creatorem. Haec enim via data fuit gentibus, ut per cultum astrorum suspicerent Deum."

Origenes tom. 2 in Ioann. eos qui ante ipsum dixerant solem et lunam et astra iis data esse, qui minus digni sunt, ut Deus deorum Deus ipsorum sit, in hanc sententiam verba Deuteronomii accepisse ait, „ut qui non possunt ad intelligibilem recurrere naturam, rebus corporeis ac sub sensum cadentibus divinitatem inesse suspicati, vel lubenter in his sisterent, non prolapsi ad idola et daemonia:" etsi enim „a Deo aberrant," tamen illorum errorem longe praefendum eorum errori, qui Deos vocant opera hominum.

Eusebius Caesariensis Demonstr. evang. lib. 4. c. 8 idem docere hoc loco Moysen existimat ac Paulum in epist. ad Romanos 1, 19. et astra gentibus tradita dicit, „ne ad contrarias potestates et daemonia deflecterent: inde enim quodammodo illius, qui invisibilis est, conspectum veluti per quoddam speculum exhiberi."

Praecipue vero in S. Augustinum iniquus est Iurius, quem dum ait ad aliorum errorem proxime accedere, opinionem ei affingit, quam si habuisset Augustinus, longe deterius errasset. Sic interpretatur Deuteronomii locum (Qu. 54 in Deuter.): „Non ita dictum est, tamquam Deus praeceperit ea coli a gentibus, a solo autem populo suo non coli: sed aut ita dictum est, quod Deus praescierit gentes culturam exhibituras his coelestibus, et tamen hoc praesciens creaverit ea, eum vero populum suum futurum esse praesciverit, qui ista non coleret; aut *distribuit* dictum est, ut intelligatur usus qui commendatur in Genesi, ut sint in signa“ etc. Inexcusabilis Iurius qui haec verba Augustini „et tamen hoc praesciens creaverit“ ita reddit: „il n'a pas laissé de les créer dans cette vue,“ quasi scripsisset Augustinus: „et tamen eo consilio creaverit ut colerentur.“

Statuere ergo possumus neminem ex antiquis patribus sensisse cultum astrorum Dei concessu permissum fuisse gentibus; sed omnes hanc superstitionem condemnant et astra gentibus data dicunt, vel ut ad creatoris contemplationem incitarent, vel ut ministrarent gentibus in signa et tempora, vel quia iusta excaecatione derelictae gentes ad hunc cultum prolapsae sunt. Isidorus Pelusiota neminem noverat qui eo errore laborasset aut laboraret, quem venerandis scriptoribus Iurius attribuit; sed si qui ita sentiant, eos in-scitiae nomine condemnat. *Εἰ δέ τινες οἴονται ἀπονεμεμῆσθαι πρὸς τὸ προσκυνῆσαι αὐτοῖς, λαμπρῶς τὴν οὐκείαν ἀπαιδευσίαν στηλιτεύουσι.* „Quodsi qui distributa putant ut adorentur, in-scitiam suam ipsi manifeste produnt.“ Ipse vero, itidem ut alii patres, astra gentibus data pronuntiat „in disciplinam et institutionem et cognitionem, ut ex rerum creatarum magnitudine et pulchritudine invisibilis creator conspiciatur.“

CAPUT IV.

DE ANGELORUM CULTU.

I. Insignis loci ex Apologia prima S. Iustini pravae interpretationes refelluntur. II. Athenagoras hunc locum imitatur. III. Nonnulla solvuntur et explicantur.

I. Exstat in Apologia prima S. Iustini insignis de angelis locus, qui et sua sponte indiget aliqua explanatione et ex variis interpretationibus, quibus agitatum fuit, in unam aliquam, quae fixa et immota sit, vindicandus est. Sic igitur S. Martyr c. 6: *Καὶ ὁμολογοῦμεν τῶν τοιούτων νομιζομένων θεῶν ἄθεοι εἶναι, ἀλλ' οὐχὶ τοῦ ἀληθεστάτου, καὶ Πατρὸς δικαιοσύνης καὶ σωφροσύνης, καὶ τῶν ἄλλων ἀρετῶν, ἀνεπιμίχτου τε κακίας Θεοῦ. Ἄλλ' ἐκεῖνον τε, καὶ τὸν παρ' αὐτοῦ Τίον ἐλθόντα καὶ διδάξαντα ἡμᾶς ταῦτα, καὶ τὸν τῶν ἄλλων ἐπομένων καὶ ἐξομιουμένων ἀγαθῶν ἀγγέλων στρατόν, Πνεῦμά τε τὸ προφητικὸν σεβόμεθα, καὶ προσκυνοῦμεν, λόγῳ καὶ ἀληθείᾳ τιμῶντες, καὶ παντὶ βουλομένῳ μαθεῖν, ὡς ἐδιδάχθημεν, ἀφθόνως παραδίδόντες.* „Atque atheos quidem nos esse confitemur, si de opinatis eiusmodi diis agatur: secus vero si de verissimo illo, et iustitiae ac temperantiae, ac caeterarum virtutum Patre, nulla admixto vitiositate Deo. Sed eum et Filium, qui ab eo venit ac nos ista docuit, et caeterorum qui illum assectantur, eique assimilati sunt, bonorum Angelorum exercitum, et Spiritum propheticum colimus et adoramus, ratione et veritate venerantes, et ut quisque discere voluerit, citra invidiam, ut edocti sumus, impertientes.“

Aliter hunc locum interpretantur Protestantes. Quidam, ut Bullus in Defensione fidei nicaenae pag. 118, sic accipiunt, quasi dicat Iustinus nos ista, nempe quae ad malos angelos persecutionum auctores spectant, ac simul quae ad bonos, a Christo didicisse: sed haec explicatio merito reiicitur a Grabio, qui tamen non valde meliorem assert. Statuit enim sic vertendum, ut nos Christus simulque angelos ista, nempe quae paulo ante de „iustitiae ac temperantiae ac caeterarum

virtutum Patre Deo“ dicta sunt, edocuisse dicatur. Utraque interpretatio hoc vitio laborat, quod Iustini verba mirifice inter se nexa ac in unum et idem propositum pertinentia violenter detorqueat. Praeterea ex prima interpretatione semper sequitur colendos esse bonos angelos. Nam si Christus „ista“ nos docuit, nempe malos esse daemones, qui colendi non sunt, ac deinde bonos esse, qui Filium Dei assectantur eiusque imaginem in se ferunt: annon inde sequeretur istis honorem et cultum esse adhibendum? Altera interpretatio perabsurde statuit et nos et bonos angelos a Christo „ista“ edoctos esse, nimirum non colendos esse malos daemones. Nihil enim aliud vox „ista“ significat hoc loco.

Quisquis sciet propositum esse S. Martyri, ut Christianos probet non esse atheos, fateri cogetur angelorum cultum ab eo praedicari. Id enim plurimum valebat ad propulsandam atheismi criminationem. Neque alio sensu imperatores Iustini verba accipere potuerunt, cum praesertim nihil aliud indicet constructio verborum: „Filiū et caeterorum, qui illum assectantur ei que assimilati sunt, bonorum angelorum exercitum colimus.“ Praeterea malis angelis, quos Christiani colere nolunt, opponuntur boni; iique Filium tamquam famuli assectari eumque imitari dicuntur, ut merito eos coli et malos reiici pateat.

II. S. Iustini vestigia premit Athenagoras in eodem refellendo crimine. Postquam enim unum in tribus personis Deum, Patrem et Filium et Spiritum sanctum, a Christianis coli docuit, tum vero sic ad angelos transit Legat. c. 10: *Καὶ οὐκ ἐπὶ τούτοις τὸ θεολογικὸν ἡμῶν ἴσταται μέρος· ἀλλὰ καὶ πλῆθος ἀγγέλων καὶ λειτουργῶν φάμεν, οὓς ὁ ποιητὴς καὶ δημιουργὸς κόσμου Θεὸς διὰ τοῦ παρ' αὐτοῦ λόγου διένειμε καὶ διέταξε περὶ τὰ στοιχεῖα εἶναι καὶ τοὺς οὐρανούς καὶ τὸν κόσμον καὶ τὰ ἐν αὐτῷ, καὶ τὴν τούτων εὐταξίαν.* „Neque his tamen theologiae nostrae ratio continetur: sed et multitudinem angelorum et ministrorum agnoscimus, quos creator et opifex mundi Deus per Verbum suum distribuit et ordinavit,

ut circa elementa, coelos, mundum et quae in eo sunt, eorumque temperationem versarentur.“ Haec angelorum et beneficiorum, quae ab eis accipimus, et obsequii, quod Verbo exhibent, commemoratio eundem habet usum apud hunc scriptorem ac apud Iustinum, nempe ut a Christianis atheismi crimen depellatur. Quinetiam videtur prima specie Athenagoras longius ferri quam Iustinus. „Theologia“ enim apud antiquos significare solet naturae divinae praedicationem; atque hinc ansam arripuit Barbeyracus ad incusandum Athenagoram. Sed hac voce significari potest doctrina divinitus revelata: vel si divinae naturae cultum significet, non immerito cum hoc divinae naturae cultu Athenagoras honorem angelis adhibitum coniungit, quia ad Deum refertur quidquid honoris angelis exhibemus.

III. Displicere et molestiam facessere non debet, quod Verbo angelos adiungit Iustinus. Adiungit enim ut famulos et sectatores, idque Scripturae consentaneum. Nam in Apocalypsi 19, 14 de Verbo dicitur: „Et exercitus qui sunt in coelo, sequebantur eum in equis albis, vestiti bysso albo et mundo.“ Neque errandi locum reliquit S. Martyr, cum tam aperte declaret quantum intersit inter Filium et angelos: non magis profecto quam S. Ignatius, qui ait in epistola ad Romanos c. 12: *Πρέπει γὰρ ὑμῖν τοῖς καθ' ἓνα, ἐξαιρέτως καὶ τοῖς πρεσβυτέροις, ἀναψύχειν τὸν ἐπίσκοπον εἰς τιμὴν Πατρὸς, Ἰησοῦ Χριστοῦ καὶ τῶν ἀποστόλων.* „Decet enim singulos vestrum, et praecipue presbyteros, refocillare episcopum, in honorem Patris, Iesu Christi et apostolorum.“

Frustra obliicitur duplex illud verbum, *σέβομεν καὶ προσκυνοῦμεν*, „colimus et adoramus.“ Nam primum quidem ad angelos ipsos refertur, habita ratione discriminis, quod inter creatorem et rem creatam intercedit. Alterum autem nequaquam angelos necessario comprehendit. Saepe duo verba simul coniuncta non ad unam et eandem rem, sed ad diversas iudicio legentium referuntur: cuius rei exemplum maxime appositum observavi in nota ad Quaest. 137 ad Orthodoxos.

CAPUT V.

THEOPHILI SENTENTIA DE STATU IN QUO CREATUS FUIT
ADAMUS.

I. Infantiam Adamo tribuit Theophilus vel ob innocentiam vel ob recentem creationem. II. Multi alii eodem modo loquuti sunt. III. Singularis S. Clementis Alexandrini opinio.

I. Videtur prima specie Theophilus existimare Adamum in quodam infantiae statu creatum fuisse, ac ea scientia destitutum, quae virili aetati conveniat. Sed ne indicta causa damnetur, illius verba non perfunctorie examinanda. Sic igitur ille lib. 2. c. 25: Οὐ γάρ, ὡς οἴονται τινες, θάνατον εἶχε τὸ ξύλον, ἀλλ' ἡ παρακοή. Οὐ γάρ τι ἕτερον ἦν ἐν τῷ καρπῷ ἢ μόνον γνώσις· ἡ δὲ γνώσις καλή, ἐπὶ αὐτῇ οἰκείως τις χρήσεται. Τῇ δὲ οὐσῃ ἡλικίᾳ ὁ Ἀδάμ ἐτι νήπιος ἦν, διὸ οὐπω ἠδύνατο τὴν γνώσιν κατὰ ἀξίαν χωρεῖν. Καὶ γὰρ νῦν, ἐπὶ αὐτῇ γεννηθῇ παιδίον, οὐκ ἤδη δύναται ἄρτον ἐσθίειν, ἀλλὰ πρῶτον γάλακτι ἀνατρέφεται, ἔπειτα κατὰ πρόσβασιν τῆς ἡλικίας, καὶ ἐπὶ τὴν στερεὰν τροφήν ἐρχεται. Οὕτως ἂν ἐγεγόνει καὶ τῷ Ἀδάμ. Διὸ οὐχ ὡς φθονῶν αὐτῷ ὁ θεός, ὡς οἴονται τινες, ἐκέλευσε μὴ ἐσθίειν ἀπὸ τῆς γνώσεως. Ἔτι μὴν καὶ ἐβούλετο δοκιμάσαι αὐτόν, εἰ ὑπήκοος γίνεται τῇ ἐντολῇ αὐτοῦ. Ἀμα δὲ καὶ ἐπὶ πλείονα χρόνον ἐβούλετο ἀπλοῦν καὶ ἀκέραιον διαμεῖναι τὸν ἄνθρωπον νηπιάζοντα. Τοῦτο γὰρ ὁσιόν ἐστιν, οὐ μόνον παρὰ Θεῷ, ἀλλὰ καὶ παρὰ ἀνθρώποις, τὸ ἐν ἀπλότητι καὶ ἀκακίᾳ ὑποτάσσεσθαι τοῖς γονεῦσιν. Ἔτι δὲ χρὴ τὰ τέκνα τοῖς γονεῦσιν ὑποτάσσεσθαι. Εἰ δὲ χρὴ τὰ τέκνα τοῖς γονεῦσιν ὑποτάσσεσθαι, πόσῳ μᾶλλον τῷ Θεῷ καὶ πατρὶ τῶν ὅλων; Ἔτι μὴν καὶ ἄσχημόν ἐστι τὰ παιδιά τὰ νήπια ὑπὲρ ἡλικίαν φρονεῖν· καθάπερ γὰρ τῇ ἡλικίᾳ τις πρὸς τάξιν αὖξει, οὕτω καὶ ἐν τῷ φρονεῖν. „Neque enim, ut quidam existimant, mortiferum erat lignum, sed mandati praetergressio. Aliud enim non erat in ligno nisi scientia; bona autem scientia, si quis ea apte utatur. Qua autem aetate erat Adam, adhuc infans erat, needum idoneus esse poterat qui scientiam perciperet. Nam et nunc infans, cum genitus fuerit, nondum potest panem

edere, sed primum lacte nutritur, deinde progrediente aetate etiam ad solidum cibum accedit. Idem quoque Adamo evenisset. Quapropter non invidens ei Deus, ut quidam existimant, interdixit ne de ligno scientiae comederet. Adhuc etiam volebat eum experiri et periclitari utrum sibi dicto auditurus esset. Simul diutius volebat simplicem et sincerum permanere hominem puerascentem. Hoc enim sanctum est non solum apud Deum, sed etiam apud homines, in simplicitate et innocentia subiici parentibus. Quodsi pueri summissi esse parentibus debent, quando magis parenti omnium Deo? Praeterea indecorum est pueros infantes plus sapere quam aetas postulet: quemadmodum enim nemo crescit aetate nisi quibusdam veluti gradibus, ita nec sapientia.“

Ecquis non videt, si modo animum advertat, infantiam illam, quae Adamo tribuitur, metaphora non carere? 1^o. Apparentem hanc infantiam repetit Theophilus tum ex recenti Adami creatione, tum ex medio illo statu, in quo creatus fuerat. Vixdum enim creatus fuerat, cum illum Deus in paradysum transtulit, stimulus ei subiiciens proficiendi, ut augescens et tandem perfectus, imo declaratus deus sic in coelum ascenderet. Medius enim homo natus erat, nec omnino mortalis. nec prorsus immortalis.“ Inde ergo illa infantia, quod et recens creatus esset, et medius quodammodo creatus. Etsi enim maximarum rerum cognitione instructus erat, infantia videbatur haec scientia cum ea, quae in coelo promittebatur, comparata. Qualem autem scientiam Theophilus Adamo deferat etiam in illo, quem vocat, medio statu, perspicui potest ex nominibus, quae omnibus animalibus Adam imposuit. Id enim maximae scientiae indicium esse existimat Theophilus lib. 2. c. 13. 2^o. Puerum quodammodo dicit Adamum, ob simplicitatem et obsequium, quod Deo, ut filius patri, debebat. Hinc praeceptum illi impositum fuisse dicit. ut diu in illa veluti pueritia perseveraret: quod quidem nemo umquam de pueritia dixerit, quae cum imbecillitate animi et corporis coniuncta sit.

II. Theophilum imitatur S. Irenaeus, nec ab illius sententia recedit. Quod enim ait lib. 3. cap. 22. n. 4: „Erant utrique nudi (in paradiso) et non confundebantur, quoniam paulo ante facti non intellectum habebant filiorum generationis: oportebat enim illos primo adolescere, dehinc sic multiplicari,“ id explicari potest ex cap. 23, ubi sic de poenitentia Adam loquitur n. 5: „Quoniam indolem et puerilem amiserat sensum, et in cogitationem peiorum venerat, frenum continentiae sibi et uxori suae circumdedit, timens Deum et adventum eius exspectans.“ Puerilis indoles et sensus, quae peccando amittuntur, quid aliud esse possunt, quam innocentia? Sic etiam Tertullianus in libro De velandis virginibus cap. 11: „Nam et principes generis Adam et Eva, quamdiu intellectu carebant, nihil agebant. At ubi de arbore agnitionis gustaverunt, nihil primum senserunt quam erubescendum. Itaque sui quoque sexus intellectum tegmine notaverunt.“

Audiendus in eandem sententiam Gregorius Nazianzenus, qui sic loquitur Orat. 38. pag. 619: Θεωρία γὰρ ἦν τὸ πρῶτον, ὡς ἡ ἐμὴ θεωρία. ἥς μόνοις ἐπιβαίνειν ἀσφαλὲς τοῖς τὴν ἔξιν τελειωτέροις, οὐ καλὸν δὲ τοῖς ἀπλουστέροις ἔτι καὶ τὴν ἔφεσιν λιχνότεροις. ὥσπερ οὐδὲ τροφὴ τελεία λυσιτελεῖς τοῖς ἀπαλοῖς ἔτι καὶ δεομένοις γάλακτος. „Contemplatio erat haec arbor, quantum ipse contemplando assequor, ad quam iis solis tutus est ascensus qui animi habitu perfectiori sunt, haudquaquam autem bona simplicioribus adhuc animis atque appetitu avidiori praeditis, quemadmodum nec perfectus ac solidus cibus iis conducit qui tenera adhuc sunt aetate lacteque opus habent.“ His S. Gregorii verbis utitur ut suis S. Ioannes Damascenus lib. 2 De fide orthodoxa cap. 11.

Ioannes Chrysostomus, etsi copiose eos refellit Homil. 16 in Genesim, qui Adamum, postquam de ligno comedit, acquisivisse scientiam boni et mali dicebant, non tamen cum dubitat vocare tenerum puerum in Homil. 14. Ait enim: quemadmodum pater prolis amans tenero filio, καθάπερ πα-

τὴν φιλόστοργος παιδὶ νέῳ, moderatam curam imponit, ne otio insolescat, ita Deum Adamo operationem et custodiam paradisi tradidisse. Theodoretus Quaest. 28 in Genesim sic loquitur: Οὐδὲ τὰ κομιδῇ νέα ἑρυνθριᾶν πέφυκε τῆς ἐσθῆτος γεγυμνωμένα. Κατὰ βραχὺ δὲ τοῦ σώματος ἀύξανόμενον καὶ τοῦ νοῦ λοιπὸν ἀρχομένου τὴν οἰκείαν φύσιν ἐπιδεικνύναι, οὐκ ἔτι λοιπὸν φορητὴ τοῖς μερικαίοις ἢ γύμνωσις, ἀλλ' ἐρυνθριῶσι καὶ περιβάλλονται. . . . Οὕτω καὶ οἱ περὶ τὸν Ἀδὰμ εὐθὺς μὲν διαπλασθέντες, οἷα δὲ νήπιοι καὶ εὐθυγενεῖς καὶ τῆς ἁμαρτίας ἀμύητοι οὐκ ἠσχύνοντο δίχα περιβολαίων διάγοντες. Μετὰ δὲ τὴν πείραν τοῖς φύλλοις ἕναι τοῦ σώματος συνεκάλυψαν μόρια. „Pueri iuniores veste nudati erubescere natura non solent: paulatim autem crescente corpore, cum mens postea propriam naturam exercere coeperit, adulti iam non patienter ferunt se nudari, sed erubescunt et conteguntur. . . . Ita de Adam et de eius uxore sentiendum est, qui statim ubi formati sunt, velut infantes et recens nati, ac peccato nondum initiati, non afficiebantur verecundia sine amictu agentes. At post experientiam quasdam partes corporis foliis occultaverunt.“ Hic quoque infantia non in ignorance consistit, sed in innocentia, qua peccato amissa stimulos concupiscentiae senserunt et pudore suffusi sunt.

III. Clemens Alexandrinus Protrept. pag. 69: Ὁ πρῶτος, ὅτε ἐν παραδείσῳ ἔπαιζε λελυμένος, ἐπεὶ (legendum videtur ἔτι) παιδίον ἦν τοῦ Θεοῦ. "Οτε δὲ ὑπέπιπτεν ἡδονῇ . . . παρήγετο ἐπιθυμίαις ὁ παῖς, ἀνδριζόμενος ἀπειθείᾳ, καὶ παρακούσας τοῦ πατρὸς ἠσχύνετο Θεόν. „Primus homo, quando in paradiso solutus ludebat, erat adhuc Dei puer. Postquam autem succubuit voluptati . . . abductus est cupiditatibus puer, vir factus inobedientia, et violato patris praecepto Deum affecit contumelia.“

Eundem scriptorem suscepta cum haereticis controversia in nonnullas impulit coniecturas, quas hic referre non pigebit. Nam cum haeretici creatorem eiusque opera vituperarent, ac Adamum et Evam numquam matrimonio usuros

fuisse contenderent, nisi serpentis impulsu ad hanc coniunctionem incitati fuissent, negat Clemens in eo peccasse primos parentes, quod matrimonio usi fuerint, „sed quod ante tempus usi fuerint, utpote adhuc iuvenes.“ *Ἐκινήθησαν δὲ θᾶτον ἢ προσῆκον ἦν ἔτι νέοι πεφνυότες ἀπάτῃ παραχθέντες.* Strom. 3. pag. 470. Idem paulo ante coniiciendo dixerat, nempe pag. 466, hominem non vitio creationis aberrasse, sed amore voluptatis, „fortasse quia protoplastus noster tempus praevenerat atque intempestivam matrimonii gratiam appetiverat,“ *τάχα που παραλαβόντος ἡμῶν τὸν καιρὸν τοῦ πρωτοπλάστου καὶ πρὸ ὥρας τῆς τοῦ γάμου χάριτος ὀρεχθέντος.* Non ignota fuit S. Augustino haec peccati primorum parentum explicandi ratio. „Visum est et quibusdam,“ inquit lib. 2 De Genesi ad litteram n. 57, „duos illos primos homines nuptias suas furatos fuisse, et ante mixtos esse concubitu, quam eos qui creaverat copulasset, quam rem nomine ligni fuisse significatam, unde prohibiti erant, donec opportuno tempore iungerentur.“ Hanc opinionem reiicit S. Augustinus, „ut ridiculam et a rerum gestarum proprietate discedentem.“ Lenius agit cum iis qui existimabant „festinatione praevertisse illos homines appetitum scientiae boni et mali, et immaturo tempore percipere voluisse, quod eis dilatum opportunius servabatur.“ Hanc sententiam non improbat, modo veritas historiae non negetur. „Hoc,“ inquit, „si forte lignum illud non ad proprietatem, ut verum lignum et vera poma eius, sed ad figuram velint accipere, habeat exitum aliquem rectae fidei veritatisque probabilem.“ Legendum: „nisi forte lignum,“ aut sensum frustra venabimur.

Videtur e Philonis hausta fontibus haec de matrimonii immaturo usu opinio. Is enim in libro De mundi opificio non modo serpentem interpretatur voluptatem, sed etiam „amorem inter Adamum et Evam supervenisse docet. et tamquam unius animalis duo dimidia separata in unum collecta coaptasse, indita utrique cupidine gignendi similem prolem per mutuam consuetudinem.“ „Haec cupido,“ inquit, „etiam

corporum voluptatem genuit, quae est origo iniquitatum et praevaricationum, quandoquidem talis voluptas mortali et misera vita immortalem et beatam commutavit.“ Ὁ δὲ πόθος οὗτος καὶ τὴν τῶν σωμάτων ἡδονὴν ἐγέννησεν. ἥτις ἐστὶν ἀδικημάτων καὶ παρανομημάτων ἀρχή, δι’ οὗ ὑπαλλάττονται τὸν θνητὸν καὶ κακοδαίμονα βίον ἀντ’ ἀθανάτου καὶ εὐδαίμονος.

CAPUT VI.

DE PECCATO ORIGINALI.

I. Iustinus regenerationis necessitatem deducit ex vitio primae generationis. II. Multa alia eiusdem testimonia. III. Talianus Iustinum sequitur et imitatur. IV. Theophilus non minus diserte in eandem sententiam loquitur.

I. Cum permagni esset momenti eorum errorem refellere, qui homines non libera voluntate, sed natura et necessitate bonos aut malos esse fingeabant, saepe Iustinus impio commento catholicam doctrinam opponit. Sed altera ex parte non ignoravit S. Martyr, nec tacuit quid de libero arbitrio Adami ruina debilitato, quid de omnipotentis gratiae necessitate religio doceat. Operosius vestiganda illius doctrina, ut in re variis hominum iudiciis exagitata, partim Iustinum nulla peccati originalis cognitione imbutum fuisse existimantium, partim absurda illi de Christi gratia et de ethnicorum salute commenta affingentium.

Diserte docet S. Martyr baptismo non eas solum labes deleri, quas libere peccando, sed eam etiam, quam nascendo contraximus. Sic enim loquitur Apol. 1. c. 61: Ἐπειδὴ τὴν πρώτην γένεσιν ἡμῶν ἀγνοοῦντες κατ’ ἀνάγκην γεγεννήμεθα ἐξ ἡγρᾶς σπορᾶς κατὰ μίξιν τὴν τῶν γονέων πρὸς ἀλλήλους, καὶ ἐν ἔθεσι φάνοις καὶ πονηραῖς ἀνατροφαῖς γεγόναμεν, ὅπως μὴ ἀνάγκης τέκνα μηδὲ ἀγνοίας μένωμεν, ἀλλὰ προαιρέσεως καὶ ἐπιστήμης, ἀφέσεώς τε ἁμαρτιῶν ὑπὲρ ὧν προσημαρτομεν τύχωμεν ἐν τῷ ὕδατι, ἐπονομάζεται τῷ προελομένῳ ἀναγεννηθῆναι, καὶ μετανοήσαντι ἐπὶ τοῖς ἡμαρτημένοις, τὸ τοῦ πατρὸς τῶν ὅλων

καὶ δεσπότου Θεοῦ ὄνομα. „Quandoquidem primam nostram generationem ignorantes necessitate quadam ex humido semine per mutuam parentum mixtionem geniti sumus, atque in pravis moribus et nefariis institutis educati: ut necessitatis et ignorationis filii non maneamus, sed electionis et scientiae, et remissionem peccatorum, quae prius commisimus, consequamur in aqua: super eo, qui regenerari voluerit et peccatorum egerit poenitentiam, nomen parentis universorum et domini Dei pronuntiatur.“ Nascimur ergo in peccato, si quidem ob hanc primam nativitatem egemus baptismo, qui nos regeneret. Nascimur filii necessitatis et ignorationis, nec possumus sine baptismo ex hoc miseriae statu emergere. Ideirco enim baptizamur, „ut non ignorationis et necessitatis filii maneamus.“

II. In Cohort. c. 21, postquam dixit „primos homines,“ a quibus inducta deorum multitudo, „in memoria habuisse antiquam illam fraudem, qua maiores ipsorum decipere voluit humani generis hostis daemon, cum illos sic alloqueretur: *Si mihi obsequuti fueritis, eritis sicut dii*,“ haec addit: „Igitur cum obsequuti fraudulentō daemōni homines ac Dei praeceptum violare ausi essent, e paradiso exierunt; ac deorum quidem nomen in memoria habuerunt, sed non iam amplius a Deo nullos esse deos edocti sunt. . . . Eiecti igitur paradiso, seque ob eam tantum causam eiectos rati, quod Deo non paruissent, minime vero ob illam etiam, quod deos esse, qui nulli sunt, credidissent, nomen deorum genitis ex se postea hominibus tradiderunt.“ Primi illi homines, qui in memoria habuere fraudem maioribus suis Adae et Evae factam, ac posteris suis nomen deorum tradiderunt, quomodo dei possunt daemōni paruisse, praeceptum Dei violasse et e paradiso eiecti fuisse, nisi quia in Adamo peccaverunt? Similia mox proferemus ex Tatiano.

In eandem sententiam loquitur in Dialogo cum Tryphone c. 88: „Neque etiam ideirco,“ inquit, „nasci et crucifigi sustinuit Christus, quod his rebus indigeret, sed pro genere

humano, quod ab Adamo in mortem et serpentis fraudem inciderat, unoquoque sua culpa improbe agente.“ Hic duplex peccati genus distinguitur: alterum omnibus commune; humanum enim genus serpentis fraudi succubuit, et morte damnatum fuit ob hoc delictum. At alia sunt peccata, quae sua quisque culpa libere committit. Illud ἀπὸ τοῦ Ἀδάμ posset verti „per Adamum.“ Sed „ab Adamo“ retinere malim, quia magis conducit proposito Iustini, qui videtur demonstrare velle omnes homines, Iudaeis non exceptis, in Adamo peccasse. Et c. 100: „Filius Dei ex virgine genitus, ut, quae via a serpente inobedientia initium accepit, eadem dissolutionem acciperet. Nam cum virgo esset Eva et incorrupta, sermone serpentis concepto, inobedientiam et mortem peperit. Maria autem virgo, cum fidem et gaudium percepisset, nuntianti angelo laetum nuntium respondit (Luc. 1, 38): Fiat mihi secundum verbum tuum.“ Christum sine peccato genitum fuisse dicit c. 23, ut eum ab aliis Adami filiis secernat. „Si enim nec ante Abraham circumcisione, nec ante Moysen sabbato, feriis et muneribus opus erat: neque etiam similiter opus est, postquam secundum voluntatem Patris absque peccato ex virgine ab Abraham oriunda genitus est Filius Dei Iesus Christus.“

Non dubitat S. Martyr, quin omne hominum genus maledictione obnoxium fuerit ob hanc peccati originalis labem. idque probat ducto argumento ex iis qui sub lege, et ex iis qui sine lege vixerunt. „Omne hominum genus,“ inquit Dial. c. 95, „maledictioni obnoxium reperietur. Maledictus enim secundum legem Mosis (Deuter. 29, 21) dictus est, *quisquis non permanet in eis quae scripta sunt in libro legis ut faciat ea*. Nemo certe omnia accurate observavit, neque id vos negare audebitis: sed alii aliis plus aut minus praecepta observarunt: quodsi eos, qui sub hac lege sunt, sub maledictione esse patet, quod non omnia observaverint, annon multo magis patebit gentes omnes, quae simulacra colunt,

pueris stupra inferunt et alia nefarie faciunt, sub maledictione esse?“

III. Iustini vestigia premit Tatianus, et generatim cum omnibus hominibus communicat peccatum Adami. „Ac initio quidem,“ inquit c. 13, „spiritus animae convictor erat, sed eam sequi nolentem deseruit.“ Et c. 11: „Non nati sumus ut moreremur, sed nostra culpa morimur. Perdidit nos libera voluntas; servi facti sumus qui liberi eramus; per peccatum venditi sumus. Nihil mali factum est a Deo; nos ipsi produximus vitiositatem: eam vero qui produxerunt, denuo etiam repudiare possunt.“ Statuit Tatianus ut miserias, quae ex peccato Adami fluxerunt, ita etiam illius peccatum ad nos omnes pertinere. Quemadmodum cum eo perditum et in servitutem redactum et venditum ac mortuum sumus, ita etiam cum illo vitiositatem produximus.

Non mirum ergo si Tatianus, magistri Iustini vestigiis, primos deorum multitudinis monstratores paradiso eiectos fuisse ob hoc scelus et mortales factos fuisse dicit. „Verbi autem potentia,“ inquit c. 7, „cum in se praevideret quid esset, non illud quidem fato, sed libera eligentium voluntate eventurum, futurarum rerum eventus praedicebat, ac nequitiam interdictis prohibebat, eos autem laudabat qui boni permanerent. Postquam autem homines unum aliquem praeter caeteros, propterea quod primogenitus erat, callidiorem assectati sunt, ac eum, etsi legi Dei obluctabatur, pro Deo habuerunt, tum verbi potentia et inceptorem profligatae temeritatis et eius sectatores a sua consuetudine exclusit. Atque is quidem, qui ad imaginem Dei factus erat, discedente ab eo potentiore spiritu, fit mortalis; ille autem primogenitus propter transgressionem et ignorance[m] daemon esse incepit.“ Mira hic et digna quae observetur rerum confusio. Peccatum Adami cum peccato posteriorum, ac rursus istorum peccatum cum Adami peccato confunditur, quasi unum prorsus esset delictum. Unde illud, nisi quia in Adamo posteri peccarunt, et ab Adamo profluxit illa cordis pravitas, cui homines libere obsequendo cultum deorum induxerunt?

IV. Multa etiam occurrunt apud Theophilum Antiochenum testimonia, in quibus peccatum Adami ut unum et commune omnibus peccatum describitur. „Ferae autem dicuntur,“ inquit lib. 2. c. 17, ἀπὸ τοῦ θηρεύεσθαι, id est „ex eo quod efferatae fuerint: nihil enim mali a Deo factum, sed bona omnia et valde bona; sed peccatum hominis eas in vitium abduxit. Homine enim de via descedente, ipsae quoque simul deflexerunt. Quemadmodum enim dominus domus cum praeclare se gerit, necessitatem servis affert recte vivendi, si vero peccaverit, eadem servi peccabunt: eodem modo contigit ut homo, qui dominus erat, peccaret et servi una peccarent. Cum autem redierit homo ad id quod secundum naturam est et finem peccandi fecerit, belluae quoque in pristinam mansuetudinem restituentur.“ Ut reditus ad iustitiam non soli Adamo, ita nec lapsus tribuitur, sed omnium communis est. In eadem sententiam ait c. 26: „Quemadmodum vas si, postquam confectum fuerit, vitii aliquid habeat, refunditur et refingitur, ut novum et integrum fiat, idem homini mors affert: quodam enim modo confringitur, ut sanus in resurrectione inveniatur, id est mundus, iustus et immortalis.“

Persuasum erat Theophilo nos cum Adamo morte damnatos non esse, nisi quia in Adamo peccavimus; neque enim Deum innocuis hanc poenam impositurum fuisse, ne ipse mortis auctor esse videretur. „Si immortalem ab initio fecisset, deum eum fecisset,“ inquit c. 27; „rursus si mortalem, videretur Deus causa illius mortis esse.“

CAPUT VII.

DE CHRISTI GRATIA.

I. Caritas, quae legem adimplet, per fidem impetratur. II. Haec fides caritate animata gratiae donum est. III. Quam potens quamque efficax haec gratia. IV. Unica semper exstitit salutis via, fides caritate animata, quam gratia largitur. V. Quam immerito Iustinus salutem aeternam Socratis et Heracliti agnovisse dicatur. VI. Testimonia de Christi gratia ex Epistola ad Diognetum et Tatiani Oratione.

I. Ut lapsus homo sanetur, unicum remedium agnoscit

Iustinus, fidem quae per caritatem operatur, eamque gratuitate et omnipotentis gratiae donum esse declarat.

Iudaei, in quibus flectendis et permovendis mirabiles exstiterē caritatis Iustini conatus, hanc praecipue moram eruditae illius disputationi attulerunt, quod legem sibi et filiorum Abrahae dignitatem satis magna esse ad salutem praesidia ducerent. Iustinum hortatur Trypho initio colloquii, ut primo circumcidatur, deinde observet, ut lege sancitum est, sabbata et dies festos et neomenias Dei, ac prorsus omnia faciat quae in lege scripta sunt. Sic enim fortasse misericordiam illi a Deo futuram. Miratur Trypho, cur Christiani, cum tanto virtutis colendae studio ferantur, legem Mosis non observent, c. 10. Auctor est eis, ut Christum Deum ex virgine genitum credere desinant, eumque potius hominem ex hominibus genitum dicant, ac legis accurata observatione consequutum ut Christus esset, c. 67. In hoc errore indormiebant Iudaei, a magistris suis decepti et laetati, a quibus hanc etiam stultissimam opinionem acceperant, „omnibus ex semine Abrahae secundum carnem editis, etiamsi peccatores et increduli et in Deum contumaces fuerint, regnum aeternum datum iri,“ c. 140.

Cum tanta esset Iudaeorum in lege fiducia, non segniter Iustinus in hoc minuendo errore elaborat, ac eadem saepe repetere non pigratur. Demonstrat iustitiam non in praeputii, sed in cordis circumcisione, non in externa ieiuniorum et sabbatorum observatione positam esse, sed in interioribus animi affectionibus, quas cum externis operibus coniungi prophetae praecipiunt. Hunc in usum testimonia ex Esaia et Mose depromit c. 14 et 15. Uno verbo nullam agnoscit iustitiam, quae non ex caritate proficiscatur. „Bifariam igitur,“ inquit c. 93, „distributa omni iustitia, in Deum et homines, quicumque, ait Scriptura, diligit Dominum Deum ex toto corde et ex totis viribus et proximum ut seipsum, is vere iustus fuerit.“ Nullam prorsus ignorance[m] admittit ne in perditissimis quidem, qua peccati expers sit quidquid

fit contra hoc duplex praeceptum. Sic enim ibidem loquitur: „Nam quae semper et ubique iusta sunt ac totam iustitiam in omni hominum genere exhibet Deus: nec ullum est genus, quod ignoret adulterium esse malum et fornicationem et homicidium et quaecumque alia similia. Quae quidem etiam si omnes faciant, non tamen assequuntur, ut, cum ea faciunt, inique a se fieri ignorent, iis exceptis, quicumque impuro spiritu pleni vel prava institutione et malis moribus ac nefariis legibus corrupti, naturales notiones amiserunt vel potius inhibitas tenent.“

Sed caritatem, quae sola legem adimplet, fide comparari docet. „Qui ex gentibus,“ inquit c. 52, „per Christi fidem Dei cultores et iusti facti sumus, rursus eum venturum expectamus.“ Hanc fidem caritate animatam eorum propriam esse statuit, c. 13 et 14, „qui non iam hircorum et ovium sanguine expiantur, aut vitulae cinere similiaeve oblationibus, sed fide per sanguinem Christi et mortem eius, qui ea ipsa de causa mortuus est.“ Probat id S. Martyr ex capite 53 Esaiae, ubi Christus peccata nostra portare, et vulneratus propter delicta nostra dicitur, nosque eius livore sanari. Ex quo concludit quanta sit baptismi Christianorum sanctitas. „Itaque per lavaerum poenitentiae,“ inquit, „et cognitionis Dei, quod pro peccatis populorum Dei institutum est, ut clamat Esaias, nos credidimus: et testamur ipsum illud ab eo praenuntiatum baptismum, quod solum poenitentes expiare potest, hanc esse aquam vitae.“

II. Duplici nomine conversionem cordis Christo attribuit, tum quia gratuita gratia voluntatem praeeccupat, tum quia potenter in nobis operatur velle et perficere. Gratuitam Christi gratiam pluribus locis praedicat. „Quid dicam,“ inquit Apol. I. c. 15, „innumerabilem eorum multitudinem, qui ex intemperantia conversi sunt, atque haec didicerunt? Non enim iustos aut pudicos ad poenitentiam vocavit Christus, sed impios et impudicos et iniustos. Sic enim ait: *Non veni vocare iustos, sed peccatores ad poenitentiam.*“

Christianos eodem modo ac Abraham vocatos esse pronuntiat Dialog. c. 119, ubi sic loquitur: „Quid igitur amplius hic Abrahae gratificatur Christus? Quod simili vocatione cum vocavit, cum e terra, quam incolebat, exire iussit, ac per illam vocem nos omnes vocavit, et exivimus ex illo instituto, in quo prave communi aliorum terrae incolarum more vivebamus; et cum Abraham sanctae terrae haeredes erimus, haereditatem in infinitum aevum accipientes, quippe cum filii Abrahae per similem fidem simus. Quemadmodum enim ille voci Dei credidit et reputatum est ei ad iustitiam, ita et nos, postquam voci Dei tum per apostolos Christi denuo praedicatae tum per prophetas promulgatae credidimus, ad mortem usque omnibus rebus quae in mundo sunt renuntiavimus.“ Saepe alias describit deterrimam illam gentilium vitam ac omnibus vitiis cumulatam, qualem Christiani duxerant, antequam a Christo vocarentur. Hinc cum sibi conscius esset non meruisse se ut ad fidem perveniret, pro Iudaeis precari non dubitabat, quos non modo non mereri, ut a Christo vocarentur, sed etiam omnes furoris sui conatus in Christianorum perniciem convertere videbat. „Nos autem,“ inquit Iudaeis c. 108, „nec vos odimus, nec eos qui talem de nobis opinionem a vobis acceperunt; sed precamur ut, vel nunc saltem poenitentiam agentes, misericordiam consequamini a perhumano et mirum in modum misericorde universorum parente Deo.“ Dei iudicium admiratur Iustinus in hoc Iudaeorum et Christianorum discrimine. „Nec frustra nos in eum credidimus,“ inquit c. 118, „nec ab iis, qui ita docuerunt, decepti sumus; sed et admirabili Dei providentia id contigit, ut vobis, qui Dei amantes et prudentes existimamini nec estis tamen, prudentiores nos et religiosiores inveniremur per vocationem novi et aeterni testamenti, id est Christi.“

Hanc doctrinam acceperat Iustinus ab optimo sene, cuius ex sermone initium habuit Christi cognoscendi. Sic ille discedens a Iustino perorat Dialog. c. 7: „Tibi vero precare ante omnia lucis portas recludi; neque enim haec quisquam

intelligere et perspicere possit, nisi cui Deus intelligere dederit et Christus eius.“ Haec autem non de singulari quadam ac sublimiori mysteriorum cognitione, sed de fide accipi debere ex eo perspicitur, quod Iustino nondum ad Christum converso non congruebat sublimis illa et extra ordinem mysteriorum cognitio, sed fides et assensus fidei elementis, quae senex ei tradere coeperat. Id confirmatur ex aliis locis. „Nobis igitur,“ inquit Dialog. c. 100, „Christus revelavit omnia, quaecumque ex Scripturis per gratiam eius intelleximus, cum agnoscentes primogenitum Dei esse et ante res omnes creatas, et patriarcharum filium, ut qui ex virgine ac eis orta caro factus, informis homo et inglorius et perpeccionibus obnoxius fieri sustinuerit.“ Et c. 119: „Putatis futurum umquam fuisse, ut haec in Scripturis intelligere possemus, nisi voluntate illius, qui haec voluit, gratiam accepissemus intelligendi?“ Hinc etiam c. 121: „Nobis datum est, ut eum audiamus et intelligamus, et salvemur per hunc Christum, et res Patris omnes cognoscamus.“ Non dubitabat Iustinus, quin, quos Deus „praedestinavit conformes fieri imaginis filii sui“ (Rom. 8, 29), iis certissima ad salutem auxilia praeparaverit. In Dialogo, quem habuit cum Iudaeis, molestiam, quam ex illorum percipiebat pertinacia, ea spe mollicbat, horum „aliquem ex eo reperiri posse semine, quod reliquum ad salutem aeternam factum est,“ c. 32. Et c. 64: „Nunc autem, quia iudicium Dei formido, de nullo ex vestro genere praeciudico, utrum is non sit ex eorum genere, qui secundum gratiam Domini Sabaoth salvari possunt. Quapropter, quamvis non probe agatis, pergam tamen, quidquid a vobis propositum aut contra fuerit dictum, ad id respondere.“ Quod gratuita misericordia aliis conceditur, id iusto iudicio aliis non concedi docet c. 55: „Non eram, inquam, allaturus, Trypho, has demonstrationes, quibus eos condemnari scio, qui haec et similia colunt, sed eas, quas contra nemo dicere poterit. Novae autem tibi videbuntur, quamvis quotidie a vobis legantur, ut vel ex hoc perspectum

habeamus, vobis ob vestram nequitiam a Deo potestatem sapientiae, quae illius verbis inest, intelligendae absconditam fuisse, nonnullis exceptis, quibus secundum summae suae misericordiae gratiam, ut ait Esaias, semen ad salutem reliquit, ne ut Sodomitarum et Gomorrhaeorum ita et genus vestrum periret.“

III. Quam potens sit quamque efficax Christi gratia, quae nos ex servitute in libertatem vindicat, ex nonnullis testimoniis modo citatis existimari potest, velut ex iis, quae Iustino a venerabili sene dicta retuli. Fidem illam in Deum incarnatum, quae nos penitus renovat, ex illius omnipotenti voluntate repetit, qui Filium suum incarnari voluit. „Putatis futurum umquam fuisse, ut haec in Scripturis intelligere possemus, ni voluntate illius qui haec voluit gratiam accepissemus intelligendi (Dialog. c. 119)?“ Christi potentiam in gentium conversione mirifice elucere docet. „Haec,“ inquit Apol. 2. c. 10, „Christus noster propria sua virtute perfecit.“ Mox Christianorum constantiam describens ait: „Haec enim virtus Patris inenarrabilis fecit, non humani sermonis instrumenta.“ Christi autem potentiam non tunc solum enituisse existimat, cum et apostolis invictam ad praedicandum evangelium constantiam afflavit, et eorum qui apostolos audiebant corda aperuit, sed etiam cum magos ad praesepe, in quo infans iacebat, attraxit. Sic enim loquitur Dialog. c. 78: „Nam et quod dicit Esaias, *Accipiet virtutem Damasci et spolia Samariae*, significabat nefarii daemonis, qui habitabat Damasci, potestatem a Christo statim atque natus esset victum iri, quod quidem factum esse demonstratur. Magi enim, qui ut spolia rapti fuerant ad malas quasque actiones, ad quas eos ille daemon impellebat, ubi Christum adoratum venerunt, defecere, ut manifestum est, ab ea, quae illos ut spolia rapuerat, potestate, quam nobis arcane Scriptura Damasci habitare indicat.“ Et c. 88: „Atque illud etiam vobis testimonio sit, quod vobis dixi ab Arabiae magis factum, qui, cum statim ac puer natus est venissent, adora-

verunt eum. Nam ut in lucem editus est, suam virtutem habuit.“ Quod ergo a daemonibus liberamur et daemones superamus, cum ex vitio ad virtutem emergimus, id Christi potentiae tribuendum est; non minus profecto, quam cum daemonia ex corporibus pelluntur. Id quoque declarat Iustinus. „Adiutorem enim illum,“ inquit eiusdem Dialog. c. 30, „et redemptorem appellamus, cuius vel nominis potentiam daemonia ipsa perhorrescunt, ac hodie per nomen Iesu Christi sub Pontio Pilato Iudaeae praeside crucifixi adiurata subiiciuntur.“

Concessa in deserto curatio his, qui serpentum morsibus fuerant vulnerati, imago et figura exstitit salutis, quam a Christo accipimus. „Atque illam etiam figuram illudque signum,“ inquit Dialog. c. 91, „quod adversus serpentium morsus Israeli institutum est, ad eorum salutem erectum esse liquet, qui iam tum praenuntiatam fuisse credunt et mortem serpenti per eum, qui crucifigendus erat, futuram, et salutem iis, qui serpentis morsibus laesi ad eum, a quo crucifixus ille Filius in mundum missus est, confugiunt.“

Crucis potentiam, quam unicornis cornibus in Scriptura designari putat, sic ibidem S. Martyr praedicat: „Illud autem: *His cornibus gentes petet inde usque ab extremo terrae*, id quod hodie in omnibus gentibus factum videmus demonstrat. Cornu enim petiti, id est compuncti, ex omnibus gentibus ab inanibus simulacris et daemonibus ad Deum conversi sunt.“ Caritas, quam Christus diffundit in corda nostra, saepe a Iustino depingitur sub imagine circumcisionis: et circumcisionem, quam Iosue cultris lapideis peregit, figuram exstitisse putat illius circumcisionis, quam a Christo accipimus. „Praeclare ergo in nobis agitur,“ inquit Dialog. c. 114, „qui cultris lapideis circumcisi sumus secunda circumcisione. Prima enim illa vestra ferro peracta est et peragitur; duro enim corde permanetis. Nostra autem circumcisio, quae secunda numero post vestram instituta est, per lapides acutos, id est per sermones apostolorum summi illius angularis

lapidis et sine manibus abscissi, circumcidit nos a simulatorum cultu et ab omni prorsus pravitate. Quorum corda ita sunt pravitate circumcisa, ut laeti mortem oppetamus propter nomen praeclarae illius petrae, quae et in eorum corda, qui per ipsum diligunt Patrem universorum, aquam vivam emittit et eos potat qui aquam vitae sitiunt.“

Mirabilem illam cordis circumcisionem, quam a Christo accipimus, novam quamdam generationem et creationem esse pronuntiat S. Martyr, Scripturarum auctoritate fretus. „Nos,“ inquit c. 135, „ex Christi utero recisi verum sumus Israeliticum genus.“ Et c. 138: „Christus, cum primogenitus esset omnis creaturae, rursus etiam factus est principium alterius generis ab ipso regenerati per aquam et fidem et lignum, quo mysterium crucis continetur.“

Non minus elucet Christi potentia in perseverantiae dono. „Stolam eius,“ inquit c. 54, „Spiritus sanctus eos vocavit, qui per eum remissionem peccatorum acceperunt, in quibus virtute quidem semper adest, manifeste autem aderit in secundo adventu.“ Victores facit Christi gratia ex tentationibus, quibus nos diabolus impugnare non desinit. „Sed ut vobis rationem reddam,“ inquit c. 116, „de revelatione Iesu Christi sancti repeto sermonem, ac dico hanc quoque revelationem in nos factam esse, qui in Christum summum sacerdotem, hunc crucifixum, credimus; qui, cum in stupris ac omni prorsus sordida actione versaremur, per gratiam a nostro Iesu, secundum voluntatem ipsius Patris, concessam, sordida omnia quibus induti eramus mala exuimus: quibus diabolus instat semper adversans, ac omnes ad se trahere volens; sed angelus Dei, id est virtus Dei nobis per Iesum Christum immissa, increpat eum, et a nobis discedit. Ac tamquam ex igne extracti sumus, cum prioribus peccatis exuti, tum ex tribulatione eruendi, et ex incendio nobis a diabolo eiusque omnibus ministris immisso; ex quibus nos etiam rursus se extracturum Iesus Dei Filius, ac

praeparatis vestibus nos induturum, si mandata eius observemus, et regnum aeternum provisurum promisit.“

Ex nova hac generatione, quam a Christo accepimus, sive ex illa caritate, quam in corda nostra diffundit, praeclara Iustinus argumenta ducit ad defensionem religionis christianae. „Si ergo novum testamentum,“ inquit Dialog. c. 11, „Deus institutum iri praedicavit, illudque in lucem gentium, videmus autem ac persuasum habemus per nomen ipsius Iesu Christi crucifixi a simulacris et ab alia nequitia homines ad Deum accedere, ac ne morte quidem proposita a confessione et pietate discedere: cum ex operibus, tum ex consequentibus miraculis licet intelligere hunc esse novam legem et novum testamentum et expectationem eorum qui ex omnibus gentibus a Deo bona expectant.“ Saepe alias Christum esse novam illam legem in vetere promissam contendit, quia scilicet Christus ipse per spiritum suum in nobis habitat, atque hanc legem in cordibus nostris scribit. Atque in hoc maximum Christiani et Iudaei discrimen constituit. Fatetur „quae natura praeclara et pia et iusta sunt, ea in lege Mosis his qui legi parent facienda praescribi“ (c. 45). Legem autem illam, quae post mortem Mosis prodiit, utpote in psalmo 19 memorata, Christianorum propriam esse et in eorum cordibus scriptam sic probat c. 30: „Haec autem iudicia Domini nobis, quibus sapientiam praestiterunt, dulciora super mel et favum videri, ex eo perspicitur, quod ne morte quidem proposita adducamur, ut nomen eius abnegemus.“ Iudaeos autem sic compellat c. 93: „Vos autem neque in Deum, neque in prophetas, neque in vosmetipsos amorem umquam aut caritatem declarastis, sed semper, ut manifestum est, et simulacrorum cultores et iustorum interfectores vos praebuistis.“ Hinc tam saepe observat circumcisionem, sabbata, ferias et sacrificia Iudaeis ob peccata, veluti iugum, imposita fuisse, atque ut eorum reprimeretur improbitas, cc. 18. 19. 23. 91 et seqq. Christianorum autem baptismo Spiritum sanctum conferri; novum testamentum, non ut prius, sed sine metu

et tremore et fulguribus institutum fuisse c. 67; „ac duo intelligenda esse Iudae semina et duo genera, quemadmodum duas domus Iacob, alterum ex sanguine et carne, alterum ex spiritu,“ c. 135. Tanti momenti esse ducit legem a gratia distinguere, ut in hac distinctione cognitionem omnium mysteriorum reponere non dubitet, c. 44. Religionis christianae proprium esse docet hanc distinctionem demonstrare, c. 67.

IV. Fidem illam caritate animatam, quae gratuita et potentis gratiae donum est, semper ad salutem fuisse necessariam, id est sub lege Mosis et ante ipsam legem, pluribus locis luculenter docet Iustinus. „Nam et ipse Abraham,“ inquit c. 23, „cum in praeputio esset, per fidem, qua credidit Deo, iustificatus et benedictus est.“ Vid. c. 92. Nullos prorsus electos agnoscit qui non hanc Abrahae fidem imitati fuerint. Sic enim refellit stultam illam opinionem, qua inflati Iudaei salvos se ob deductam ab Abrahamo originem futuros putabant. „Nemo,“ inquit c. 44, „ne ex illo quidem semine quidquam accipere potest, praeter eos, qui animo assimilati fuerint fidei Abrahae et mysteria omnia cognoverint, id est alia quaedam praecepta ad Dei cultum et iustitiae observationem, alia autem praecepta et opera vel ad Christi mysterium vel ob duritiam cordis populi vestri similiter esse descripta.“ Hanc distinctionem praeceptorum requirit ad salutem, quia, si quis iustitiam in sola circumcissione et sabbato et feriis positam existimet, in summa legis aeternae oblivione versabitur, nec proinde salvus esse poterit. Iustinum autem de illis etiam temporibus loqui, quae ante incarnationem Domini fluxerunt, manifestum est ex his quae statim addit: „Atque ita sese rem habere Deus apud Ezechielem (14, 20) pronuntiat in haec verba: Si Noe et Iob et Daniel depoposcerint vel filios vel filias, non dabitur eis.“ Ipse Iustinus paulo post (c. 45) declarat se de iis, qui sub lege fuerunt, haec dixisse. Quaerenti enim Tryphoni num ii, qui legem Mosis servarunt, salvi sint futuri

cum iustis, qui ante Mosem vixerunt, sic respondet Iustinus: „Cum ea protuli, Trypho, quae ab Ezechiele dicta sunt, *Etiam si Noe, Daniel et Iob filios et filias suas deprecentur, minime eis concessum iri, sed pro se quemque sua ipsius videlicet iustitia saluum fore*, eos quoque, qui secundum legem Mosis vixerunt, salvos similiter futuros dixi.“

Ad ea, quae hoc loco disputat Iustinus, infra revocat Tryphonem, qui c. 64, quasi non meminisset aut parum curaret, quae hactenus disputata fuerant, per se licere aiebat Christianis ut Iesum Christum colant, at Iudaeis Deum ipsum colentibus nihil opus esse ut Christum confiteantur aut adorent. Tum Iustinus leniter castigata hac Tryphonis pertinacia ait: „Si igitur animum ad ea quae ex Scripturis attuli advertissetis, eos etiam qui ex vestro genere salvantur per hunc salvari atque in eius parte esse intellexissetis profecto, nec me videlicet ea de re essetis percontati.“ Ea ergo revocat in memoriam quae c. 44 de iustis ante incarnationem mortuis dixerat.

Causam suam profecto prodidisset Iustinus, et arma adversariis ministrasset, si quem sine fide in Christum aeternam salutem assequutum esse concessisset: sed unam semper ac eandem salutis viam exstitisse contendit. „Ac nos quidem,“ inquit c. 43, „qui per Christum ad Deum accessimus, non istam carnis circumcisionem accepimus, sed spiritualem, quam Henoch eiusque similes custodierunt.“ Et c. 113: „Lapideos igitur cultros verba eius (Christi) intelligemus, per quae tot a praepotio homines, qui in errore versabantur, cordis circumcisione circumcisi sunt, qua quidem ut ii etiam circumciderentur, qui circumcisionem ab Abrahamo initium ducentem habebant, iam tum Deus per Iesum hortatur, quippe cum eos, qui in sanctam illam terram ingrediebantur, a Iesu circumcisionem cultris lapideis dicat accepisse.“

Adeo constabat Iustino fidem omnibus semper necessariam ad salutem fuisse, ut statuere non dubitet Deum calum-

niis expositum fore, si lex, quae certis locis et temporibus definita fuit, iustificasse dicatur. „Quodsi haec,“ inquit c. 23, „fateri nolimus, eveniet nobis ut in absurdas cogitationes incidamus; quasi non idem Deus fuerit temporibus Henoch et aliorum, qui nec circumcisionem carnis habuere nec sabbata et alia eiusmodi observarunt, quippe cum a Mose instituta fuerint, vel non eadem iusta ab omni semper hominum genere observari voluerit.“ Hinc etiam c. 92 iudaica instituta contemptu digna plurimis visum iri demonstrat, nisi idem ac Christiani respondeant Iudaei, si quis ex eis quaerat, „cur, cum Enoch et Noe cum filiis, et si qui alii eiusmodi, sine circumcisione et sabbatis Deo placuerint, tot elapsis aetatibus Deus per alios duces et alia instituta iustificari voluerit eos quidem, qui ab Abraham ad Mosem fuerunt, per circumcisionem, eos autem, qui post Mosem, tum per circumcisionem, tum per alia praecepta, id est sabbatum, victimas, libationes, dona.“ Num ergo Iudaeos, qui iustificationem in legis observatione ponebant, eiusmodi argumento confutasset Iustinus, nisi ipse fidem, cui iustificationem attribuit, ad omnes aetates et condiciones pertinere credidisset?

Ad omnes ergo aetates et condiciones referendum quod ait S. Martyr c. 28: „Quinetiam si quis Seytha sit aut Persa, habeat autem Dei cognitionem et Christi eius et sempiterna iusta observet, circumcisis est praeclara et utili circumcisione, et amicus est Deo, eiusque donis et oblationibus Deus delectatur.“

V. Postquam Iustinus tam accuratum tamque vehementem redemptionis mysterii defensorem se praebuit, quis credidisset illum ob concessam Socrati et Heraclito et aliis eiusmodi aeternam salutem aut laudari aut vituperari potuisse? Hanc tamen ei opinionem affingunt non solum laudati in Epist. select. 24 Simonii to. 3, auctor Nodi praedestinationis soluti et Iacobus Payva in Explicationibus orthodoxis, sed etiam, quod magis mireris, doctissimus Senonensis abbas

Dissert. in epist. Pauli p. 67. „Iustinus Martyr,“ inquit, „statuit veteres philosophos, qui consentaneae rationi vixerunt, iam tum, etsi Iesum Christum non cognoscebant, fuisse Christianos, quia illius praecepta et doctrinam sequebantur; tales fuisse apud Graecos Socratem et Heraclitum et nonnullos alios.“

Locus ad Iustini criminationem iactatus exstat Apol. 1. c. 46: *Τὸν Χριστὸν πρωτότοκον τοῦ Θεοῦ εἶναι ἐδιδάχθημεν, καὶ προεμηνύσαμεν λόγον ὅντα, οὗ πᾶν γένος ἀνθρώπων μετέσχε· καὶ οἱ μετὰ λόγον βιώσαντες Χριστιανοὶ εἰσιν, καὶ ἄθεοι ἐνομήσθησαν· οἳ ἐν Ἑλλήσι μὲν Σωκράτης καὶ Ἡράκλειτος καὶ οἱ ὅμοιοι αὐτοῖς, ἐν βαρβάροις δὲ Ἀβραὰμ καὶ Ἀνανίας καὶ Ἀζαρίας καὶ Μισαήλ καὶ Ἠλίας καὶ ἄλλοι πολλοί, ὧν τὰς πράξεις ἢ τὰ ὀνόματα καταλέγειν μακρὸν εἶναι ἐπιστάμενοι τανῦν παραιτούμεθα* etc. „Christum primogenitum Dei esse ac rationem illam, cuius omne hominum genus particeps est, didicimus et supra declaravimus. Et qui cum ratione vixerunt, Christiani sunt, etiamsi athei existimati sint, quales apud Graecos fuere Socrates et Heraclitus et eorum similes, apud barbaros autem Abraham, Ananias, Azarias, Misael et Elias, quorum actionibus aut nominibus recensendis, quia longum id esse scimus, nunc supersedemus. Similiter qui olim absque ratione vivere, improbi et Christo inimici fuere, et eorum qui cum ratione vivebant homicidae. Qui vero cum ratione vixerunt et vivunt, Christiani sunt et impavidi atque intrepidi.“

Illud 1^o observandum nobis est, non id hoc loco expendi a S. Martyre, quomodo salutem assequuti sint qui ante Christum in gentibus vivere, sed quomodo iuste damnati. Sic enim ipse sibi hanc quaestionem proponit: „Ne qui autem a ratione aberrantes, ad ea quae docuimus detorquenda, Christum dicant ante annos centum et quinquaginta natum a nobis dici sub Cyrenio, ac post illud tempus ea docuisse quae illum docuisse diximus sub Pontio Pilato, indeque consequi obiciant, ut insontes sint homines omnes qui

ante illud tempus fuere: dubitationis solutionem occupabimus.“ Quidquid igitur virtutis Socrati et Heraclito et eorum similibus attribuere videtur, id eo spectat, ut nulla iuris naturalis violatio excusationis veniam habeat, quippe cum Christus ante incarnationem, quatenus Verbum est, omnibus hominibus lucem suam praetenderit. Idem docet Dialog. c. 93, nempe nihil prorsus praetexi posse ab his qui legem Dei violant, etiamsi perditissimi et corruptissimi sint.

2°. Si Iustinus salutem aeternam philosophis, qui ante Christum fuerant, concessisse dicitur, eadem illi erga eos qui post Christum fuere, ac ipsi Iustino aequales erant, lenitas et indulgentia erit attribuenda. Nam de utrisque dicit: „Qui cum ratione vixerunt et vivunt, Christiani sunt et impavidi ac intrepidi.“

3°. Christianos esse dicit eos, qui vitam rationi consentaneam duxerunt, ut Socratem et Heraclitum, non quod isti per fidem in Christi sanguinem liberati a peccatis fuerint, sed quia, quidquid scientiae et virtutis in eis eluxit, id christianum est, utpote cum Christianis faciens et a Verbo omnem hominem illuminante donatum. „Quaecumque,“ inquit Apol. 2. c. 10, „praeclare umquam dixere aut excogitavere philosophi aut legumlatores, haec invento et considerato aliqua ex parte Verbo elaborarunt.“ Et c. 13: „Quaecumque apud alios omnes praeclare dicta, ea nostra sunt Christianorum.“ Sic Tertullianus [Apol. c. 17] omnes homines naturaliter Christianos esse dicit, quia natura duce nonnulla dicere solent, quae christiana sunt. „Deus magnus et Deus bonus, et quod Deus dederit, omnium vox est. Iudicem quoque contestatur illum, Deus videt, et Deo commendo, et Deus mihi reddet. O testimonium animae naturaliter christianae!“ Quid mirum ergo, si Christianos vocat Iustinus eos qui unum Deum esse docuerunt? „Horum omnium,“ inquit Apol. 2. c. 10, „longe firmissimus hac in re Socrates in eadem ac nos crimina vocatus est. Nova enim daemonia

dixerunt ab eo induci, et quos civitas existimat Deos ab eo non existimari.“ At minime dissimulavit Iustinus, quid eiusmodi hominibus in Verbum incarnatum non credentibus defuerit, tum in iis quae ad cognitionem veritatis spectant, tum in iis quae ad vitam et mores. Postquam enim Verbi omne humanum genus particeps esse docuit, protinus revocat in memoriam, quae antea de incarnationis causa dixerat, nimirum ut indicet quid intersit inter eos, qui a Verbo aliquam veritatis particulam acceperunt, et eos, qui in idem Verbum incarnatum crediderunt. Hinc in Apol. 2. c. 8 et 10 declarat Christianos „non ad partem aliquam disseminatae rationis vitam instituere, sed ad totius, id est Christi, cognitionem et contemplationem.“ Particulam veritatis cognitam fuisse philosophis fatetur, sed obscure, ita ut secum ipsi pugnantia docuerint, c. 13, at eos tantum docet sanari posse qui in Christum credunt. „Natum enim,“ inquit, „ex ingenito et non enarrabili Deo Verbum secundum Deum adoramus, quandoquidem propter nos homo factum est. ut perpessionum nostrarum particeps factum medelam illis faceret.“

4°. Inest Iustini verbis acuta ratiocinatio, quam observare debuissent qui de illo detraxerunt: statuit malorum daemonum molitione persecutiones in Christianos excitari: quod quidem ne videatur incredibile, ea sumit argumenti loco quae viris virtutis laude insignibus evenerunt. Vera necne exstiterit illorum virtus, non examinat; satis ei est demonstrare „odio habitos fuisse qui quovis modo secundum rationem vivere et vitium fugere studuerint,“ Apol. 2. c. 8. Nemo sane dixerit veras virtutes a Iustino in athleticis laudatas fuisse: quia tamen honorifica de illis erant hominum iudicia, id ad usus suos adiungit, ut Christianis, quorum tanta erat in morte oppetenda animi fortitudo, eadem laus non denegaretur. „Qui autem vera bona,“ inquit Apol. 2. c. 11, „ac minime fucata internoscunt, ii virtutis beneficio incorrupti. Quod quidem et de Christianis ac de athleticis, iisque qui res eiusmodi gessere quales poetae de celebratis

hominum opinione diis scripsere, non insulsissimus quisque existimare debet, hoc ductus argumento, quod mortem, quae videtur fugienda, contemnamus.“ Ut de athleticis ita et de philosophis loquitur Iustinus: ex opinata utrorumque virtute id excerpit commodi ad defensionem religionis, ut, qui de istis honorifice iudicant, eos de Christianis non sine summa iniquitate detrahare demonstret.

VI. Praestantissimae ad Diognetum epistolae auctor observat tam diu homines in summo miseriae statu relictos fuisse, ut tandem aliquando a Filio Dei redempti immeritos se gratiam accepisse faterentur. „Quamdiu igitur,“ inquit c. 8, „prudens suum consilium in mysterio retinebat, neglectui nos habere nullamque nostri curam gerere videbatur. . . . Omnia igitur apud se sciebat una cum Filio oeconomicâ suâ scientiâ. Caeterum usque ad superius tempus sivit nos pro libito incertis motibus agitari, dum a voluptatibus et cupiditatibus transversi raperemur: non quidem quod ullo modo peccatis nostris gauderet, sed ea tolerans: neque illud quo iniustitia exercebatur tempus approbans, sed mentem iustitiae creans: ut cum eo tempore convicti essemus e propriis operibus vita esse indigni, tunc Dei benignitas nos ea dignaretur.“

Deum hominem factum fuisse probat ex illius adventus dignissimo monumento, cordium conversione et stabili ac firma iustitia, quam ab eo Christiani accipiunt. Observat non ministrum aliquem aut angelum a Deo missum fuisse, sed ipsum opificem et creatorem omnium. „Non vides,“ inquit c. 7, „quo plures suppliciis afficiuntur, tanto maiorem aliorum esse numerum? Haec non videntur ab hominibus fieri: haec adventus eius sunt indicia. Quis enim ex hominibus omnibus norat, quid esset Deus, priusquam ipse venisset?“ Dei voluntati acceptum refert quidquid nobis inest caritatis. „Postquam autem,“ inquit c. 10, „illum cognoveris, quanta te impletum iri laetitia existimas? Aut quantum diliges eum qui prior te ita dilexerit? Cum autem

diligere coeperis, imitator benignitatis eius eris. Ac ne mireris posse hominem esse imitorem Dei. Potest eo volente."

Tatianus, qui nondum acceptam a S. Iustino doctrinam proiecerat, cum scripsit adversus gentiles, de auxilio Spiritus sancti, quem a Deo incarnato accipimus, nonnulla disserit, quae praetermittenda hoc loco non videntur. „Per se anima," inquit c. 13, „nihil aliud est quam tenebrae, nec quidquam in ea luminosum. Atque id ipsum est quod dicitur (Ioann. 1, 5): *Tenebrae lucem non comprehenderunt*. Neque enim anima Spiritum servavit, sed ab eo servata est et lux tenebras apprehendit. Est autem Verbum divina lux: tenebrae vero imperita anima. Quapropter si degat solitaria, deorsum ad materiam vergit, una cum carne moriens. Cum divino autem Spiritu copulata, non caret auxilio; sed eo ascendit quo deducitur a Spiritu. Huius enim sedes in supernis: illius generatio in inferioribus locis. Ac initio quidem Spiritus animae victor erat, sed eam sequi nolentem deseruit." Et c. 15: „Ac talis quidem naturae species, si se instar templi habeat, libenter illud incolit Deus per legatum Spiritum. Si vero tale non fuerit tabernaculum, praestat homo belluis sola voce articulata; caetera vero eiusdem est ac illae vivendi rationis, ut qui non sit similitudo Dei." Et c. 20: „Alae enim erant animae Spiritus sanctus, quem cum peccando proiecisset, volavit instar pulli et humi decidit: coelesti autem convictu delapsa inferiorum commercium appetivit. . . . Potest autem quisquis nudus est hoc ornamentum consequi et ad veterem cognationem redire."

CAPUT VIII.

EXPENDITUR S. IUSTINI AGENDI RATIO CUM CHRISTIANIS ADHUC LEGEM OBSERVANTIBUS.

- I. Communicat cum his hominibus Iustinus, sed cautiones adhibet.
- II. Hanc lenitatem ipsum etiam tempus postulabat.
- III. Non solus ita sensit Iustinus.

- I. Qui Iustinum cum Ebionitis Christi divinitatem ne-

gantibus pacem et communionem fovisse et fovendam existimasse volunt, his satis responsum est in observationibus ad c. 48 Dialogi, vel potius satis eos refellit ipsius loci, quo abutebantur, accuratior quam in superioribus editionibus interpretatio. Quod autem spectat ad eos, qui e circumcissione ad Christum conversi nonnulla iudaica instituta cum accurata in Christum Dominum fide iungebant, hos constat a S. Martyre reiectos non fuisse. Non tamen vituperabitur concessa infirmis hominibus venia, si consideremus cum Tillemontio, quibus eam Iustinus conditionibus restringat, quaeque in ecclesia de eiusmodi hominibus iudicia aut paulo ante Iustinum facta fuissent aut tunc etiam fierent.

Iustinum sic interrogat Trypho c. 46: „Si qui autem,“ inquit, „etiamnum ita vivere velint, ut Mosis instituta servant, et credant in hunc Iesum Christum crucifixum, agnoscetes cum esse Christum Dei, eique datum esse omnes omnino iudicare, ac regnum eius esse sempiternum: an ii quoque salvi esse possunt?“ Visa est quaestio S. Martyri non facilis ad solvendum; examinandum esse putat, utrum haec legis observatio ab imbecillitate quadam animi proficiat, an a stulta opinione quasi lex necessaria sit ad salutem. Quare breviter repetit quod pluribus antea disseruerat, legis mosaicae praecepta ob duritiam cordis Iudaeorum instituta esse, ut variis hisce rebus admoniti Deum semper ante oculos haberent, sed ne sic quidem illos a simulacrorum cultu revocatos fuisse: contra Christianos, ne iis sacrificent quibus olim sacrificaverant, extrema supplicia perferre, et persuasum habere „quae ob duritiam cordis Iudaeorum instituta sunt, ea nihil ad iustitiae et pietatis observationem conferre.“

Tum Trypho (c. 47): „Si quis haec ita se habere sciens, praeterquam quod hunc Christum esse agnoscat, eique videlicet credat et obediat, haec quoque instituta servare voluerit, utrum is salvabitur?“

Sic respondet Iustinus: „Ut mihi quidem videtur, o

Trypho, eiusmodi hominem salvum dico futurum; si modo caeteris hominibus, id est iis qui ex gentibus per Christum ab errore circumcisi sunt, omnino persuadere non conetur ut eadem ac ipse observent. Quale est quod et initio disputationis faciebas, cum pronuntiares salvum me non futurum, nisi haec observarem.“

Rursum sic interrogat Trypho: „Cur igitur dixisti: *Ut mihi quidem videtur, salvus erit*, nisi quia sunt qui tales negent salvos futuros?“ Respondet Iustinus: „Sunt, inquam, o Trypho, quique cum eis nec sermonis nec hospitii communione coniungi audeant: quibus ego non assentior; sed si ob animi infirmitatem etiam quaecumque nunc possunt ex iis, quae a Mose propter duritiam cordis populi instituta novimus, cum spe in hunc Christum et aeternorum ac naturalium iustitiae et pietatis praeceptorum observatione coniungere voluerint, modo cum Christianis et fidelibus vivere non recusent, nec iis, ut iam dixi, suadeant, ut similiter ac ipsi circumcidantur, aut sabbata et alia eiusmodi custodiant, eos suscipiendos esse, et cum iis omnium rerum communionem ut cum hominibus eodem modo affectis et fratribus tenendam esse censeo.“ Si quos tamen ex Christianis Iudaei ad legem fidei addendam adduxerint, eorum, qui fuerint decepti, salutem non omnino desperat. „Qui vero ab eis ad legis observationem cum confessione in Christum Dei coniungendam adducti fuerint, eos forsitan etiam salutem adepturos suspicor.“ Liquet a Iustino iis, quos ut fratres diligendos et omni caritatis ac communionis significatione devinciendos putat, duas tamen imponi condiciones. Prima est, ut ne legem ad salutem necessariam existiment. Dat illis veniam, si „ob animi imbecillitatem“ legem observent, secus vero, si spem suam in mosaicis institutis, non in Christi sanguine constituent. Ipse Trypho hanc conditionem acceperat; nam cum dixisset Iustinus, „quae ad duritiam cordis instituta sunt, nihil ad iustitiae et pietatis observationem conferre,“ sic eum excipit Trypho: „Quid si quis,

cum haec ita se habere sciat“ etc. Altera conditio est, ut Iudaei ad Christum conversi aequabili iure cum Christianis incircumcisis vivant, nec quemquam ad legis observationem adhortentur. Quamobrem non temere in hanc sententiam adductus est Iustinus, sed inita subductaque ratione, nec sine provisione incommodorum, quae ex ea consequi poterant.

II. Sed, quod Iustinum maxime tutatur, tum, cum haec dissereret, vixdum viginti anni, ut observat Tillemontius, effluxerant, ex quo lex mosaica in ecclesia Hierosolymitana desita erat observari. Certa et explorata res est ex Eusebii et Sulpicii Severi testimoniis. Eusebius sic loquitur Hist. lib. 4. c. 5: „Illud tantum ex veterum scriptorum monumentis didici, ad illam usque obsessionem Iudaeorum, quae imperante Hadriano contigit, quindecim episcopos continua successione illi ecclesiae praefuisse, quos omnes origine Hebraeos fuisse memorant, et fidem Christi sincere atque ex animo suscepisse. Adeo ut ab illis, qui de huiusmodi rebus iudicium ferre poterant, episcopali officio dignissimi censerentur. Quippe tunc temporis universa Hierosolymorum ecclesia conflata erat ex Hebraeis fidelibus, qui iam inde ab apostolorum aetate ad illam usque obsidionem permanserant, quo Iudaei iterum a Romanis deficientes, maximis praeliis domiti atque expugnati sunt.“ Sulpicius Severus, de hac loquens extrema obsidione, haec addit: „Quod quidem christianae fidei proficiebat: quia tum pene omnes Christum Deum sub legis observatione credebant. Nimirum id Domino ordinante dispositum, ut legis servitus a libertate fidei atque ecclesiae tolleretur. Ita tum primum Marcus ex gentibus apud Hierosolymam episcopus fuit.“

III. Non solus in lenitatem inclinabat Iustinus; paucos sibi adversari indicat. „Sunt, inquam, o Trypho, quique cum talibus, nec colloqui nec hospitii communione coniungi audeant: quibus ego non assentior.“ Lenitatem Iustini confirmat Origenes lib. 7 in epist. ad Rom., ubi sic loquitur:

„Christus, etiamsi incarnatus non fuisset, tamen natura imperium in omnes haberet. Non vult rationabiles spiritus ad obedientiam legis suae violenter inflectere, sed expectat ut sponte veniant, et voluntate non necessitate bonum quaerant, et docendo magis quam temperando, invitando potius quam extorquendo persuadeat. Tametsi quis Iudaeus, verbi gratia, aut ex his, qui Severiani Tatianique appellantur, velit Christo credere, putet tamen non parum inesse momenti in observantia continentiae, vel eorum ciborum qui lege prohibentur, vel quos quasi castitati adversantes existimant nonnulli etiam Scripturarum auctoritate declinandos: huiusmodi hominem si perurgeas ad communes hominum cibos, nec dicas eum aliter posse salvari, vel ad fidem Christi et gratiam pervenire, nisi sumtis his quos refugit cibus, tunc vere bonum spiritualis sententiae blasphematur.“ Idem Origenes initio libri 2 contra Celsum tria distinguit Iudaeorum christianam fidem profitentium genera. Alii pristinos ritus reliquerant, cum eos spiritualiter intelligi debere existimarent; alii spirituali sensu interpretabantur, nec tamen observare desinebant; alii denique litterali sensui affixi observabant. Qui cum spirituali explicatione coniungebant ipsam rituum observationem, non alii videntur esse, quam ii qui legem ad salutem necessariam non esse fatebantur ac solam spem in Christo ponendam, cuius divinitatem cum aliis omnibus ecclesiae dogmatibus credebant.

Qui Recognitionum libros et Clementinas Homilias S. Clementi supposuit, scriptor Iustino aequalis aut suppar, videtur ex hoc Nazaraeorum sive Christianorum legem observantium numero fuisse. Nam cum Christi divinitatem pluribus locis praedicet, eumque Filium Dei et Filium hominis, Filium ab initio existentem, Filium coeli et terrae constitutorem vocet Homil. 18, idem tamen mosaicae legis retinentior videtur. Hinc Petrus sexcentis locis inducitur lustrationes iudaicas aut ipse usurpans, aut aliis praecipiens, nec cum ethnicis baptismo nondum initiatis comedens. Post epistolam Petri ad

Iacobum inducitur Iacobus graviter sanciens, ut libri Praedicationis Petri, nisi fidei circumciso, nemini committantur. Hunc Pseudo-Clementem eo tempore vixisse, quo legis observatio nondum ab omnibus instar haeresis damnabatur, argumento esse possunt quae et de ecclesia et de episcopis praeclare dicta interdum occurrunt. Ecclesiam navi comparat in ep. Clem. ad Iacob. p. 538, cuius proretam episcopum, nautas presbyteros appellat. Debitam episcopis obedientiam commendat pluribus locis, ut *Recogn. lib. 3. cap. 66. Homil. 3. p. 597 et 598.*

Laudanda sane eorum animi moderatio, qui evangelium mosaicis caeremoniis permiscere desierunt, ubi eas animadverterunt sine aliorum offensione observari non posse. At non defuerunt qui se ab his institutis, in quibus nati fuerant, abstrahi non paterentur. Nondum victa fuerat eorum pertinacia saeculo quarto, ut ex Hieronymo discimus. „Usque hodie,“ inquit in *Epist. 80*, „per totas orientis synagogas inter Iudaeos haeresis est, quae dicitur Minaeorum et a Pharisaeis usque nunc damnatur, quos vulgo Nazaraeos nuncupant, qui credunt in Filium Dei natum de virgine Maria, et eum esse dicunt qui sub Pontio Pilato passus est et resurrexit, in quem et nos credimus. Sed dum volunt et Iudaei esse et Christiani, nec Iudaei sunt nec Christiani.“ Non immerito Hieronymus tantam pertinaciam ut haeresim notavit, cum praesertim eiusmodi homines ab ecclesia catholica discessissent. Sed cum Iustinus hunc *Dialogum* haberet, id est annis viginti postquam legem nemine interpellante Hierosolymis observaverant, nonne aequius fuit eos lenitate allicere, quam ut haereticos tam cito adversari?

CAPUT IX.

DE SACROSANCTO EUCHARISTIAE SACRAMENTO.

- I. Christianam de eucharistia doctrinam clare et nitide exponit Iustinus.
- II. Nulla in illius verbis figurae suspicio. III. Tam certo asseverat panem et vinum fieri carnem et sanguinem, quam Christum habuisse

carnem et sanguinem. IV. Omnipotentia Christi aequae mirabilis in utroque mysterio. V. Expenditur quid sibi velit apud Irenaeum eucharistia ex duabus rebus constans, terrena et coelesti. VI. Quo sensu dixit Tertullianus verba Christi idem valere atque „hoc est figura corporis mei.“ VII. Athenagoras adversus Allixium defenditur.

I. S. Martyr cum probe intelligeret mysteria vulgari non debere, sic cum Iudaeis in Dialogo disseruit, ut de eucharistia, cuius tunc explicandae nulla suberat necessitas, id tantum diceret, hoc sacrificium a Malachia praedictum esse, panem in eo et vinum adhiberi et Domini passionis memoriam recoli. Verum hac silentii lege adstrictum se esse non putabat, cum Christianorum causam apud imperatorem Antoninum ageret. Tunc enim vidit totam rem oculis imperatoris exponendam esse, ut, etiamsi absurda et incredibilis, saltem non impia, non detestanda et capitali supplicio digna videretur, ac si minus imperator doctrinae Christianorum assentiretur, saltem dum eos ingenue videt edisserere, quidquid maxime incredibile, maximeque absurdum videri poterat, nihil ab eis dissimulari, nullum in eorum misteriis scelus admitti intelligeret. Narrat igitur panem ac poculum aquae et vini ei, qui fratribus praest, post Scripturae lectionem, post adhortationes et preces offerri; quibus acceptis eum universorum Parenti per nomen Filii et Spiritus sancti gloriam et laudem emittere et eucharistiam prolixè facere; hoc alimentum sic consecratum a sacerdote eucharistiam vocari, nec fas esse ut quisquam illius particeps fiat nisi qui vera esse credat quae a Christianis docentur, et lavaero ad remissionem peccatorum et regenerationem ablutus sit, atque ita vitam instituat ut Christus tradidit. Cur autem tanta sit eucharistiae apud Christianos reverentia, sic rationem subiicit: *Οὐ γὰρ ὡς κοινὸν ἄρτον οὐδὲ κοινὸν πόμα ταῦτα λαμβάνομεν· ἀλλ' ὅν τρόπον διὰ Λόγου Θεοῦ σαρκοποιηθεὶς Ἰησοῦς Χριστὸς ὁ σωτὴρ ἡμῶν καὶ σὰρκα καὶ αἷμα ὑπὲρ σωτηρίας ἡμῶν ἔσχεν, οὕτως καὶ τὴν δι' εὐχῆς λόγον τοῦ παρ' αὐτοῦ εὐχαριστηθεῖσαν τροφήν, ἐξ ἧς αἷμα καὶ σάρκες κατὰ μεταβολὴν τρέφονται ἡμῶν, ἐκείνου τοῦ σαρκοποιηθέντος Ἰησοῦ καὶ σὰρκα καὶ*

αἷμα ἐδιδάχθημεν εἶναι. Οἱ γὰρ ἀπόστολοι ἐν τοῖς γενομένοις ὑπ' αὐτῶν ἀπομνημονεύμασιν, ἃ καλεῖται εὐαγγέλια, οὕτως παρέδωκαν ἐντετάλθαι αὐτοῖς· τὸν Ἰησοῦν λαβόντα ἄρτον, εὐχαριστήσαντα εἰπεῖν· Τοῦτο ποιεῖτε εἰς τὴν ἀνάμνησίν μου· τουτέστι τὸ σῶμά μου· καὶ τὸ ποτήριον ὁμοίως λαβόντα καὶ εὐχαριστήσαντα εἰπεῖν· Τοῦτό ἐστι τὸ αἷμά μου· καὶ μόνοις αὐτοῖς μεταδοῦναι.

„Neque enim ut communem panem,“ inquit Apol. c. 66, „neque ut communem potum ista sumimus. Sed quemadmodum per Dei Verbum caro factus Iesus Christus salvator noster carnem et sanguinem habuit nostrae salutis causa, ita etiam illam, in qua per precem verba ipsius continentem gratiae actae sunt, alimoniam, ex qua sanguis et caro nostra per mutationem aluntur, incarnati illius Iesu et carnem et sanguinem esse edocti sumus. Nam apostoli in commentariis suis, quae evangelia vocantur, sic sibi mandatum esse tradiderunt: Iesum accepto pane, cum gratias egisset, dixisse: Hoc facite in meam commemorationem; hoc est corpus meum; similiter accepto calice, cum gratias egisset, dixisse: Hic est sanguis meus; ac ipsis solis tradidisse.“

II. Nihil est in hoc testimonio, quod ad figuram pertrahi possit; nihil quod non adstruat diserte mirabilem illam panis et vini conversionem, quam semper docuit ecclesia. Illud 1^o ex Iustini verbis perspicitur, quam in sententiam Christiani saeculo secundo verba Christi acciperent. Nemo enim negare possit necesse omnino fuisse, si qua figura in Christi verbis latebat, ut in ea explicanda plurimum operae insumeretur. Nam si idem semper ab omnibus dicebatur, nulla eiusmodi explicatione adhibita; si sacerdotes docebant panem consecratum esse corpus Christi, quia Christus accepto pane dixit: „Hoc est corpus meum,“ vinum consecratum esse sanguinem Christi, quia Verbum illud incarnatum accepto calice dixit: „Hic est sanguis meus,“ si Christiani omnes nihil aliud ex his Christi verbis concludebant, nisi eucharistiam esse carnem et sanguinem Christi: nonne in certissimi principii loco statuere possumus, idem veteres

Christianos credidisse quod hodie credimus et tenemus? At quid Christiani saeculo secundo edocti fuerint, quid ex Christi verbis concluderint, an ambiguum esse possit, cum testis locuples Iustinus ex eo quod Christus dixerit: „Hoc est corpus meum, Hic est sanguis meus,“ omnes concludere declaret eucharistiam esse carnem et sanguinem Verbi incarnati?

III. 2^o. Declarat S. Martyr non minus constanter credere Christianos eucharistiam esse carnem et sanguinem Verbi incarnati, quam ipsum Verbum nostrae salutis causa carnem et sanguinem habuisse. „Quemadmodum Iesus Christus carnem et sanguinem habuit nostrae salutis causa, ita etiam eam alimoniam incarnati illius Iesu carnem et sanguinem esse edocti sumus.“ Manifesta comparatio utriusque mysterii, incarnationis et eucharistiae. Christi carnem tunc impugnabant omnes fere haereses, ut omittam Deum incarnatum ethnicis semper et Iudaeis displicuisse. At quo maiores incredulorum in hoc mysterio evertendo conatus, eo maior in defendendo catholicorum constantia. Num ergo antiquae fidei illustrius testimonium requiri possit, quam hoc Iustini? Si eucharistiam absentis corporis figuram esse existimasset, an Christianos credere dixisset, panem et vinum post consecrationem esse carnem et sanguinem Domini, quemadmodum Christus non formam et figuram carnis et sanguinis, ut tot haereses fingeant, sed veram carnem verumque sanguinem habuit?

IV. 3^o. Verbi omnipotentiam non minus admiratur S. Martyr in eucharistia, quam in incarnatione. His enim verbis, „per Verbum Dei caro factus Iesus Christus,“ persona Verbi non separatur ab homine ex virginis genito, nec ulla huius erroris in S. Martyre suspicio; sed idem hic docet, quod tot aliis locis, ipsum Verbum sibi in utero virginis carnem formasse. Quamobrem in eo eucharistiam cum incarnatione comparat, quod quemadmodum in incarnatione caro Verbi ab ipso Verbo corpus assumente perfecta est, ita etiam in eucharistia panis et vinum caro et sanguis fiant

„per precem verba ipsius continentem,“ id est omnipotentia eiusdem Verbi, cuius verba exhibet precatio. Credebat ergo Iustinus carnem Christi eadem omnipotentia, qua in utero Virginis formata est, in eucharistiae sacramento praesentem apponi.

4^o. Iustinus imperatores alloquebatur, quos permagni intererat de rebus Christianorum apte et dilucide erudiri, quippe cum hactenus de Christianis ex iniquo rumore diiudicassent. Quare magna cautio exstitit, ne aut latentem in Christi verbis figuram non viderent, si corpus Christi vere eucharistiae sacramento non continetur, aut, si vere continetur, ne totam rem, ut fabulam anilem, reiicerent. Primo incommodo facile occurri poterat: tantum voces explicaret Iustinus, nihil supererat absurdi, sed soluta et expedita erant omnia. Ad alterum autem requirebatur, ut hoc mysterium non sine certissimis argumentis a Christianis credi demonstraret.

Utram viam sequutus sit, in ambiguo esse non potest. Nusquam enim ad eam rei explicandae rationem descendit, quae tam facilis tamque expedita ac simul tam necessaria fuisset, ut panem et vinum vere corpus Christi non esse, sed ad hoc corpus significandum adhiberi admoneret. Nihil eiusmodi factum a S. Martyre; sed in id totus incumbit, ut hoc mysterium non sine gravissimis causis credi demonstret. Duo requirebantur in re tanti momenti: primo ut omnipotens sit, qui eam a se perfici dixerat; deinde ut nulla eius verbis insit obscuritas. Utroque argumento nititur Iustinus, dum Christianorum fidem inde repetit, quod Verbum illud, quod sibi in utero virginis carnem formavit, accepto pane dixerit: „Hoc est corpus meum,“ et accepto calice: „Hic est sanguis meus.“ Quo sensu nos eucharistia ali doceat, itidem ut alii patres; vide [Massueti] Dissert. 3 in Iren. art. 7. n. 94 et 95.

V. Si Iustino ethnicos alloquenti talem usum praebuit eucharistia, quanto magis adversus haereticos scribenti arma

ministravit, quorum ad errores profligandos maxime apposita est? Negabant illi Christum mundi creatoris filium esse: sed patrem Christi deum quemdam creatore excelsiorem sibi fingeant. At quomodo Christus aliena et a se non creata ad consecrationem eucharistiae adhibuisset? Negabant carnis resurrectionem. At quomodo caro, quae corpore et sanguine Domini pascitur, aeterno addicta esse possit interitui? Negabant veram carnem a Christo assumptam. Hanc quoque impietatem refellebat eucharistia, quae est communicatio corporis et sanguinis Christi. „Sanguis enim non est nisi a venis et carnibus et a reliqua, quae secundum hominem est, substantia, quae vere factum est Verbum Dei,” inquit Irenaeus lib. 5. c. 2. Non dubium igitur, quin S. Martyr haec argumenta ante Irenaeum et Tertullianum frequentaverit tum in libro contra Marcionem, tum in alio adversus omnes haereses scripto. Quare non mihi videbor ab illius defendendae doctrinae proposito discedere, si hoc loco explanare aggrediar duo magni momenti testimonia, alterum S. Irenaei, alterum Tertulliani, quae, etsi strenuos defensores habuere, videntur tamen uberiores lucem ad contextuum intelligentiam requirere. Praeterea hac Irenaei et Tertulliani adversus eos, qui carnem Christi negabant, disputatione in tuto collocabitur Athenagorae doctrina, quem Petrus Allixius a corporibus redivivis sanguinem removisse, ac in eucharistia sanguinem Christi non agnovisse contendit.

Sic igitur Irenaeus lib. 4. c. 18. n. 5: *Πῶς . . . τὴν σάρκα λέγουσιν εἰς φθορὰν χωρεῖν, καὶ μὴ μετέχειν τῆς ζωῆς, τὴν ἀπὸ τοῦ σώματος τοῦ κυρίου καὶ τοῦ αἵματος αὐτοῦ τρεφομένην; ἢ τὴν γνώμην ἀλλάξαίωσαν. ἢ τὸ προσφέρειν τὰ εἰρημμένα παραιτεῖσθωσαν. Ἡμῶν δὲ σύμφωνος ἡ γνώμη τῇ εὐχαριστίᾳ, καὶ ἡ εὐχαριστία . . . βεβαιοῦ τὴν γνώμην. . . Προσφέρομεν δὲ αὐτῇ τὰ ἴδια, ἑμμελῶς κοινωνίαν καὶ ἔνωσιν ἀπαγγέλλοντες, καὶ ὁμολογοῦντες σαρκὸς καὶ πνεύματος ἔγερσιν. Ὡς γὰρ ἀπὸ γῆς ἄρτος προσλαμβάνομενος τὴν ἐκκλησίαν τοῦ Θεοῦ οὐκέτι κοινὸς ἄρτος ἐστίν, ἀλλ' εὐχαριστία, ἐκ δύο πραγμάτων συνεστη-*

κνῖα, ἐπιγείου τε καὶ οὐρανίου· οὕτως καὶ τὰ σώματα ἡμῶν μεταλαμβάνοντα τῆς εὐχαριστίας μηκέτι εἶναι [leg. ἐστὶ] φθαρτά, τὴν ἐλπίδα τῆς εἰς αἰῶνας ἀναστάσεως ἔχοντα. „Quomodo autem rursus dicunt carnem in corruptionem devenire, et non percipere vitam, quae corpore Domini et sanguine alitur? Ergo aut sententiam mutent, aut abstineant offerendo quae praedicta sunt. Nostra autem consonans est sententia eucharistiae, et eucharistia rursus confirmat sententiam nostram. Offerimus enim ei quae sunt eius, congruenter communicationem et unitatem praedicantes (graece: „confitentes resurrectionem“) carnis et spiritus. Quemadmodum enim qui est a terra panis, percipiens invocationem Dei, iam non communis est panis, sed eucharistia, ex duabus rebus constans, terrena et coelesti: sic et corpora nostra, percipientia eucharistiam, iam non sunt corruptibilia, spem resurrectionis habentia.“ Sola ecclesia in celebranda eucharistia communicationem et unitatem praedicat, quia sectae non recte dividunt, ut n. 3 dicebat, „eam quae est ad proximum communionem.“ Resurrectio corporis et spiritus sive animae, quam ecclesia docet, loquendi ratio est apud antiquos usitata, ut observavi ad Theophili Antioch. lib. I.

Sed quod praecipue observandum nobis est, in his verbis, „eucharistia ex duabus rebus constans, terrena et coelesti,“ duo diversi, pro diversis temporibus, eucharistiae status considerantur. Primo res terrena est, sive „panis qui est a terra,“ uno verbo „panis communis“; deinde fit eucharistia, hoc est corpus et sanguis Domini. Duplicem illum ex successione statum praeclare in alio etiam loco describit Irenaeus. Καὶ ὅνπερ τρόπον τὸ ξύλον τῆς ἀμπέλου κλιθὲν εἰς τὴν γῆν τῷ ἰδίῳ καιρῷ ἐκαρποφόρησε, καὶ ὁ κόκκος τοῦ σίτου πεσὼν εἰς τὴν γῆν καὶ διαλυθεὶς πολλοστὸς ἡγέρθη διὰ τοῦ Πνεύματος τοῦ Θεοῦ, τοῦ συνέχοντος τὰ πάντα· ἔπειτα δὲ διὰ τῆς σοφίας [add. τοῦ Θεοῦ] εἰς χοῆσιν ἐλθόντα ἀνθρώπων καὶ προσλαμβανόμενα τὸν λόγον τοῦ Θεοῦ εὐχαριστία γίνεται, ὅπερ ἐστὶ σῶμα καὶ αἷμα τοῦ Χριστοῦ· οὕτως καὶ τὰ ἡμέτερα σώματα

ἐξ αὐτῆς τρεφόμενα καὶ τεθέντα εἰς τῆς γῆν καὶ διαλυθέντα ἐν αὐτῇ ἀναστήσεται ἐν τῷ ἰδίῳ καιρῷ, τοῦ λόγου τοῦ Θεοῦ τὴν ἔγερσιν αὐτοῖς χαριζομένου εἰς δόξαν Θεοῦ καὶ πατρὸς. „Et quemadmodum lignum vitis,“ inquit lib. 5. c. 2. n. 2, „depositum in terram suo fructificat tempore, et granum tritici decidens in terram et dissolutum multiplex surgit per Spiritum Dei, qui continet omnia; quae deinde per sapientiam [Dei] in usum hominis veniunt et percipientia verbum Dei eucharistia fiunt, quod est corpus et sanguis Christi: sic et nostra corpora ex ea nutrita et reposita in terram et resoluta in ea resurgent in suo tempore, Verbo Dei resurrectionem eis donante, in gloriam Dei Patris.“ Non potest hic successio diversorum statuum non animadverti, nisi quis caecutiat. Primo res terrena est, nempe id „quod depositum in terram suo fructificat tempore“ et venit in usum hominum estque panis communis, deinde „corpus et sanguis Christi,“ sive res coelestis.

Ipsa etiam eucharistiae cum duplici corporum nostrorum statu comparatio ante oculos ponit daorum in eucharistia statuum successionem. Comparatur mutatio cum mutatione, res terrena, quae fit res coelestis, sive panis communis, qui fit corpus Christi, cum corpore corruptibili, quod fit corpus incorruptibile. Res autem eodem tempore ac sine ulla successionem terrena et coelestis, corruptibilis et incorruptibilis quid asseret momenti ad corporum, quae nunc corruptibilia sunt, futuram incorruptibilitatem?

Illud quidem inest discriminis inter illam mutationem, quae fit in eucharistia, et eam, quae corporibus nostris promissa est, quod panis substantia mutetur in aliam longe dissimilem, nostris autem corporibus substantiam suam retinentibus qualitas tantum accessura sit. Sed ex hoc discrimine praeclarius evenit comparatio. Probat enim Irenaeus minus miraculum ex maiore, ut controversum ex non controverso. Quinetiam absurda esset illius ratiocinatio, nisi substantiam panis penitus mutari ac nullam prorsus superesse dicamus.

Quocumque enim honore panis augeatur: si panis esse non desinat, longe mirabilior erit corporum nostrorum mutatio, quae non solum acquirerent incorruptionis decus, sed etiam ex mortuis et dissolutis ac in varias mundi partes dissipatis eadem quoad substantiam fient corpora, superaddito incorruptibilitatis dono.

Praeterea duas mutationes in pane considerat Irenaeus: primam, qua ex tritico decedente in terram et dissoluto „multiplex surgit per Spiritum Dei,“ fitque panis ad hominum usus; alteram, qua percipiens Verbum Dei fit corpus Christi. Posterior mutatio longe mirabilior quam prima. Nam comparantur quidem cum utraque nostra corpora, „quae ex eucharistia nutrita, et reposita in terram et resoluta in ea, resurgent suo tempore.“ At resurrectionis effectrix est sola illa panis in corpus Christi mutatio, quae nulla prorsus erit, si panis supersit substantia.

VI. Locus Tertulliani legitur in libro 4 adv. Marcionem c. 40, ubi sic loquitur: „Professus itaque se concupiscentia concupisse edere pascha ut suum (indignum enim, ut quid alienum concupisceret Deus) acceptum panem et distributum discipulis corpus suum illum fecit. „Hoc est corpus meum“ dicendo, id est figura corporis mei. Figura autem non esset, nisi veritatis esset corpus. Cacterum vacua res, quae est phantasma, figuram capere non posset. Aut si propterea panem corpus sibi fecit, quia corporis carebat veritate, ergo panem debuit tradere pro nobis. Faciebat ad vanitatem Marcionis, ut panis pro nobis crucifigeretur.“

Huius loci aliam explicationem Perronius, aliam auctores Perpetuitatis fidei attulerunt: sed utraque Tertulliani sententiam in tuto posuit et illius testimonio abutendi facultatem adversariis praecepit. Nihil obstat quominus tertiam afferamus, quae eidem proposito communiter conducat.

„Figuram“ intelligit Tertullianus id quod substantiam aliquam exterioribus signis circumscribit; unde ait: „Vacua res, quae est phantasma, figuram capere non posset:“ solum

corpus solidum sub figura latere potest. Quare Christi verbis hunc sensum assignat: „Hoc est corpus meum,“ id est figura quae corpus meum circumscribit, et sacramentum quo mei corporis substantia continetur.

Cur hanc Christi verbis explicationem subiciat Tertullianus, facile causa repetitur ex Marcionis errore, quem refellendum susceperat. Christi corpus Marcion phantasma esse dicebat, ac carnem humanam indignam prorsus esse sentiebat, quae Dei caro fieret: error impius stare non poterat cum ecclesiae fide de eucharistiae sacramento. Si corpus animale Christo et carnem coelestem, ut Valentiniani, attribuisset Marcion, non tam absurde secum pugnasset in celebrando eucharistiae sacramento. Sed cum Christi corpus merum phantasma esse contenderet, idem de illo asseverari poterat, quod de haereticis idem sentientibus dixerat S. Ignatius in epist. ad Smyrn., eos non confiteri „eucharistiam esse carnem Salvatoris nostri Iesu Christi, quae pro peccatis nostris passa est.“

Sed tamen Marcion, quamvis sibi ipse necessitatem imposuisset idem sentiendi ac vetustiores illi haeretici, nihil tamen in his quae ad eucharistiam spectant turbare audebat: solitus ex evangelio recidere quidquid cum erroribus suis conciliare posse desperabat, reveritus fuerat verba a Christo in consecranda eucharistia pronuntiata, ut testatur Tertullianus lib. 3. c. 19. Dubius ergo et incertus Tertullianus, quonam evadat Marcion, duplici illum nodo constringere conatur, illumque eo redigere, ut vel errorem suum de Christi carne eiuret, si catholicam de eucharistia fidem retinet, vel, si illam abnegat, impietatem suam aperte prodat.

Itaque observat Tertullianus corpus Christi in eucharistia non in eo statu nobis exhiberi, in quo exhibitum fuerat, dum in terris ab hominibus videretur, sed in figura, sive in sacramento panis et vini. Inde aptissima ducitur conclusio, solidum corpus, non phantasma Christotribuendum; siquidem „phantasma figuram capere non potest,“ res vacua circum-

scribi non potest signis exterioribus panis et vini, nec quidquam absurdius foret, quam ab vacuo hominis phantasmate et vacua corporis humani effigie aliam effigiem et figuram, sub qua delitescat, assumi.

Intererat ergo Tertulliani observare et admonere, corpus Christi eucharisticum non in ea figura sive effigie et specie apponi, quam habuit in terris, sed in figura et specie panis. Atque haec illius ratiocinatio non solum Marcionem arctissime premebat, sed etiam duo nobis observanda et concludenda suppeditat: primo, verum Christi corpus in eucharistia nobis donari, siquidem in hoc sacramento figuram accipere non posset, si res vacua et phantasma esset; deinde, nihil panis superesse praeter speciem sive figuram, siquidem ex Marcionis sententia sequeretur figuram vacuum sub vacua figura delitescere: quod quidem numquam observasset Tertullianus, si panis substantiam cum ipsa figura et specie superesse sensisset.

Sed quia verisimile non erat idem de eucharistia Marcionem ac ecclesiam sentire, suspicatur Tertullianus Christi verba „Hoc est corpus meum“ sic a Marcione intelligi, quasi panem sibi Christus in corpus adoptasset; unde colligit panem pro nobis tradi et crucifigi debuisse, si Christi verba sic accipiantur, ut panis minime mutatus, sed a Christo corporis vice adoptatus dicatur: „Aut si propterea panem corpus sibi fecit, quia corporis carebat veritate, ergo panem debuit tradere pro nobis. Faciebat ad vanitatem Marcionis, ut panis pro nobis crucifigeretur.“ Suspicatur, non asseverat Tertullianus ita sensisse Marcionem: sed quid valeat haec suspicio nobis expendendum est. 1°. Absurda illa panis in corpus Christi adoptio numquam Marcioni in mentem venisset, nisi hanc ei necessitatem imposuisset impium phantastici corporis Christi commentum; non existimasset panis substantiam in eucharistia manere, si suam Christi corpori substantiam reliquisset. Catholici ergo omnes, quibuscum Marcion adversa fronte pugnabat, non panem in eucharistia,

sed verum Christi corpus esse credebant. 2^o. Illud saltem concessisset Marcion, si vera Tertulliani coniectura, Verbum in eucharistia cum pane hypostatice coniunctum adorari. At unde hanc opinionem aut Marcion suscipere, aut Marcioni potuit attribuire Tertullianus, nisi quia uterque verba Christi „Hoc est corpus meum“ eo sensu, qui primus menti occurrit, accipiebat, ac inter utrumque conveniebat, clara esse et perspicua verba, rem grandem his verbis promitti et exhiberi?

Tertulliani coniecturam confirmat Euthymius Panopl. part. 2. tit. 2. Is enim testatur Armenos, qui unam in Christo naturam admittebant et corpus Christi in divinitatem conversum esse sentiebant, negasse eucharistiam esse corpus Christi, sed divinitatis corpus dicere solitos esse.

VII. Si ne illi quidem, qui Christo phantasticum corpus affingebant, Christum in eucharistia praesentem adorari et sumi negabant, quanto magis extra suspicionem esse debet egregius religionis defensor Athenagoras, etiamsi, ut contendit Petrus Allixius in dissert. De sanguine D. N. Iesu Christi, corpora nostra post resurrectionem sine sanguine futura existimasset? Quinetiam ipse Alixius inter eos, quos sanguinem in corporibus redivivis negat admisisse, citat Petrum Mansur, qui in epistola inter opera S. Ioannis Damasceni tom. I exstante asserit quidem corpus immortale sanguine carere, sed tamen, id quod astute tacuit Allixius, deterrimam hanc sententiam cum catholica de eucharistia fide sic conciliat, ut corpus Christi in eucharistia, non quale in coelo est, sed quale in utero Virginis fuit, apponi declaret. Si qui ergo antiqui scriptores id sensissent, quod eos sensisse pertendit Allixius, non idcirco constaret eos a catholica de eucharistia fide discessisse. At nulla ratio probat Athenagoram hoc de corporibus redivivis errore laborasse. Hoc tantum contendit, ut observat in dissert. advers. Allix. vir doctissimas Iac. Boileau, art. 2. p. 30, sanguinem non, ut in hac mortali vita, ita etiam in immortalis obnoxium corruptioni futurum.

Occurrit Athenagoras in libro De resurr. mort. c. 4 iis, qui huic dogmati opponunt corpora humana, quae a bel-luis vorata inde in aliorum hominum corpus traducta sunt, vel ipsis hominibus tragico aliquo facinore in escam cesse-runt. Ex quo concludunt vel iis, qui sic consumti fuere, aliquid defuturum, si sua illis caro non restituatur, vel, si restituatur, eorum qui consumserant maneam et imperfectam carnem futuram.

Respondet Athenagoras humanam carnem cibum esse alteri homini contra naturam: itaque si quis aut proprio scelere aut aliena fraude humanam carnem comederit, nequa-quam fore ut tam contrarius naturae cibus cum partibus comedentis coalescat, sed ut noxium et inimicum reiectum iri. Atque etiam si detur hunc cibum „immutari in aliquid humidum aut siccum aut calidum aut frigidum,“ negat Athena-goras ullam earum rerum aut partem esse aut partis speciem occupare; imo non semper in partibus alimentum accipien-tibus permanere, nec cum resurgentibus resurgere, „nihil tam ad vitam conferente sanguine, sive pituita sive bili sive spiritu.“ Non ergo sanguinem a resurrectione removet Athenagoras, sed tunc futurum negat, ut vita ex sanguine pendeat, quem idcirco necesse sit variis humoribus temperari. Sic Augustinus, quem Allixius in suas partes trahere cona-tur, sanguinem minime negat in epist. 205, sed sanguinem vult sine corruptione: „Non, ut opinor,“ inquit num. 15, „dubitandum est, secundum hoc dictum: *Caro et sanguis regnum Dei non possidebunt*, quia non ibi erit corruptio et mortalitas carnis et sanguinis. Secundum enim has qualita-tes carnem et sanguinem hoc loco nominavit.“ Mox de carne idem dicit Athenagoras, nempe etiamsi contraria naturae alimonia ita digeratur, ut ad carnem usque permeet, ne id quidem difficile ad explicandum fore, „quippe cum nec ipsa caro, quae adsciscit, eam semper retineat quam adscivit, nec quae adscita est, ibi constanter permaneat quo accessit, sed multam in diversa mutationem accipiat,“ c. 7. Quis inde

colligat carnem Athenagoram in redivivis corporibus non relinquere? Plura non dicam de illius sententia; satis est legere quae ab eo dicuntur, c. 3, ut corpora nostra eadem potentia, qua primum fuere a Deo coagmentata, iterum ad vitam post dissolutionem revocatum iri demonstret.

CAPUT X.

EUCCHARISTIA VERUM AC PROPRIE DICTUM SACRIFICIUM,
CUIUS DESCRIPTIO A IUSTINO EXPOSITA CONSIDERATUR.

I. Iustinus veritatem religionis ex vero sacrificio demonstrat. II. Obiecta a Pfaffio testimonia defenduntur. III. Observationes in liturgiam a S. Martyre expositam, ac primum de baptismo. IV. De conventus loco et prima liturgiae parte. V. De secunda liturgiae parte et precibus tum communibus tum prolixis. VI. De sacra communione et diaconorum perfunctionibus Iustini verba explicantur.

I. Constituta panis et vini in carnem et sanguinem Christi mutatione, qualem a Iustino stabilitam vidimus, nihil iam habent difficultatis, quae ad sacrificii rationem attinent. Neque enim aliud causae Lutheranis et Calvinistis stetit, cur eucharistiam sacrificium esse negarent, nisi quod isti Christum omnino in eucharistia non adesse, hi ante usum non adesse pertenderent. At si quis passionem Christi sic in eucharistia repraesentari fateatur, ut ipsa illa victima, quae pro nobis olim occisa est, praesens in altari sistatur, is ambigere non possit, quin Christus in hoc statu sese Patri suo in manibus sacerdotum offerat: minime ergo mirum, si S. Martyr, qui non magis dubitabat, an eucharistia sit caro et sanguis Christi, quam utrum Filius Dei incarnatus sit, sacrificium Christianorum tot locis commendat.

Religionis christianae praestantiam contra Iudaeos ex sacrificii nostri praestantia demonstrat. „Similae quoque,“ inquit Dialogi c. 41, „oblatio, pro iis qui a lepra purgabantur instituta, imago erat panis eucharistiae, quem Dominus noster Iesus Christus in passionis recordationem pro his, qui ab omni pravitate purgantur, susceptae fieri praecepit,

ut gratias simul agamus Deo, tum quod mundum et omnia quae in eo sunt propter hominem creaverit, tum quod nos a nequitia, in qua fuimus, liberaverit, et principatus et potestates funditus deleverit per eum qui eius voluntate passibilis factus est. De sacrificiis autem, quae tunc a vobis offerebantur, sic Deus, ut iam dixi, per Malachiam unum ex duodecim loquitur: *Non est voluntas mea in vobis, dicit Dominus, et sacrificia non suscipiam de manibus vestris, propterea quod ab ortu solis ad occasum nomen meum glorificatum est in gentibus; et in omni loco offertur incensum nomini meo et victima pura, quoniam magnum est nomen meum in gentibus, dicit Dominus.* De iis autem quae ipsi in omni loco a nobis offeruntur sacrificiis, id est de pane eucharistiae et de calice similiter eucharistiae, iam tum praedicat, illud etiam addens nomen suum a nobis glorificari, a vobis autem profanari.“

In hoc testimonio illud 1^o observandum est, iudaicas oblationes umbram et imaginem fuisse sacrificii Christianorum: hoc sacrificium purum esse et a Deo acceptum, et a Deo per prophetam Malachiam praenuntiatum. Quis ergo verum illud sacrificium esse dubitet, quod et figuris veteris testamenti adumbrari, et prophetarum oraculis clare et aperte praenuntiari necesse fuit?

2^o. Conceptis verbis sacrificium Christianorum appellat panem eucharistiae et calicem eucharistiae. „De iis autem quae ipsi in omni loco a nobis offeruntur sacrificiis, id est de pane eucharistiae et de calice similiter eucharistiae“ etc. Quid sit panis et calix eucharistiae supra vidimus, ubi Iustinus docet alimoniam *ἐνχαριστηθεῖσαν* „incarnati illius Iesu carnem et sanguinem esse.“ Est ergo sacrificium Christianorum incarnati Iesu caro et sanguis, quae Deo offeruntur.

3^o. „Panem eucharistiae Dominus noster Iesus Christus in passionis suae recordationem fieri praecepit.“ Hinc etiam c. 117 declarat S. Martyr Christianos in hoc sacrificio „passionis illius, quam propter eos passus est Dei Filius, recor-

dari.“ At quomodo passio Domini in hoc sacrificio repraesentatur? Res est ad discendum perfacilis ex Iustino. Nam in loco, quem supra depromsimus ex maiore Apologia, postquam dixit alimoniam consecratam esse incarnati Iesu carnem et sanguinem, addit apostolos tradidisse sic sibi a Christo mandatum, ut hoc facerent in eius commemorationem. Credebat ergo S. Martyr passionem Domini in eucharistia repraesentari, cum ipsius caro et sanguis, per verba ab ipso pronuntiata, in altari sistuntur, et Deo Patri offeruntur.

Ex his facile refellitur Pfaffii sententia, viri inter Lutheranos doctissimi, sed qui frustra sectae suae patrocinium a sanctis patribus petit in dissert. De oblatione veterum eucharistica, ubi n. 27 sic Iustinum interpretatur, quasi in eius testimoniis „vel sola laicorum oblatio episcopo, non Deo facta, vel oblatio sacerdotum consecrationem praeveniens innuatur.“

Sed haec interpretatio longissime abludit a mente Iustini. Nam neque oblatio laicorum facta sacerdoti, neque sacerdotalis ante consecrationem oblatio, victima et sacrificium Christianorum dicuntur apud Iustinum, nec passionem Christi repraesentant; sed panis eucharistiae et calix eucharistiae, id est, ut ipse Iustinus interpretatur, caro et sanguis Iesu incarnati, sunt victima et sacrificium Christianorum et ex Christi praecepto ad memoriam illius passionis celebrandam fiunt.

Non melius ei succedit in alio Dialogi testimonio, c. 117, ubi Iustinus sic loquitur: „Ipse equidem preces et gratiarum actiones, quae dignis peraguntur, sola esse perfecta et Deo accepta sacrificia concedo. Atque haec sola facere Christiani didicerunt, cum per alimoniam suam siccam simul et liquidam passionis illius, quam propter eos Filius Dei passus est, recordationem celebrant.“ Ex his duo concludit vir eruditus: „1^o. Oblationem eucharisticam non esse propriam aut perfectam, cum solae preces hoc nomen mereantur.

2^o. Eandem a Domino et apostolis non mandatam aut iniunctam esse."

Ludit semper in ambiguo Pfaffius et oblationem eucharisticam intelligit eam, quae aut a laicis sacerdote aut ab ipso ante consecrationem fit sacerdote. Sed alimonia sicca et liquida, per quam recordatio passionis Domini celebratur, nihil aliud esse potest, ut satis demonstratum est, quam caro et sanguis Iesu incarnati. Sed tamen ne nobis obtrudat Pfaffius solas preces sacrificii nomen mereri, paucis explicanda Iustini sententia.

II. Non animadvertit cl. Pfaffius quid Iustino propositum sit. 1^o. Utebatur S. Martyr argumento ad refellendos Iudaeos maxime apposito, et ex Malachiae vaticinio monstrabat eos verae religionis possessione excidisse, quia eorum sacrificia reiecta sunt, Christianos autem, quorum sacrificium ab ipso Deo commendatur, genus esse sacerdotale. Iudaei, ut hoc argumentum eluderent, sic Malachiam interpretari solebant, teste ibidem Iustino, ut eorum, qui Hierosolymis habitabant, sacrificia a Deo reiici, eorum autem, qui in gentibus dispersi erant, preces Deo acceptas esse et idcirco sacrificia appellari dicerent. Soli ergo Iudaei preces et gratiarum actiones etiam sine sacrificio exteriori ad veram religionem verumque sacrificium sufficere contendunt. At cum eis pugnat Iustini sententia, qui hoc ipso in loco obicit eis exterius sacrificium Christianorum. in quo passionis Dominicae sub panis et vini speciebus memoria recolitur.

2^o. Cum eis concedit preces et gratiarum actiones sola esse perfecta et Deo accepta sacrificia, non ea mente id facit, ut excludat exterioris rei oblationem, sed quia preces et gratiarum actiones cum hac oblatione coniungendas esse noverat, alioquin perfectum non fore sacrificium, nec ullum Deo honorem a nobis perventurum. Simili ratiocinatione Clemens Alex. Strom. 4. pag. 481 concedit haereticis, qui martyrium vituperabant, verum martyrium in Dei cognitione

positum esse. *Τινὲς δὲ τῶν αἰρετικῶν, τοῦ Κυρίου παρακηκοότες, ἀσεβῶς ἅμα καὶ δειλῶς φιλοξωοῦσι, μαρτυρίαν λέγοντες ἀληθῆ εἶναι τὴν τοῦ ὀπίτως ὄντος γυνῶσιν Θεοῦ· ὥσπερ καὶ ἡμεῖς ἐμολογοῦμεν.* „Quidam haeretici, cum male Dominum intellexerint, impie simul et ignave vitam amant, verum esse testimonium dicentes cognitionem illius qui vere est Deus: quod quidem et nos confitemur.“

3°. Panem eucharisticum, ut iam dixi, conceptis verbis appellat sacrificium c. 41, eumque distinguit a precibus, per quas consecratur, Apol. I. c. 66.

4°. Preces illae, quas Christiani in celebranda passionis Dominicae memoria facere didicerunt, nihil aliud sunt quam oblatio corporis et sanguinis Domini pro vivis et mortuis, ut videre est in antiquissima liturgia lib. 8 Constitut. apostolicarum, eique simillima quam in Apologia prima describit Iustinus. Sic enim habent preces, quae post consecrationem funduntur: *Προσφέρομέν σοι*, „Offerimus tibi pro populo hoc“ etc. Non aliae profecto sunt memoratae a Iustino preces in omnibus oblationibus pro aeterna vita consequenda, Apol. I. c. 66.

III. Gratum me legentibus facturum puto, si eorum oculis exponam venerandi Christianorum sacrificii descriptionem, qualis a Iustino sub finem Apol. I summatim textitur. Initium ducit a baptismo. „Quomodo autem nos Deo consecraverimus,“ inquit Apol. I. c. 61, „per Christum renovati, id quoque exponemus, ne quid improbe, si hoc praetermittamus, in enarrandis rebus agere videamur. Quicumque persuasum habuerint et crediderint vera esse, quae a nobis docentur et dicuntur, seque ita vivere posse promiserint, ii precari et ieiunantes priorum peccatorum veniam a Deo petere docentur, nobis una precantibus et ieiunantibus. Deinde eo ducuntur a nobis, ubi aqua est, et eodem regenerationis modo regenerantur, quo et ipsi sumus regenerati. Nam in nomine Parentis universorum ac Domini Dei ac Salvatoris nostri Iesu Christi et Spiritus sancti lavacrum in aqua tunc

suscipiunt.“ Videtur Iustinus non ea solum credendi et vivendi praecepta indicare, quae quotidie catechumenis trahebantur, sed ea potissimum, quae cum ipso baptismo iungebantur, nimirum interrogationes et responsiones, abrenuntiationes et professionem fidei. Id confirmat Iustinus c. 65. Ipsa illa verba, „Deinde eo ducuntur a nobis ubi aqua est,“ aliud suspicari non sinunt. Ex quibus illud etiam patet haec omnia in ipsa ecclesia peragi solita fuisse, antequam baptizandus ad sacrum fontem duceretur. Sic etiam ieiunia hic memorata baptismum ipsum proxime antecedunt, et ab aliis Christianis una cum baptizando observantur, quale est illud ieiunium quod Petrus pridie baptismi indicit in Clementina homil. 13. c. 12. Vid. Constitut. apost. lib. 7. c. 22.

Nihil hic de sacramento confirmationis Iustinus: neque id mirum. Non catholicis scribebat, sed imperatores ethnicos alloquebatur, apud quos minime necessaria erat huius rei enuntiatio. Deinde vero baptismum ita describit Iustinus, ut ipse illum (presbyterum enim fuisse Iustinum non levis coniectura est) solebat administrare, nimirum sine confirmatione, quae episcopis reservata erat. Saepe eveniebant presbyteris baptizandi occasiones, nec maturi baptismo ob fervidam pietatem catechumeni solemnes baptismi dies expectabant. Unde Tertullianus lib. De baptismo c. 19: „Caeterum omnis dies Domini est, omnis hora, omne tempus habile baptismo: si de solemnitate interest, de gratia nihil interest.“

IV. Necesse non est admonere id quod quisque satis perspicit, baptisma post dimissos catechumenos et poenitentes dari solitum fuisse. Nam, ut patet ex testimonio, quod mox referemus, qui baptizatus fuerat, statim deducebatur ad ecclesiam, et liturgiae preces fiebant. Synaxes, in quibus non dabatur baptismus, sic breviter describit c. 67: *Τῇ τοῦ ἡλίου λεγομένη ἡμέρᾳ πάντων κατὰ πόλεις ἢ ἀγροὺς μενόντων ἐπὶ τὸ αὐτὸ συνέλευσις γίνεται, καὶ τὰ ἀπομνημονεύματα τῶν ἀποστόλων ἢ τὰ συγγράμματα τῶν προφητῶν ἀναγινώσκεται μέ-*

χρῆς ἐγγωρεῖ. Ἐἵτα παυσαμένου τοῦ ἀναγινώσκοντος, ὁ προσετώς διὰ λόγου τὴν νοουθεσίαν καὶ προέκκλησιν τῆς τῶν καλῶν τούτων μιμήσεως ποιεῖται. Ἐπειτα ἀνιστάμεθα κοινῇ πάντες, καὶ εὐχὰς πέμπομεν· καί, ὡς προέφημεν, παυσαμένων ἡμῶν τῆς εὐχῆς, ἄρτος προσφέρεται καὶ οἶνος καὶ ὕδωρ, καὶ ὁ προσετώς εὐχὰς ὁμοίως καὶ εὐχαριστίας, ὅση δύναμις αὐτῷ, ἀναπέμπει, καὶ ὁ λαὸς ἐπενυφημεῖ λέγων τὸ Ἀμήν· καὶ ἡ διάδοσις καὶ ἡ μετάληψις ἀπὸ τῶν εὐχαριστηθέντων ἐκάστῳ γίνεται, καὶ τοῖς οὐ παροῦσι διὰ τῶν διακόνων πέμπεται. „Solis, ut dicitur, die omnium sive urbes sive agros incolentium in eumdem locum fit conventus. et commentaria apostolorum aut scripta prophetarum leguntur, quoad licet per tempus. Deinde ubi lector desiit, is qui praeest admonitionem verbis et adhortationem ad res tam praeclaras imitandas suscipit. Postea omnes simul consurgimus et preces emittimus, atque, ut iam diximus, ubi desiimus precari, panis offertur et vinum et aqua, et qui praeest preces et gratiarum actiones totis viribus emittit, et populus acclamat Amen; et eorum, in quibus gratiae actae sunt, distributio fit et communicatio unicuique praesentium, et absentibus per diaconos mittitur.“ Huic liturgiae simillima est ea, quae in Constitutionibus apostolicis exstat lib. 8, et quidquid ibi articulate exponitur id Iustinus summatim indicat.

Ille „omnium sive urbes sive agros incolentium in eumdem locum conventus“ non sine aliqua exceptione intelligendus. Nam ubi vehemens erat persecutio, id fieri non poterat: unde interrogatus a praefecto Iustinus, „quem in locum Christiani convenirent,“ respondet „eo unumquemque convenire quo velit aut possit.“ „An,“ inquit, „existimas omnes nos in eumdem locum convenire solitos? Minime res ita se habet.“ Praeterea in magnis civitatibus unus omnes Christianos locus excipere non potuisset. Quinetiam Romae videntur nonnullae exstitisse ecclesiae, in quibus ad commodum eorum, qui ex oriente Romam veniebant, liturgia graeco ritu et graeca lingua celebraretur. Nam interrogatus a

praefecto, ut modo vidimus, Iustinus declarat se manere „prope domum Martini cuiusdam ad balneum cognomento Timiotinum, ac per totum tempus,“ quod Romae traduxit, „alium conventus locum“ non cognovisse. In hac ergo domo mysteria celebrari solebant, idque graecae ecclesiae ritu et lingua, utpote ab ipso Iustino, ut verisimile est, celebrata.

Atque id causae esse puto, cur liturgia, a S. Martyre exposita, non romanae, sed ei, quae est in Constitutionibus apostolicis, similis sit. Qui cum Iustino comprehensi sunt, et morte damnati, videntur Iustinum habuisse animarum suarum rectorem et ex iis locis, ubi graeca lingua vigeat, Romam venisse. Quaerit enim ex iis praefectus: annon eos Iustinus Christianos fecerit? Evelpistus „se Iustini sermones magna cum voluptate“ audire solitum dicit. Is e Cappadocia, Hierax Iconio Romam venerat.

Legebantur Scripturae veteris et novi testamenti, atque, ut praescribitur lib. 2. c. 57 earumdem Constitut., populum hortabantur singuli presbyteri et postremo episcopus. Cum hoc praescripto non pugnat Iustinus, qui summa rerum fastigia enarrat, et idcirco nihil de catechumenis et poenitentibus dimitti solitis ait, ac praeterea eam edisserit liturgiam, quae etiam ecclesiis unum tantummodo presbyterum habentibus conveniebat; ὁ προεστώς, „is qui praeest,“ sive „praesidens,“ saepe apud antiquos episcopum designat, interdum etiam presbyteri hoc donantur nomine, imo clerus generatim comprehenditur, ut videre est apud Euseb. Hist. lib. 8. c. 6.

V. Secundam liturgiae partem indicat his verbis Iustinus: „Postea omnes simul consurgimus ac preces emittimus.“ Preces illae vocantur *κηρύγματα*, sive praedicationes, in epist. 155 S. Basilii. Annuntiabat eas diaconus, ut videre est in lib. 8 Constitut. apost., ubi sic describuntur, ut eas facile sit agnoscere in his Iustini verbis c. 65: „Nos autem postquam eum, qui fidem suam et assensum doctrinae no-

strae testatus est, sic abluimus, ad eos, qui dicuntur fratres, deducimus, ubi illi congregati sunt, communes preces et pro nobismetipsis, et pro eo qui illuminatus est, et pro aliis ubique omnibus intento animo facturi, ut veritatis cognitionem adepti hac etiam gratia dignemur, ut rectam operibus vitam agentes et praeceptorum custodes inveniamur, quo salutem aeternam assequamur.“ Recte dicit Iustinus „pro aliis ubique omnibus“ has preces fieri. Nam, ut videre est lib. 2 Constitut. c. 57, orabant „pro universa ecclesia, pro toto mundo et eius partibus, et frugibus terrae, pro sacerdotibus et rectoribus, pro summo sacerdote, pro rege ac pace universali.“ Plura vide lib. 8 c. 11 et epist. 155 Basil.

Consecrationem eucharistiae, quae praecipua pars est liturgiae, sic uberius edisserit c. 65: Ἀλλήλους φιλήματι ἀσπαζόμεθα πανσάμενοι τῶν εὐχῶν. Ἐπειτα προσφέρεται τῷ προεστῶτι τῶν ἀδελφῶν ἄρτος καὶ ποτήριον ὕδατος καὶ κραμάτος, καὶ οὗτος λαβὼν αἶνον καὶ δόξαν τῷ Πατρὶ τῶν ὅλων διὰ τοῦ ὀνόματος τοῦ Χριστοῦ καὶ τοῦ Πνεύματος τοῦ ἁγίου ἀναπέμπει· καὶ εὐχαριστίαν ὑπὲρ τοῦ κατηξιῶσθαι τούτων παρ’ αὐτοῦ ἐπὶ πολὺ ποιεῖται. Οὗ συντελέσαντος τὰς εὐχὰς καὶ τὴν εὐχαριστίαν, πᾶς ὁ παρὼν λαὸς ἐπευφημεῖ λέγων Ἀμήν. Τὸ δὲ ἀμήν τῇ ἐβραϊδὶ φωνῇ τὸ γένοιτο σημαίνει. Εὐχαριστήσαντος δὲ τοῦ προεστῶτος, καὶ ἐπευφημήσαντος παντὸς τοῦ λαοῦ, οἱ καλούμενοι παρ’ ἡμῖν διάκονοι διδύασιν ἐκάστῳ τῶν παρόντων μεταλαβεῖν ἀπὸ τοῦ εὐχαριστηθέντος ἄρτου καὶ οἴνου καὶ ὕδατος καὶ τοῖς οὐ παροῦσιν ἀποφέρουσι. „Invicem osculo salutamus, ubi desiimus precari. Deinde ei, qui fratribus praest, panis offertur et poculum aquae et vini, quibus ille acceptis laudem et gloriam universorum Parenti per nomen Filii et Spiritus sancti emittit, et eucharistiam, sive gratiarum actionem, pro his ab illo acceptis donis prolixè exsequitur. Postquam preces et eucharistiam absolvit, populus omnis acclamat Amen Amen autem hebraea lingua idem valet ac Fiat. Postquam vero is, qui praest, preces absolvit et populus omnis acclamavit.

qui apud nos dicuntur diaconi panem et vinum et aquam, in quibus gratiae actae sunt, unicuique praesentium participanda distribuunt et ad absentes perferunt.“ Non difficile est explicare, cur dicat Iustinus sacerdotem eucharistiam „prolixè“ exsequi. Erat enim haec oratio multo longior iis quae praecesserant, ut suis quisque oculis cernere potest lib. 8 Constitut. cap. 12, et quamvis plurima et ante et post consecrationem complecteretur, nullo tamen diaconorum ministerio, nulla interrompebatur admonitione, nec populus respondebat „Amen,“ nisi omnino absolutâ esset. Utrasque preces, id est et eas quae dimissis catechumenis et poenitentibus, et eas quae ad consecrationem eucharistiae fiebant, indicat S. Firmilianus in epistola inter Uyprianicas 75, ubi de quadam muliere nequissima et prophetiam sibi arrogante sic loquitur: „Etiam hoc frequenter ausa est, ut et invocatione non contemptibili sanctificare se panem et eucharistiam facere simularet, et sacrificium Domino non sine sacramento solitae praedicationis offerret.“ invocatio illa non contemptibilis respondet prolixis ad consecrationem eucharistiae precibus; sacramentum solitae praedicationis congruit communibus precibus, quas iam dixi a S. Basilio praedicationes vocari.

Paulo difficilius ad explicandum videtur, cur Iustinus „communes preces“ appellet eas, quae dimissis catechumenis et poenitentibus fiebant, easque hac notione secernat ab iis, quae ad consecrationem eucharistiae pertinent. Utrumque enim precationum genus communiter fiebat ecclesiae nomine: ad communes preces diaconus invitabat populum eiusque animi attentionem suscitabat, ad eucharisticas ipse sacerdos dicendo „Sursum corda!“ Discrimen inde ortum puto quod populi vox in primo precationis genere audiretur, in altero autem solius sacerdotis; unde S. Dionysius Alexandrinus de quodam laico ait apud Euseb. lib. 7. c. 9 eum frequenter audivisse eucharistiam, sive gratiarum actionem, et respon-

disse Amen. Sed aliud est, quod in hoc discrimine observando S. Martyrem sequutum existimo. Sciebat preces illas, quas communes vocat, ex eo esse genere, quod sacerdota-lem characterem necessario non requirat: eucharisticas autem nullo in conventu effectum posse sortiri, nisi per eum celebrentur, qui hoc characterem signatus et impressus sit.

VI. De sacra communione non praetermittenda sunt haec Iustini verba: „Atque hoc alimentum apud nos vocatur eucharistia, cuius nemini licet esse participi, nisi qui credat vera esse quae docemus atque illo ad remissionem peccatorum et regenerationem lavacro ablutus fuerit, et ita vivat ut Christus tradidit.“ Videtur S. Martyr non solum sacerdotum indicare curam et sollicitudinem ut a communione arcerentur indigni, sed etiam ad ea respicere quae proxime ante communionem fiebant, cum sacerdos diceret: „Sancta Sanctis,“ et populus responderet: „Unus sanctus, unus Dominus Iesus Christus.“

Magno honore diaconos auget Iustinus, si utramque speciem consecratam ab eis distribui testatur: qui quidem ritus nec in Romana ecclesia vigeat, nec in Hierosolymitana, nec in ea cui addictus erat is qui apostolis Constitutiones supposuit. Sed duo loca, in quibus Iustinus de eucharistiae distributione loquitur, sic videntur intelligenda, ut panem consecratum diaconi ad absentes pertulisse, calicem praesentibus distribuuisse dicantur, quod quidem ecclesiae consuetudini consentaneum reperietur. Restrungi profecto debent S. Martyris verba, ubi de absentibus agitur, et de solo pane consecrato intelligendum quod ait: „Qui apud nos dicuntur diaconi panem et vinum et aquam, in quibus gratiae actae sunt, unicuique praesentium participanda distribuunt et ad absentes perferunt.“ Ad absentes enim solus panis consecratus perferri solebat. Simili ratione restringendum id quod de praesentibus dicitur: hi enim ad altare accedebant et primam speciem de manu sacerdotis sumebant: calix distribebatur a diaconis. Usitata erat Iustino haec duorum ver-

horum ad res diversas pertinentium coniunctio; exemplum supra vidimus, cap. 4, ubi de angelis Iustini testimonium expendimus. Aliud habemus his in verbis Dialog. c. 82: „Ne Scripturas et Christum blasphemias appetatis aut prave interpretari studeatis.“ Ut blasphemiae ad Christum, prava interpretatio ad Scripturas referenda, ita in diaconorum munis eadem adhibenda distinctio, ita ut calicem praesentibus distribuisset, alteram speciem ad absentes pertulisse dicantur. Sic etiam Tertullianus De pudic. c. 1: „Ex metu et voto aeterni ignis et regni.“ Altero in loco non dicit Iustinus eucharistiam praesentibus distribui a diaconis, sed tantum ad absentes ferri, quod quidem facile est de prima specie intelligere. Ait enim: „Eorum, in quibus gratiae actae sunt, distributio fit et communicatio unicuique praesentium, et absentibus per diaconos mittitur.“ Allata a Valesio exempla in notis ad Hist. Euseb. p. 136 et 318 de solo calice accipi debent. Quod enim ait auctor libelli De septem gradibus ecclesiae tom. 5 Hieronymi p. 102: „Sicut in sacerdote consecratio, ita in ministro est sacramenti dispensatio ... ille oblata sanctificat, hic sanctificata dispensat,“ id ipse paulo post de calice exponit, quem „post consecrationem omnium sacramentorum“ a diacono tradi testatur.

Diaconos Iustinus excludere videtur ab earum rerum dispensatione, quas fideles ad cleri victum et cultum offerebant. Sic enim loquitur c. 67: „Qui abundant et volunt, suo arbitrio quod quisque vult largitur, et quod colligitur apud eum, qui praest, deponitur, ac ipse subvenit pupillis et viduis et iis qui vel ob morbum vel aliam ob causam egent, tum etiam iis qui in vinculis sunt et advenientibus peregre hospitibus, uno verbo omnium indigentium curam suscipit.“ Haec tamen sic explicari possunt, ut summa auctoritas penes episcopos fuisse dicatur, administratio episcopali auctoritati subiecta penes diaconos. Nam cum in Constitut. apostol. lib. 2. c. 25 eadem tribuatur episcopo potestas ac in hac Iustini narratione, postea c. 31 et 32 praescribitur diaconis

ut nihil prorsus iniussu episcopi largiantur: quod argumento est eos dispensandarum oblationum partes aliquas sustinuisse.

CAPUT XI.

DE ANIMAE IMMORTALITATE ET DAEMONUM AC MALORUM HOMINUM ANTE EXTREMUM IUDICIUM STATU.

I. Iustini testimonia de immortalitate animarum. II. Cum his non pugnant quae leguntur initio Dialogi. III. Tatianus defenditur adversus doctissimum abbatem de Longuerue. IV. Scripturae et patrum testimonia favent Iustino et Tatiano. V. Daemones nondum igne torqueri existimat Iustinus. VI. De malis hominibus aliud sentit.

I. Postquam disserui de subsidiis a Christo salvatore ad aeternam vitam concessis, sequitur ut quid Iustinus de animarum statu post mortem, quid de iustorum resurrectione sive de regno mille annorum senserit, examinem. Sed quia exstant nonnulla cum apud S. Martyrem, tum apud discipulum eius Tatianum, quae cum animarum immortalitate pugnare non pauci existiment, nihil prius faciendum, quam ut accurate vestigem, quid uterque his de rebus senserit, an suppliciis animas ita imminutum iri crediderint, ut tandem aliquando ad nihilum redeant.

Quod spectat ad Iustinum, didicerat ab ipso Platone immortalitatem animarum, nec probabile est eum in christiana religione dedidicisse, si quid boni e platonicis scholis attulisset. Quin potius aeternitatem poenarum, quae impiis in altera vita infliguntur, ut proprium christianae religionis dogma, ne Platoni quidem cognitum, defendit. „Similiter quidem Plato,“ inquit in Apologia I. c. 8, „improbos, cum ad Rhadamanthum et Minoem venerint, punitum iri ab illis dixit. Nos autem idem illis eventurum dicimus, sed a Christo, idque existentibus in iisdem corporibus una cum suis animabus, ac aeterna poena plectendis, non mille annorum circuitu, ut iste dixit, definita.“ Docet c. 17 Christianos credere et persuasum habere unumquemque „pro meritis

actionum suarum poenas igne aeterno daturum;“ tum sic imperatores alloquitur c. 18: „Respicite finem cuiusque superiorum imperatorum, qui communem omnibus mortem obierunt: quae si in statum sensus expertem evaderet, de lucro esset improbis omnibus. Sed quia sensus manet in iis omnibus qui exstiterunt, ac supplicia aeterna reposita sunt, ne vos pigeat haec vera esse persuaderi ac credere.“ Aeterno igni nullum omnino finem statuere potuit, cum hunc errorem in Platone exagitet, ac improbis de lucro futurum dicat, si in statum sensus expertem evaderent. Haec confirmantur ex c. 44, ubi sic ait: „Quod autem dictum est, *Gladius depascet vos*, non hanc vim et sententiam habet, ut gladio necandi sint qui non paruerint, sed gladius Dei ignis est, cuius esca fiunt qui mala patrare in animum inducunt. Hinc ait: *Gladius depascet vos; os enim Domini loquutum est*. Quodsi de secante et confestim dimittente gladio loqueretur, non diceret *depascet*.“

In exordio Apologiae alterius Christianos appellat eos, quibus persuasum est „improbos et libidinosos aeterno igne excruciatum iri, virtutis autem cultores extra omnem perpressionem cum Deo victuros.“ Non magis ergo improborum suppliciiis finem statuisse dicendus est, quam bonorum praemiis. Ibidem commemorat laudanda mulieris christianae studia, quae, ut maritum e flagitiis retraheret, denuntiabat ei „futura libidinose ac praeter rectam rationem viventibus in aeterno igne supplicia.“

II. Cum hac Iustini doctrina conciliare aggrediar, quae in speciem pugnantia leguntur initio Dialogi cum Tryphone, non illa quidem ab ipso Iustino disputata, sed a quodam sene christiano, ex quo audita refert et probat S. Martyr. Postquam Iustino persuasit senex philosophos in suis de anima disputationibus totos errare, nec quid sit anima explicare posse, haec addit: „Neque etiam immortalis anima dicenda est; nam si immortalis, etiam profecto ingenta.“ Tum quaerit ex Iustino, an mundum ingentum credat. Ne-

gantem collaudat senex, ac ita ratiocinatur: „Quodsi mundus genitus est, necesse est animas quoque genitas esse, ac posse non existere. Sunt enim factae hominum ac cæterorum animalium causa, si omnino separatim ac non una cum propriis corporibus genitas dices. Non ergo immortales sunt.“ Assentitur Iustinus et quaerit ex sene, utrum idem de animabus dicat quod Plato de mundo, quem corruptioni obnoxium, quatenus creatus est, sed tamen Dei voluntate permansurum statuit, an vero hæc Platonem et Pythagoram latuisse velit. Tum senex: „Nihil Platonem moror nec Pythagoram, nec quemquam omnino, qui talia opinetur. Sic autem se veritas habet, idque inde perspicies: anima vel vita est, vel vitam habet. Quodsi vita est: non ipsa a se, sed aliud ab eo vitam accipit, quemadmodum motus aliud quidpiam movet, quam seipsum. Animam autem vivere nemo negaverit. Sed si vivit, non ideo vivit, quod vita sit, sed quod vitæ particeps. Aliud autem id quod alicuius est particeps, aliud id ipsum cuius est particeps. Vitæ autem anima est particeps, eo quod eam Deus vivere velit; similiter particeps aliquando non erit, cum eam Deus vivere nolet. Neque enim ut Dei, ita etiam animæ propria vita est. Sed quemadmodum homo non semper constat, neque perpetuo corpus cum anima coniunctum est, sed, cum solvi oportet harmoniam, relinquit corpus anima, nec iam exstat homo: similiter, quando animam non iam esse oporteat, discedit ab ea spiritus vitalis, nec iam exstat anima, sed undeeducta est eo revertitur.“

Si rite attendamus, non favent hæc testimonia absurdae opinioni, quam Dodwellus non ita pridem apud Anglos defendit ac sanctis patribus affinxit, animas eorum, qui a Spiritu sancto regenerati per baptismum non fuere, interituras aliquando et in nihilum redituras. Nihil aliud hoc loco Iustinus aut senex ille christianus docent, nisi animas nostras non a se ipsis, sed a Deo immortalitatem accipere. 1°. Eam tantum immortalitatem animabus denegat Iustinus, quæ cum

rei creatae conditione consistere non possit. „Neque etiam immortalis anima dicenda. Nam si immortalis, etiam perfecto ingenita.“ Non eam ergo immortalitatem reiicit quae ex Dei voluntate pendet, sed eam quam sibi philosophi nonnulli arrogabant, qui, ut antea dicebat, „cum immortalem et incorpoream animam esse ponant, nec poenas daturos se putant, si quid mali fecerint (pati enim non potest quidquid incorporeum est), nec iam Deo, cum immortalis sit anima, quidpiam indigent.“

2^o. Haec confirmantur ex his quae addit senex: „Si mundus genitus est, necesse est animas quoque genitas esse, ac posse non exsistere. Non sunt ergo immortales.“ In eo ergo immortales animas negat, quod possint non exsistere; nec futurum statuit ut aliquando exsistere desinant, sed id fieri posse contendit.

3^o. Cum animam victuram negat, si Deus eam vivere noluerit, tota disputatio versatur de animae natura, nec magis de malorum animabus disserit senex, quam de iustorum; sed cuiuslibet animae sic comparatam esse naturam contendit, ut nec vita sit, nec vita ipsius propria sit. Quamobrem non magis dici potest malorum suppliciis finem statuisse, quam felicitati iustorum.

4^o. Conceptis verbis declarat senex nullas animas mori. Sic enim reddenda sunt haec illius verba, ut in notatione ad hunc locum observavi: Ἀλλὰ μὴν οὐδὲ ἀποθνήσκειν φημι πάσας τὰς ψυχὰς ἐγώ etc. „Non tamen perire dico ulla animas; vere enim de lucro id esset improbis. Quid igitur? Piorum quidem animas in meliore loco manere, iniquorum autem et malorum in deteriore, iudicii tempus expectantes. Sic istae, cum dignae Deo iudicatae fuerint, non iam amplius moriuntur, hae vero puniuntur, quamdiu eas esse et puniri Deus voluerit.“ Si de lucro esset improbis mori: nullae ergo animae moriuntur; nam iustis adstruitur aeternitas. Usurpata a sene loquendi ratio saepe idem significat ac nullum. Sic apud Paulum Rom. III. 20: ἐξ ἔργων νόμου οὐ δικαιωθήσεται πᾶσα σὰρξ: „ex operibus legis non iustificabitur

omnis caro.“ Quod dixit serpens mulieri: *Τί ὅτι εἶπεν ὁ Θεός, οὐ μὴ φάγητε ἀπὸ παντὸς ξύλου τοῦ παραδείσου;* „Cur praecepit vobis Deus, ut non comederetis de omni ligno paradisi?“ (Genes. III. 1) in hoc mentitum esse serpentem existimant Irenaeus lib. 5. cap. 23, Tertullianus lib. 2 contra Marcionem cap 10, Ambrosius lib. De parad., Chrysostomus Homil. 16 in Genes., eumque prima avocandae a Deo mulieris tentamenta sic molitum esse, quasi Deus nullius ligni usum concessisset.

5°. Quaesierat Iustinus ex sene, annon, ut mundum Plato, sic ipse animas sua quidem sponte immortales non esse, sed tamen Dei voluntate aeternas fore diceret. Addebat idem Iustinus Platonice solum Deum nec genitum esse nec corruptioni obnoxium, caetera vero post eum genita et corruptioni obnoxia, et talia ut aboleri possint et iam nulla esse: atque hoc ipsum causae esse, cur animae moriantur et puniantur. Nam si ingenitae essent, non futurum ut peccarent, et stultitia redundarent, et ignavae aut feroces essent, aut sua sponte in suos migrarent et serpentes et canes. In hac sententia nihil de animarum immortalitate detrahitur; sed genitae sunt ac tales ut aboleri possint. Mori autem dicuntur, quatenus mutationi ac vitiis obnoxiae sunt. Hunc corruptionis statum saepe mortem appellari modo videbimus; ipse senex paulo antea dicebat animas iustorum, postquam aeternum felicitatis statum adeptae sunt, non iam amplius mori. Nulla ergo residet neque in hoc sene neque in Iustino erroris suspicio. Iam citatis Iustini testimoniis illud addere libet ex Dialogo c. 130: „Ex Isaia didicimus futurum, ut membra praevaricatorum a verme et igne inextincto vorarentur, immortalia permanentia, ita ut spectaculo sint omni carni.“ Qui corpori immortalitatem tam asseveranter attribuit, an animae potuit denegare?

III. Tatiani sententiam praeclare expressam habemus in Oratione adversus Graecos, in qua sic loquitur c. 25: *Σῶμά τις εἶναι λέγει Θεόν, ἐγὼ δὲ ἀσώματον· ἄλυτον εἶναι τὸν*

κόσμον, ἐγὼ λυόμενον· ἐκπύρωσιν ἀποβαίνειν κατὰ καιρούς, ἐγὼ δὲ εἰςάπαξ· κριτὰς εἶναι Μίνω καὶ Ῥαδάμανθυν, ἐγὼ δὲ αὐτὸν τὸν Θεόν· ἀπαθανατίζεσθαι μόνην τὴν ψυχὴν, ἐγὼ δὲ καὶ τὸ σὺν αὐτῇ σαρκίον. „Est qui Deum corpus esse dicat, ego incorporeum; mundum esse indissolubilem, ego dissolvendum; conflagrationem variis temporibus evenire, ego semel eventuram; iudices esse Minocem et Rhadamanthum, ego Deum ipsum; solam animam immortalitate donari, ego carnem quoque cum anima.“ Sed tamen animae immortalitatem a Tatiano negari censet doctissimus abbas de Longuerue in dissertatione, quae post Orationem Tatiani exstat in edit. Oxon. „Tatianus,“ inquit, „indocte iuxta ac impie negat animam humanam natura immortalem esse. Pronuntiat enim quorundam hominum animas mori una cum corporibus: aliorum vero solvi quidem, sed non mori. Atque hoc commentum novus inconsideratusque magister Graecos docet.“ Locus ab erudito viro citatus occurrit c. 13; ubi sic legitur: Οὐκ ἔστιν ἀθάνατος. ἄνδρες Ἕλληνες, ἡ ψυχὴ κατ’ ἐαυτήν, θνήσκει δέ. Ἀλλὰ δύναται ἡ αὐτὴ καὶ μὴ ἀποθνήσκειν. Θνήσκει γὰρ καὶ λύεται μετὰ τοῦ σώματος, μὴ γινώσκουσα τὴν ἀλήθειαν, ἀνίσταται δὲ εἰς ὕστερον ἐπὶ συντελείᾳ τοῦ κόσμου σὺν τῷ σώματι, θάνατον διὰ τιμωρίας ἐν ἀθανασίᾳ λαμβάνουσα. Πάλιν τε οὐ θνήσκει, καὶ πρὸς καιρὸν λυθῇ, τὴν ἐπίγνωσιν τοῦ Θεοῦ πεποιημένη. „Non est immortalis anima, o Graeci, per se ipsa, sed mortalis. Potest tamen eadem non mori. Moritur enim et dissolvitur cum corpore veritatis ignara: resurgit autem postea in fine mundi una cum corpore, mortem per supplicia in immortalitate accipiens. Rursus autem non moritur, etiamsi solvatur ad tempus, Dei cognitione instructa.“

Sed liquet mortis nomine non destructionem et abitionem in nihilum designari, sed miserum animae a Deo alienae statum. Nam ipsam immortalitatem reproborum „mortem in immortalitate“ appellare non dubitat. Quae sequuntur expressiora sunt ad illius mentem perspicendam: Κατ’ ἐαυτήν

γὰρ σκότος ἐστί, καὶ οὐδὲν ἐν αὐτῇ φωτεινόν, καὶ τοῦτό ἐστιν ἄρα τὸ εἰρημένον· Ἡ σκοτία τὸ φῶς οὐ καταλαμβάνει. Ψυχὴ γὰρ οὐκ αὐτὴ τὸ πνεῦμα ἔσωσεν, ἐσώθη δὲ ὑπ' αὐτοῦ, καὶ τὸ φῶς τὴν σκοτίαν κατέλαβεν. Ὁ λόγος μὲν ἐστὶ τὸ τοῦ Θεοῦ φῶς, σκότος δὲ ἡ ἀνεπιστήμων ψυχὴ. Διὰ τοῦτο μόνη μὲν διαιωμένη πρὸς τὴν ὕλην νεύει κάτω, συναποθνήσκουσα τῇ σαρκί. Συζυγίαν δὲ κεκτημένη τὴν τοῦ Θεοῦ πνεύματος οὐκ ἔστιν ἀβοήθητος, ἀνέρχεται δὲ πρὸς ἅπερ αὐτὴν ὁδηγεῖ χωρία τὸ πνεῦμα. „Per se enim anima nihil aliud est, quam tenebrae, nec quidquam in ea luminosum. Atque id ipsum est quod dicitur: *Tenebrae lucem non comprehendunt*. Neque enim anima spiritum servavit, sed ipsa ab eo servata est, et lux tenebras apprehendit. Est autem Verbum divina lux: tenebrae vero imperita anima. Quapropter si degat solitaria, deorsum ad materiam vergit, una cum carne moriens. Cum divino autem Spiritu copulata, non caret auxilio, sed eo ascendit quo deducitur a Spiritu.“ Huc ergo redit illa mors animae Dei cognitione destitutae, ut deorsum vergat, nec Spiritus auxilio sursum feratur. At si deorsum vergit et materiam quaerit, non est profecto mortua et destructa. Sine causa ergo vir doctissimus duo animarum genera distinxit apud Tatianum, quarum aliae moriantur, aliae solvantur. Nullas agnoscit Tatianus quae non solvantur a corpore, nullas quae moriantur cum corpore.

Multis aliis rebus declarat Tatianus animas etiam malorum usque ad resurrectionem permanere. Cum nonnulli animabus corpore solutis ea tribuerent, quae daemonum operatione fieri solent, sic eorum opinionem refellit, c. 16: „Porro daemones, qui hominibus imperant, non sunt animae hominum. Quo enim pacto efficaces etiam post mortem fierent? Nisi forte homo, quamdiu vivit, insipiens et invalidus est: mortuus autem efficaciore praeditus facultate creditur. Sed neque res ita se habet, ut alibi demonstravimus, et perdifficile est existimare animam immortalem, cum e corpore, cuius membris impeditur, migraverit, sagacior fieri.“

Vides Tatianum hic agere de animabus impiorum, a quibus nonnulli plurima in humanum genus mala proficisci existimabant. Negat Tatianus eiusmodi animas eadem ac daemones praestare, sed in certissimi principii loco statuit eas, cum e corpore migraverint, superesse et immortales esse. Hominem „immortalitatis imaginem“ a Verbo creatum dicit c. 7.

Non aliam ergo mortem animae suspicatus est Tatianus praeter eam, quae a peccatis Spiritum sanctum arcentibus proficiscitur. Sic enim statuit hominem, si templum sancti Spiritus non fuerit, „sola voce a belluis differre, caetera vero eiusdem esse ac illas conditionis, ut qui non sit similitudo Dei.“ Minime ergo mirum, si mortuos existimat qui se a Spiritu sancto abstraxerunt. De eiusmodi morte accipiendum quod ait c. 9: „Quid est quod ex fato prae avaritia vigilas? Cur ex fato saepe cupidus saepe moreris?“

In eandem sententiam ait daemones et quotidie mori, cum homines peccare docent, et tum maxime morituros, cum in supplicia detrudentur. „Daemones non facile moriuntur,“ inquit c. 14, „sunt enim carnis expertes; sed viventes mortis instituta exercent, toties nimirum et ipsi morientes, quoties ad peccandum sectatores suos erudierint. Itaque quod nunc illis praecipuum est, ut similiter ac homines non moriantur, id minime effugient, cum incipient puniri, nec vitae aeternae participes mortem quamdam in immortalitate sortientur. Quemadmodum enim nos, quibus nunc mori facile contingit, postea cum voluptate immortalitatem vel dolorem cum immortalitate percipiemus: sic et daemones, qui praesenti vita ad peccandum abutuntur ac per totam vitam moriuntur, rursus immortalitatem habebunt natura quidem eandem ac dum viverent, supplicii autem ratione similem illorum hominum, qui ex animi sui sententia gessere, quidquid daemones viventibus praescripserant.“

IV. Huc redigi potest tota Iustini et Tatiani de animae immortalitate doctrina: hanc negant sua natura immortalem

esse, sed tantum Dei voluntate: mortalem illam dicunt, quatenus in vitia labitur. Utraque loquendi ratio usitata apud antiquos. S. Irenaeus animas Dei voluntate, non sua natura immortales esse docet. „Quemadmodum enim coelum,“ inquit lib. 2. c. 34. n. 2, „et reliquae stellae et omnia ornamenta ipsorum, cum ante non essent, facta sunt, et multo tempore perseverant secundum voluntatem Dei, sic et de animabus et de spiritibus et omnino de omnibus his quae facta sunt cogitans quis minime peccabit, quando omnia, quae facta sunt, initium quidem facturae suae habeant, perseverant autem quoadusque ea Deus et esse et perseverare voluerit.“ Quod autem spectat ad illam animae mortem, quae ex nequitia et aeternis cruciatibus ducitur, nihil magis consentaneum Scripturae et patrum loquendi consuetudini. Nihil aliud sibi vult secunda mors in Apocalypsi pluribus locis memorata. Mors illa, quae per unum hominem intravit, mors est animae et corporis. „Diabolus ad operandam duplicem mortem nostram,“ inquit Augustinus lib. 4 De trin. n. 15, „simplicem attulit suam. Per impietatem namque mortuus est in spiritu.“ Idem lib. 14. n. 6: „Habet quippe et anima mortem suam, cum vita beata caret.“ Et lib. 2. n. 15: „Ipsa mutabilitas non inconvenienter mortalitas dicitur, secundum quam et anima dicitur mori.“ Plura colligere non libet in re manifesta et explorata.

V. Satis superque monstratum spero nihil Iustinum de immortalitate animarum sensisse, quod non Christi martyre dignissimum sit; at alia non levis superest quaestio, an daemones et malos homines iam nunc igne torqueri crediderit.

Vix dubium quin Iustinus supplicia ad extremum et generale iudicium dilata putaverit. Id diserte docet in locis modo citatis discipulus illius Tatianus, qui nondum a magistri doctrina defecerat, cum Orationem adversus Graecos scriberet. S. Martyris sententia ex his verbis perspicui potest in Apol. I. c. 28: „Apud nos enim,“ inquit, „princeps malorum daemonum serpens vocatur et satanas et diabolus,

ut potestis ex litteris nostris scrutando perspicere. Hunc praemonstravit Christus cum ipsius exercitu et assectantibus hominibus in ignem missum iri, ut in infinitum aevum excrucientur. Interposita enim mora, quominus id Deus hactenus perficeret, propter humanum genus contigit.“ In eandem sententiam spectat quod S. Martyr Irenaeo teste dicebat, daemonem, antequam Christus veniret, nondum certo scivisse sese damnatum esse, ita ut se ipse stulta illa opinione frustraretur, quasi Deum latuisset. „Bene,“ inquit lib. 5. c. 26 Irenaeus, „Iustinus dixit, quoniam ante Domini adventum numquam ausus est satanas blasphemare Deum: quippe nondum sciens suam damnationem.“ Observat Petavius lib. 3 de angelis c. 3 et 4 hanc Iustini opinionem quoad ignorantem damnationis sequutos esse auctorem carminis in Marcionem lib. 1. c. 3, Eusebium lib. 4 Hist. c. 18, Epiphanium Haeres. 39, Isidorum Pelusiotam lib. 2. epist. 90, Oecumenium in cap. ultim. 1 Petr., nec immerito inde sequi existimat hos scriptores diaboli in aeterno igne supplicia in extremum iudicium dilata credidisse.

At quod iisdem patribus attribuit lib. 1 cap. 8, „daemonem spem nonnullam habuisse obtinendae per Christum salutis,“ id Epiphanio quidem attribui potest; id enim aperte declarat; at Iustini et eorum, qui illius verba aut retulerunt, ut Irenaeus et Eusebius, aut, ut auctor carminis in Marcionem, Isidorus et Oecumenius, imitati sunt, alia videtur esse causa. Hanc enim rationem affert Irenaeus, cur diabolo Iustinus nondum de sua damnatione exploratum fuisse dixisset, „quoniam et in parabolis et allegoriis a prophetis sic de eo dictum est. Post autem adventum Domini ex sermonibus Christi et apostolorum eius discens manifeste, quoniam ignis aeternus ei praeparatus est ex sua voluntate abscedenti a Deo, et omnibus qui sine poenitentia perseverant in apostasia: per huiusmodi homines blasphemant eum Deum, qui iudicium importat, quasi iam condemnatus, et peccatum suae apostasiae conditori suo imputat, et non suae voluntati et sen-

tentiae: quemadmodum et qui supergrediuntur leges, et poenas dant, queruntur de legislatoribus, sed non de semet ipsis.“ Nullum hic vestigium spei in Christum Dominum; dubitationem satanae ac sortis suae ignoracionem ex eo repetit, quod illius condemnatio non tam aperte in veteri testamento quam in novo fuisset praedicata. Quinetiam satanam Irenaeus eo stultitiae existimat pervenisse, ut Deum latere tentaret, non per seipsum, sed per haereticos blasphemando. „Nam ipse per semetipsum,“ inquit ibidem Irenaeus, „nude non audet blasphemare suum Dominum, quemadmodum et initio per serpentem seduxit hominem, quasi latens Deum.“ Numquam ergo Iustinus et Irenaeus opinati sunt satanam sperasse in Christum, sed potius summam illius stultitiam arguunt, qui se Deum latere posse existimaverit. Quod autem debita illi ignis supplicia ad extremum iudicium reiciunt, hanc opinionem Petavius lib. 3 de angelis cap. 4 spectatissimis quibusque patribus, inter quos recensere poterat Hilarium in psalm. 143, probatam, a S. Thoma sine erroris nota memoratam et a Caietano sine erroris crimine fuisse propugnata[m] contendit. „Veterum opinio,“ inquit, „etsi hoc tempore recepta non est, quia daemones damnationis suae poenas omnes expendere, quae quidem essentiales vocantur, theologi fere sentiunt, non est tamen erroris, nedum haeresis accusandus qui asserat diabolum et eius angelos nondum extremo ac summo supplicio cruciari, sive ignis efficientiam experiri, in qua damnationis illorum, quod ad sensum et perpressionem attinet, summa consistit.“ Idem de Caietano sic loquitur: „Caietani sententiam catholicae fidei contrariam non esse certum est. Nam neque Scriptura neque concilium ullum hactenus docuit daemones extrema illa supplicia perpeti, quae parata iis esse ipse iudex dicit.“ Unde eruditus operum S. Irenaei editor D. Renatus Massuet, Dissert. 3. art. 9, captum in manifesta calumnia Grabium et constrictum tenet, romanam ecclesiam reprehendere ausum,

quod „ut in aliis, ita et in hoc a sanctorum patrum ipsorumque sui fundatorum Petri et Pauli sententia discesserit.“

Caeterum sancti patres, dum ignis supplicium ad extremum iudicium reiiciunt, non idcirco videri debent diabolus interim cruciatu omni eximere. Quod quidem ex his S. Hilarii verbis probatur. „Adventu enim Domini,“ inquit in psalm. 143, „confracta et contrita diaboli potestas est, cum fidei sanctorum hominum subiectus est, non quod non adhuc potentiae suae maximas habeat vires, sed per id quod utcumque subiectus est, praesentis subiectionis conditione ultioni et poenae legitimae praeparatur: ut nunc per hanc eandem subiectionem tactus fumet, licet nondum totus uratur: sed per id, quod interim fumare potuit, et uri posse noscendus est.“ His adiungere possumus quod ait idem Hilarius lib. contra Constantium c. 8 daemones ad martyrum „veneranda ossa mugire, et uri sine ignibus:“ quod quidem multi alii antiqui scriptores testati sunt, ut eruditae ad hunc S. Hilarii locum annotationes probant.

VI. S. Martyr nequaquam ut daemonum, ita et malorum hominum cruciatus in extremum iudicium reiicit. Videri tamen posset reiicere in testimoniis supra allatis, in quibus malos homines cum daemonibus coniungit, et utrisque parata esse ignis supplicia decernit. At alibi diserte declarat malorum animas modo torqueri. Sic loquitur in Cohort. c. 35: „Nihil enim in maiores vestros peccabitis, si nunc in contrariam illorum errori partem ferri velitis; quos quidem verisimile est nunc in inferno sera poenitentia ductos lugere: ac si fieri posset ut inde vobis nuntiarent, quae sibi post finem huius vitae evenerunt, nosceretis profecto quantis vos malis liberatos velint.“ Et in Apologia 1. c. 12: „Vobis autem adiutores omnium hominum maxime et auxiliarii ad pacem sumus, qui haec docemus, fieri omnino non posse, ut Deum lateat maleficus aut avarus aut insidiator aut virtute praeditus, ac unumquemque ad aeternam sive poenam sive salutem pro meritis actionum proficisci.“ Et c. 20: „Cum

autem iniquorum animas puniri sensu etiam post mortem praeditas dicimus, bonorum autem a suppliciis liberatas praeclare se habere; eadem ac poetae et philosophi dicere videbimur.“ Liquet Iustinum de animarum ante resurrectionem statu agere, iamque iniquos cruciatibus addictos pronuntiare. Sic etiam senex ille christianus, cuius testimonium supra attuli, malorum animas in deteriore loco iudicium dicebat exspectare. Quamobrem cum ait Iustinus malos homines cum daemonibus post iudicium extremum aeterno igni addictum iri, id de novo illo statu accipiendum, in quo non iam sola anima, sed ipsum etiam corpus cum anima torquetur.

Ipsa Iustini sententia de venturo ad Antichristum debellandum Christo, ac „illum et obedientes ei in stagnum ignis,“ ut ait Irenaeus lib. 4. cap. 30, missuro, argumento est illum agnovisse inflicta malis hominibus ante extremum iudicium ignis supplicia.

CAPUT XII.

DE HIS QUAE AD REGNUM MILLE ANNORUM PERTINENT.

I. De animarum statu usque ad resurrectionem sententia Iustini. II. De Antichristo. III. De Eliae adventu et Iudaeorum conversione. IV. De secundo Christi adventu. Sic loquitur Iustinus quasi statim iudicium futurum sit. V. Nihil Iustinus admittit, quod redivivis corporibus non congruat.

I. Celeberrima Millenariorum sententia, in qua defendenda secundas post Papiam sustinuit Iustinus, plura continet opinionum commenta, quorum alia S. Martyri affingi non debent, alia ab eo propulsari non possunt. Accusantur Millenarii quod sanctis Dei visionem ante generalem omniam resurrectionem denegent: quod ante hanc generalem resurrectionem iustos omnes in hanc vitam redituros et mille annis cum Christo Hierosolymis victuros dicant: quod in hoc terreno Christi regno circumcisionem et sabbata summamque voluptatum etiam corporearum copiam somnient. Expenden-

dum nobis est his de rebus quid Iustinus statutum habuerit, nec illud omittendum an hoc erratum, quod ei cum pluribus patribus commune est, tanti existimandum sit, ut eorum in aliis rebus testimonii auctoritas minuatur.

Quae de sanctorum ante incarnationem statu dixit Iustinus, ea immerito nonnulli existimarunt de his etiam qui post Christi ascensionem obierunt dicta esse. Cum sibi persuasisset S. Martyr animam Samuelis vere artis magicae opera evocatam fuisse, inde colligebat animas iustorum nondum ab omni maiarum virtutum dominatu liberas ante incarnationem fuisse. „Apparet autem,” inquit Dialog. c. 105, „animas eiusmodi iustorum et prophetarum sub potestatem talium virtutum cecidisse, qualem virtutem et in ventriloqua illa fuisse rebus ipsis declaratur.” Absurda sane opinio, sed quae multo absurdior foret, si, id quod neque Iustino neque aliis, qui similia dixerunt, affingi debet, is tribueretur malis virtutibus in sanctos dominatus, ut eos arbitrio suo vexarent et mulcarent. Hoc tantum ex Iustini verbis colligitur, id daemonibus interdum, Deo permittente, in sanctorum animas licuisse, quod semel diabolo in ipsius Christi corpus, non sine Christi permissu, licuit.

Quod autem spectat ad sanctos post Christi ascensionem mortuos, vehemens sane exstitit Iustinus in haereticis illis refellendis, qui animas, statim atque e corpore solutae essent, in coelorum apsidem evehebant, ita ut nihil prorsus ad beatitudinem accessurum dicerent, nec ullam resurrectionis spem aut desiderium relinquerent. Sic loquitur Dialog. c. 80: „Si incidistis in nonnullos, qui Christiani quidem vocantur, haec autem minime tenent, sed etiam Deum Abrahae et Deum Isaac et Deum Iacob blasphemiis appetere audent, ac nullam esse mortuorum resurrectionem, sed statim atque moriantur, animas suas in coelum suscipi dicunt: cavete ne eos existimetis Christianos.” Illa de animabus statim in coelum avolantibus opinio non videtur Iustino praecipuus esse haereticorum error; inde illius potissimum orta indignatio, quod resurrectionis et creatoris

odio haec dicerent. In Actis martyrii S. Iustini haec legimus: „Tum praefectus conversus ad Iustinum dixit: Audi tu qui eloquens esse diceris, et putas te veram disciplinam tenere. Si flagellis caesus capite plectaris, persuasumne habes fore ut in coelum ascendas? Cui Iustinus: Spero, inquit, me habiturum quod habent qui Christi dogmata servaverint, si haec ipsa quae dicis perpessus fuero. Scio enim omnibus qui ita vixerint divinam gratiam conservari, quoad totus mundus consummetur. Ad haec praefectus Rusticus: Ergo futurum opinaris, ut in coelum ascendas, mercedem aliquam recepturus? Non opinor, inquit Iustinus, sed scio et hoc tam certum habeo, ut nihil dubitem.“ Difficile non est animadvertere quid intersit inter praefecti interrogationem et responsionem Iustini. Praefectus putabat martyres sperare se in coelum statim evoluturos, ac scire avet an Iustinus eadem spe teneatur. Iustinus non obscure mercedem illam in tempus resurrectionis reiecit, „ac divinam gratiam conservari,“ ait, „quoad totus mundus consummetur.“

Sed quocumque in loco animas sanctorum ante resurrectionem collocet Iustinus, iam tum eas beatitudine aeterna et Dei visione perfrui non obscure declarat in utraque Apologia. Hanc enim causam affert cur Christiani libenter mortem oppetant pro Christo Apol. 1. c. 8: „Vivere nolumus obstricti mendacio. Aeternae enim ac purae vitae cupidi ad domicilium cum Deo universorum patre et opifice promissum contendimus, ac properamus ad confitendum, cum persuasum habeamus et credamus haec bona ab illis comparari posse, qui factis suis testati Deo fuerint se illum sectatos esse, ac illud apud eum domicilium adamasse, ubi nulla vitiositas reluctatur.“ In capite praecedenti duo alia ex eadem Apologia retuli testimonia, quorum in altero ait ab hac vita „unumquemque ad aeternam sive poenam sive salutem pro meritis actionum proficisci,“ in altero animas bonorum e corpore exeuntes beatas esse pronuntiat. In Apol. 2. c. 2 sic de Lucio martyre, aUripri iusso ad supplicium, loquitur

„At ille gratias etiam agebat, cum se ab improbis eiusmodi dominis ad Patrem ac regem coelorum proficisci cognosceret.“ Vid. c. 4. Non solus inter eos, qui mille annorum regnum admittunt, ita sensit Iustinus. Martyres eximios habere videtur Irenaeus. Sic enim de illis loquitur lib. 4. c. 33. n. 9: „Ecclesia omni in loco, ob eam quam habet erga Deum dilectionem, multitudinem martyrum praemittit ad Patrem.“ De omnibus sanctis Lactantius lib. 3. cap. 12: „Illi tamen,“ inquit, „qui de immortalitate disputant animi, intelligere debuerunt ideo propositam nobis esse virtutem, ut perdomitis libidinibus, rerumque terrestrium cupiditate superata, purae ac victrices animae ad Deum, id est ad originem suam, revertantur.“ S. Methodius, qui in oratione nona regnum mille annorum adoptat, in octava coelum virginibus e corpore solutis diserte promittit.

II. Quod spectat ad regnum mille annorum, nonnulla in hoc perperam expectato eventu observanda et distinguenda sunt, ut doctrina Iustini, quae nequaquam ordine exponitur, sed variis locis inspersa est, colligatur et illustretur.

Antequam Christus gloriose e nubibus veniat, Antichristum in terris crudeliter regnaturum et horribilia in Dei servos mala ac supplicia excogitaturum putabant. Iam illum pro foribus adesse existimabat Iustinus, Dialog. c. 32. Ex quo sequitur nequaquam ab eo adventum Christi dilatum fuisse in longum tempus. Nam regnum Antichristi annis tribus et sex mensibus coercebat, ibid. Tunc autem Christum e coelo cum gloria venturum asserit, „quando et defectionis homo, grandia etiam adversus Altissimum in terris loquens, nefanda audebit in nos Christianos,“ c. 110. Eadem habemus apud Irenaeum lib. 5. c. 30. n. 4: „Cum autem vastaverit Antichristus hic omnia in hoc mundo, regnans annis tribus et mensibus sex, et sederit in templo Hierosolymis, tunc veniet Dominus de coelis in nubibus, in gloria Patris, illum quidem et obediens ei in stagnum ignis mittens, adducens autem iustis regni tempora, hoc est requietionem, septimam diem sanctifica-

tam, et restituens Abrahae promissionem haereditatis: in quo regno ait Dominus multos, ab oriente et occidente venientes, recumbere cum Abraham et Isaac et Iacob.“ At inter Antichristi regnum et Christi adventum duo intercedunt memorabiles eventus, Eliae missio et Iudaeorum conversio.

Quamvis Iudaeis minime dissimulet Iustinus quidquid eorum obstinatus in errore animus merito audiebat, nusquam tamen eis exprobat extremum illud scelus, quod Antichristum adorando seque illius legibus subiiciendo admissuri ferebantur. Id conceptis verbis declarat Irenaeus lib. 5. c. 25. n. 4: „Et Dominus autem hoc item non credentibus sibi dicebat: *Ego veni in nomine Patris mei, et non recepistis me: cum alius venerit in nomine suo, illum recipietis*: alium dicens Antichristum qui alienus est a Domino, et ipse est *iniquus iudex*, qui a Domino dictus est, quoniam *Deum non timebat, neque hominem reverebatur*, ad quem fugit vidua oblita Dei, terrena Hierusalem, ad ulciscendum de inimico. Quod et faciet in tempore regni sui: transferet regnum in eam et in templo Dei sedet, seducens eos qui adorant eum, quasi ipse sit Christus.“ Hieronymo teste Millenarii Iudaeos Antichristum sectaturos ac postea illum relicturos sentiebant. Illud enim Osee, „seducam eam,“ ex c. 2. v. 14, referebant „ad Antichristi tempus, ut qui Christi non receperint veritatem, illius recipiant mendacium, et postea Christo adveniente salventur.“

III. Haec Iudaeorum conversio et Eliae missio ad hoc opus exsequendum discrete a S. Iustino memorantur. Declarat Eliam cum gloria et splendore venturum, ut quemadmodum eius spiritus in Ioanne primi et humilis adventus praecursor exstitit, ita ipse secundi et gloriosi praecursor sit. Cum diceret Trypho nondum venisse Christum, quia nondum venit Elias qui illum uncturus est, respondet Iustinus „Eliam terribilis et magni diei, id est secundi adventus, praecursorem futurum.“ „Atque hoc ipsum,“ inquit c. 49, „Dominus noster inter ea, quae docuit, futurum esse tradidit, cum

Elia quoque dixit esse venturum. Quod quidem futurum nos esse scimus, cum e coelis gloriose Dominus noster Iesus Christus venturus est, cuius quidem primi etiam adventus Spiritus Dei, qui erat in Elia, praeco praecessit in Ioanne vestri generis propheta.“ Et paulo post: „Quemadmodum, cum Moyses adhuc inter homines versaretur, transtulit Deus in Iesum ex eo spiritu, qui erat in Mose, ita ab Elia in Ioannem transferre potuit Deus: ut, quemadmodum Christus priore adventu inglorius apparuit, ita etiam illius spiritus, qui in Elia purus semper et integer manebat, itidem ut Christi, inglorius primus adventus intelligeretur.“

Hoc Eliae ministerium Iudaeorum imprimis conversioni destinatum videbatur. Non enim dubium erat Iustino, quin Iudaeos Christus adveniens suscepturus esset, et cum aliis fidelibus bonorum in urbe Ierusalem promissorum participes facturus. „His verbis,“ inquit c. 33, „*Iuravit Dominus et non poenitebit eum: Tu es sacerdos in aeternum secundum ordinem Melchisedech*, iureiurando Deus propter incredulitatem vestram interposito pontificem illum secundum ordinem Melchisedech esse declaravit, hoc est, quemadmodum Melchisedech sacerdos Altissimi fuisse a Mose scriptus est, isque eorum qui in praepotio sacerdos erat, ac Abrahamo decimas ipsi in circumcisione offerenti benedixit: sic Deus aeternum suum sacerdotem, qui et Dominus a Spiritu sancto vocatus est, eorum qui in praepotio sacerdotem futurum et circumcisos quoque ipsos ad eum accedentes, id est in eum credentes et benedictionem ab eo quaerentes, suscepturum et illis benedicturum declaravit.“ Tertullianus ad hunc locum citatus haec de Iudaicae gentis futura conversione intellexit.

Haec confirmari possunt alio ex loco, ubi Trypho, his quae ex Iustino audierat de nova terrestri Ierusalem mirum in modum delectatus, quaerit an vere et ex animo Iustinus ita loquutus fuerit. C. 80: *Εἰπὲ δέ μοι, ἀληθῶς ὑμεῖς ἀνοικοδομηθῆναι τὸν τόπον Ἱερουσαλὴμ τοῦτον ὁμολογεῖτε, καὶ συνα-*

χθῆσθαι τὸν λαὸν ὑμῶν καὶ εὐφρανθῆναι σὺν τῷ Χριστῷ,
 ἀμα τοῖς πατριάρχαις καὶ τοῖς προφήταις καὶ τοῖς ἀπὸ τοῦ ἡμε-
 τέρου γένους ἢ καὶ τῶν προσηλύτων γενομένων πρὶν ἔλθεῖν
 ὑμῶν τὸν Χριστόν, προσδοκᾶτε, ἢ, ἵνα δόξης περικρατεῖν ἡμῶν
 ἐν ταῖς ζητήσεσι, πρὸς τὸ ταῦτα ὁμολογεῖν ἐχώρησας; „Sed
 age dic mihi: vere hunc vos Hierosolymorum locum instauratum
 iri fatemini, ac populum vestrum congregatum iri et cum Christo
 beate victurum exspectatis, una cum patriarchis et prophetis
 ac hominibus nostri generis aut qui antequam Christus vester
 adveniat conversi fuerint: an, ut nos videaris abunde in
 controversiis superare, eo confugisti ut haec fatereris?“
 Credideram haec verba, πρὶν ἔλθεῖν ὑμῶν τὸν Χριστόν, de
 primo adventu dicta esse, ac proinde quae praecedunt intel-
 ligenda de Iudaeis eorumque proselytis, qui fide ante in-
 carnationem salvi facti sunt: sed, re accuratius considerata,
 Tryphonem loquutum esse puto de secundo adventu ac de
 Iudaica gente ad Christum, Eliae ministerio, convertenda, et
 iis qui se ex illa gente ante generalem illam conversionem
 Christianis adiunxerant aut adiuncturi erant. Quod enim
 concesserat Iustinus, id Tryphonem tanta laetitia perfudit,
 ut vix illud credat: suspicatur Iustinum ita egisse fiducia
 virium suarum, non quod vere et ex animo ita sentiret. At
 profecto si hoc tantum concessisset Iustinus Hierosolymam
 quidem instauratum iri, at Iudaeos in eam non ingressuros,
 sed cum Antichristo in summum exitium venturos: eiusmodi
 opinio delinire Tryphonem non debuit, sed potius ira et
 furiis incendere. Sed cum Iudaei sperarent se Ierusalem ex
 captivitate, in quam inciderant, revocatum iri, ibique cum
 eo quem sibi fingeabant Christo omnibus imperaturos genti-
 bus: non potuit Tryphoni gratum non accidere quidquid ad
 hanc sententiam accommodate Iustinus et alii Millenarii de
 Iudaeis Hierosolymam revocandis opinati sunt. Deinde vero
 respicit Trypho ad ea quae Iustinus dixerat c. 28, cum sic
 Iudaeos adhortaretur: „Ne differatis neve dubitetis mihi,

homini incircumciso, credere. Breve enim hoc vobis relinquitur ad nos accedendi tempus. Si Christus venire occupaverit, frustra vos poenitebit, frustra plorabitis; neque enim vos exaudiet.“ Haec in memoriam habens Trypho ita se ad Iustini monita accommodat, ut ex Iudaeis ante gentis conversionem mortuis aut morituris nullum in novam Ierusalem admittat, nisi qui Christo nomen dederit. Quare eius verba, ἡ καὶ τῶν προσηλύτων γενομένων, non de Iudaeorum ante incarnationem proselytis accipienda, sed de ipsis Iudaeis Christianorum factis proselytis ante secundum adventum atque illam populi Iudaici sub Eliae ministerio conversionem.

IV. Ut de Antichristi bellis et victoriis, ita et de poenis, quas Christus gloriose e coelo adveniens ab Antichristo et a regibus cum Antichristo coniunctis repetiturus erat, non multa habemus apud Iustinum. Vix tamen dubium quin ea senserit quae Irenaeus et Lactantius his de bellis et victoriis scripserunt; ait enim c. 39 fore ut Christus in glorioso adventu excidat omnes inimicos. „Christum crucifixum,“ inquit c. 49, „tremunt daemonia et omnes prorsus principatus et potestates terrae.“ Et c. 121: „Ipsi etiam daemones eius nomini subiiciuntur, ac principatus omnes et regna nomen eius supra omnes defunctos reformidant.“ Et c. 11: „Est enim et erat et erit unius ac solius ista vis, cuius vel nomen principatus omnis reformidat, tabescens quod per illum evertendus sit.“ Vid. c. 131.

Illud autem maxime observandum est, Iustinum, etsi mille annos interponit inter secundum Christi adventum et extremum iudicium, sic tamen loqui solere quasi nihil intervalli inter utrumque eventum intercedat. Iudaeis c. 35 salutem aeternam credentibus promittit „in secundo adventu, qui gloriosus futurus est,“ non credentibus aeternum ignem minatur. Sic etiam c. 45 futurum ait, ut „mors in secundo ipsius Christi adventu ab his, qui in eum credunt et ita vivunt ut ipsi placeant, penitus facessat, nec iam amplius ulla sit, cum alii in iudicium et condemnationem ignis perpetuo

cruciandi mittentur, alii vero perpeſſionis et corruptionis et doloris expertem ſtatum atque immortalitatem conſequentur.“ Hinc ſaepe Iudaeorum, qui Chriſtum crucifixerunt, ſeram in ſecundo adventu poenitentiam et inutiles planctus commemorat. Agit c. 14 de duplici adventu, quorum in altero plangent Iudaei interfectores Chriſti. Et c. 32, revocans in memoriam ea quae c. 14 dixerat, ſic loquitur: „Si non expoſuiſſem duplicem illius adventum, alterum in quo punctus eſt a vobis, alterum in quo agnoſcetis in quem pupugisti, et plangent tribus vestræ, tribus ad tribum, mulieres ſeorſum et viri ſeorſum: obſcura et incerta dicere viderer.“ Planctum Iuſtinus non eum intelligit, quem edent Iudaei ad Chriſtum accedentes, ſed ploratum et eiulatus, quos Chriſtum, „ſi venire occupaverit,“ exauditurum negat c. 28. Hortatur Iudaeos c. 118 ut poenitentiam agant, „antequam veniat magnus ille iudicii dies, in quo plangent quicumque ex illorum tribubus Chriſtum pupugerunt.“

Videtur Iuſtinus idcirco iudicium extremum cum ſecundo adventu coniungere, quamvis utrumque ſepararet, quia, antequam hanc de regno mille annorum doctrinam adoptaret, ta loqui aſſueverat, nec eum nova opinio a conſuetudine communis ſermonis abſtraxit. Non enim veriſimile eſt eum duo admiſiſſe iudicia, itidem ut Lactantium lib. 7. c. 20, primum in ipſo Chriſti adventu, in quo „iudicabuntur ii tantum qui ſunt in Dei religione verſati,“ alterum poſt mille annos.

Valde dubito an hac regni terreni opinione imbutus fuerit Iuſtinus, cum primam Apologiam ſcripſit. In hac enim nullum huius commenti veſtigium reperio, quamvis multae occaſiones occurrerent de hiſ rebus diſſerendi, praeſcipue vero de tristi romani imperii exitu, ex quo terror incuſi poterat perſequentoribus. Neque iſ erat Iuſtinus, qui aut metu veritatem diſſimularet, aut iuſtam libertatem cum debita imperatori reverentia conciliare non poſſet. Quin etiam in hac Apologia reſurrectionem bonorum et malorum et iudicium extremum cum ſecundo adventu ſic coniungit,

ut non sermonem tantum, sed et sententiam communem sequi videatur. „Duos enim illius adventus,“ inquit c. 52, „praedixerunt prophetae: unum, qui iam exhibitus est, tamquam despecti et passibilis hominis, alterum autem, quando cum gloria e coelis una cum angelico ipsius exercitu advenurus praedicatur, quando et corpora exsuscitabit omnium, quicumque exstiterunt, hominum, ac dignorum quidem corpora induet incorruptione, iniquorum autem in perpetuo sensu cum pravis daemonibus in ignem aeternum mittet.“

Quonam in loco iudicium de omnibus hominibus facturus sit Christus, nec Irenaeus nec Lactantius dixerunt. At Iustinus id non tacuit. Futurum enim ait Dialog. c. 40, ut Iudaei „in eodem Hierosolymorum loco“ eum agnoscant, quem contumelia affecerunt.

V. Non magno conatu opus est, ut a Iustino et Irenaeo et aliis eiusmodi propulsemus quidquid regni terrestris opinio habuit maxime vitiosi, sabbata, sacrificia, circumcisionem et corporeas voluptates. Quia tamen nonnulli, in his Tillemontius tom. 2. p. 424, negant eos exclusisse ab hoc statu necessitatem edendi et bibendi, non leviter praetermittenda res est. Iustinus Dialog. c. 51 ait praedixisse Christum „se multa a Scribis et Phariseis pati oportere, et crucifigi et tertio die resurgere, ac futurum ut iterum Hierosolymam veniret, tumque una cum discipulis ederet ac biberet, ac interea, dum veniret, in ipsius nomine sacerdotes et prophetae falsi prodirent.“ Cum Christum lego una cum discipulis edere et bibere, non metuo ne iustos redivivos adstringat Iustinus quotidiana cibi et potus indigentia, sed spirituales delicias intelligo, quibus Christum in nova Ierusalem iustos potaturum existimabat. Spiritualiter enim intelligit illud Christi (c. 120): „Venient enim ab oriente et occidente et recumbent cum Abraham et Isaac et Iacob in regno coelorum.“ Vitam ab omni corruptione immunem in hoc terreno regno promittit c. 24, ubi sic loquitur: „Adeste mihi omnes, qui timetis Deum, qui bona Ierusalem videre cupitis. Venite,

accedamus ad lucem Domini; liberavit enim populum suum, domum Iacob. Venite omnes gentes, conveniamus in Ierusalem, quae non amplius expugnatur propter peccata populorum.“ Et c. 139: „Christus secundum omnipotentis Patris virtutem ipsi traditam advenit, ac, in amicitiam et benedictionem et poenitentiam et convictum vocans, futuram in eadem terra sanctorum omnium possessionem, ut iam demonstratum est, promisit. Unde quacumque ex regione sive servi sive liberi, credentes in Christum, et eorum quae tum ab ipso tum a prophetis tradita sunt veritatem agnoscentes, sciunt se una cum eo in illa terra futuros et aeterna ac incorrupta bona haereditate accepturos.“ Multi opinionem Millenariorum sinistre prorsus interpretati sunt, dum minus animadvertunt Scripturae testimonia, in quibus summa rerum ad victum et cultum pertinentium copia ac magna filiorum multitudo promittitur, sic intellecta a patribus fuisse, ut spiritualia bona iustis redivivis, corporea iis attribuerent quos Christus in terra vivos inveniet. Vid. annotationem ad c. 81. Manifesta est haec distinctio apud Irenaeum, qui lib. 5. c. 35. n. 1 testimonia Scripturae „in resurrectionem iustorum sine controversia dicta esse“ contendit „quae fit post adventum Antichristi, et illos quos Dominus in carne inveniet, expectantes eum de coelis, et perpressos tribulationem, qui et effugerunt iniqui [scil. Antichristi] manus. Ipsi autem sunt de quibus ait propheta: *Et derelicti multiplicabuntur in terra.*“ Haud dubium quin postremis etiam attribuat quae sequuntur apud Esaiam LXV. 21, quaeque paulo ante citata ab Irenaeo fuerant: „Et aedificabunt domus, et ipsi inhabitabunt et pastinabunt vineas et ipsi manducabunt.“ Quare quae de iustis cum Christo bibentibus de genimine vitis dicit Irenaeus, c. 33. n. 1, non tam mihi videntur quotidianum cibi et potus indicare usum ad fulciendam indigentiam, quam facultatem edendi et bibendi, qualem Christus habuit post resurrectionem ad carnis veritatem adstruendam.

CAPUT XIII.

DE NONNULLIS IN IUSTINO PERPERAM REPREHENSIS, ATQUE UTRUM EA QUAE MERITO REPREHENDUNTUR ILLIUS AUCTORITATEM IN ALIIS REBUS MINUANT.

I. Leves nonnullae reprehensiones obiter refelluntur. II. An merito Iustinus laudaverit martyres qui seipsos obtulerunt. III. Nonnulla errata Iustini eius auctoritatem minuere non debent. IV. Frustra ad everendam traditionem obiicitur opinio de regno mille annorum.

I. Tempus terere non libet in nonnullis uberius refellendis, quae censoris malevolum potius animum declarant, quam naevum opportune castigatum arguunt. Iustinum vellicat I. Barbeyracus in libro De doctrina morali patrum ecclesiae, quod his Christi verbis „Ne iuretis omnino“ nulla prorsus exceptione restrictis, Apol. 1. c. 16, cum ipse in ambiguo reliquerit, utrum iusiurandum etiam gravissima de causa legitimum duxerit, tum gentilibus credendi locum dederit iusiurandum a Christo prorsus sublatum et interdictum fuisse. Magnum sane piaculum a S. Martyre admissum, magnique erroris data occasio gentilibus, quod per Iovem iurare solitos non docuerit quibus locis et temporibus iurare liceat, quodque illis persuaserit Christianos Christi praecepto parere, dum ne gravissimis quidem cruciatibus adduci possunt, ut per fortunam Caesaris iurent. Sed tamen Christi verba non videtur Iustinus sine ulla prorsus exceptione accipere. Sic enim illius de iureiurando praeceptum refert: *Περὶ δὲ τοῦ μὴ ὀμνύναι ὅλως, τὰληθῆ δὲ λέγειν αἰεί, οὕτως παρεκελεύσατο· Μὴ ὁμώσητε ὅλως· ἔστω δὲ ὑμῶν τὸ ναὶ ναί, καὶ τὸ οὐ οὐ* etc. „Ne autem iuremus omnino, sed verum semper dicamus, sic praecepit: *Ne iuretis omnino, sed sit vestrum Est est, Non non*“ etc. Non obscure docet Iustinus nullum fore iurisiurandi usum, si vera semper homines dicerent, nec ullus esset mendacio locus. Sic enim interpretatur verba Christi, quasi dictum esset: Nolite omnino iurare, sed verum semper dicite. Itaque iusiurandum ob vigentia inter homines mendacia adhiberi statuit: consuetudini iurandi opponit con-

suetudinem vera in omnibus semper dicendi; alteram a Christo penitus sublatam putat, sed quatenus alteram Christus sancit et praescribit. Qui ita ratiocinatur, non eam iurisiurandi speciem damnatam existimat, cuius necessitatem nonnumquam imponunt iustae suspensiones ex dolis et mendaciis societatem turbantibus exortae.

Vituperat auctor fragmenti De resurrectione, quod in Appendice edidimus, „iniquum ex cupiditate matrimonium,“ τὴν δι' ἐπιθυμίας ἄνομον γάμον. Quomodo hanc sententiam carpere potuit idem scriptor? Quid enim magis consentaneum huic praecepto, ut omnia in caritate fiant, et sive manducamus sive bibimus sive aliud quid facimus „omnia in gloriam Dei“ faciamus? 1 Cor. X. 31.

Quod spectat ad audaciam illius adolescentis, qui praefectum Alexandriae libello oblato rogavit, ut medico licentiam daret testes ipsi resecandi, hoc facto utitur Iustinus Apol. 1. c. 29 ut argumento innocentiae Christianorum; rem ipsam legi divinae consentaneam esse non dicit: adolescentem laudat, quod negata hac licentia perpetuam virginitatem coluerit, minime vero, quod ipse, ut pravae interpretationes pluribus persuaserant, exsequutus fuisset quod medici negaverant.

II. Paulo attentius considerata S. Iustini de martyrio sententia, quae eiusdem eruditi viri censuram non effugit. Probatum fuisse (non enim dissimulanda res est) S. Martyri qui, caritate ferventes et Spiritu sancto repleti, semetipsos, nemine accusante, Christianos esse iudicibus nuntiarunt. Horum virtutis admiratione adductum fatetur se esse, ut innocentiam Christianorum agnosceret. „Nam et ipse ego,“ inquit Apol. 2. c. 12, „cum Platonis doctrina delectarer ac de criminibus in Christianos coniectis audirem, eos autem ad mortem et ad alia omnia, quae videntur metuenda, impavidos cernerem, fieri non posse intelligebam ut in nequitia et voluptatum amore viverent. Quis enim libidinosus et intemperans, ac humanae carnis epulas in bonis numerans, mor-

tem amplecti possit ut bonis suis careat, ac non potius in hac vita semper versari et magistratus latere conetur, nedum seipsum deferat morte damnandum? “ Minime ergo mirum, si laudes illius in eadem Apol. c. 2 meruere cum Lucius Martyr, qui S. Ptolemaeum ad supplicium abripi videns iniquitatem iudicis redarguit et statim confessus se esse Christianum simul abreptus est, tum tertius quidam superveniens et eodem supplicio damnatus. Quomodo eiusmodi martyres vituperasset Iustinus, qui non solum Christianum se esse a nemine in iudicium vocatus ultro professus est, sed etiam Christianorum defensorem, ac ipsos imperatores pro tribunali sedentes adire non dubitavit?

Fugam in persecutionibus laudabilem esse ac saepe omnino necessariam, res est Scripturae et traditionis praeceptis et exemplis ita certa et explorata, ut nemo refragari possit, nisi quem aut Montanistis aut persecutoribus S. Athanasii adiungi non pudeat. Sed tamen fugae praecepto non omnes semper obstricti tenentur: alioqui nec magnus Polycarpus vituperium effugeret, nec multi alii, qui, cum fuga sibi consulere possent, in manus satellitum venire maluerunt. Sic etiam debita tot martyribus, qui seipsos obtulerunt, reverentia eos tantum notari et culpari sinit, quos temerarius magis impetus quam caritas impulit.

Talis exstitit Quintus quidam, de quo Smyrnensis ecclesia sic iudicium suum interponit in epist. de martyrio S. Polycarpi n. 4: *Εἷς δὲ ὀνόματι Κοῖντος, Φρύξ, προσφάτως ἐληλυθὼς ἀπὸ τῆς Φρυγίας, ἰδὼν τὰ θηρία ἐδειλίασεν. Οὗτος δὲ ἦν ὁ παραβιάσμενος ἑαυτὸν τε καὶ τινὰς προσελθεῖν ἐκόντας. Τοῦτον ὁ ἀνθύπατος πολλὰ ἐκλιπαρήσας ἔπεισεν ὁμόσαι καὶ ἐπιθύσαι. Διὰ τοῦτο οὖν, ἀδελφοί, οὐκ ἐπαινοῦμεν τοὺς προσιόντας ἑαυτοῖς [leg. προσιέντας ἑαυτούς], ἐπειδὴ οὐχ οὕτως διδάσκει τὸ εὐαγγέλιον.* „Quidam vero nomine Quintus, natione Phryx, qui nuper ex Phrygia advenerat, cum vidisset bestias, timore percussus est. Ille porro erat qui seipsum et alios quodam temerario impetu incitavit, ut ultro accederent.

Huic proconsul multis obsecrationibus persuasit iurare et sacrificare. Propter hoc igitur, fratres, non probamus eos qui sponte se offerunt, quandoquidem non ita docet evangelium.“ Solus hic Quintus vituperatur, nec cum eo probrum partiuntur qui illius impetum, non lapsum sequuti sunt. Verbum illud παραβιάσμενος sua sponte temerarium impetum declarat; sed accedit auctoritas Eusebii, qui huius loci sensum non verba referens Hist. I. 4. c. 15 ait hunc hominem προπετέστερον ἀλλ’ οὐ κατ’ εὐλάβειαν, „temeritate quadam ac levitate ductum, non cum pio ac religioso motu, una cum aliquot aliis ad tribunal prosiluisse.“ Pro eo quod in epistola legitur, οὐκ ἐπαινοῦμεν τοὺς προσιόντας ἑαυτοῖς, observat Eusebius „non licere talibus hominibus ῥιποκινδύνως καὶ ἐνευλαβῶς κατατολμᾶν, praecipiti audacia ac sine ullo infirmitatis suae respectu periculis se oblicere.“ Unde haec notavit Cotelierius: „In his enarrandis paulo liberius nec satis fideliter versatus est Eusebius, metuens, opinor, ne martyribus plurimis, qui se iudicibus Deo instigante obtulerunt, praeeiudicium fieret.“ S. Clementis Alexandrini sententia, nisi eodem modo explicetur, quo epistolam Smyrnensem explicuit Eusebius, immoderata videbitur, ac non eos solum vituperare qui seipsos offerunt, sed eos etiam qui non fugiunt, Strom. 5. p. 508. Accuratius videtur S. Petrus Alexandrinus ea de re statuisset. In eis, qui sua sponte prodierant ad confitendum, prudentiam Christi et apostolorum exemplis consentaneam requirit, sed tamen cum eis communicandum declarat, „ut qui in Christi nomine hoc fecerint,“ ὅτε δὴ ἐν ὀνόματι Χριστοῦ παρερχομένοις εἰς τοῦτο, can. 9.

Nonnullae certe exstiterent occasiones, in quibus seipsum offerre laudabile omnibus videretur, cum nimirum ii, qui primo certamine superati sacrificaverant, reparatis viribus ad pugnam redirent. Lapsis communionem iusto citius poscentibus auctor est S. Cyprianus in epist. 14, ut ad pugnam redeundo optatam pacem consequantur. S. Petrus Alexandrinus can. 8 eis, qui secundo praelio, ad quod ultro pro-

dierant, victores fuerant, communionem concedit, eorumque actionem „perfectissimam poenitentiam“ esse declarat. Testatur vir doctissimus Eusebius Renaudot, Perpet. fid. tom. 5. lib. 3. c. 7, lapsis apud Cophtas et Iacobitas praescribi ut ad certamen redeant. Lenius egerunt sancti patres, nec iis, qui luctuosa infirmitatis specimina dederant, tantum onus imponendum duxerunt. Cur probari non solerent, qui se ultro offerebant, in causa fuit eadem humanae imbecillitatis consideratio, quae nonnumquam in iis, qui sponte ad certamen prodibant, infelices exitus habuerat.

Praecipue vero in Iustinum iniquus est idem scriptor, cum eum in eadem Apologia c. 4 ethnicis, Christianos ad mortem sibi ipsis inferendam hortantibus, ita respondere ait, ut actionem illam non vituperet. Litigiosum huius hominis animum agnoscat quisquis locum legere non gravabitur. Conceptis enim verbis declarat Iustinus Christianos contra Dei voluntatem venturos, si ita se gerant.

III. Sed fatendum est nonnulla esse, in quibus verum Iustinus non vidit. Praeter regnum mille annorum, angelos cum mulieribus stupri consuetudinem habuisse, versionem LXX interpretum divinitus inspiratam fuisse existimavit, atque hi naevi communes ei cum pluribus aliis veteribus scriptoribus fuerunt. Quid inde colliget cl. Barbeyracus? „Si tam oscitanter labi potuere,“ inquit c. 2. p. 14, „in eiusmodi rebus, quid auctoritatis tribuere possumus eorum consensui vel maxime unanimi in aliis rebus, in quibus aequae saltem obnoxii fuere aberrationibus falsae criticae ac deterioris philosophiae? Vel hoc unum exemplum inspirationis septuaginta interpretum, quae generatim credita fuit ante S. Hieronymum, ita nexum et colligatum est cum innumerabilibus erroribus, quos inde naturaliter consequi par erat, ut nihil amplius requiratur ad evertendam funditus patrum et traditionis auctoritatem, quam Scripturae audent adaequare.“

Mirae profecto hominis eruditi ratiocinationes! Sancti patres criticae praesidio destituti aut malae philosophiae

mysteriis initiati in nonnullis rebus erraverunt: nullius ergo ponderis in aliis rebus eorum consensus vel maxime unanimis. Quid absurdius in mentem venire poterat? Quorum enim dogmatum testes citamus sanctos patres, ab his quidem avertere potuerunt criticae defectus et vitiosa philosophia, minime vero ad ea excogitanda perducere. Testimonia petimus a sanctis patribus, ut probemus materiam ex nihilo creatam, unum esse in tribus personis Deum, omnes homines Adami peccato condemnatos, quia omnes in Adamo peccaverunt; Filium Dei nostrae salutis causa ex virgine vere genitum, verumque Deum et verum hominem esse; neminem iustificari posse, nisi per fidem, quae per caritatem in corda nostra a Spiritu sancto diffusam operatur; unam prorsus ecclesiam esse, cuius nec unitas umquam rumpi nec fides perverti poterit: extra quam Spiritus sanctus haberi non potest. Haec et alia eiusmodi dogmata ex mentibus elabi poterant, dum aut libri haeretici sub sancti alicuius nomine inscietur leguntur, aut philosophi audiuntur incautius. At quis umquam aut haereticos legendo aut philosophos audiendo ad hanc doctrinam, cui patrocinium a sanctis patribus petimus, pervenisse dicetur?

Scire etiam velim quaenam sit illa errorum infinita multitudo, quam ex septuaginta interpretum iactata inspiratione par erat perfluere. Nam cum ipsum Scripturae contextum divinitus inspiratum esse inter omnes conveniret, periculosius multo non erat interpretationem divinitus inspiratam credere, quam accurate et diligenter elaboratam. In utraque enim opinione sensus, quem interpretatio in aliena lingua repraesentabat, aequè a Deo traditus videri debuit. Non maior ergo inducta perniciēs ab his qui septuaginta interpretes a spiritu sancto afflatos fuisse dixerunt, quam ab his qui illorum in interpretando diligentiam laudarunt.

IV. Citat etiam cap. 1 idem scriptor ea quae auctores „Europae eruditae“ ad annum 1718 de regno mille annorum a pluribus ecclesiasticis scriptoribus adoptato sic pronunti-

ant: „Annon fieri potuit ut, qui cum apostolis vixerunt, eorum sententiam male intellexerint, sibi que visi sint ab eis accepisse doctrinam, quae tamen erronea esset? Hoc profecto fieri potest: non enim desunt exempla similium errorum. Dicebat Papias se ab apostolis accepisse (Euseb. Hist. V. 39) sanctos aliquando in terris regnatos cum Christo per mille annos: atque hoc dogma, etsi falsum, adoptatum fuit a praestantissimis christianismi viris, Iustino, Irenaeo, Nepote, Victorino, Lactantio, Sulpicio Severo, Quinto Iulio Hilarione, Commodiano, qui illud defendendo videbantur sibi apostolicam traditionem defendere. Operae ergo pretium esset nobis indicare, quibus notis cognosci possit patres non errare, cum ea nos docent quae ab apostolis accepisse se dicunt aut ab apostolicis viris. Ecce enim dogma falsum, traditione maxime venerabili fundatum.“ Postquam haec retulit Barbeyracus, de suo addit: „Diu expectabit auctor Diarii solutionem suae difficultatis.“

Si quod umquam exstitit sophisma sive quatuor ex terminis constans syllogismus, hic profecto exstat et manifesteprehenditur. Falsa reperitur opinio, quam ad se unus aliquis scriptor ab apostolicis viris pervenisse dicit: ergo in suspicionem venire debet tota illa traditio et dogmatum complexio, quam apostoli a Christo acceptam toti ecclesiae, non privato alicui, praedicandam et omnibus saeculis conservandam commiserunt. Unus ex scriptoribus ecclesiasticis erravit et errorem aliis propinavit, dum nonnulla se accepisse ab apostolicis viris ait: suspecta ergo universa ecclesia, dum summo consensu declarat se ab apostolis accepisse doctrinam. Plures ecclesiastici scriptores minus belle ratiocinati sunt, dum unum aliquem antiquiorem sequuntur ducem in rebus obscuris et incertis: nulla ergo illis attribuenda auctoritas, dum in manifestis et certissimis pro universae ecclesiae fide decertant.

Haud quidem facile veritas inveniretur, vel potius inveniri omnino non posset, si illam apostoli privatis homini-

bus commisissent, qui eam arbitrio suo, ut in sectis philosophorum, tractarent: at pretiosum illud depositum ecclesiae per totum orbem diffusae tradiderunt. Illud autem depositum, de quo ecclesia nec detrahi quidquam nec superaddi patitur, non ita semper omnibus suis partibus clarum et perspicuum est, quin difficiles oriantur interdum quaestiones, ac dogmata nonnulla ab his ipsis, qui totius traditionis servantissimi sunt, minus considerate laedantur. Hoc unum ergo quaeri deberet, quibus notis dignoscatur propria cuiusque scriptoris opinio ab his quae commissam ecclesiae traditionem praedicant. At hunc laborem ipsi nobis sancti patres minuerunt.

1º. Ipsam dogmatis summam sedulo discernunt sancti patres ab iis, quae aut ad explicanda Scripturae obscuriora loca aut ad solvendas haeticorum trias et cavillationes disserunt. „Primogenitum omnis creaturae“ Filium Dei nunc ob naturam humanam, nunc ob divinam dictum existimant; Arianorum et Eunomianorum sophismata non semper uno et eodem modo ab omnibus solvuntur; de Dei ignorance nunc hoc nunc illud dici patiuntur, modo nihil Christo affingatur quod Deo indignum sit. Num difficile est in eiusmodi rebus ipsum dogma ab iis, quae ad illius defensionem afferuntur, distinguere? Origenes, dum coniciendo luxuriat, nescio quo pacto in virgine deipara, quae cruci tam genere tamque constanter adstitit, constantiam ac firmam filio patiente fidem desiderat, Homil. 27 in Lucam. Origenem imitatus Basilius epist. 260 ac nonnulli alii, quos recenset Petavius lib. 14 de incarn. c. 1. Quis non videt eiusmodi coniecturam eruditae scriptoribus, ut est hominum ingenium, aliud agentibus excidisse? Quinetiam in iis, quae traditioni et Scripturae maxime consentanea disserunt, si tamen res sint nondum ab omnibus cognitae et diiudicatae, non eandem fiduciam praese ferunt ac in rebus ecclesiae iudicio firmatis. Consultus ab Honorato episcopo S. Augustinus, num episcopo et clericis fugere liceat, imminente obsidionis aut excidii periculo,

regulas statuit in epist. 228, in quibus summa ipsius sapientia enitescit; sed tamen sic disinit: „Haec tibi, quia me consuluisti, frater dilectissime, qua existimavi veritate et certa caritate rescripsi, sed ne meliorem, si inveneris, sequaris sententiam non praescripsi.“

2^o. Qui tam difficile esse putant veras et falsas traditiones internoscere, horum iniquitas eo manifestior, quod ipsi scriptores ecclesiastici, si qua in re aberrent a vero, opinionis commentum longe aliter defendant ac catholicam traditionem defendere solent. Ut pauca de innumeris afferam exempla, num Iustinus septuaginta interpretum eodem modo ac prophetarum inspirationem praedicat? Iudaeos in hoc tantum castigat cc. 68. 71. 72, quod elaboratam apud Ptolemaeum interpretationem immutare et vituperare audent, minime vero, quod divinitus inspiratam non credant. Christianos esse negat eos qui resurrectionem non credunt, Dialog. c. 80. At ibidem regni terrestri commentum sic defendit, ut purae et integrae fidei testimonium adversariis tribuat. Profitetur quidem se et resurrectionem et regnum mille annorum agnoscere, „et si qui recte in omnibus sentiunt Christiani,“ id est in iis etiam quae obscura et minime decisa. Nam alibi, nempe c. 39. catholicos fatetur totius doctrinae a Christo traditae retinentissimos esse. Quis nescit Cyprianum et Firmilianum in ea concertatione, quam cum Stephano habuerunt, sic propriam opinionem tenuisse, ut aliter sentire fas esse concederent, atque id unum arctissime defenderent, quod ab adversariis non negari quidem, sed tamen suscipiendo haereticorum baptismate laedi et everti putabant, nempe Spiritum sanctum extra ecclesiam haberi non posse?

3^o. Quoties haereses prodiere, magnum semper veritati praesidium in antiquis patribus positum fuit: nec eorum testimonio auctoritatem detraxit, si quid aliis in rebus aut minus vidissent aut minus accurate disseruissent. Nonnulla in Origene S. Athanasius non probabat; sed tamen illius

testimonium de Verbo consubstantiali, ut telum ineluctabile, in Arianos vibravit, tom. 1. p. 232. S. Augustinus in re obscura ac nondum decisa non patitur sibi, Origenis, Didymi, Eusebii Emiseni, Theodori Heraclaeotae et S. Ioannis Chrysostomi testimoniis, legem imponi ac eam libertatem eripi, quae in eiusmodi rebus concedenda est, ep. 82. n. 3 et 23. At in defendenda peccati originalis et gratiae doctrina Pelagianos premit testimoniis Cypriani, Hilarii, Gregorii et Ambrosii, eosque sic alloquitur: „Novos haereticos vos antiqua catholica fides, quam modo oppugnare coepistis, a praeclarissimis, qui fuerunt ante nos, doctoribus praedicata demonstrat.“ Op. imperf. lib. 1. n. 9. Neque ergo nixa unius aut alterius hominis testimonio traditio fundatam totius ecclesiae consensu traditionem debilitat, nec de eorum pondere, quae ad catholicae doctrinae defensionem antiqui scriptores docuerunt, detrahere debet leve aliquod in rebus obscuris erratum aut minus commoda difficilis Scripturae loci interpretatio.

4^o. Si quid sancti patres minus commode senserint aut dixerint, id neque haereticis tradi debet neque ab haereticis iure abripi potest. Docuerat Cyprianus baptismum extra ecclesiam validum non esse; idem senserunt Donatistae et Cypriani nomen erroris sui propugnaculum esse voluerunt. Sed tamen S. Martyris testimonium Augustinus eripere Donatistis non dubitat, et secundum De baptismo librum sic exorditur: „Quantum pro nobis,“ inquit, „hoc est pro pace catholica faciant ea quae tamquam ex auctoritate beati Cypriani adversus nos a parte Donati proferuntur, et quantum sint adversus eos a quibus proferuntur, adiuvante Domino, demonstrare proposui.“ Si quis igitur spreto ecclesiae consensu id nunc defendere audeat, quod olim Iustinus de regno mille annorum opinatus est, huic maxime adversabitur Iustinus, cui tanto in pretio fuit ecclesiae auctoritas. Quidquid enim de christianae religionis ornamentis et donis praedicat, quidquid eum de distinctione novi et veteris testamenti, quidquid de nova illa creatione,

quam a Christo accipimus, disserentem in secunda huius praefationis parte vidimus, id ecclesiae catholicae, exclusis omnibus sectis, proprium esse ducebat. Id ipse testatur in Dialogo c. 116. ubi sic loquitur: „Nos, qui per nomen Iesu instar unius hominis omnes in creatorem universorum Deum credimus, per nomen primogeniti illius Filii sordidis vestibus, id est peccatis, exuti et per verbum vocationis inflammati, verum genus sacerdotale Dei sumus.“ His autem verbis „instar unius hominis“ unitatem ecclesiae catholicae designari cum per se patet, tum ex aliis locis confirmari potest. Ait c. 42 pravos homines, postquam Christo summissi et dociles facti sunt, „omnes instar unius puelli factos esse,“ ac addit: „Quale est etiam quod in corpore videre licet, cum multa membra numerentur, omnia unum sunt et vocantur corpus.“ Eadem de causa c. 63 ecclesiam in psalmo 44 sic compellari observat: „Audi, filia, et vide.“ Adeo autem exploratum erat Iustino nec unitatem ecclesiae rumpi posse nec traditam ei veritatem ab errore superari, ut, quaecumque oriantur sectae, has catholicis non metuendi et haerendi, sed firmiter et acrius in fide et unitate perstandi occasionem esse declaret. „Ex eo etiam,“ inquit Dialog. c. 35, „quod eiusmodi exstent homines, qui se esse Christianos profiteantur et Iesum, qui crucifixus est, Dominum et Christum confiteri, nec tamen illius doctrinam teneant, sed eam quae est a spiritibus erroris, nos, qui verae ac purae Iesu Christi doctrinae discipuli sumus, firmiores in fide et constantiores sumus in spe ab eo nuntiata. Quae enim in suo nomine eventura praedixit, ea oculis et effectu ad exitum perducta cernimus. Dixit enim: Multi venient in nomine meo etc. Et: Erunt schismata et haereses.“ Nihil aliud ergo catholicis afferunt schismata et haereses, nisi ut praedictiones Christi ad exitum perducere intelligant et in fide firmiores evadant. Quodsi unitas aut veritas in ecclesia deficere possent, nullus esset error, qui non eccle-

siae doctrinam in discrimen adduceret, nullum schisma, a quo non esset evertendae unitatis periculum.

PARS TERTIA.

DE GESTIS ET SCRIPTIS IUSTINI, TATIANI,
ATHENAGORAE ET THEOPHILI ANTIOCHENI.

CAPUT I.

DE IUSTINI PATRIA ET ORTU, INSTITUTIONE PUERILI ET
CONVERSIONE.

I. S. Iustinus in Palaestina gentilis natus. II. Circa annum 114 natum conicimus. III. De eius studiis ac magistris. IV. Mirabilis conversionis modus. V. Qua in urbe et quo anno conversus.

I. De plerisque S. Iustini gestis et scriptis, cum tam multae sint tamque discrepantes eruditorum sententiae, facile intelligo me in lubrico et difficili loco versari. Quapropter totam rem sic administrare et pertractare conabor, ut nec asseveranter proponam quae dubia et incerta sunt, nec quae maxime probabilia levibus ratiunculis posthabeam. Si quid autem certi et explorati occurrat, id instar principii adhibendum erit, tum ad refellenda opinionum commenta, tum ad confirmanda quae minus belle in dubium vocata fuerant.

S. Martyr initio maioris Apologiae patriam appellat Flaviam Neapolim Syriae Palaestinae, ac patrem sibi Priscum fuisse, avum Bacchium testatur: „Iustinus Prisci filius, Bacchii nepos, Flaviae Neapolis in Syria Palaestinae civium.“ Haec civitas, quae olim Sichem dicebatur et teste Iosepho (Antiq. 11. c. 8) caput Samariae fuerat Alexandri Magni tempore, Flaviae Neapolis nomen ac ius civitatis videtur accepisse a Flavio Vespasiano. Neque enim colonia illuc deducta est ab eius filiis, cum iam Neapolis vocata fuerit paulo post excidium Hierosolymitanum, ut ex libris Iosephi De

bello Iudaico (l. 5. c. 4) sub hoc tempus scriptis perspicitur. Unus ex his colonis fuit Bacchius, cuius nepos Iustinus. Samaritanos populares suos appellat, non quod ullam partem eorum instituti attigisset, sed quod in hac urbe ex graecis colonis natus esset. Ubique enim sese inter ethnicos ad Christum conversos numerat: incircumcisum se esse declarat in Dialogo cum Tryphone. „Ne dubitetis,“ inquit c. 28, „mihi homini incircumciso credere.“ Hinc etiam in Apolog. 1. c. 53: „Nos ipsos cernimus ex gentibus plures ac veriores esse Christianos, quam ex Iudaeis et Samaritanis.“ Graviter ergo errasset Epiphanius, si Iustinum a Samaritano instituto ad religionem christianam conversum fuisse existimasset. Sed hanc ei opinionem immerito Scaliger et Petavius affinxerunt. Sic enim loquitur (Haeres. 46): „Tatianus Iustini philosophi sanctissimi ac religiosissimi viri consuetudine usus est, qui e Samaritanis ad Christi fidem transierat. Erat enim Iustinus genere Samaritanus.“ Numerat ergo Iustinum inter Samaritanos, non quod eorum instituta sectatus esset, sed quia in hac gente natus erat. Quo sensu ipse Iustinus Samaritanos vocat in Dialogo c. 120 genus suum et in Apol. 2 c. 15 gentem suam.

II. Quo anno natus sit Iustinus coniecere possumus, non asseverare. Plurimum lucis afferret Epiphanius, si eius verba aut naevis carerent aut apte emendarentur. Sic autem loquitur in Haeres. 46: *Οὗτος γὰρ ὁ Ἰουστῖνος Σαμαρείτης ἦν τὸ γένος, εἰς Χριστὸν πεπιστευκώς, καὶ μεγάλως ἐξασκηθεὶς, ἀρετῆς τε βίον ἐνδειξάμενος, τὸ τέλος ὑπὲρ Χριστοῦ μαρτυρήσας τελείου στεφάνου καταξιοῦται ἐπὶ τῆς Ῥωμαίων, ἐπὶ Ρουστικοῦ ἡγεμόνος καὶ Ἀδριανοῦ βασιλέως, ἐτῶν τριάκοντα ὑπάρχων ἐν καθεστῶσῃ ἡλικίᾳ.* „Hic enim Iustinus genere Samaritanus, cum in Christum credidisset ac magnopere exercitatus et sanctiorem vitam professus esset, tandem pro Christo martyrio perfunctus, perfectam coronam adeptus est Romae sub Rustico praefecto, Adriano imperante, firma et constanti aetate, anno videlicet trigesimo.“ Duo hic oc-

currunt naevi: primus quod sub Adriano. alter quod anno aetatis trigesimo passus dicitur Iustinus. Verisimile non est ut Iustinum Epiphanius anno aetatis trigesimo passum opinatus sit, cum tot libros ab eo scriptos haud ignoraret, eumque non obscure indicet in sanctiore vita diu multumque exercitatum. Minus mirum, quod illius martyrium sub Adriano collocet; non enim semper accuratus est in rebus chronologicis. Papebrochius duplicem naevum tollere conatur: postrema verba librariorum negligentia loco suo excidisse, et ad conversionem Iustini, non ad martyrium referri debere pronuntiat. pro eo autem quod interpretatur Petavius „sub Rustico praefecto, Adriano imperante,“ ipse sic reddit: „consulibus Rustico et Adriano imperatore.“ Unde haec conflatur sententia: „Iustinus cum in Christum credidisset sub consulatu Rustici et Adriani, annos natus triginta, aetate firma“ etc. Sequitur ex hac interpretandi et emendandi ratione Iustinum anno 119, quo Adrianus et Rusticus consules fuerunt, annum aetatis trigesimum attigisse, ac proinde anno 89 in lucem editum fuisse.

Sed assentiri non possum Papebrochio. Haec interpretatio, ἐπὶ Ρουστικοῦ ἡγεμόνος καὶ Ἀδριανοῦ βασιλέως, „sub Coss. Rustico et Adriano imperatore,“ penitus repugnat, quamvis Grabio et Dodwello vehementer probetur. Atque etiamsi quo exemplo firmari posset, nullum sane afferri possit, ut observat Tillemontius, in quo imperatori consuli collega praeponatur. Multa alia concurrunt quae Papebrochii opinionem minuant. Credibilis multo est Iustini martyrium praefecti notatione consignatum fuisse, quam conversionem ex consulibus notatam. Eum certe sub Rustico praefecto passum ex Actis perspicimus: sub Coss. Rustico et Adriano conversum nullibi legimus: denique illius conversio serius ponenda, si ducem Eusebium sequamur, quo profecto his in rebus tutiorem nullum habemus.

Igitur satius est fateri Epiphanium errasse, dum Iustini martyrium sub Adriano collocat, quam illius verba absurde

interpretari. Sanabilior videtur alter naevus: nec tamen necesse est haec verba, „firma et constanti aetate, anno aetatis trigesimo,“ altius transferre, quasi ad conversionem pertineant et loco suo a librariis deiecta fuerint. Nihil sane prohibet quominus Iustinus aetate adhuc firma vitam pro Christo profudisse dicatur, neque huic Epiphanii testimonio quidquam inest incommodi; id tantum vitii occurrit in eius verbis, quod Iustinus anno aetatis trigesimo passus dicatur. At facile fuit librariis errare in notis numeralibus et triginta pro quinquaginta ponere, cum praesertim litterarum *A* et *N*, quae his numeris designandis adhibentur, dissimilitudo oculos non valde attentos latere potuerit. Si ergo Iustinus anno aetatis circiter 50 aut 54 passus est (neque enim haec Epiphanius nimium stricte ad calculos revocabat), cum facile intelligemus, cur aetate firma et constanti passus dicatur, id est nondum senex, tum etiam quo anno natus sit, nimirum non multo post annum 114. Nam illius martyrium multa rationum momenta addicunt anno circiter 168.

III. Traduxit adolescentiam Iustinus in litterarum studiis; ac poetis, oratoribus et historicis, ut mos erat, operam dedit utilem aliquando ad ethnicos refellendos futuram. Rhetoricae artis non valde studiosum fuisse dicas, si pleraque illius scripta consideres, in quibus veritatem non ille quidem sine nervis nec sine summa vi ingenii defendit; at nulla prorsus orationis ornamenta ad illius defensionem adhibenda existimavit. Quid tamen in hoc genere posset, indicio est Cohortatio ad Graecos, quae elegantiori, quam alia eius opera, dicendi genere splendet. At nullius disciplinae vehementius quam philosophiae studiis exarsit: et cum eximium amorem veritatis considero, quem periclitandis philosophorum sectis declaravit, divinam providentiam admiror, quae sic illius animum ad amandam veritatem inclinabat, ut, cum eam frustra apud philosophos quaesiisset, gratuito Christi dono ad ipsius oculos affulgentem arriperet avide, constanter defenderet.

Primum philosophiae magistrum habuit Stoicum quemdam, ac satis diu cum eo versatus est. Sed cum se nihilo plura de Deo scire animadverteret (nam nec sciebat ipse Stoicus, neque hanc scientiam necessariam putabat), ab eo discessit, seque ad alium contulit, quem Peripateticum dicebant, hominem, ut sibi ipse videbatur, peracutum. Sed cum paucis post diebus de mercede agentem missum fecit, ne philosophum quidem existimans. Non tamen deterritus, quod sibi in duobus magistris adeundis parum successisset, confugit ad celeberrimum Pythagoreum, hominem de sapientia valde gloriantem. Sed is hanc conditionem Iustino tulit, ut, antequam ad ipsius boni ac ipsius pulchri considerationem assurgeret, musicae, astronomiae et geometriae daret operam. Permoestum id accidit Iustino, qui, cum tempus in his disciplinis contereere nollet, Platonicos adiit seque viro prudenti, „qui recens,“ inquit, „in urbem nostram advenerat,“ in disciplinam tradidit.

IV. Plurimum proficiebat in hoc instituto Iustinus; sed illius in contemplantis rebus incorporeis progressus eo redibant, ut sapiens sibi ipse videretur evasisse ac prae stoliditate in spem videndi protinus Dei veniret. Non ei profecto magis Platonica decreta, quam aliorum philosophorum sectae, ad interioris corruptelae cognitionem, ad vitiorum emendationem profuissent, nisi eum Christus ad saniores philosophiam vocasset. Quomodo id contigerit, ex initio Dialogi, quemadmodum et ea quae modo narravi, cognoscimus.

Elatum idearum contemplatione Iustinus commentandi causa in agrum non remotum a mari profectus est; cumque fugiens hominum vestigia ei loco propinquaret, ubi secum ipse sine interpellatione versaturus esset, praeter illius expectationem contigit ut eum modico intervallo assectaretur senex quidam, cuius in vultu comis residebat gravitas. Conversus Iustinus substitit ac in eum oculos acrius defixit. Tum senex: „Mene,“ inquit, „cognoscis?“ Negavit Iustinus.

„Quid me igitur,“ inquit senex, „ita contemplaris?“ Mirari se respondit Iustinus, quod ibi potissimum sibi occurrisset ubi se a nemine visum iri sperabat. „Sollicitus sum,“ inquit senex, „de meorum nonnullis: hi peregre mihi abierunt; quamobrem spectatum veni an sese mihi alicunde ostensuri sint. Tu vero quidnam hîc rerum geris?“ Postquam demonstravit Iustinus se philosophiae studiosum esse ac meditando causa illuc venisse, tum senex oblata occasione ea disserit quae ex eo audita retulit Iustinus initio Dialogi cum Tryphone. Longius colloquium quam ut illud hoc loco referam. Satis est observare eximiam senis prudentiam, qui, cum Iustinum videret de philosophis inflatus sentientem, sic eius animum pertractavit, ut primo illius scientiae, de qua tantopere gloriabatur, inanitatem ostenderet, deinde quibus ex fontibus haurienda sit veritas edoceret. Postquam enim Iustinus nec Pythagoram nec Platonem ad veri cognitionem pervenisse cognovit, quaesivit ex sene quibus tandem magistris utendum sit, si verum ne isti quidem viderint. Quare senex, praeclarum dicendi campum ingressus, veritatem a prophetis petendam esse demonstrat, eosque laudat et commendat ab antiquitate qua philosophos longe superant, a Spiritu sancto quo afflante vaticinati sunt, ab eventu praedictarum rerum, a summa in edendis oraculis libertate et constantia, a miraculis quibus vaticinia sua confirmarunt, ab ipsa denique oraculorum sanctitate Deum mundi creatorem eiusque Christum unice celebrantium. Tandem discedens Iustinum hortatur, ut haec meditando persequatur eorumque intelligentiam a Deo postulet; a nemine enim perspicui et intelligi posse, nisi cui Deus intelligere dederit et Christus eius.

Non amplius vidit hunc senem Iustinus, sed se eius colloquio adductum fatetur, ut christianae philosophiae nomen daret. „Haec ille,“ inquit in Dialogo, „et multa alia cum dixisset, quae referre non est huius temporis, abiens praecepit ut ea meditando persequeretur: neque illum amplius vidi.

Mihi vero statim in anima ignis exarsit, meque amor prophetarum et Christi amicorum invasit. Cumque illius sermones apud animum proponerem, hanc solam reperiēbam philosophiam, quae quidem tuta et utilis foret. Ad hunc ego modum atque hac de causa philosophus.“ Multa igitur alia disseruerat senex, quae Iustinus hoc loco referenda non iudicat; nec generatim et subobscure, ut existimat Tillemontius, de Christo loquutus fuerat, sed ad accuratam descenderat religionis expositionem, ita ut Iustinus ei acceptum referre non dubitet, quod in Dialogo exquisitis rationibus demonstrat, non ab operibus legis, sed ab incarnati Filii Dei gratia salutem proficisci, Dialog. c. 23.

Susplicatus est Halloixius angelorum aliquem sub forma senis Iustino visum fuisse. Id vero simillimum videri debere pronuntiat Tillemontius, si consideretur subitus ille et improvisus hominis occursus in loco nullis hominum vestigiis trito, colloquium de rebus gravissimis, quod non tam casu oblatum, quam consilio susceptum et quaesitum videatur, optatissimus denique exitus colloquii, Iustino a superstitione ad veram religionem, a philosophiae admiratione ad Christi amorem traducto. Quod autem aiebat senex sollicitum se esse de suorum nonnullis, qui peregre abierant, designari existimat idem Tillemontius ministrorum a Deo missorum sollicitudinem, ut homines a Deo peregrinantes et fugitivos, ex variis semitis, in quibus errabundi vagantur, ad veritatem et ad patriam reducant. Illud profecto videri non debet incredibile, Iustinum miraculo quodam ad religionis cognitionem pervenisse, cum his temporibus idem multis aliis evenerit.

Minime dubium est, quin Iustinus illud inprimis faciendum sibi duxerit quod ei senex praeceperat, ut se precibus ac meditandis Scripturis totum daret. Inflammatum illius animum alia res confirmavit, consideratio constantiae Christianorum in cruciatibus perferendis, sive senex hoc religionis argumentum inter alia protulerit, sive ipse Iustinus post senis discessum rem oculis suis spectaverit. „Nam et ipse

ego," inquit in Apologia 2. c. 12, „cum Platonis doctrina delectarer ac de criminibus in Christianos coniectis audirem, eos autem ad mortem et ad ea omnia, quae terribilia existimantur, impavidos viderem: fieri non posse intelligebam, ut in nequitia et voluptatum amore viverent. Quis enim libidinosus et intemperans et humanae carnis epulas in bonis numerans mortem amplecti possit, ut bonis suis careat, ac non potius semper in hac vita versari et magistratus latere conetur, nedum se ipse morte damnandum deferat?"

V. Quanam in urbe Iustinus, dum locum mari proximum petit, a philosophia ad Christum conversus sit, aut quo anno tanta illi felicitas obtigerit, non facile statuitur. Quod ait de magistro Platonico, „qui recens in urbem nostram advenerat," persuasit omnibus, quos quidem sciam de illius rebus pertractasse, cum in patria sua, id est Neapoli in Syria Palaestinae, studuisse philosophiae et christianam religionem amplexum esse. Sed cum deambulatio in loco mari proximo occasionem Iustini conversioni dederit, cumque Flavia Neapolis in mediterraneo Palaestinae sita, ut observat doctissimus abbas de Longuerue in dissert. ms. De gestis Iustini, eiusmodi deambulationibus careret: longe probabilius est Iustinum in insignem aliquam urbem studiorum causa venisse ibique factum esse Christianum. In Cohortatione ad Graecos, quod opus scripsit non multo post conversionem, meminit eorum quae Alexandriae viderat, nec improbable est cum in hac urbe litterarum studiis operam dedisse.

Videtur aetatem virilem attigisse Iustinus aut saltem ad eam prope accessisse, cum Christum cognovit. Iam enim multos in philosophia progressus habebat et, cum plures philosophorum sectas gustasset, studia sua in platonica fixerat. Eum sub Adriano conversum fuisse testatur Zonaras: de hac conversione Eusebius sub eodem imperatore loquitur, satisque ea de re inter eruditos convenit. Quo autem Adriani anno id contigerit, non una est sententia.

Hunc eventum nonnulli, in his eruditus auctor disserta-

tionis modo laudatae, referunt ad persequutionem Adriani, id est ad an. 126. Sed eorum opinionem penitus evertit Eusebius, qui, postquam de Antinoi consecratione loquutus est, statim addit de Iustino: *Κατὰ τοῦτον δὲ καὶ Ἰουστῖνος, γνήσιος τῆς ἀληθοῦς φιλοσοφίας ἐραστής, ἔτι τοῖς παρ' Ἑλλήσιν ἀσκούμενος ἐνδιέτριβε λόγοις.* „Eodem tempore Iustinus, verae philosophiae amator sincerissimus, adhuc in gentilium litteris exercebatur.“ Diserte ergo pronuntiat Eusebius Iustinum religioni christianae nomen non dedisse, antequam Antinoum Adrianus ordinibus deorum adscriberet. Antinoum anno 132 consecratum fuisse multis rationibus probat Tillemontius not. 9. in *Adr.*: quamobrem Iustini conversio, quae hanc consecrationem subsecuta est, male collocatur ante annum 126.

Hoc testimonio adductus est Tillemontius, ut conversionem Iustini usque ad annum 133 differret. Sed paulo amplius videtur differenda, nempe usque ad annum circiter 137. Nam Iustinus nondum senex, ut supra diximus, pro Christo passus est, in quem aetate iam matura crediderat. Quare non tot anni inter conversionem et martyrium videntur numerandi, quot a Tillemontio numerantur, qui conversionem refert ad annum 133, martyrium ad annum 168. Praeterea nullum exstat Iustini monumentum, quod cum tam cito conversum probet. Cohortatio ad Graecos, quae conversionis primordia redolet, post Adrianum collocanda, ut modo videbimus. Denique Eusebius (l. 4. c. 8) ante de bello iudaico, quod circa annum 136 confectum est, quam de Iustini conversione, loquitur; et postquam dixit Iustinum eodem tempore gentilium disciplinis operam dedisse, quo Antinous consecratus, tum mentionem iniicit de bello iudaico, „quod tunc temporis gestum fuisse dicit,“ id est cum Iustinus adhuc gentilium disciplinis detineretur.

Iustini conversionem ideoque ante bellum iudaicum collocat Tillemontius, quia tunc suppetebat otium assidue commentandi et quaedam deambulandi libertas, quae belli tumultibus ac omnium rerum perturbationi minime congruisset.

Sed ut omittam Iustinum Neapoli abfuisse, cum conversus est: certe Tillemontii ratio pariter valet, ut conversio post bellum differatur.

Qui Iustinum in persecutione Adriani, id est ante annum 126, conversum fuisse volunt, hoc utuntur argumento, quod Iustinus innocentiam Christianorum agnovisse se dicat, „cum eos ad mortem et ad omnia quae terribilia existimantur impavidos videret.“

Sed 1^o etsi persecutio resedit anno 126, fieri tamen potuit, quod saepe alias factum est, ut praesides vel populi, clamoribus adducti vel odio christianae religionis incitati, in Christianos iniussu imperatoris saevirent. 2^o. Etiam si nulum prorsus exstitisset martyrium, cum Iustinus conversus est, Christianorum constantiam in cruciatibus agnoscere et laudare potuit, non solum quia recens memoria eorum, quae in persecutione passi fuerant, hanc eis laudem omnium iudicio tribuebat, sed etiam quia in ipsa pace impavidum praese animum ferebant, religionem illam profitentes, quae gravissimis semper obiecta erat procellis. Hinc Iustinus in Dialogo, quem cum Iudaeis habuit pacis tempore, constantiam Christianorum in morte perferenda perpetuo laudat, nec futurum sperat ut hanc religionem principes aliquando vexare desinant, c. 30. Ipse Trypho fateri cogitur c. 15 mirabilem esse hanc Christianorum constantiam: quinetiam in eos iocatur c. 7, quod Christi causa misere pereant. Mirum ergo videri non deberet, si Iustinus pacis tempore hanc in Christianis virtutem agnovisset.

CAPUT II.

DE JUSTINI VIVENDI GENERE, SACERDOTIO ET PRIMIS ADVERSUS GENTILES SCRIPTIS.

- I. Videtur Iustinus asceta et presbyter fuisse. II. Adstruuntur illi duae adversus Graecos orationes. III. Quo tempore scripta Cohortatio. IV. Refellitur Casimirus Oudinus. V. Alia Oratio minus belle Iustino

videtur attributa. VI. Liber De monarchia minime mutilus. Eusebii locus, qui mutilum esse persuaserat, nova interpretatione explicatur.

I. Postquam S. Martyr Christianorum mysteriis initiatus est, non segnem operam posuit in evolvendis Scripturis sacris et ea christianae doctrinae cognitione comparanda, quae non cuivis e Christianorum vulgo sed homini erudito et ad religionis defensionem nato congrueret. Quantum habuerit usum Scripturae sacrae, declarat illius cum Iudaeo Tryphone Dialogus, in quo et immensam propemodum testimoniorum silvam depromit, quam quidem memoriter in ipso congressu et colloquio necesse fuit recitari, et Scripturam ipsam sic interpretatur, ut iudaicam pertinaciam perfringat. Non desunt tamen, qui sanctum Martyrem in hoc genere parvi faciant et Scripturae intelligentiam in eo desiderent, propterea quod allegoricis interpretationibus nimium, ut ipsi existimant, indulgeat. Haud equidem negavero nonnulla apud Iustinum occurrere, quae longius tracta videantur; sed inter has umbras eminent atque enitescunt alia plurima, quae mirifice comprobant, hominum doctissimorum iudicio, id quod S. Martyr grati animi causa testatur, „hanc gratiam sibi a Deo concessam esse, ut illius Scripturas intelligeret,“ Dialog. c. 58.

Non minus vitae sanctitate quam doctrina micuit Iustinus. Non obscure indicant Epiphanii verba, *μεγάλως ἐξασκηθεὶς*, eum ex ascetarum numero fuisse, qui communibus Christianorum omnium praeceptis propria quaedam austerioris vitae instituta adiungebant, ut testatur Origenes lib. 5 contra Celsum. Cum Epiphanii testimonio satis consentit tota Iustini vita, quae in scribendo et docendo ac augendis ecclesiae utilitatibus consumpta civilibus undis mersari non potuit. Forte huius vitae austerioris insigne fuit pallium illud, quod Iustinus gerebat. Illum enim annis post conversionem circiter viginti in Ephesini Xysti spatiis ambulanti ex hoc ornato philosophum esse Trypho et alii Iudaei iudicarunt. Observat Tillemontius non insuetum fuisse pallium austeriorem vitam profitentibus, ut Tertulliano, ut mar-

tyri Porphyrio apud Eusebium De mart. Palaest. cap. 11. Si quis tamen Iustinum hoc indumento ut philosophiae insigni usum esse velit, negat idem scriptor id posse reprehendi, ac Iustini hac in re imitatore proferit magnum Heraclum, Alexandrinum patriarcham, qui philosophicum pallium cum Christi sacerdotio coniungebat. Idem ante Iustinum a S. Aristide factum testatur Hieronymus in libro De scriptoribus ecclesiasticis.

Fresbyterum fuisse Iustinum opinatur Tillemontius, propterea quod baptismi caeremonias sic describit, ut illius administrandi munus sustinuisse videatur. „Nos autem,“ inquit Apol. 1. c. 65, „postquam eum qui credidit et assensus est sic abluimus, ad eos qui dicuntur fratres, in locum ubi congregati sunt, adducimus, communes preces animo intento facturi.“ Erat ergo Iustinus ex eorum numero qui baptizabant et baptizatum deducebant ad locum ubi fratres congregati erant. Alio in loco recenset se inter principes populi christiani, seque in hoc perfungendo munere a principibus populi iudaici longe discrepare profitetur. „Et nos igitur timore adducti,“ inquit Dialog. c. 82, „sermones secundum Scripturas conferre studemus, minime autem pecuniae aut gloriae cupiditate aut amore voluptatis. Nullum enim ex his est vitiis, cuius nos quisquam arguere possit. Neque enim similiter ac principes populi vestri vivere volumus, quibus Deus hoc probrum obicit: *Principes vestri socii furum, diligentes munera, persequentes retributionem.*“ Sacerdotium Iustini ex eius Actis confirmari potest, ex quibus illud saltem colligitur ecclesiam in ea domo, in qua degebat, fuisse, nec eum, quamdiu Romae fuit, alium conventus locum obire solitum fuisse. Quaerenti enim praefecto, quem in locum Christiani convenirent et suos Iustinus discipulos congregaret, respondet Iustinus se „nullum alium conventus locum“ cognoscere praeter domum in qua manebat. Videtur ipse praefectus sacerdotalem in Iustino dignitatem agnoscere, dum eius socios sic interrogat: „Christianos vos fecit Iustinus?“ Gratiam sacerdotii in Iu-

stino vacuam non fuisse declarant eximia illius in ecclesiam merita, quam non solum et viva voce et scriptis pietatem spirantibus, ut multi alii patres, defendit et ornavit, sed etiam, id quod perpaucis contigit, molestissimo tempore afflictam et vastatam, ex summa rerum perturbatione, dum imperatorem oblata apologia placat, in portum tranquillitatemque pro sua parte restituit. Sed quia de plerisque illius operibus multae magnaeque sunt quaestiones, an genuinus sint illius foetus, an integra ad nos pervenerint, et quo tempore in lucem edita: operae pretium est in his rebus, si qua ratione possim, explicandis et illustrandis immorari.

II. Praeter duas Apologias, de quibus modo agemus, duae aliae exstant S. Martyris adversus ethnicos elucubrationes, quarum altera eaque brevissima inscribitur „Oratio adversus Graecos,“ altera multo longior „Cohortatio ad Graecos.“ Totidem Iustino adversus ethnicos libri, praeter duas Apologias, tribuuntur ab Eusebio, Hieronymo et Photio; sed utrum iidem hodie existent, qui olim a veteribus commemorati sunt, examinandum. Sic loquitur Eusebius de his duobus libris: *Καὶ ἄλλος ὁ πρὸς Ἑλλήνας, ἐν ᾧ μακρὸν περὶ πλιίστων παρ’ ἡμῖν τε καὶ τοῖς Ἑλλήνων φιλοσόφοις ζητουμένων κατατείνας λόγον, περὶ τῆς τῶν δαιμόνων διαλαμβάνει φύσεως, ἃ οὐδὲν ἂν ἐπείγοι τανῦν παρατίθεσθαι. Καὶ αὖθις ἕτερον πρὸς Ἑλλήνας εἰς ἡμᾶς ἐλήλυθεν αὐτοῦ σύγγραμμα, ὃ καὶ ἐπέγραψεν Ἐλεγχον.* „Est et alius eius liber adversus gentiles, in quo, postquam de plurimis quaestionibus, quae tam a nostris quam a gentilium philosophis agitari solent, uberrime disputavit, suam de natura daemonum sententiam exponit, quam quidem hic inserere nihil necesse est. Alius praeterea eiusdem liber adversus gentiles ad nos pervenit, quem ille Confutationem inscripsit.“ Similiter Hieronymus in libro De scriptoribus ecclesiasticis: „Exstat eius et aliud volumen contra gentes, ubi de daemonum quoque natura disputat: et quartum adversus gentes, cui titulum praenotavit *Ἐλεγχος*.“ Et Photius cod. 125: *Τέσσαρας δὲ πραγματείας κατὰ τῶν ἐθνῶν συνέταξε*

... Ἐν δὲ τῇ τρίτῃ περὶ φύσεως δαιμόνων διείλεται. Ὁ δὲ τέταρτος αὐτοῦ λόγος, ὁμοίως κατὰ τῶν ἐθνῶν συγκείμενος, Ἐλεγχος ἐπιγραφὴν ἔχει. „Porro quatuor adversus gentes tractatus composuit . . . In tertio de daemonum natura disseruit. Quartus etiam contra gentes ab eo compositus inscribitur Confutatio.“

Ex duabus Iustini adversus gentes Orationibus, quae ad nos pervenerunt, neutra inscribitur Confutatio, neutra disserit de natura daemonum. Quae brevior est, Eusebio nota aut saltem memorata non fuit: nam neque de natura daemonum neque de aliis quaestionibus ab Eusebio indicatis tractat. Deos gentilium acute exagitat: sed eorum opiniones data opera non confutat. Quare non est ille Ἐλεγχος ab Eusebio laudatus. Mirum autem non est, si illius diligentiam fugit, cum sit brevissima. Nemo illam abiudicat S. Martyri: nec profecto videtur abiudicanda. Scriptam fuisse non multo post conversionem Iustini coniecitur ex ipso primordio, quod sic habet: „Ne existimate, Graeci, nulla me cum ratione aut nullo cum iudicio a vestris ritibus descivisse.“

Quod autem spectat ad longiorem Orationem, quae nunc inscribitur „Cohortatio ad Graecos,“ eam et antiquis notam fuisse et in germanissimis Iustini scriptis numerandam multis rationibus demonstratur. Nihil in illa quidem legitur de daemonum natura, nihil de quaestionibus tam apud nostros quam apud gentiles philosophos agitari solitis. Quare eadem esse non potest ac illa pertractatio, quae de daemonum natura disserebat. At nihil vetat eandem prorsus esse ac eam quae Elenchus sive Confutatio inscribebatur. Praeterquam quod librorum tituli tot mutationes librariorum licentia experti sunt, ut ex tituli varietate nihil concludi possit, certe ex rebus in hac Oratione pertractatis perspicitur eam optime inseribi potuisse Elenchum sive Confutationem. Nihil enim aliud agit, nisi ut gentiles domesticis argumentis profliget, et ex eorum scriptoribus inanitatem et insaniam ethnicae superstitionis, antiquitatem verae religionis demonstret.

Nemo non videt, quam apte congruat huic disserendi rationi Elenchi sive Confutationis titulus. Hinc cum Stephanus Gobarus Tritheita, qui saeculo sexto scribebat, unam aliquam S. Martyris sententiam citasset, quae in hac Oratione legitur, eaque mirum in modum abuteretur, refellit eum Photius (cod. 232) ex proposito S. Iustini, quem hoc loco Elenchum sive Confutationem Platonis, Elenchum ethnicorum aggredi demonstrat. Videtur ergo haec ipsa esse Oratio, quam antiqui „Elenchum“ appellant et quarto loco inter Iustini contra ethnicos scripta commemorant.

Testis autem est Stephanus ille Gobarus hanc Orationem sexto saeculo inter genuina S. Martyris opera numeratam fuisse. Sed quod rem causamque maxime continet, ipsa Oratio non pauca suppeditat ex quibus parentem Iustinum agnoscas. Scripta est ab homine ab ethnicorum superstitionibus ad christianam religionem converso; obicit enim ethnicis quae prius didicerat, cum inter eos versaretur. „Consentaneum arbitror,“ inquit, (c. 11), „quae prius apud vos his de rebus audiui ea nunc in tempore contra vos depromere.“ Quod autem de Mose et prophetis dictum legitur in Langi interpretatione (c. 1) „maiores nostri divini homines“ persuadere nonnullis posset auctorem huius Orationis ortum ex Iudaeis esse. Sed graeca verba οἱ ἡμέτεροι κατὰ θεὸν πρόγονοι sic reddi debent: „nostri in rebus divinis maiores,“ quibus ex verbis perspicitur propheta non ideo ab hoc scriptore sic appellari quod ex eorum gente ortus esset, sed quod religionis nostrae, ut ipse c. 10 testatur, magistri fuerint.

Pariter in Iustinum optime convenit, quod auctor huius operis vidisse se narrat Alexandriae vestigia cellularum, in quibus septuaginta interpretes elaborasse ferebantur, et Cumis in Campania sacellum Sibyllae. Cum natus esset in Palaestina Iustinus ac praeterea studiorum causa, ut vidimus, peregrinatus sit, perfacile potuit Alexandriam proficisci, nec difficilius Cumas invisere, cum Romam peteret. Quod autem

in tota Oratione demonstrat veritatis cognitionem non ab ethnicis scriptoribus, sed a prophetis petendam esse: an quidquam Iustino magis congruat, qui ad religionem christianam conversus fuerat, cum eadem ex sene subito occurrente audisset?

Stylum si quis consideret attentius, omnino cum aliis Iustini operibus consentire fatebitur, ut observat Bullus probante Tillemontio. Inest tamen huic Orationi quidam nitor, quem in aliis Iustini scriptis desideres. Sed quid mirum, si Iustinus, qui hanc Orationem non multo post conversionem scripsit, expolitius dicendi genus in his primordiis persecutus est? Deinde vero idem illi propositum non fuit in hoc opere ac in Apologiis, quas obtulit imperatoribus. Hic leniter disputat cum ethnicis, et ea pertractat quae sermonis concinnitati locum dabant. Apologiae autem non mansueta disputatione, sed acerrimis querelis continentur; nec Iustinus in illo dolore, quem ex molestissimo ecclesiae tempore capiebat, valde laborabat, quam eleganter et ornate diceret.

III. Ex hac autem disserendi ratione existimare licet, quo tempore scripta fuerit Oratio. Videtur nulla tunc saevisse persecutio. Neque enim, si quotidie fusus fuisset Christianorum sanguis, otium aut voluntas fuisset S. Martyri de Platonis et Aristotelis dissensione ac de aliis eiusmodi rebus tam copiose disserendi, et antiquitatis laudem ethnicis scriptoribus praeripiendi, nulla interim de Christianorum suppliciis facta mentione. Verisimile ergo est hanc Orationem scriptam fuisse primis Antonini annis, antequam persecutio, quae sub hoc imperatore ecclesiam afflixit, acriora Iustini studia ad religionis defensionem excitaret. Illud certe vix dubitari possit, ante Apologias hoc opus elucubratum esse, quod quaedam potius adversus ethnicos velitatio quam plena religionis defensio esse videtur, et satis quidem scite profanam eruditionem ad ethnicos refellendos convertit, at in explicandis religionis christianae principiis non immoratur.

Cur autem illud ad Antonini potius quam ad Adriani tempora referam, hoc utor argumento, quod citentur in eo Sibyllini versus. Quod enim legitur c. 38 Sibyllae libros toto orbe servari, eamque „de futuro Salvatoris adventu et de omnibus rebus, quas gesturus erat, clare et aperte praenuntiare,“ his verbis Sibyllini quales hodie exstant libri indicantur, in quibus tam aperta est rerum a Christo gerendarum praedictio, ut eam ex eventis fictam fuisse vix quisquam hodie non fateatur. Sed cum pluribus locis versuum Sibyllinorum, praesertim vero lib. 8, M. Antoninus, qui ab Adriano adoptatus est anno 138, et M. Aurelius et Lucius Verus, eodem anno ab Antonino adoptati, ut Adriani successores designentur: liquet hos libros ante annum 138, qui postremus fuit Adriani, fabricatos non fuisse; ac proinde elucubrationem Iustini, in qua hi libri toto orbe asservari dicuntur, ad Antonini potius quam ad Adriani imperium esse referendam.

Romae scriptum est hoc opus, siquidem Iustinus Italiam peragraverat ac proinde Romam venerat. At S. Martyr postquam Romam advenit, semel tantum ex hac urbe egressus est, ut modo videbimus, idque post primam Apologiam, quae hoc opere posterior est.

IV. Nec criticorum omnium consensus nec tot notae, quibus Iustinus huius Orationis parens dignoscitur, Casimirum Oudinum deterruerunt, quominus in suo De scriptoribus ecclesiasticis commentario suppositum S. Martyri pronuntiaret. Quinque rationibus nititur (tom. 1. p. 187), de quibus iudicium erit eruditi lectoris.

1°. Negat in Iustinum ex parentibus ethnicis natum convenire, quod ait auctor huius Orationis se „divinorum maiorum sacra et pietatem sequi.“ At Oudinum decepit minus accurata Langi, ut iam observavimus, interpretatio.

2°. Observat Iustinum in Dialogo Iudaeis obiiçere, quod interpretationem septuaginta reiciant eamque corruperint, auctorem vero Paraeneticæ orationis statuere „versionem septuaginta interpretum incorrupte in Iudaeorum syna-

gogis asservatam, a Iudaeis agnitam fuisse, et contra adversarios quoscumque adhibitam.“ Sed annon fieri potuit ut Iustinus, cum hanc Orationem scriberet, nondum quidquam audisset de Iudaeorum facinore? Quinetiam verisimile est nondum Iudaeos dedisse materiam criminationibus, quibus eos in Dialogo premit Iustinus: ibi enim c. 73 recens esse eorum facinus declarat.

Non maioris ponderis tertia et quarta ratio. Sumit argumenti loco: quod Iustinus in Apologia lectionem Hystaspis et Sibyllarum et prophetarum capitali supplicio interdictam queritur, quod Platonem in omnibus operibus laudat impendio; contra auctor Paraeneticae orationis Platonem floccifacit et insectatur, ac non modo libros Sibyllinos per totum orbem sparsos esse testatur, sed etiam facile esse illis, qui sacras Scripturas legere nollent, ex Sibyllae carmine primordia nostrae religionis addiscere. Unde etiam omnes ibidem ad illorum lectionem hortatur.

Vereor ne otio abuti videar, dum eiusmodi ratiunculas refello. Iustinus ut in aliis operibus, ita etiam in hac Oratione laudat in Platone nonnullarum sententiarum cum Mosis doctrina similitudinem. Sed quod ait in Cohortatione Platonem secum pugnare nec belle accepisse quae ex Mosis fontibus hauserat, idem docet in Apol. c. 8 et 60. Quinetiam fatetur initio Dialogi, nihil Platonem, nihil Pythagoram vidisse in iis rebus, de quibus tunc Iustinus cum sene disputabat. De Sibyllinis libris mirifice consentit Cohortatio cum Apologia. In prima enim Iustinus hos libros toto orbe servari, a Christianis videlicet, in Apologia autem constanter a Christianis legi testatur.

Quinto denique loco sic ratiocinatur: „Observant Tatianus, Eusebius, Hieronymus et Photius Iustinum in Oratione paraenetica ad gentiles de daemonum natura disseruisse: cuius tamen argumenti nulla in hoc sermone vestigia exstant.“ Citat Tatianus unum aliquod Iustini de daemonibus dictum: at sumtum esse ex Paraenetica oratione non dicit.

Neque etiam Eusebius, Hieronymus et Photius, cum Iustinum de natura daemonum disseruisse dicerent, de ea quae nunc in manibus est Oratione loquebantur, sed de alia, de qua nunc paucis agendum nobis est.

V. Oratio illa, in qua Iustinum Eusebius de natura daemonum disputare testatur et de pluribus rebus tum apud nos tum apud gentiles philosophos agitari solitis, nihil aliud videtur esse, quam liber „De universo,“ quem Photius Caio quidem presbytero proprium tradit, sed tamen Iustino ab aliis, Irenaeo et Iosepho a nonnullis tribui fatetur.

1°. Liber ille De universo, itidem ut Oratio, quam Eusebius Iustino tribuit, contra Graecos scriptus erat, ut patet ex fragmento quod in notis Hoeschelii sic incipit: *Ἰωσήπου ἐκ τοῦ πρὸς Ἕλληνας λόγου τοῦ ἐπιγεγραμμένου κατὰ Πλάτωνα περὶ τῆς τοῦ παντὸς αἰτίας.* „Ex Iosephi in Graecos oratione, quae inscribitur contra Platonem de universi causa.“

2°. Auctor libri „De universo“ disserebat de natura daemonum, ut patet ex initio fragmenti Hoescheliani: *Καὶ οὕτως μὲν ὁ περὶ δαιμόνων τόπος,* „Atque hic quidem de daemonibus locus,“ id est: Hactenus de daemonibus pertractatum.

3°. De variis etiam quaestionibus tum apud nos tum apud philosophos poni solitis disputabat, velut de animae natura, de animarum post mortem sede et statu, idque patet tum ex his quae refert Photius cod. 48, tum ex fragmento Hoescheliano. Continebat ergo liber ille De universo quidquid Eusebius in ea Oratione, quam Iustino attribuit, animadverterat: et cum liber ille Iustini nomen in nonnullis exemplaribus haberet, Eusebius, ut verisimile est, viso aliquo eiusmodi exemplari deceptus est, ac Hieronymo et Photio persuasit opus aliquod a Iustino scriptum esse contra gentiles, in quo de natura daemonum disserebat.

VI. Post duas in Graecos orationes recensetur ab Eusebio, Hieronymo et Photio liber De monarchia, sive de

singularitate Dei, de quo libro non levis est inter recentiores controversia, quamvis nulla sit inter antiquos. Hunc libellum Scultetus inter dubios numerat. Natalis Alexander Iustino ab eruditis existimat abiudicari; Tillemontius, quem plerique alii secuti sunt, aut alium prorsus ab eo esse quem Eusebius ex sacris et profanis testimoniis constare declarat, aut, si idem sit, saltem illam partem, quae Scripturae testimonia referebat, totam periisse, cum nullum illius exstet vestigium. Satis lepide Halloixius Eusebium in hoc libro Scripturae testimonia non vidisse, sed videre se putasse suspicatur.

Quamvis Eusebius eruditos viros in hanc varietatem sententiarum coniecerit, si tamen illius verba, ut par est, interpretemur, totum hunc librum Iustino vindicat, nec illius integritatem in dubium venire patitur. Sic loquitur lib. 4. cap. 18: *Παρά τούτους ἄλλο περὶ Θεοῦ μοναρχίας, ἣν οὐ μόνον ἐκ τῶν παρ' ἡμῶν γραφῶν, ἀλλὰ καὶ ἐκ τῶν Ἑλληνικῶν συνίστησι βιβλίων.* Sic reddidit Valesius: „Praeter hos libros est etiam alius De monarchia Dei, quam quidem non solum auctoritate sacrorum apud nos voluminum, sed gentilium etiam scriptorum testimoniis asserit.“ Sed sic interpretandum esse multis rationibus et exemplis adductus contendo: „Praeter hos libros est etiam alius De monarchia Dei, quam quidem non modo non ex sacris apud nos Scripturis, sed etiam ex ipsis gentilium libris asserit.

1^o. Sententia in hac interpretatione praeclarius quam in prima. Laudat enim Eusebius singulare aliquid ac minime quotidianum. Quodsi gentiles Iustinus Scripturae et profanorum scriptorum auctoritate oppugnasset, nihil fecisset quod valde miraremur, nihil praeter suam et aliorum consuetudinem. Sed si, omissa Scriptura, suis gentiles armis ab eo profligati: in hoc victoriae fiducia et operis novitas merito laudabuntur.

2^o. Observarunt doctissimi grammatici saepe apud veteres „non modo“ idem valere ac „non modo non,“ ut in

hoc exemplo ex Ciceronis lib. 2 De officiis: „Hi simul ac iuvenes esse coeperunt, magna spectare et ad ea rectis studiis debent contendere. Quod eo firmiore animo facient, quia non modo invidetur illi aetati, verum etiam favetur.“ Alia eiusmodi exempla colligit Muretus Var. lect. lib. 10. cap. 7. Haec autem Latinos de Graecis verisimile est sumsisse, apud quos constat οὐχ οἶον idem valere ac „non modo non.“ Sed quia fortasse non deerunt qui in animum non facile inducant οὐ μόνον apud Graecos interdum idem sonare ac οὐ μόνον οὐ, videtur exemplorum appositione res illustranda. Huic Eusebii loco gemellas occurrit apud ipsum Iustinum in Cohort. c. 9, ubi antiquitatem Mosis demonstrare instituens sic loquitur: Οὐ γὰρ ἀπὸ τῶν θείων καὶ παρ' ἡμῶν ἱστοριῶν μόνον ταῦτα ἀποδείξαι πειρωῖμαι . . . ἀλλ' ἀπὸ τῶν ἡμετέρων καὶ μηδὲν τῇ ἡμετέρᾳ θρησκείᾳ διαφερουσῶν ἱστοριῶν. Cum Iustinus antiquitatem Mosis non ex sacris scriptoribus, sed ex profanis demonstret, illius verba sic reddere non dubitavi: „Nam non modo haec ex divinis apud nos historiis demonstrare non aggredior, sed etiam ex vestris et ad religionem nostram nihil pertinentibus.“ Cur Eusebium in re et verbis simillimis eodem modo interpretari dubitemus? Si Scripturae testimonia in libro De monarchia desideremus, similis fingenda erit lacuna in Cohortatione ad Graecos: quod opus mancum et imperfectum esse nemo dixerit.

In Dialogo S. Iustini c. 17 legendum esse οὐ μόνον μετενοήσατε, pro οὐ μόνον οὐ, probant vetustissimi codices Historiae Eusebii, qui hunc Iustini locum citavit lib. 4. c. 18. Athenagoras Legat. c. 1. de Christianis sic loquitur: Οὐ μόνον τὸ ἀντιπαῖν, οὐδὲ μὴν δικάζεσθαι τοῖς ἄγουσι καὶ ἀρπάξουσιν ἡμᾶς, μεμαθηκότες, ἀλλὰ τοῖς μέν, καὶ κατὰ κόρον προσηλακίζωσι, καὶ τὸ ἕτερον παῖν παρέχειν τῆς κεφαλῆς μέρος, τοῖς δέ, εἰ τὸν χιτῶνα ἀφαιροῖντο, ἐπιδιδόναι καὶ τὸ ἱμάτιον. „Qui non modo non repercutere, nec invadentibus et rapientibus diem dicere, sed istis, etiamsi colaphum inflixerint, alteram capitis partem percutiendam praebere, his autem, si

tunicam abstulerint, pallium superaddere didicimus.“ Tatianus c. 36: Πλήν Ὅμηρος ἔστω μὴ μόνον ὕστερον τῶν Ἰλιακῶν, ἀλλὰ κατ' ἐκείνον αὐτὸν ὑπειλήφθω τὸν τοῦ πολέμου καιρόν. „Sit sane Homerus non modo non iunior Iliacis rebus, sed ipsi bello aequalis.“ S. Cyprianus acceptam a S. Firmiliano epistolam, quae est inter Cyprianicas 75, nemini latine reddendam commisit, sed ipse hunc laborem, ut ex stylo perspici potest, suscepit. Hellenismos autem non paucos fidus interpretes retinuit, ex quibus unum ad id, quod in manibus est, maxime idoneum apponam. Sic loquitur de angelis S. Firmilianus: „Utique contristantur, quando vident diversas quorundam mentes et scissas voluntates, quasi non tantum unum et eundem dominum simul invocent, sed separatis et divisus ab invicem nec confabulatio iam possit esse nec sermo communis.“ Sensus est: „ita ut non modo non unum et eundem Dominum simul invocent, sed“ etc. Videtur in graeco contextu fuisse ὥς οὐ μόνον.

3^o. Neque in exordio neque in clausula consilium aut voluntas ulla deprehenditur obiiiciendae ethnicis sacrae Scripturae. Quinetiam libellum sic S. Martyr orditur, ut se „argumentis omnino usurum“ promittat „ex vetusta Graecorum historiae poesi repetitis:“ sic perorat, ut Graecos adhortetur ad complectendum „verum illud et immutabile nomen non sua solum voce praedicatum, sed etiam eorum qui in prima litterarum elementa introducunt.“ Quid mirum ergo, si hoc opusculum ex versibus, quos vetusta Graecorum historia, id est vetustae Graecorum litterae suppeditarunt, totum est intertextum, nec quidquam delibat de sanctis Scripturis?

CAPUT III.

DE IUSTINI VERITATIS PROPAGANDAE STUDIO EIUSQUE ADVERSUS HAERETICOS SCRIPTIS.

I. Iustinus Romae occupatur in docendo. II. Amore veritatis incensus est. III. Scribit contra Marcionem et adversus omnes haereses. IV. De operibus deperditis. V. De Epistola ad Diognetum.

I. Cum temporis spatium, ut iam diximus, non modicum
Corp. Apoll. Vol. IX.

a Iustini Cohortatione usque ad primam Apologiam effluxerit, totum illud tempus Romae traduxit et in docendo ac scribendo insumsit. Unde Eusebius de S. Martyre Hist. lib. 4. cap. 11: *Καὶ γὰρ ἐπὶ τῆς Ῥώμης τὰς διατριβὰς ἐποιεῖτο.* „Nam in urbe Roma domicilium habebat.“ Ubinam cubaret et quid domi ageret, ex ipsius martyrii Actis discimus. „Ego,“ inquit, „prope domum Martini cuiusdam ad balneum cognomento Timiotinum haecenus mansi. Veni autem in urbem Romam secundo. Neque alium quempiam conventus locum, nisi quem dixi, cognosco; ac si quis ad me venire voluit, communicavi cum illo veritatis doctrinam.“ Unus ex illis qui cum Iustino passi sunt, Evelpistus nomine, testatur se „Iustini sermones magna cum voluptate audivisse.“ Ipsi etiam praefecto notum erat Iustini studium in discipulis edocendis. Quaerit enim: „quem in locum convenient et discipulos suos congreget Iustinus.“ Deinde conversus ad illius confessionis et martyrii socios: „An,“ inquit, „Christianos vos fecit Iustinus?“

II. Hoc munus S. Martyr, ut a Deo commissum, tanto animi ardore, tanta observatione et diligentia gerebat, ut grandis peccati reum se in iudicio futurum putaret, si quam docendi oblatam occasionem praetermisisset, si ipsius culpa contigisset, ut veritatis luce aliquis careret. Hanc illius animo sententiam insedissee perspicimus ex pluribus locis. „Nostrum igitur munus est,“ inquit Apol. 1. c. 3, „ut vitae et doctrinae nostrae inspiciendae copiam omnibus faciamus, ne pro iis, qui res nostras sibi videntur ignorare, poenam eorum, quae caecutientes peccaverint, ipsi debeamus.“ Perspectum sibi et exploratum esse dicit Dialog. c. 82: „Quicumque verum possit dicere nec dicat eum a Deo iudicatum iri.“ Vid. c. 38 et 44. Sic loquitur c. 58: „Scripturas vobis referam, nec apparatus verborum ad solam artem ostentare volo; neque enim est mihi eiusmodi facultas; sed tantum gratia mihi a Deo concessa, ut eius Scripturas intelligam; cuius gratiae omnes adhortor ut gratis et copiose participes fiant,

ne vel hac de causa condemner in iudicio.“ Latissime nimirum patebat Iustini caritas: semper paratus ad docendum erat, sperans inter eos quos alloquebatur aliquem ex electorum numero inventum iri; et quod ei contigit Ephesi cum Iudaeis disputanti, ut per biduum eorum in contradicendo et iis quae prius concesserant negandis pertinaciam ferret, eadem se lenitate et patientia „in omnes omnino ex omni hominum genere“ uti declarat c. 64. Ut Iustini patientiam et caritatem nulla hominum importunitas retardabat, ita constantiam et animi fortitudinem nulla pericula infrangebant: quod quidem satis declarant oblatae palam et aperte, ut modo videbimus, molestissimis temporibus Apologiae. Praeclare se ipsum depingit his verbis Dialog. c. 120: „Atque haec quidem dixi, quia ita sum affectus animo, ut nihil prorsus dixerim, in quo aliud curem, quam ut verum dicam, neminem reveriturus, etiamsi e vestigio discerpi a vobis oporteat.“

III. Non Iudaeis solis atque ethnicis operam suam dicaverat Iustinus, sed illius laborum magna pars haeretici fuerunt. Hos non solum colloquiis ab errore retrahere conabatur, ut ipse testatur Dialog. c. 84, sed etiam eruditis scriptis omnes haereses confutavit, ac singulari opere aggressus est Marcionem, qui, Iustino Romae degente ac totum se augendis ecclesiae utilitatibus tradente, haeresim suam architectatus est circa annum 145. S. Irenaeus ex Iustini adversus Marcionem libro testimonium citat, quod apposuimus in Appendice. Hoc opus vocatur ab Hieronymo „Contra Marcionem insignia volumina,“ a Photio cod. 125 ἀναγκαῖοι λόγοι. Hanc autem elucubrationem Iustinus perfecerat, cum Apologiam primam obtulit imperatori; idque non obscure declarat Eusebius, qui de Iustino sic loquitur lib. 4. cap. 11: Ὁς δὴ καὶ γράψας κατὰ Μαρκίωνος σύγγραμμα μνημονεύει ὡς καθ' ὃν συνέταττε καιρὸν γνωριζομένου τῷ βίῳ τάνδρός. „Qui quidem, cum etiam opus adversus Marcionem scripsisset, meminit hominis, ut adhuc inter vivos exstantis cum scriberet.“

Tum profert Eusebius illud Iustini ex Apol. 1. c. 26: „Praeterea Marcionem quemdam Ponticum novimus, qui etiamnum superest.“ Priora illa verba, „Ὅς δὴ καὶ γράψας,“ sic reddidit Valesius: „Qui in libro adversus Marcionem“ etc.; neque aliter ea intellexit Nicephorus, qui testimonium Iustini ab Eusebio citatum ex libro contra Marcionem depromptum esse putat. Unde alii Eusebio memoriam effluxisse, alii Iustinum eadem de Marcione et in Apologia et in libro adversus Marcionem dixisse coniiciunt. Sed Eusebius librum, ex quo illud testimonium depromsit, manifeste distinguit ab opere adversus Marcionem. Illud enim ὅς δὴ καὶ γράψας non idem valet ac „scribens,“ sed idem ac „qui cum etiam scripsisset opus adversus Marcionem,“ vel „postquam etiam opus scripsit adversus Marcionem:“ ac proinde duo Iustini opera hic distinguit Eusebius: alterum contra Marcionem, alterum in quo Iustinus de illo, ut adhuc exstante, loquebatur. Ipsa illa verba „Praeterea Marcionem quemdam novimus“ hominis sunt Marcionem non toto libro refellentis, sed obiter notantis. Quod autem addit Eusebius Iustinum paucis interiectis subiungere: „Est etiā liber a nobis compositus adversus omnes, quae umquam fuerunt, haereses, quem librum vobis, si ita videbitur, legendum trademus,“ inde manifestum est ab Eusebio indicari opus, in quo imperatores alloquebatur Iustinus. Illud opus adversus haereses utrum ante librum adversus Marcionem scriptum necne fuerit, statuere non possum, sed certe utrumque opus Apologiis antiquius.

IV. Aliud Iustini opus recenset Eusebius, de quo sic loquitur: Καὶ ἄλλο σχολικὸν περὶ ψυχῆς, ἐν ᾧ, διαφόρους πεύσεις προτείνας περὶ τοῦ κατὰ τὴν ὑπόθεσιν προβλήματος, τῶν παρ’ Ἑλλήσι φιλοσόφων παρατίθεται τὰς δόξας, αἷς καὶ ἀντιλέξιν ὑπισχναῖται, τὴν τε αὐτὸς αὐτοῦ δόξαν ἐν ἑτέρῳ παραθήσασθαι συγγράμματι. „Alius item excerptorum liber de anima, in quo propositis variis interrogationibus, quae ad illud argumentum pertinent, gentilium philosophorum affert sententias: quibus etiam se contradicturum, suamque de his sen-

tentiam in alio opere prolaturum esse pollicetur.“ Utrum promissis steterit Iustinus, nec certiores nos facit Eusebius nec ipse videtur perspectum habuisse. Incertus haereo, utrum hoc opus in primordiis conversionis an sub vitae finem elucubratum putem. Utrumque enim illud tempus Iustini adversus philosophos disputationibus insigne exstitit. Non incommode ad initia referretur hic liber, qui videtur levis potius contra philosophos exercitatio fuisse, quam opus e media religione repetitum. Sed quia, postquam Iustinus Romam rediit, gravissimum cum philosophis bellum habuit, forte eo tempore hoc opus composuit, illudque mors absolvere prohibuit.

Ante hunc librum recensetur ab Eusebio „Psaltes,“ alia Iustini elucubratio, de qua nihil videtur statui posse. De suppositis nomini Iustini operibus praefixa unicuique admonitio quid sentiam exponit. Sed Eusebii tempore multa genuina exstabant, quae nec ab Eusebio recensentur neque ad nos pervenerunt. Sic enim loquitur: *Πλείστα δὲ καὶ ἕτερα παρὰ πολλοῖς φέρεται ἀδελφοῖς τῶν αὐτοῦ πόνων.* „Exstant et alia plurima apud multos fratres illius laboris monumenta.“ In his nec Apocalypsis explicationem numerandam duxerim (hanc enim Iustinus et Irenaeus interpretati dicuntur, quia nonnulla loca occasione data explanarunt), nec commentarium in Hexaemeron, nec librum De resurrectione, nec citatum a S. Maximo tom. 2 pag. 154 tractatum De providentia et fide adversus Euphrasium sophistam.

V. At idem dici non potest de praestantissima ad Diognetum Epistola, quam Iustino tribuunt eruditi non pauci, aliis refragantibus et styli ac temporum discrimen obiectantibus. Equidem etsi nemini concedo, qui magis aveat Iustini nomini decus hoc eximio opere addere, non ei tamen tam asseveranter illud tribuerim, quam alia opera, quae et ab antiquis memorata sunt et sua sponte plurimas parentis sui notas referunt. Neque etiam illis assentiar qui hanc Epistolam Iustino, ut aetati apostolicae propiorem, penitus abiudicant.

Si styli dissimilitudo excipiat, caetera satis congruent, et sententiae et tempus.

Non solum Epistolae ad Diognetum idem fere est exordium ac Cohortationis ad Graecos, sed etiam nonnulla alia occurrunt c. 6 et 7, quibus similia indicavimus Iustini loca.

Tillemontium, qui primus hanc Epistolam Iustino abjudicavit, in hanc sententiam adduxerunt praeter styli dissimilitudinem nonnullae aetatis Iustino superioris notae, velut illa Diogneti quaestio c. 1: „Cur novum hoc genus aut institutum Christianorum in consuetudinem venire nunc coeperit ac non prius;“ deinde etiam quod existimare Iudaei dicuntur c. 3 „se per sanguinem et nidorem et holocausta facere Deo sacrificia et his eum honoribus ornare;“ ipse denique apostolorum discipuli titulus, quem sibi auctor Epistolae sumit c. 11.

Non difficilia sunt ad solvendum quae vir doctissimus obicit, ut hanc Epistolam Iustino antiquiorem esse probet. Cur enim Iustini aeo religio christiana non admodum recens videretur, cum Tertullianus dixerit: „Hesterni sumus“ Apol. c. 37? Iustinus ipse in Apol. 1. c. 63 eadem loquendi ratione utitur. Ait enim „Iesum Christum, cum antea Verbum esset, ac modo in specie ignis modo in imagine incorporea visus esset, nunc voluntate Patris pro hominum genere hominem factum,“ *νῦν δὲ διὰ θελήματος Θεοῦ ὑπὲρ τοῦ ἀνθρώπου γένους ἄνθρωπος γινόμενος*.

Sacrificia quidem Iudaei offerre desierunt post urbis et templi anno 70 excidia. Sed tamen cum auctor epistolae quid intersit Iudaeos inter et Christianos exponat, non immerito in Iudaeis aspernatur cruenta illa animalium sacrificia, quae et Iudaici cultus pars erant insignis, et sibi per vim erepta Iudaei, si minus usu, saltem animo et voluntate retinebant. Pluribus aliis contigit Iudaeos eodem modo exagitare. S. Phileas martyr de Iudaeis sic loquitur, Act. mart. p. 444: „Solis Iudaeis praeceptum fuerat sacrificare Deo soli in Ierosolyma. Nunc autem peccant Iudaei in locis

aliis solennia sua celebrantes.“ Eusebius in Psalm. 65. n. 15 Iudaeorum irridet ineptas fabulas, „Deum scilicet holocaustis, thymiamatis sensum moventibus, aut arietum, boum et hircorum sanguine delectari.“ Iulianus apud S. Cyrillum Alex. lib. 9. p. 305 quaerit, cur Christiani non saltem Deo sacrificent. Contendit Iudaeos etiamnum sacrificare in domibus suis et precari antequam sacrificent, et dextrum armum primitias dare sacerdotibus, sed orbatos templo et altari, aut ut vulgo appellant sanctuario, impediri quominus Deo victimarum primitias offerant. Hilarius sic de iisdem in Psal. 58. n. 12: „Per diversa speciem sacerdotii illius legitimi et holocausti et circumcisionis imitantur: cum haec tantum [f. tamen] non nisi intra Ierosolymam sint legitima constituta.“

Immerito Tillemontius haec Epistolae verba: „Cum apostolorum fuerim discipulus, fio gentium doctor,“ hominis esse putat ab ipsis apostolis instituti ac Iustino antiquioris. Accuratioer erit interpretatio, si ita reddamus: „Factus apostolorum discipulus fio gentium doctor.“ Ut doctoris gentium ita et discipuli apostolorum titulus stricte intelligi non debet. Ut doctorem se gentium non dicit ob muneris dignitatem, sed ob studium praedicandae doctrinae, ita accepta ab apostolis disciplina non illum honoris titulum significat, qui tunc magno in pretio erat, sed omnibus communis est quicumque spretis philosophis praedicatam ab apostolis fidem amplexi sunt. Omnes enim invitat auctor Epistolae, ut idem beneficium et honorem consequantur. „Quae tradita sunt mihi subministro iis qui discipuli sunt digni veritate.“ Non alio sensu epistolae Basilii 355 auctor, quem Basilium esse non puto, „piscatorum discipulum“ se esse profitetur. Idem profiteri licuit Iustino. Nihil ergo in hac Epistola, quod cum aetate Iustini non quadret; imo ad apostolicam aetatem referri non potest apostoli titulus, sub quo Paulus nomine tacito designatur c. 12. Sine ulla prorsus ratione hunc locum, imo extremam epistolae partem ab his verbis: *Ὁὗτος ὁ ἀπ'*

ἀρχῆς, ab alio assutam suspicatur Tillemontius: quamquam hanc coniecturam non suam facit, sed erudito viro, quem non appellat, acceptam refert.

Existimat idem doctissimus scriptor, etiamsi ea solvantur quae obiecit, ipsam styli discrepantiam satis argumenti futuram, cur hoc opus Iustino non tribuatur. Haud dicam equidem me hac difficultate leviter moveri: et idcirco cum incertus haererem, neque ab operibus Iustini Epistolam disiunxi, neque eo loco collocavi, qui ei tribuendus fuisset, si certissimum esset Iustini opus. Si quis enim Iustinum, ut in Cohortatione magis elegans dicendi genus quam in aliis operibus sequutus est, ita in hac Epistola maxime elegans ac maxime sublime sequutum esse velit: referenda erit ad primordia conversionis et antiquior existimanda quam Apologiae, in quibus studio religionis defendendae inflammatus ornamenta dicendi minime sectatur. Pluribus eruditis probata Halloixii coniectura, qui Diognetum, ad quem scripta est Epistola, ipsum illum esse existimavit, quo M. Aurelius et pingendi magistro et aliarum rerum longe meliorum hortatore usus est.

CAPUT IV.

DE PRIMA S. IUSTINI APOLOGIA ET TRIUM CRIMINUM CHRISTIANIS AFFICTORUM ORIGINE.

I. De praecipuis christiano nomini afflictis criminibus. II. Iustinus missos refert a Iudaeis post ascensionem Domini legatos, qui hos rumores spargerent. III. Alii id ortum esse dicunt ex flagitiosa haereticorum vita. Conciliantur dissidentes in speciem sententiae. IV. Ante captam Hierosolymam collocanda criminum origo. V. Quandonam haec crimina desiere iactari.

I. Odium christianae religionis, sub Adriano Christianis favente compressum, semper in animis ethnicorum residebat, ac violenter erupit sub Antonino. Nullo sane optimi imperatoris edicto saeviit persecutio, sed eam videntur incendisse populares tumultus, ut modo videbimus ex litteris Antonini,

inprimis vero exortae in variis imperii partibus calamitates, quas stulte Christianorum sanguine averti posse sperabant. Pluribus ex locis delatae Antonino a Christianis querelae; nec difficilis fuit ad illius aures tam iustae causae aditus. Enituit hac in re studium Iustini, qui, cum Romae domicilium haberet, imperatori eiusque filiis adoptivis et senatui populoque romano insignem pro omnibus Christianis Apologiam obtulit.

Sed antequam examinemus quo anno haec oblata Apologia, morae pretium videtur de calumniis contra Christianos excogitatis pauca disserere, et a quibus auctoribus et a quo tempore sparsae fuerint inquirere. Sic enim nonnulla S. Martyris testimonia illustrabimus, quae notarum angustiae explanare non siverunt. Tria potissimum crimina Christianis afficta: quod athei essent, quod promiscuis flagitiis indulgerent, quod infantis occisi carnes in mysteriis suis vorarent. Magna est trium illorum criminum celebritas tum apud Graecos tum apud Latinos religionis defensores, adeo ut nulla prorsus regio his commentis non personuisse videatur. Ad has pervulgatas calumnias aliae nonnullae interdum accesserunt. Nam ut omittam magiam, cuius nomine Christianos accusat Celsus apud Origenem lib. 6. p. 301, crucem vel etiam asini caput pro Deo colere ferebantur, saltem in Africa, ut ex Tertulliani Apologet. c. 7 et lib. 1 Ad nat. et ex Minucio Felice discimus. Novum calumniae genus indicarent haec Tertulliani verba, si sana essent et integra: „Igitur,“ inquit lib. 1 Ad nat. c. 7, „aetati nostrae nondum anni CCL. Tot iniqui interea, tot cruces divinitatem consequutae“ etc. Sed his vocibus „tot iniqui“ vitium inest et corruptela, nec huius accusationis ullum exstat vestigium. Quare legendum: „Tot onagri interea, tot cruces divinitatem consequutae“ etc., idque perspicitur ex eiusdem libri cap. 11, ubi divinitatis crucibus attributae commentum praecedit asinini Dei criminatio, quam quidem ex Cornelio Tacito ortam existimat Tertullianus. „Hanc,“ inquit, „Cornelius Tacitus suspicionem fecit. Is enim . . . Iudaeos refert in

expeditione vastis in locis aquae inopia laborantes, onagris, qui de pastu aquam petitori aestimabantur, indicibus, fontibus usos evasisse; ita ob eam gratiam consimilis bestiae superficiem a Iudaeis coli. Inde arbitror praesumptum nos quoque, ut Iudaicae religionis propinquos, eidem simulacro initiari.“

II. Quinam auctores teterrimae fabulae exstiterint et quo tempore tantum nefas aggressi fuerint, ex duobus Dialogi cum Tryphone locis perspicimus. Sic enim Iudaeos alloquitur S. Martyr c. 17: Οὐχ οὕτως γὰρ τὰ ἄλλα ἔθνη εἰς ταυτὴν τὴν ἀδικίαν τὴν εἰς ἡμᾶς καὶ τὸν Χριστὸν ἐνέχονται, ὅσον ὑμεῖς, οἱ κακείνοις τῆς κατὰ τοῦ δικαίου καὶ ἡμῶν τῶν ἀπ' ἐκείνου κακῆς προλήψεως αἴτιοι ὑπάρχετε. Μετὰ γὰρ τὸ σταυρῶσαι ὑμᾶς ἐκείνον τὸν μόνον ἄμωμον καὶ δίκαιον ἄνθρωπον, δι' οὗ τῶν μωλώπων ἴασις γίνεται τοῖς δι' αὐτοῦ ἐπὶ τὸν πατέρα προσχωροῦσιν. ἐπειδὴ ἐγνώκατε αὐτὸν ἀναστάντα ἐκ νεκρῶν καὶ ἀναβάντα εἰς τὸν οὐρανόν, ὡς καὶ προφητεῖαι προεμήνουν γενησόμενον, οὐ μόνον οὐ μετενοήσατε ἐφ' οἷς ἐπράξατε κακῶς, ἀλλὰ ἄνδρας ἐκλεκτοὺς ἀπὸ Ἱερουσαλὴμ ἐκλεξάμενοι τότε ἐξεπέμψατε εἰς πᾶσαν τὴν γῆν, λέγοντες αἴρεσιν ἄθιον Χριστιανῶν πεφηνέναι, καταλέγοντές τε ταῦτα ἅπερ καθ' ἡμῶν οἱ ἀγνοοῦντες ἡμᾶς πάντες λέγουσιν. Ὡστε οὐ μόνον ἐαυτοῖς ἀδικίας αἴτιοι ὑπάρχετε, ἀλλὰ καὶ τοῖς ἄλλοις ἅπασιν ἀπλῶς ἀνθρώποις . . . Κατὰ οὖν τοῦ μόνου ἁμώμου καὶ δικαίου φωτός, τοῖς ἀνθρώποις πεμφθέντος παρὰ τοῦ Θεοῦ, τὰ πικρὰ καὶ σκοτεινὰ καὶ ἄδικα καταλεχθῆναι ἐν πάσῃ τῇ γῇ ἐσπουδάσατε. „Non enim iniuriae nobis et Christo illatae tanta in aliis gentibus culpa residet, quanta in vobis, qui illis etiam anticipatae de iusto et de nobis, qui ab eo orti sumus, malae opinionis auctores estis. Postquam enim solum illum inculpatum et iustum hominem, cuius vulneribus sanantur qui per eum ad Patrem accedunt, cruci affixistis, cum eum sciretis ex mortuis resurrexisse et in coelum ascendisse, ut prophetiae futurum praedicebant, non modo poenitentiam admissorum scelerum non egistis, sed etiam selectos viros tunc Hierosolymis in universum orbem misistis, impiam Christianorum

haeresim prodiisse dicentes eaque spargentes quae in nos ab iis omnibus, quibus noti non sumus, dicuntur. Itaque non vobis solum iniquitatis causa estis, sed aliis etiam omnibus prorsus hominibus ... Itaque id vobis studio habuistis, ut in solam illam inculpatam et iustam lucem, quae hominibus a Deo missa fuerat, acerba et tenebricosa et iniusta in toto terrarum orbe iactarentur crimina." Eadem postridie repetiit S. Martyr in gratiam eorum qui pridie non adfuerant. Καὶ οὐ μόνον οὐ μετενοήσατε, ... ἀλλ', ὡς προεῖπον, ἄνδρας χειροτονήσαντες ἐκλεκτοὺς εἰς πᾶσαν τὴν οἰκουμένην ἐπέμψατε, κηρύσσοντας ὅτι αἴρεσις τις ἄθεος καὶ ἄνομος ἐγγήγερται ἀπὸ Ἰησοῦ τινος Γαλιλαίου πλάνου, ὃν σταυρωσάντων ἡμῶν, οἱ μαθηταὶ αὐτοῦ κλέψαντες αὐτὸν ἀπὸ τοῦ μνήματος νυκτός, ὁπόθεν κατετέθη ἀφηλωθεὶς ἀπὸ τοῦ σταυροῦ, πλανῶσι τοὺς ἀνθρώπους λέγοντες ἐγγεγέρθαι αὐτὸν ἐκ νεκρῶν καὶ εἰς οὐρανὸν ἀνεληλυθέναι· κατειπόντες δεδιδασχέναι καὶ ταῦτα ἅπερ κατὰ τῶν ὁμολογούντων Χριστὸν καὶ διδάσκαλον καὶ υἱὸν Θεοῦ εἶναι παντὶ γένει ἀνθρώπων ἄθεα καὶ ἄνομα καὶ ἀνόσια λέγετε. Πρὸς τοῦτοις καὶ ἀλούσης ὑμῶν τῆς πόλεως καὶ τῆς γῆς ἐρημωθείσης οὐ μετανοεῖτε, ἀλλὰ καὶ καταρᾶσθαι αὐτοῦ καὶ τῶν πιστευόντων εἰς αὐτὸν πάντων τολμᾶτε. Καὶ ἡμεῖς ὑμᾶς καὶ τοὺς δι' ὑμᾶς τοιαῦτα καθ' ἡμῶν ὑπειληφότες οὐ μισοῦμεν, ἀλλ' εὐχόμεθα καὶ νῦν μετανοήσαντας πάντας ἐλέους τυχεῖν παρὰ τοῦ εὐσπλαγχνου καὶ πολυελέου πατρὸς τῶν ὅλων Θεοῦ. „Non modo poenitentiam non egistis," inquit c. 108, „sed etiam delectos homines constituistis, ac per eos in totum orbem terrarum missos praedicastis impiam quamdam et exlegem sectam a plano quodam Iesu Galilaeo excitatam esse, et cum illum a nobis crucifixum discipuli ex monumento, in quo, refixus e cruce, depositus fuerat, noctu surripuerint, decipi ab illis homines, dum eum ex mortuis resurrexisse et in coelum ascendisse dictitant; quin etiam docuisse illum addidistis impia illa et nefanda ac detestabilia facinora, quae adversus eos, qui illum Christum et doctorem et filium Dei profitentur, apud omne hominum genus spargitis. Ad haec capta urbe vestra et terra vastata

poenitentiam non agitis, sed illum etiam ac omnes, qui in illum credunt, diris devovere audetis. Nos autem nec vos odimus, nec eos qui talem de nobis opinionem a vobis accepere, sed precamur ut nunc saltem poenitentiam agentes misericordiam omnes consequamini a perbenigno et mirum in modum misericorde universorum parente Deo.“ Habemus in his duobus testimoniis stultae et impiae fabulae evolutam originem. In utroque loco secta Christianorum ἄθεος dicitur: in utroque Thyesteas coenas et Oedipodeos concubitus designant acerba illa et tenebrosa, impia et nefanda facinora, quae Christum ipsum docuisse Iudaei fingeant. Uno verbo Iudaeorum nequitiae attribuit Iustinus quidquid de Christianis dictitabant ii quibus haec religio cognita non erat.

S. Martyris testimonia confirmat Tertullianus. Sic enim de Iudaeo loquitur, a quo Christianorum Deus publice propositus fuerat cum „auribus canteriorum, et in toga, cum libro, altero pede ungulato depictus.“ „Credidit vulgus Iudaeo,“ inquit lib. 1 Ad nat. cap. 14. „Quod enim aliud genus seminarium est infamiae nostrae!“ Idem docet lib. 3 in Marcionem cap. 23: „Dehinc cum ex perseverantia furoris et nomen Domini per ipsos blasphemaretur, sicut scriptum est: *Propter vos nomen meum blasphematur in nationibus* (ab illis enim coepit infamia), et tempus medium a Tiberio usque ad Vespasianum non poenitentiam intellexissent, facta est terra eorum deserta.“

Sic etiam Origenes lib. 6 contra Celsum c. 27: Καὶ δοκεῖ μοι παραπλήσιον Ἰουδαίοις πεποιημέναι τοῖς κατὰ τὴν ἀρχὴν τῆς τοῦ χριστιανισμοῦ διδασκαλίας κατασκευάσαι δυσφημίαν τοῦ λόγου· ὥς ἄρα καταθύσαντες παιδίον μεταλαμβάνουσιν αὐτοῦ τῶν σαρκῶν, καὶ πάλιν ὅτι οἱ ἀπὸ τοῦ λόγου τὰ τοῦ σκοτίους πράττειν βουλόμενοι σβεννύουσι μὲν τὸ φῶς, ἕκαστος δὲ τῇ παρατυχοῦσῃ μίγνυται. Ἦτις δυσφημία παραλόγως πάλαι μὲν πλείστων ὄσων ἐκράτει πείθουσα τοὺς ἄλλοτρίους τοῦ λόγου, ὅτι τοιοῦτοί εἰσι Χριστιανοί· καὶ νῦν δὲ ἔτι ἀπατᾷ τινας, ἀποτρέπομένους διὰ τὰ τοιαῦτα καὶ εἰς κοινωνίαν ἀπλουσιέραν λόγων

ἤκειν πρὸς Χριστιανούς. „Videtur mihi Celsus idem fecisse ac Iudaei, qui initio christianae praedicationis malos rumores de Christianorum doctrina sparserunt: quasi de immolati pueri carnibus sumerent, et tenebrosa flagitia perpetrare volentes, lumen exstinguerent, et cum obvia quaque unusquisque misceretur. Quae quidem absurda criminatio olim quamplurimos detinebat, extraneis persuadens tales esse Christianos; nunc vero nonnullos adhuc decipit, eiusmodi commentis deterrens, quominus cum Christianis vel simplicis colloquii communionem ineant.“

Sed Iustini sententiae praecepuum pondus addidit Eusebius, qui non solum Iustini verba ex Dialogo excerpta refert Hist. lib. 4. cap. 18, sed etiam illud Isaiae explanans: „Qui mittit in mare obsides et epistolas biblinas super aquam,“ sic loquitur: *Εὕρομεν ἐν τοῖς τῶν παλαιῶν συγγράμμασιν, ὥς οἱ τὴν Ἱερουσαλήμ οἰκοῦντες τοῦ τῶν Ἰουδαίων ἔθνους ἱερεῖς καὶ πρεσβύτεροι γράμματα διαχαράξαντες εἰς πάντα διεπέμψαντο τὰ ἔθνη τοῖς ἀπανταχοῦ Ἰουδαίοις διαβάλλοντες τὴν Χριστοῦ διδασκαλίαν, ὥς αἵρεσιν καινὴν καὶ ἄλλοτρίαν τοῦ Θεοῦ, παρήγγελλον τε δι' ἐπιστολῶν μὴ παραδέξασθαι αὐτήν . . . οἳ τε ἀποστολοὶ αὐτῶν ἐπιστολὰς βιβλίνας κομιζόμενοι ὑπεράνω τε τῶν ὑδάτων ναυτιλλόμενοι καὶ τὴν θάλασσαν ἐμπλέοντες ἀπανταχοῦ γῆς διέτρεχον, τὸν περὶ τοῦ σωτῆρος ἡμῶν ἐνδιαβάλλοντες λόγον. Ἀποστόλους δὲ εἰσέτι καὶ νῦν ἔθος ἐστὶν Ἰουδαίοις ὀνομάζειν τοὺς ἐγκύκλια γράμματα παρὰ τῶν ἀρχόντων αὐτῶν ἐπικομιζόμενους.* „In veterum scriptis reperimus Hierosolymitanos Iudaicae gentis sacerdotes et seniores litteras in omnes gentes misisse ad omnes ubique Iudaeos, quae Christi doctrinam traducerent, ut novam et inimicam Deo sectam, ac epistolis monuisse ne illam reciperent . . . apostolique eorum, epistolas biblinas deferentes ac supra dorsum aquarum et in mari navigantes, ubique terrarum discurrebant, famam Servatoris nostri calumniis vellicantes. Apostolos vero etiam nunc Iudaei nuncupare solent eos, qui circulares principum suorum litteras circumquaque deportant.“

III. Eusebii testimonium eo maioris est ponderis, quod eandem historiam non apud Iustinum tantum legisse videatur, sed etiam apud alios scriptores, a quibus accepit id quod a Iustino non memoratur, Iudaeos litteras iis dedisse quos in universum orbem mittebant. Sed quamvis magna sit huius historiae auctoritas, quia tamen non desunt scriptores antiqui ac recentes qui triplex illud crimen non a primordiis religionis, sed sub Adriano natum atque ex pravis haereticorum moribus, qui sub hoc imperatore prodierunt, in universos Christianos redundasse velint, paulo accuratius examinanda res est.

Conceptis verbis declarat Eusebius lib. 4. c. 7 nefarios haereticos Basilidem, Saturninum, Carpocratem et alios eiusmodi „amplam obtrectandi et calumniandi evangelii materiam subministrasse, atque hinc factum esse ut absurda quaedam et impia de nobis opinio apud infideles tunc temporis spargeretur, quasi nefario concubitu cum sororibus et matribus misceri et execrandis dapibus vesci soleremus.“ Idem testantur Irenaeus lib. 1. c. 25, Clemens Alexandrinus Strom. 4. pag. 428, Origenes tom. 3 in epistolas Pauli, Epiphanius in haeresi Carpocratianorum. Videntur haec prima specie pugnare cum Iustino, nec mirum si Dodwellus, assentiente Tillemontio tom. 2. p. 245, a Carpocratianis et aliis eiusmodi haereticis, qui sub Adriano eruperunt, aspersam nomini christiano tot scelerum infamiam pronuntiat.

Sed conciliari possunt dissidentes in speciem sententiae veterum, ita ut calumniarum origo partim ex Iudaeorum improbitate, partim ex flagitiosis haereticorum moribus repetatur. Utrique rem iniquissimam, haeretici et Iudaei, promoverunt: haeretici deterrime vivendo; Iudaei ex eorum scele-ribus ansam arripiendo ea in Christi doctrinam et Christianos fingendi, quae quidem ignorare non poterant omnibus in sanctissima Christi disciplina viventibus detestata esse. Imo plus nocuit Iudaeorum perfidia, quam flagitia haereticorum. Nam ut difficile est haereticos nonnullos a promiscuo concubitu purgare, ita vix credibile infanticidium. Atheismi cri-

men roboravit contemptus deorum, quem Christiani prae se ferebant. Sic etiam invidiae Christianorum novam flammam adiecerunt haereses, quae sub Adriano prodire, sed ex vetustioribus haereticis occasionem rapuerunt Iudaei, praesertim ex Nicolaitis et Menandri discipulis, quorum primi videntur promiscuorum concubituum rumori materiam dedisse, alteri autem, cum magiae essent dediti, huius sceleris invidiam, ex quo proclive fuit infanticidium suspicari, in omnes Christianos teste Eusebio Hist. lib. 3. c. 26 derivarunt. Itaque si a primis haereticis origines mali, a posterioribus incrementa repetantur, explicabimus quomodo Iudaei et haeretici ad dedecus christiani nominis concurrerint.

IV. Postulant Iustini verba, ut apostolos a Iudaeis ante captam a Tito urbem missos fuisse dicamus. Duo enim Iudaeis exprobrat, et quod apostolos ad spargendas calumnias miserint, et quod praeterea urbe capta Christianos diris devovere coeperint. Deinde vero cum missi fuerint a sacerdotibus Hierosolymitanis, id argumento est nondum Iudaeos sacerdotii splendorem et urbem amisisse. Eusebius idem facinus attribuit sacerdotibus Hierosolymitanis. Tertullianus modo citatus „infamiam a Iudaeis ortam“ dicit ante captam Hierosolymam.

Quae a sacerdotibus Hierosolymitanis acceperant Iudaei ea spargere in omne humanum genus non desierunt, ut testatur Iustinus; ac gentilium animos his de christiana religione pravis opinionibus iam dudum ante exortos sub Adriano haereticos praeoccupaverant, ut patet ex testimoniis Plinii et Cornelii Taciti. Cur enim Plinius in epistola, quam Traiano scripsit an. 104, tam accurate describit quid Christiani in coetibus suis agerent; cur ait amorem illis fuisse „coeundi ad capiendum cibum, promiscuum tamen et innoxium,“ nisi quia iam flagrabant eorum agapae malis infanticidii rumoribus? Cornelius Tacitus etiam sub Nerone Christianos in haec crimina vocatos fuisse existimabat (Annal. lib. 15): „Ergo abolendo rumori,“ inquit, „Nero subdidit reos, et

quâesitissimis poenis affecit, quos per flagitia invisos vulgus Christianos appellabat. Exitiabilis superstitio rursus erumpebat non modo per Iudaeam, originem eius mali, sed per urbem etiam, quo cuncta undique atrocita aut pudenda confluunt celebranturque.“ S. Melito in Apologia M. Aurelio oblata observat Neronem et Domitianum voluisse religionem christianam criminum notis inurere et „ab his ortum esse ut calumniae contra Christianos mendacium consuetudine a ratione aliena diffunderetur;“ ἁφ' ὧν καὶ τὸ τῆς συκοφαντίας ἀλόγως συνηθεία περὶ τοὺς τοιοῦτους ῥυῖναι συμβέβηκε, apud Euseb. l. 4. c. 26.

Collocandum ergo ante obsidionem Hierosolymitanam facinus Iudaeorum; sed tamen non multo ante collocandum, si fateri volumus haereticos his criminibus materiam dedisse. Testatur enim Hegesippus apud Eusebium Hist. l. 4. c. 22 nefarias illas haereses, ex quibus aliae deinceps proseminatae sunt, Hierosolymis nasci coepisse, cum S. Symeon episcopus Hierosolymorum electus fuit. Non stricte sumendum quod ait Iustinus legatos a Iudaeis missos fuisse, postquam Iesum ex mortuis resurrexisse et in coelos ascendisse cognoverunt. Sic enim ait in Apol. 1. c. 29 „post Christi in coelum ascensum“ immissos fuisse a daemonibus Simonem, Menandrum et Marcionem.

V. Incredibilia omnibus cordatis semper visa sunt haec commenta: fatetur ea a vero adhorrere Trypho Iudaeus Dialog. c. 10. „Plerique fidem talium temperant,“ inquit Tertullianus l. 1 Ad nat. c. 2. Sed tamen iactationem habebant, si minus fidem; et centies refutata exprobrari non desinebant. Tempore Origenis, ut patet ex testimonio supra allato, non iam quidem plurimos ut olim sed tamen nonnullos adhuc decipiebant: nec videntur omnino, si Lactantio credimus, oblivione et silentio sepulta fuisse, nisi postquam Constantinus imperii gubernacula tenuit. Sic enim ille lib. 7. c. 26: „Verum illi hanc taciturnitatem nostram, veluti malam conscientiam, criminantur: unde etiam quasdam exe-

crabiles opiniones de pudicis et innocentibus fingunt, et libenter his quae finxerunt credunt. Sed omnia iam, sanctissime imperator, figmenta sopita sunt, ex quo te Deus summus ad restituendum iustitiae domicilium et ad tutelam generis humani excitavit.“ Videtur Eusebius existimare has calumnias ante Constantinum exaruisse, idque ex his colligitur quae leguntur lib. 4. c. 7: „Extincta est,“ inquit, „temporis lapsu calumnia illa, quae universae religioni nostrae afficta fuerat ... adeo ut exinde nemo ad nostra usque tempora ausus sit ullam infamiae labem fidei nostrae aspergere (ὥς μηδένα τῶν εἰς νῦν αἰσχροῦ ἐπιφέρειν τολμᾶν κατὰ τῆς πίστεως ἡμῶν δυσφημίαν) aut aliquam eiusmodi calumniam inferre, qualem veteres illi nostrae religionis hostes iactare consueverant.“

CAPUT V.

QUOMODO ET QUO SUCCESSU PRIMA APOLOGIA OBLATA ET QUO POTISSIMUM TEMPORE.

- I. Iustinus Apologiam apud Acta deponi postulat. II. Consensus edicti imperatoris cum hac Apologia. III. Vindicatur Antonino hoc decretum. IV. Videtur circa annum 150 scripta. V. De epistola M. Aurelii.

I. Apologia prolixior Iustini, quae in omnibus editionibus, excepta Londinensi, post breviorē volvitur, omnium consensu prima agnoscitur. Hanc Iustinus, ut ipse testatur in Dialogo c. 120, ad Acta obtulit, ac petiit ut commentariis publicis inscriberetur. Ait enim se ἐγγράφως adiisse Caesarem. Vocis ἐγγράφως hanc vim et sententiam esse observavi: sed praeterea ut ita interpretarer auctor ipse Iustinus fuit, qui hoc factum ut animi non timidi specimen exhibet, quod nimirum ausus esset Samaritanos in scripto ad Acta oblato et publice asservato summae impietatis, non formidata illorum iracundia, accusare. In ipsa Apologia c. 26 postulat ab imperatore ut senatum populumque romanum huius libelli supplicis cognitores adsciscat. In secunda Apologia, ut infra videbimus, primam ut notam et publice

asservatam citat; quod quidem argumento est iustae petitioni nullam moram attulisse Antoninum.

Quae in hac Apologia leguntur non minus Iustini constantiam et animi caritate fervidi fortitudinem declarant, quam ipsa offerendi ratio. Monere non dubitat imperatorem eiusque filios ex iudicio, quod de Christianis lecta hac Apologia ferent, utrum vere „pii et philosophi et iustitiae custodes et doctrinae amatores“ sint, aestimatum iri. Quamvis non ignoraret quam immoderatus fuisset Antoninus in grati erga Adrianum animi significationibus, obiicit tamen gentilibus id quod Adriani nomini sempiternam infamiam inussit, Antinoi inter deos consecrationem. Sed non is erat Antoninus, quem eiusmodi libertas offenderet. Quin potius ut de Christianis aequa sentiret ac eorum pietatem debitis laudibus ornaret, adduxisse eum videntur eximius animi candor, qui in toto elucet opere, ac dogmatum christianae religionis, praeceptorum Christi, prophetiarum, quas eventus confirmaverat, virtutum, quas Christiani colebant, rituum denique et caeremoniarum, quas in mysteriis suis observabant, sincera et accurata expositio.

II. Testatur Zonaras hunc Apologiae S. Iustini fructum fuisse, ut persecutionem Antoninus comprimeret. Pluribus rebus confirmatur hoc testimonium. Solus enim Iustinus Apologiam obtulit, quae de Christianorum rebus imperatorem edocere posset. Nonnulli quidem ex Asia fratres querelas suas apud Antoninum detulerunt: sed ex eiusmodi querelis non videtur tanta religionis christianae cognitio percipi posse, quanta in litteris Antonini elucet. Soli Iustino reservatum fuit ecclesiae causam dogmatibus et institutis accurate exponendis agere. Quinetiam tantus est decreti imperatoris cum Iustini Apologia consensus, ut in sententiam S. Martyris constructum videatur. Demonstrat Iustinus atheos non esse Christianos, nec ullum hominum genus ab aliis criminibus, quae ipsis affligebantur, magis esse alienum. Sic etiam imperator in litteris ad commune Asiae datis Christianos im-

merito atheos vocari pronuntiat, et aliis criminibus, quae probari non possunt, in invidiam adduci. Orat Iustinus ut in Christianos eadem iudiciorum forma ac in alios homines servetur. Sic etiam Antoninus statuit „nihil negotii exhibendum esse talibus hominibus, nisi quid adversus imperium romanum moliri deprehendantur.“ Apposuerat Iustinus Apologiae suae epistolam Adriani ad Minucium Fundanum: Antoninus decretum Adriani commemorat, seque illius vestigia premere gloriatur. Declarat Iustinus (cc. 2. 8. 11. 12. 17) Christianos occidi quidem posse, laedi vero nequaquam; optabile enim illis esse mortem oppetere, ut ea quae sperant consequantur. Idem illis testimonium tribuit Antoninus. Non postulat Iustinus (c. 7), ut delatores Christianorum puniantur, vel potius poenam illis quodammodo deprecatur. At imperator, dum eos puniri iubet, magis videtur, itidem ut Adrianus, considerasse quod iustitia in homines nefarios decerni iubeat, quam quid Christiani inimicis suis peterent condonari. Quod autem ait gentiles „Dei colendi rationem ignorare, et idcirco iis qui illum colunt invidere et ad mortem usque insectari,“ facile est quam consentanea haec sint Iustini Apologiae animadvertere. Haec enim illius operae non minima pars existit, ut Christianos ob veri Dei cultum, daemonum machinatione, in invidiam vocari demonstraret. Vid. c. 12 et 46.

Unum est in litteris imperatoris, de quo non videatur egisse Iustinus, nimirum terrae motus, quorum causam repetebant gentiles ex contempto a Christianis deorum cultu. Sed cum haec scriberet Iustinus, nondum videntur hae calamitates exortae fuisse.

III. Non dissimulandum est has ad commune Asiae litteras videri pluribus eruditis scriptoribus, ut Scaligero, Valesio, Grabio et aliis, non Antonini esse, sed Marci Aurelii. Sed eorum improbabilis prorsus opinio. Nam ut Tillemontii, qui eas Antonino vindicat, rationum momenta breviter referam: 1°. Eusebii auctoritas, qui eas Antonino tribuit, maximi debet esse ponderis. 2°. Soli Antonino conveniunt, qui Adri-

anum solus appellare potuit parentem suum, ac solus post Adrianum illa aetate favit Christianis. Hunc enim constat (Hist. 4, 26) ea „ad civitates ac nominatim ad Larissaeos, ad Thessalonicenses, ad Athenienses, ad universos denique Graecos“ scripsisse, quae in litteris ad commune Asiae leguntur, nempe „ne quid novi adversus Christianos molirentur.“ At Marcus semper Christianis iniquus fuit.

Legitur quidem in titulo epistolae ad commune Asiae *Μάρκος Ἀντήλιος*, sed naevus est, antiquus ille quidem, cum sic habeat Ruffinus, sed tamen naevus, pro *Ἄλλιος*, ut apud Iustinum. Proclive fuit librariis in vocibus adeo similibus errare.

Frustra obiicitur silentium Melitonis. Is enim, etsi inter epistolas ab Antonino pro Christianis scriptas non eas nominatim recenset, quae ad commune Asiae datae sunt, ab Eusebio tamen testis citatur harum Antonini litterarum. Postquam enim has litteras apposuit, statim addit (Hist. 4, 13): „Haec ita gesta esse Melito, Sardensis ecclesiae episcopus, qui iisdem temporibus floruit, perspicue testatur in Apologetico illo longe utilissimo, quem ad imperatorem Verum pro nostra religione conscripsit.“ Quomodo id tacuisse dicitur Melito, quod eum perspicue testatum esse asseverat Eusebius? Vel ergo illam ad commune Asiae epistolam aliis in locis commemoravit Melito, vel, quod malim, illam Eusebius iis, quae ad civitates et ad universos Graecos missae fuerant, generatim comprehendi existimavit, quippe cum in eandem omnes sententiam scriptae fuerint, nec ad aliud tempus aut alium eventum ea, quae est ad commune Asiae, referri possit.

IV. Quo autem anno scripta sit Apologia Iustini non una eruditorum opinio est. Scriptam anno 138 existimant Dodwellus et Pagius, Petavius ante exitum anni 139; alii anno 145, Tillemontius circa annum 150.

Quae de Cohortatione Iustini diximus annum 139 omnino reiicere cogunt. Cohortationem enim, quae scribi non potuit

nisi post annum 140, multa alia magni momenti opera subsequuta sunt, antequam Iustinus Apologiam primam scriberet. Petavius et qui ei adstipulantur minus attenderunt, quam incommode Lucius Verus, qui anno 139 puer octennis erat, a Iustino philosophus et doctrinae amator vocetur. Sic enim in inscriptione legitur: „Lucio philosopho, Caesaris natura filio, Pii autem adoptivo, doctrinae amatori.“ Frustra obii-ciunt legendum esse *φιλοσόφου*, non *φιλοσόφῳ*, ita ut non Lucius philosophus dicatur, sed ipsius pater, qui Caesar ab Adriano creatus fuit. At Lucius Verus et apud Iustinum in utraque Apologia et apud Ruffinum et in quatuor mss. codicibus Eusebii philosophus appellatur. Praeferri ergo non debent editiones Eusebii, quibus tam multa refragantur. Titulus philosophi, quem Lucio Caesari delatum fuisse non videmus, non male tribuitur eius filio, quem philosophis Apollonio et Sexto deditum fuisse testatur Iulius Capitolinus. Illud autem *ἐραστῇ παιδείας*, „doctrinae amatori,“ quod cum philosophi titulo congruere negant, satis congruere observavimus in annotatione ad hunc locum; atque etiamsi eruditionem potius quam philosophiam designaret, annon potuit Iustinus utramque laudem Lucio deferre?

Natum Dominum dicit Iustinus c. 46 ante annos 150: cui quidem calculo aliquid deesse aut superesse potest, non ita tamen, ut undecim aut duodecim annis decurtatus sit; non enim huius errati turpem notam effugeret Iustinus, si anno 138 aut 139 scripsisset.

Quibus argumentis ostendit Tillemontius haeresim Marcionis citius anno 142 prodire non potuisse, iisdem constare debet Apologiae Iustini tempus. Quantos enim progressus haberet haec haeresis, cum Iustinus Apologiam scriberet, intelligimus ex his verbis c. 26: „Marcionem etiam quemdam Ponticum novimus, qui etiamnum superest ac discipulos docet alium quemdam agnoscere maiorem mundi opifice Deum. Hic in omni hominum genere daemonum adiumento perfecit, ut multi in blasphemias erumperent, ac universi creatorem

Deum Christi patrem esse negarent, et alium quemdam, utpote maiorem, maiora quam illum perfecisse profiterentur.“

Litterae ad commune Asiae, quibus cum Apologia Iustini magnam affinitatem esse dixi, probant Apologiam circa annum 150 scriptam fuisse. Sunt enim consignatae anno XV tribunitiae potestatis Antonini, qui quidem congruit cum anno 152, quippe cum Antonino delata fuerit potestas die 25 Februarii anno 138. Sed tamen fateor me numeris in inscriptione huius epistolae notatis non plurimum confidere. Erant enim perversissimi apud Iustinum, ubi sic legebatur: *Δημοκρατικῆς ἐξουσίας ὑπατος πδ'* (ex quo fecit Sylburgius *τὸ δ'*), *πατὴρ πατριδος τὸ κα'.* Itaque cum Eusebii codices mss. in his numeris consentirent, praeferendam duxi hanc auctoritatem iis quae tam corrupta erant apud Iustinum. Sed tamen in hoc apud Eusebium numero, *ὑπατος τὸ γ'*, manifestum est erratum, quod quidem non videtur incuria inductum fuisse, sed data opera, ut cum Marco Aurelio, cuius nomen exstat in inscriptione apud Eusebium, hic numerus quadraret. Is enim tertium tantummodo habuit consulatum. Sed cum Antoninus, cui hanc epistolam tam multa vindicant, Consul IV in inscriptionibus dici soleat, legendum in inscriptione huius epistolae *ὑπατος τὸ δ'*. Sed alia suspicio in annos tribunitiae potestatis exoritur; vereor enim ne de industria nomini M. Aurelii fuerint aptati. Peroportune cadunt in primum illius imperii annum, nempe 161. Huic enim delata potestas tribunitia anno 147. Quare si scriptum fuisset *ιγ'* aut *ιδ'*, nihil id nocuisset nomini Antonini; at necesse fuit scribere *ιε'*, ut Marcus Aurelius epistolae auctor videretur.

Si tantum tribueretur Chronicis Eusebii, quantum illius Historiae, non levis difficultas obstaret, quominus Apologia haec ad annum circiter 150 reliciatur. Nam in Chronicis oblata dicitur anno 141. Sed antiquior Marcionis haeresi foret, quam tamen Eusebii Historia ante annum 142 collocare non sinit.

Obiicit Petavius, M. Aurelium in hac Apologia Verissimum vocari, quod nomen, teste Capitolino, post virilem togam deposuit; Caesarem autem non vocari, quod argumento est hanc Apologiam anno 139 scriptam, antequam Marcus ab Antonino Caesar appellatus fuisset.

Verissimi titulus nihil ad rem facit. Nam Marcus Aurelius virilem togam sumserat ante annum 139, quo anno ipse Petavius ita eum a Iustino appellatum fatetur. Caesaris autem nomen vel imprudens omisit Iustinus, vel librarium culpa excidit: vel pro Antonino Pio Augusto Caesare et Verissimo filio legendum „et Caesari Verissimo filio,“ ut admonuit Sylburgius.

Difficilius Tillemontio ad solvendum videtur, quod ab eodem Petavio et pluribus aliis obiicitur, Iustinum in hac Apologia de bello Iudaico, quod anno 136 confectum est, ut de re admodum recenti et nuper gesta loqui, ut patet ex his verbis c. 31: ἐν τῷ νῦν γεγενημένῳ Ἰουδαϊκῷ πολέμῳ. Sed iam observavi illud νῦν de rebus dudum gestis interdum usurpari, ac religionem christianam in Epist. ad Diognetum νῦν exortam, Christum νῦν incarnatum dici in hac Apologia. In eadem Apologia Antinous, quem Adrianus inter deos consecravat anno 132, νῦν dicitur exstitisse (c. 23).

V. S. Iustini Apologiae subiunguntur epistolae trium imperatorum, Adriani, Antonini et M. Aurelii, in gratiam Christianorum. Primam quidem ab ipso Iustino subiunctam fuisse constat; ipse enim huius rei testis est et monitor. Alteram ex Eusebii historia huc translatam fuisse existimat Scaliger in Animadversionibus ad Euseb. an. MMCLXXXIX. Tertiam autem recentioris Graeci, rerum romanarum ignari, facinus esse pronuntiat, infra saeculum Iustiniani imperatoris.

Non videtur ambigi posse an olim exstiterint litterae M. Aurelii, quibus et se et exercitum, cum siti premerentur ab hostibus circumdati, utrumque periculum precibus Christianorum effugisse testabatur. Has litteras non viderat

Eusebius, cum Chronica scriberet, nec de illis praeter auditum quidquam habebat. At Hieronymus ita hunc Eusebii locum reddit, ut illas exstare pronuntiet. Ipse Eusebius Histor. lib. 5. c. 5 rem ex testimonio Tertulliani certam et exploratam habet. Sic enim Tertullianus Apol. cap. 5: „At nos e contrario edimus protectorem, si litterae Marci Aurelii requirantur, quibus illam Germanicam sitim christianorum forte militum precationibus impetrato imbri discussam contestatur. Sicut non palam ab eiusmodi hominibus poenam dimovit, ita alio modo palam dispersit, adiecta etiam accusatoribus damnatione, et quidem tetriciore.“

His verbis freti Scaliger et Tillemontius, primus quidem negat Tertullianum has litteras vidisse, alter longe potiori iure asseverat. Quomodo enim ad has litteras provocasset inimicos christiani nominis, nisi rem exploratam habuisset? Quomodo tam accurate quid his litteris contineatur edissereret? Quae post Iustini Apologiam leguntur litterae M. Aurelii, non eae sunt de quibus Tertullianus et Hieronymus loquuti: sed observandum nobis est, quibusnam in rebus consentiant et in quibus discrepent.

Ac primo quidem de ipsa miraculi summa nihil occurrit discriminis. Ubique enim sitis ex longo collecta, hostium circumstantium terror, preces Christianorum, imber Romanis salutaris, fulmen in hostes memorantur. Adiecta apud Tertullianum damnatio accusatoribus Christianorum, „et quidem tetricior,“ satis quadrat cum litteris post Iustinum exstantibus, in quibus sancit Marcus ut eiusmodi delatores vivi comburantur. Quamvis Eusebius (Hist. lib. 5. cap. 5) Tertulliani verbis capitalem poenam generatim designari putet, vix tamen crediderim „damnatione tetriciore“ non gravissimum aliquod supplicium significari. Quinetiam inest verbis Tertulliani aliquid difficile, quod videtur ex litteris post Iustini Apologiam servatis illustrari posse. Illud enim „christianorum forte militum precationibus“ significare Tillemontio videtur dubium et incertum animum, non quidem Tertulliani, sed

Marci metuentis ne asseveranter loquendo noceret superstitionibus gentilibus. Sed parum verisimile fit Marcum operam dedisse ut dubitare videretur. Quid enim profuisset Tertulliano ad causae patrociniū dubia et incerta testificatio? Deinde vero sic Tertulliani verba refert Eusebius, ut nulla in imperatore resideat dubitationis significatio. Sed illud „forte“ libentius crediderim idem valere ac „casu quodam;“ non quod in casum reiiciat Marcus impetratum precibus Christianorum imbrem, sed quod casu quodam sibi evenisse crederet, ut Christianos evocaret, de quibus antea nihil cogitabat diis precandis intentus.

Sed si qua in re genuinis similes sunt hae litterae, longe discrepant in pluribus aliis. Christianis ex universo exercitu evocatis miraculum attribuunt; contra apud veteres laudem huius rei reportat una legio, quam „exinde congruo rei vocabulo fulmineam ab imperatore cognominatam esse“ testatur Apollinaris apud Eusebium lib. 5. c. 5. Litterae, de quibus agimus, omnem prorsus poenam a christiano religionis tantum nomine accusato propulsant. At id penitus pugnat cum Tertulliano et cum exemplis martyrum Viennensium et Apollonii, quorum primi, cum in iudicium vocati fuissent, morte damnati sunt ipso iubente Marco, postremus vero, cum in iudicium a perditissimo quodam homine vocatus fuisset, accusator quidem confestim fractis cruribus occisus est, ipse vero capitali sententia damnatus (Euseb. 5, 21).

Pluribus iocatur Scaliger in artificem epistolae, quod Christianos sine armis et telis in romanis exercitibus descripserit. At hunc locum explicare conatus sum. Idem observat non solere imperatores sacrum senatum appellare, ac laureatas litteras populo et senatui mittere, sed tantum senatui: haec autem desumta putat ex initio Apologiae S. Iustini. Sic inscribitur apud Baronium supposititia illa epistola: Imp. Caesar M. Aurelius, Antoninus, Augustus, Parthicus, Germanicus, Sarmaticus, Pontifex Maximus, tribunitiae

potestatis XXVIII. Imp. VII. Cos. III, Pater patriae, Procos.
S. P. Q. R. S. D.

CAPUT VI.

AN MERITO IUSTINUS PROPHETARUM LECTIONEM A ROMANIS
PROHIBITAM ET SIMONI MAGO STATUAM UT DEO ERECTAM
DIXERIT.

- I. Lex a Iustino memorata minus belle intellecta Baronio et Casaubono.
II. Videtur de curiosa futurorum inquisitione intelligenda. III. Nar-
rata a Iustino historia de Simonis statua quomodo in suspicionem ve-
nit. IV. Non videtur errasse Iustinus. V. Aut saltem erratum emen-
daturus non fuisse.

I. Convenienter huic loco examinare possumus, an ca-
pite sancitum fuerit ab ethnicis imperatoribus, ne quis Chri-
stianus Hystaspis et Sibyllae et prophetarum libros legeret.
Id enim colligit Baronius ex his verbis S. Iustini Apol. 1.
c. 44: *Κατ' ἐνέργειαν δὲ τῶν φαύλων δαιμόνων θάνατος ὥρισθη*
κατὰ τῶν τὰς Ὑστάσπου ἢ Σιβύλλης ἢ τῶν προφητῶν βίβλους
ἀναγινωσκόντων, ὅπως διὰ τοῦ φόβου ἀποστρέψωσιν ἐντυγχάνου-
τας τοὺς ἀνθρώπους τῶν καλῶν γνῶσιν λαβεῖν, αὐτοῖς δὲ δου-
λεύοντας κατέχωσιν· ὅπερ εἰς τέλος οὐκ ἔσχυσαν πράξαι. Ἀφό-
βως γὰρ οὐ μόνον ἐντυγχάνομεν αὐταῖς, ἀλλὰ καὶ ὑμῖν, ὡς ὁρᾶτε,
εἰς ἐπίσκηψιν φέρομεν, ἐπιστάμενοι πᾶσιν εὐάρεστα φανήσεσθαι.
„Malorum autem daemonum operatione sancita mors est in
eos qui legunt Hystaspis aut Sibyllae aut prophetarum li-
bros: tum ut metu homines deterreant, quominus his legendis
bonarum rerum cognitionem assequantur, tum ut eos sibi
servos retineant: quod quidem in perpetuum efficere non potue-
runt. Impavide enim non solum illos legimus, sed vobis
etiam, ut videtis, inspiciendos offerimus, cum futurum scia-
mus ut grati omnibus videantur.“

S. Martyris verba locum dederunt huic Baronii obser-
vationi. „Quam frequentes,“ inquit Appar. ad Annal. num.
20, „fuerint Christiani in legendis libris Sibyllinis, quantam-
que ad convincendos gentiles ex iis vim et auctoritatem sibi

comparare studuerint, ex eo facile potest intelligi, quod poena mortis ab eorum lectione eos absterre legibus oportuerit: quod his verbis Iustinus Martyr testatur.“ Hanc Baronii sententiam exagitat Casaubonus Exercit. 11 ac negat proprie ad Christianos illam prohibitionem pertinuisse: „Sed quod libros prophetarum et Sibyllinos iungit Iustinus, pium martyrem propterea id fecisse, quia nactus quaedam vaticinia Sibyllarum, vera an falsa, de Christo, putavit totum volumen carminis Sibyllini, quod tanto studio Romae servabatur et a cuius lectione omnes arcebantur praeter Quindecimviros, eiusdem esse argumenti.“

Dum unum errorem in Baronio refellit Casaubonus, plures alios Iustino affingit. Non potest sane Baronii stare sententia, nec illa lex, quam nominatim Christianis positam fuisse putat, ullo exstat vestigio. Quidvis aliud significant verba S. Martyris, qui, dum prophetarum oracula imperatori considerata proponit, gratum se illi ac ceteris omnibus facturum confidit, nedum mortem constitutam putaret Christianis haec oracula legentibus. Quomodo enim, si tam severa lex sancita in Christianos fuisset, gratiam se illa violanda Iustinus initurum sperasset? Deinde vero ait Iustinus daemones hac mente legem illam machinatos esse, ut homines a bonarum rerum cognitione averterent ac sibi servientes detinerent. Non tam ergo Christianos petebat illa lex, quam eos qui adhuc daemonibus emancipati erant. Denique ex testimonio Aureliani Augusti, quod modo referemus, perspicitur ethnicos ita de Christianis iudicasse, ut invisum illis carmen Sibyllinum crederent, nedum illorum studia huius libri legendi coercenda legibus viderentur. Atque haec quidem de Baronii sententia.

Sed Baronii animadversor Casaubonus an acutius vidit in explicando Iustino? Si eum audimus, S. Martyr credidit Sibyllinos libros, quia Quindecimviris asservabantur, eiusdem esse argumenti ac eos qui secundo saeculo suppositi Sibyllae fuerunt; nescivit hos libros consuli solitos esse de

placandorum deorum modis; finxit sibi eos de Verbo Dei Filio eiusque incarnatione, miraculis, morte et resurrectione apertissime loqui; atque id causae exstitit, cur poenam lectioni carminis Sibyllini constitutam ad ipsam etiam prophetarum lectionem pertinere existimaret. Magnum sane erratum et vix credibile. Sed ecce aliud non levius. Necesse est enim ut hanc similitudinem argumenti, quam libris Romae asservatis inesse cum aliis de Christo aperte loquentibus et cum ipsis etiam prophetis putabat, ita omnibus cognitam esse crederet, ut horum omnium lectio eadem poena prohiberetur. Praeterea si ita ducebatur errore Iustinus, quomodo illud gratum in solis Christianis futurum putabat, quod ob eos solos vetitum et invisum credebatur?

II. Alia ergo quaerenda huius loci explicatio, nec tamen longe quaerenda. Duo tantum observentur velim in verbis Iustini. Poena illa capitalis ethnicos deterrebat a legendis Hystaspis, Sibyllae et prophetarum libris; at Christianos tam parum movebat, ut se his legendis libris deditos esse prae se ferrent, ac proferendis prophetarum oraculis nemini in offensionem venturos confiderent. Quaenam ergo illa lex, tam ethnicis metuenda, Christianos vero nihil laedens? Non alia profecto videtur assignari posse praeter eam quae futurorum curiosam inquisitionem prohibebat. Erat enim hoc crimen longe maximum illis temporibus, ac novis rebus studere et nefaria consilia intendere videbatur, si quis de salute imperatoris responsa peteret. Unde Tertullianus Apol. 35, ut probet immerito Christianos vocari publicos hostes, „quia imperatoribus neque vanos neque mentientes neque temerarios honores dicant,“ observat eos, qui in his Caesari deferendis magna studia significant, saepe animo esse Caesari non amico et astrologos de illius salute consulere, cuius rei suspicio in Christianos non cadit. „Eadem officia dependunt,“ inquit, „et qui astrologos et augures et aruspices et magos de Caesarum capite consultant, quas artes ut ab angelis desertoribus proditas et a Deo interdictas ne suis

quidem causis adhibent Christiani.“ Refert Lucianus in „Alexandro“ callidum huius hominis artificium, qui, cum undique per libellos consuleretur, si qui ex divitibus de rebus magni momenti consulerent, non reddebat eorum libellos, sed apud se retinebat, ut, cum illi captos se et constrictos intelligerent, periculum, in quod se ipsi stulte coniecerant, magnis muneribus redimerent.

Erat ergo capite sancitum ne quis de rebus Caesari aut reipublicae eventuris inquireret, ac libros evolveret, in quibus futura praedicuntur. Hanc legem Iustinus daemonum astu et molitione fixam fuisse existimat, nimirum ut homines a legendis prophetis deterrerentur: sua illum experientia docere potuit multos hoc metu detentos fuisse, quominus prophetarum scripta tangere auderent. At Christianorum alia exstitit causa. Notum omnibus erat eos detestari quidquid ad auguria et aruspicinam pertinet, ac grande piaculum arbitrari daemones consulere; nec prophetas proferebant in iis quae ad reipublicae administrationem pertinent, sed in iis quae ad salutem aeternam, neque ut futura curiose cognoscerent, sed potius ut ea, quae Iesu Christo et Christianis evenerant, multis ante saeculis praevisa et praedicta demonstrarent. Ab hominibus sic animo affectis nihil Caesaribus metuendum erat: impune poterant Sybillae et Hyastaspis et prophetarum libros evolvere; suspicio non erat futuros reipublicae eventus ab eis inquiri; satisque lepide Aurelianus in epistola ad Senatum, quam Vopiscus nobis prodidit, dicebat: „Miror vos, patres sancti, tam diu de aperiendis Sibyllinis dubitasse libris, quasi in Christianorum ecclesia, non in templo deorum omnium tractaretis.“ Non mirum ergo, si prophetarum scripta et alia his similia gentiles sine periculo legere non poterant, Christiani vero et sine suspicione ea legebant, et, res praedictas ad exitum perductas esse ostendendo, gratam admirationem in animis excitabant.

III. Controversiae non levi materiam dederunt, quae a

Iustino in eadem Apologia de statua Simoni mago erecta dicuntur. Sic enim c. 26: „Daemones immiserunt Simonem quemdam Samaritanum e vico Gittum dicto, qui sub Claudio Caesare, cum magica miracula, daemonem in eo operantium arte, in regia vestra urbe Roma edidisset, deus existimatus est et a vobis tamquam deus statua honoratus, quae statua erecta est in insula Tiberina inter duos pontes, habens hanc romanam inscriptionem: Simoni deo sancto.“ Et c. 56: „Daemones immiserunt Simonem et Menandrum Samaritanos, qui magicis miraculis editis multos deceperunt, atque etiamnum deceptos tenent. Nam cum apud vos in regia urbe Roma, ut iam dixi, imperante Claudio Caesare, Simon versaretur, et sacrum senatum et populum romanum ita admiratione percussit ut deus existimaretur et statua velut alii, qui a vobis coluntur, dii donaretur. Quapropter oramus, ut et sacrum senatum et populum romanum una vobiscum huius nostri supplicis libelli cognitores adsciscatis, ut si quis eius doctrina implicatus sit, veritate cognita, errorem possit effugere: et statuam, si ita vobis placet, deiicite.“

Narrata a Iustino historia semper in pretio et honore exstiterat, eique pondus addiderant Tertulliani, Eusebii, Cyrilli Hierosolymitani, Augustini et Theodoreti, a quibus idem asseveratur, testimonia, donec fidem et auctoritatem apud eruditos non paucos detraheret inventa sub Gregorio XIII quaedam statua. „Ante annos puto quinque,“ inquit ad annum 44 Baronius, „Gregorio XII! pontifice, in eadem insula Tiberina e ruderibus lapis est effossus, tali inscriptione notatus:

SEMONI SANGO DEO FIDIO SACRUM
SEX. POMPEIUS S. P. F. COL. MUSSIANUS
QUINQUENNALIS DECUR. BIDENTALIS
DONUM DEDIT.

Prae se fert lapis ipse basim, super qua statua locata esset, sed exiguam; nec enim, cum valde angusta sit, capax esse videtur alicuius simulacri humanae staturae similis.“ Nomi-

num quaedam est similitudo inter hanc inscriptionem et eam quae a Iustino refertur; congruit etiam locus: reperta enim statua Semonis Sangi dei in insula Tiberina, in qua Simonem deum sanctum narrat Iustinus fuisse consecratum. Inde nata pluribus eruditis non suspicio solum, sed etiam firma persuasio deceptum fuisse Iustinum ignoratione latinitatis, et ab eo Simonem Deum Sanctum ex Semone Sango Deo fabricatum fuisse. Sed parte ex alia reclamant alii non ignobiles critici, imprimis Tillemontius, quorum rationibus difficile est non assentiri.

IV. Unico prorsus argumento nituntur qui Iustinum oscitantem errasse volunt, nempe nominum similitudine. Levissimi enim momenti est quod obiicit Valesius (not. in Euseb. lib. 2), non solere Romanos divinitatem hominibus vivis tribuere aut deos appellare sanctos. Ut omittam exempla non deesse hominum ante mortem diis adscriptorum, ut Neryllini apud Athenagoram c. 26, satis est meminisse tunc imperasse Claudium, cuius sub imperio nihil tam absurdum fuit, quod non impetrari et perfici potuerit. Consecraverant Simonem Samaritae, eorumque suffragio Romam deus advenerat, nec mirum est, si ibi eosdem honores consequutus est, „quo,“ ut ait Tacitus (Annal. lib. 15), „cuncta undique atrocita aut pudenda confluunt celebranturque.“ Sanctorum appellationem diis tributam fuisse observat Tillemontius in pluribus apud Gruterum inscriptionibus. Nihil est ergo quod Iustinum premere possit praeter inscriptionis ab eo memoratae cum ea, quae multis post saeculis reperta est, similitudinem. At utraque in multis diversa. Potuit quidem Semonis nomen cum Semone confundi: at neque Semon Sango Deus Fidius pro Simone Deo Sancto ab homine legendi perito sumi potuit, nec ab homine sano Sex. Pompeius S. P. F. Col. Mussianus etc. pro imperatore et senatu, nec imago dei Sangi pro imagine Simonis ab eo, qui hanc postremam in Samaria viderat.

Praeterea observandum est nec temere et inconsiderate

Iustinum postulasse ab imperatore, ut hanc Simonis magi statuam tolleret. Haec enim petenti magnum periculum imminebat a Samaritanis, ac ipse in Dialogo c. 120, ut probet nihil aliud sibi curae esse nisi ut verum dicat, „etiamsi e vestigio discerpi oporteat,“ exemplum animi non timidi a se editum profert, cum Caesarem deposito ad Acta scripto compellens dixit Samaritanos „errore decipi, ut qui Simoni gentis suae mago fidem habeant, quem deum supra omnem principatum et potestatem et virtutem esse dicunt.“ Si id Iustinus non aggressus, nisi considerato et perspecto periculo, quod ei a Samaritanis metuendum erat, vix dubium quin certa illi et explorata res fuerit. Quinetiam imperatorem rogat, ut senatum et populum huius rei cognitores adsciscat et statuam deiiciant. Videntur ipsi Samaritani statuam novisse et magni fecisse. In hoc enim metuendus fuit eorum furor, quod illos statuae deiectio latere non potuisset, si impetrasset Iustinus ut deiiceretur. At difficile fuit, ut quae Iustinus de Simone obiter scribebat ea ad illorum cognitionem pervenirent.

V. Etiamsi errasset hac in re Iustinus, saltem erratum agnoscere debuit, vel sua sponte dum per urbem incedens plures alias Semonis Sangi statuas reperit (plures enim Romae exstitisse constat), vel monitus ab amicis, vel ab inimicis castigatus. Prima illius Apologia famam et celebritatem habuit. Quomodo ergo tam insigne erratum tamque ad feriendos oculos idoneum ita latuit, ut in Dialogo et in Apologia secunda fidens et tutus confirmet quod in prima dixerat? Cum eruditis viris pro christiana religione pugnare solitus erat. Cur ergo acceptas ab eo plagas nemo ultus est, ac ne ille quidem Crescens, quem a se fractum et convictum declarat? Apol. 2. c. 3. Quomodo erratum minime subodorati tot venerandi scriptores, qui idem ac Iustinus dixerunt? Quinetiam, ut observat Tillemontius, ea S. Augustinus et Theodoretus de hac statua dixerunt, quorum illis auctor non fuit Iustinus. Primus enim Simoni et Helenae erectam fuisse,

alter aeream fuisse testatur, quorum neutrum dixerat Iustinus. Hae rationes, quas magna ex parte Baronius et Tillemontius suppeditarunt, detinent me quominus id quod alii eruditi viri asseveranter pronuntiarunt pluris esse quam coniecturam incertam existimem.

CAPUT VII.

DE DIALOGO CUM TRYPHONE.

I. De Iustini peregrinationibus. II. Dialogi occasio, quem Ephesi per biduum cum Tryphone eiusque sociis habuit. III. Quo id tempore contigerit inquiritur. IV. De Tryphone eiusque sociis ac Iustini disputandi ratione nonnullae observationes. V. An Dialogus primae diei fine et secundae initio mutilus sit examinatur.

I. Quod ait Eusebius lib. 4. c. 11, Iustinum Romae domicilium habuisse, non ita accipiendum est, quasi Iustinus vitam suam hac in urbe traduxerit. Diu enim abfuisse post oblatam imperatori Apologiam et in aliis regionibus commoratus videtur. Ait enim in Actis martyrii: „Veni autem in urbem Romam secundo,“ ἐπεδήμησα δὲ τῇ Ῥωμαίων πόλει τοῦτο δεύτερον. Quibus verbis rediisse se longo intervallo significat; neque enim, si ad breve tempus discessisset, interrupta perpetuitas commorationis fuisset. Quatenus autem causae S. Martyrem in provincias traxerint, et quid absens egerit, ex illius in ipsa urbe occupationibus diiudicare possumus.

Existimat Tillemontius Iustinum imitatum esse eximios illos apostolorum discipulos, quos narrat Eusebius evangelistarum munus variis in regionibus obiisse, partim evangelio his qui nondum illud audierant praedicando, partim ecclesiis, quas apostoli fundaverant, invisendis, ut eas in fide ac veritate confirmarent. Enituerat ante Iustinum in hoc laudis genere Quadratus; post Iustinum autem teste Eusebio l. 5. c. 10 multi eiusmodi evangelistae prodierunt, quos inter insignes fuere Pantaenus et saeculo tertio ineunte Caius, quem Photius gentium episcopum ordinatum fuisse testatur. Hoc

evangelistae munere Iustinum idem eximius scriptor perfunctum fuisse censet in Campania et Aegypto, quas regiones peragrasse se Iustinus ipse testatur in Cohort. ad Graecos, tum etiam in Asia, ubi eum versatum fuisse et Ephesi Dialogum cum Tryphone et aliis Iudaeis habuisse narrat Eusebius. Aduvat hanc opinionem episcopi aut presbyteri dignitas, qua Iustinum ornatum fuisse coniecit idem Tillemontius. Nihil prae se ferunt hae coniecturae quod repugnet, nihil quod non apte et commode cogitatum videatur: sed tamen non sine aliquo delectu adoptandae.

1°. Minus accurate Tillemontius Campaniam et Aegyptum a Iustino evangelii praedicandi causa peragratas fuisse putat. Neque enim improbabile est eum in ipsa Aegypto christianam religionem amplexum esse, ac Cumis in Campania minime commoratum, sed diversatum cum Romam peteret; aut si has regiones peragravit, id profecto contigit ante illius Romam adventum, ante scriptam ad Graecos Cohortationem, ac proinde cum recens esset a conversione, necdum evangelistae muneri maturus.

2°. Nec illud statui potest, utrum Iustinus Roma discedens varias regiones peragravit, an certum locum commorandi causa petierit. Hoc tantum scimus, nihil amplius, eum, postquam Roma discessit, Ephesi per duos dies cum Tryphone et aliis Iudaeis disseruisse. Huius autem Dialogi haec fuit occasio.

II. Paucis diebus ante, quam Iustinus discederet, ambulanti mane in Xysti spatiis occurrit Iudaeus quidam, Trypho nomine, cum aliis ex eadem gente, seque philosophiae studiosum esse significat et idecirco cum eo colloquendi cupidum. Quaerit Iustinus, annon multo plus ei Moses et prophetae quam philosophi prodesse: et ab eo rogatus quid de Deo sentiat, quam philosophiam sectetur, narrat eis quomodo philosophiae platonicae deditus a quodam sene, in quem forte inciderat, veritatem non a philosophis, sed a prophetis de Christo Dei Filio praedicentibus petendam di-

dicisset. Rident socii Tryphonis: dolet Trypho sortem Iustini, quod philosophis relictis spem in homine constituat, inanibus commentis deceptus. Spondet Iustinus demonstraturum se, si audire velint, non fabulis Christianos sed certissimis argumentis credidisse. Iterum socii Tryphonis rident et indecore clamant; discedere quaerit Iustinus: retinetur a Tryphone, sed ea lege, ut socii aut abeant aut silentio audiant. Tum Iustinus et Trypho in medium Xysti stadium veniunt, ibique in sedilibus lapideis ex utraque parte positis consident, cum duo ex sociis Tryphonis abiissent. Haec proludia fuere longioris disputationis, quae decedente die interpellata, postridie redeunte Tryphone cum sociis et aliis nonnullis, qui pridie non adfuerant, hora, ut verisimile est, composita repetita est.

Postquam per biduum disputatum est, Iustinus et Trypho non sine perpolitae amicitiae significationibus discesserunt. Declarat Trypho se hoc congressu maiorem in modum delectatum esse, nec dubitare quin eodem animo affecti sint socii. Plus enim invenisse se quam exspectabant, aut quam exspectari unquam possit. Desiderium saepius colloquendi significat; prosperam navigationem Iustino precatur. Iustinus nihil maius se illis precari posse ait, quam ut idem ac Christiani sentientes in Christum credant.

Opus dedicavit Iustinus Marco Pompeio, quem, cum amicissimum vocet c. 8 et sub finem, christianum fuisse et veritatis cultorem non immerito coniecimus. Sed eum cum Lango coniecere Marcum illum fuisse, a quo profligati Iudaei, vel cum Grabio Marcum Hierosolymitanum, otio abuti esset.

III. Sincerus Iustini animus ac veritatis amans in omnibus operibus depingitur; sed ipse sibi in hoc Dialogo necessitatem imposuit accurate referendi quidquid cum Iudaeis disseruerat. Ne quid enim suspicionis in Iudaeorum animis resideret, promiserat eis c. 80 se litteris mandaturum hanc disputationem, nec suam dissimulaturum de Hierosolymorum restitutione sententiam, quam multis minus placere fatebatur.

Promissis stetit, et Romam, ut verisimile est, reversus (ibi enim domicilium habebat) hoc opus composuit, utrum Antonino an Marco imperante haud equidem dixerim. At sub Antonino Dialogum habitum fuisse colligitur ex his verbis (c. 16): *Οὐ γὰρ ἐξουσίαν ἔχετε αὐτ' ἑαυτοὺς γενέσθαι ἡμῶν διὰ τοὺς νῦν ἐπικρατοῦντας· ὁσάκις δ' ἂν ἐδυνήθητε, καὶ τοῦτο ἐπράξατε.* „Neque enim ea vobis est potestas, ut manus nobis inferatis, propter eos qui nunc rerum potiuntur: quoties autem adfuit, rem confecistis.“ Tum ergo favebat Christianis imperator, eiusque patrocinio tuti erant ab inimicorum insidiis. Si qua enim saeviisset persecutio, non defuisset Iudaeis facultas odii sui explendi, si minus per se occidendo Christianos, saltem se ethnicis, ut saepe fecerunt, adiungendo et eorum furorem in Christianos incitando. Si eam Iudaeis ereptam potestatem diceret Iustinus, quam tunc habuere, cum res suas armis et castris tuerentur: eam non ab eis, qui tunc rerum potiebantur, sed ab Adriano repressam dicere debuisset, a quo penitus profligati et omnibus rebus spoliati sunt. Etsi Iudaei sub Barchocheba duce crudeliter in Christianos saevierint, ut testatur Iustinus Apol. 1. c. 31, haec persecutio diuturna non fuit: at Iudaei Christianos vexare non desierunt, quoties persecutionem ethnici moverunt. Dies festos Christianorum observabant, et cum ethnicis in ecclesiam irruebant, teste S. Hippolyto (In Susannam apud Combefis. Auct. p. 53), ac nonnullos apprehensos ad tribunalia trahebant. Hinc in Actis martyrum multo vehementius clamant quam ipsi gentiles. Vid. Act. S. Polycarpi n. 12 et S. Philippi Heracl. n. 6. Ipse Iustinus in alio Dialogi loco (c. 110) conjunctionem Iudaeorum cum ethnicis adversus Christianos sic describit: „Quantum in vobis est et caeteris omnibus hominibus, non solum ex propriis possessionibus unusquisque Christianorum pellitur, sed etiam ex toto terrarum orbe, nec ulli Christiano vitam liberam relinquitis.“ Quod ergo nocendi potestatem

ereptam Iudaeis dicit ab his, qui tunc rerum potiebantur, id non Marcum Aurelium, qui semper inimicis Christianorum deditus, nunquam amicus Christianis fuit, sed Antoninum designat, cuius beneficium nondum videtur, cum haec dissereret Iustinus, Christianis eripuisse imperii mutatio.

IV. Trypho Hebraeus erat et circumcisis atque ex bello, quod sub Adriano gestum fuerat, profugus in Graeciam venerat. Argis audierat Corinthum Socraticum, ac in Graecia et Corinthi ex illo tempore degere solebat. Minus belle Tillemontius haec Tryphonis verba, *φυγὼν τὸν νῦν γε-
νόμενον πόλεμον*, de bello quodam, quod Antoninus Pius cum Iudaeis habuit, interpretatus est. Ut omittam illud bellum obscuram et levem fuisse expeditionem, nec sub Pio, sed sub Adriano Iudaeos in varias partes dispersos fuisse: significat Trypho ab eo bello, ex quo profugus erat, longum tempus effluxisse. Ex quo enim patriam fugerat, philosophiae operam dederat, et in Graecia ac Corinthi ut plurimum degebat: quod argumento est eum non semper in hac urbe commoratum. Non possunt ergo haec verba, *τὸν νῦν γε-
νόμενον πόλεμον*, de bello tunc temporis flagrante intelligi. Iam observavi illud *νῦν* de rebus ante multos annos peractis usurpari, nec mirum videri debet si a Tryphone de bello ante annos forte viginti confecto usurpetur.

Tryphonem Eusebius omnium tunc temporis Hebraeorum celeberrimum fuisse testatur. Sic enim de Iustini Dialogo loquitur lib. 4 Hist. c. 18: *Καὶ διάλογον δὲ πρὸς Ἰουδαίους συνέταξεν, ὃν ἐπὶ τῆς Ἐφέσου πόλεως πρὸς Τρύφωνα τῶν τότε Ἑβραίων ἐπισημότατον πεποιήται.* „Composuit etiam Dialogum adversus Iudaeos, quem apud Ephesum habuit cum Tryphone Hebraeorum tunc temporis celeberrimo.“ His Eusebii verbis confirmari existimat Grabius coniecturam Cavei, qui hunc Tryphonem eundem esse putat ac rabbi Tarphonem magni apud Iudaeos nominis, et vulgo *הבן העשיר* „sacerdotem divitem“ appellatum. Sed si Trypho inter rabbinos numeratus fuit, ad hunc honorem non pervenit nisi post hunc cum

Iustino Dialogum. Nam initio colloquii, cum dixisset Trypho Christum, si iam natus est et alicubi exstat, ignotum prorsus esse ac ne sibi quidem ipsi cognitum, aut ulla potestate praeditum, donec veniat Elias, qui illum ungat et omnibus ostendat: significat Iustinus misereri se Tryphonis a rabbinis quidquid in mentem venit effutientibus decepti. In toto Dialogi decursu ita cum Tryphone et sociis agit, ut cum hominibus rabbinos duces more caecorum sequentibus, et discedens ab eis hortatur ut Christum rabbinis anteponant. Ipse Trypho rabbinis summissum se esse significat, cum ait c. 38: „Praeclare faceremus, si magistris nostris morem gerentes, qui vestrum cuiquam venire in colloquium lege vetuerunt, ne horum quidem sermonum communionem tecum haberemus.“ Interroganti Iustino c. 56, an cuiquam existimarent Dei et Domini nomen, nisi Deo Patri et Christo, deferri a Spiritu sancto, respondet Trypho aliorum nomine, imparatos se esse ad tam periculosas quaestiones, nec unquam a se auditum quemquam qui his de rebus dissereret. Videri etiam possit simplicior, cum irascitur et blasphemiae Iustinum accusat, quod is malas virtutes, quae a Deo defecerunt, commemorasset, c. 70. Sed tamen inter socios, qui cum eo Iustinum audierunt, iam tum auctoritate et scientia eminebat, nec improbabile est eum postea nomen et famam rabbinum assequutum. Philosophiae operam dederat sub magistro gentili, et, quod eum discendi studiosum fuisse probat, sacros Christianorum libros legisse se testatur, Dialog. c. 10.

Nec probitas deerat Tryphoni nec veritatis amor quidam, sed immoderatum legis studium videtur ei fructus praeripuisse, quos ex Iustini colloquio percipere potuisset. Non credebat quae de Christianis falsus rumor in vulgus sparserat: fide indigna iudicabat, c. 10; hoc tantum in eis vituperabat, quod, cum summam prae se pietatem ferrent, nec festos dies nec sabbata nec circumcisionem tenerent et spem in homine crucifixo ponerent. Postquam eius rogatu Iustinus

probavit eximiis argumentis legem datam esse non ad iustitiam, sed propter peccata, non idcirco movetur (c. 18). Urget iterum Iustinus et quaerit cur iustis ante Abraham et Mosem circumcisionem et sabbata Deus non imposuerit; tum vero Trypho ingenue ignorationem suam confitetur, c. 28. Animo horrescere videtur, c. 38, ubi Christum audit eum esse qui cum Mose et Aaron in columna nobis loquutus est; aequiorem se praestat argumentis a Iustino allatis, ut Filium a Deo ante saecula genitum probet; rem egregie demonstratam fatetur, c. 57 et 63. Hoc tantum petit a Iustino, ut hunc Dei Filium nasci et crucifigi voluisse ac resurrexisse et in coelum ascendisse probet. Pene victum diceres Tryphonem c. 89, ubi fatetur Christo congruere quidquid testimoniorum Scripturae a Iustino laudatum fuerat: una res eum deterret, supplicium crucis, cui lex maledictionem inflixit. Iustinus multa praeclare congerit ad huius rei explicationem, sed tamen corda Iudaeorum superasse non videtur, quamvis eos interdum videatur permovisse. Nam post tot ac tanta religionis argumenta, cum pertenderet Iustinus locum quemdam Esaiæ de Christo et illuminatis ab eo gentibus accipi debere, nonnulli eorum, qui postridie venerant, incondite ut in theatro clamorem ediderunt (c. 122).

Videtur Iustinus interdum a sua lenitate in docendis Iudaeis discedere, eosque maximis probris saepe onerare. Sed tamen ubi durioribus verbis utitur, non tam eos qui audiebant, quam obstinatum in omni scelere gentem compellat, velut cum ait c. 93: „Nam cum ex signis a Mose factis intelligendi copiam habeatis hunc esse Christum, non modo non vultis, sed etiam, in angustias nos conici posse existimantes, quaestiones ponitis quaecumque in medium veniunt, nec tamen ipsi habetis quid dicatis, si quem firmiorem Christianum offenderitis.“ Ad hoc exemplum existimari possunt plurima alia, quibus Iustinus iudaicam gentem perstringit, ut Iudaeos audientes a stultissima opinione, quam de gente sua et synagogis suis habebant, ad verum Israellem et Dei po-

pulum agnoscendum revocaret. Enitescit patientia Iustini, cum eum desipere ait Trypho c. 39, vel cum animum a doctrina christiana vehementer abhorrentem significat, aut ea reiicit quae antea concesserat, c. 67. His in locis Iustinus iustae indignationi moderatur, nec de studio veritatis docendae quidquam remittit, cum Dei iudicium metuens si verum subtrahat, tum etiam sperans inter eos, qui audiebant, reperiri aliquem posse, qui e numero electorum sit; seque testatur ita agere cum omnibus hominibus solere, quicumque illum sciscitari voluerint.

Trypho cum sex sociis primo die occurrit Iustino. Nam cum duo abiissent, eorum, qui remanserant, quantum numerat Iustinus c. 66. p. 152 [p. 277 A. ed. Mor.]. Postridie frequentior fuit comitatus Tryphonis. Nam praeter eos, qui pridie adfuerant, alii supervenerunt, ut Mnaseas, de quo c. 85, et alius c. 94. Praeterea Iustinus ait, ut iam dixi, c. 122, nonnullos ex iis, qui postridie venerant, inconditum ut in theatro clamorem edidisse.

V. Sed difficilis et magni momenti nobis examinanda quaestio est, utrum integrum hoc eximium opus ad nos pervenerit, an satis longa pars desideranda sit, ut visum est eruditis viris, quotquot de Iustini scriptis pertractarunt. Videntur sane non leves causae subesse, cur magnam aliquam lacunam suspicemur. Nam cum duos dies in disserendo insumserit Iustinus, cumque pridie disputata interdum repetat in gratiam eorum qui non interfuerant, ut cc. 78. 84. 92. 118, nusquam tamen prioris disputationis conclusionem, nusquam initium posterioris deprehendas; nulla prorsus et nocte cogente discedentium et postridie redeuntium salutatio. Quae quidem si exciderunt ex scripto Iustini, lacuna necessario collocanda est intra c. 70 et 78. Nam Iustinus c. 78 pridie disputata de Mithrae mysteriis repetit in gratiam eorum qui non adfuerant. Haec autem leguntur c. 70. Unde necesse est medio inter utramque paginam intervallo hesterni colloquii finem, posterioris initium collocari. Locus ex c. 82

citatus apud S. Ioannem Damascenum Parallel. p. 754 dicitur desumptus ἐκ τοῦ πρὸς Τρύφωνα β' λόγον, „ex secundo Dialogo cum Tryphone,“ id est, ut eruditus editor observat, „ex secundâ parte Dialogi.“

Sed tamen si ordinem et seriem consideremus, quam Iustinus in omnibus argumentis dispensandis sequitur, amissae Dialogi partis desiderio modum ponemus, ac iniectus ex opinata lacuna dolor evanescet.

1°. Totius Dialogi series, dum aliae ex aliis quaestiones nascuntur, mirifice cohaeret, neque a c. 70, ubi de Mithrae mysteriis agitur, ad c. 78, ubi hesternâ Mithrae mysteriorum commemoratio propter eos qui pridie non adfuerant repetitur, disputatio videtur interrumpi potuisse. Postquam enim Iustinus ex loco Esaiae, quem Mithrae sacerdotes imitatos esse dicit, occasionem cepit castigandae Iudaeorum in Scripturis interpretandis superbiae imperitiae, et querendi, quod Septuaginta interpretationem vituperare audeant, et ex ea nonnulla testimonia sustulerint, tum vero ad promissam venit explicationem Esaiae verborum: „Ecce virgo concipiet,“ quae fatetur a Iudaeis sublata non fuisse, sed tamen ita reddi: „Ecce adolescentula in utero habebit.“ Interpellat Trypho, ac scire avet quaenam testimonia ex Scripturis Iudaei sustulerint. Morem gerit Iustinus, et cum ex his verbis, „Dominus regnavit a ligno,“ Iudaeos illud „a ligno“ abstulisse dixisset, Tryphonem, qui totum hunc psalmum non de Christo passibili sed de Deo omnium creatore dictum esse contendebat, refellere aggreditur, et maiestatem regni in Christo cum passionis ignominia coniunctam esse probat pluribus Scripturae testimoniis. Fatetur Trypho haec magni esse ad persuadendum momenti, sed a Iustino reposcit toties promissam Esaiae verborum explicationem, quam quidem dum exsequitur Iustinus, data occasione repetit quae pridie dixerat de Mithrae mysteriis.

2°. Ex his patet operam perdidisse qui c. 74, ad haec verba ὡς καὶ διὰ τῆς γῆς finem primae diei et initium se-

quentis collocantes, opinatum vacuum aut excogitatis sententiis aut ex S. Ioanne Damasceno repetitis explere conati sunt. Verba desunt paucissima ac disputatio in eodem semper argumento versatur, ut in notis observatum est.

3°. Sic totum Dialogum pertexit Iustinus, ut intermissionis illius, quam nox attulit, nullam prorsus rationem habeat, sed omnia eadem serie comprehendat, sive id commodius ei visum est, nec lectorem rei non necessariae narratione interpellare voluit, sive non omnia eodem ordine, quo fuerant disputata, retulit, sed ut memoriam subibant, vel ut ad certa quaedam genera revocari poterant. Res ante oculos facile ponitur. Rogat Iustinum Trypho c. 56. p. 153. ut, cum diem procedere videat, citius absolvat quod probandum susceperat, nempe, praeter Deum Patrem, alium esse qui eius Filius et Deus dicendus sit. Pluribus ea de re disserit Iustinus: sibi illum satis fecisse testatur Trypho c. 63, ac amplissimam disserendi segetem Iustino proponit, in quam fere insumetur quidquid Dialogi reliquum est, nempe de huius Filii, quem Iustinus Deum esse demonstraverat, incarnatione, cruce, resurrectione et ascensione. Onus libenter suscipit Iustinus. Quomodo ergo utrumque cepit oblivio diei procedentis? Haec enim a Tryphone postulata et a Iustino promissa ante c. 70, id est antequam finis primae diei observari possit. Quinetiam postquam Iustinus probare coepit Christum ex virgine debuisse nasci, atque huic disputationi partim interpellante Tryphone partim sua sponte multa intexuit, ad eam, ut in uno et eodem colloquio promissam ac nocte minime interruptam, ita a Tryphone revocatur. Sic enim Trypho c. 77: „Equidem tibi assentior satis inesse tot ac tantis rationibus ad persuadendum momenti; sed scias velim me a te Scripturam illam, quam saepe demonstraturum pollicitus es, reposcere.“ Argumento est haec disserendi ratio noluisse Iustinum accurate distinguere quid primo, quid secundo die disputatum sit, sed omnia una et eadem serie comprehendisse.

4^o. Nonnulla occurrunt in posteriore Dialogi parte, quae frustra in priore quaerantur, quamvis pridie dicta fuerint. Ait Iustinus c. 85 se antea usum esse his psalmi verbis, „Laudate Dominum de coelis,“ et c. 105 se demonstrasse animas post mortem manere. At ea alibi non leguntur. Sub finem Dialogi testatur Trypho Iustinum dixisse se brevi soluturum. Haec autem suspicari non debemus ex locis inter c. 70 et 78 interiectis excidisse. Nihil enim hic vacui et hiulci esse demonstravimus. Sed minime mirum, si nonnulla Iustinus alio loco commemorat, quae suo non occurrerant memoriae scribentis. Sic etiam quod ait Iustinus c. 80 se antea confessum esse multos sibi eosque „ex illo Christianorum genere, quod piam et puram sequitur sententiam,“ non assentiri de restitutione Hierosolymorum, id cum nusquam antea occurrat, nequaquam in librariorum culpa reiicienda, sed laudanda potius est scriptoris diligentia, qui res in prima parte vel de industria omissas vel memoriae elapsas apte in secunda commemorat.

Idem fecisse Iustinus in vero Dialogo videtur ac in fictis Plato, qui Socratem decem de republica libros una serie devolventem inducit, nulla prorsus intermissionum, quas identidem fieri par erat, habita ratione. Utar alio exemplo, quod magis appositum videtur. Dialogus de vita S. Ioannis Chrysostomi, inter Palladium episcopum et Theodorum diaconum habitus, usque ad diem quartum productus fuit, ut patet ex p. 162, ubi Palladius nonnullos commemorat, de quibus se nudiustertius egisse testatur, οὗτοι εἰσι περὶ ὧν τρίτην ἡμέραν διηγησάμεθα. Ea tamen est Dialogi continuatio, ut, quamvis intermissus et repetitus fuerit, nullo vestigio aut finem unius colloquii animadvertas aut initium sequentis.

CAPUT VIII.

DE SECUNDA APOLOGIA S. IUSTINI.

I. Persequutio sub Marco. II. Iustini concertationes cum Crescente. III. De martyribus in secunda Apologia laudatis. IV. Hanc Marco Aurelio et Lucio Vero probatur oblatam fuisse.

I. Quo anno Romam reversus sit Iustinus, statuere non possumus: minime dubium, quin hac in urbe commoratus sit, cum gravissima persecutio sub M. Aurelio grassaretur. Non iusserat praestantissimus princeps vexari Christianos; sed, ut observat Athenagoras (Apol. c. 1), dum iniuriam ab eis non propulsat, dum nullam partem in eos derivat paternae illius sollicitudinis, qua universos imperii romani cives tuebatur, omnibus inimicorum iniuriis expositi fuere, nec ullum ab illis abfuit damnorum et suppliciorum genus. Haec agendi ratio in optimo imperatore summum odium declarat christianae religionis: nunquam enim suum illis patrocinium clausisset, si quid de illis aequi sensisset. Sed plus apud eum et nefaria philosophorum consilia et romanarum caeremoniarum amor, quam avi et patris exempla et insita omnibus iustitiae et aequitatis elementa valuerunt. Cum ergo omni ope destituti essent Christiani, gravissimae in eos undique exortae tempestates. Testatur Iustinus (Apol. 2. c. 1) ubique terrarum si quis ex gentilibus a christiano patre aut vicino aut filio aut amico aut fratre aut marito aut uxore ob delictum reprehendatur, statim eum operam dare ut censorem suum in iudicium capitis arcessat. Si quis autem fateretur se esse Christianum, satis causae iudices habebant, cur eum statim morte damnarent.

II. Nemini sane tristissimum tempus plus doloris afferre debuit quam S. Martyri Iustino, tum ob eximium ecclesiae amorem, quo totus videtur arsisse, tum quia, cum pacem ecclesiae ab Antonino pro sua virili parte impetrasset, labores suos a daemonibus everti videbat. Sed cum probe sciret Christianos, dum sic occiduntur, ab improbis dominis

ad optimum patrem Deum proficisci, non dubitavit in medium discrimen sese conicere, et ad confutandos philosophos, qui huius incendii fax esse videbantur, omnem animi sui vim incitavit (Apol. 2. c. 3). „Veritatem praedicans gulae et fraudis illos arguebat,“ teste Tatiano c. 19. Praecipue cum Cynico Crescente, homine omnibus vitiis notatissimo, gradum contulit multis audientibus, eiusque summam eorum quae asseverabat ignorationem aut eorum quae sciebat dissimulationem nemini dubiam reliquit, cum provideret, id quod usu evenit, superbissimum hominem acceptas plagas sanguine victoris expiaturum. Videtur latius manasse huius colloquii fama; ac dubitat ipse Iustinus annon etiam ad aures imperatoris pervenerit. Quodsi minus ad eos disputatio perlata, paratum se esse significat rursus illis audientibus Crescenti quaestiones ponere. Sin autem eis cognitae interrogationes et responsiones, non dubitat quin Crescentem aut nihil christianarum rerum scire, aut, si sciat, ignavum eorum quae scit dissimulatorem esse intellexerint. Sic enim peragebatur Iustinum inter et Crescentem concertatio: cum publice praedicaret Crescens atheos esse et impios Christianos, interrogabat eum Iustinus; respondebat ille, et responsiones eius sic refellebat Iustinus, ut eum aut ignoratae aut dissimulae Christianorum doctrinae crimine premeret. Hallucinati sunt qui Crescentem summae omnium rerum ignorationis convictum fuisse putant. Non enim de rebus inter philosophos agitari solitis controversia erat, sed de christiana religione: nec Crescentem Iustinus omnium rerum ignarum esse declarat, sed „rerum nostrarum.“ Non una aut altera exstitit tantum Iustino cum Crescente certandi occasio. Saepe iteratum praelium. Crescens insectari Iustinum et Tatianum non desinebat. „Quosnam autem philosophorum,“ inquit Tatianus c. 19, „nisi nos solos insectari solebat?“ Testatur Eusebius „saepe in dialogis victum a Iustino multis audientibus Crescentem,“ *πλεονάκις ἐν διαλόγοις ἀκροατῶν παρόντων εὐθύνας αὐτόν.* Hist. IV. 16.

III. Praeter communem omnium Christianorum persecutionem insigne quoddam crudelitatis specimen Romae editum est, quod Iustino animos addidit ut alteram Apologiam imperatori M. Aurelio offerret. Christiana mulier, cum virum haberet omnibus vitiis deditum, nihil intentatum reliquit ut eum ad saniores mentem revocaret. Sed cum nullam spem vitae melioris afferret, tandem illum uxor repudiat. Ille statim eam accusat, quod sit Christiana. At mulier ab imperatore impetrat, ut sibi liceat domui providere, antequam vadimonio respondeat. Tum maritus in Ptolemaeum, qui ipsius uxorem in christiana religione erudierat, furorem suum convertit. Agit cum centurione, cui erat amicus, ut Ptolemaeum comprehendat, idque unum interroget an Christianus sit, et confitentem in carcerem includat. Morem ei gerit centurio. Ptolemaeus Christianum se esse profitetur, et in carcere diu afflictus tandem coram Urbico praefecto sistitur; iterum confitetur, et morte damnatur. Tum cum ad supplicium duceretur, occurrit Lucius quidam et Urbico iniustum iudicium exprobrat. Tum praefectus ad eum: „Tu quoque ex hoc hominum genere esse mihi videris.“ Lucius respondet: „Maxime,“ ac simul cum Ptolemaeo iussu praefecti abripitur. Tertio cuidam supervenienti eadem poena irrogatur. Haec a S. Martyre narrantur in secunda Apologia (c. 2), quam quidem, etsi in editionibus operum Iustini prima collocatur, ita tamen constat posteriorem esse, ut ea de re otiosum sit disserere.

IV. Inscribitur „senatui“ haec oratio: addi potuisset, ut in prima, „et populo romano.“ Ipse Iustinus initio Romanos compellat: deinceps autem solos imperatores: ex quo colligi potest ad exemplum primae oblatam fuisse imperatoribus, ut „libelli supplicis cognitores secum,“ quemadmodum in prima loquitur, „adsciscerent senatum populumque romanum.“ Illud autem mirari subit, cur non postulet Iustinus in hac Apologia, ut Christiani eodem sint iure ac reliqui homines; cur non imperatoribus obiciat Antonini litteras in

gratiam Christianorum. Ita enim se gesserat in prima Apologia. Non tam mihi videtur haec omisisse Iustinus, quod Marcum primae Apologiae memorem esse crederet, nec egere ut haec ei in memoriam revocentur, quam quod malevolum illius animum molliter tractandum esse duceret, nec Antonini legum et exemplorum, a quibus prudens et sciens discedebat, commemoratione laedendum. Itaque sic cum eo agit, quasi nulla illius culpa, nullo mandato persecutio saeviret. Hoc unum petit (c. 14 et 15) ab imperatoribus, ut supplicem hunc libellum auctoritate sua comprobent; tunc enim fore ut eum omnibus ostendat: quippe cum id propositum sibi fuerit, ut qui Christianos non norunt, nec tamen eos vexando excusabiles sunt, ab hac bonarum rerum ignorance liberari possint, et perniciem, quam sibimetipsis inferunt, effugere. Dubitari possit annon petat Iustinus, ut scripto aliquo ad iudices misso libellus supplex promulgetur. Hanc enim in sententiam accipi possunt haec verba: *προθεῖναι τοῦ τὸ βιβλίδιον* (c. 14), *ἐὰν τοῦτο προγράψητε* (c. 15). Sed videtur Iustinus ipse mentem suam aperire; promulgandi libelli rationem exponit his verbis: *ὑπογράψαντας τὸ ὑμῶν δοκοῦν*, „subscribentes quod vobis placet.“ Si libellum hoc modo promulgent, ipse illum omnibus ostendet. *Ἐὰν δὲ ὑμεῖς τοῦτο προγράψητε, ἡμεῖς τοῖς πᾶσι φανερόν ποιήσοιμεν*. „Si illum promulgetis“ (subscribentes quod vobis placet), „omnium illum oculis exponemus.“

Utri autem oblata sit imperatori, Antonino an M. Aurelio, id in controversiam eruditorum nonnulli vocarunt. Valerius Antonino oblatam fuisse contendit; cuius opinionis tenendae necessitatem sibi imponunt qui Iustinum sub Antonino passum esse volunt. Papebrochius ad 13 April., cui praeiverat Scaliger in not. ad Chron. Euseb. p. 219, fateatur Iustinum obtulisse M. Aurelio Apologiam, sed eam hodie negat exstare; illam autem, quae nunc in manibus est, nihil aliud esse quam praefationem a Iustino praefixam maiori Apologiae, quam obtulit Antonino.

Ruunt haec opinionum commenta, cum Eusebii testimonio, qui diserte declarat Iustinum apud imperatorem M. Aurelium ecclesiae causam egisse et ex illa Apologia ea citat quae in hac nostra legimus, tum etiam interioribus iudicandi notis, quae ex ipsa oratione ducuntur.

Nam 1°. Iustinus in hac secunda Apologia multa tangit, quae iam sese indicat pertractasse, has voces intexens: *ὥς προέφημεν*, „ut iam diximus,“ velut cum de Christi incarnatione loquitur c. 6 aut de Heraclito c. 8 aut de mundi propter homines creatione c. 4. Quodsi haec Apologia quaedam veluti praefatio maioris fuit, dicere debuit Iustinus: „ut modo dicemus,“ nequaquam autem: „ut iam diximus.“ Cur autem primam Apologiam citans Iustinus his tantum vocibus utatur, „ut iam diximus,“ nec nominatim appellet opus in quo haec pertractaverat, id causae exstitit: Apologia prima in silentio et oblivione non iacebat, sed in tabulariis publicis deposita erat ac hominum mentibus haerebat, praesertim imperatoris Marci Aurelii, quem latere non poterat Antoninum Iustino benigne et liberaliter annuisse. Eadem de causa nomen suum brevi Apologiae non inscripsit, cum id in maiore non omisisset; quia scilicet notus erat tum ex ipso illo opere, quod tam optatos habuerat successus, tum ex fama, quam ipse sibi inter philosophos eruditis disputationibus pepererat.

2°. Cum brevem Apologiam offerret Iustinus, iam tum Crescentis in eum odia fervebant; diem ex die expectabat, ut a Crescente in iudicium capitis vocaretur, c. 4, nec sua illum decepit expectatio, teste Eusebio lib. 4. c. 16. Quare ab hac Apologia ad Iustini mortem non tantum temporis quantum a prima, quam multae res gestae Iustini consequutae sunt, effluere potuit.

3°. Si utraque Apologia distinctum ac diversum opus, ut ex allatis rationum momentis patet, necesse est alteram sub Antonino, alteram sub M. Aurelio scriptam fateamur. Neque enim verisimile fit missum ab Antonino in omnes

provincias aequissimum edictum ita Romae sub eiusdem imperatoris oculis spretum et violatum fuisse, ut novam Apologiam Iustinus offerre cogeretur.

4^o. Manifestum est inter utramque Apologiam ut materiae, ita etiam temporum discrimen. Plus enim doloris et animi Iustinus in secunda significat, quam in prima, id quod ex utriusque exordio satis apparet. Crudeliora commemorat in Christianos facinora; et cum in prima (c. 2. 7. 8) dixisset, nullum ex Christianis confessum esse de criminibus huic nomini afflictis, sed si quis ob scelus damnatus sit, non ut Christianum condemnatum esse, narrat in secunda (c. 12) gentiles tanto furore arsisse, ut Christianorum servos aut pueros aut mulierculas gravissimis cruciatibus fabulosa illa crimina cogerent confiteri. Tam inimica Christianis tempora non Antonini, qui illis favit, sed M. Aurelii imperium redolent, qui ne maximo quidem beneficio provocatus aequum se illis praebeuit.

Lucius imperator, Marci collega, eodem modo in hac Apologia designatur ac in prima. Sic enim Lucius martyr alloquitur Urbicum (c. 2): „Non ut decet Pium imperatorem, non ut philosophum Caesaris filium, non ut sacrosanctum senatum, iudicas, Urbice.“ Si his in verbis non possumus Lucium non agnoscere: in titulo Pii, qui alteri imperatori tribuitur, non Antoninus agnoscendus est, sed Marcus, cui etsi nondum senatus huius nominis honorem decreverat, mirum tamen aut incommodum videri non debet, si ei a privatis hominibus, quales erant Lucius et Iustinus, defertur.

Unus compellatur imperator in hac Apologia, ubi de muliere in iudicium a marito vocata dicitur: „Atque illa quidem libello tibi, imperator, oblato postulavit, ut sibi prius domui suae prospicere liceret . . . Atque id quidem annuisti.“ Inde Valesius hanc Apologiam Antonino oblatam colligit: at prorsus immerito. Nam Iustinus cc. 3. 14 et 15 plures compellat, ut regia potestate praeditos. Sic etiam in Actis S. Iustini praefectus dicit Iustino c. 1: „Primo diis crede et im-

peratoribus obsequere.“ At idem unum commemorat, dum sententiam capitalem profert: „Qui diis sacrificare et imperatoris praecepto parere noluerunt, flagello caesi ad capitalem poenam abducantur.“ Videntur ergo nunc unus nunc plures nominari imperatores soliti fuisse: nec proinde necesse est cum Tillemontio hanc Apologiam aut ante Lucii reditum ex oriente aut post illius mortem oblatam suspicari.

Aliud argumentum repetit Valesius ex Urbici nomine, quem sub Antonino praefectum Urbis fuisse ex Apologia Apuleii Antonino oblata contendit. At praeterquam quod is, qui memoratos in Iustini Apologia martyres damnavit, praetorii praefectus esse potuit: nihil vetat eundem Urbis praefectum fuisse sub Antonino et Marco. Apologia Apuleii, ut observat Tillemontius, sub Marco potius scripta quam sub Antonino, quem divum appellat.

CAPUT IX.

DE IUSTINI MARTYRIO.

I. De Iustini in oppugnandis philosophis constantia. II. Praedicat eos sibi insidiaturos, idque evenit. III. De tempore et Actis martyrii.

I. Nihil Iustino optatius evenire poterat, quam post tot labores et pericula vitam ipsam pro Christo profundere. Illum constantia Christianorum in cruciatibus perferendis magna ex parte permoverat ad amplectendam religionem christianam, eique persuaserat eos insontes et puros esse a criminibus, quae illis affingebantur (Apolog. 2. c. 12). In defendenda religione saepissime hoc argumento utitur, nempe Christianorum in cruciatibus perferendis constantia, ut discrimen novae ac veteris legis ostendat, et testamentum, quod olim Deus promiserat, impletum et omnibus conspicuum esse demonstret. Uno verbo tota Iustini vita meditatio quaedam exstitit martyrii. Nullam docendae veritatis occasionem praetermittebat, semper sperans bonam se terram inventurum, ac Dei iudicium metuens, si per ipsum stetisset, quo-

minus aliquis ad veritatis cognitionem perveniret. Neminem reveritus, etiamsi e vestigio discerpi oportuisset, unum id studio habebat, ut verum in omnibus diceret. Cum Apologiam offerret pro fratribus, atque audacter peteret ut ad Acta deponeretur: praeter periculum, quod illi ab hac egregia actione imminebat, in aliud se ipse coniciebat, Samaritanos, quae gens improba erat et ad omne facinus parata, palam et aperte incusando, quod homini mago summi Dei titulum et honorem deferrent (Dial. c. 120).

Sed haud scio an impavidi animi maximum specimen ediderit Iustinus, cum philosophos adortus est. Hi cum imperatoris animum in Christianos incenderent, ac philosophiae nomine et virtutum simulacris auctoritatem iniquissimis criminationibus conciliarent, detraxit illis pellem Iustinus ac introrsum turpissimos fraudique et gulae deditos esse demonstravit (Tatian. c. 19). Itaque eo tempore, quo, per totum orbem quisquis a Christiano reprehensus ob delicta fuerat, incommodum monitorem perfacile, nomine illius deferendo, tollebat (Apol. 2. c. 1), expectandum fuit Iustino ut ab eorum, quos reprehenderat, aliquo in iudicium vocaretur. Sic ipse mentem suam aperit Apol. 2. c. 3: „Ego etiam expecto, ut ab eorum quos dixi aliquo insidiis appetar et ad stipitem affigar, aut certe ab illo strepitus et ostentationis amatore Crescente.“

II. Ex variis suppliciis, quae Christianis infligi solebant, unum aliquod Iustinus „stipite“ designat, ut generatim indicet se inimicorum insidiis vitam amissurum. Sic Tertullianus varia supplicia uno appellato, nimirum igne, comprehendit. „Caeterum,“ inquit (adv. Prax. c. 13), „si ex conscientia, qua scimus Dei nomen et Domini et Patri et Filio et Spiritui convenire, deos et dominos nominaremus, exstinxissemus faces nostras etiam ad martyria timidiore, quibus evadendi quoque pateret occasio, iurantibus statim per deos et dominos, ut quidam haeretici, quorum dii plures.“ Idem hoc loco factum a Iustino: martyrium a se expectari signi-

fieat, ac unum aut alterum de multis supplicium nominat. Solebant enim ad stipitem alligari et qui igne, ut in annotatione ad hunc locum observavi, comburendi erant, et qui bestiis tradebantur. Unde Tertullianus lib. De pudic. c. 22 sic loquitur: „Putā nunc sub gladio, iam capite librato, putā in patibulo, iam capite expanso, putā in stipite, iam leone concessō, putā in axe, iam incendio adstructo, in ipsa dico securitate et possessione martyrii, quis permittit homini donare quae Deo reservanda sunt?“ In ipsa axe alligabantur ad stipitem qui comburendi erant, ut ex alio Tertulliani testimonio, quod in annotatione retuli, manifestum est. Vid. Act. S. Polycarpi c. 14 et S. Philippi Heracl. c. 13. Iustini verba haud aliter intellexit Eusebius (lib. 4. c. 16), qui, ut probet id quod providerat Iustinus ita evenisse ut praedixerat, martyrio illum coronatum fuisse asseverat, et Tatiani testimonio utitur, qui hoc tantum dicit, mortem Iustino Crescentem machinatum fuisse. Ex quo patet his verbis, τῷ ξύλῳ ἐμπαγῆναι, mortem certissime designari, non flagella tantum aut nervum, ac supplicii genus exempli causa nominari, ut martyrium generatim significetur.

Marcum Aurelium recenset Tertullianus Apol. c. 5 inter eos imperatores, a quibus leges adversus Christianos sancitae non fuerunt. Sed tamen videtur aut secreta iudicibus dedisse mandata, ut Christianos sacrificare cogerent, aut saltem iudices gratum se illi facturos sperasse, si se ab eo haec mandata habere dicerent. Sic enim Rusticus praefectus Iustino dicebat (Act. c. 1): Πρῶτον πείσθητι τοῖς θεοῖς καὶ ὑπάκουσον τοῖς βασιλεῦσιν. „Primo diis crede et imperatoribus obsequere.“ Postquam se in Iustino et sociis eius operam ludere animadvertit, praecepit ut qui diis sacrificare et imperatoris praecepto, τῷ τοῦ αὐτοκράτορος προστάγματι, parere noluerant, ad capitale supplicium abducerentur (c. 4).

Sub tam infenso Christianis imperatore satis erat Christiani nomen deferre, ut statim necaretur, si se confiteretur esse Christianum. Videtur tamen Crescens in occidendo Iu-

stino plus negotii habuisse, quam si unum e multis aggressus fuisset. Machinationem enim quamdam et occultas molitiones indicat Tatianus, dum ait Crescentem „Iustino mortem instar ingentis mali machinatum fuisse,“ ὥς καὶ Ἰουστῖνον καθάπερ μεγάλῳ κακῷ τοῦ θανάτῳ περιβαλεῖν πραγματεύσασθαι. Forte virtutis et eruditionis fama aliquid gratiae Iustino conciliaverat, et imperatoris ac iudicum animos ad tantum virum, quem Christianum esse non ignorabant, e medio tollendum tardiores faciebat.

III. Testatur Eusebius martyrium Iustini secundam Apologiam proximo intervallo subsequutum esse. Ait enim illum in hac Apologia praedixisse exitum vitae suae „prout erat ipsi propediem eventurus,“ ὥςπερ οὖν καὶ ἐμελλεν ὅσον οὕτω περὶ αὐτὸν συμβῆσθαι. Passum Iustinum circa annum 168 existimat Tillemontius, quia Eusebius illius martyrium refert post S. Polycarpi passionem, quam multa rationum momenta ad annum 166 referre cogunt, et ante Aniceti mortem, quam ipse Eusebius ad annum 168 referendam duxit. Eo libentius assentior erudito viro, quod illius sententia cum tota rerum a Iustino gestarum serie praeclare quadrat.

Acta martyrii S. Iustini eiusque sociorum inter ea numerantur ab eruditis, quae maxime sincera ac pura sunt. Si excipias quatuor priores lineas, quae instar praefationis additae fuerunt, nullum reperiēs manus audacioris facinus. Ex his nonnulla translata in Menaeum Graecorum, sed penitus reiiciendi tres versus, qui inepte in contextum Menaei irrepsērunt:

ΙΟΥΣΤΙΝΟΝ ΚΩΝΕΙΟΝ ΗΡΕΝ ΕΚ ΒΙΟΥ.

ΩΣ ΕΙΘΕ ΠΡΩΤΟΝ ΤΟΥΣ ΗΙΕΙΝ ΔΕΔΩΚΟΤΑΣ.

ΠΡΩΤΗ ΙΟΥΝΙΟΥ ΙΟΥΣΤΙΝΟΝ ΕΛΛΕΒΟΡΙΖΕΙ.

CICUTA MORTEM SAEVA IUSTINO ATTULIT.

O SI EBIBISSENT, QUI PRAEBUERUNT, PRIUS.

IUSTINUM IUNI PERSONAVERE KALENDAE.

Hos versus ita reddidit Halloixius (Vit. S. Iust. p. 188); sed accuratius ultimum versum reddemus, si illud ἐλλεβορίζει

interpretemur „veneno occidit.“ „Iustinum Iuni elleboro occidere Kalendae.“ Vituperandus profecto qui in contextum omnibus suis partibus praeclare absolutum ineptissimos illos versus inseruit, et splendidissimo Iustini martyrio probrum ausus est adspergere. Nam quidquid in Menaeo de Iustino eiusque sociis dicitur mirifice cum Actis martyrii consentit, exceptis illis versibus. Iustino autem non iam honor habendus esset, ut martyri, si venenum sponte sumsisset, sed ut sui homicidae dedecus inurendum esset; aut si clam veneno sublatus foret: non tantum habuisset martyrii splendorem, quantum tota antiquitas praedicavit. Haud dubium ergo quin tres illi versus hominis absurdi facinus exstiterint.

Conatus est huic incommodo mederi Halloixius, ac cicutam, quae Iustinum sustulit, venenum invidiae esse existimavit, quae Crescentem ad necem Iustino moliendam impulit. Sed hanc interpretationem non patitur versus ille secundus: „O si ebibissent, qui praebuerunt, prius!“

Ex hoc de Iustini morte commento nata est occasio duos Iustinos fingendi: alterum philosophum et eximium scriptorem eumque veneno sublatum, alterum cum sociis Charitone, Charitina, Paeone, Liberiano (legitur „Valeriano“ in Menaeo), Evelpisto et Hierace passum. Sed huic opinioni ipsa Acta, in quibus Iustinus in omni disciplinarum genere exercitatus fuisse, discipulos habere, cum omnibus adeuntibus doctrinam veritatis communicare, ac bis Romam venisse dicitur, ita reclamant, ut eam non magis libeat data opera refellere, quam quod Aponius scriptor saeculi septimi de Iustino dixit (Biblioth. Patr. tom. 1 p. 279), eum a philosophis occisum, cum „callide in secreto vocatus“ ab eis fuisset.

Magna iam ex parte explicata et soluta videntur quae adversus haec Acta obiici possint, nimirum quod unus memoratur imperator, quamvis duo romanum imperium tunc regerent; quod edictum in Christianos dedisse dicitur, quamvis nullum Marcus tulisse perhibeatur; quod Iconium in

Phrygia collocatur. Duabus primis difficultatibus iam occurrere. Quod spectat ad tertiam, non desunt qui pro Phrygia Pisidiam (sic enim apud Basilium ep. 138 Iconium Pisidiae civitas dicitur) aut pro Iconio Lycaoniam reponant. Atque haec responsio aequis rerum aestimatoribus satisfacere deberet, etiamsi non aliunde constaret eiusmodi in designando urbium situ errata saepe ex notis margini apposis in contextum obrepisse.

CAPUT X.

DE TATIANO AC PRIMUM DE ILLIUS STUDIIS LITTERARUM ET CONVERSIONE.

I. Tatianus omnibus disciplinis dat operam. II. Quomodo factus Christianus. III. Eius fervor sub Iustino magistro.

I. Tatianus in Assyriorum terra natus se esse testatur (c. 42); Syrum vocat Epiphanius Haeres. 46, et in Indiculo p. 231 „e Mesopotamia oriundum esse“ dicit. Syrum etiam appellavit Tatianum Theodoretus. Non inusitatum erat ut Assyrii vocarentur qui Palaestinam incolebant, cuius rei exemplum suppeditat Themistius in Orat. 7, ubi illud Scripturae (Prov. 21, 1) „Cor regis in manu Dei“ ex Assyriorum libris depromptum esse asserit. Statui ergo non potest, utrum in Syria, an in Assyria proprie dicta, aut, ut credidit Epiphanius, in Mesopotamia natus sit Tatianus, cum Assyrii nomen ipsis etiam Hebraeis tribuatur.

Primum Tatiani institutum superstitio fuit et vehemens omnis litteraturae studium. Docet ipse (c. 29) tanta se superstitione laborasse, ut „variis in locis mysteriorum participes fieret ac ubique religiones exploraret.“ Nec tamen tot regiones obeunti id solum propositum erat, ut mysteriis initiaretur, sed illud etiam maxime, ut multiplicem eruditionem colligeret. Sic enim loquitur de eis quae peregrinando cognoverat c. 35: *Ταῦτα μὲν οὐ παρ' ἄλλου μαθὼν ἐξεθέμην, πολλὴν ἐπιφοιτήσας γῆν, καὶ τοῦτο μὲν σοφιστεύσας τὰ ὑμέτερα,*

τοῦτο δὲ τέχναις καὶ ἐπινοίαις ἐγνυρήσας πολλαῖς. „Haec non ab alio accepta exposui, qui multas invisi regiones, ac partim vestris in disciplinis exercitatus sum, partim in artes et inventa multa incidi.“ Quod ait Tatianus se in Graecorum disciplinis exercitatum fuisse, id Eusebius (Hist. l. 4. c. 16) de Tatiano agens imitatione expressit. *Τατιανός*, inquit, *ἀνὴρ τὸν πρῶτον αὐτοῦ βίον σοφιστεύσας ἐν τοῖς Ἑλλήνων μαθήμασι*. „Tatianus vir primo vitae suae instituto in Graecorum disciplinis exercitatus.“ Ruffinus illud *σοφιστεύσας* „magistrum eloquentiae“ vertit; hinc etiam Hieronymus Tatianum „primum oratoriam docentem non parvam sibi ex arte rhetorica gloriam comparasse“, Theodoretus „sophistam“ fuisse dicit. Sed Valesius, qui hos duces in Eusebio latine reddendo sequutus fuerat, ab eis discedit in suis annotationibus, ac illud *σοφιστεύσας* nihil ad eloquentiam pertinere, sed omnem Graecorum sapientiam et liberales disciplinas complecti observat. Addit Tatianum ex peregrinationibus philosophum magis quam professorem eloquentiae, ex eo autem quod sine ordine ac methodo scripserit parum in dicendo exercitatum argui. Auctor dissertationis in Tatianum, quae post Orationem Tatiani editam Oxonii legitur (is autem est doctissimus abbas de Longuerue), assentitur Valesio, eiusque sententiam confirmat his Tatiani (c. 15) verbis: *ὁ κατ' Ἐπικούρου σοφιστεύων*, „qui Epicuri philosophiam sectatur.“ Non immerito sane reiciunt cruditi illi viri, quod Tatianum Hieronymus et Ruffinus rhetoricam docuisse, Theodoretus sophistam fuisse parum belle dixerant. Nam ipse Tatianus non obscure philosophum se ante quam Christianum fuisse declarat. Sic enim philosophos alloquitur c. 26: *Δημοσίᾳ μὲν γὰρ πομπεύετε, τοὺς δὲ λόγους ἐπὶ γωνίας ἀποκρύπτετε. Τοιούτους ὑμᾶς ἐπιγινόντες καταλελοίπαμεν καὶ τῶν ὑμετέρων οὐκέτι ψαύομεν, Θεοῦ δὲ λόγῳ κατακολουθοῦμεν*. „In publico pompas agitis, sermones autem in angulis occultatis. Missos vos fecimus, cum tales cognosceremus, nec iam de rebus vestris quidquam attingimus, sed verbum Dei sectamur.“ Quinetiam Tatianus, etsi his

verbis se Graecorum philosophiam missam fecisse indicat, videtur tamen in ipsa religione christiana, Iustini magistri exemplo, nomen philosophi ac ipsa etiam fortasse insignia retinuisse. Nam sese cum Iustino inter philosophos numerat, cum de structis utrique a Crescente Cynico insidiis sic loquitur c. 19: *Τίνας δὲ ἂν καὶ διῶξαι τῶν φιλοσόφων εἰ μὴ μόνους ἡμᾶς εἴωθεν;* „Quosnam autem philosophorum nisi nos solos insectari solebat?“

Ex his patet philosophum fuisse Tatianum; sed tamen ita philosophiae deditus fuit, ut non minus operae et studii in poetis et oratoribus perlegendis ac omni antiquitate investiganda posuisse videatur. Neque enim assentiri possum eruditis viris Eusebii locum ita ad philosophiam referentibus, ut non solum rhetoricae professionem, sed etiam eloquentiae laudem Tatiano abiudicent. Illius antiquitatis cognitionem declarat Oratio adversus Graecos recondita eruditione abundans; studiosum poetarum et oratorum fuisse demonstrat dicendi genus limatissimis picturis et poeticis venustatibus coloratum, ac verborum luminibus et ornamentis distinctum. Quinetiam disciplinas Graecorum, in quibus Tatianum exercitatum fuisse ex Eusebio atque etiam ex ipso Tatiano discimus, non philosophiam solum sed alias etiam artes intelligi oportere perspicimus ex initio Orationis adversus Graecos, ubi Tatianus sic loquitur cc. 1. 2: *Ἀπειτάξαμεθα τῇ παρ' ὑμῖν σοφίᾳ, καὶ εἰ πάνυ σεμνός τις ἦν ἐν αὐτῇ . . . Ῥητορικὴν μὲν γὰρ ἐπ' ἀδικίᾳ καὶ συκοφαντίᾳ συνεστήσασθε . . . Ποιητικὴν δέ, μαχὰς ἵνα συντάσσητε καὶ θεῶν ἔρωτας καὶ ψυχῆς διαφθοράν. Τί γὰρ σεμνὸν φιλοσοφοῦντες ἐξηνέγκατε; Τίς δὲ τῶν πάνυ σπουδαίων ἀλαζονείας ἔξω καθέστηκεν;* „Sapientiae vestrae nuntium remisimus, etiamsi plurimum in ea excellere videmur . . . Nam et rhetoricam ad iniustitiam et calumniam institulistis . . . Poeticam vero, ut pugnas describeretis et deorum amores et animae corruptelam. Quid enim philosophando praeclari protulistis? Aut quis ex iis, qui praestantissimi

habiti sunt, extra arrogantiam constitutus fuit? Videntur ergo utrique errasse, et qui Tatiano rhetoricae professionem affinxerunt, et qui solam philosophiae laudem detulerunt.

II. Sed haec omnia ethnicorum instituta animum Tatiani inanibus studiis demulcere poterant, cupiditatem veri cognoscendi satiare non poterant. Fastidivit Graecorum religiones, postquam eas, ut ipse narrat (c. 29), ab effeminatis et cynaedis procurari vidit, et Iovem Latiarem apud Romanos sanguine humano delectari, ac Dianam non procul Megalopoli et alios alibi daemones eiusmodi sceleribus placari cognovit. Ipsae etiam disciplinae taedium illi moverunt, stylus atticus, philosophorum sorites, geometria, astronomia, leges in publicis rebus administrandis sancitae (c. 27). Tandem divino beneficio, cui tamen ingratum se et degenerem exhibuit, veritas ad eius fulsit oculos, dum in sacras Christianorum Scripturas incidit. Sic ipse rem edisserit c. 29: *Κατ' ἑμαυτὸν γενόμενος ἐζήτουν ὅτῳ τρόπῳ τὰ ληθῆς ἐξευρεῖν δύναμαι. Περινοοῦντι δέ μοι τὰ σπουδαῖα συνέβη γραφαῖς τισιν ἐντυχεῖν βαρβαρικαῖς, πρεσβυτέραις μὲν ὥς πρὸς τὰ Ἑλλήνων δόγματα, θειοτέραις δὲ ὥς πρὸς τὴν ἐκείνων πλάνην. Καί μοι πεισθῆναι ταύταις συνέβη διὰ τε τῶν λέξεων τὸ ἄτυπον, καὶ τῶν εἰπόντων τὸ ἀνεπιτήδευτον, καὶ τῆς τοῦ παντός ποιήσεως τὸ εὐκατάληπτον, καὶ τῶν μελλόντων τὸ προγνωστικόν, καὶ τῶν παραγγελμάτων τὸ ἐξαίσιον, καὶ τῶν ὅλων τὸ μοναρχικόν.* „Cum me ipse collegissem, quomodo verum invenire possem inquirerem. Cumque animum per optima quaeque instituta versarem, in quosdam barbaricos libros incidi, antiquiores quam ut cum Graecorum disciplinis, diviniore quam ut cum eorum erroribus conferantur. Usu mihi evenit ut his fidem haberem propter dicendi genus minime arrogans, scriptorum ingenium artificii expers, universi creationis explicationem captu facilem, futurorum praecognitionem, praeceptorum excellentiam, ac singularem universorum principatum.“

Illud etiam Tatianum maxime adducebat ut christianam religionem miraretur, quod per eam hominem ex servitute

liberari, et in pristinum statum, ex quo misere decidimus, vindicari intelligeret. Sic enim pergit ibidem: Θεοδιδάκτου δέ μου γενομένης τῆς ψυχῆς συνῆκα, ὅτι τὰ μὲν καταδίκης ἔχει τρόπον, τὰ δὲ ὅτι λύει τὴν ἐν κόσμῳ δουλείαν, καὶ ἀρχόντων μὲν πολλῶν καὶ μυρίων ἡμᾶς ἀποσπᾷ τυράννων, δίδωσι δὲ ἡμῖν οὐχ ὅπερ μὴ ἐλάβομεν, ἀλλ' ὅπερ λαβόντες ὑπὸ τῆς πλάνης ἔχουν ἐκωλύθημεν. „Itaque mente mea divinitus edocta intellexi ista quidem condemnationi affinia esse, ab his autem servitutem illam quae in mundo est dissolvi, nosque a multis principibus et infinitis tyrannis liberari, ac dono augeri non illo quidem alias non concessio, sed quod acceptum retinere error non siverat.“

Romae Tatianus christianam religionem videtur amplexus esse. Nam cum se multis regionibus peragratis „tandem in hac urbe commoratum esse“ dicat (c. 35), cumque ex peregrinationibus, ut modo vidimus, id perceperit commodi, ut exploratis ubique falsis religionibus veritatem inquireret, ac in Christianorum libris cognitam amplecteretur, verisimile est Romam, ut peregrinationum, ita etiam errorum et superstitionum finem fuisse. Huc etiam spectat quod ait c. 35: Διόπερ χαίρειν εἰπὼν καὶ τῇ Ῥωμαίων μεγαλαυχίᾳ καὶ τῇ Ἀθηναίων ψυχρολογίᾳ, δόγμασιν ἀσυναρτήτοις, τῆς καθ' ἡμᾶς βαρβάρου φιλοσοφίας ἀντεποιησάμην. „Vale igitur dicto et Romanorum iactantiae et frigido Atheniensium sermoni, male sartis opinionibus, barbaram nostram philosophiam complexus sum.“

Videtur Tatianus non diu ante mortem Iustini nomen inter Christianos professus esse. Nam in Oratione, quam scripsit post martyrium Iustini, his occurrit Graecorum querelis (c. 35): Τατιανὸς ὑπὲρ Ἑλλήνας, ὑπὲρ τὸ ἄπειρον τῶν φιλοσοφούντων πλῆθος, καινοτομεῖ τὰ βαρβάρων δόγματα. „Tatianus supra Graecos, supra infinitam philosophorum multitudinem, novus est barbarorum doctrinae sectator.“ Novitas exprobratur hoc loco non barbarorum doctrinae, ut existimarunt interpretes, sed Tatiani hanc doctrinam sequentis

consilio: idque confirmat Tatiani responsio, qui ad defensionem suam adhibet illud Solonis:

Γηράσκω δ' αἰὲν πολλὰ διδασκόμενος.

„Semper ego addiscens multa senesco simul.“

III. Praeclarissima sane edidit initia Tatianus, et cum se Romae ad Iustinum contulisset, virum, ut ipse appellat, inprimis admirandum, non parum videtur in hac sanctitatis et doctrinae disciplina profecisse. Illius non solum discipulus erat, sed etiam adiutor, ita ut in defendenda religione ac in philosophis refellendis secundas ferre videretur. Nam cum Crescens Cynicus nihil intentatum relinqueret, ut Iustinum, a quo multis audientibus ignorationis convictus fuerat, e medio tolleret, eadem consilia de Tatiani perniciē instruebat: in utrumque nefarios furoris sui conatus meditabatur. Sic enim Tatianus c. 19: *Θανάτου δὲ ὁ καταφρονῶν οὕτως αὐτὸν ἐδεδίδει τὸν θάνατον, ὥς καὶ Ἰουστίνον, καθάπερ καὶ ἐμέ, ὥς κακῶ τῷ θανάτῳ περιβαλεῖν πραγματεύεσθαι . . . Τίνας δὲ ἂν καὶ διῶξαι τῶν φιλοσόφων εἰ μὴ μόνους ἡμᾶς εἴωθεν;* „Iste autem mortis contemtor ita mortem metuebat, ut eam veluti malum aliquod Iustino, non secus ac mihi, machinationibus suis inferre conatus sit . . . Quosnam autem philosophorum nisi nos solos insectari solebat?“ Quantum fuerit Tatiani studium religionis defendendae, ex hoc Crescentis in illum odio perspicitur.

Crescentis insidiis feliciter succubuit Iustinus; non sine magno suo malo evasit Tatianus. Sed ut magistri laborum consors et socius fuerat, ita etiam illius ex asse haeres videtur fuisse. Haec enim veluti schola, quam Iustinus Romae instituerat, illius morte ad Tatianum rediit, ut coniecimus ex Rhodone, insigni saeculi secundi scriptore, qui se Romae a Tatiano eruditum fuisse testatus est, ut narrat Eusebius Hist. lib. 5. c. 13.

CAPUT XI.

DE HAERESI IN QUAM LAPSUS EST TATIANUS ET DE
SECTA ENCRATITARUM AB EO CONFLATA.

I. Tatianus quo tempore haereticus factus. II. Errores illi cum aliis communes. III. An putativam Christi carnem docuerit. IV. Salutem Adami negavit. V. De Encratitarum secta.

I. Iustini praecepta et exempla non statim e memoria Tatiani effluxere; magistri praeclare facta et dicta praedicat in Oratione adversus Graecos, ac de Christi divinitate et incarnatione, de mundi creatione, in eandem prorsus ac Iustinus sententiam, nonnunquam in eadem verba disputat. Sed tamen non multo post amissa doctrinae lumina et vitae sanctioris specimina, quae in Iustino habuerat, veluti caecus ductore destitutus praecipitem se in errores nequissimos dedit, et ex veritatis defensore factus est impiae haeresis artifex. Hanc hominis de ecclesia bene meriti ruinam superbiae attribuit Irenaeus, qui de Tatiano sic loquitur I. 1. c. 28: *Μετὰ δὲ τὴν ἐκείνου μαρτυρίαν ἀποστὰς τῆς ἐκκλησίας, οἰήματι διδασκάλου ἐπαρθεὶς καὶ τυφωθεὶς, ὥς διαφέρων τῶν λοιπῶν, ἴδιον χαρακτῆρα διδασκαλείου συνεστήσατο.* „Post vero illius (Iustini) martyrium absistens ab ecclesia, et praesumptione magistri elatus et inflatus, quasi prae caeteris esset, proprium characterem doctrinae constituit.“ Nunc examinandum nobis est, quo tempore ab ecclesia defecerit, quosque potissimum sequutus sit errores.

Narrat Epiphanius (Haeres. 46) Tatianum in Mesopotamia novam sectam condere incepisse circa annum duodecimum imperatoris Antonini cognomento Pii. Vix integrum sit ab hac sententia discedere his qui Iustinum sub Antonino passum volunt; quod quidem cum arrideat erudito auctori dissertationis supra citatae, Epiphanio in his quae ad Tatianum attinent adstipulatur, ita tamen, ut annum duodecimum Antonini non currentem sed exactum interpretetur, ac Tatiani haeresim ad annum Christi 151 referat. At quibus rationi-

bus supra pugnatum est S. Martyrem Iustinum sub M. Aurelio passum esse, iisdem efficitur Tatianum ad haeresim sub Antonino deficere non potuisse. Verum hoc loco nonnulla proferre libet, quae magis propria sint Tatiani.

Quo tempore scribebat Tatianus, perpetuo mortis periculo exposita erat christianae religionis professio; et cum auctores nonnulli essent Tatiano, ut mortem mentiendo subterfugeret, sic eorum consilia repellit (c. 27): *Τί μοι συμβουλεύεις ψεύσασθαι τὴν πολιτείαν; Τί δὲ λέγων θανάτου καταφρονεῖν διὰ τέχνης φεύγειν αὐτὸν καταγγέλλεις; Ἐγὼ μὲν οὐκ ἔχω καρδίαν ἐλάφου.* „Quid mihi auctor es ut meum institutum mentiar? Et qui mortem a te contemni dictitas, cur hortaris ut eam astu declinem? At ego cor cervi non habeo.“ Etsi in his non tam Antonini lene imperium, quam iniquus Marci in Christianos animus agnoscitur, non tamen hoc utar argumento, quia, ut supra observavi, paces, sub Adriano et Antonino concessae, induciae quaedam fuerunt, quae nec Christianorum in cruciatibus constantiae oblivionem inducerent, nec futurarum persecutionum metum tollerent. Certius argumentum suppeditat Eusebius, qui inter scriptores sub Marco Aurelio exortos Tatianum recenset ac etiam Musanum, a quo haeresim Tatiani, statim atque exorta est, debellatam fuisse dicit (Hist. lib. 4. c. 28): *Καὶ Μουσανοῦ δέ, ὃν ἐν τοῖς φθάσαι κατελέξαμεν, φέρεται τις ἐπισιτητικώτατος λόγος πρὸς τινὰς αὐτῷ γραφεῖς ἀδελφούς, ἀποκλίναντας ἐπὶ τὴν τῶν λεγομένων Ἐγκρατιτῶν αἵρεσιν. Ἄρτι τότε φύειν ἀρχομένην, ξένην τε καὶ φθοριμαίαν ψευδοδοξίαν εἰσάγουσαν ἐν τῷ βίῳ. Ἦς παρεκτροπῆς ἀρχηγὸν καταστήναι Τατιανὸν λόγος ἔχει.* „Sed et Musani, cuius supra meminimus, elegantissimus quidam exstat liber ad quosdam fratres, qui ad Encratitarum haeresim desciverant: quae tunc primum exorta novum quemdam ac perniciosum errorem orbi invexit. Huius sectae auctorem perhibent fuisse Tatianum.“ Idem Eusebius in Chron. ad annum duodecimum M. Aurelii collocat haeresim Tatiani.

Deinde vero Irenaeus, qui annis pene quadraginta aut

saltem triginta post annum Christi 151 scribebat, haeresim Tatiani ut recentem ac nuper inventam commemorat. „Contradicunt quoque,“ inquit lib. 1. c. 28, „eius saluti qui primus plasmatus est, et hoc nuper inventum est apud eos: Tatiano quodam primo hanc introducente blasphemiam.“

In Oratione Tatiani ante haeresim scripta exstat non illepidus quidam in Peregrinum sive Proteum aculeus, qui cum ea opinione, quam refellimus, conciliari non possit. Sic enim ille cynicus exagitur a Tatiano, ut iam tum sese vivum combussisse, quod quidem ab eo factum est in ludis Olympicis anno 165, aut saltem sub Protei nomine, quod ei sub finem vitae impositum fuit, cognitus omnibus fuisse videatur. Sic loquitur Tatianus c. 25: *Καὶ λέγοντες μὲν δεῖσθαι μηδενός, κατὰ δὲ τὸν Πρωτέα σκυτοδέσου μὲν χρήζοντες διὰ τὴν πῆραν, ὑφάντου δὲ διὰ τὸ ἱμάτιον, καὶ διὰ τὸ ξύλον δορυτόμου, διὰ δὲ τὴν γαστριμαργίαν τῶν πλουτούντων καὶ ὀψοποιού.* „Nullius quidem se egere dicunt philosophi, sed tamen Protei more modoque indigent coriario propter peram, textore propter vestem, lignario propter baculum, divitibus propter inglaviem et coquo.“ Quod Tatianus imitationem Protei ut probrum obiicit philosophis, id argumento est iam tum illum fabulam fuisse ob varios vitae eventus ac praesertim ob stultissimum mortis genus. Illud saltem ex verbis Tatiani necessario constat, iam tum Protei cognomen omnium consensu et fama tributum Peregrino fuisse. At illud nec in Aegypto obtinuit, ut minus belle coniicit Tillemontius, nec in Italia, in quam relictā Aegypto venit, sed in Graecia, in quam se Italia pulsus recepit, idque admodum sero, ut testatur Aulus Gellius. „Philosophum nomine Peregrinum,“ inquit lib. 12. c. 11, „cui postea cognomentum Proteus factum est, virum gravem atque constantem vidimus, cum Athenis essemus, diversantem in quodam tugurio extra urbem.“ Non potuit ergo Tatianus haeresim suam anno Christi 151 spargere, veroque simillimum est Epiphanium pro anno M. Aurelii duodecimo, quo Eusebius hanc haeresim prodiisse de-

clarat, duodecimum Antonini posuisse. Cum Eusebii (Chron.) maior est in eiusmodi quaestionibus auctoritas quam Epiphani, tum vero illius sententia cum Tatiani et Iustini rebus optime consentit. Dandum enim aliquod tempus Tatiano post Iustinum Romae docenti; nec statim, ac Roma discessit, haeresim coepit praedicare, cum Oratio adversus Graecos, quam post suam Roma discessionem scripsit, haeresis nota careat. Quamobrem cum Iustinus circa annum 167 aut 168 vitam pro Christo profuderit, non incommode Tatiani haeresis ad annum 170 referetur. Quod enim Eusebius in Chronicis anno 172 exortam putat, id aut praefinito non dixit aut minus dixit accurate. Nam Montanistae, quos anno 171 prodiisse gravissimis rationibus patet, paulo recentiores Tatiano videntur et post eum recensentur, tum apud Tertullianum in libro De praescriptionibus, tum apud Epiphanium, quamquam posterior nimium spatii inter Tatianum et Montanistas interponit.

Non me latet Montanistarum originem citius multo collocari a Blondello et Maresio (apud Gallaeum dissert. p. 20), qui versus Sibyllinos, quos octo libris comprehensos habemus, Montani commentum esse contendunt. Illis assentitur vir a me iam non semel laudatus, Lud. Dufour de Longuerue (in dissert. ms.). Revera antiquiores multo essent Montanistae, si versus Sibyllini facinus essent Montani, quos non solum ante Lucii Veri, sed etiam ante Adriani mortem fabricatos fuisse declarat falsa de utriusque morte praedictio. Nam tres post Adrianum futuri imperatores praedicuntur: tertius sero omnium dicitur potiturus, ὁ δὲ τρίτος ὃψὲ κρατήσῃ πάντων. Ipse autem Adrianus recte periturus: ὁ δὲ λίγος αὐτὸν ὀλεῖται. Cf. lib. 5 et 8. Ex his merito concludit idem vir eruditissimus mendacem hunc scriptorem turpiter lapsum esse, quia non habebat, ut aliis in rebus, historiam rerum gestarum, quam ducem sequeretur, sed Adrianum recte periturum coniciebat ex doloribus acutissimis, inter quos sibi ipse mortem consciscere volebat. Verisimile erat Lucium Verum, qui tenera admodum aetate erat, M. Aurelio superfuturum.

Scripti ergo hi libri ante mortem Adriani. At eorum parentem esse Montanum nulla probant rationum momenta, non Phrygiae laudes, non vehemens Sibyllae exstasis, non ipsa denique calamitatum imminentium praedictio. In his enim nihil est quod sectae Montani proprium sit. Potiori iure auctor versuum Sibyllinorum existimaretur aliquis ex Christianis circumcisis et legem retinentibus. Nam hortatur ad iudaicas lustrationes, lib. 4, et futurum dicit ut iusti in secundo adventu Domini corpus quotidie aquis lavent e lecto surgentes, lib. 3.

II. Sic haeresim suam architectatus est Tatianus, ut, dum aliud ex aliis haereticis mutuatur, nec cum istis nec secum ipse consentiret. Videtur in explicanda mundi creatione Valentini deliria compilasse. Dicebant Valentiniani omnia a vero Deo per ipsius Verbum fuisse condita, adhibito tamen Demiurgi sive Creatoris ministerio, quem quidem ita ignorasse fingeant operationem divinae sapientiae, ut sibi solus creator esse videretur. Paulo aliter Tatianus, sed non minus impie, in quodam testimonio apud Orig. De orat. c. 24, illud Scripturae „Fiat lux“ optantis et precantis esse dicebat, non praecipientis. Fingeat etiam ad mundi explicationem, teste Irenaeo, „aëones quosdam invisibiles.“ Hinc apud Tertullianum (Praescr. c. 52) „totus secundum Valentinum sapere“ dicitur.

Ut Valentinus, ita etiam Tatianus legem mosaicam reiciebat, non a vero Deo, sed a Demiurgo institutam pronuntians, teste Clemente Alexandrino Strom. 3. p. 460, sed tamen lege et prophetis utebantur Severiani, ut ait Eusebius, qui primum auctorem et institutorem illorum fuisse Tatianum declarat. Ipse Tatianus utebatur quodam prophetae Amos (2, 8) testimonio, ut vinum prohiberet. Non erat necesse eiusmodi haereticis vetus testamentum ab usu suo penitus remove, cum eam sibi, teste ibidem Eusebio, licentiam interpretandi sumerent, quae nihil non posset eludere.

De Tatiano sic loquitur Clemens Alexandrinus, quasi is Corp. Apoll. Vol. IX.

Valentini scholae nomen dedisset ac inde abscessisset, ut propriam sectam conflaret. Vix enim aliter interpretari liceat haec verba de Tatiano Strom. l. 3. p. 465: ὁ δὲ ἐκ τῆς Οὐαλεντίνου ἐξεφοίτησε σχολῆς. Sed tamen Irenaeus in testimonio, quod modo retuli, Tatianum declarat ea mente ab ecclesia discessisse, ut novam sectam conderet.

Valentini opinio, etsi in Deum mundi creatorem iniuria erat et ad evertendam resurrectionis fidem excogitata, in hoc tamen lenior erat quam Marcionis, quod nec carnem Christi omnino tolleretur, nec necessitatem imponeret ea detestandi quae per Demiurgum a vero Deo creata fatebatur. At Tatianus mutuari ex Marcione non dubitavit quae deesse Valentino ad summam impietatem videbantur. „Nuptias,” inquit Irenaeus, „corruptionem esse et fornicationem similiter ut Marcion et Saturninus praedicavit.” Quinetiam matrimonii institutionem diabolo acceptam referre visus est Clementi Alexandrino (Strom. l. 3. p. 463). Nam Paulum sic interpretabatur, ut eum matrimonii usum permittendo prohibuisse et ut opus fornicationi et diabolo addictum interdixisse contenderet.

Illud etiam a Saturnino et Marcione Tatianus acceperat, teste Theodoro (lib. 1 Haeret. fab. c. 20), ut animalium et vini usum, non modo nuptias, abominaretur. Abutebatur auctoritate Amos prophetae ad impietatis defensionem. „De hoc loco,” inquit Hieronymus in Amos c. 2, „haeresim suam Tatianus Encratitarum princeps struere nititur, vinum asserens non bibendum, cum et lege praeceptum sit ne Nazaraei bibant vinum, et nunc accusentur a propheta qui propinent Nazaraeis vinum.” In mysteriis celebrandis solam aquam adhiberi voluit. „Similiter et mysteria quaedam,” inquit Epiphanius, „ad ecclesiae sanctae imitationem instituit, sed ad ea tamen nihil praeter aquam adhibuit.”

III. Quaeri non immerito possit, annon putativam Christo carnem attribuerit Tatianus et hac in re, ut in multis aliis, a Valentini partibus ad Marcionis castra transfu-

gerit. Haec enim de illo apud Hieronymum dicta legimus in Comment. in cap. 6 ad Galat.: „Tatianus, qui putativam Christi carnem introducens omnem coniunctionem masculi ad feminam immundam arbitratur, Enekratitarum vel acerrimus haeresiarches, tali adversum nos sub occasione praesentis testimonii usus est argumento“ etc. Hoc testimonio adductus Tillemontius Tatianum de Christi carne idem ac Marcionem docuisse existimat. Sed monet nos eruditus editor operum S. Hieronymi in perantiquo codice Cluniacensi et in codice Regio 3758 non Tatianum legi, sed Cassianum. Equidem valde probaverim asservatam his in codicibus lectionem. Facile fuit et proclive ut pro Cassiano, qui vix cuiquam praeter Clementem Alexandrinum cognitus fuit, nomen Tatiani longe celeberrimum obreperet. At multo difficilius ut pro Tatiano Cassianum librarii ponerent. Porro in Cassianum optime convenit Hieronymi testimonium. Is de matrimonio idem sentiebat ac Tatianus, ut diserte testatur Clemens Strom. 3. p. 465. Quare non immerito vocari potuit Encratitarum vel acerrimus haeresiarches. Praeterea ibidem Docetarum, id est eorum qui putativam Christi carnem finge-
bant, princeps a Clemente appellatur, ὁ τῆς δοκίσεως ἐξάρχων. Quod quidem de Christi carne commentum illius de mundi creatione opinioni consequens erat. Dicebat enim Cassianus in libro De continentia: *Εἰ γὰρ ἦν παρὰ θεοῦ εἰς ὃν σπεύδομεν ἡ τοιαύτη διασκευή, οὐκ ἂν ἐμακάρισεν τοὺς εὐνούχους.* „Si ab eo Deo, ad quem tendimus, esset haec corporis constitutio, non sane beasset eunuchos.“ Ex quibus patet Cassianum non, ut Valentinum, omnia a vero Deo per Demiurgum creata sensisse, sed plane, ut Marcionem, vero Deo creationem mundi aut saltem humani corporis abiudicasse. Nec proinde mirum est, si nullam prorsus carnem Christo relinquebat. At Tatianus in his quae ad creationem spectant totus est Valentinianus; nec quisquam de Christi carne idem illum ac Marcionem sensisse perhibet. Accurate colligunt Irenaeus et Clemens et Epiphanius quid Valenti-

nianis somniis suo Marte excogitatum addiderit, quid ex Saturni et Marcionis fontibus derivaverit. At nihil prius aut potius commemorari debuit, quam haec de Christi carne opinio, si modo ei adstipulatus est Tatianus. Quinetiam Doctarum secta ab Encratitis secerni non debuit, sed una et eadem existimari, eiusque principatus non Cassiano deferendus erat, ut factum a Clemente vidimus, sed Tatiano, quem celebriorem fuisse constat, antiquiorem non obscure indicat Clemens, dum eum ante Cassianum recenset, eique Cassianum de matrimonio declarat assentiri. Videntur ergo librarii aliquid vulneris fecisse huic Hieronymi loco; atque etiamsi integer existimetur, haud tamen scio an minus hac in re Hieronymotribuendum sit, quam aliis patribus non modo hunc Tatiani errorem tacentibus, quem tamen maxime commemorare debuerant, sed etiam ab Encratitarum haeresi Docetas distinguentibus, et alteri Cassianum, alteri Tatianum ducem et signiferum assignantibus.

Sed forte, quominus Cassiani nomen Tatiano apud Hieronymum substituamus, obiicietur Tatiani facinus, qui ex evangelio amputavit genealogias et alia omnia, „quae Dominum,“ ut ait Theodoretus, „ex semine David secundum carnem natum ostendunt.“ At necesse non est ad phantasticam carnem confugere, ut hoc Tatiani scelus explicemus. Satis magnos illi stimulos ad id audendum subiicere potuit Valentinianorum haeresis, quae Christum nihil ex Maria sumsisse, sed carnem aliunde habuisse et per Mariam veluti per canalem docebat transiisse.

IV. Videbatur sibi Tatianus non multum laudis mereri, adiunctis ad usus suos Saturnini et Valentini commentis, nisi etiam aliquid pareret, quod novum ac proprie suum videretur. Itaque ut nomen suum posteris commendaret, salutem Adami negavit, quod ante illum nemini in mentem venerat. Hunc illius errorem, ut impietatem, detestati sunt Irenaeus, Tertullianus, Epiphanius, Philastrius, Augustinus et Theodoretus. Sic autem refellit hanc haeresim Irenaeus lib. 3. c.

23, ut ceteros homines salvari, si Adam non salvatus sit, ac diabolus a Christo victum et superatum neget, si is, quem diabolus vicerat et in vincula coniecerat, a Christo non sit ereptus ex eius manibus et in libertatem vindicatus. Sic etiam Tertullianus in libro De praescr. cap. 52 radicem salvam esse contendit, si rami salvi fiunt. Et Epiphanius Haeres. 46: *Καὶ εἰ ὁ Ἀδὰμ οὐ σώζεται, τὸ φύραμα, οὐδέ τι τοῦ φυράματος σώζεται.* „Si Adamus salutem minime est adeptus, hoc est ipsa quodammodo generis massa, nec ulla huius massae particula servari poterit.“ Vix sane quidquam reperio quod Tatianum ad haec effutienda impulerit, praeter ineptum novitatis aucupium, ut existimavit Irenaeus. Nam Valentiniani et alii pene omnes gnostici, cum Sophiam suam Adamo Demiurgi manibus formato semen spiritale dicerent iniecissee, cumque neminem hoc semine ornatum sanctitate et salute excidere posse autumarent, necessitatem sibi imponebant agnoscendae Adami salutis. Praeterea ipse Tatianus, ut observat Epiphanius, quo magis nuptias oderat, eo in Adamum sine nuptiis creatum aequior esse debuit.

Videtur tamen impia de matrimonio sententia illum adduxisse ut iniquum se Adamo praeberet. Nam obtrectatores matrimonii, ut testatur Clemens Alexandrinus Strom. 3. p. 470, gustum ligni vetiti interpretabantur usum matrimonii, quem a creatore vetitum fingeant. Unde matrimonii non creatorem, sed diabolus, qui Adamum et Evam pellexerat, auctorem dicebant. Sed tamen, etsi Adamus praeceptum creatoris violaverat, id obstare non debebat quominus eum Christus, longe, ut nugatores illi dicebant, potentior creatore, eriperet. At matrimonii odio videtur Tatianus in matrimonii incoeptorem virus suum evomuisse, eumque a Christo minime liberatum, sed irati creatoris iudicio (neminem enim a Christo damnari dicebant) relictum finxisse.

Apud Tertullianum in loco iam citato docuisse dicitur Tatianus „Adam nec salutem consequi posse;“ sed id eodem redit ac quod de Tatiano alii scriptores dixerunt. Posito

enim iniectum non fuisse Adamo commentitium illud semen spirituale, quod Achamoth, sive Sapientia, animabus electorum clam creatore iniiciebat, non iam salutem Adamus assequi poterat.

V. Tatiani sectatores appellantur Tatiani et Tatianitae, Encratitae, Severiani, Hydroparastatae, Apotactitae, Saccophori, Apostolici, quibus nominibus partim ipsa Tatiani secta, partim aliae ex ista avulsae designantur. Distinxit Epiphanius Tatianos a Severianis et Encratitis, ac Severianum Tatiano, Tatianum Encratitis praelusisse censet. At Irenaeus, Clemens, Eusebius et Theodoretus Encratitarum sectae parentem et auctorem Tatianum dixerunt. Addit Eusebius „non multo post Severum quemdam, cum supradictae haeresi robur ac vires addidisset, in causa fuisse cur illius sectae homines ex ipsius vocabulo Severiani dicerentur.“ Late ergo manavit haeresis Tatiani; nec eam merito Antiochiae et Ciliciae et Pisidiae finibus coercet Epiphanius, cum Encratitae, ipso fatente, non solum in his regionibus, sed etiam in Phrygia adusta, in Isauria, Pamphylia et Galatia atque etiam in Romano tractu propagati fuerint. Adductus est etiam Epiphanius hac Tatianitarum et Encratitarum minus accurata distinctione, ut Tatiani sectam saeculo quarto interiisse crederet. At cum Encratitas hoc saeculo exstitisse ex ipso Epiphanio pateat, et maxime ex Basilio, apud quem non pauca de illorum baptismo leguntur (Epist. 188): necessario sequitur institutam a Tatiano sectam, quae non alia est quam Encratitarum, ad hoc tempus perseverasse. Basilius, etsi haereticos solebat rebaptizare, duos tamen ex hac secta episcopos, Zoinum et Saturninum, magnae utilitati consuetudinem posthabens, in episcopalem cathedram suscepit, ac eorum non solum baptisma sed etiam ordinationem ratam habuit.

Suspicari videtur Epiphanius Encratitas, dum castitatem prae se ferunt, non tam a voluptatibus abhorruisse, quam latebras occultis flagitiis quaesivisse. Sic enim loquitur de

Tatiano Haeres. 46: Ἐν τῷ προσχήματι τῆς ἐγκρατείας καὶ τοῦ ἐγκρατητικοῦ ἡθους κυβευτικὴν ἔσχε τὴν ἀγωγὴν· ὥς λύκος ἄρπαξ ἐνδυνόμενος προβάτου κωδίου, καὶ πλανῶν τῷ προσκαίρῳ προσχήματι τοὺς ἀπατωμένους. „Continentiae ac pudicitiae specie, velut illecebra proposita, homo vafer obrepit: tamquam rapax quidam lupus ovem pellis induens, eoque cultu, quem ad tempus induerat, miseros homines in fraudem pelliciens.“ Et de Encratitis Haeres. 47: Σεμνύνονται δὲ δῆθεν ἐγκράτειαν σφαλερῶς τὰ πάντα ἐργαζόμενοι, μέσον γυναικῶν εὐρισκόμενοι, καὶ γυναικας πανταχόθεν ἀπατῶντες, καὶ συνδιαιτώμενοι, καὶ ἐξυπηρετούμενοι ὑπὸ τῶν τοιούτων, ἔξω μὲν τῆς ἀληθείας ὄντες, μόρφωσιν δὲ μᾶλλον κερτημένοι, τὴν δὲ δύναμιν αὐτῆς τῆς εὐσεβείας ἡρνημένοι. „Quod vero continentiam iactitant, lubricum est illorum quidem ac periculi plenum facinus. Nam inter mulierculas versantur assidue, quas undecunque pelliciunt, cum eis iter faciunt, ac communiter vivunt, earumque ministeriis utuntur. Quare cum a veritate longius absint, nihil praeter ementitam illius speciem ostentant: vim ipsam sinceræ pietatis abnegant.“ Nihil simile Irenaeus et Clemens Alexandrinus Tatiano obiecerunt, qui, si eis credimus, inconsideratum castitatis studium non ad tempus ostentavit, ut placet Epiphanio, sed pertinaciter retinuit. Quod ergo reprehendit Epiphanius in Encratitis, id temporum flexu in hanc sectam inductum videtur, cum eorum maiores impiam illam quidem, sed tamen constantem castitatem professi fuissent. Opponit eos Irenaeus aliis haereticis in contrariam partem peccantibus ac omnem licentiam flagitio tribuentibus. Postquam enim de Tatiano loquutus est, sic ad alios transit (l. 1. c. 28): „Alii autem rursus, a Basilide et Carpocrate occasiones accipientes, indifferentes coitus et multas nuptias induxerunt, et negligentiam ipsorum, quae sunt idolothyta, ad manducandum, non valde haec curare dicentes Deum.“ Similiter Clemens Alexandrinus duas illas haereses, ut adversis frontibus inter se pugnantes, refellit in toto libro tertio Stromatum. Pag. 448: Φέρε εἰς δύο διε-

λόντες πράγματα ἀπάσας τὰς αἱρέσεις, ἀποκρινώμεθα αὐτοῖς. Ἡ γὰρ τὸ ἀδιαφόρως ζῆν διδάσκουσιν, ἢ τὸ ὑπέρτονον ἄγουναι ἐγκράτειαν διὰ δυσσεβείας καὶ φιλαπεχθημοσύνης καταγγέλλουσι. „Age,“ inquit, „bifariam dividamus omnes haereses, eisque respondeamus. Vel enim indifferenter vivere docent, vel ultra modum progressae continentiam per impietatem et odium profitentur.“

Non magis consentit cum his duobus scriptoribus Epiphanius, cum testatur Encratitas resurrectionem mortuorum credere, Haeres. 47. c. 1. Sic enim apud Clementem resurrectionem interpretantur, ut iam se illam adeptos esse et idcirco a nuptiis refugere dicant. Unde illos sic verberat Clemens (Strom. 1. 3. p. 446): *Εἰ γὰρ οὖν τὴν ἀνάστασιν ἀπειλήφασιν, ὥς αὐτοὶ λέγουσι, καὶ διὰ τοῦτο ἀθετοῦσι τὸν γάμον, μηδὲ ἐσθιέτωσαν μηδὲ πινέτωσαν· καταργεῖσθαι γὰρ ἔφη τὴν κοιλίαν καὶ τὰ βρώματα ὁ ἀπόστολος ἐν τῇ ἀναστάσει.* „Si ergo resurrectionem acceperunt, ut ipsi dicunt, et idcirco matrimonium abrogant: nec manducant nec bibant; nam dixit apostolus (1 Cor. 6, 13) ventrem et cibos destructum iri in resurrectione.“ Irenaeus ex haereticis creatorem reiicientibus nullum prorsus excipit, qui resurrectionem admiserit, et hac in re a nefariis suis de creatione discesserit principiis, lib. 1. c. 22.

CAPUT XII.

DE SCRIPTIS TATIANI.

I. De operibus Tatiani deperditis. II. Oratio adversus Graecos non pronuntiata sed scripta, idque postquam Roma abiit. III. Scriptam ante haeresim fuisse probatur adversus doctissimum abbatem de Longuerue. IV. De audacia Tatiani in Scripturis pervertendis. V. Non exstat illius evangelium διὰ τεσσάρων. VI. Videtur idem esse ac evangelium quod Ebionaeis attribuit S. Epiphanius. VII. Idem etiam ac illud quod dicebatur secundum Petrum.

I. Ex maximo librorum numero, quem Eusebius et Hieronymus a Tatiano relictum testantur, pauci ad cognitionem nostram, unus tantum in manus nostras pervenit. Scripserat,

teste Clemente Alexandrino (Strom. 3. p. 460), librum „De perfectione secundum Salvatorem.“ In Oratione adversus Graecos c. 15 citat librum a se scriptum „De animalibus.“ Forte in hoc libro pertractaverat quod se alibi demonstrasse dicit (c. 16) mirabiles quosdam effectus non in animas hominum mortuorum sed in daemones refundi debere. In eadem Oratione promittit librum adversus ethnicos scriptores, qui de Christianorum et Iudaeorum instituto et sacris historiis temere iudicaverant. Sic enim loquitur c. 40: *Περὶ μὲν οὖν τῆς καθ' ἡμᾶς πολιτείας, ἱστορίας τε τῆς κατὰ τοὺς ἡμετέρους νόμους, ὅσα τε εἰρήκασιν οἱ παρὰ τοῖς Ἑλλήσιν λόγιοι, καὶ πόσοι καὶ τίνες εἰσὶ μνημονεύσαντες, ἐν τῷ πρὸς τοὺς ἀποφνηαμένους τὰ περὶ Θεοῦ δειχθήσεται.* „Sed de instituto nostro, et de legum nostrarum historia, quatenus apud Graecos eruditi dixerint, quamque multi et quales fuerint qui his de rebus meminere, in libro adversus eos (Graecos videlicet) qui de rebus divinis asseverarunt, demonstrabitur.“ Non dissimulabo praeclarum his verbis, *πρὸς τοὺς ἀποφνηαμένους*, sensum adiungi ab auctore dissertationis non semel laudatae. Vertit enim: „adversus eos qui rebus divinis fidem detrahunt.“ Sic etiam intellexit Tillemontius. Sed illud verbum *ἀποφνηαμένους* non videtur hanc interpretationem pati. Quosnam refellendos sibi in hoc opere proponeret Tatianus in annotatione ad hunc locum explicare conatus sum. Perabsurde Gesnerus meditatum putat esse Tatianum eos refellere „qui de Deo et rebus divinis demonstrationibus agunt,“ hoc est catholicos, qui fidem, quam Apelles apud Eusebium Hist. l. 5. c. 13 examinandam esse negat, argumentis probabant et confirmabant.

Rhodon, insignis scriptor ecclesiasticus, qui Romae a Tatiano eruditus fuerat, in libris adversus Marcionitas referebat, Eusebio teste, elucubratum fuisse a Tatiano librum „Problematum,“ sive Quaestionum in sacram Scripturam. *Φησὶ δέ, inquit Eusebius l. 5. c. 13, καὶ ἐσπουδάσθαι τῷ Τατιανῷ προβλημάτων βιβλίον, δι' ὧν τὸ ἀσαφὲς καὶ ἐπικεκρυμ-*

μένον τῶν θείων γραφῶν παραστήσειν ὑποσχομένον τοῦ Τατιανοῦ, αὐτὸς ὁ Ῥόδων ἐν ἰδίῳ συγγράμματι τὰς τῶν ἐκείνου προβλημάτων ἐπιλύσεις ἐκδήσεσθαι ἐπαγγέλλεται. „Refert etiam elucubratum esse a Tatiano librum Quaestionum, per quas quidem cum Tatianus obscuras esse et reconditas Scripturas demonstrare instituisset, ipse Rhodon solutiones Quaestionum Tatiani peculiari opere editurum se esse pollicetur.“ Videtur haec haereticus scripsisse Tatianus, et ideo profligatus fuisse a Rhodone, quia scilicet Scripturas obscuras et reconditas dicebat, ut suam in eis detorquendis et pervertendis licentiam defenderet.

II. Omnium Tatiani operum, Eusebii et Hieronymi iudicio, celeberrimum et florentissimum fuit Oratio adversus Graecos. Coniicit Tillemontius hanc orationem coram ethnicis pronuntiatam fuisse; idque causae esse suspicatur, cur nec satis elaborata, nec arte et ordine dispensata videatur. Revera auditores interdum alloqui videtur, velut cum ait: „Ego loquor et vos auditis“ c. 5. „Audite me tamquam ex loco excelso clamantem“ c. 17. At nemo nescit solemne esse his, qui scribunt, sic interdum lectorem compellare, quasi veris vocibus uterentur. Tatianus ipse non oratoris sed scriptoris partes sibi attribuit. Ait enim c. 35: „Quomodo nostra philosophia vestris antiquior sit disciplinis, cum scribere inceperim, sed propter urgentem disputationem distulerim, nunc, cum tempus est, de illius decretis dicere aggrediar.“ Et perorans: „Haec vobis, o Graeci, ego Tatianus barbarae philosophiae addictus composui.“

Recte observat idem praestantissimus Tillemontius hanc Orationem mortuo Crescentis insidiis Iustino scriptam esse: sed quod Romae pronuntiatam existimat, id cum Tatiani verbis consistere non potest. Ridens enim Tatianus statuas apud Graecos partim meretricibus et hominibus impuris positas, partim ad memoriam rerum perabsurdarum erectas, sic fidem facit sui iudicii: Ταῦτα μὲν οὖν οὐ παρ’ ἄλλου μαθὼν ἐξεθέμην, πολλὴν ἐπιφοιτήσας γῆν, καὶ τοῦτο μὲν σοφιστεύσας τὰ

ὑμέτερα, τοῦτο δὲ τέχναις καὶ ἐπινοίαις ἐγκυρήσας πολλαῖς, ἔσχατον δὲ τῇ Ῥωμαίων ἐνδιατρίψας πόλει, καὶ τὰς ἀφ' ὑμῶν ὡς αὐτοὺς ἀνακομισθεῖσας ἀνδριάντων ποικιλίας καταμαθών. Οὐ γάρ, ὡς ἔθος ἐστὶ τοῖς πολλοῖς, ἀλλοτρίαις δόξαις τὰμαντοῦ κρατύνειν πειρῶμαι· πάντων δὲ ὧν ἀποποιήσομαι αὐτὸς τὴν κατάληψιν, τούτων καὶ τὴν ἀναγραφὴν συντάσσειν βούλομαι. „Haec equidem,“ inquit c. 35, „non ab alio accepta exposui, qui multas regiones peragravi, ac partim in vestris exercitatus sum disciplinis, partim in artes et inventa multa incidi, ac tandem in Romanorum urbe commoratus, statuarum varietates eo a vobis exportatas vidi. Non enim, ut plerique solent, alienis opinionibus mea confirmare, sed quaecumque vidi literis mandare aggredior.“ Haec narratio eorum quae Romae Tatianus viderat hominis est Romae non commorantis. Quae supra retulimus in Crescentem dicta, „Crescens igitur ille, qui in magna urbe nidum posuerat, puerorum quidem amore superabat omnes“ etc., similiter probant Tatianum tunc a Crescente, aut saltem, si is mortuus erat, Roma abfuisse.

Elaboratum opus in Graeciae aliqua urbe existimat auctor dissertationis Oxoniensi editioni additae. Cur ita sentiret vir longe doctissimus, id credo exstitisse causae, quod Graecos in hac Oratione alloquatur Tatianus. Sed annon potuit eos etiam Graecos, qui erant in oriente, alloqui? Quare nihil ea de re videtur certo posse constitui.

III. Sed aliud est, in quo eiusdem dissertationis auctor longius videtur a vero aberrare. Fatetur Tatianum in hoc opusculo adversariorum mucronem belle retundere. „Sed ibidem nigrae lolliginis succum aeruginemque meram deprehendi“ pronuntiat. „Nam errores,“ inquit, „quos Tatianus a Gnosticorum penu depromptos dudum animo inseverat, et ante Iustini mortem propter magistri reverentiam dissimulaverat, aperte defendere non erubuit.“ Et infra: „Hoc in opusculo cum errores perabsurdos in propatulo doceat, eum a christianae veritatis forma et evangelica regula id temporis quam longissime abfuisse non ambigimus. Et cum-

primis hominem ex tribus veluti naturis conflatum tradit: ἐκ τῆς ὕλης, ex materia, ἐκ τῆς ψυχῆς, ex anima, quae a materia originem ducit, et ἐκ τοῦ πνεύματος, ex spiritu, qui a Deo seu a coelis primordia capit.“ Displicet etiam erudito scriptori illa apud Tatianum distinctio duorum spirituum, quorum alter „anima vocatur,“ alter vero praestantius „est anima, imago scilicet et similitudo Dei.“ Videtur sibi in his verbis „dilucide perspicere distinctionem τοῦ ὕλικου et τοῦ πνευματικοῦ, quam Tatianus mutuatus est a Gnosticis et praesertim a Valentino.“ Tatiano alios attribuit errores, nempe adversus animae immortalitatem et simplicitatem, et Verbi aeternitatem; ac ne cui in mentem veniat Tatiani patrociniū suscipere, sic concludit: „Nec mirum, si male et improbe de augustioribus christianae religionis mysteriis sentiebat ille, qui conspiraverat iam cum Gnosticis, impiis consceleratisque hominibus et a vera in Deum religione alienissimis. Sane quidem laterem lavabit, si quis eius generis nugatores a culpa velit eximere; et singulatim Tatianum nemo purgare poterit, qui Valentini insanas de aeonibus opiniones animo imbiberat.“

Sententiam Tatiani de immortalitate animae eiusque natura, et de Verbi aeternitate satis explanatam puto in secunda parte praefationis et in annotationibus. Neque etiam in eo refellendo immorandum, quod ait vir eruditissimus Tatianum etiam sub Iustini disciplina nefariam haeresim esse meditatū; neque enim argumentis refellendum, quod sine ullo prorsus argumento profertur. Quod autem spectat ad ipsum opusculum Tatiani, multa in eo reperio cum Valentiniāna haeresi pugnancia, nullum prorsus huius erroris vestigium, ne in iis quidem quae obiciuntur ab auctore dissertationis.

Fons et origo Tatiani errorum, ut supra vidimus, prava exstitit de mundi creatione sententia. Inde manarunt aeones, inde Demiurgus non lucem faciens, sed ut fiat optans et orans: inde de Christi carne, de resurrectione et de libero arbitrio stultissima commenta. At in Oratione adver-

sus Graecos materiae creationem data opera defendit. Aequalem Deo futuram contendit, si increata esset, c. 5: *Οὔτε γὰρ ἀναρχος ἡ ὕλη καθάπερ ὁ Θεός, οὐδὲ διὰ τὸ ἀναρχον καὶ αὐτὴ ἰσοδύναμος τῷ Θεῷ· γεννητὴ δὲ καὶ οὐχ ὑπὸ τοῦ ἄλλου γεγονυῖα, μόνου δὲ ὑπὸ τοῦ πάντων δημιουργοῦ προβεβλημένη.* „Non enim caret initio materia, quemadmodum Deus: nec Deo, ut principii expers, parem habet potestatem: verum creata est, nec ab alio facta, sed a solo universorum opifice producta.“ Feriunt haec verba Valentinianos, eorumque de materiae aeternitate ac vero supra creatorem Deo somnia. Ut Valentinianos materia increata et Deus a creatore diversus eo ducebat, ut corpus humanum nec vero et sublimi Deo curae esse nec ab opifice restitui posse crederent: ita Tatianus ex eo, quod materia creata sit et a solo universorum opifice creata, corporum resurrectionem adstruit. Addit enim protinus, c. 6: *Καὶ διὰ τοῦτο καὶ σωμάτων ἀνάστασιν ἔσεσθαι πεπιστεύκαμεν.* „Propterea etiam corporum resurrectionem futuram credimus.“ Humanam carnem, utpote ab inferiore deo ex materia increata conditam, Valentiniani indignam iudicabant, quam Filius Dei susciperet. Corpus illi tribuebant animale non ex Maria assumptum, sed per Mariam traductum, veluti per canalem quemdam. At pudori non est Tatiano Deus sub hominis forma natus, c. 21: *Οὐ γὰρ μωραίνομεν, ἄνδρες Ἕλληνες, οὐδὲ λήρους ἀπαγγέλλομεν, Θεὸν ἐν ἀνθρώπου μορφῇ γεγονέναι καταγγέλλοντες.* „Non enim desipimus, o Graeci, nec nugas praedicamus, Deum sub hominis forma natum nuntiantes.“

Praecipue vero in summam morum corruptelam Valentinianos praecipites dederat sublata hominis libertas, cum „semetipsos non per operationem, sed eo quod sint naturaliter spirituales, omnimodo salvari“ dicerent, Iren. lib. 1. c. 6. At Tatianus nihil in rebus creatis natura malum esse declarat, c. 17: *Ἐπεὶ αὐτὸς μὲν πᾶν τὸ εἶ πως ἔχον ἐδημιούργησεν· ἡ δὲ τῶν δαιμόνων ἀσωτία τοῖς ἐν τῷ κόσμῳ πρὸς τὸ ἀκοποιεῖν ἐχρήσατο.* „Deus,“ inquit, „omnia bene se haben-

tia creavit; sed daemonum intemperantia eis, quae in mundo sunt, ad male agendum abusa est.“ Iustini magistri vestigiis homines et angelos a Deo liberos docet fuisse creatos, c. 7: Ὅπως ὁ μὲν φαῦλος δικαίως κολάζεται δι' αὐτὸν γεγονώς μοχθηρός, ὁ δὲ δίκαιος χάριν τῶν ἀνδραγαθημάτων ἀξίως ἐπαινῆται. „Ut malus merito puniatur per se improbus factus, iustus autem ob recte facta iure laudetur.“ Quae praedicta sunt, „libera eligentium voluntate“ docet evenire; nec mali originem aliunde repetit quam ex libero arbitrio, c. 11: Οὐκ ἐγενόμεθα πρὸς τὸ ἀποθνήσκειν, ἀποθνήσκομεν δὲ δι' ἑαυτούς. Ἀπώλεσεν ἡμᾶς τὸ αὐτεξούσιον· δοῦλοι γεγόναμεν οἱ ἐλεύθεροι, διὰ τὴν ἁμαρτίαν ἐπράθημεν. Οὐδὲν φαῦλον ὑπὸ τοῦ Θεοῦ πεποιήται, τὴν πονηρίαν ἡμεῖς ἀνεδείξαμεν. Οἱ δὲ ἀναδείξαντες, δυνατοὶ πάλιν παραιτησάσθαι. „Non facti sumus ut moreremur: perdidit nos libera voluntas; servi facti sumus qui liberi eramus: per peccatum venditi sumus. Nihil mali factum est a Deo: nos ipsi improbitatem produximus. Eam vero qui produxerunt denuo repudiare possunt.“ Quemadmodum homines omnes peccato Adami vitiatos fuisse, ita etiam omnibus, ut in secunda parte vidimus, necessarium esse Spiritus sancti auxilium docet, ut Dei imago in eis restituatur, nedum quemquam natura spirituales esse crederet.

Nuptias in diis merito irridet Tatianus c. 8, at in hominibus legitime contractas nusquam vituperat. Virgines christianas laudat (c. 33), quae „divina oracula circum cola“ recitabant, non ut hoc institutum instar legis omnibus praescribat, sed ut repellat dieteria ethnicorum, qui Christianos dictitabant „inter mulieres et adolescentes, inter virgines et anus nugari.“ Sic etiam (c. 27) afflicta Christianis crimina propulsat, iniquam ob solum nomen condemnationem obicit ethnicis, ut catholicae ecclesiae defensor, ac persecutorum telis praecipue expositus, nedum tunc inter haereticos versaretur, quos aut persecutio tangere non solebat aut negando eludebatur. Ecclesiae catholicae mores describit, cum ait c. 32: Φιλοσοφοῦσί τε οὐ μόνον οἱ πλουτοῦντες, ἀλλὰ καὶ

οἱ πένητες προῖκα τῆς διδασκαλίας ἀπολαύουσι . . . Τοὺς δὲ ἀκροᾶσθαι βουλομένους πάντας οὕτως προσιέμεθα, καὶ πρεσβύτειδες ὧσι, καὶ μειράκια· πᾶσά τε ἀπαξ ἀπλῶς ἡλικία παρ' ἡμῶν τυγχάνει τιμῆς. Τὰ δὲ τῆς ἀσελγείας πόρῳ κεχώριται. „Philosophantur non solum divites, sed et pauperes gratuito doctrina perfruuntur . . . Quicunque autem audire voluerint, omnes hoc modo admittimus, etiamsi anus, etiamsi adolescentes fuerint; ac omni prorsus aetati suus est apud nos honor. Sed longe abest lascivia.“ Haerebant adhuc animo Tatiani, cum haec scriberet, non solum Iustini praecepta, quem virum inprimis admirandum vocat, sed etiam praeclari illi pietatis motus, quos olim persenserat, cum miraretur in libris sacris doctrinam haereticis oppositam, „universae creationis explicationem captu facilem, ac singularem universorum principatum“ (c. 27).

Immerito vituperat idem vir doctissimus quae apud Tatianum de corpore et anima et spiritu, ac duorum spirituum distinctione dicuntur. Etiamsi Tatianus hominem ex corpore, anima et spiritu componeret, minime id reprehendi deberet, cum anima saepe spiritus vocetur, ac Spiritus sancti donum saepe hominis spiritus dicatur. At Tatianus animam distinguit a S. Spiritu, ut templum ab inhabitante Deo, c. 15. In hoc gravissime errabant Valentiniani, quod animae suae semen a Sapientia iniectum dicerent, cuius beneficio salutem aeternam sibi ne maximis quidem et perpetuis flagitiis eripi posse confidebant. Nihil simile Tatiano obiici potest. Quinetiam in hoc laudandus quod Spiritum sanctum, quem Deum perfectum vocat, a spiritu materiam pervadente distinguat (c. 12. 15). Similis distinctio apud Theophilum lib. 1 c. 5 et 7.

IV. Nequissimos errores Tatianus pervulgata haereticorum via defendit, nec quidquam sibi in violandis Scripturis duxit impermissum. Recipiebat ille quidem plerasque Scripturas, licet prave interpretaretur. Nam, ut supra vidimus, illud Genesis „Fiat lux“ precantis esse, non iubentis effutit-

bat: vinum ex quodam Amos testimonio (2, 8), matrimonium ex alio Pauli interdictum esse contendebat. „Tentabat etiam,“ teste Irenaeo, „subinde uti huiusmodi a Paulo (1 Cor. 15, 22) assidue dictis: „Quoniam in Adam omnes moriuntur.“ Plurimi faciebat Epistolam ad Titum; sed quamvis multa Pauli ad usus suos idonea duceret, nonnullas tamen illius epistolas reiecit, spe sublata eludendi et cavillandi. Haec discimus ex Hieronymo, qui sic loquitur proem. Comment. in epist. ad Titum: „Sed Tatianus,“ inquit, „Encratitarum patriarches, qui et ipse nonnullas Pauli epistolas reiecit, hanc vel maxime, hoc est ad Titum, apostoli pronuntiandam credidit, parvi pendens Marcionis et aliorum, qui cum eo in hac parte consentiunt, assertionem.“ Nonnulla etiam apostoli dicta, inquit Eusebius lib. 4. cap. 29, aliis verbis exprimere ausus esse fertur, quasi eorum compositionem emendans.

V. Sed praecipuum Tatiani facinus enituit in uno ex quatuor evangeliiis compingendo, quod idcirco τὸ διὰ τεσσάρων appellabat. Συνάφειάν τινα καὶ συναγωγὴν οὐκ οἶδ' ὅπως τῶν εὐαγγελίων συνθεῖς, τὸ διὰ τεσσάρων τοῦτο προσωνόμασεν. Ὁ καὶ παρὰ τισιν εἰσέτι νῦν φέρεται. „Catenam,“ inquit Eusebius (l. 4. c. 29), „et collectionem nescio quam evangeliorum contexuit, quam τὸ διὰ τεσσάρων nominavit: quod opus a quibusdam etiamnum habetur.“ Et Epiphanius Haeres. 46: Λέγεται δὲ τὸ διὰ τεσσάρων εὐαγγέλιον ὑπ' αὐτοῦ γεγενῆσθαι, ὅπερ κατὰ Ἑβραίους τινὲς καλοῦσι. „Ferunt opus illud quod ex quatuor evangeliiis contextum est, quodque secundum Hebraeos nonnulli vocant, ab eo esse conscriptum.“ Plura narrat Theodoretus, ex quibus hoc evangelium quale fuerit intelligi potest. Οὗτος καὶ τὸ διὰ τεσσάρων καλούμενον συνθέθεικεν εὐαγγέλιον. τὰς τε γενεαλογίας περικόψας, καὶ τὰ ἄλλα ὅσα ἐκ σπέρματος Δαβὶδ κατὰ σάρκα γεγεννημένον τὸν Κύριον δείκνυσιν. Ἐχρήσαντο δὲ τούτῳ οὐ μόνον οἱ τῆς ἐκείνου συμμορίας, ἀλλὰ καὶ οἱ τοῖς ἀποστολικοῖς ἐπόμενοι δόγμασι, τὴν τῆς συνθέκης κακουργίαν οὐκ ἔγνωκότες, ἀλλὰ ἀπλούστερον ὡς

συντόμῳ τῷ βιβλίῳ χρησάμενοι. Εὗρον δὲ κατὰ πλείους ἢ διακοσίας βίβλους τοιούτας ἐν ταῖς παρ' ἡμῖν ἐκκλησίαις τετιμημένας, καὶ πάσας συναγαγὼν ἀπεθέμην, καὶ τὰ τῶν τεσσάρων εὐαγγελιστῶν ἀντεισήγαγον εὐαγγέλια. „Hic evangelium,“ inquit (Haeret. fab. l. 1. c. 20), „quod diatessaron dicitur, composuit, amputatis genealogiis et aliis omnibus, quae Dominum ex semine David secundum carnem natum ostendunt. Eoque usi sunt non modo qui eius erant sectae, sed ii etiam qui apostolica dogmata sequebantur, compositionis fraudem non cognoscentes, sed simplicius tamquam compendiario libro utentes. Nactus sum etiam ipse libros huiusmodi supra ducentos in honore habitos in ecclesiis nostris, quos omnes in unum congestos seposui, et pro his quatuor evangelistarum evangelia introduxi.“

Ex his patet Harmoniam evangelicam, quae exstat sub nomine Tatiani in Biblioth. Patr. (edit. Paris. tom. 7, Lugdun. tom. 2), non esse Tatiani, quippe cum genealogias a Tatiano sublatas contineat. Hanc tamen Tatiano attribuebat sexto saeculo Victor Capuanus. Sed ea de re nulla iam inter eruditos dissensio. At Baronius et Caveus litem moverunt de alia Harmonia Ammonio in iisdem Patrum Bibliothecis (ed. Par. tom. 7, Lugd. tom. 3) tributa, quam quidem non Ammonii sed Tatiani esse contendunt. Sed postremum illud opus latini scriptoris est germanissimus foetus, nec ullam prorsus notam habet, ex qua latinum e graeco factum agnoscas. Deinde vero nulla prorsus in re Tatiani haeresi consulit, sed legem Mosis sic commendat, idque verbis in Scriptura non exstantibus (neque enim uti solet ipsis Scripturae verbis), ut Tatiano affingi non possit. Cf. c. 12 et 13.

VI. Cum tam late manaverit huius evangelii fama, accuratius investigandum nobis est, quid de eo veteres dixerint. Illud inprimis observandum est, quod ait Epiphanius (Haeres. 46, 1), hoc Tatiani evangelium a nonnullis secundum Hebraeos vocari. Vix profecto credibile est Hebraeos illos,

quorum alii, nempe Nazaraei, legis observationem cum ecclesiae catholicae doctrina iungebant, alii vero, nempe Ebionaei, Christum simplicem hominem ex virgine vel etiam ex Iosepho genitum dicebant, evangelio Tatiani, quod ad dissimillimos errores insinuandos fabricatum fuerat, usos fuisse. Ac de Nazaraeis quidem minime dubium, quin ad usus suos adsciverint non Tatiani evangelium, sed illud quod S. Hieronymus graecis ac latinis litteris illustravit. At quod spectat ad Ebionitas, evangelium quod eis attribuit Epiphanius in haeresi 30, quae est Ebionitarum, idem prorsus videtur esse ac illud Tatiani diatessaron.

1^o. In evangelio, quod Epiphanius Ebionitis proprium tradit, amputatae erant genealogiae. *Ἐν τῷ γοῦν παρὰ αὐτοῖς εὐαγγελίῳ κατὰ Ματθαῖον ὀνομαζομένῳ, οὐχ ὅλῳ δὲ πληροεστάτῳ, ἀλλὰ νενοθευμένῳ καὶ ἠζηρωτηριασμένῳ, ἐβραϊκὸν δὲ τοῦτο καλοῦσιν, ἐμφέρεται κτλ.* „Igitur in eo quod penes illos est Matthaei evangelio,“ inquit Haeres. 30. c. 13, „quamquam ne integrum quidem illud habent, sed adulteratum ac mutilum, idque ipsum Hebraicum vocant, ita scriptum est“ etc. Et infra (c. 14): *Κήρινθος καὶ Καρποκράς τῷ αὐτῷ χρώμενοι δῆθεν παρ’ αὐτοῖς εὐαγγελίῳ ἀπὸ τῆς ἀρχῆς τοῦ κατὰ Ματθαῖον εὐαγγελίου διὰ τῆς γενεαλογίας βούλονται παριστᾶν ἐκ σπέρματος Ἰωσήφ καὶ Μαρίας εἶναι τὸν Χριστόν. Οὗτοι δὲ ἄλλα τινὰ διανοοῦνται. Παρακόψαντες γὰρ τὰς παρὰ τῷ Ματθαίῳ γενεαλογίας, ἄρχονται τὴν ἀρχὴν ποιῆσθαι, ὡς προεῖπον.* „Cerinthus enim et Carpocrates eodem Matthaei, ut quidem volunt, evangelio freti, ex eius initio Christique genealogia probare nituntur Christum e Iosephi et Mariae semine esse procreatum. Illi (Ebionitae) contra omnino statuunt. Nam omni genealogia amputata inde, unde diximus, initium ducunt.“ Deerant ergo in illo secundum Hebraeos evangelio genealogiae, quas ex evangelio διὰ τεσσάρων, ut quae Tatiani haeresi incommodarent, amputatas fuisse Theodoretus testatur (lib. 1. Haeret. fab. c. 20).

2^o. In eodem Ebionitarum sive secundum Hebraeos

evangelio multa alia occurrebant ad Tatiani de lege Mosis et de animalium usu errores accommodata. Sic loquebatur Christus in hoc evangelio (Haeres 30. c. 16): ὅτι ἦλθον καταλῦσαι τὰς θυσίας, καὶ ἐὰν μὴ παύσησθε τοῦ θύειν, οὐ παύσεται ἂφ' ὑμῶν ἡ ὀργή. „Ego ad abroganda sacrificia veni, et nisi sacrificare desieritis, Dei in vos ira non cessabit.“ Pro eo quod Ioannes dicitur ἀκρίδας, id est locustas, comedisse, isti ἐγκρίδας, epichyta mellita, posuerant (c. 13). Illud Christi apud Lucam 22, 15: „*Desiderio desideravi hoc pascha manducare vobiscum*,“ sic invertebatur in evangelio Ebionitarum: Quaerentibus discipulis: „*Ubi vis paremus tibi comedere pascha?*“ (Matth. 26, 17) — sic Christus respondebat (c. 22): Μὴ ἐπιθυμία ἐπεθύμησα κρέας τοῦτο τὸ πάσχα φαγεῖν μεθ' ὑμῶν; „Numquid desiderio desideravi carnem hoc pascha manducare vobiscum?“ In his agnoscere licet non solum Tatiani deliria, sed etiam illius in pervertendis ad arbitrium Scripturis audaciam, de qua Eusebius (Hist. l. 4. c. 29).

3^o. Evangelium secundum Hebraeos, quod Epiphanio notum fuit, non, ut illud quod Hieronymus interpretatus est, solo Matthaei contextu continebatur, sed plane, ut evangelium Tatiani διὰ τεσσάρων, ex aliis evangelistarum locis calide assutis constabat. Perspicua res est tum ex Lucae verbis, quae modo in hoc evangelio maligne detorta vidimus, tum ex alio testimonio, quod, ab Epiphanio appositum c. 13, partim ex Matthaei partim ex Marci et Lucae verbis conflatum est.

4^o. In eodem secundum Hebraeos evangelio baptismus Christi describitur, ut apud magistrum Tatiani Iustinum: hae Patris voces auditae narrantur (Epiph. Haeres. 30. c. 13): „Ego hodie genui te“; magnum lumen in Iordane dicitur affulsisse.

Sensit Epiphanius (l. l. c. 14) multa esse in hoc evangelio cum Ebionitis pugnantia. Nam cum Christum ab eis simplicem hominem existimari sciret, mirari satis non poterat,

cur haec Christi verba: „Quae est mater mea et fratres mei?“ in hunc usum adhiberent, ut Christum probarent hominem non esse, sed eos putabat secum ipsos pugnare. At incredibilis est tanta inconstantia, ut eundem et hominem ex hominibus genitum dixerint et hominem esse negaverint. Multa alia Ebionitis attribuit Epiphanius, cum ea opinione, quam de illis tota antiquitas confirmat, omnino pugnantia. Detestatos illis esse omnes prophetas declarat c. 15. At „quae sunt prophetiae,“ si Irenaeo credimus l. 1. c. 26, „curiosius exponere“ nitebantur. Addit Epiphanius eos ab omnibus animatis, propterea quod e concubitu genita sunt, abstinere, aqua tantum in mysteriis celebrandis uti, ac inter Iesum ac Christum id discriminis ponere ut Christum Dei Filium in Iesum descendisse dicant. Credere equidem malim Ebionaeos ab Epiphanio cum Cerinthi aut Carpocratis aut aliis eiusmodi sectis confundi, quae Iesum quidem hominem ex hominibus genitum esse dicebant, sed, cum Christum impassibilem esse statuerent ac Deum veteris testamenti et creatorem mundi aversarentur, plurimum affinitatis cum Tatiano habuerunt, ac eius evangelio non incommode ad errores suos uti potuerunt.

VII. Facile crediderim illud etiam evangelium, quod secundum Petrum dicebatur, Tatiani evangelio diversum non esse. Tempus et res ipsae mirifice conveniunt, ut discimus ex testimonio Serapionis Antiocheni episcopi apud Eusebium l. 6. c. 12. Is antequam illud Petri evangelium per se ipse examinasset, permiserat ut legeretur in paroccia Rhossensi, ne forte discordiae, quibus materiam dederat illud evangelium, graviores fierent. Sed postquam illud perlegit, in gratiam eorum, qui decepti fuerant, librum composuit, in quo sic loquebatur: Ἐδυνήθημεν γὰρ παρ' ἄλλων τῶν ἀσκησάντων τοῦτο τὸ εὐαγγέλιον, τουτέστι παρὰ τῶν διαδόχων τῶν καταρξάμενων αὐτοῦ, οὓς Δοκητὰς καλοῦμεν (τὰ γὰρ πλείονα φρονήματα ἐκείνων ἐστὶ τῆς διδασκαλίας), χρῆσάμενοι παρ' αὐτῶν διελθεῖν, καὶ εὐρεῖν τὰ μὲν πλείονα τοῦ ὀρθοῦ λόγου τοῦ σωτῆρος, τινὰ

δὲ προδιασταλμένα, ἃ καὶ ὑπετάξαμεν ὑμῖν. „Mutuati enim supradictum evangelium ab eis qui illud usu et exercitatione promoverunt, id est a successoribus eorum qui illud incoeperunt, quos Docetas vocamus (sunt enim pleraeque sententiae ex eorum doctrina), legendi copiam nacti sumus, etprehendimus quidem in plerisque rectam Salvatoris doctrinam, sed tamen detorta esse nonnulla, quae et vobis subiecimus.“ Serapion, qui ecclesiam Antiochenam rexit ab anno 190 usque ad annum 211, degebat cum Tatiani successoribus. Ut Tatiani diatessaron, ita illud etiam quod Petri dicebatur evangelium tanta arte concinnatum erat, ut catholicis non doctissimis fucum faceret: utrumque ab eruditis episcopis, Theodoreto et Serapione, admoniti e manibus proicerunt. Praeterea Docetarum usu terebatur evangelium secundum Petrum: at pleraque commenta a Tatiano Docetae acceperant, nec video cur non illud etiam evangelium ab eo acceperint, aut cur novi architectandi operam susceperint, cum communibus erroribus satis providisset Tatianus, ac etiamsi quid inter eos de carne Christi non conveniret, in hoc tamen utrisque in commune genealogiis recisis consulisset.

Neque illud omittendum, quod testatur Theodoretus Haeret. fab. lib. 2. c. 2, evangelium Petri usui fuisse Nazaraeis. Id profecto incredibile: nam Nazaraei id unum peccabant, quod legem Mosis obstinate retinerent. Sed cum Nazaraei saepe confundantur cum Ebionitis, quos scribit Epiphanius Tatiani evangelio usos fuisse, inde videtur errandi occasio oblata Theodoreto.

CAPUT XIII.

DE GESTIS ET SCRIPTIS ATHENAGORAE.

I. Testimonium Philippi Sidetae de Athenagora expenditur. II. An idem Athenagoras ac Athenogenes. III. Apologia ab eo oblata M. Aurelio eiusque filio Commodi. IV. Oblata anno 176 nec solum scripta. V. De alio illius libro, qui est De resurrectione mortuorum.

I. Athenagoram Atheniensem ac philosophum fuisse indicat eius operum titulus. De rebus illius gestis non uber-

rima est dicendi seges, cum ipsius nomen pene oblivio deleverit. Nam si Methodium Martyrem et Philippum Sidetam excipias, quorum alter unam aliquam Athenagorae sententiam apud Epiphanium Haeres. 64 et Photium cod. 224 citat, alter de illo breviter et quasi transiens loquutus est, altum de hoc eximio scriptore in tota antiquitate silentium. Debit tamen illius fama latius manare, si vera sunt quae perhibet Philippus Sideta, praefuisse illum scholae Alexandrinae, eique in hoc munere discipulum Clementem successisse. Refertur hoc testimonium Philippi Sidetae in quodam fragmento, quod ex Nicephori Callisti, ut coniicit Dodwellus, operibus excerptum ad calcem dissertationum Dodwelli in Irenaeum legitur. Sic habent quae de Athenagora ibi dicuntur: *Καί φησι Φίλιππος ὁ Σιδητής ἐν λόγῳ κδ'· Τοῦ διδασκαλείου τοῦ ἐν Ἀλεξανδρείᾳ Ἀθηναγόρας πρῶτος ἡγήσατο, κατὰ τοὺς χρόνους ἀκμάσας Ἀδριανοῦ καὶ Ἀντωνίνου, οἷς καὶ τὸν ὑπὲρ Χριστιανῶν πρεσβευτικὸν προσεφώνησεν· ἀνὴρ ἐν αὐτῷ χριστιανίσας τῇ τρίβωνι, καὶ τῆς ἀκαδημαϊκῆς σχολῆς προϊστάμενος. Οὗτος πρὸ τοῦ Κέλσου κατὰ Χριστιανῶν γράψαι προθυμηθεὶς, ἐντυχὼν ταῖς θείαις γραφαῖς εἰς τὸ ἀκριβέστερον ἀγωνίσασθαι, οὕτως εἴλετο τῷ παναγίῳ πνεύματι, ὥστε διδάσκαλον κατὰ τὸν μέγαν Παῦλον ἀντὶ διώκτου γενέσθαι τῆς πίστεως ἧς ἐδίωκεν. Τούτου μαθητὴν γενέσθαι φησὶν ὁ Φίλιππος τὸν στρωματέα Κλήμεντα καὶ Πάνταινον τοῦ Κλήμεντος.* „Ait Philippus Sideta in Serm. 24: Scholae Alexandrinae primus praefuit Athenagoras, qui temporibus Adriani et Antonini floruit, quibus etiam legatoriam orationem pro Christianis inscripsit: vir christianam religionem in ipso pallio professus, ac scholae academicae praefectus. Is cum ante Celsum in animo haberet adversus Christianos scribere, legens divinas Scripturas ad accuratius pugnandum, sic Spiritu sancto captus est, ut more ac modo magni Pauli pro persecutore doctor fieret illius doctrinae quam insectabatur. Huius discipulum fuisse ait Philippus Clementem Alexandrinum et Pantaenum Clementis.“

Quamvis non maxima sit auctoritas Philippi, eiusque

opus, quod Historiam Christianam inscripserat, doctis pariter et indoctis inutile iudicet Socrates lib. 17. cap. 27, cui assentitur Photius cod. 35, cum tamen Dodwellus ipsi etiam Eusebio in hoc de Athenagora et aliis Alexandrinae scholae rectoribus testimonio anteponendum putat, propterea quod Rhodonis discipulus fuit, qui Alexandrinae scholae post Didymum praefuit et eandem scholam in urbem Sidam transtulit, ubi eum a se auditum narrat Philippus teste excerpti modo laudati auctore, sive is Nicephorus sit seu quilibet alius. Haud equidem negaverim Dodwelli rationem id valere, ut si quid narret Philippus, quod cum optimis monumentis non pugnet, id probetur. At nunquam impetrabit Dodwellus, ut scriptor non magni ponderis, Proclo et Sisinnio aequalis ac diaconi munere sub Ioanne Chrysostomo perfunctus, Eusebio, qui et antiquior et accuratior est, et multo plura scholae Alexandrinae monumenta pluresque eruditos viros aut ei praefectos aut in ea institutos viderat, anteponatur. Quare ut omittam longe a vero aberrare Philippum, cum Apologiam Athenagorae imperatoribus Adriano et Antonino inscriptam putat, multa in eodem testimonio leguntur partim haud valde probabilia, partim falsa prorsus et absurda. Non libenter crediderim Athenagoram Alexandrinae scholae praefuisse. Quomodo enim in tam alto et sublimi loco ita illius scripta latuere, ut nulla prorsus ad Eusebium aura perveniret? Illud certe dici non potest quod ait Philippus Athenagoram huic scholae primum praefuisse. Nam diserte testatur Eusebius (Hist. l. 5. c. 10) litterarum sacrarum scholam iam inde a priscis temporibus, antequam ei praecesset Pantaenus, in urbe Alexandrina institutam fuisse.

Non minus absurde idem Philippus Athenagoram Clementis Alexandrini, Clementem Pantaeni magistrum fuisse statuit. Dubitari non potest quin Clemens Alexandrinus non magister Pantaeni sed discipulus fuerit. Acceptam a Pantaeno doctrinam grato animo memorabat in Hypotyposibus.

Rem testatur Eusebius Hist. l. 5. c. 11: ὃς δὲ καὶ ὀνομαστὶ ἐν αἷς συνέταξεν Ὑποτυπώσειςιν ὡς ἂν διδασκάλου τοῦ Πανταίνου μέμνηται. „Clemens in Institutionum libris a se conscriptis diserte Pantaeni ut magistri meminit.“ Et Photius cod. 109 de eodem Clemente: μαθητῆς δέ, ὡς αὐτὸς φησι, γέγονε Πανταίνου. „Fuit autem, quemadmodum ipse testatur, discipulus Pantaeni.“ Fidem ergo non meretur Philippus, cum de rebus Clementis tantopere discrepat ab ipso Clemente. Atque hinc etiam perspicui potest non inani coniectura, ut visum est Dodwello, sed firmis indiciis Eusebium niti, cum magistrum illum, quem Clemens ordine et tempore ultimum at merito longe principem in Aegypto audierat, Pantaenum fuisse concludit. Nam cum Clemens uni tantum magistro, ut ipse testatur, operam in Aegypto dederit, cumque Pantaenus in Aegypto docuerit et auditore usus sit Clemente: an inanis conclusio est magistrum illum, quem solum Clemens (Strom. 1. p. 271) in Aegypto audivit, non alium esse Pantaeno? Fabulam itaque redolet eiusmodi historia. Nec tamen in Philippi Sidetae testimonio pariter reiecerim quae de mirabili Athenagorae conversione et christianae religionis in ipso pallio professione narrantur. Haec enim minime repugnant; sed certiora essent, si Philippus maiorem in historia scribenda fidem ac diligentiam declarasset.

II. Suspiciantur viri praestantissimi, Baronius (ad 18 Ian) et Tillemontius, Athenagoram eundem esse ac S. Athenogenem martyrem, cuius hymnum quemdam laudavit Basilius in libro De Spiritu sancto c. 29, compositum a S. martyre et discipulis relictum instar cuiusdam amuleti, cum igne iamiam comburendus esset. Revera praeter nominis similitudinem, quae fucum librariis facere potuit, videtur Athenogenes eruditione ac discipulis floruisse, quod quidem non minus apte in philosophum Atheniensem convenit. Athenagoram passum esse pro Christo nulla perhibent historiae monumenta. Sed ut eius scripta pene in oblivione iacuerunt, ita et martyrium latere potuisset. Nec profecto mirarer, si

vitam pro Christo profudisset, qui sub eo imperatore, sub quo delatus Christianus poenam capitalem non effugiebat, non modo seipsum deferre ausus est, sed etiam christianam religionem sic defendere ut, imperatorem superstitioni addictissimum alloquens, christiani cultus sanctitatem et intaminatos Christianorum mores cum turpibus gentilium sacrificiis et simulacris ac vita corruptissima compararet. Sed, ut observatum est ad laudatum Basilii locum, verisimilius est Athenogenem illum a S. Basilio memorari, quem sub Diocletiano Martyrologia ad diem 16 Iulii cum nonnullis aliis passum esse Sebastiae in Armenia testantur.

III. Cum plura non suppetant, quae de rebus Athenagorae disseramus, veniendum ad illius scripta, quorum longe praestantissimum „Legatio“ sive „Apologia pro Christianis.“ Oblatam fuisse Marco Aurelio eiusque filio Commodο idque anno 177 Baronius, Petavius et Tillemontius existimant. Contra Labbaeus, Pagius et Dodwellus imperatoribus M. Aurelio et Lucio Vero inscriptam contendunt, Dodwellus quidem anno 168, Pagius vero anno 166. In hac sententiarum varietate non difficilis deliberatio est utros sequamur. Baronii enim et Tillemontii sententiam in clarissima luce exponunt haec Athenagorae verba (c. 37): *Τίνες γὰρ καὶ δικαιοτέροι ὦν δέονται τυχεῖν, ἢ οἵτινες περὶ μὲν τῆς ἀρχῆς τῆς ὑμετέρας εὐχόμεθα, ἵνα παῖς μὲν παρὰ πατρός κατὰ τὸ δικαιοτάτον διαδέχησθε τὴν βασιλείαν, αὐξήσιν δὲ καὶ ἐπίδοσιν ἡ ἀρχὴ ὑμῶν, πάντων ὑποχειρίων γινομένων, λαμβάνη;* „Quinam enim digniores qui ea quae petunt impetrent, quam qui pro imperio vestro precamur, ut filius a patre, prout aequissimum est, regnum accipiat, et accessionibus ac incrementis imperium vestrum, omnibus ditioni vestrae subiectis, augeatur?“ Haec profecto ad M. Aurelium et L. Verum referri non possunt. Ambo adoptati fuerant ab Antonino; neuter alterius pater; nec aequissimum erat ut Lucius a M. Aurelio, quicum pari iure iam tum imperabat, sed potius ut Marci filius regnum a patre aliquando acciperet.

In eandem sententiam haec leguntur c. 18: Ἐχοιτε ἀφ' ἑαυτῶν καὶ τὴν ἐπουράνιον βασιλείαν ἐξετάζειν· ὥς γὰρ ὑμῖν πατρὶ καὶ υἱῷ πάντα κεχέρωται, ἄνωθεν τὴν βασιλείαν εἰληφόσιν (βασιλέως γὰρ ψυχὴ ἐν χειρὶ Θεοῦ, φησὶ τὸ προφητικὸν πνεῦμα), οὕτως ἐνὶ Θεῷ καὶ τῷ παρ' αὐτοῦ Λόγῳ, υἱῷ νοουμένῳ ἀμερίστῳ, πάντα ὑποτέσσεται. „Licet autem ex vobismetipsis regnum coeleste spectetis. Quemadmodum enim vobis patri et filio parent omnia, quippe cum sursum regnum acceperitis (*anima enim regis in manu Dei*, inquit Spiritus propheticus), sic uni Deo eiusque Verbo, quem filium eius nunquam separabilem intelligimus, subiecta sunt omnia.“ Praeclara sane comparatio, si de M. Aurelio et Commodο agatur, cum praesertim satis indicet Athenagoras, quid intersit inter divinam et humanam generationem, dum Filium Dei a Patre separari non posse declarat. At indigna prorsus et absurda comparatio fuisset, si de M. Aurelio et L. Vero loquutus fuisset Athenagoras, quos fratres fuisse non potuit ignorare. Atque etiam si sibi finxisset Lucium Verum a Marco Aurelio adoptatum fuisse, nihil tamen magis pugnabat cum aliis eius de trinitate principiis, quam ut aeternum Dei Filium cum adoptivo filio compararet.

Huc accedit quod Oratio in omnibus codicibus inscribitur „*Imperatoribus M. Aurelio Antonino, et L. Aurelio Commodο, Armeniacis, Sarmaticis, et, quod maximum est, Philosophis.*“ Porro Lucius, ex quo Veri nomen cum imperio accepit, nunquam Commodus appellatus est, nisi forte ab Hieronymo non sine gravi hallucinatione, quae in scriptorem aequalem non cadit. Neque etiam Lucio Vero congruit Sarmatici cognomen, quod ne ipse quidem M. Aurelius ante annum 170 aut forte etiam 174 assumsit. Quod ait Athenagoras Proteum semetipsum περὶ τὴν Ὀλυμπίαν combussisse, id ita accipit Dodwellus, quasi idem valeret ac „in hac Olympiade“. At, etiamsi Olympicos ludos designasset hac voce Athenagoras, non eam Olympiadem designasset in qua scribebat: non magis profecto quam cum ait c. 14 caedem

a Theagene Ὀλυμπιάσι perpetrata. Eiusmodi vocibus antiqui nunc ipsam urbem, nunc cum urbe ipsos ludos designant. Sic Philostratus Vit. Apollon. IV. 8 ὄντων Ὀλυμπίων, c. 9 ἐν Ὀλυμπίᾳ, κατ' Ὀλυμπίαν, et c. 11 μετὰ τὴν Ὀλυμπίαν. Aelianus lib. 4. c. 9 ἐν Ὀλυμπίᾳ, et lib. 9. c. 34 εἰς Ὀλύμπια.

IV. Hoc opus ante annum 176 aut 177 scribi non potuisse probat summa illa pax, quam toto orbe regnare ait Athenagoras c. 1. Nam, ut observant Baronius et Tillemontius, in toto M. Aurelii imperio vix ullum tempus praeter annum 176 et 177 a bellis vacuum reperias.

Placet Tillemontio annus 177, quia Commodus imperatoris titulum, quem ei Athenagoras defert, ante mensem Novembrem anni 176 non est adeptus. Sed cum paternos titulos manifestum sit cum Commodo communicari ob filii nomen et ius haereditatis a natura acceptum: cur non etiam ei imperatoris titulus tribui potuit, antequam illum solemnem decreto acciperet? Sic etiam cum ait Athenagoras: „Vobis patri ac filio parent omnia,“ non adscitum esse in imperii societatem Commodum significat (etsi enim Augustus factus est anno 177, non tamen credibile est eum, quamdiu vixit pater, gubernandarum rerum plurimas partes sustinuisse), sed civium affectum exprimit, filium patri in omni obsequio et observatione adiungentium. Tanti ergo esse non videtur allata a Tillemontio ratio, ut hanc Apologiam anno 177 addicamus. Sed illius ad annum 176 referendae necessitatem imponere videtur susceptum hoc anno iter a M. Aurelio in Graeciam, Syriam et Aegyptum. Sive enim Athenis vixerit Athenagoras, ut ex philosophi Atheniensis titulo colligi posset, sive Alexandriae, imperatoris praesentia his in locis percommodam attulit occasionem offerendae Apologiae; nec quemquam dicturum puto Athenagoram praetermissa hac occasione Romam anno sequenti venisse, ut hoc sui in ecclesiam amoris specimen ederet.

„Baelius in Lexico Historico gallice edito,“ inquit Fabricius (Biblioth. gr. tom. 5), „nunquam oblatam publico Chri-

stianorum nomine putat, sed tantum scriptam privatim ab Athenagora, perinde ut in Gallia ab anno 1684 multi e Reformatis persecutionem passis libellos eiusmodi supplices et apologias ad regem scripserant edideruntque, regi nunquam oblatas.“ Iniquam esse hanc de Athenagora opinionem fatebitur quisquis ipsam Apologiam accuratius expendet. Ipse titulus Athenagoram legati quodam munere perfungi docet. Eo spectat tota illius oratio, ut imperatoris benevolentiam Christianis conciliet: dissimulat imperatoris in Christianos odium causam esse persecutionis, sed Christianos vexari et occidi ait, quia illos non tuetur patrocínio suo imperator; in exordio et conclusione et pluribus aliis in locis illius laudes plena manu in astra tollit, eique ac eius domui Christianos maximo studio et obsequio affixos esse asseverat. Quot adhibet argumenta, totidem utitur occasionibus deleniendi imperatoris et perhonorifice appellandi. Quis non videt ita disserenti scriptori idem ac Iustino et Tatiano in Orationibus adversus Graecos, Clementi in Protreptico, Origeni in libris contra Celsum, propositum non esse, ut veritatem religionis christianae tantummodo demonstret ac errores gentilium arguat, sed illud etiam maxime, ut persecutionis finem impetret? Videtur sibi ad imitandum proposuisse Apologias S. Iustini, cuius exemplo nec atheismum cum sanctae trinitatis cultu, nec alia facinora cum moribus et doctrina Christianorum consistere posse demonstrat. Ducem sequi Iustinum videtur, cum queritur quod solum nomen in Christianis damnetur c. 2, cum postulat ut eadem in illos ac in alios homines iudicii forma servetur, cum persecutiones non aliunde oriri declarat quam ex antiqua vitii cum virtute pugna c. 3, cum Christianos ab hac vita ad aliam longe meliorem cum Deo et apud Deum traducendam proficisci docet c. 12, et cum de angelorum lapsu loquitur c. 24.

Iustinum longe superat Athenagoras expolito dicendi genere, ordinis venustate et peracutis ad captandam bene-

volentiam circuituionibus. Simplicior enim Iustinus et parcior in laudando. Quodsi non tam multa e Scripturis et Christi mysteriis repetit Athenagoras, quam multa apud Iustinum his de rebus occurrunt: videtur petitis ex ratione argumentis singularitatem Dei et simulacrorum cultus stultitiam demonstrare maluisse et in his immorari, quia hanc disputandi rationem philosophi imperatoris auribus gratiorem futuram sperabat. Dum autem in his occupatur, visus est Petavio (lib. 1 de Deo p. 83) accidentia in Deo admittere. Vocat ille quidem (c. 23) Dei attributa τὰ ἐπισυμβεβηκότα ac bonum Deo inesse dicit (c. 24) κατὰ συμβεβηκός, sed cum ipse mentem suam aperiat, non videtur ei ob verbum lis impingenda, ubi sententia in tuto est. Simili indulgentia utendum in Tertullianum, apud quem eodem sensu attributa Dei vocantur appendices, lib. 1 in Marc. c. 25.

V. Athenagoram multa scripsisse conicere possumus ex initio libri De resurrectione, ubi testatur „se nonnunquam sermones pro veritate eis, quae de veritate habentur, praemittere,“ idque illo in libro facere statuisse. Quo tempore hoc opus scriptum fuerit, statuere non possum; sed tamen Apologia posterius videtur, quam sic absolvit, ut disputationem de resurrectione nondum suscepisse, sed in aliud tempus differre videatur. Sic enim loquitur (Apol. c. 36): Ἀλλὰ ἀνακείσθω μὲν ὁ περὶ τῆς ἀναστάσεως λόγος. „Sed hac de resurrectione disputatione supersedeamus.“ Quamvis minime dubium sit quin haec disputatio non pronuntiata sed scripta fuerit, sic tamen loquitur c. 23, quasi ei propositum sit „summatim his qui convenere indicare quid de resurrectione sentiendum sit, et argumenta, quibus hoc dogma nititur, ad audientium facultatem accommodare.“ Quamvis adhibita in hoc opere argumenta ipsos etiam haereticos feriant, videtur tamen philosophos potissimum voluisse refellere. Nam quidquid obicitur ab adversariis, id ratiunculis continetur: quidquid argumentorum adhibet Athenagoras, id ex hominis natura et Dei iustitia repetit. Unde

etiam c. 3 informis, „ut illi existimant,“ nempe philosophi, materia dicitur. At ea non tangit quae ex Scripturis et Christi mysteriis catholici ad probandum hoc dogma, et haeretici ad evertendum ducebant. Sub nomine Athenagorae prodiit anno 1599 opus „De vero et perfecto amore,“ verbis quidem e graeco in gallicum factum, sed revera a personato interprete Fumaco fabricatum, cui larvam egregie detractam vide apud Fabricium tom. 5 Biblioth. gr. p. 88.

Displicuit Petavio quod ait Athenagoras in hoc De resurrectione libro c. 11 aut saltem quod doctissimo theologo visus est dicere, „quod Deus potest id eum velle, et quod vult id omnino posse“: καὶ τὸ δυνατόν βουλευτὸν καὶ τὸ πῶ θεῷ βουλευτὸν πάντως εἶναι δυνατόν. Sed nihil superest difficultatis, si locus accurate expendatur. Non enim illud βουλευτὸν dicit Athenagoras, quod Deus facturum se decrevit, sed quod velle potest. Sic antea c. 10 ἀβούλητον intelligit id quod Deus velle non potest. Ait enim idcirco ἀβούλητον esse, quia vel iniustum est vel indignum Deo. Τὸ γὰρ ἀβούλητον ἢ ὡς ἄδικον αὐτῷ ἐστὶν ἀβούλητον ἢ ὡς ἀνάξιον. Itaque ἀβούλητον interpretari non dubitavi id quod in Dei voluntatem non cadit, et βουλευτὸν id quod velle potest. Quos refellit hoc in libro Athenagoras, hi minime inquirebant utrum resurrectionem Deus necne promiserit hominibus, sed eam fieri omnino non posse contendebant. Quare Athenagoras statuit eos, si cum aliquo rationis colore increduli esse velint, demonstrare debere resurrectionem vel in Dei potestatem vel in eius voluntatem non cadere.

CAPUT XIV.

AN ATHENAGORAS MONTANI SECTAE ADHAESERIT.

- I. Athenagorae loca ex quibus nata suspicio. II. Res diiudicanda ex primordiis Montanistarum. III. Multi anni fluxere antequam schisma conflarent. IV. Tertullianus ante Montanista quam schismaticus. V. Difficile est statuere quo tempore absolutum schisma. VI. Athena-

goras eorum nec schismatis nec doctrinae particeps. VII. Illorum exstases probatas ei fuisse nullo palet argumento.

I. Examinanda nobis quaestio non parvi et ad famam Athenagorae et ad antiquitatem ecclesiasticam momenti. Tillemontius, cuius non minus laudanda in antiquis rebus diiudicandis aequitas quam in comportandis et colligendis eruditio, suspicatur Athenagoram Montanistam fuisse. „Haud scio,“ inquit tom. 2. p. 350, „an adhibita ab eo et de prophetis, quo tempore exstases Montani ecclesiam perturbare incipiebant, et de secundis nuptiis loquendi ratio, metuendi locum afferat ne his partibus implicatus fuerit.“ De prophetis sic loquitur Athenagoras Apol. c. 9: *Οὐ κατ' ἔκτασιν τῶν ἐν αὐτοῖς λογισμῶν, κινήσαντος αὐτοῦς τοῦ θείου Πνεύματος, ἃ ἐνηργοῦντο ἐξεφώνησαν, συγχρησαμένου τοῦ Πνεύματος, ὥσει καὶ ἀύλητῆς αὐλὸν ἐμπνεύσαι.* „Qui mente et animo extra se rapti, impellente Spiritu sancto, quae ipsis inspirabantur ea sunt loquuti, utente illis Spiritu sancto, velut si tibiam inflet tibicen.“ De secundis autem nuptiis haec habemus c. 33: *Οὐ γὰρ μελέτη λόγων ἀλλ' ἐπιδείξει καὶ διδασκαλία ἔργων τὰ ἡμέτερα, ἣ οἷός τις ἐτέχθη, μένειν, ἣ ἐφ' ἐνὶ γάμῳ. Ὁ γὰρ δεύτερος εὐπρεπῆς ἐστι μοιχεία. Ὅς γὰρ ἂν ἀπολύσῃ, φησί, τὴν γυναῖκα αὐτοῦ καὶ γαμήσῃ ἄλλην, μοιχᾷται· οὔτε ἀπολύειν ἐπιτρέπων ἧς ἔπαυσέ τις τὴν παρθενίαν, οὔτε ἐπιγαμεῖν. Ὁ γὰρ ἀποστερῶν ἑαυτὸν τῆς προτέρας γυναικός, καὶ εἰ τέθνηκε, μοιχός ἐστι παρακεκαλυμμένος, παραβαίνων μὲν τὴν χεῖρα τοῦ Θεοῦ, ὅτι ἐν ἀρχῇ ὁ Θεὸς ἓνα ἄνδρα ἔπλασε καὶ μίαν γυναῖκα, λύων δὲ τὴν σάρκα πρὸς σάρκα κατὰ τὴν ἔνωσιν πρὸς μίξιν εἰς τοῦ γένους κοινωνίαν.* „Neque enim meditatione sermonum sed demonstratione et disciplina actionum res nostrae continentur, ut quisque vel qualis natus est, maneat, vel unicis in nuptiis. Secundae enim decorum adulterium. Quicumque enim dimiserit, inquit, uxorem suam et aliam duxerit, moechatur, nec eam dimitti sinens, cuius virginitati finem quis imposuit, nec aliam insuper duci. Nam qui se ipse prima uxore spoliatur, etiamsi mortua sit, occulta quadam

ratione est adulter: tum quod manum Dei transgrediatur (nam initio Deus unum hominem finxit ac unam mulierem), tum quod carnis cum carne coniunctionem quodam veluti vinculo ad commiscendum genus colligatam dissolvat.“ Cum his nimium videntur congruere quae apud Tertullianum leguntur de secundis nuptiis. Has „nuptialibus et dotalibus si forte tabulis a moechiae et fornicationis opere diversas esse“ ait De pudic. c. 1. Ut neque repudium, ita nec matrimonii numerum ab initio fuisse observat De monogam. c. 9. Sic loquitur c. 14: „Nova lex abstulit repudium; habuit quod auferret: nova prophetia secundum matrimonium, non minus repudium prioris.“

II. Sed tamen, si consideremus quibus gradibus Montanistae eo pervenerint ut ab omnibus damnarentur, nec apertae illorum haeresis affinem reperiemus Athenagoram, imo ne eorum quidem fautorem quae in primordiis moderatius sentiebant. Non enim statim atque prodiit Montanus, ieiunia instar legis imponere, fugam in persecutionibus vetare, secundas nuptias adulterii notis ausus est iurare. Rem multo callidius administravit. Ieiunia his, qui illum audiebant, ad alicuius causae occasionem, non toti ecclesiae ad perpetuam annorum redeuntium vicem imponebat. „Spiritus sanctus,“ inquit Tertullianus De ieiun. c. 13, „cum in quibus vellet terris et per quos vellet praedicaret, ex providentia imminentium, sive ecclesiasticarum tentationum, sive mundialium plagarum, qua Paracletus, id est advocatus, ad exorandum iudicem, huiusmodi officiorum remedia mandabat. Puta nunc, ad exercendam sobrietatis et abstinenciae disciplinam, hunc qui recipimus, necessario etiam quae tunc constituit observamus.“ Neque etiam fugam omnino in persecutionibus damnabat. Testatur Tertullianus cum hortatum esse ad martyrium; fugam ab eo penitus prohibitam dicere non audet. „Spiritus vero si consulas, quid magis sermone illo Spiritus probat? Omnes pene ad martyrium exhortatur.“ Haec ille in libro De fuga c. 9. ubi etiam duo refert

testimonia Montani, quae exhortationem habent ad martyrium, at fugam minime condemnant. Secundas nuptias abstulerunt Montanistae, nova sane et inaudita audacia, sed tamen in primordiis ita moderate, ut cum digamis in ecclesia communicare non dubitarent. Quomodo enim se hac in re gesserint, spectari potest ex eorum in aliis rebus agendi ratione. Nescio quo pacto inducta fuerat in aliquas ecclesias non consentanea praecepto apostoli consuetudo, ut virgines in ecclesia velum excuterent. Virgines novis prophetiis addictae velum servarunt, sed tamen aliis velo carentibus molestae non erant, donec istae impetrarunt ut hoc discrimen, quod eas urebat, tolleretur. Sic rem enarrat Tertullianus lib. De vel. virg. cap. 3: „Tolerabilius apud nos usque proxime utrique consuetudini communicabatur. Arbitrio permissa res erat, ut quaeque voluisset, aut tegi aut prostituui, sicut et nubere, quod et ipsum neque cogitur neque prohibetur. Contenta erat veritas pacisci cum consuetudine, ut tacite sub consuetudinis nomine frueretur se vel ex parte; sed quoniam coeperat agnitio proficere, ut per licentiam utriusque moris indicium melioris partis emergeret, statim ille adversarius bonorum multoque institutorum fecit opus suum. Ambiunt virgines hominum adversus virgines Dei, nuda plane fronte in temerariam audaciam excitatae. . . Scandalizamur, inquiunt, quia aliter aliae incedunt. . . Cur non magis hae querantur scandalo sibi esse petulantiam, impudentiam ostentatitiae virginitatis?“

Suam Montanum haeresim in primordiis aliquo lenitatis fuce dissimulasse, illud etiam argumento est, quod de eius prophetiis variae ac discrepantes fuere catholicorum sententiae. Nam ut prophetae munus ac nomen sibi arrogare coepit, multi illum, teste Eusebio (Hist. l. 5. c. 3), eiusmodi donis ornatum esse crediderunt, quae tunc rara in ecclesia non erant. At si statim ea vomuisset, quae postea effutiit, nulla esse potuisset inter catholicos ambigendi ratio. Illius anathemati moram non attulissent exstases, si sese aperiens

statim dixisset, id quod ab eo aut ab eius mulieribus dictum refert Tertullianus (De pud. cap. 21): „Potest ecclesia donare delictum, sed non faciam, ne et alia delinquant.“

III. Operae pretium est observare multos annos ab initio sectae effluxisse, antequam aut tolerari desinerent Montanistae, aut se ultro ab omnibus ecclesiis abscinderent. Anno 177, id est sex annis a sectae primordio, confessores Lugdunenses et Viennenses, vel a fratribus Asiae et Phrygiae consulti de hac dissensione vel caritate propria incitati, „partim ad fratres in Asia et Phrygia degentes,“ inquit Eusebius Hist. l. 5 c. 3, „partim ad Eleutherum romanae urbis episcopum scripserant, pro pace ecclesiarum quasi legatione fungentes.“ Nullum hic schisma, sed vehemens dissensio, cuius sedandae spes affulgebat.

Trium romanorum pontificum communionem et approbationem sibi conciliare conati sunt Montanistae, sed operam luserunt. Rem discimus ex his Tertulliani verbis contra Prax. cap. 1: „Idem (Praxeas) tunc episcopum romanum, agnoscentem iam prophetias Montani, Priscae, Maximillae, et ex ea agnitione pacem ecclesiis Asiae et Phrygiae inferentem, falsa de ipsis prophetis et ecclesiis eorum asseverando et praecessorum eius auctoritates defendendo coëgit et litteras pacis revocare iam emissas et a proposito recipiendorum charismatum concessare.“ Huius pontificis, qui pene a Montanistis deceptus fuit, praecessores indicati hoc loco alii esse non possunt, quam Soter, sub quo secta prodiit, et Eleutherus, cui Victor successit anno 192. Itaque Victore ecclesiam romanam regente aut saltem in primordiis illius pontificatus, id est annis viginti et amplius post Montani primordia, nondum Montanistae ab ecclesia discesserant, nondum ab ea erant eiecti. Verisimile est homines superbos repulsam hanc non tulisse patienter; sed tamen plures anni ab hoc eventu effluxerunt, antequam schisma palam et aperte erumperet. Nam Tertullianus, quem verisimile est Romae, cum haec agerentur, fuisse, in hac urbe Montanista

factus est, si eam Hieronymo fidem habemus, quae illi hac in re non videtur deneganda. Is enim in libro *De script. eccles.* narrat Tertullianum „invidia et contumeliis clericorum ecclesiae romanae ad Montani dogma delapsus“. Rediit tamen in Africam nondum schismaticus; nam catholicis permixtus erat, iisque audientibus Praxeam, qui ex Italia in Africam venerat ibique errorem suum spergebat, fregit et convicit atque haeresim coëgit eiurare: tum demum schisma conflatum. Totam rem sic ipse narrat c. 1 in *Prax.*: „Fructificaverant avenae Praxeanae, hic quoque superseminatae, dormientibus multis in simplicitate doctrinae; traductae dehinc per quem Deus voluit, etiam avulsae videbantur. Denique caverat pristinum doctor de emendatione sua, et manet chirographum apud psychicos, apud quos tunc gesta res est; exinde silentium. Et nos quidem postea agnitio Paracleti et defensio disiunxit a psychicis.“ Accurata est Tertulliani ratio loquendi: non illum sola agnitio falsi Paracleti, sed maxime defensio disiunxit a catholicis. Nimirum agnoverat antequam schismatice defenderet.

IV. Tertullianum non statim ac Montanista factus est, ab ecclesiae communione exteriori discessisse testis est liber *De velandis virginibus*, cuius scribendi occasio, ut iam vidimus, exstitit orta inter Montanistarum et Catholicorum virgines in iisdem ecclesiis et sub iisdem pastoribus dissensio. Necesse est enim utrasque in easdem convenisse ecclesias et eidem auctoritati paruisse, cum aliae non velarentur, aliae socias suas velari moleste ferrent, et idcirco apud eos qui auctoritate praeerant agerent ut velum detraheretur. Tota res in ecclesia agebatur, nec dum ab ea Tertullianus discesserat. „Apud nos usque proxime utrique consuetudini communicabatur.“ Quinetiam in hoc libro opponit adversariis suis exterarum ecclesiarum, quibuscum et se et adversarios communione coniunctos esse declarat. „Non possumus,“ inquit cap. 2, „respuere consuetudinem, quam damnare non possumus, utpote non extraneam, quia non extraneorum,

cum quibus scilicet communicamus ius pacis et nomen fraternitatis. Una nobis et illis fides, unus Deus, unus Christus, eadem spes, eadem lavacri sacramenta. Semel dixerim, una ecclesia sumus.“ Quam dissimilia haec sunt impiis et inhonestis conviciis, quae postea Tertullianus nec modum ullum nec consilium retinens in ecclesiam effudit: velut cum ait in libro *De pudicitia* c. 1: „Erit igitur et hic adversus psychicos titulus, adversus meae quoque sententiae retro penes illos societatem, quo magis hoc mihi in notam levitatis obiectent. Nunquam societatis repudium delicti praeiudicium est, quasi non facilius sit errare cum pluribus, quando veritas cum paucis ametur.“ Scripturam Pastoris ait c. 10 inter apocrypha referri, „ab omni concilio ecclesiarum etiam vestrarum,“ inquit catholicos alloquens. Negat catholicis inesse Spiritum sanctum, quia illum in Montano non agnoscunt. „Itaque isti,“ inquit c. 12, „qui alium Paracletum in apostolis et per apostolos receperunt, quem nec in prophetis propriis agnitum, iam nec in apostolis possident, age nunc vel de apostolico instrumento doceant maculas carnis post baptismum respersae poenitentia dilui posse.“ Et c. 21: „Quid nunc et ad ecclesiam, et quidem tuam, psychice?“

Tillemontius, qui Montanistas existimat sectam ab ecclesia abscissam fuisse antequam ei nomen daret Tertullianus, hanc opinionem accepit ab his libri *De fuga* verbis: „Dicitis enim: quoniam incondite convenimus, simul convenimus et plures concurrimus in ecclesiam, quaerimur a nationibus et timemus ne turbentur nationes,“ cap. 3. Existimavit vir doctissimus hic describi synaxes Montanistarum: at ipsos catholicos, a quibus consultus fuerat, haec dicentes inducit Tertullianus, atque hanc causam afferentes, cur fugiendum sit et a conventibus abstinendum, quia nimirum, si Christiani solitas synaxes obeant, haec multitudo facile deprehendatur a gentilibus. Unde Tertullianus addit: „Annon scitis quod Deus omnium sit dominus? Et si velit Deus, tunc persecutionem patieris; si vero noluerit, tunc silebunt nationes.“

Hinc etiam auctor est ei qui consulebat, ut, si interdiu non potest, saltem nocte et cum paucis conveniat, si non licet cum multitudine. C. 14: „Postremo, si colligere interdiu non potes, habes noctem luce Christi luminosam adversus eam. Non potes discurrere per singulos; sit tibi et in tribus ecclesia.“ In hoc igitur libro, in quo Paracletum suum citat, ac Montani deliriis ita addictus est, ut negare inter tormenta satius esse putet quam fugere, reverebatur tamen ecclesiasticos conventus, eisque praeesse Christum putabat. Nihil enim aliud est hoc loco, „ecclesia in tribus,“ nisi fidelium, quibus inest Spiritus sanctus, etiamsi pauci sint, conventus. His adde Fabium, qui Tertullianum consuluerat, catholicum fuisse; nec psychicos in hoc libro catholicos appellari: hoc tantum in eis culpat, quod in multis rebus haerere et incerti esse debeant, quia Paracleti oracula non recipiunt. „Procuranda autem examinatio penes vos, qui si forte Paracletum non recipiendo, deductorem omnis veritatis, merito adhuc etiam aliis quaestionibus obnoxii estis,“ cap. 1. Nec praetereunda est S. Rutilii martyris honorifica in hoc libro commemoratio, quem Tertullianus c. 5 sanctissimum martyrem vocat, quamvis „toties fugisset persecutionem de loco in locum, etiam periculum ut putabat nummis redemisset.“

Ex his refelli possunt et qui a Tertulliano haeresis notam propulsant, quia unitatem videtur etiam Montanista retinere, et qui illius de auctoritate et unitate principia nullius volunt esse ponderis, quia haec cum iam schismaticum disseruisse putant. Utrique errant graviter. A schismatis crimine non ideo insons et purus erit, quia quibusdam veluti gradibus in hoc tristissimum exitium lapsus est. Premunt illum, non tuentur, unitatis aliquamdiu retentae indicia cum posterioribus manifesti schismatis notis collata. Quibus autem argumentis ecclesiae unitatem et infallibilitatem demonstravit, de eorum pondere et momento an detrahere debuit superveniens schisma?

Non dissimulandum est Tertullianum etiam in libris, quos schismaticus scripsit, ecclesiae apostolicae auctoritate ad refellendos haereticos uti. „Soleo,“ inquit lib. 5 in Marcionem c. 19, „in praescriptione adversus haereses omnes de testimonio temporum compendium figere, priorem vindicans regulam nostram omni haeretica posterioritate.“ Idem argumentum tangit lib. 1. c. 1, lib. 4 c. 4 et adv. Praxeam c. 2. Atque in his quidem locis obiicit haereticis auctoritatem ecclesiarum apostolicarum: at nequaquam, ut in iis quae schisma praecesserunt, communione iunctum se illis ecclesiis esse gloriatur, non ius pacis et unitatis unamque ecclesiam praedicat. Libenter utebatur praescriptionis argumento, quia nihil illud sectae Montani officere putabat, utpote antiquam symboli fidem retinenti: necesse esse putabat (De monog. c. 2), ut „ante quis de Deo haereticus sit et tunc de instituto“. Paraclito controversiam fieri et propter hoc novas prophetias recusari dicebat (De ieun. c. 1), „non quod alium Deum praedicent Montanus et Priscilla et Maximilla, nec quod Iesum Christum solvant, nec quod aliquam fidei aut spei regulam evertant, sed quod plane doceant saepius ieiunare quam nubere.“ At pudorem adeo non proiecerat Tertullianus, ut in ipso schismate communionem sibi cum apostolicis ecclesiis attribueret. De universae ecclesiae contra Montanistas consensu ita diiudicabat, quasi pauci cum pluribus ac non potius minuta secta cum universa ecclesia pugnaret. „Nunquam societatis repudium,“ inquit (De pudic. c. 1), „delicti praeiudicium est, quasi non facilius sit errare cum pluribus, quando veritas cum paucis ametur.“ At in libro De praescr. Montanistas, qui apostolicam de secundis nuptiis, de poenitentia, imo et de ecclesiae auctoritate doctrinam deseruerant, aequae ac alios profligabat haec praeclarissima sententia: „Age nunc omnes erraverint. Eequid verisimile est ut tot ac tantae in unam fidem erraverint?“ In hoc praestantissimo libro multa alia occurrunt cum iis penitus pugnantia, quae Tertullianus iam Montanista,

licet nondum schismaticus, docuit: illud imprimis quod in libro De praescript. (cc. 11. 12. 13. 14) diserte probat catholicis nihil iam quaerendum superesse, quippe qui veritatem invenerint, aut saltem in ecclesia et a fratribus quaerendum. At in libro De vel. virg. (c. 1) auctoritatem omnem commentitio Paracletō attribuit in solvendis quaestionibus, et catholicos in libro De fuga (c. 1) multis quaestionibus obnoxios esse pronuntiat, quia non recipiunt „Paracletum deductorem omnis veritatis.“ Statuere ergo licet librum De praescriptionibus non modo ante schisma, sed etiam ante adoptata Montani somnia scriptum fuisse.

V. Plurimum lucis huic quaestioni accederet, si statuere possemus quo potissimum anno Montanistae ab ecclesia penitus defecerint. Iam schisma penitus conflatum erat, cum scriberet Tertullianus quartum adversus Marcionem librum, id est anno, ut ipse declarat, decimo quinto imperatoris Severi. Ibi enim declarat inter Montanistas et psychicos controversiam esse de exstasi, cap. 22. Id confirmat S. Clemens Alexandrinus, qui sub eodem imperatore scribebat. Nam cum is librum quartum Stromatum componeret, catholicos Montanistae psychicos vocare incipiebant. Sic enim de illis Clemens p. 511: *Ἡδὴ γὰρ καὶ οὗτοι (Φρύγες) τοὺς τῇ νέᾳ προφητείᾳ μὴ προσέχοντας ψυχικοὺς καλοῦσι.* „Iam enim ii quoque eos, qui novae prophetiae non attendunt, animales appellant.“ Idem in Strom. 7. p. 765 Montanistas vocat haeresim ex gente denominatam. Testatur antiquus scriptor apud Eusebium Hist. l. 5. c. 16 damnatos fuisse et excommunicatos in multis Asiae conciliis Montanistas; sed quo tempore haec concilia habita fuerint, minime declarat. Fieri potuit ut citius in nonnullis ecclesiis, serius in aliis damnarentur.

Pseudoprophetas illos vocat Irenaeus, eosque ut prophetiae insignia sine prophetica gratia sibi arrogantes egregie depingit lib. 4. c. 33. n. 6. At schismatis scelus falsae prophetiae adiunctum ab eis fuisse non dicit. Non tamen

dubium esset quin tunc schismatici fuerint, si de illis dictum esset illud Irenaei lib. 3. c. 11. n. 9: „Alii vero, ut donum Spiritus frustrentur, quod in novissimis temporibus secundum placitum Patris effusum est in humanum genus, illam speciem non admittunt, quae est secundum Ioannis evangelium, in qua Paracletum se missurum Dominus promisit, sed simul et evangelium et propheticum repellunt Spiritum.“ Miror eruditis viris Tillemontio et novissimae editionis auctori visum esse Irenaeum de Montanistis loqui. Quomodo enim S. Ioannis evangelium ob sancti Spiritus promissionem reiecerint, quos constat in illis Ioannis locis, ubi Spiritus promittitur, praecipuum sectae suae praesidium constituisse? Quae sequuntur Irenaeum de Montanistis non loqui confirmant, etsi augment difficultatem dignoscendi quosnam potissimum exagitet. Addit enim: „Infelices vere, qui pseudoprophetae quidem esse volunt, prophetica vero gratiam repellunt ab ecclesia: similia patientes his, qui propter eos qui in hypocrisi veniunt etiam a fratrum communione se abstinere. Datur autem intelligi, quod huiusmodi neque apostolum Paulum recipiant.“ Discimus ex his verbis nonnullos exstitisse, qui a communione sese removerent, ne cum hypocritis communicarent. Cum his comparat eos qui S. Ioannis evangelium reiciebant, quia in hoc maxime evangelio promittitur Spiritus sanctus. Utrique ergo peccabant inconsiderato eorum qui sanctis rebus abutuntur odio: atque ut ii qui a communione abscedebant ita se gerebant, quia plus aequo infensi erant hypocritis communicantibus, ita necesse est ut eos, qui evangelium Ioannis et promissionem sancti Spiritus reiciebant, id fecisse dicamus propter eos qui evangelio et promissione abutebantur. Quare non Montanistae evangelium S. Ioannis reiecerint dicendi sunt, sed potius, dum eo ad causae suae defensionem abutuntur, illius reiiciendi ansam immoderatis adversariis dedisse.

Si minus statuere possumus, quo potissimum tempore Montanistae schismatici fuerint, illud saltem asseverare licet,

scribente Apologiam Athenagora et multis post annis nondum eos ab ecclesia catholica discessisse.

VI. Haec accurate explorare conatus sum, ut habeamus quid de fide Athenagorae statuamus. Ac 1^o quidem asseverare possumus secundas nuptias ab eo minime damnatas fuisse. Quomodo enim illas damnasset, quas ne Montanus quidem tunc temporis condemnare audebat? 2^o. Etiam si Athenagoras Montani partibus se addixisset, non tamen illius nomini labes schismatis inhaerere deberet, cum anno 176, quo scribebat, ac pluribus postea elapsis annis nondum ad extremum illud schismatis scelus nequitia Montanistarum pervenerit. 3^o. Ne illud quidem probabile est Athenagoram ulla cum Montano consuetudine aut doctrinae consensione coniunctum fuisse. Nam quod de secundis nuptiis statuit, id ex Christi verbis „Quicumque dimiserit uxorem suam et aliam duxerit moechatur“ subtiliter ratiocinando deducit: at novae prophetiae auctoritas minime illi in mentem venit. Atque in hoc manifesta est illius a Montanistis dissensio. Isti enim unicas nuptias neque a Christo neque ab apostolis praescriptas fatebantur, sed a Paraclete, quem a Christo datum Montano et Priscillae et Maximillae dicebant, „ut, quoniam humana mediocritas omnia semel capere non poterat, paulatim dirigeretur et ordinaretur et ad perfectum perduceretur disciplina ab illo vicario Domini, Spiritu sancto.“ Tertull. De vel. virg. c. 1. Nihil simile Athenagoras designat: solis Christi verbis nititur. Neque etiam de Montanistis, sed de Christianis ait c. 33 unumquemque vel qualis natus est manere, „vel unicis in nuptiis“.

VII. Non iustior accusandi Athenagorae causa ex illius de prophetarum exstasi dictis ducitur.

Nam 1^o etiam si non fuisset ex illorum numero, qui statim animadverterunt quid vitii inesset exstasibus Montanistarum et oritura ex his hominibus mala prospexerunt, non ideo Montani non dico schismati, sed vel doctrinae ad dictus dici posset. In illa enim dissensione, quam de Mon-

tanistis inter catholicos exortam narrat Eusebius Hist. I. 4. c. 3, quicumque prophetias Montani non damnabant vel etiam probabant, non idcirco Montano regendos se committebant: et quamdiu catholicis permixti fuere Montanistae, haud dubium quin multi eos laudaverint et ab eis laudati fuerint nec tamen eorum vivendi et sentiendi rationes sequuti sint. Ex quo etiam patet, quam iniquum quamque absurdum foret exprobrare ecclesiae catholicae cultum mulierum Montani sectae addictarum, quia scilicet sanctae Perpetuae et sanctae Felicitatis Acta collecta sunt ab homine „sicut prophetias,“ ut est in praefatione, „ita et visiones novas“ agnoscente et honorante. Difficile est Montanistis invidere scriptorem ita illis temporibus de novis prophetiis loquentem: Montani sectatorem fuisse contendit Valesius, negat Ruinartius. Sed si is Montanista fuit, non idcirco Montanistis sanctae illae martyres tradendae; aut certe eandem notam non effugiet S. Rutilius martyr, quem quidem, etsi Montanum sperneret, magnis tamen laudibus ornavit Tertullianus, lib. De fuga in persec. c. 5.

2°. Ne illud quidem dici potest Montanistas ab Athenagora reiectos et damnatos non fuisse. Nam S. Clemens Alex. (Strom. I. 1. p. 349) hanc sectam inter haereses recenset, sed tamen prophetas, itidem ut Athenagoras, in exstasi loquutos agnoscit, et pseudopphetas omnes, qui ante Christum fuerant, fures fuisse probat, quia „revera prophetabant in exstasi“, nimirum imitante et suffurante diabolo propheticam exstasim. Vide S. Ambrosium in Psalm. 39.

3°. Nihil hic Athenagorae cum Montanistis: tota illi cum ethnicis disputatio. Prophetas extra se raptos fuisse dicit, non quod necesse esse crederet, „ut in Spiritu homo constitutus,“ ut ait Tertullianus (adv. Marc. I. 4. c. 22), „excidat sensu, obumbratus scilicet virtute divina,“ sed quia, cum exstasis in gentilium oraculis divinae inspirationis nota haberetur, prophetas divinitus fuisse inspiratos argumento ad permovendos gentiles idoneo probare volebat. Non

multo aliter loquutus in Cohortatione Iustinus (c. 9 et 37), qui etiam Sibyllae potentem afflatum laudat. Sic etiam Theophilus lib. 2. c. 9. Idem Philoni videtur propositum fuisse, cum de prophetarum exstasi loquitur, nempe ut gloriam et decus eorum extollat ac inspirationem probet. Vid. lib. 2 Legis allegor. p. 52 et librum Quis rerum divinarum haeres.

CAPUT XV.

DE GESTIS ET SCRIPTIS SANCTI THEOPHILI ANTIOCHENI EPISCOPI.

I. De conversione et episcopatu S. Theophili. II. De illius deperditis operibus. III. Theophili non sunt commentarii in evangelia. IV. Qua occasione scripti ad Autolyicum tres libri. V. Sub Commodi imperio scripti. VI. Refellitur Dodwellus, qui alium Theophilum excogitavit.

I. Natus est ac institutus Theophilus in superstitionum ethnicarum tenebris, idemque illi contigit, quod de se ipsi Iustinus et Tatianus, de Athenagora Philippus Sideta testantur, ut legendis Scripturis ad christianam religionem converteretur. Rem ipse sic narrat sub finem libri primi ad Autolyicum: „Ne sis igitur incredulus, sed potius crede. Nam et ipse non credebam resurrectionem futuram, sed nunc credo, postquam haec attentius consideravi, simul quod in sacras Scripturas incidi sanctorum prophetarum, qui per Spiritum sanctum et praeterita eodem quo gesta sunt modo, et praesentia eodem quo geruntur praedixerunt, et futura eodem ordine quo perficientur. Cum igitur ea quae eveniunt et praedicta olim demonstrationem mihi exhibeant, non sum incredulus, sed credo obtemperans Deo.“

Hunc Theophilum Dodwellus, quem infra refellemus, iusto longius ab apostolica aetate remove et episcopali dignitate spoliare ausus est; alii nonnulli cum eo, cui Actus apostolorum inscripti, minus belle confudere. Longe ab hoc Theophilo distat ille noster, qui mortuo Erote, quinto Antiochiae episcopo, circa annum M. Aurelii octavum, id est

annum Christi 168, Antiochenae sedi praefectus fuit. Testatur enim Eusebius anno huius imperatoris octavo Romae Soterem Aniceto, Alexandriae Celadioni Agrippinum successisse; ac statim addit: *Τηνικαῦτα καὶ ἐπὶ τῆς Ἀντιοχείων ἐκκλησίας Θεόφιλος ἕκτος ἀπὸ τῶν ἀποστόλων ἐγνωρίζετο.* „Tunc autem et in Antiochena ecclesia sextus ab apostolis Theophilus florebat.“ Hist. l. 4. c. 19 et 20. Quibus verbis non id mihi videtur indicari tres illos patriarchas eodem M. Aurelii anno electos fuisse, sed tantum eodem illos tempore ecclesiam gubernasse. Nam si Eusebii verba stricte sumantur, ex his illud potius sequetur, iam tum Antiochiae floruisse Theophilum, cum Soter Aniceto, Agrippinus Celadioni successit.

II. Praeter quotidianum laboris ac sollicitudinis pensum, quod omnibus episcopis impositum, haud parum negotii haereses, quae tunc ecclesiam oppugnabant, Theophilo nostro addiderunt. Illius vigilantia et excubiae pro commissis ovibus spectari possunt ex studio, quod in profligandis haereticis et a grege suo avertendis significavit. Sic enim de illo Eusebius (l. 4. c. 24): *Τῶν γε μὴν αἱρετικῶν οὐδὲν χεῖρον καὶ τότε ζιζανίων δίκην λυμαιομένων τὸν εἰλικρινῇ τῆς ἀποστολικῆς διδασκαλίας σπόρον, οἱ πανταχόσε τῶν ἐκκλησιῶν ποιμένες ὥσπερ τινὰς θῆρας ἀγρίους τῶν τοῦ Χριστοῦ προβάτων ἀποσοβοῦντες αὐτοὺς ἀνείργον, τοτὲ μὲν ταῖς πρὸς τοὺς ἀδελφούς νοθεσίαις καὶ παραινέσεσι, τοτὲ δὲ πρὸς αὐτοὺς γυμνότερον ἀποδύομενοι, ἀγράφοις τε εἰς πρόσωπον ζητήσεσι καὶ ἀνατροπαῖς, ἥδη δὲ καὶ δι' ἐγγράφων ὑπομνημάτων τὰς δόξας αὐτῶν ἀκριβεστάτοις ἐλέγχοις διευθύνοντες.* „Ο γέ τοι Θεόφιλος σὺν τοῖς ἄλλοις κατὰ τούτων στρατευσάμενος δῆλός ἐστιν ἀπὸ τινος οὐκ ἀγεννῶς αὐτῷ κατὰ Μαρκίανος πεπονημένου λόγου, ὃς καὶ αὐτὸς μεθ' ὧν ἄλλων εἰρήκαμεν εἰσέτι νῦν διασέσσωται. Τοῦτον μὲν οὖν ἔβδομος ἀπὸ τῶν ἀποστόλων τῆς Ἀντιοχείων ἐκκλησίας διαδέχεται Μαξιμῖνος.“ „Porro cum nihilominus hac etiam tempestate haeretici zizaniorum instar sinceram apostolicae doctrinae sementem labefactarent, ecclesiarum toto orbe

pastores eos tamquam feras atque immanes belluas ab ovili Christi fugare atque arcere properabant: partim hortando et commonendo fratres, partim adversus ipsos haereticos fortiter colluctando: quos vel propositis cominus interrogationibus viva voce vel libris accuratissime scriptis, opiniones eorum refellendo, confutabant. Theophilus igitur una cum caeteris adversus illos haereticos depugnavit, ut constat ex quodam illius libro haudquaquam spernendo, quem contra Marcionem elaboravit, qui liber cum aliis quos retuli etiamnum exstat.“ Scripserat etiam Theophilus, Eusebio et Hieronymo testibus, alium adversus Hermogenis haeresim librum, in quo testimoniis ex Ioannis Apocalypsi desumptis utebatur. Cum his adversus haereticos elucubrationibus interiere alii eiusdem libri, „in quibus elementa fidei exposita fuisse“ testatur Eusebius: *Καὶ ἕτερα δέ τινα κατηγορητικὰ αὐτοῦ βιβλία*, sive, ut interpretatur Hieronymus, „breves elegantesque tractatus ad aedificationem ecclesiae pertinentes“.

Forte in his pertractationibus numerandi sunt libri, quos a se scriptos testatur Theophilus. In lib. 2 ad Autolyceum citat primum „de historiis“ librum, in quo de generationibus primorum hominum egerat. Sic autem loquitur c. 30: *Καὶ γὰρ ἐκ μέρους ἤδη γεγένηται ἡμῖν λόγος ἐν ἑτέρῳ λόγῳ, ὥς ἐπάνω προειρήκαμεν, τῆς γενεαλογίας ἢ τάξις ἐν τῇ πρώτῃ βίβλῳ τῇ περὶ ἱστοριῶν*. „Iam enim a nobis aliqua ex parte instituta est haec disputatio in alio opere, ut supra diximus, nempe genealogiae series in primo de historiis libro.“ Ait paulo post se in eodem libro egisse de rebus Noe. Libri illi historiarum, quorum in primo Theophilus genealogiae seriem texebat, inscripti videntur fuisse „Genesis mundi.“ Ait enim c. 28 se disputationem de daemone praetermittere, quia longa est oratio ac ea de re alibi egit. Mox c. 29 sic loquitur: *Τὰ μὲν οὖν κατ' αὐτοὺς πλείω ἔχει τὴν ἱστορίαν, οὐ μὴν ἀλλὰ καὶ τὴν οἰκονομίαν τῆς ἐξηγήσεως· διὰ τὰ τῆς ἱστορίας τοὺς φιλομαθεῖς δύναται ἀκριβέστερον διδάξαι αὐτὴ ἢ βιβλος, ἣτις ἐπιγράφεται Γένεσις κόσμου*. „Ac

ea quidem, quae ad illos spectant (Abelem et Cain), plurimam habent historiam, imo narrationis oeconomiam: quare discendi cupidos accuratius potest de hac historia liber ipse, qui Genesis mundi inscribitur, edocere.“ Videtur prima specie hic indicari primus Pentateuchi liber, quem eruditus Wolfius „Genesim mundi“ observat appellari in ms. Alexandrino et apud Epiphanium in libro De ponderibus et mensuris. Hae voces „liber ipse“ ipsam Genesim apte designant, ut fontem, ex quo omnis de his rebus disputatio deducitur. Sed tamen cum primus Pentateuchi liber non soleat inscribi „Genesis mundi“, sed tantum „Genesis“, nihil prohibebat Theophilum quominus opus suum inscriberet „Genesim mundi“, et cum paulo ante dixisset se in alio opere egisse de daemone, qui Adam et Evam tentavit, mox discendi cupidos ad ipsum librum dimittere potuit. Sed quod mihi necessitatem imponit huius libri, qui inscribebatur „Genesis mundi“, Theophilo attribuendi: cum Theophilus dicat c. 30 a se iam citatum fuisse librum, in quo de genealogiis agebat, nullus alius occurrit locus, in quo hoc opus citet, praeter eum in quo legendi studiosos dimittit ad „Genesim mundi“. Cum de rebus Noe declaret se in eodem libro egisse, non alium videtur indicare in libro tertio c. 19, ubi ait se alibi demonstrasse arcam non a Deucalione, sed a Noe, cuius nomen idem sonat ac requies, constructam fuisse.

III. De Commentario Theophili in Evangelium et in Proverbia sic loquitur Hieronymus in libro De scriptoribus ecclesiasticis: „Legi sub nomine eius in Evangelium et in Proverbia Salomonis commentarios, qui mihi cum superiorum voluminum elegantia et phrasi non videntur congruere.“ Idem in epistola ad Algasiam, Quaest. 6, utitur testimonio quodam Theophili Antiocheni. Quo autem ex opere Theophili desumptum sit, Hieronymus declarat. „Theophilus“, inquit, „Antiochenae ecclesiae septimus post Petrum apostolum episcopus, qui, quatuor evangelistarum in unum opus dicta compingens, ingenii sui nobis monumenta dimisit, haec

super hac parabola in suis commentariis est loquutus.“ Duo ergo navavit Theophilus: primo evangelistarum dicta collegit, et quae similia erant ita contexuit, quasi unum essent opus. Deinde commentarios suos adiunxit. Opus profecto longe ab eo diversum quod Tatianus elaboravit; nec merito suspicatus est Valesius memoria lapsum esse Hieronymum et Theophilo attribuisse opus Tatiani. Nam Tatianus commentarios non adiunxerat evangelistarum dictis. Narrat alibi Hieronymus (Prolog. in Matth.) legisse se commentarios Theophili.

Ex hac observatione illud etiam manifestum fit, Theophilo nostro attribui non posse breves illos commentarios, qui sub eius nomine in Bibliothecis Patrum editi singulos evangelistas separatim libris quatuor exponunt. Praeterea quis latinum scriptorem non agnoscat his in verbis (lib. 1)? „Per iota vetus significat testamentum, quo decalogus continetur: iota enim pro decem est apud Graecos. Apex autem quatuor litteras habens, per evangelium quadruplex, testamentum indicat novum.“ His adde, nonnulla in his commentariis (lib. 1 et 3) occurrere ex latinis patribus desumta: ex Hieronymo quatuor causas, cur ex desponsata Christus natus sit; ex S. Cypriani epistola ad Magnum insignem locum de corpore et sanguine Domini; ex eodem Hieronymo interpretationem latinam eorum quae Theophilus de parabola oeconomi disseruerat. Inutili prorsus labore Grabius (Spicileg. tom. 2. p. 221) haec S. Cyprianum et S. Hieronymum a Theophilo mutuatos esse opinatur. Sed si haec Theophilus graece scripsisset, haud libenter crediderim interpretem illius tam accurate venatum esse citata a latinis patribus loca, ut eorum verba in suam interpretationem transferret. Praeterea si Hieronymus a Theophilo acceperat quatuor illas causas, ob quas Christus ex desponsata natus, cur quartam S. Ignatio, nullam prorsus S. Theophilo acceptam refert?

IV. Nunc de tribus ad Autolyceum libris examinandum

nobis est quae fuerit illorum scribendorum causa, et quo potissimum tempore scripti fuerint.

Videtur Autolycus amicitia cum Theophilo nostro coniunctus fuisse. Amicum enim illum vocat Theophilus sub finem libri primi, et ad frequens colloquium invitat sub finem secundi. Inerant huic homini non parva ethnicarum virtutum ornamenta, et indefessum legendi studium. Optimum illum salutat Theophilus eique prudentiae laudem tribuit: plurima legisse testatur, ac in omni eruditione, sive, ut ipse appellat, in omnibus operosis nugis tanto studio versari, ut noctes in bibliothecis consumere non dubitaret. Sed has Autolycei laudes penitus obruebat indigna homine docto in omne simulacrorum genus pietas, et periniqua de Christianis ex rumore populari opinio. Nam qui ceterarum rerum diligens erat indagator, Christianos negligenter audiebat, eosque malesanis commentis credulus cum sororibus misceri et carnes humanas vorare existimabat. Talem nobis Autolycum variis in locis depingit Theophilus.

Opinatus est Tillemontius scriptum ab Autolyco adversus Christianos librum Theophilo nostro huius elucubrationis occasionem ministrasse. At nullum omnino huius adversus Christianos libri vestigium. Obtuderat Theophilum Autolycus inanibus sermonibus, fictos ac pictos deos venditans, Christiani nomen instar probri obiecerat, ac tandem quae-sierat ut Deum suum ostenderet. Sed haec dieteria, quae Theophilus in primo libro refellit, non scripto fuisse consignata, ut visum est Tillemontio, sed in quodam colloquio iactata, ex initio libri secundi perspicimus, ubi Theophilus, breviter recensens quae inter eos hactenus intercesserant, ait: *Ἐπειδὴ πρὸ τούτων τῶν ἡμερῶν ἐγένετο λόγος ἡμῖν, ᾧ ἀγαθώτατε Αὐτόλυκε, πνυθόμενου σου τίς μου ὁ Θεός, καὶ δι' ὀλίγου παρασχόντος σου τὰ ὅλα τῇ ὁμιλίᾳ ἡμῖν, περὶ τῆς θεοσεβείας μου ἐξεθέμην σοι· ἔτι δὲ καὶ ἀποταξάμενοι ἑαυτοῖς μετὰ πλείστης φιλίας ἐπορεύθημεν ἕκαστος εἰς τὸν ἑαυτοῦ οἶκον, καί-περ σκληρῶς τὰ πρῶτα ἔχοντος πρὸς ἡμᾶς. Οἶδας γὰρ καὶ*

μέμνησαι ὅτι ὑπέλαβες μωρίαν εἶναι τὸν λόγον ἡμῶν. „Cum ante hos dies sermonem inter nos, optime Autolyce, haberemus, quaerenti tibi, quisnam meus esset Deus, ac disputationi meae aures aliquamdiu praebenti religionem meam exposui; ita tum discessimus, ut amicissimi domum rediremus, quamvis antea duriuscule mecum egisses. Nosti enim et meministi stultitiam tibi videri nostram doctrinam.“

Ex his liquet Autolycum non scripto sed vero sermone sic in Deum ac nomen Christianorum iocatum esse, ut Theophilum ad has nugas refellendas incitaret. Videtur ergo primus ad Autolycum liber non tam ad refellendum data opera compositus, quam ad ea litteris consignanda quae Theophilus Autolyco iam responderat. Hinc librum secundum hortatu Autolycei sic exorditur Theophilus, quasi nihil antea de industria scripsisset: *Κὰν ἰδιώτης ὦ τῷ λόγῳ, πλὴν βούλομαι σοι καὶ νῦν διὰ τοῦδε τοῦ συγγράμματος ἀκριβέστερον ἐπιδειξάιναι τὴν ματαιοπονίαν καὶ ματαίαν θρησκείαν ἐν ᾗ κατέχη, ἀλλὰ καὶ δι' ὀλίγων τῶν κατὰ σὲ ἱστοριῶν ὧν ἀναγινώσκεις, ἴσως δὲ οὐδέπω γινώσκεις, τὸ ἀληθὲς φανερόν σοι ποιῆσαι.* „Nunc autem hortatu tuo,“ inquit, „quamvis imperitus sim dicendi, volo tamen hoc quoque libello accuratius tibi demonstrare inutilem laborem et inanem superstitionem qua detineris, imo ex vestrarum historiarum nonnullis, quae a te leguntur quidem, forte autem nondum intelliguntur, verum tibi ante oculos ponere.“ Invitat Autolycum Theophilus ad frequens colloquium; idque videtur iste non neglexisse. Sed cum adhuc post hos congressus veritatem instar delirii haberet ac recentes esse litteras nostras sibi fingeret, eorum antiquitatem Theophilus in libro tertio demonstrare instituit.

V. Suppeditant hi libri non obscuras notas, quibus diiudicare possimus, quo tempore scripti fuerint. Nam chronologiam in libro tertio pertexit Theophilus ab origine mundi usque ad M. Aurelium, quem 19 annos, dies 10 imperasse testatur. Citat etiam Chryserotem, M. Aurelii libertum, qui, teste Theophilo nostro, temporum seriem ab Urbe

condita usque ad obitum patroni sui imperatoris M. Aurelii descripserat. Ex his patet hos libros sub Commodio scriptos esse, nec serius aut citius collocari posse, siquidem aliud causae esse non potest, cur Theophilus, temporum descriptionem ad suam usque aetatem pollicitus, annos Commodi non recenseat, nisi quia is adhuc imperabat.

Quo autem Commodi anno collocandum sit opus, non facile statuitur. Non longe ab initiis Commodi collocabimus, si auctorem sequamur Nicephorum, qui tres et decem episcopatus annos Theophilo tribuit. Cum enim Theophilum Eusebius, ut supra vidimus, Eroti circa annum 168 successisse testetur, si cum Nicephoro annos 13 episcopatus ei demus, sequetur circa annum 181 mortuum esse, ac proinde extremum hoc opus, ut non longe ante mortem, ita sub Commodi imperatoris initia elucubrasse. Theophilum Eutychius Antiochenae sedi annos 21 praefuisse refert, ex quo sequeretur eum circa annum 188 obiisse. Sed antiquior Nicephorus, ut Tillemontius observat, ac maioris quam Eutychius auctoritatis. Quod autem in Eusebii Chronicis Maximus Theophilo nostro dicitur anno 177 aut 178 successisse, id manifestum est erratum.

Aliud argumentum cur hoc opus ad extrema Commodi tempora reiici non debeat, ab Irenaeo, qui nonnulla e Theophilo nostro mutuatus est, suppeditatur. Scribebat Irenaeus librum tertium contra haereses sub Commodio et Eleuthero, ac proinde ante annum 192, quo Commodus occisus, Eleuthero Victor successit. Porro quinque libros adversus haereses non simul vulgavit Irenaeus, sed, ut inter omnes convenit, aliquid spatii intercessit inter duos priores et eos qui consequuti sunt, licet forte non magnum fuerit intervalum. Exstat autem in libro secundo quaedam sententia, quam mihi videor e Theophilo decerptam non incertis indicibus perspicere. Sic refellit Irenaeus (lib. 2. c. 6. n. 2) haeticorum commenta de Deo creatore verum ac supremum Deum ignorante: „Aut numquid hi qui sub Romanorum

imperio sunt, quamvis nunquam viderint imperatorem, sed valde et per terram et per mare separati ab eo, cognoscent propter dominium eum qui maximam habet potestatem principatus; qui autem super nos erant angeli, vel ille quem mundi fabricatorem dicunt, non cognoscent omnipotentem?“ Sic autem Theophilus libro 1. c. 5: *Εἴτα βασιλεὺς μὲν ἐπίγειος πιστεύεται εἶναι, καίπερ μὴ πᾶσιν βλεπόμενος, διὰ δὲ νόμων καὶ διατάξεων αὐτοῦ καὶ ἐξουσιῶν καὶ δυνάμεων καὶ εἰκόνων νοεῖται. Τὸν δὲ Θεὸν οὐ βούλει σὺ νοεῖσθαι διὰ ἔργων καὶ δυνάμεων;* „Deinde vero terrenus rex existere creditur, quamvis ab omnibus non videatur, sed per leges et mandata et principatus et potestates et imagines cognoscitur. Deum vero ex eius operibus et potestatibus non vis intelligere?“ Manifesta est in utroque scriptore sententiae similitudo; sed illam Irenaeum e Theophilo, non Theophilum ex Irenaeo mutuatum esse inde patet, quod apud Theophilum clara et splendida est, apud Irenaeum vero enervata quodammodo et subobscura: quae vitia imitatores effugere non solent. Multo enim praeclarius quod ait Theophilus imperatorem per „leges et mandata, per principatus et potestates (id est per duces et praefectos) ac per imagines“ cognosci, quam quod Irenaeus „propter dominium cognosci“. In quo quidem crediderim Irenaei interpretem, ut saepe alias, ita etiam hoc loco unius litterae errore deceptum legisse δι' ἐξουσίαν pro δι' ἐξουσιῶν, et reddisse „propter dominium“ pro eo quod reddere debuisset „per potestates“, sive per duces et praefectos. Quinetiam adhibita ab utroque comparatio magis appositae videtur adversus gentiles, qui Deum ex conspicuis in hoc mundo operibus non agnoscebant, quam adversus haereticos, qui huius mundi creatori et angelis eius supremum Deum fingeant ignotum fuisse. Imitatus est etiam Irenaeus, quae de puerili Adami statu apud Theophilum nostrum in libro secundo leguntur: utriusque testimonia supra in Parte II. c. 5 inspicere et inter se conferri possunt. Ambiguum non erit uter imitator alterius,

cum Theophilus magno conatu hanc sententiam tueatur, Irenaeus quasi transiens proponat. Ex his concludimus libros ad Autolyicum procul ab initiis Commodi non distare, cum ex eis Irenaeus, qui sub Commodio scribebat, nonnulla in opus suum transtulerit.

Sed adversus ea quae statuimus obiici possit hos ad Autolyicum libros nec hominis in scribendo exercitati, nec episcopi gravissimis curis implicati foetum redolere; quamobrem satius esse hoc opus a Theophilo nondum aetate provecto elucubratum, ac postea ab ipso eis, quae de M. Aurelii morte leguntur, auctum existimare. Invitatus ad scribendum ab Autolyco Theophilus imperitum se dicendi fatetur, nec sine summa timiditate oneri succedit. An sic loquatur, obiiciet aliquis, qui iam multos ex haereticis triumphos reportarit ac plurimum scribendi usum habeat, qualem tunc habere debuit Theophilus, si extremum hoc opus paulo ante mortem scribebat? Forte etiam eruditio profana, qua hoc opus refertum est, tot poetarum testimonia, tam reconditae de philosophorum sententiis ac de chronologia disputationes, frequentia cum homine litterato colloquia, episcopo tantae sedis, gravissimis rebus occupato, minus convenire videantur.

Sed minime mirum, si et de seipso demisse sentiens episcopus imperitum se existimat, et de rebus profanis multa vir eruditus disserit, quia illius proposito conducebant: quamquam plurima Theophilus e media religione christiana repetit. Frequentia illa cum Autolyco colloquia non hominis erant otio abundantis, sed episcopi caritate ferventis, qui hoc praecipue impositum sibi ducebat, errantes ad veritatem adducere.

Haud equidem negaverim libros ad Autolyicum, ut observat Grabius (Spicileg. tom. 2), non simul prodiisse; at brevissimum temporis spatium intercessisse contendo. Nam initio libri secundi commemorat sermonem a se ante aliquot dies cum Autolyco habitum, qui sermo libri primi materia

fuit. Sub finem libri secundi hortatur Autolycum ut saepe congregiatur secum; cumque is congressus esset cum Theophilo nec tamen veritati manus dedisset, tertium librum elucubravit Theophilus, ut anticipatas opiniones, quae eius animo insederant, radicitus evelleret. Ea est ergo trium librorum series et iunctura, ut divelli ac dissociari non debeant. Eo autem scriptos fuisse ordine, quo nunc habentur, inde patet, quod in tertio primus designetur c. 3, secundus vero nominatim citetur c. 19. Neque etiam superaddita videri debent quae in tertio libro de M. Aurelii imperio leguntur. Nam cum omnes numerorum rationes, quae a Theophilo expenduntur, in huius finem imperii veluti in commune punctum desinant, nihil est in toto libro quod minus suspectum esse debeat.

VI. Non immorabor in refellendo Dodwello (Dissert. 2 Iren. n. 44 p. 171), qui nodum in scirpo quaerens tres libros, de quibus nunc agimus, non a Theophilo Antiochiae episcopo scriptos fuisse pronuntiat, sed ab alio Theophilo Antiocheno, quem sub Severo scripsisse contendit.

Reclamant huic commento Eusebius et Hieronymus: re- clamat Irenaeus, qui sub Commodus hos libros ad usus suos adiunxit. Quatenus ergo Dodwellum rationes, virum sane doctissimum, impulerunt ut contra antiquitatis consensum veniret? At eae tam leves vel potius tam nihil sunt, ut Tillemontio, cuius summa animi moderatio omnibus nota, stomachum fecerint et temeritatis notam Dodwello inurere coegerint. Prima ratiuncula inde ducitur, quod auctor librorum ad Autolycum Chryserotem citet, qui ante annum 180 scribere non potuit. At quid vetat quominus Theophilus sub Commodus scribens eos citaverit, qui sub eodem imperatore ante illum scripserant?

Obiicit secundo loco Dodwellus hos libros vigente persequutione scriptos fuisse. Ait enim Theophilus Christianos ab ethnicis quotidie vexari et eos, qui ad virtutem festinant ac in sanctiore vita exercentur, partim lapidibus obrutos

fuisse, partim interfectos, ac etiamnum crudelissimis plagis affici. At nulla persecutio a Marco usque ad Severum orta est; nec alius quam Severus proselytos et ascetas, qui hic designantur, insectatus est.

Nullam veri partem attingit Dodwellus. Negatur ei Severum in solos ascetas et proselytos saevisse. Negatur proselytos et ascetas a Theophilo designari; negatur denique singularem persecutionem a Theophilo indicari: sed idem prorsus facit, quod a multis aliis scriptoribus factitatum observavimus, qui, quamvis nulla persecutio saeviret cum scriberent, tamen ob inveteratum in Christianos odium ac frequentes persecutiones ecclesiam exagitari et vexari non desinere dixerunt. His adde, fieri potuisse ut persecutio, a qua sub Marco nulla fuit relaxatio, non statim ac Commodus gubernacula tenuit sedaretur. Marcia illa, quae Commodi animum Christianis conciliavit, non statim ac ille regnavit ab eo amata est, sed tertio imperii eius anno.

APPENDIX.

DE HERMIAE LIBELLO ET SPURIS IUSTINI OPERIBUS.

I. ADMONITIO IN HERMIAE ORATIONEM.

Quisnam fuerit Hermias ille philosophus, qui tot salibus philosophos defricuit, aut quo vixerit tempore, silent antiqui omnes, nec insunt ipsius libello diiudicandi notae, sed tantum coniciendi. Recentiore Iustino Martyre ac Tatiano pronuntiare possumus. Premit enim vestigia Iustini eiusque verbis et sententiis utitur pro suis. Videtur etiam Tatiani sales imitatus esse et scribendi materiam ex hoc Tatiani loco c. 25 sumsisse: „Platonis decreta sequeris? Ecce tibi Epicureus sophista palam et aperte adyersatur. Rursus

Aristotelem vis sectari: tibi que Democriti sectator aliquis convitiatur.“ Totus Hermiae libellus nihil aliud videtur esse quam elegans et peracuta huius Tatiani sententiae amplificatio.

Antiquitatem huius scriptoris probare possunt cum adhibita refellendorum philosophorum ratio, quorum dissensiones et cuiusque sectae de aliis detrahendi studia non videtur tam nativis coloribus picturus fuisse, nisi adhuc eiusmodi sectae et gentilium superstitiones viguissent; tum etiam philosophi titulus Hermiae in omnibus excusis et manuscriptis codicibus attributus, ex quo non absurde conicias eum, ut Iustinum, Tatianum et alios eiusmodi, ex philosopho gentili factum esse Christianum ac philosophi insignia retinuisse. Redolet etiam antiquitatem, quod gentilium sapientiam angelis acceptam refert, quos antiquissimi quique scriptores e coelo in terram delapsos et stupra mulieribus intulisse et varias artes ac scientias hominibus tradidisse opinati sunt. Utrum autem saeculo secundo floruerit, ut visum est Caveo, affirmare non ausim; nec video cur isto potius quam tertio saeculo vixisse dicatur.

At reiicienda prorsus et refellenda Lambecii et Tentzelii opinio, quorum alter „Biblioth. Vindobon.“ lib. 7, alter „Exercit. Select.“ V. p. 228 auctorem huius libri Hermiam Sozomenum esse, ecclesiasticae historiae scriptorem, existimant. Sed, ut observat Caveus, huic opinioni reclamatur stylus in Hermia nostro candidus et pellucidus, et gratiis ac leporebus scatens, in Historico simplex et incultus. Reclamat etiam philosophi titulus, qui Sozomeno nusquam tribuitur nec cum Scholastici sive Advocati arte, quam is sequebatur, valde congruit. Nititur Tentzelius nonnullis Sozomeni adversus philosophos locis: sed hanc rationem Caveus ita infirmam esse contendit, ut, si illa valeat, multo potiori iure hic libellus Socrati attribuendus sit, qui multo uberius quam Sozomenus in philosophos invectus est.

II. ADMONITIO IN TRACTATUM DE RESURRECTIONE.

Quod spectat ad fragmenta operum S. Iustini deperditorum, illud quod agmen agit atque ex S. Iustino De resurrectione excerptum dicitur, cum tota pene sit pertractatio potius quam fragmentum, inquirendi curam iniicit ac diiudicandi notas suppeditat, utrum Iustino aecne tribuendum sit.

Eruditus Grabius, qui primus hoc insigne fragmentum Spicileg. tom. 2 graece edidit, cum latine tantum inter Parallela S. Ioannis Damasceni, interprete Billio, exstaret, non videtur dubitare quin germanissimus S. Iustini foetus sit; neque illi hac in re doctissimus operum S. Ioannis Damasceni editor Michael Lequien refragatus est. Illud profecto certum et exploratum est, multa Iustinum de resurrectione disseruisse, in libris praesertim quos contra Marcionem et alios resurrectionis obtrectatores scripsit. Horum ex aliquo petitiu[m] procul dubio testimoniu[m], quod a S. Methodio [ap. Photium cod. 234] citatum est. At Iustini nullum prorsus librum antiqui memorant, qui datâ operâ de resurrectione scriptus fuerit. Sed tamen suspicari liceret fragmentum, quod inter Parallela asservatur, ex libris S. Iustini contra haereses depromptum esse, si vere fragmentum esset ac non potius totum opusculum. At ita suis partibus absolutum est, ut nec exordiu[m] desit nec conclusio. Semel tantum et iterum haec legimus: „Et post pauca,“ quibus verbis monemur pauca admodum fuisse omissa. Non potest ergo S. Martyr eorum quae in Parallelis ipsi tribuuntur existimari parens, nisi opus aliquod de resurrectione composuerit: quod quidem silent omnes antiqui.

Praeterea huic scripto, quod sub Iustini nomine iactatur, nonnulla insunt, quae nec doctrinam nec aetatem Iustini redoleant. Opusculi auctor c. 7 „carnem a Deo ad ipsius imaginem formatam fuisse“ censet: quod quidem, etsi commo sensu accipi potest ac de humana forma imaginem quamdam divini dominatus praeferente intelligi, Iustino tamen

attribui non potest, qui hanc divinae imaginis notionem omnino reiicit, Cohort. c. 34.

Non magis cum doctrina Iustini quadrat quod haereticorum sententia, dicentium c. 8: „Anima est incorrupta, utpote pars Dei et spiraculum eius,“ si minus vere et ex animo probatur, saltem incastigata dimittitur, nedum eo confutetur studio, quo confutaturum fuisse Iustinum fatebitur quisquis illius de anima doctrinam ex primordiis Dialogi cum Tryphone perspexerit.

Quo tempore compositum fuit opusculum, haereses, quae Christo carnem nostrae similem denegarunt, videntur pene exaruisse, ut patet ex his verbis c. 2: „Sunt autem nonnulli, qui et ipsum Iesum dicunt spiritualem tantum advenisse, non item in carne, sed speciem carnis exhibuisse.“ Id profectum demum dici potuit, cum eiusmodi haereses obsoletae et ad paucos redactae fuerunt. At Iustini saeculo Marcion Ponticus in omni hominum genere hunc errorem plurimis inusserat, ut testatur Iustinus Apol. 1. c. 26, ac multae aliae sectae eandem impietatem prae se ferebant.

Si mihi detur coniiciendi venia, libenter hoc opus tribuam auctori Expositionis fidei, quam p. 420 sqq. edidimus. Non improbabile est plura eiusdem hominis scripta sub Iustini nomine prodiisse. In utroque opere eundem stylum eosdemque animi vividos impetus animadvertere mihi videor. Saepe declarat auctor Expositionis fidei se ecclesiae filiis hoc opus elaborasse; sic etiam auctor opusculi De resurrectione veniam ab „ecclesiae filiis“ exposcit, si etiam „rationibus, quae extraneae videntur et mundanae,“ utitur, c. 5.

Ipsa etiam utriusque scripti aetas mirifice congruit. Quae enim ex opusculo De resurrectione protuli, ut a saeculo secundo amandetur, iisdem uti possum ut a quinto non removeatur, quae quidem certissima est aetas Expositionis fidei. Nefariae enim haereses, quae secundo saeculo vigeabant, quinto exaruerant magna ex parte.

Ut Iustino deferretur huius operis honor, duo videntur

adiuvisse: primum quod praeclarissima continet resurrectionis argumenta; deinde quod nonnulla e Iustino imitatione expressa, illa imprimis resurrectionis argumenta, quae ex hominis in utero formatione et Christi ad sanandam carnem miraculis ducuntur. Forte etiam ex iisdem hausta fontibus, quae Irenaei et Tertulliani testimoniis similia sunt: uterque enim ex Iustino plurima transtulit in suas elucubrationes.

III. ADMONITIO IN EXPOSITIONEM RECTAE CONFSSIONIS.

Longe ab aetate Iustini, sed longius multo a S. Martyris animo distat Nestoriana haec fidei expositio. Constat duabus partibus: quarum prima est de trinitate (c. 1—9), altera de incarnatione (c. 10—12).

His absolutis discedere parantem revocari se fingit ab his qui sic obiiciunt: „Quomodo Verbum ubique secundum essentiam est et quomodo in proprio templo? Nam si, ut ubique, ita etiam illic: nihil praecipuum prae omnibus templum habebit“ (c. 13). Difficilem quaestionem et Nestorianaе causae iugulum petentem auctor Expositionis eludere conatur variis artibus et interrogationibus (c. 14—16); sed tandem e dissimulationis integumento prodiens respondet (c. 17): „Verbum in proprio templo esse inseparabile et veluti plenitudinem divinitatis ibi habitare; ac omnibus adesse secundum essentiam; sed non similiter. Non enim capit sordidum corpus radios divinitatis.“ Rem sibi videtur hoc exemplo illustrare posse. „Communis sol nobis,“ inquit, „quotidie omnibus propositus est, neque huic minus, illi plus lucis profundit, sed communem omnibus efficaciam suam aequae immittit. Sed si quis validos habeat oculos, plus de illius radio accipit, non propter solem, quasi illi plus quam caeteris expandatur, sed propter propriam oculorum vim. Qui autem oculis infirmus est, is ne ipsi quidem lucis splendori intendere poterit. Sic mihi cogita iustitiae solem omnibus aequae secundum essentiam, quippe cum Deus sit, adesse: nos autem omnes, veluti infirmos et lippientes sordibus pec-

catorum oculos, lucis praesentiam non sustinere: proprium autem illius templum, veluti purissimum esse oculum et qui splendorem universae lucis capiat, utpote a Spiritu sancto formatum et omnino a peccato remotum.“

Tam aperta impietas merito persuasit eruditissimo viro, Michaeli Lequien, auctorem huius scripti germanissimum esse Nestorianum, sub Iustini nomine latitantem, quo facilius haeresis venenum insinuet. Nam quod ait Verbum in homine tamquam in templo habitare, et peccata nostra innocenti et perfecta vita expiasse (c. 10), id, etsi Nestorianam haeresim redolet, benigne tamen excusari potuisset. At nulla prorsus interpretatione leniri aut excusari potest haec solis cum Verbo comparatio, quam scriptor impius eo perducit, ut illud etiam observare non dubitet, eum qui plus de solis radiis accipit non ideo plus accipere, quod sol ad eum se magis quam ad alios applicet, sed ob propriam visus praestantiam (c. 17). His absolutis quasi victor exultat Nestorianus ac sibi ipse triumphum decernit (c. 18), vel potius eos, qui Nestorianam haeresim verborum controversiam fuisse, non rerum maximarum volunt, aequae operam ludere demonstrat in purgandis Nestorianis ac si Aethiopes lavent.

Quod spectat ad tempus, quo scriptum illud opus fuit, recentius Eutychianâ haeresi, non modo Nestorianâ, existimat eruditus S. Ioannis Damasceni operum editor; sed ei assentiri non possum. Videtur enim hic scriptor inter eos numerandus, qui Nestorianam haeresim architectati sunt eamque in tenebris aluerunt et foverunt, antequam in clarissima ecclesiae C. P. luce praedicaretur.

10. Non Eutychianos aut similes Eutychianis haereticos oppugnat auctor Expositionis, ut modo laudato editori visum est, sed in ipsos catholicos tota illius acerbitas erumpit. Haec enim verba: „Nunc Verbum carnem factum dicis, nunc carnem in Verbi substantiam transiisse“ (c. 15), non Eutychianos petunt, sed catholicae doctrinae praeiudicium affingunt, more Nestoriano. Similem perfidiam vide apud

auctorem Confutationis quarundam propositionum cap. 14. Append. Operum S. Athanas. p. 565. Non Eutychianos profecto ibidem auctor Expositionis, sed catholicos hac interrogatione irretire conatur: „Si mansit quod erat, quomodo factum est quod non erat? Quodsi factum est quod non erat, quomodo mansit quod erat?“

2^o. Scriptum opus in pace ecclesiae, ante exortos motus, quos Nestoriani et Eutychiani excitarunt. Huius hominis iecur longe aliter bilis inflammasset, si, ut auctor Confutationis quarundam propositionum, deplorare potuisset „vincula, carceres, multas, flagella, opprobria, miseranda caedium spectacula“, atque „huius tragoediae multos sacerdotes auctores“ fingere. Nondum turbatam ecclesiae pacem fuisse ex his verbis collige: „Si quid ex his tibi videbitur ad veritatem propius accedere, lauda eum qui scientiae mensuram dedit. Si quid magis pium ab alio didiceris, rursus eundem lauda curatorem. . . . Cum satis pro viribus rectam confessionem exposuerimus, salute filiis ecclesiae dicta, gratiisque illi actis qui sermonis copiam suppeditavit, tranquillam deinceps vitam sopito sermone traducemus,“ c. 12.

3^o. Redolet etiam quieta ecclesiae tempora spes erroris leniter in incautos animos insinuandi, quae in hoc elucet opere. Hoc enim huic scriptori cum aliis Nestorianis commune est, quod se vocibus templi, summae unionis, mysterii non enarrabilis involvat. Illud autem iure privato videtur fecisse, ut, quamvis latendi cupidus esset, aperte tamen statueret Verbum magis esse in templo quam in nobis, quia templum oculus est purissimus, nos oculi peccatorum sordibus lippientes. Cautius loquuti sunt Nestoriani, postquam cognita eorum haeresis spem latendi in tam aperta impietate abstulit ac reprimendi erroris studia et animadvertendi curam excitavit. His adde auctorem Rectae confessionis nusquam invehi in unam naturam Verbi incarnatam, quae a S. Cyrillo propugnata Nestorianos ira et furiis incendit. Non videtur ergo hic scriptor Ephesina synodo recentior existimari posse.

Negat Grabius Spicileg. tom. 2. p. 163 Expositionem fidei, qualem nunc habemus, Leontio cognitam fuisse, sed aliud opus ab eo citari contendit. His rationibus ducitur: 1^o. Quia citatum opus a Leontio tribus libris constabat, nostrum autem uno tantum libro eoque brevissimo continetur. At fucum fecerunt erudito viro Leontii verba quae sic habent: *Τοῦ ἁγίου Ἰουστίνου τοῦ φιλοσόφου καὶ μάρτυρος εἰς τὸ τρίτον βιβλίον τοῦ περὶ τῆς ἁγίας τριάδος συντάγματος κεφάλαιον γ'.* Hunc locum sic interpretatur Grabius, quasi citet Leontius tertium librum tractatus de trinitate. At virgula ponenda post *βιβλίον*, et sic vertendum: „Ex libro tertio S. Iustini, pertractationis de trinitate cap. 3.“ Declarat auctor Expositionis fidei iam duos libros se scripsisse, alterum adversus Iudaeos, alterum adversus Ethnicos. Sic enim incipit: „Cum Iudaeos et Graecos satis confutaverimus, consequens est ut sanam etiam fidei explicemus rationem.“ Citat ergo Leontius tertium librum Iustini, in quo de trinitate agitur; at nequaquam dicit hanc de trinitate pertractationem tribus libris constare.

Ita explicandum esse Leontium patet ex alio testimonio, quod sic proponit Leontius: *Τοῦ αὐτοῦ εἰς τὸ ιζ' κεφάλαιον τοῦ αὐτοῦ συντάγματος.* „Eiusdem (Iustini) ex capite 17 eiusdem pertractationis.“ Leontius ergo *σύνταγμα* vocat unicum de trinitate librum, ac proinde minime citavit *τὸ τρίτον βιβλίον τοῦ περὶ τῆς ἁγίας τριάδος συντάγματος*, „tertium librum pertractationis de trinitate.“

Non tamen dissimilabo hoc opus in concilio Lateranensi sub Martino I, act. V, ita citari: *ἐκ τοῦ περὶ τριάδος γ' βιβλίου κεφ. ιζ'.* Sed forte is, qui haec testimonia citavit, duos illos libros, qui in exordio operis memorantur, de trinitate scriptos fuisse existimavit. Forte etiam ita interpretari possemus: „Ex libro tertio, qui est de trinitate, cap. 17.“

Aliam addit rationem Grabius. Duo priora testimonia, quae a Leontio citantur, occurrunt c. 10. In codice Bodleiano primum depromptum dicitur ex cap. 3 Iustini, alterum ex

cap. 17. Unde concludit Expositionem fidei non talem hodie exstare qualis erat in manibus Leontii, cum haec duo testimonia, quae olim tanto intervallo distabant, nunc propemodum coniuncta sint.

Miror eruditum virum maluisse in opere suis numeris absoluto lacunas suspicari, quam erratum librarii, quod oculos ferit, investigare. Quis enim non videt in codice MS. Leontii pro κεφάλαιον γ', caput 3, legendum esse κεφάλαιον ιγ', caput 13. In codice Claromontano 1 haec Expositio rectae confessionis dividitur in minuta capita, ac primum testimonium a Leontio citatum legitur partim in capite 14 partim in decimo quinto, secundum vero legitur in decimo sexto. Non valde dissimilis fuit capitum divisio in eo codice, quo usus est Leontius.

Utrum autem Pseudo-Iustinus, antequam manum huic operi admoveret, duo alia scripta, nempe adversus Iudaeos et Gentiles, ediderit, an sibi hanc laudem tribuerit ut Iustinus esse crederetur, cuius notae erant in hoc genere elucubrationes, id equidem statuere non possum. Illud asseverare non vereor, neminem citari posse, qui duos illos libros in manus suas venisse testetur.

IV. ADMONITIO IN EPISTOLAM AD ZENAM ET SERENUM.

Epistolam ad Zenam et Serenum Scultetus inter opera Iustini minime dubia numerat. Grabius (Spicileg. tom. 2. p. 166) quae adversus hanc epistolam moventur dubia, leviora esse fatetur ac prolixè discussa a Tentzelio. „Quibus," inquit, „vix habeo quod opponam vel addam." Halloixius (Vit. Iustini p. 284) et Tillemontius (tom. 2. p. 699) hoc opus S. Martyri prorsus abiudicant ac Iustino cuidam, qui sub Heraclio monasterium S. Anastasii prope Ierosolymam rexit, attribui posse coniiciunt. Utrum abbas ille hanc epistolam vere scripserit, an alius nobis quaerendus sit illius parens, tota res in coniecturis posita. At illud certis exstat

argumentis, nec Iustini Martyris esse hoc monumentum, et ad homines in monasterio degentes scriptum esse.

Scriptores antiqui, qui S. Martyris opera enumeraverunt, de epistola ad Zenam et Serenum omnino tacent. Notior eis non fuit epistola ad Papam et alia ad eos qui praesunt, quas auctor epistolae ad Zenam et Serenum scripsisse se testatur (c. 1). Itaque omnes tribuendae essent Iustino Martyri, si vel una tribueretur.

Si interiores diiudicandae notas quaerimus, nihil habet epistola ad Zenam et Serenum, quod cum Iustini stylo, nihil quod cum illis temporibus quadret. Monastica instituta prorsus redolent quae de cura puerorum gerenda, quos nemo nescit in monasteriis educari solitos fuisse, praecipue vero quae de fovendis aegrotantibus et de labore manuum leguntur c. 17. „Cura puerorum gerenda“, inquit auctor epistolae, „quia talium est regnum coelorum.“ „Aegrotantes non negligendi, nec dicendum: Ministrare non didici.“ Quis non agnoscat antiquum monasteriorum morem, cum sibi invicem fratres ea in morbis officia exhiberent, quae a famulis exhiberi solent? De labore manuum: „Vitiosus pudor est vereri, ne quis forte, quia manibus nostris laboramus, miseros nos et auxilio destitutos existimet.“ Vitiosum coenobitam notat c. 14, ubi sic loquitur: „Qui talis non est, extra regulam ipsi praescriptam currit, et quia ordinem non servavit praemio caret. Atque etiamsi admodum laboriose auxilium a generosis athleticis acceperit, et cibi et potus ac vestis particeps fuerit, nihilo magis coronabitur.“

Observat Tillemontius unum ex praestantissimis viris, qui saeculo decimo septimo floruerunt, deprehendisse reliquias quasdam semipelagianismi in hac ad Zenam et Serenum epistola. Mirum id mihi videtur, qui quo attentius epistolam lego, eo minus vestigia erroris animadverto. Non illic quidem exstant magnifica, ut apud Iustinum et in epistola ad Diognetum, de Christi gratia testimonia; at profecto nihil reperias, ex quo auctor epistolae, itidem ut Semipelagiani,

sensisse videatur initium fidei non esse gratuitum Dei donum. Beatitudinem aeternam divinae liberalitatis munus esse declarat haec epistolae clausula: „Dominus autem gloriae det vobis omnibus honoris et requiei cum omnibus electis esse participes. Huius etiam gratia sit cum omnibus vobis.“ Paulo ante dixerat: „Precandum quotidie ut sermone divites simus et opere potentes.“ Initio hortatur Zenam et Sereum, „ut amici veritatis sint et perfectionem virtutis coelestis excipientes, quod consentaneum est voluntati Patris saeculorum, id agant.“ Et c. 4: „Caro enim prorsus sumus, nec boni quidquam in nobis habitat. Advocandus ergo ad curandum medicus.“ Plura non videntur requirenda ut suspicio, quae sua sponte argumentis caret, ab hoc scriptore propulsetur.

V. ADMONITIO IN CONFUTATIONEM QUORUNDAM ARISTOTELIS DOGMATUM.

Non longa opus est oratione, ut hoc opus eidem scriptori adiudicetur, cui tum ad Orthodoxos, tum Christianorum ad Graecos, et Graecorum ad Christianos Quaestiones tribuimus. Idem prorsus stylus, iidem nominativi, sive accusativi absoluti, ut videre est c. 2. 28. 45. 57 ac initio praefationis, eadem disputandi ratio in his omnibus scriptis ac eadem sententiae.

In praefatione, quae dogmatum Aristotelicorum confutationi praefixa est, miracula vocantur „divina opera,“ ut in Responsione ad Quaest. 100 Orthodox. Quae de generis cuiusque principibus ibidem dicuntur, similia sunt iis quae in Resp. ad Quaest. 44 Orthodox. habemus. Coelum et coelestia incorruptibilia esse docet eodem sensu, quo eadem res asseritur in Confut. Resp. 5 Graecorum n. 2. In ipso opere tam multae occurrunt ratiocinationes eis, quas in Quaestionibus animadvertimus, plane gemellae, ut, qui triplex illud opus perlegerit, unius et eiusdem parentis foetum facile agnoscat.

Nuncupatum est hoc opus Paulo presbytero, quem hic scriptor religionis defendendae studio inflammatum esse testatur, seque libenter huius scripti operam suscepisse, ut morem illi gereret. Fortasse idem est qui et nostro scriptori auctor fuit, ut Graecorum responsiones refelleret, pag. 508 [= Corp. Apoll. Vol. V. p. 242], et Graecorum nomine pag. 536. n. 14 [= l. c. p. 320] loquitur in eis referendis quae Graeci adversus resurrectionem obtrudere solebant. Nam is, qui hoc munere fungitur, Christianum se esse profitetur, et saxeae corda eos appellat qui resurrectionis doctrinam increduli oderunt.

Commemoratur a Photio cod. 125: „Iustini tractatus contra primum et secundum librum Physicae Auscultationis (Aristotelis) sive contra materiam et formam et privationem epicherematicae et validae et perutiles disputationes, nec non contra quintum illud corpus et motum sempiternum, quem Aristoteles vi ratiocinationum peperit.“ Sed quia non duo solum priores Physicae Auscultationis libri, sed etiam plures alii ab hoc scriptore oppugnantur, nonnulli exstare negant opus a Photio memoratum. At multo satius est cum Grabio mutilum Photii codicem suspicari. Inde enim, ut idem observat, errandi librariis nasci potuit occasio, quod cum n. 12 citentur nonnulla ex libris de coelo, quae sub distinctis numeris 13. 14. 15 apposita sunt, librarius aliud agens assilire potuit ad ea quae n. 46 ex libris de coelo repetuntur, eis omissis quae ex libris 3. 4. 5. 9 Physicae Auscultationis excerpuntur. Forte etiam ipse Photius deceptus fuit, hunc librum celeriter potius evolvendo quam accurate legendo; et cum videret ea quae ex libris de coelo petuntur citari n. 13. 14. 15, reliquam disputationem in libris de coelo refellendis versari existimavit.

VI. ADMONITIO IN QUAESTIONES ET RESPONSIONES AD ORTHODOXOS.

Iustinum huius operis auctorem non esse adeo inter omnes hodie convenit, ut id probare non modo necesse non

sit, sed etiam otiosum. Mirandum potius afflictum illi esse eiusmodi monumentum, in quo Irenaeus et Origenes laudantur, Manichaei memorantur, ac scriptae de vitis priscorum Anachoretarum historiae laudantur. Frustra Labbaeus (Script. eccles. p. 669) hoc opus primo ex Iustini verbis compositum, deinde ab alio auctum et amplificatum putat. Neque enim fortuita videri debet eiusmodi Quaestionum collectio, sed industriam redolet unius scriptoris, cuius principia inter se nexa et continuata sunt, ita ut interdum ad superiores Responsiones lectorem dimittat, velut in centesima quarta ad nonagesimam septimam.

Nemini ex antiquis cognitus videtur hic liber fuisse, ne ipsi quidem Photio, qui, dum Iustino attribuit „dubiorum adversus pietatem compendiaras solutiones,“ non illud opus indicat, quod nunc in manibus est, ut nonnulli existimarunt, sed aliud infra appositum, in quo quaestionibus Gentilium nomine propositis breviter respondetur.

Quam facile et expeditum est hunc librum Iustino abjudicare, tam difficile et spissum cui tribuendus sit conicere, non modo statuere. Scriptorem vixisse quinto saeculo, idque in Syria, non obscuris notis diiudicatur. Antiquiorem non esse probant haec verba ex Quaest. 110. „Unde autem,“ inquit, „locupletes viri et feminae facultates suas conferentes in desertis locis Anachoretas quaesiverunt atque penuriam eorum suppleverunt, sicut id ex priscorum sanctorum virorum historiis intelleximus, si non Dominus Christus premissionem suam ad exitum perduxit?“

Neque etiam eodem saeculo quinto recentior est. Nam ex eo, quod Christus, quem natum esse statuit in sexto mundi annorum millenario, id est secundum LXX interpretes circa annum 5500, „novissimis diebus et ubi venit plenitudo temporum“ natus dicatur, conicit mundum ultra sex annorum millia non perduraturum, Quaest. 71. Quod quidem argumento est hunc scriptorem ante vixisse quam inanitas eiusmodi coniecturarum ipso eventu deprehensa esset.

Cur Syrum esse auctorem huius scripti coniiciam, his signis adducor: tum quod Scripturae interpretationem apud Syros usitatam nonnunquam sequatur, ut in Quaest. 20, atque etiam nominatim citet in Quaest. 63, tum quod initium diei Quaest. 65 non a media nocte sed ab horis matutinis repetat, quem morem apud Syros viginisse perspicimus ex Ioannis Chrysost. Homil. 5 in Genes.

Ex his coniecturis alia suspicio oriri possit, an non forte Theodoretus, magnum illud Syriae lumen, huius operis parens existimandus sit, ut nonnulli teste erudito Dupin existimarunt. At magna inter Theodoretum et hunc scriptorem discrepantia. Huic quaestioni, cur Moses alienigenam uxorem duxerit, respondet Theodoretus Quaest. 4 in Exod.: „typum illum fuisse Christi Domini, qui, cum ex Iudaeis secundum carnem natus esset, ecclesiam gentium appellavit sponsam suam.“ Noster vero Quaest. 90: metuendum Mosi non fuisse ne ab uxore ad deorum cultum abduceretur, quae potissimum causa exstitit, cur filios suos patriarchae ab his matrimoniis deterrerent. Huic quaestioni, unde Aegyptiorum incantatores aquam hauserint, si universa erat a Mose in sanguinem conversa, respondet Theodoretus aquam maris non fuisse conversam in sanguinem, noster vero Quaest. 26 omnes aquas, quae sunt super terram, in sanguinem versas fuisse, sed incantatores circa flumen puteos fodisse, unde aquam haurirent. Sed hoc opus Theodoro sine summa iniquitate affingi non posse, ex his quae mox dicentur perspicuum erit.

Lucem enim affert aliud argumenti genus, quod equidem non libenter, utpote huic scriptori non honorificum, sed multis rebus, quas deprehendi in hoc scripto, coactus eruditus ad examinandum proponam. Nimirum in his Quaestionibus nonnulla Pelagianam haeresim clamitant iisque temporis notis signata sunt, quo conspirans omnium in antiqua fide consensus defectio esse tritici Pelagianis videbatur.

Illud Scripturae: „Quis mundus a sorde? Nemo prorsus,

etiamsi vel una dies sit vita eius super terram,“ negat congruere infanti, „quia vita pro vitae instituto dicta est, infanti autem ut nec vitae institutum est, ita nec vita.“ Testimonii Pelagianam haeresim evertentis tam longe petita tamque absurda interpretatio magnos conatus declarat eludendi quidquid cum hoc errore consistere non poterat. Sententiae suae declarandae occasionem huic scriptori dedit haec quaestio, quae est octogesima octava: „Si Christus, qui genitus fuit, peccatum non fecit, quomodo rursus verum Scriptura dicit, quae non sine iureiurando clamat: *neminem genitum esse qui non peccaverit?*“ Accommodata est haec quaestio ad ingenium Pelagianorum, qui ex catholica de naturae corruptione doctrina colligebant ipsi etiam Christo corruptionem a Catholicis affingi. Unde in libello ad Apostolicam Sedem misso dicebant: „Sed et illud similiter execramur, Salvatorem necessitate carnis fuisse mentitum, et quod propter impedimentum carnis non omnia potuerit facere quae volebat,“ apud Augustinum tom. 10. Append. p. 112. Theodorus Mopsuestenus apud Photium cod. 177 hanc Catholicis blasphemiam affingit, „ne ipsum quidem Christum et Deum nostrum, ut qui naturam peccatricem assumsisset, purum a peccato fuisse.“

Nihil magis premebat Pelagianos, quam baptismus „in remissionem peccatorum“ ipsis etiam infantibus, omnium Catholicorum iudicio, necessarius. Fatebantur baptismum „iisdem sacramenti verbis in infantibus, quibus etiam in maioribus, esse celebrandum;“ sed tamen peccatum Adae in infantibus agnoscere nolebant: propria illis inesse peccata nonnulli dicebant, ut perspicitur ex lib. 1 De peccat. meritis n. 17 et 35, ut alienum faterentur adduci non poterant. Mira est astutia scriptoris nostri in ea re explicanda. Huic quaestioni, quae est quinquagesima sexta: „Si morientes infantes nec laudem nec reprehensionem habent ex operibus, ecquod erit discrimen in resurrectione inter eos qui ab aliis baptizati nihil egerunt, et eos qui baptizati non fuerunt ac

similiter nihil egerunt?“ sic respondet: „Hoc discrimen est inter baptizatos et non baptizatos, quod baptizati obvenientia per baptismum bona consequantur, non baptizati non consequantur.“ Haec responsio videtur hominis esse regnum coelorum baptizatis infantibus, etiam non baptizatis vitam aeternam largientis, sed tamen qui propria commenta in lucem ecclesiae aliter credentis et docentis proferre non auderet. Aeternam profecto vitam infantibus non baptizatis denegare non potuit, qui puros et insontes illos ab omni peccato et sorde credebat. Praeterea in Responsione ad Quaest. 13 generatim de infantium omnium resurrectione sic loquitur: „Qui credit verum esse illud: *seminatur in infirmitate, resurgit in potentia*, is potest et debet infantium quoque resurrectionem credere. Nam qui eis incorruptibilitatem tribuit, facultatem quoque, qua praesentia sentiant bona, conferre potest.“

Nemo sane vituperaret, quod ait idem scriptor Quaest. 8 et 9 „cognitionem boni et mali et facultatem utriusque implendi naturae nostrae a Deo inditam;“ nemo, inquam, id vituperaret, si liberum arbitrium ita peccato primi parentis debilitatum fateretur, ut vere liberi esse non possimus, nisi nos Filius liberaverit. At in hoc opere ne illud quidem reperiō, quod tamen Pelagius fatebatur, cum diceret (apud Augustin. tom. 10. Append. p. 97): „Liberum sic confitemur arbitrium ut dicamus nos semper Dei indigere auxilio.“ Sic etiam Iulianus (ibid. p. 112): „Sed et si quis dicit homines sine Dei gratia vel adiutorio posse peccata vitare, pariter detestamur.“ Minus dissimulationis inest nostro scriptori. Illud Christi „Omnia traham ad me ipsum“ de extremo iudicio intelligit, „cum Christus aboleverit omnem principatum et potestatem et virtutem.“ Patrem autem ad Filium pertrahere putat, „quia Filio potestatem dedit et virtutem, ut omnes ad seipsum trahere possit,“ Resp. ad Quaest. 39. Ait in Resp. ad Quaest. 97 „constitutum esse a Deo in mundo medicum idoneum peccatorum, nempe poenitentiam,

quae etiam septuagies septies lapsos sanare potest, si tantum voluerint uti poenitentiae voluntate.“ Dicebant Pelagiani: „Si nolumus, non peccamus, nec praeciperet Deus homini quod esset humanae impossibile voluntati“ (apud August. lib. 2 De peccat. mer. n. 3). Sic etiam iste eligendi dominos nos esse et agendi facultates liberi arbitrii potestati summissas esse docet, ac Deum causam esse negat cur boni simus aequae ac cur mali, Resp. ad Quaest. 8 et 9.

Pelagiani facti erant „ecclesiae catholicae detestabiles,“ ut ait Augustinus Op. imp. l. 1. n. 53. Sed tamen quod in omnibus ecclesiis plebs adunata pastori catholicam fidem defendebat et Pelagiana commenta oderat, id isti prae summa stultitia honori sibi esse ducebant. „Nobis,“ aiebat Iulianus l. 2. n. 3, „hoc apud homines vulgi officit, quod accessio erroris esse renuimus; vulgi, inquam, qui sententiae meritum de prosperitatibus ponderans, eam veriore aestimat, quam pluribus placere conspexerit.“ Auctor Quaestionum et Responsionum ad Orthodoxos a Pelagianis acuminibus digitum non discedit. Huic quaestioni: „Quomodo zizania multiplicata sunt, triticum autem fere defecit?“ sic respondet Quaest. 22 ut ipsam penuriam esse tritici notam pertendat. „Triticum esse,“ inquit, „id quod defecit, argumento est haec Christi praedictio: *Quoniam abundavit iniquitas, refrigescet caritas multorum.*“ Quis quinto saeculo talia effutire potuit nisi Pelagianus aut ex Nestorii aut Eutychetis grege? Duas postremas haereses iam tum prodiisse, cum hoc opus scriberetur, nullo prorsus vestigio conicere possis. Pelagianis ergo dicata fuit huius absurdissimae responsionis opera.

In Quaestione prima instar certae et exploratae rei statuitur „orthodoxos, qui soli sunt Deo grati, Graecis, Iudaeis et omnibus haereticis non modo numero non pares esse, sed etiam pauciores.“ Quaeritur ergo „annon inutilis fuerit Iudaici cultus abrogatio, cum multa adhuc seductio mundum detineat.“ Quomodo scriptor noster ex hac se difficultate expediet? Quietum minime sollicitat tam parvus orthodoxo-

rum numerus; rem concedit non invitus. At illuc confugit ut de orthodoxorum paucitate praedictum esse contendat, cum Christus dixit: „Multi sunt vocati, pauci vero electi.“ Orthodoxos ergo minime intelligebat eos qui in ecclesia catholica ultra romani imperii fines porrectâ apostolicam doctrinam uno ore et animo profitebantur (horum enim multitudinem miratus fuisset: ac cum ea ethnicos, Iudaeos et haereticos ne simul quidem collectos conferri posse iudicasset); sed necesse est ut orthodoxorum numerum recidissee existimaverit ad parvam illam Pelagianorum manum, quae tot nationum unanimem consensum in maximis rebus asseverandis et defendendis argumentum erroris esse ducebat. Vide quae ad Quaestionem quartam observamus.

In interrogatione 100 quaeritur, cur ab ecclesiis, quas ab haereticis occupatas orthodoxi deseruerunt, non simul cum orthodoxis miracula abscesserint. Alios profecto non scimus illa aetate ab ecclesiis suis eiectos fuisse, praeter episcopos Pelagianos.

Satis praeclare in Quaest. 23 precem Christi irritam esse non potuisse docet, ac diabolum ante in Iudam ingressum esse quam Christus pro discipulis praecaretur. Sed cum Pelagiani dicerent „ex futuris operibus, quae Deus illum facturum esse praesciebat, Iacob fuisse electum“ (August. lib. 2 contra 2 ep. Pelag. n. 15), non videtur alio fundamento niti haec inter Iudam et alios discipulos distinctio apud scriptorem, qui ne annos quidem vitae nostrae a Deo constitutos et definitos putat, Quaest. 33.

Non dissimulabo eum in Resp. ad Quaest. 102 sic loqui: „Circumcidimur autem et nos circumcisione Christi per baptismum, exuentes Adamum, per quem, peccatores facti, mortui eramus, et induentes Christum, per quem iustificati resurgimus ex mortuis.“ Sed haec tanti esse non videntur, ut hunc hominem purgatum et probatum habeam. Illud enim „per unum hominem peccatum intravit in mundum“ contendebant Pelagiani „propter imitationem esse dictum, non

propter carnalem nativitatem," ut ait Augustinus l. 1 contra Iul. n. 28.

De ignoratione legis divinae quid sentiat scriptor noster, quam apte cum Pelagianis consentiat, ex Quaestionibus 108 et 140 existimari potest. Difficilius est cum Pelagianis conciliare quod ait in Resp. ad Quaest. 32: „mortem in mundum ingressam esse hominis inobedientia, et si deus inobedientiae non est auctor, neque etiam mortis esse auctorem." Videntur haec prima specie pugnare cum Pelagianis, qui Adam mortalem factum esse docebant, „qui, sive peccaret sive non peccaret, moriturus esset," apud August. De gest. Pelagii p. 207. Sed ut error sibi constare non solet, dicebant iidem Pelagiani: „per Adam mortem ad nos venisse, non crimina," lib. 4 contra 2 ep. Pelag. n. 6. „Ex Adam nihil mali transisse per caeteros, nisi mortem, quae non semper est malum," ibid. n. 2. Suam ipsi causam prodebant Pelagiani, mortem ex Adami lapsu derivando. Sed in arctum coniecti videntur id confiteri maluisse, quam aut propria infantibus peccata affingere, id quod nonnullis eorum placuisse testatur Augustinus lib. 1 De peccat. mer., aut cum Theodoro Mopsuesteno audacter pronuntiare: „Adamum ab initio creatum fuisse mortalem; sed in speciem tantum, ut peccatum odio habeamus, Deum significationem dedisse, quasi mors illi ob peccatum poenae loco imposita fuisset," apud Photium cod. 177.

His adducor ut auctorem Quaestionum et Responsionum ex illo Syrorum numero fuisse existimem, quos testatur Marius Mercator in Commonitorio coniunctos fuisse cum Theodoro Mopsuesteno. „Quaestio," inquit apud August. tom. 2 Append. p. 63, „contra catholicam fidem apud nonnullos Syrorum et praecipue in Cilicia a Theodoro quondam episcopo oppidi Mansistenti [leg. Mopsuesteni] iamdudum mota; nunc usque penes paucos eorum admodum roditur, nec ea palam profertur, sed ab ipsis qui de ea fornicantur [al. cor-nicantur] velut catholicis, intra ecclesias interim retinetur." Adeo calidus est noster hic scriptor Pelagianae sententiae

defensor; adeo audacter triticum defecisse et orthodoxos perpaucos esse pronuntiat, ut non reliquias erroris occulte fovisse, sed in ipso contentionis aestu scripsisse videatur. Quinetiam, ut ex Quaest. 100 colligitur, recens erat doloris vulnus, quod eius animo inusserat infelix Pelagianorum praesulum ex suis ecclesiis eiectorum status. Itaque collocari potest hoc opus intra illud tempus, quod ab eiectis Pelagianis episcopis ad Nestorianae haeresis turbas effluxit.

VII. ADMONITIO IN QUAESTIONES 1^o CHRISTIANORUM AD GRAECOS ET 2^o GRAECORUM AD CHRISTIANOS.

Christianorum ad Graecos et Graecorum ad Christianos quaestiones non esse S. Iustini Martyris opus inter omnes eruditos convenit; eiusdem parentis foetum esse ac dogmatum nonnullorum Aristotelis Confutationem iam nonnulli animadverterunt, neque id subodorari difficile est, cum magna sit inter utrumque opus styli similitudo. Sed cui tribuenda sit tota pertractationis moles, id nobis inquirendum.

Equidem quando accuratius has quaestiones cum iis quae sunt ad orthodoxos confero, eo magis in eam feror sententiam, ut uni et eidem scriptori utrasque adiudicem: styli similitudinem cum multa alia testantur, tum inprimis nominativi sive accusativi casus pro genitivis absolutis in utrisque Quaestionibus usurpati. Vid. Quaest. 100 ad Orthodox. et Resp. ad Quaest. 113. Eandem loquendi rationem reperies in Confutatione Responsionis Graecorum ad Quaest. 3. n. 3 et in Responsionibus de resurrectione n. 11 et 45. Observavi ad Quaest. 37 et 131 ad Orthodox. praepositionem *κατά* aliter ac apud alios scriptores usurpari. Sic etiam legimus *κατά κοινόν*, *communi more*, in Confut. Resp. 3. n. 3.

In Respons. ad Quaest. 114 ad Orthodox. legitur tamquam ex Scriptura: „Cogitasti et adfuerunt tibi,“ quod quidem ex Iobi verbis c. 23. v. 14 aut alio simili loco desumptum videtur. Eadem sententia citatur infra in Responsionibus de resurrectione n. 4. Non eadem materia in

Quaestionibus ad orthodoxos ac in iis quae sunt ad Graecos tractari solet; sed si quando occurrat, ut eadem ad solvendum proponantur, non difficile erit principiorum consensio- nem animadvertere. Responsio ad Quaest. 113 Orthodox. simillima est iis quae adversus mundi aeternitatem statuuntur in Confutatione Resp. 4 Graec. In Confutatione Resp. 1. n. 5 eadem verba habemus de omnium futura restitutione ac in Resp. ad Quaest. 1 Orthod.

Quaestiones Christianorum ad Graecos in editione Roberti Stephani disiunctae sunt ab iis quae sunt Graecorum ad Christianos; sed primis istae subiunctae fuerunt in editionibus graeco-latinis. Primae, quae prolixiores habent responsiones, non videntur notae fuisse Photio. Is enim memorat tantum „Dubitationum contra pietatem summarias solutiones.“ Haec omnia uni et eidem scriptori tribuenda esse neminem negaturum puto.

Scite observat Grabius Spicileg. tom. 2. p. 156 magnam inesse similitudinem inter has Christianorum ad Graecos Quaestiones et ea quae olim Iustinum inter et Creseentem intercesserunt. Nam ut huic Cynico quaestiones ponebat Iustinus, ac deinde eius responsa refellebat, ita his in Quaestionibus agitur. Inde suspicio Grabii animum subiit, impostorem quempiam ex Iustini verbis occasionem cepisse fingendi tales interrogationes, responsiones et responsionum confutationes. Probabilis esset viri eruditi coniectura, si non multa rationum momenta persuaderent omnes illas Quaestiones, sive ad Orthodoxos sive Christianorum ad Graecos sive Graecorum ad Christianos, unius et eiusdem scriptoris opus esse, qui quidem nimium acutus et doctus fuit, quam ut Manichaeos commemoraret ac multa alia S. Iustini Martyris aetati minime convenientia poneret, si sub nomine S. Martyris latere voluisset.

RELIQUIAE APOLOGETARUM

QUADRATI DISCIPULI APOSTOLORUM
ARISTIDIS PHILOSOPHI CHRISTIANI
ARISTONIS PELLAEI
MILTIADIS SOPHISTAE ECCLESIARUM
MELITONIS SARDIANI
CLAUDII APOLLINARIS HIERAPOLITANI

UNDIQUE COLLECTAE
PRAEMISSIS DISSERTATIONIBUS EDITAE
VERSIONE LATINA INSTRUCTAE
COMMENTARIIS ILLUSTRATAE.

QUADRATUS.

10. Ern. Grabe Spicilegium SS. Patrum seculi II. Oxon. 1700, p. 119—125. Andr. Gallandi Bibliotheca vett. Patrum. Tom. I, Venet. 1765. Fol. mai., p. LXXII s. et 330. 10. Alb. Fabricius Bibliotheca graeca cur. G. Chr. Harles. Vol. VII, Hamb. 1801. 4^o, p. 154 s. Mart. Ios. Routh Reliquiae sacrae. Edit. 2. Vol. I, Oxon. 1846, p. 71—73. 75. 77—79.

Eusebius, sacrae historiae parens, in Hist. eccl. I. III. c. 37. §. 1 (ed. Heinichen. Lips. 1868) haec scribit: *Τῶν δὲ κατὰ τούτους* (sub Traiano imperatore, a. 98 — 117) *διαλαμψάντων καὶ Κοδράτος ἦν, ὃν ἅμα ταῖς Φιλίππου θυγατρᾶσι* (coll. I. III. c. 31. §. 3. 4 al.) *προφητικῷ χαρίσματι λόγος ἔχει διαπρέπει*. Quadratum evangelistae munus obiisse, ex iis conicere licet quae Eusebius illico (§. 1. 2) addit: „Praeter hos alii quoque complures (καὶ ἄλλοι δ' ἐπὶ τούτοις πλείονες) eodem tempore viguerunt, inter apostolorum successores principem obtinentes locum: qui, utpote admirabiles tantorum virorum discipuli (μαθηταὶ τῶν ἀποστόλων), ecclesias, quarum fundamenta variis in locis apostoli prius iecerant, aedificando perfecerunt, praedicationem evangelii magis magisque promoventes et salutaria regni coelestis semina per universum terrarum orbem late spargentes. Siquidem plerique ex illius temporis discipulis, quorum animos ardentiori philosophiae desiderio verbum divinum incenderat, servatoris nostri praeceptum iam antea expleverant divisim inter egentes facultatibus suis; deinde relictā patria peregre proficiscentes munus obibant evangelistarum, iis qui fidei sermonem nondum audivissent Christum praedicare et sacrorum evangeliorum libros tradere satagentes.“

Inter prophetas novi testamenti recenset Quadratum apud eundem Eusebium l. V. c. 17 §. 3 antiquus, sed anonymus, scriptor, de quo consulas quae infra in dissertatione de Militiade exposui. Οὔτε Ἀγαθον, ille inquit, οὔτε Ἰούδαν οὔτε Σίλαν οὔτε τὰς Φιλίππου θυγατέρας οὔτε τὴν ἐν Φιλαδελφείᾳ Ἀμμίαν οὔτε Κοδράτον οὔτε γε δὴ τινες ἄλλους μηδὲν αὐτοῖς προσήκοντας καυχῆσονται (Montanistae). In Chronicis Eusebianis Quadratus diserte apostolorum auditor („discipulus“ Hieronym.), τῶν ἀποστόλων ἀκουστής (Syncell.), appellatur.

Traiano mortuo (a. 117) Aelius Hadrianus suscepit imperium. Huic imperatori Quadratus, vir ille apostolicus Apologiam obtulit, Christianorum innocentiam et iniquam eorum vexationem exponens. Τούτῳ, ait Eusebius l. IV. c. 3. §. 1, Κοδράτος λόγον προσφωνήσας ἀναδίδωσιν, ἀπολογίαὺν συντάξας ὑπὲρ τῆς καθ' ἡμᾶς θεοσεβείας, ὅτι δὴ πονηροὶ τινες ἄνδρες τοὺς ἡμετέρους ἐνοχλεῖν ἐπειρῶντο. Qua de re idem in Chronicis Canonibus iuxta versionem Armeniam ad annum Abrahamae 2140 (Olymp. 226, l. Hadr. 8), ed. Alfr. Schoene (Euseb. Chronicc. libb. II, Vol. II. Berol. 1866. 4^o) p. 166, haec habet: „Codratus apostolorum auditor et Aristides nostri dogmatis philosophus Atheniensis Adriano supplicationes dedere apologeticas“ etc.¹⁾ Gemina fere recitavit Georgius Syncellus in Chronogr. p. 658 ed. G. Dindorf., ap. Schoen. l. c.; qui quidem: Κοδράτος, inquit, ὁ ἱερός τῶν ἀποστόλων ἀκουστής, Αἰλίῳ Ἀδριανῷ τῷ αὐτοκράτορι λόγους ἀπολογίας ὑπὲρ Χριστιανῶν ἐπέδωκεν. . . . Τούτῳ (Quadrato) καὶ Ἀριστείδης, Ἀθηναῖος φιλόσοφος, ὑπὲρ Χριστιανῶν ἀκόλουθα τῷ αὐτοκράτορι προσεφώνησεν Ἀδριανῷ. Ἄπερ δεξάμενος ὁ Καῖσαρ σὺν τοῖς παρὰ Σερενίου, λαμπροτάτου ἡγουμένου, ὡς ἄδικον εἶη κτείνειν γράψαντος Χριστιανούς ἀκρίτως ἐπὶ μηδενὶ τῶν ἐγκλημάτων, γράφει Μινουκίῳ Φουνδανῷ, ἀνθυπάτῳ τῆς Ἀσίας (illius

1) Quae sequuntur minus recte reddidit translator Armenius. Caeterum totam hanc sectionem ad a. Abrah. 2141 trahit codex N ap. Schoen. l. c.

successori), Ἀδριανὸς μηδένα πτείνειν ἄνευ ἐγκλημάτων καὶ κατηγορίας. Quae quidem ab Hieronymo ad annum Abrah. 2142 (Hadr. 10) sic efferuntur, ap. Schoen. l. c. p. 167: „Quadratus, discipulus apostolorum, et Aristides Atheniensis, noster philosophus, libros pro christiana religione Hadriano dedere compositos. Et Serenus Granus (sic) legatus, vir adprime nobilis, litteras ad imperatorem misit, iniquum esse dicens clamoribus vulgi innocentium hominum sanguinem concedi et, sine ullo crimine, nominis tantum et sectae reos fieri. Quibus commotus Hadrianus Minutio Fundano, proconsuli Asiae, scribit sine obiectu criminis Christianos non condemnandos.“²⁾ Ex illis patet Apologiam Hadriano a Quadrato fuisse oblatam anno Chr. 124 (aut sec. Hieron. 126)³⁾: et in Graecia quidem, ubi ille imperator annis 123 – 126 versabatur. Cf. Pagi Crit. Baron. ad a. 126. §. 3. 4 et Haakh in *Pauly Real-Encyklop. d. class. Alterthumswiss.* T. III. p. 1034.

Ita Eusebius, quem descripsit Syncellus (l. c.): ambo absque mentione ullius episcopalis dignitatis Quadrati.

Idem Eusebius in libro IV suae Historiae ecclesiasticae, ubi late prosequitur quae sub Marco Aurelio Antonino et Lucio Vero (aa. 161—180) contigerunt, ex quadam Dionysii, Corinthiorum episcopi (inde ab anno circiter 170), ad Athenienses epistola de Quadrato nonnulla refert, qui post martyrium Publii, Athenarum episcopi, in hac urbe episcopus constitutus sit. Dicit enim c. 23. §. 3: Κοδράτου δὲ μετὰ τὸν μαρτυρήσαντα Πούπλιον καταστάντος αὐτῶν (Atheniensium) ἐπισκόπου μέμνηται (Dionysius), ἐπιμαρτυρῶν, ὥς διὰ τῆς αὐτοῦ

2) Hoc Hadriani rescriptum, quo persecutio ab Asiaticis excitata prohiberetur, servavit Iustinus Martyr latine in Apologia I. c. 68 (Corp. Apoll. Vol. I, ed 2, p. 162) et Eusebius graece in Hist. eccl. l. IV. c. 9.

3) Cf. Alfr. a Gutschmid De temporum notis quibus Eusebius utitur in Chronicis Canonibus, Kil. 1868. 4^o, p. 27. (*Neue Jahrb. f. Philologie u. Paedagogik.* Lips. 1867. p. 684.) — Dallaeo et Fabricio praeceuntibus Cavedonius (Cenni cronologici intorno alla data precisa della principal' apologie etc. Mutin 1855. p. 15) hanc apologiam anno 123 adsignat

(Quadrati) *σπουδῆς ἐπισυναχθέντων καὶ τῆς πίστεως ἀναξωπύρησιν εἰληχότων*. Neque Dionysius neque Eusebius hunc episcopum aiunt fuisse discipulum apostolorum: quod utique omissuri non erant, si res ita se habuisset, quum haec vel praecipua laus esset Quadrati.

Hunc autem Quadratum Athenarum episcopum, l. c. memoratum, Hieronymus minime diversum esse putavit ab illo Quadrato, apostolorum discipulo, evangelista et propheta (una cum Philippi filiabus), apologiae auctore, qui ultra Hadriani tempora non processit, sed omnia hactenus ex Eusebio prolata intellexit de uno eodemque Quadrato. Scripsit enim in epistola 70 (al. 84) ad Magnum oratorem (Opp. ed. Vallars. T. I. Veron. 1734) col. 426: „Quadratus, apostolorum discipulus et Atheniensis pontifex ecclesiae, nonne Adriano principi, Eleusinae sacra invisenti, librum pro nostra religione tradidit? Et tantae admirationi omnibus fuit, ut persecutionem gravissimam illius excellens sedaret ingenium.“ Idem in libro De viris illustribus c. 19 (T. II) col. 845: „Quadratus, apostolorum discipulus, Publio Athenarum episcopo ob Christi fidem martyrio coronato, in locum eius substituitur, et ecclesiam grandi terrore dispersam fide et industria sua congregat. Quumque Hadrianus Athenis exegisset hyemem, invisens Eleusina⁴⁾, et omnibus pene Graeciae sacris initiatus dedisset occasionem his, qui Christianos oderant, absque praecepto imperatoris vexare credentes: porrexit ei librum pro religione nostra compositum, valde utilem plenumque rationis et fidei, et apostolica doctrina dignum: in quo et antiquitatem suae aetatis ostendens ait plurimos a se visos⁵⁾, qui sub domino variis in Iudaea oppressi calamitatibus sanati fuerant et qui a mortuis resurrexerant.“ — Hieronymum secuti sunt martyrologiorum latinorum auctores ad diem 26 Maii, ut iam Ado (saec. IX), qui

4) Cf. Haakh l. c. not. **.

5) Id non expresse ait, sanatos et ad vitam revocatos a domino a se visos; dicit tantum eos usque ad tempora sua fuisse superstites.

ista habet: „Apud Athenas B. Quadrati episcopi, discipuli apostolorum.“ Quibus verbis Usuardus alia nonnulla addit. Cf. Henschenium in Actt. SS. Maii T. VI. p. 358. §. 5.

At vero praeunte Valesio, ad Euseb. H. E. l. IV. c. 23 (ap. Heinich. Commentar. in Euseb., Lips. 1870, p. 162), Lemoynius Dupinus Tillemontius Basnagius Clossius Neander Herzogius ⁶⁾ distinguunt Quadratum Atheniensem episcopum (tempore Marci Aurelii Antonini), de quo Dionysius apud Eusebium loquitur tamquam de aequali et recens ordinato, ab illo Quadrato viro apostolico et evangelista, gratia prophetica illustri, qui Traiani et Hadriani temporibus floruit et Apologiam pro religione christiana scripsit.

Testatur sane antiquissimum *Τυπικὸν τῆς ἐκκλησιαστικῆς ἀκολουθίας τῆς ἐν Ἱεροσολύμοις ἀγίας λαύρας τοῦ ὁσίου καὶ θεοφόρου πατρὸς ἡμῶν Σάββα* (excusum in hoc libro: *Τυπικὸν περιέχον πᾶσαν τὴν διάταξιν κτλ.* Venet. 1643. Fol. min.) p. ιδ', ad diem 21 Septembris, Quadratum apostolum (quo epitheto aperte indicatur Quadratus noster) domicilium suum habuisse Magnesiae; huius enim viri mentionem facit his verbis: *τοῦ ἀγίου ἀποστόλου κοδράτου, τοῦ ἐν τῇ μαγνησίᾳ*. Pariter habet Menaeum ecclesiae graecae, Venet. 1663. Fol. min., ad eundem diem pl. I. 7^a, nisi quod articulum *τῇ* ante *μαγνησίᾳ* omittit. — Recentius ecclesiae graecae Menaeum, quod Venetiis 1755. Fol. prodiit, in addita expositione historica ambos illos diversos eiusdem nominis viros — Quadratum Magnetem et Atheniensem — in unum confudit, ad dictum

6) Steph. le Moyne *Varia sacra*. Lugd. Bat. 1685. 4^o, Proll. ad lect. plag. 9^a. — El. du Pin *Nouv. Biblioth. des auteurs ecclés.* T. I, Par. 1693. 4^o, p. 54. — Le Nain de Tillemont *Mémoires* T. II, Par. 1694. 4^o, p. 631 s. not. 7. — Sam. Basnage *Annal. pol.-eccles.* a. 126. §. 3. — Aug. Closs *Eusebius' KG. übers.*, Stuttg. 1839, p. 139. — Neander *Allg. Gesch. d. chr. R. u. K.*, ed. 2, T. I. P. 2. p. 1141. — Herzog *Real-Encyklop. für protest. Theol. u. K.* T. XII. p. 404. — Repugnarunt inprimis Caveus *Scriptt. eccles. histor. lit.*, Gen. 1720. Fol., p. 33 et Grabius l. c. p. 119 s., eosque plerique fere omnes adhuc sequuntur.

21 Sept. p. 138 s. haec praebens: *Μνήμη τοῦ ἁγίου ἀποστόλου Κοδράτου. Οὗτος, ἀρχαῖος καὶ πολυῖστωρ ἀνὴρ ὑπάρχων, ἐν Ἀθήναις καὶ Μαγνησίᾳ τὸν λόγον τοῦ κυρίου κατήγγειλε καὶ πολλούς, φωταγωγήσας τοῖς δόγμασι, πρὸς φῶς θεογνωσίας ἐπανήγαγεν. Ὅθεν ἐξ Ἀθηνῶν τῆς αὐτοῦ ποίμνης ὑπὸ τῶν διωκτῶν ἀπελαύνεται, πρότερον λίθοις βληθεὶς καὶ πυρὶ δοκιμασθεὶς καὶ ποιναῖς ἄλλαις, ὕστερον δὲ ὑπὸ Ἀδριανοῦ τοῦ Αἰλίου τὸν στέφανον τοῦ μαρτυρίου κομίζεται. Magis a veritate recedit Menologium Basilii imperatoris (primum gr. et lat. Urbini 1727. Fol.) ad d. 21 Sept., P. I. p. 58, quippe quod verbis Ἀθλησις τοῦ ἁγίου ἱερομάρτυρος καὶ ἀποστόλου Κοδράτου, ἐπισκόπου Μαγνησίας, καὶ τῆς συνοδίας αὐτοῦ haecce subiungat: Κόδρατος, ὁ θεῖος ἱερομάρτυς καὶ ἀπόστολος τοῦ Χριστοῦ, ὑπῆρχεν ἐπὶ Λεκίου καὶ Οὐαλεριανοῦ τῶν βασιλέων ἐπίσκοπος τῆς πόλεως Μαγνησίας (in Asia minori) κτλ.*

Iam vero notum est Quadrati Magnetis Apologiam temporum iniquitate deperditam esse. Superfuisse hoc opus, ex quo et ingenium Quadrati et rectam apostolicae fidei doctrinam perspicue cognoscere liceat, ad sua usque tempora scribit Eusebius I. IV. c. 3. §. 1: *Εἰσέτι δὲ φέρεται παρὰ πλείστοις τῶν ἀδελφῶν, ἀτὰρ καὶ παρ' ἡμῶν τὸ σύγγραμμα, ἐξ οὗ κατιδεῖν ἔστι λαμπρὰ τεκμήρια τῆς τε τοῦ ἀνδρὸς διανοίας καὶ τῆς ἀποστολικῆς ὁρθοτομίας. Unum tantummodo nobis fragmentum servavit Eusebius. Plura darentur, ut cum Grabbio loquar, si superstites adhuc essent alterius Eusebii, saeculo sexto episcopi Thessalonicensis, libri decem contra Andreā monachum: quem Κοδράτου (si quidem hic Quadratus est idem cum nostro) verba adversario opposuisse testatur Photius Bibl. cod. 162.*

Caeterum Dornerus ⁷⁾ opinatus est Quadrato, apostolorum discipulo, fortasse Epistolam ad Diognetum (c. 11 ἀποστόλων γενόμενος μαθητής), ex mea quidem sententia circa

7) *Entwicklungsgesch. d. Lehre von d. Person Christi*, ed. 2, P. I (Stuttg. 1845) p. 178.

aa. 133—135 scriptam, attribuendam esse: cui opinioni non assentior. Cf. librum meum De Epist. ad Diognetum. Ed. 2. Lips. 1852.

FRAGMENTUM APOLOGIAE QUADRATI.

¹ Τοῦ δὲ σωτῆρος ἡμῶν τὰ ἔργα ² αἰὲν παρῆν, ἀληθῆ γὰρ ἦν, οἱ θεραπευθέντες, οἱ ἀναστάντες ἐκ νεκρῶν, ³ οὐ οὐκ ὥφθησαν μόνον θεραπευόμενοι καὶ ἀνιστάμενοι, ἀλλὰ καὶ αἰὲν παρόντες, οὐδὲ ἐπιδημοῦντος μόνον τοῦ σωτῆρος, ἀλλὰ καὶ ἀπαλλαγέντος ἧσαν ἐπὶ χρόνον ἱκανόν, ⁴ ὥστε καὶ εἰς τοὺς ἡμετέρους χρόνους τινὲς αὐτῶν ἀφίκοντο.

Servatoris autem nostri opera semper conspicua erant, quippe quae vera essent: ii scilicet qui morbis liberati aut qui ex morte ad vitam revocati fuerunt. Qui quidem non solum dum sanabantur aut dum ad vitam revocabantur conspecti sunt ab hominibus, sed secuto deinceps tempore; nec tantum quamdiu in terris moratus est servator, verum et post eius discessum diu superstites fuerunt, adeo ut nonnulli eorum etiam ad nostra usque tempora pervenerint.

COMMENTARIUM.

1. Τοῦ ... ἀφίκοντο] Ex Eusebii Hist. eccl. l. IV. c. 3. §. 2. p. 155 ed. Heinichen 1868 (c. 4. §. 2. p. 248 ed. Laemmer 1862). Praemisit is: Ὁ δ' αὐτὸς (Quadratus) τὴν καθ' ἑαυτὸν ἀρχαιότητα παραφαίνει δι' ὧν ἱστορεῖ ταῦτα ἰδίαις φωναῖς.

2. αἰὲν παρῆν, ἀληθῆ γὰρ ἦν] Quadratus opponit, ut Routhius observavit, servatoris opera technis evanidis atque

oculos spectatorum illudentibus. Huc spectat Irenaei locus adv. haeres. I. II. c. 32. §. 3: „Ad opera producti [scil. Simonis Carpocratonisque sectatores], quae ille [Iesus] ad utilitatem hominum et firmitatem fecit, nihil tale nec simile, neque secundum aliquid in comparationem quod venire possit, perficere inveniuntur. Sed et si aliquid faciunt, per magicam, quemadmodum diximus, operati, fraudulentè seducere nituntur insensatos; fructum quidem et utilitatem nullam praestantes, in quos virtutes perficere se dicunt, adducentes autem pueros investes [h. e. impuberes, impollutos, ait Stierenus ad h. l.] et oculos deludentes et phantasmata ostendentes statim cessantia, et ne quidem stillicidio temporis [στάγματι χρόνον, ad clepsydras alludit] perseverantia, non Iesu domino nostro sed Simoni mago similes ostenduntur.“ Cf. F. C. Baur *Vorlesgn üb. d. chr. DG.* T. I. Sect. 1. p. 352 ss.

3. οἱ] Omittunt Eus. codices E^aGH et Syncellus in Chronogr. p. 658, ubi fragmentum repetitur ex Eusebio, sed corrupte admodum.

4. ὥστε κτλ.] Facile potuit accidere Quadrato, Hadriani temporibus qui scripsit, ut simul cum illis viveret quos servator hominum vel sanaverat vel ad vitam divinitus revocaverat. — Cleopae filius, dominique Iesu fortasse frater patruelis aut consobrinus, hic est Symeon, Hierosolymae episcopus, regnante Traiano, cui Hadrianus ille successit, cruci demum affixus est. Id tradit Hegesippus apud Eusebium lib. III. Hist. c. 32. Porro ipse quoque Quadratus simul cum Philippi evangelistae filiabus floruisse dicitur ab Eusebio in cap. 37 eiusd. libri. Sane vero nihil necesse fuerit ad annum septuagesimum pervenisse puerum exempli gratia aut puellam, quos Christus ad vitam revocaverat, si isti usque ad Quadrati iam adultam aetatem superstites essent. *Routhius.* Cf. Ebrard *Hdb. d. chr. Kirchen- u. Dogmen-Gesch.* T. I, Erl. 1865, p. 58 n. 5.

Hoc unum addam. Qui Martyrologium sub mentito Bedae nomine edidit, ut iam Henschenius l. c. memoravit, haec ad diem 26 Maii habet:

„Apud Athenas B. Quadrati episcopi, discipuli apostolorum. Hic firmavit, *ut nulla esca a Christianis repudiaretur, quae rationalis et humana est.*“

Unde forte aliquis colligere possit (cf. Dörner l. c. p. 178), in Quadrati Apologia hac de re actum fuisse. Sed iam Gräbner recte admonuit consarcinatorem istum ea, quae de Eleuthero episcopo romano eadem die in Martyrologio romano dicuntur, improvide ad Quadratum retulisse; illi enim papae tale placitum adscribunt Anastasius alique.

ARISTIDES.

Grabe Sec. II. p. 125 s. Fabricius-Harles Vol. VII. p. 155 coll. Vol. VI. p. 39. Routh Vol. I. p. 74. 76. 79—81.

Eusebio teste in Hist. eccl. I. IV. c. 3. §. 3 Aristides, vir fidelis, eodem fere quo Quadratus tempore Apologiam pro Christianis Hadriano imperatori tradidit. *Καὶ Ἀριστείδης δέ, πιστὸς ἀνὴρ τῆς καθ' ἡμᾶς ὁρμώμενος εὐσεβείας, τῷ Κοδράτῳ παραπλησίως ὑπὲρ τῆς πίστεως ἀπολογία ἐπιφωνήσας Ἀδριανῷ καταλέλοιπε.* Idem testatur Eusebius in Chronicis, supra p. 334 allatis, in quibus Apologiam anno 124 adsignat. Ibidem dicit Aristidem „christiani dogmatis philosophum Atheniensem“ fuisse.

Pariter Hieronymus, qui ex Eusebio sua habet, De viris illustr. c. 20. col. 847: „Aristides Atheniensis, philosophus eloquentissimus et sub pristino habitu [h. e. sub pallio] discipulus Christi¹⁾, volumen nostri dogmatis rationem continens, eodem tempore quo et Quadratus, Hadriano principi dedit, id est Apologeticum pro Christianis: quod usque hodie perseverans apud philologos ingenii eius indicium est.“ Idem in epistola 70 (84) ad Magnum scripta col. 426: „Aristides philosophus, vir eloquentissimus, eidem principi [Hadriano] Apologeticum pro Christianis obtulit, contextum philosophorum sententiis, quem imitatus postea Iustinus, et ipse philosophus.“

Apologia Aristidis saeculo quarto, Eusebii tempore, inter Christianos valde propagata erat. Hist. eccl. I. c.: *σώζεται*

1) Quare alibi apud eundem „noster philosophus“ vocatur; vid. supra p. 335. Cf. quae in Proll. ad Hermiam p. XXXIV disserui.

δέ γε εἰς δεῦρο παρὰ πλείστοις καὶ ἡ τούτου (quemadmodum Quadrati) γραφή. Dicit de eadem „Vetus Romanum Martyrologium“ p. 19 ed. Rosw.: „Hoc opus apud Athenienses inter antiquorum memorias clarissimum tenetur.“ Inde Ado Viennensis in suo Martyrologio p. 169 ed. Rosw.: „Hoc opus apud Athenienses summo honore [vulg. „genere“] colitur et inter antiquorum monumenta clarissimum tenetur, ut peritiores Graecorum affirmant.“ „Immo adhuc,“ ait Grabius praeunte P. Colomesio ²⁾, „in Bibliotheca Calogerorum, qui prope Athenas in monasterio Medelli[?] habitant, dictam Apologiam servari, in Itinerario De la Guilletière [Guillet] legimus ³⁾. Quam in rem ut peregrinantes istis in locis diligentius inquirant, et si laudata Apologia ibi haberi posset, eam publico ecclesiae commodo in lucem producant, omnes antiquitatis ecclesiasticae studiosi mecum, puto, optabunt.“ Sed spes Grabii Fabricii Neandri Guerickii ⁴⁾ aliorum perierunt. Minime latitat Apologia Aristidis in illo monasterio Pentelici montis. Accipe quae ea de re mense Martio a. 1860 mecum communicavit Constantinus Kontogonis, clarissimus theologus Atheniensis:

„Μοναστήριον ἐν τοῖς πέριξ τῶν Ἀθηνῶν, δύο ὥρας ἀπέχον τῆς πόλεως (ἐάν τις ἀπέλθῃ εἰς αὐτὸ ἔφιππος ἢ ἐφ' ἀμάξης), σώζεται καὶ τὴν σήμερον ἐπὶ τοῦ Πεντελικοῦ ὄρους, ἡ λεγομένη Μονὴ τῆς Πεντέλης, ἣτις πάντως διετηρεῖτο καὶ ἐπὶ τῶν χρόνων τοῦ De la Guilletière, ὅστις κατὰ πιθανὸν λόγον γράφει

2) Paralipom. de scriptt. eccles. (1688): Opp. ed. I. A. Fabricius, Hamb. 1709, p. 685.

3) Athènes ancienne et nouvelle. Ed. 2, Par. 1675, p. 146. De hoc itinerario cf. Chateaubriand Itinéraire de Paris à Jérusalem (Oeuvres Par. 1836. T. II) p. 205: „Cet ouvrage ... n'est qu'un roman.“ Pro „Medelli“ debbat Guilleterius scribere „Penteli“ (in Pentelico monte), ut iam I. Sponius monuit: Voyage d'Italie de Dalmatie etc. T. II, Amst. 1679, p. 94 s.

4) Grabe et Fabricius ll. cc. — Neander *Allg. Gesch. d. chr. R. u. K.*, ed. 2, T. I. P. 2. p. 1141 s. — Guericke *Hdb. d. KG.*, ed. 9, T. I. p. 100.

παρεφθαρμένως Μεδέλλι ἀντὶ Πεντέλης· ὅτι ὅμως ἐν τῷ μοναστηρίῳ τούτῳ ὑπάρχει βιβλιοθήκη, ἣ σώζονται χειρόγραφα, καὶ μάλιστα τὸ τῆς Ἀπολογίας τοῦ Ἀριστείδου, τοῦτο, κατὰ δυστυχίαν, τοῦλάχιστον ἐν ταῖς ἡμέραις ἡμῶν, μετὰ τὴν ἐπανάστασιν, δὲν ἀληθεύει. Ἐγὼ αὐτός [h. e. Kontogonis], ἐπισκεφθεὶς πολλάκις τὸ εἰρημένον μοναστήριον, οὔτε βιβλιοθήκην εἶδον, οὔτε βιβλία ἄλλα (πολλῶ ἦττον χειρόγραφα) παρὰ τὰ εὔχρηστα ὄντα εἰς τὴν ἐκκλησιαστικὴν ἀκολουθίαν [h. e. in liturgia]· τοῦτο αὐτὸ ἐβεβαίωσέ μοι, ἐρωτηθεὶς, καὶ ὁ νῦν ἡγούμενος τῆς μονῆς ταύτης. Ὡσαύτως δὲ καὶ ἐν τοῖς λοιποῖς μοναστηρίοις πλησίον τῶν Ἀθηναίων, οἷον ἐν τῷ τῶν Ἀσωμάτων (τοῦ Πετράκη νῦν λεγόμενῳ), ἐν τῷ τοῦ Δαφνίου, ἐν τῷ τῶν Κλειστών (ἐν τῇ Φυλῇ ἢ Χασιῇ), δὲν ὑπάρχουσι βιβλία, οὐδὲ χειρόγραφα. Πόθεν δὲ ὁ De la Guilletière ἔλαβε τὴν πληροφορίαν ὅτι ἐν τῷ μοναστηρίῳ Μεδέλλι, ἣ ἐν ἄλλῳ τινὶ τοιούτῳ, ἐσώζετο χειρόγραφος καὶ ἀνέκδοτος ἡ Ἀπολογία τοῦ Ἀριστείδου, περὶ τούτου ὄντως ὑπάρχει μέγα καὶ ἄλυτον τὸ ἄπορον.“

EX APOLOGIA ARISTIDIS.

I.

Vetus Romanum Martyrologium (opera et studio Herib. Rosweydi. Antv. 1613. Fol.) p. 19 haec habet ad V Nonas Octobris:

„*Athenis Dionysii Areopagitae, sub Adriano diversis tormentis passi, ut Aristides testis est in opere quod de christiana religione composuit.*“

Ado, Viennensis archiepiscopus († 875), qui c. a. 860 scripsit, in Martyrologio (quod cum illo Vet. Rom. Martyr. edidit Rosweydu) p. 169 ad V Non. Octob.:

„*Natalis sancti Dionysii Areopagitae, qui ab apostolo Paulo instructus credidit Christo, et primus apud Athenas ab eodem apostolo episcopus est ordinatus, et sub*

Adriano principe post clarissimam confessionem fidei, post gravissima tormentorum genera, glorioso martyrio coronatur: ut Aristides Atheniensis, vir fide sapientiaque mirabilis, testis est in eo opere quod de christiana religione composuit.“

Usuardus, San-Germanensis monachus, in Martyrologio, scripto inter a. 869 et 877 (ad autogr. fidem ed. Iac. Bouillart, Par. 1718. 4^o), p. 162 ad V Non. Octob.:

„Natalis beati Dyonisii [sic] episcopi et martyris, qui post clarissimam confessionem fidei, post gravissima tormentorum genera, glorioso martyrio coronatus est, ut testatur Aristhides [sic] Atheniensis, vir fide sapientiaque mirabilis, in eo opere quod de christiana religione composuit.“

COMMENTARIUM.

Dionysium τὸν Ἀρεοπαγίτην (Actt. apostt. 17, 34) primum Atheniensium episcopum fuisse communis ecclesiae sententia pronuntiavit. Eusebius Hist. eccl. l. IV. c. 23 §. 3 (coll. l. III. c. 4. §. 10): *Ἀηλοῖ δ' ἐπὶ τούτοις* (Dionysius Corinthius episcopus), *ὥς καὶ Διονύσιος ὁ Ἀρεοπαγίτης ὑπὸ τοῦ ἀποστόλου Παύλου προτραπείς ἐπὶ τὴν πίστιν κατὰ τὰ ἐν ταῖς Πράξεσι δεδηλωμένα πρῶτος τῆς Ἀθήνησι παροικίας τὴν ἐπισκοπὴν ἐγκειρίστο.* Cf. Constitt. apost. l. VII. c. 46.

Eundem Dionysium martyrem fuisse Aristides in Apologia sua scribit, secundum illa Martyrologia. Nec equidem dubitaverim, quin Aristides scripserit.

At vero quod de Dionysii sub Hadriano passione illorum Martyrologiorum scriptores referunt, si unum Usuardum exceperis, id Aristidi affictum est. Ad haec de martyrio Dionysii sub Hadriano ex illo „Veteri Romano Martyrologio“ (cuius verba supra attuli) desumit, quod ipse „a

quodam religioso fratre aliquot diebus praestitum se Ravennae positum diligenti cura transcripsisse“ narrat, simul dicens eodem libro se in suo Martyrologio adornando „adiutum“ fuisse. Cf. Rettberg in *Herzogii Real-Encyklop. für protest. Theol. u. K.* T. I. p. 104. Huius autem Veteris Romani Martyrologii compilatorem, Adone (ut videtur) non multo antiquiorem, facile fuit vel consulto hanc de Dionysiana sub Hadriano passione fabulam indulsisse, vel etiam nullo animi consilio sed sola incogitantia falli, vel ipsum primo vel alios, ex quibus haec descripsit, quae ad Aristidis sub Hadriano scribentis aevum pertinebant, ea ad Dionysii martyrium transferre imprudentes. Ipsam certe Aristidis Apologiam — id quod contra Mochlerum (*Patrologie* T. I. p. 310) aliosque monendum est — non vidisse illorum Martyrologiorum auctores verisimillimum est, si hominum et genus et saeculum spectas; idem verba indicant, quae post „composuit“ auctor Veteris Romani Martyrologii addidit: „Hoc opus apud Athenienses inter antiquorum memorias clarissimum tenetur.“ Quibus Ado adiicit: „ut peritiores Graecorum affirmant.“ Itaque libri pretium ex solo aliorum iudicio affirmant, quid ipsi de eo sentiant tacentes. Quid? Procul dubio compiler ille in codicis, quo usus est, margine scriptum ab aliquo reperit „sub Adriano,“ idque ad Dionysii passionem retulit, quod qui addiderat de Aristidis aetate intellexerat. Facilis error, neque a malo animo, et tamen gravis. Cf. Io Dallaeus *De scriptis Dionysii Areop. et Ignatii Ant.*, Gen. 1666. 4^o, p. 88 ss.

II.

Aliud exstat in Martyrologiis de Apologia testimonium, vel saltem de Aristide ipso.

Ado l. c. p. 147 hoc posuit ad II Calendas Septembris:

„Eodem die apud Athenas [scil. natalis] beati Aristidis, fide sapientiaque clarissimi, qui Adriano principi de religione christiana libros [sic] obtulit, et quod Christus Iesus solus esset deus praesente ipso imperatore luculentissime peroravit.“

Usuardus l. c. (ad II Cal. Sept.) p. 143 s. ad verbum cum Adone consentit. Neque ab his nisi leviter discrepat Notkerus cognomento Balbulus, monachus S. Galli († 912), in Martyrologio (ed. princ. ex Bibliotheca S. Galli) ad II Cal. Sept. Is enim pro „solus“ dedit „verus“ et „iocundissime“ pro „luculentissime.“

Accedit novum Martyrologium Romanum (Caes. Baronii notationibus illustratum. Antv. 1613. Fol.) p. 370 ad d. 31 Augusti:

„Athenis sancti Aristidis, fide et sapientia clarissimi, qui Hadriano principi de religione christiana volumen obtulit, nostri dogmatis continens rationem, et quod Christus Iesus solus esset deus praesente ipso imperatore luculentissime peroravit.“

COMMENTARIUM.

Lapsus notandus est, de Aristide coram Adriano perorante, natus — nisi egregie fallor — ex graecis (Menologii?) verbis ἀπολογία ἐπιφωνήσας Ἀδριανῷ καταλέλοιπε (ap. Euseb. l. IV. c. 3. §. 3; coll. Syncell. p. 658: τῷ αὐτοκράτορι προσεφώνησεν Ἀδριανῷ) male intellectis. Eundem errorem infra in Melitone notavi.

Tota clausula, „et quod Christus Iesus solus esset deus“ etc., quae non sit in Veteri Romano Martyrologio, Ioanni Pinio (Actt. SS. Augusti T. VI. p. 650) non satis probatur. Sed sententia, qua divinitas Christo tribuitur, non abhorret ab ista apologetarum aetate. Plinius

lib. X epist. 96 (al. 97): ... „quod essent soliti ... carmen Christo, quasi deo, dicere.“ Anonymus scriptor apud Eusebium I. V. c. 28. §. 4 s.: ... λέγω δὲ Ἰουστίνου ... καὶ ἑτέρων πλειόνων, ἐν οἷς ἅπασι θεολογεῖται ὁ Χριστός (h. e. in quorum omnium libris Christo divinitas adstruitur). ... Ψαλμοὶ δὲ ὅσοι καὶ ᾠδαὶ ἀδελφῶν ἀπ' ἀρχῆς ὑπὸ πιστῶν γραφεῖσαι τὸν λόγον τοῦ θεοῦ τὸν Χριστὸν ὑμνοῦσι θεολογοῦντες. Plura dedit Baumgarten-Crusius *Comp. d. christl. Dogmengesch.* P. II. p. 143. Cf. quae infra in Commentariis ad Miltiadem disserui. Offensionem certe habet vox „solus“ vel (Notk.) „verus“. Routhio „solus“ praeferendum videtur: h. e. exclusis diis gentilium. Ita in Vita S. Porphyrii Gazensis auctore Marco Diacono c. 3. §. 20: „Quidam vero gentiles cum adspexissent miracula, quae nobis deus fecerat, ... clamantes *Christus solus deus, ipse solus deus, ipse solus vicit.*“

ARISTO.

Grabe Sec. II. p. 127—133. Gallandi Tom. I. p. LXXIV—LXXVI et 331. Fabricius-Harles Vol. VII. p. 156—158. Routh Vol. I. p. 93—109.

Aristo (*Ἀρίστων* graecum nomen idque satis frequens), ut testatur Eusebius Hist. eccl. l. IV. c. 6. § 3, Pellaeus fuit, ex Pella Peraeae oppido (in Decapolitana Syriae regione: Plin. Hist. nat. l. V. c. 18. sect. 16), quo migrarunt Christiani ante obsidionem Hierosolymorum (Eus. l. III. c. 5. §. 3). Hic autem ex Iudaeo, ut videtur, Christianus, qui ut Quadratus et Aristides non ita multo post apostolorum tempora floruit, literis consignavit *Διάλεξιν Παπίσκου καὶ Ἰάσονος*, h. e. Disputationem Iasonis et Papisci, id quod Maximus abbas et confessor († 662), auctor locupletissimus¹⁾, testatur in scholiis ad Pseudo-Dionysium De mystica theologia c. 1 (S. Dionysii Opp. ed. Corder. T. II) p. 17. Moshemius²⁾ observavit Aristonem, quoniam dialogi formam libro suo induerit, platonicae philosophiae fortasse deditum fuisse.

Si Eusebium et Maximum atque Chronici paschalis auctorem exceperis, de quo infra dicam, a scriptoribus ecclesiasticis, quod sciam, Aristo Pellaeus non memoratur. Fuerunt quidem (Keil. ap. Fabric.-Harl. l. c. p. 156) qui, quum Pseudo-Clemens in Constitut. apostol. l. VII. c. 46 inter Smyrnensis ecclesiae episcopos duorum Aristonum, nulla

1) Cf. Wagenmann in *Herzogii Real-Encyklop. für protest. Theol. u. K.* T. XX (1866) p. 114 ss.

2) In notis ad versionem operis Origen. c. Celsum vernac. p. 430.

tamen patriae ipsorum significatione adiecta, mentionem faciat³⁾, suspicarentur horum posteriorem esse illum Eusebii et Maximi Aristonem. Sed obstat ratio temporum. „Si enim,“ ut Grabius admonuit, „vera est Pseudo-Clementis traditio (cui tamen Suidas in voce Πολύκαρπος aliique recentiores Graeci contradicunt): Aristo, tertius Smyrnae episcopus, ante Hadriani tempora mortem obierit necesse est, quia Polycarpum iam sub Traiano et ulterius sub Hadriano atque Antonino Pio ecclesiae Smyrnensi praefuisse constat.“ At Aristo Pellaeus sub Hadriani et Antonini Pii imperio floruit. Ac eum quidem post annum Hadriani decimum nonum Διάλεξιν supra dictam scripsisse, ex Eusebii loco iam laudato l. IV. c. 6 (Fragm. I) patescit; neque post Antoninum Pium hanc Disputationem esse editam, inde licet colligere quod Celsus, qui huius imperatoris tempore et paullo post vixit⁴⁾, eius mentionem fecerit, conceptis verbis dicens: Παπίσκου τινὸς καὶ Ἰάσονος ἀντιλογίαν ἔγνω. Cf. Origen. c. Cels. l. IV. c. 52 (Opp. ed. Lommatzsch. T. XIX) p. 82.

Itaque Διάλεξιν, sive potius Ἀντιλογίαν (h. e. Contentionem sive Altercationem), circiter intra annos 136 et 160 fuisse literis consignatam existimo⁵⁾.

Hanc tamen Disputationem, si illum Maximum l. c. audias, Clemens Alexandrinus Lucae evangelistae adscripsit; ... ἐν τῇ συγγεγραμμένῃ Ἀρίστωνι τ. II. Διαλέξει Παπίσκου καὶ Ἰάσονος, ἣν Κλήμης ὁ Ἀλεξανδρεὺς ἐν ἑκτῷ βιβλίῳ τῶν Ὑποτυπώσεων τὸν ἅγιον Λουκᾶν φησιν ἀναγράψαι. Sed qua id ratione fieri potuerit, non liquet, quum res aliquamdiu post Lucae mortem gestae (cf. Fragg. I) in illa fuerint relatae. Itaque Grabio videtur ὄν (sc. Ἰάσονα) pro vulg. ἦν repouendum. Nempe huius Iasonis mentionem a Luca factam

3) Σμύρνης δὲ Ἀρίστων πρῶτος, μεθ' ὃν Στραταίας ὁ Λαῳῖδος, καὶ τρίτος Ἀρίστων.

4) Cf. Redepenning *Origenes* P. II. p. 131.

5) Auctor Chronici paschalis adscripsit anno 134.

esse, in Actis apostolorum (c. 17), aliquot etiam theologi recentiores dixerunt, quos infra afferam.

Eandem Disputationem Origenes novit. Qui l. c. (p. 82 s.), postquam iniquum Celsi de ea iudicium (*Παπίσκου τινὸς καὶ Ἰάσονος ἀντιλογίαν ἔγνων, οὐ γέλωτος ἀλλὰ μᾶλλον ἐλέους καὶ μίσους ἄξιον*. "Εμοιγ' οὖν οὐ ταῦτ' ἐλέγχειν πρόκειται· ἔστι γὰρ παντί που δῆλα.) recitavit, ita respondet ut quo consilio scripta sit perspicias. „Etenim si quis hunc libellum aequiore animo perlegerit, eum comperiet neutiquam ridiculum esse aut odio dignum: in quo scilicet Christianus inducitur cum Iudaeo disputans, atque ex ipsis Iudaeorum Scripturis evincens oracula prophetarum de Christo ad Iesum pertinere, quamvis strenue satisque iudaice contradicat adversarius.“ *Οὐδὲν δ' ἦπτον, inquit, ἐβουλόμην πάνθ' ὄντινούν ἀκούσαντα δεινολογοῦντος Κέλσου, καὶ φάσκοντος τὸ ἐπιγεγραμμένον σύγγραμμα, Ἰάσονος καὶ Παπίσκου ἀντιλογίαν περὶ Χριστοῦ* (haec genuina libri inscriptio videtur fuisse), *οὐ γέλωτος ἀλλὰ μίσους ἄξιον εἶναι, λαβεῖν εἰς χεῖρας τὸ συγγραμμάτιον καὶ ὑπομεῖναι καὶ ἀνάσχεσθαι ἀκοῦσαι τῶν ἐν αὐτῷ, ἵν' αὐτόθεν καταγνῶ τοῦ Κέλσου, μηδὲν εὐρίσκων μίσους ἄξιον ἐν τῷ βιβλίῳ· ἐὰν δ' ἀδεκάστως τις ἐντυγχάνῃ, εὐρήσει ὅτι οὐδ' ἐπὶ γέλωτα κινεῖ τὸ βιβλίον, ἐν ᾧ ἀναγράφεται Χριστιανὸς Ἰουδαῖω διαλεγόμενος ἀπὸ τῶν Ἰουδαϊκῶν γραφῶν καὶ δεικνὺς τὰς περὶ τοῦ Χριστοῦ προφητείας ἐφαρμόζειν τῷ Ἰησοῦ, καίτοι γε οὐκ ἀγεννῶς οὐδ' ἀπρεπῶς τῷ Ἰουδαϊκῷ προσώπῳ τοῦ ἐτέρου ἱσταμένου πρὸς τὸν λόγον.* Quod autem ex Origene l. c. c. 53. p. 84 collegit Tillemontius⁶⁾, eiusdem libelli auctorem hocce effatum ursisse, ad mores informandos quam maxime utile: „Omnis sapientiae (σοφίας Spenc., ὠφελείας Ruaeus et Lommatzsch.) fontem ac principium esse deo universorum credere et actiones omnes eo referre ut deo placeant ac ne cogitare quidem quidquam quod ei displiceat, quippe quum non dicta solum et facta sed etiam cogitationes iudicandae sint:“ id quidem

6) Mémoires T. II (1694) p. 150.

minus recte collegisse comperitur. Nam haec sententia non Aristoni tribuenda, sed ipsimet Origeni, qui eam velut commune principium commemorat omnium ecclesiae scriptorum, ut praeunte Marano ⁷⁾ rite advertit Gallandius.

Meminit Hieronymus quoque eiusdem „Altercationis Iasonis et Papisci.“ Cf. Fragm. II et III.

Personas inter se disputantes quod attinet, Iason Hebraeus Christianus fuit et Papiscus Alexandrinus Iudaeus, teste libri interprete, Celso quodam, cuius verba inferius referam. Forsitan fictae fuerunt personae, ut in Dialogis interdum fieri solebat. Nam, ut iam Grabius observavit, aptissime Christiano imponi poterat nomen (graecum) Iasonis, quippe quod (iudaico) nomini Iesu congruere videretur ⁸⁾. Sed fuerunt qui aliter statuerent. Post Sixtum Senensem ⁹⁾ ac Pamelium, Cypriani editorem, Iulius Bartoloccius ¹⁰⁾, alios ut praeteream, Iasonem istum putavit eundem fuisse cum Iasone Thessalonicensi, Pauli apostoli hospite, cuius Lucas in Actt. apostt. 17, 5—7. 9 (coll. Epist. ad Rom. 16, 21) meminit. Sed nullo prorsus momento nititur haec coniectura. Episcopum potius aut saltem presbyterum illum fuisse Gallandius crediderit cum Marano ¹¹⁾, quum Celsus interpres dicat: Papiscus, veritatis luce percussus, ut signaculum sumeret deprecatus Iasonem postulavit.

Iamdudum periit operis Aristoniani et textus graecus et perantiqua versio latina, a Celso illo, sene christiano, elaborata. Huius tamen viri superest praefatio sive epistola, qua Vigilio episcopo interpretationem suam nuncupavit, inter

7) „Vita S. Cypriani“, huius Opp. praefixa (Par. 1726) col. CXXX.

8) Hebraeos Graecorum causa nomen Iesu in Iasonis mutasse docet exemplum summi pontificis Iesu, de quo Iosephus Antiqq. iud. I. XII. c. 5. §. 1 ait: Ὁ μὲν οὖν Ἰησοῦς Ἰάσωνα ἑαυτὸν μετωνόμασεν. Cf. Winer *Bibl. Realwörterb.* (ed. 2) T. I. p. 631.

9) *Biblioth. S.*, Venet. 1566. Fol., p. 122.

10) *Biblioth. magn. Rabbin.* P. III, Rom. 1683. Fol., p. 2.

11) *Vit. Cypr.* I. c.

opuscula vulgo adscripta S. Cypriano ¹²⁾. Dictum autem Vigilius, I. A. Fabricio ¹³⁾ facem praeferente, scite coniecit Gallandius ¹⁴⁾ Tapsitanum fuisse, qui saeculo quinto desinente claruit.

Aliud insuper opus Aristo edidisse fertur, si Chronicon paschale audias iuxta textum vulgarem ad Olymp. 228, 2 vel ann. Chr. 134, p. 477 ed. L. Dindorf. Habet sic: *Τούτῳ τῷ ἔτει Ἀπελλῆς καὶ Ἀρίστων, ὧν μέμνηται Εὐσέβιος ὁ Παμφίλου ἐν τῇ ἐκκλησιαστικῇ αὐτοῦ ἱστορίᾳ, ἐπιδίδωσιν ἀπολογίας σύνταξιν περὶ τῆς καθ' ἡμᾶς θεοσεβείας Ἀδριανῷ τῷ βασιλεῖ.* Quibus verbis hanc Ducangii notam Dindorfius (Vol. II. p. 329) addidit: „Meminit quidem Eusebius lib. IV Hist. Eccl. aliquot apologiarum pro Christianis Hadriano oblatarum, Aristidis et Quadrati c. 3, Antonino vero Iustini Martyris c. 8. 11. 18. Sed de Apelle et Aristone silet, tametsi Aristonem Pellaeum laudet c. 6, non indicato operis titulo. Iure igitur totam hanc periochen omittit codex Holstenii.“ Quid? Id quod iam Fabricius et nuper C. B. Hasius ¹⁵⁾ animadverterunt, legendum est ὁ Πελλαῖος Ἀρίστων οὗ (pro Ἀπελλῆς καὶ Ἀρίστων ὧν), idque confirmat quod sequitur ἐπιδίδωσιν, non ἐπιδιδούσιν. Scilicet Chronici illius auctor, cui Aristonis Disputatio ignota erat, ex loco Eusebiano (l. IV. c. 6. §. 3), quo Hadriani contra Iudaeos edictum memoratur ac verbis quidem additis Ἀρίστων ὁ Πελλαῖος ἱστορεῖ, — temere collegit Aristonem ista de edicto Hadrianali scripsisse in libello apologetico, quem Hadriano obtulerit.

Illam autem Eusebii, qui altum de inscriptione operis Aristoniani silentium obtinet, ratio loquendi l. IV. c. 6, Ἀρίστων

12) Exstat haec praefatio („de iudaica incredulitate,“ continens capp. 10) in Cypriani Opp. ed. Maran., Par. 1726. Fol., Append. col. CCXXXIII—CCXLII.

13) Delect. argumentt. et syllab. scriptt. etc. p. 153.

14) Biblioth. vett. Patr. T. IV. Proll. p. XIX.

15) Fabricius Delect. l. c. et Hase Journ. des Savants a. 1852. p. 621.

ὁ Πελλαῖος ἱστορεῖ, aliis quoque ansam errandi dedit. Etenim Scaliger ¹⁶⁾ Aristonis Pellaei verba esse existimavit quaecunque leguntur apud Eusebium l. c. §. 3 inde a vocibus Ἀκμάσαντος δὲ τοῦ πολέμου κτλ. Cui tamen iure meritoque non assentitur Valesius, Eusebii editor. „Nam“, inquit ad l. c., „et verba ipsa Eusebii stilum prorsus redolent; et Aristo Pellaeus obsidionem illam Bettharae et expugnationem Iudaeorum fusius prosecutus fuerat. Quodsi ipsa essent Aristonis verba, nequaquam id tacuisset Eusebius. Nam quoties verba ipsa auctorum adducturus est, semper de eo lectorem admonet. Cum autem addit ἱστορεῖ vel ἱστοροῦσι, indicat eam rem a scriptoribus illis quos laudat fusius commemorari.“ Perinde quasi crederet Valesius designari ab Eusebio aliud quoddam Aristonis opus, „Obsidionem Bettharae et expugnationem Iudaeorum,“ ¹⁷⁾ huic opinioni se opponit Grabius. „Ait quidem Eusebius: Ἀρίστων ὁ Πελλαῖος ἱστορεῖ. Sed ipse Valesius recte vertit: *Scribit Aristo Pellaeus*. Et Hesychius quoque in Lexico ἱστορεῖ reddit μαρτυρεῖ. Unde non necesse est Historiam peculiari opere elaboratam inde inferre, sed omnino verosimile quod Aristo verba, quae ibi Eusebius habet, in Disputatione contra Pappiscum protulerit, perinde ut Tertullianus eadem Iudaeis in suo contra eos tractatu [c. 13] obiecit [prophetarum vaticinia eventu comprobata], aut forte hic Aristonem, sicuti facere solet, exscripsit.“

Iam vero Gallandius, quocum Keilius et Danzius ¹⁸⁾ sentiunt, suspicatus est Aristonem etiam „Historiam rerum orientalium“ exarasse. „Siquidem Moses Chorenensis [qui saeculo quinto floruit, auctor levis nec satis fidus], armeniace et latine a Guilielmo et Georgio Wisthoniis Londini evulgatus, complura refert in sua Historia Arme-

16) Animadv. in Euseb. Chron., Lugd. Bat. 1606. Fol., p. 198.

17) Cf. Io. Gottfr. Olearius Biblioth. scriptor. eccles. p. 76.

18) Keil ap. Fabric.-Harl. p. 157 et Danz De Eusebio Caes., Ien. 1815, p. 127.

niaca, lib. II. c. 57. p. 174, ex auctore nostro descripta ¹⁹⁾: quorum nonnulla cum iis gemina esse perhibentur quae ex ipso Aristone tradit Eusebius I. IV. c. 6.“ ²⁰⁾ Itaque existimandum foret Aristonem Historiam orientalem conscripsisse, ex qua sua desumsissent Eusebius (*Ἀρ. ὁ Π. ἱστορεῖ*) et Moses. Ast calculo critico prorsus indigna est ista coniectura, ut probe advertit Routhius. „Nata mihi est suspicio“, inquit, „haud sumta esse Mosis ista ex ulla id genus historia, sed solum ex Historia Eusebiana, quae quidem auctori bene innotuerat, dum caetera ad res orientales spectantia a Mose ipso, vel ab alio quopiam, admista sunt. En consimile apud hunc auctorem fraudis seu vanitatis exemplum, quod suspicionis meae firmandae causa adducam. Is enim c. 72 eiusdem libri II Firmiliano, celebri Cappadocum episcopo, opus de ecclesiae persecutionibus attribuit, in quo regum quoque acta Firmilianus subtexuisse dicitur. In hac autem historia, omnibus hactenus — aequae atque illa Aristonis — ignota, auctorem fuisse Firmilianum Petrum, sextum decimum Alexandriae episcopum, anno nono vexationis martyrium subiisse, Moses refert. Verissimum id est, et ab Eusebio quidem memoratum, subiisse eo anno Petrum martyrium; sed falsum est, tradidisse illud Firmilianum, qui, eodem narrante Eusebio I. VII. c. 30, quadraginta ante annis vita decesserat. Constat Mosem ista quidem de Petro Alexandrino ab Eusebio, non a Firmiliano, mutuatum fuisse; additis simul a Mose ipso, vel a Mose ex alio quopiam sumtis, rebus ad historiam orientis pertinentibus.“

19) „Artasis (regis Armeniaci) mortem praeclare tradit Aristo Pelaeus. Siquidem per ea tempora Iudaei ab Adriano rege Romano defecerunt et cum Rufo Hipparcho conflixerunt“ etc. usque ad verba „Artases de vita discessit.“ Tum pompa exequiarum regis describitur.

20) L. IV. c. 6. §. 1—4: *Καὶ δὴτα τῆς Ἰουδαίων ἀποστασίας αὐθις εἰς μέγα καὶ πολὺ προσελθούσης, Ποῦφος ἐπάρχων τῆς Ἰουδαίας κτλ.* usque ad voces *τὴν τῶν ἐκείσε λειτουργίαν ἐγχειρίζεται Μάρκος.*

FRAGMENTA DISPUTATIONIS IASONIS ET PAPISCI AB ARISTONE CONSCRIPTAE.

Celsus quidam in Praefatione sua versionis deperditae huius operis Aristoniani c. 8 (Cypriani Opp. ed. Maran. Par. 1726. Fol. Append.) col. CCXXXVIII: 21)

Illud praeclarum atque memorabile gloriosumque Iasonis Hebraei Christiani et Papisci Alexandrini Iudaei disceptationis occurrit: Iudaici cordis obstinatam duritiam brevi admonitione²²⁾ ac leni increpatione mollitam²³⁾, et victricem in Papisci corde Iasonis de spiritus sancti infusione doctrinam. Qua Papiscus ad intellectum veritatis admissus, et ad timorem domini ipso domino miserante formatus, et Iesum Christum filium dei credidit, et ut signaculum sumeret deprecatus Iasonem postulavit. Probat hoc scriptura Concertationis ipsorum, quae collidentium inter se, Papisci adversantis veritati et Iasonis adserentis et vindicantis dispositionem et plenitudinem Christi, graeci sermonis opere signata est: ad cuius translationem ad intellectum latinum, animante dei ope et iuvantis²⁴⁾ fidei firmitate, servata verborum proprietate, intrepidus accessi.

I.

Eusebius Hist. eccl. l. IV. c. 6. §. 3. p. 157 ed. Heinichen (c. 8. §. 3. p. 252 ed. Laemmer).

¹ Τὸ πᾶν ἔθνος ἐξ ἐκείνου καὶ Universa (Iudaeorum) gens ex
τῆς περὶ τὰ Ἱεροσόλυμα γῆς eo deinceps tempore in regio-

21) De hoc Celso eiusque praefatione (sive epistola nuncupatoria) ad Vigilium episcopum vide supra p. 352 s. Illa praefatio etiam in Galland. Bibl. vett. Patr. T. IV. p. 437—440 exstat.

22) Pro „brevis admonitione“, quod Maranus ex codice msto Remigiano reposuit, vulgo legebatur „Hebraea monitione.“ — Hinc vero brevem fuisse hanc Disputationem colligimus.

23) Subaudi verbum „esse“ cum „mollitam“ et „victricem“.

24) Sic, pro vulg. „viventis“, ex Remig. dedit Maran.

πάμπαν ἐπιβαίνειν εἴργεται, νό-
μου ² δόγματι καὶ διατάξεσιν
Ἀδριανοῦ, ὡς ἂν μηδ' ἐξ ἀπό-
πτου θεωροῖεν τὸ πατρῶον ἔδα-
φος, ἐγκειλευσάμενον. Ἀρίστων
ὁ Πελλαῖος ἱστορεῖ.

nem circa Hierosolyma sitam
pedem inferre prohibita est,
lege et constitutionibus Ha-
driani: adeo ut ne quidem ex
longinquo patrium solum pro-
spicere ipsis liceret, ut Aristo
Pellaeus scribit.

II.

Hieronymus lib. II Commentar. in ep. ad Galat. c. III. v. 13 (Opp. ed.
Vallars. Tom. VII. Veron. 1737) col. 436.

*Memini me in Altercatione Iasonis et Papisci, quae graeco
sermone conscripta est, ita reperisse: ³ Λοιδορία θεοῦ ὁ
κρεμᾶμενος, id est Maledictio dei qui appensus est.*

III.

Idem in Quaestionibus hebraicis in libro Geneseos (E recognitione Pauli
de Lagarde. Lips. 1868) p. 3.

⁴ *In principio fecit deus caelum et terram. Ple-
rique aestimant, sicut in Altercatione quoque Iasonis et Pa-
pisci scriptum est, et Tertullianus in libro contra Praxeam
disputat, nec non Hilarius in expositione cuiusdam psalmi
affirmat, in hebraeo haberi: In filio fecit deus cae-
lum et terram. Quod falsum esse rei ipsius veritas com-
probat.*

IV.

Maximus in scholiis ad Dionysium De mystica theologia c. 1 (Dionys.
Opp. ed. Corder. Tom. II) p. 17.

Ἀνέγνων δὲ τοῦτο, ⁵ ἑπτὰ οὐ-
ρανούς, καὶ ἐν τῇ συγγεγραμ-
μένῃ Ἀρίστωνι τῷ Πελλαίῳ Δια-
λέξει Παπίσκου καὶ Ἰάσονος.

Legi hoc, septem coelos,
etiam in Disputatione Papisci
et Iasonis ab Aristone Pellaeo
conscripta.

COMMENTARII.

Fragmentum I. 1. Τὸ πᾶν ἔθνος κτλ.] Ego ea tantum „Τὸ πᾶν ἔθνος . . . ἐγκλεινσαμένον“, immo potius ista sola „ὥς ἂν μὴδ' ἐξ ἀπόπτου θεωροῖεν τὸ πατρῷον ἔδαφος“ Aristonis verba esse conicio, quia Tertullianum lib. contra Iudaeos cap. 13 iisdem illos alloquentem reperio: „Vobis pro meritis vestris post expugnationem Hierusalem prohibitis ingredi in terram vestram, de longinquo eam oculis tantum videre permissum est.“ Ubi tamen Tertullianus negativam in affirmativam convertit, ut misera haec Iudaeorum fata adaptaret prophetiae Iesae (cap. 33. vers. 17 iuxta LXX interpretum versionem), immediate ante citata verba ab eo allegatae: *Oculi vestri videbunt terram de longinquo.* Qua in re ille non solum decreto Hadriani, sed et sibi ipsi contrarius est, quia paullo ante eodem capite 13 scripsit: „Interdictum est, ne in confinio ipsius regionis demoretur quisquam Iudaeorum, ut hoc quoque esset adimpletum per prophetam (Ies. c. 1. v. 7): *Terra vestra deserta, civitates vestrae igni exustae.*“ Si igitur interdictum fuit Iudaeis in confinio Palaestinae habitare, haud licuit ipsis omnino terram sanctam oculis usurpare. *Grabius.* — Totum Eusebii caput, tanquam si verba ipsa fuissent Aristonis, Historiae suae inseruit Nicephorus lib. III. c. 24. [Eumque secutus est C. Müller in *Fragmm. historr. graecc.* T. IV, Par. 1851. 4^o, p. 328.] Quod quidem perperam factum. Sed plura interea ad Aristonem pertinere posse, quam ea quae Grabius agnovit, vix negandum. *Routhius.* — Edicti verba sunt Aristonis, quod patescit ex Eusebio; reliqua de bello ad Bettharam gesto sunt Eusebii, qui ex alio scriptore veteri, si non ex Pellaeo, hausit. Iustinus Mart. *Apol.* I. c. 47: Ὅτι δὲ φυλάσσεται ὑφ' ὑμῶν ὅπως μὴδεὶς ἐν αὐτῇ γένηται, καὶ θάνατος κατὰ τοῦ καταλαμβανομένου Ἰουδαίου εἰσιόντος ὤρισται, ἀκριβῶς ἐπίστασθε. Cf. quae ad h. l. (*Corp. Apoll.* Vol. I, ed. 2, p. 113) observavi. Greg. Abulpharagius sive Bar-Hebraeus *Chronic. syriac.*

(ed. Bruns et Kirsch, Lips. 1789. 4^o, P. II) p. 54: „Hierosolymis funditus eversis, urbs ibi condita est, quae Aelia Hadriani appellabatur. Illuc populos peregrinos deduxit, Iudaeis aures praecidi iussit, iisque mandavit ut ne ex longinquo quidem ad locum istum respicerent.“ Semel in anno urbem Aeliam Iudaeis ingredi licuisse, scilicet quo die Hierosolyma a Tito diruta fuerunt, magnoque pretio hanc licentiam ab illis redemptam fuisse, firmat Scaliger (loco supra n. 16 laudato) ex Itinerario Burdigalensi, a P. Pithoeo edito, et Hieronymo in cap. 2 Sophoniae. Rem Vallesius (ad Euseb. l. c.) probat etiam ex Gregorio Naz. Orat. 12. Denique Routhius causam quoque addit ex Philostorgii Excerptis l. VII. c. 11, cur Iudaeos ab urbe nova arcebat Hadrianus. Hic enim imperator Hierosolymam Aeliam vocabat, ὡς ἂν παντάπασιν τὸ Ἰουδαίων αὐτῆς ἔθνος ἀποστήσῃ καὶ ἀπορρήξῃ, καὶ μηδ' ἐκ τῆς κλήσεως ὡς πατρίδος αὐτῆς ἀντιποιεῖσθαι πρόφασιν ἔχῃσι· ἐδεδίει γὰρ αὐτῶν τὸ θερμοουργὸν καὶ ξιφοκίνδυνον, μὴ συναγειρόμενοι κατὰ πρόφασιν ἐν τῇ πόλει λατρείας πράγματα Ῥωμαίοις παρέξωσιν. — Formulam ἐξ ἐκείνου quod attinet, illustratur iis quae Eusebius antea scripsit: „quum . . . ipse seditionis auctor (Bar Cochba) debitas poenas dedisset“ (anno 135).

2. δόγματι] Sic Eus. codices msti (et Heinich.), praeter GHO (et Laemm.), qui δόγμασι (*constitutionibus* Ruf.) habent. Infra Müller l. c. [ὡς] Ἀρίστων ὁ Πελλαῖος ἱστορεῖ dedit.

Fragmentum II. 3. Αὐιδορία θεοῦ ὁ κρεμάμενος] Aquilam ac Theodotionem verba Deuter. 21, 23 eodem modo reddidisse, atque Ebionem haeresiarcham interpretatum fuisse: ὅτι ὕβρις θεοῦ ὁ κρεμάμενος, „id est *quia iniuria dei est suspensus*,“ Hieronymus ibidem testatur. Septuaginta interpretes suppeditant l. c.: κκατηραμένος ὑπὸ θεοῦ πᾶς κρεμάμενος ἐπὶ ξύλου. Verba ὑπὸ θεοῦ etiam Bibliis hebraicis firmantur. Hieronymus vero contendit col. 436 s. Iudaeos, odio Christianorum adductos, post passionem Christi de industria textum in codicibus adulterasse, dei nomen quum

insererent. Cf. Meyer Comment. ad Galat. 3, 13 (ed. 2) p. 106 et M. Rahmer *Die hebr. Traditionen in d. Werken d. Hieronymus*, Vratisl. 1861, p. 9. Istum Deuteronomii locum Papiscus Iudaeus Iasoni Christiano obiecit. Sic Trypho Iudaeus: *Εἰ δὲ καὶ ἀτίμως οὕτως σταυρωθῆναι τὸν Χριστὸν, ἀποροῦμεν· ἐπικατάρατος γὰρ ὁ σταυρούμενος ἐν τῷ νόμῳ* (Deut. 1. c. coll. Gal. 3, 13) *λέγεται εἶναι· ὥστε πρὸς τοῦτο ἀκμὴν δυσπείστως ἔχω. Παθητὸν μὲν τὸν Χριστὸν ὅτι αἱ γραφαὶ κηρύσσουσι, φανερόν ἐστιν· εἰ δὲ διὰ τοῦ ἐν τῷ νόμῳ κεκατηραμένου πάθους, βουλόμεθα μαθεῖν.* Iustin. Dial. c. Tr. c. 89. Inter alia Iustinus haec c. 96 respondet: *Καὶ γὰρ τὸ εἰρημένον ἐν τῷ νόμῳ, ὅτι Ἐπικατάρατος πᾶς ὁ κρεμᾶμενος ἐπὶ ξύλῳ* (Deut. et Gal. 11. cc.), *οὐχ ὡς τοῦ θεοῦ καταρωμένου τούτου τοῦ ἐσταυρωμένου, ἡμῶν τοιοῦτὴν ἐλπίδα ἐκκρεμαμένην ἀπὸ τοῦ σταυρωθέντος Χριστοῦ, ἀλλ' ὡς προειπόντος τοῦ θεοῦ τὸ ὑφ' ὑμῶν πάντων κτλ. μέλλον γίνεσθαι.* Tertullianus Adv. Iudaeos c. 10: „De exitu plane passionis eius ambigitis, negantes passionem crucis in Christum praedictam“ etc. Cf. Semisch *Justin d. Märt.* P. II. p. 217.

Fragmentum III. 4. *In principio fecit etc.*] In Tertulliani libro contra Praxeam cap. 5 diversa prorsus habentur. „Aiant quidem,“ inquit, „et Genesim in Hebraico ita incipere: *In principio deus fecit sibi filium.*“ Neque Hilarius in dictis commentariis alicubi ait in Hebraeo exstare: *In filio creavit deus coelum et terram*; sed haec solum in Comment. ad Psalm. 2 habet: „Bresith verbum hebraicum est. Id tres significantias in se habet, id est in principio et in capite et in filio.“ Quae ut hebraicae linguae ignarus scripsit, diversas Patrum expositiones pro diversis significationibus vocis *Bresith* accipiens. Atque mysticam istam *principii* de filio expositionem ab Aristone in Disputatione adhibitam fuisse facile credo: sicut et Clemens Alexandrinus ex Praedicatione Petri eandem protulit, Basilium Ambrosium aliosque recentiores ut taceam. [Clemens Al. Strom. I. VI. c. 5. §. 39: Πέτρος ἐν Κηρύγματι λέγει· „Γινώσκετε οὖν ὅτι εἰς

θεός ἐστίν, ὃς ἀρχὴν πάντων ἐποίησεν καὶ τέλους ἔξουσίαν ἔχων . . . ὃς τὰ πάντα ἐποίησεν λόγῳ δυνάμεως αὐτοῦ . . . τουτέστι τοῦ υἱοῦ.“ Coll. ibid. c. 7. §. 58: „εἷς γὰρ τῷ ὄντι ἐστὶν ὁ θεός, ὃς ἀρχὴν τῶν ἀπάντων ἐποίησεν,“ μηνύων τὸν πρωτόγονον υἱὸν ὁ Πέτρος γράφει, συνεὶς ἀκριβῶς τὸ Ἐν ἀρχῇ ἐποίησεν ὁ θεός τὸν οὐρανὸν καὶ τὴν γῆν· σοφία δὲ οὗτος εἴρηται πρὸς ἀπάντων τῶν προφητῶν. Pariter alii locum Gen. 1, 1 interpretati sunt, quos ad Theophilum Antiochenum l. II. c. 10. p. 82. not. 13 laudavi.] Ast quod in Hebraeo lectum fuerit: *In filio deus fecit coelum et terram*, ut Tertullianus et Hilarius haud effutiverunt, ita nec ab Aristone dictum, sed Hieronymum in hoc, perinde ut in prioribus duobus citandis, memoriae defectu aut nimia festinatione lapsum puto. *Grabi*us. — Eiusmodi errorem Hieronymi notavi in Piperi *Evangel. Kalender*. Jahrb. für 1867. p. 95. „Sed,“ inquit Bartoloccius (Biblioth. magn. Rabbin. P. III. p. 2), „bene defendi potest Iason, quia, quando ipse dicit in principio Genesis in Hebraeo haberi *In Filio*, pro Hebraeo intelligitur idioma Hierosolymitanum, quod Hebraicum lato modo dicebatur et literis Hebraicis scribebatur. In hoc siquidem idiomate, cuius reliquiae adhuc apud Hebraeos in Targum Hierosolymitano hodie supersunt, scriptum invenitur: *In Sapientia* (בְּחִכְמָא) *creavit deus* etc. Per Filium Patris aeterni, et in Filio qui Sapientia Dei Patris est, creata sunt omnia: unde in hoc loco et secundum hunc sensum idem valet *In Sapientia* ac *In Filio*.“ Bartoloccio assentiuntur Gallandius et Moehlerus (*Patrologie* T. I. p. 312). Quid igitur? Targum in Pentateuchum, quod dicitur Jeruschalmi, recentius quidem est Onkelosiano et antiquius Pseudo-Ionathaniano: quo autem tempore sit elaboratum accuratius ostendi nequit; certe in aetatem cadit post confectum Talmud Hierosolymitanum, ut proinde eo haud uti saeculo secundo potuerit Aristo. Cf. Io. Chr. Wolf Biblioth. hebr. P. II, Hamb. 1721. 4^o, p. 1168 ss., Herm. Seligsohn De duabus Hierosolymit. Pentat. paraphrasibus. Vratisl. 1858,

Volek in *Herzogii Real-Encyklop. f. protest. Th. u. K.* T. XV (1862) p. 679 ss. Quamquam non desunt fortasse qui Aristonem dicant rabbinicam traditionem ore propagatam respicere. Caeterum indicat, ut Routhius animadvertit, Tertullianus adv. Hermog. c. 20 (coll. adv. Prax. c. 7) profectam esse hanc expositionem a Proverbiorum loco c. 8. v. 22, ubi de se ipsa Sapientia dei: „Deus condidit me initium viarum suarum,“ LXX Κύριος ἐκτίσέ με ἀρχὴν ὁδῶν αὐτοῦ. Etiam Iustinus (Dial. c. Tr. c. 61) et Athenagoras (Supplic. p. Chr. c. 10, coll. Theophil. l. I. c. 7) hunc Prov. locum de logo, mundi principio, acceperunt, ut Corp. Apoll. Vol. II (ed. 2) p. 204 s. et Vol. VII. p. 48 adnotavi. Ipse Hieronymus ait l. c. p. 3 s.: „In hebraeo scriptum est *bresith*, . . . et non *baben*, quod appellatur *in filio*. Magis itaque secundum sensum quam secundum verbi translationem de Christo accipi potest, qui tam in ipsa fronte Geneseos, quae caput librorum omnium est, quam etiam in principio Iohannis evangelistae caeli et terrae conditor approbatur.“ Denique Gieselerus (*Lehrb. d. KG.* T. I. P. I, ed. 4, p. 209) putavit Aristonem, hebraeum nempe Christianum, ista „*In filio*“ fecit etc. scribere non potuisse. Recte quidem, si socius fuisset sectae Ebionitarum aut Nazaraeorum. Sed, si Hieronymus l. c. recte de eo retulit, videtur inter perpaucos illos e Iudaeis arcessitos Christianos numerandus esse, qui altiorrem non reiciebant de persona Iesu Christi sententiam. Dorner (*Entwicklungsgesch. d. Lehre von d. Person Christi*, ed. 2, P. I. p. 181 s.): „Obwohl Aristo Judenchrist war, wie sich aus seiner Lehre von den sieben Himmeln ergibt [Fragm. IV], hat er nicht blos die Präexistenz des höhern Wesens Christi angenommen, sondern auch, ähnlich wie die Sprichwörter [l. c.], dieses höhere Wesen, das er Sohn Gottes nennt, bei der Welterschöpfung theilhaftig. (Aehnlich wie Origines die ἀρχὴ Joh. 1, 1 und Gen. 1, 1 ed. de la Rue II. 52. IV. 17 ff. von der göttlichen Weisheit erklärt.) Von einer Logoslehre des Aristo wissen wir nichts; aber

er gehört zu denen, welche in Einheit mit dem A. T., wenn-
gleich ohne den Namen Logos, doch Momente der Logos-
lehre (Präexistenz, weltschöpferische Kraft des Sohnes) in
der ersten Hälfte des zweiten Jahrhunderts ausgebildet ha-
ben. Vgl. auch Irenaeus adv. haer. II. 3.“ Idem fere He-
gesippus de Christo statuit, ex Hebraeo Christianus factus,
cui similiter Christus erat divina illa Sapientia (coll. Provv.
l. c.); cf. Dorner l. c. p. 225 s. et Weizsäcker in *Herz.*
Real-Encyklop. T. V. p. 650.

Fragmentum IV. 5. ἐπὶ οὐρανός] Septem coe-
los distinxerunt Rabbini (cf. Meyer Comm. ad 2 Corinth.
12, 2. ed. 2. p. 271), Testamentum XII Patrr. Levi §. 3, Ad-
scensio Iesaiæ (cf. Lücke *Einleit. in d. Offenb. d. Johannes.*
ed. 2, p. 287 s.), Revelatio Sophoniae (ap. Clem. Alex. Strom.
I. V. c. 11. §. 78, coll. Grab. Spicileg. T. I. p. 134 s.), Va-
lentiniani (Iren. adv. haer. I. c. 5. §. 2). Plures coeli (2 Cor.
12, 2) distinguuntur etiam Ephes. 4, 10 (ὑπεράνω πάντων
τῶν οὐρανῶν) coll. Hebr. 4, 14 et 7, 26, nisi ibi plura unius
eiusdemque coeli, quod sedes dei est, spatia intelligere
malueris.

MILTIADES.

Christ. Gothofr. Derling Dissertatio hist. et crit. de Miltiade per-
antiquo ecclesiarum iureconsulto ac defensore. Helmst. 1746. 40.
Fabricius-Harles Vol. VII. p. 165 s.

Quaerendum est primum de Miltiadis aetate. Quae
quidem constitui poterit ex memorabili loco Eusebii in Hist.
eccl. I. V. c. 28. §. 4, ubi antiquus sed anonymus scriptor
(in libro κατὰ τῆς Ἀρτέμωνος αἰρέσεως), quem nonnulli Caium
illustrem illum presbyterum romanum esse opinantur¹⁾, haec
profert: Καὶ ἀδελφῶν δέ τινων ἐστὶ γράμματα πρεσβύτερα τῶν
χρόνων τῶν Βίκτορος, . . . λέγω δὲ Ἰουστίνου καὶ Μιλτιάδου
καὶ Τατιανοῦ καὶ Κλήμεντος. Unde patet scripsisse Miltiadem
ante tempora Victoris, h. e. ante annum aer. Dionys. 190,
quo is ad sedem pontificalem evectus est teste eodem Euse-
bio I. V. c. 22: Δεκάτῳ γε μὴν τῆς Κομόδου βασιλείας ἔτι . . .
Ἐλεύθερον διαδέχεται Βίκτωρ²⁾). Quodsi illo loco, quo prae-
stantissimi sinceræ fidei doctores ante Victoris tempora or-
dine percensentur, inter Iustinum et Tatianum apparet Mil-
tiades, concludimus, ut Derlingii verbis (p. 11) utar, „ani-
mum eum ad scribendum adpulisse fabricatis demum Iustini
operibus eoque in negotio reliquisse aliquo ante se inter-

1) Cf. Routh. Reliqq. sacr., ed. 2, Vol. II. p. 129. 142 s. Recl-
iam Strothius Eusebii Kirchengeschichte T. I. p. 395: „Etwas son-
derbar ist es doch, den Verfasser eines Buchs wissen zu wollen, den
Eusebius, wie er ausdrücklich sagt, selbst nicht wusste.“

2) Mortuus est Victor anno 200, ut Eusebius I. V. c. 28. §. 7 refert:
Τούτου (h. e. Βίκτορος) δὲ ἔτεσι δέκα προστάντος τῆς λειτουργίας
διάδοχος καθίσταται Ζεφυρίνος, ὁ μὲν τὸ ἕνατον τῆς Σεβήρου βασι-
λείας ἔτος. Paullo aliter in Chronicis Eusebius statuit.

vallo Tatianum.“ Itaque scripta sua edidit Miltiades maximeque inclaruit septimo saeculi secundi decennio, imperantibus Marco Aurelio Antonino et Lucio Vero. Idem fere tempus indicat Tertullianus Adv. Valentin. c. 5: „Nec undique dicemur ipsi nobis finxisse materias, quas tot iam viri sanctitate et praestantia insignes, nec solum nostri antecessores, sed ipsorum haeresiarcharum contemporales, instructissimis voluminibus et prodiderunt et retulerunt, ut Iustinus, philosophus et martyr, ut Miltiades, ecclesiarum sophista, ut Irenaeus, omnium doctrinarum curiosissimus explorator, ut Proculus noster, virginis senectae et christianae eloquentiae dignitas, quos in omni opere fidei optaverim assequi.“³⁾ Eusebii mentem perperam accepit Hieronymus, in libro De vir. illustr. c. 39 (Opp. ed. Vallars. T. II) col. 865 dicens: „Floruit autem Marci Antonini Commodique temporibus.“

A Tertulliano autem l. c. Miltiades „ecclesiarum sophista“ appellatur. Unde eum concludere licet aliquando sophistam (philosophum et rhetorem) egisse, antequam Christo nomen daret: cuius rei insigne praebet exemplum Tatianus. Cf. Orat. ad Graec. c. 35 et quae ibi (p. 137 s) exposui. Atque eadem forsitan qua Assyrius (l. c. c. 29) ratione — scripturarum scilicet sacrarum apud Christianos receptarum lectione — motus est, ut veritatem divinam (christianam philosophiam: Euseb. l. V. c. 17. §. 5) amplexaretur eiusque praeco fieret ac propugnator⁴⁾. Profecto Miltiadis in sacris scripturis (περὶ τὰ θεῖα λόγια) studium Eusebius (l. c.) commemoravit.

Iam vero controversa oritur quaestio de illo „ecclesiarum sophistae“ nomine, quod Miltiadi imposuit Tertullianus. Neutiquam malo sensu imposuit, „incensus odio huius viri“,

3) Huc non pertinet, quod quidem contra Schweglerum (*D. Montanismus*. Tub. 1841. p. 219) moneo, Miltiades ille in Canone N. T. Muratoriano (*Credner Gesch. d. neutest. Kanon* p. 158) memoratus.

4) Comp. quae ad Theophil. Ant. l. I. c. 14 (p. 42) n. 2 observavi.

qui se Montanistis opposuerat, ut Noesseltus ⁵⁾ temere contendit; nam Tertullianus (illo fortasse tempore nondum Montanista factus: nihil enim inest in libello adversus Valentinianos doctrinarum, quod non potuisset ab orthodoxo proficisci) disertis verbis l. c. eum numerat inter viros „sanctitate et praestantia insignes“. Plerique existimarunt Miltiadem ecclesiarum sophistam propterea vocatum esse, sive quod stilo elegantiori scripserit, ut Iunius et Oehlerus ad Tertullian. l. c. statuerunt, sive quod disputando de quibuslibet rebus et scripturae locis multum potuerit; cfr. Index latinitatis Tertullianae, editioni Semlerianae subiectus, Vol. VII. p. 511. „Il l'appelle le sophiste des églises,“ — ait Tillemontius ⁶⁾ — par où il a pu vouloir marquer qu'il avait éclairci les vérités chrétiennes, aussi bien par les lumières de son éloquence, que par sa profondeur de sa doctrine.“ Melius Fabricius: „Ita potuit appellari, quod in Apologia et libro (?) contra gentes veluti in foro causam Christianorum egit.“ Magis id definire studuit Derlingius, qui: „Convenientissimum,“ inquit (p. 31 s.), „sophistae nomen est consultis iuris caussarumque civilium patronis; excellentissimis autem inter iureconsultos viris proprie illud tribuebatur, qui nominatissimi actionum praecones erant, et declamationes, ad pugnam forensem ad commodatas praepilatasque, habere poterant. Evincunt hoc loca apud Photium in Biblioth. cod. 243 (ed. Hoesch. 1611) p. 2010 et cod. 271. p. 1499. Adde Iul. Polluc. in Onomast. l. IV. c. 6. segm. 47. Atque sic intelligimus non scientissimum solum philosophiae, sed actorem quoque negotiorum civilium fuisse Miltiadem et splendidi adeo nominis iurisconsultum. Compone his Io. Mich. Heineccium in Dissert. epist. de Ictis prior. seculor. p. 15 s. Ideo Miltiadem quoque „ecclesiarum sophistam“ dici opinamur, eo quod ad-

5) Opuscc. Fasc. III. p. 165.

6) Mémoires T. III (1695) p. 54.

vocatione et conciliis ecclesias iuvarit, ut illius ope suarum rerum incerti compotes conciliorum fierent. Connumerandus proinde est illis in sacra sodalitate iurium disceptatoribus, qui res ecclesiarum iudiciales procurabant, et lites subortas, iuxta leges per confoederatam disciplinam stabilitas, componebant. Illi vero, externis sacrae civitatis commodis prospicientes, illatas iniurias propulsabant, et, ne relentesceret Christianorum communio, malos eliminabant.“

Multis Miltiades scriptis de ecclesia optime meritus est, quae percensentur ab Eusebio, sed iam dudum temporis iniuria interciderunt.

Gloriosissimus autem eius labor est, quem in conscribenda Apologia pro Christianis consumsit. Eusebius l. V. c. 17. §. 5: *Πρὸς τοὺς κοσμικοὺς ἄρχοντας ὑπὲρ ἧς μετῆι φιλοσοφίας πεποιήται ἀπολογία*. Scripsit igitur Apologiam pro christiana quam ipse profitebatur philosophia. *Ἡ ἡμετέρα φιλοσοφία* (Tatian. c. 31. §. 48) vel *ἡ καθ' ἡμᾶς φιλοσοφία* (Tatian. c. 35. §. 56 et Melito ap. Euseb. l. IV. c. 26. §. 7) scriptoribus ecclesiasticis primorum saeculorum est doctrina vel fides christiana⁷⁾. Iam vero quaeritur, quinam per *κοσμικοὺς ἄρχοντας* sint intelligendi. Plurimi, Valesium (ad Eus. l. c.) secuti, de provinciarum praesidibus interpretantur. Sic Apologeticum Tertullianus omnibus provinciarum rectoribus nuncupavit; idem Scapulae, proconsuli Africae, dicavit librum pro Christianis. Contendit ille Eusebii editor *ἀρχόντων* nomen provinciarum praesidibus constanter attribui neque ad summos imperatores referri. Quod quam nihil sit, ex Iustino Martyre cognoscitur, qui in Apol. I. c. 12 (Corp. Apoll. Vol. I, ed. 2, p. 30 E) imperatores romanos voce *ἀρχόντων* complectitur. Sic reges quoque *ἄρχοντας* nominare in more fuit; cf. LXX Deuteron. 17, 14 s. al. Quapropter Hieronymus De vir. illustr. c. 39

7) Cf. Proll. ad Hermiam p. XXXIV et Keil Opuscc. acad., ed. Goldh., p. 463 ss.

interpretatus est: „Et principibus illius temporis Apologeticum dedit.“ Adiecta vox *κοσμικῶν*, quam supine neglexit Valesius, indubie declarat, ut iam Derlingius (p. 28) admonuit, „ipsos Romanorum imperatores, quibus ob bellicam virtutem orbem terrarum universum interminatasque in omnes partes regiones parere aiebant, intelligi.“ Quae quum ita sint, Dodwellus Derlingius Danzius⁸⁾ et alii recte iudicarunt delatam fuisse Apologiam ad Marcum Aurelium Antoninum et Lucium Verum († 170), orbis (romani) principes⁹⁾.

Porro opera Miltiades edidit apologetica *Πρὸς Ἑλληνας* et *Πρὸς Ἰουδαίους*, ut Eusebius l. V. c. 17. §. 5 refert: *Μιλτιάδης καὶ ἄλλας ἡμῖν τῆς ἰδίας περὶ τὰ θεῖα λόγια σπουδῆς μνήμας καταλέλοιπεν, ἐν τε οἷς πρὸς Ἑλληνας συνέταξε λόγοις, καὶ τοῖς πρὸς Ἰουδαίους, ἑκατέρω ἰδίως ὑποθέσει ἐν δυσὶν ὑπαντήσας συγγράμμασιν.* Voce *Ἑλλήνων* designantur *gentiles*¹⁰⁾, ut etiam ex anonymi illius, quem superius memoravi, verbis elucescit ap. Eusebium l. V. c. 28. §. 4: *ἐκεῖνοι* (Iustinus Miltiades Tatianus Clemens) *καὶ πρὸς τὰ ἔθνη ὑπὲρ τῆς ἀληθείας*¹¹⁾ ... *ἔγραψαν.* Notandum autem est Miltiadem non una scriptiois continuatione cum Graecis et Iudaeis delitigasse, ita quidem, ut *λόγοι πρὸς Ἑλληνας* et *πρὸς Ἰουδαίους* unum tantum opus duobus partibus constans confecerint: id quod multi post Dodwellum¹²⁾ statuerunt, Eusebii verba inepte interpretati. Neque is hoc dicere voluit, utrumque opus, tum illud contra Graecos tum hoc contra

8) Dodwell Dissertt. ad Iren. IV. §. 38. p. 372. — Derling p. 29. — Danz De Euseb. p. 95.

9) Pauci titubanter: „vel ad M. Aurelium et L. Verum, vel ad M. Aurelium († 180) et Commodum.“ Cf. I. P. Baraterius Disq. chron. de successionē antiquissima episcoporum romanorum (Ultrai. 1740. 40) p. 138.

10) Cf. quae ad Apologiae Tatianeae inscriptionem (Corp. Apoll. Vol. VI) p. 2 s. exposui.

11) Verba *ὑπὲρ τῆς ἀληθείας* non ad ipsam inscriptionem pertinent: id quod contra Heinichenum Commentt. in Eus. (ed. 2) p. 212 moneo.

12) L. c. p. 371.

Iudaeos, duobus libris constituisse, ut Strothius et Keilius¹³⁾ opinati sunt. Ista Eusebii verba etiam Hieronymus in epistola 70 (al. 84) ad Magnum (Opp. T. I) col. 427 minus accurate explicavit: „Scripsit et Miltiades contra Gentes volumen egregium.“ Idem in libro De vir. illustr. l. c. „Scripsit ... adversus Gentes Iudaeosque libros.“ Nicephorus quoque Hist. eccl. l. IV. c. 24: εἰς μὲν αὐτοῦ λόγος πρὸς Ἕλληνας, ἕτερος δὲ πρὸς Ἰουδαίους. Ex Eusebio l. c. luce clarius apparet, quod quidem Ceillierus Vallarsius Derlingius¹⁴⁾ ante me viderunt, non separatos tantum adversus utramque gentem libros edidisse Miltiadem, sed geminos quoque contra unamquamque, seu libros quattuor integros, exarasse: duos Πρὸς Ἕλληνας (Gentiles) ac totidem Πρὸς Ἰουδαίους.

Denique anonymus scriptor apud Eusebium l. V. c. 17. §. 1 dicit Miltiadem contra Montanistas librum conscripsisse hoc titulo: Περὶ τοῦ μὴ δεῖν προφήτην ἐν ἐκστάσει λαλεῖν. Quinam sit ille auctor innominatus, ex cuius libro ad Avircium Marcellum contra Cataphrygas (c. 16) Eusebius testimonium illud attulit, diversae sunt virorum doctorum opiniones. Alii (v. c. Valesius Gallandius Rothius Moehlerus¹⁵⁾) hunc Asterium Urbanum esse existimarunt, alii (ut Hieronymo De vir. illustr. l. c. praeunte Derlingius Vallarsius Keilius¹⁶⁾) Rhodonem, alii (ut Pitra¹⁷⁾) Melitonem, alii (Baluzius, Rettigius, Hefeleus, Scholtenus, Ruffinum et Nicephorum secuti¹⁸⁾) Apollinarem episcopum

13) Stroth l. c. p. 371 et Keil ap. Fabric.-Harl. p. 165.

14) Ceillier Hist. gén. des auteurs ecclés. T. I. p. 131. — Vallarsi Opp. Hieron. edit. T. II. p. 866. — Derling p. 28.

15) Valesius ad Euseb. l. V. c. 16. — Gallandi Bibl. vett. Patr. T. III. p. 273. — Rothe *Die Anfänge d. christl. Kirche* T. I. p. 578. — Möhler *Patrologie* T. I. p. 621.

16) Derling p. 17 s. — Vallarsi ad Hieron. De vir. illustr. c. 37. — Keil l. c. p. 161.

17) Spicileg. Solesm. T. II. p. VIII.

18) Baluze Nov. collect. concill. p. 5. — Rettig *Ullm. et Corp. Apoll.* Vol. IX.

Hierapolitanum. Quid? Ipsi Eusebio nomen eius cognitum non erat: quod si novisset, cur celasset, minime intelligitur¹⁹⁾. Memorabile autem illud Miltiadis opus ex anonymo cognoscendum praebet Eusebius, dum ait l. c.: Ἐν τούτῳ δὲ τῷ συγγράμματι καὶ Μιλτιάδου συγγραφῆως μέμνηται, ὡς λόγον τινὰ καὶ αὐτοῦ κατὰ τῆς προειρημένης αἰρέσεως γεγραφότος. Παραθέμενος γοῦν αὐτῶν λέξεις τινὰς ἐπιφέρει λέγων· „Ταῦτα εὐρῶν ἔν τινι συγγράμματι αὐτῶν ἐνισταμένων τῷ Μιλτιάδου (perperam Laemmer Ἀλκιβιάδου) τοῦ ἀδελφοῦ συγγράμματι, ἐν ᾧ ἀποδείκνυσσι περὶ τοῦ μὴ δεῖν προφήτην ἐν ἐκστάσει λαλεῖν, ἐπιτεμόμην.“ Hieronymus l. c.: „Miltiades, cuius Rhodon in opere suo, quod adversus Montanum, Priscam Maximillamque [= c. 37 adversum Phrygas] composuit, recordatur, scripsit contra eosdem volumen praecipuum.“ Recte A. Ritschl²⁰⁾: „Für die Beurtheilung des Montanismus ist es aber zu beachten, dass seine Uebung der Prophetie nichts Neues im zweiten Jahrhundert war²¹⁾, und dass die psychologische Beurtheilung der prophetischen Reden in jenem Kreise den in der Kirche allgemein herrschenden Ansichten entsprach. Es war erst eine Gegenwirkung gegen die neuen Propheten, dass man in der Kirche begann, die Ekstase mit ungünstigen Augen anzusehen. Tertullian erwähnt als Gegenstand des Streits mit der Kirche die Frage, ob der inspirirte Mensch das Bewusstsein verliere.“ Tertullianus Adv. Marc. l. IV. c. 22: „Gratiae ecstasis, id est amentia, convenit²²⁾. In spiritu enim homo constitutus . . . necesse est ex-

Umbr. Theol. Studd. u. Kritt. 1831. p. 767. — Hefele *Concilien-geschichte* T. I. Frib. 1855. p. 69 s. — Scholten *Die ältesten Zeugnisse betr. d. Schriften d. N. T.* Brem. 1867. p. 105 s.

19) Cfr. Schwegler l. c. p. 286 et Routh l. c. Vol. II. p. 195 s.

20) *Die Entstehung d. altkath. Kirche*, ed. 2. Bonn. 1857, p. 476.

21) Videsis quae in Athenagor. Suppl. c. 9. p. 42 ad verba κατ' ἐκστασιν attuli.

22) Coll. de anima c. 45. — Scriptores posterioris aetatis adversus Montanistas uti solebant Paulino effato: πνεύματα προφητῶν προφήταις

cidat sensu, ... de quo inter nos et psychicos quæstio est." Plura dedit Schwegler l. c. p. 222 ss. Cæterum Montanistae, ut anonymus Eusebii l. c. narrat, impetum propulsabant, librum contra Miltiadem producentes.

Aliquot viri eruditi, in his Ceillierus et Walchius²³), ex loco Tertulliani adv. Valentin. c. 5 supra proposito id sibi intellexisse visi sunt, Miltiadem adversus Valentinianos etiam peculiarem librum scripsisse. „Id nescio," contra monet Keilius (l. c. p. 166), „an satis tuto inde colligi possit, cum in universum tantum de haeresiarcharum impugnatoribus ibi disputetur, nec doceri possit Iustinum Martyrem atque Irenaeum, qui Miltiadi iunguntur, Valentinianos istos nominatim oppugnasse." Itaque nisi malueris Miltiadi volumen adversus (omnes) haereses attribuire²⁴), statuas saltem necesse est, id quod Derlingio (p. 21) placuit, non Montanistas tantum sed (data occasione) Valentini quoque sectatores illo in libro *περὶ τοῦ μὴ δεῖν προφήτην ἐν ἐκστάσει λαλεῖν* fuisse debellatos.

Multos viros doctissimos in gravem errorem induxit sermo Eusebii l. V. c. 17, ita quidem, ut fragmentum ibi quoddam ex isto Miltiadis adversus Montanistas opere, „tamquam tabulam e naufragio servatam," ad nostram usque memoriam pervenisse crederent. Eam opinionem prae se ferunt, ut nonnullos saltem afferam, Baronius Dupinus Basnagius Ittigius Baraterius Tzschirnerus Baumgarten-Crusius Ritschlius Ewaldus Lipsius²⁵). At evanescit opinio plane-

ὑποτάσσεται, 1 Cor. 14, 32. Cf. Baumgarten-Crusius Opuscul. theoll. p. 104.

23) Ceillier l. c. p. 132 et C. G. F. Walch *Histor. d. Kezereien* P. I. p. 385.

24) Liquido nequit provocari, ut nemo non videt, ad verba illius anonymi ap. Euseb. l. V. c. 28. §. 4: *Καὶ ἀδελφῶν δὲ τινῶν ἐστὶ γράμματα, ... ἃ ἐκεῖνοι καὶ πρὸς τὰ ἔθνη ὑπὲρ τῆς ἀληθείας καὶ πρὸς τὰς τότε ἀιρέσεις ἔγραψαν, λέγω δὲ Ἰουστίνου καὶ Μιλτιάδου καὶ Τατιανοῦ καὶ Κλήμεντος.*

25) Baronius Annal. eccl. T. II ad a. 173. — Du Pin Nouv.

que infringitur, dum illum Eusebii locum revolvimus. Quae enim ibi inveniuntur, exsignata sunt ex longe alio auctore, scilicet anonymo, de quo supra p. 369 s. exposui ²⁶).

EX SCRIPTIS MILTIADIS.

Haec tradit Anonymus in libro adversus Artemonis haeresin (cf. p. 364) apud Eusebium Hist. eccl. l. V. c. 28. §. 4. p. 256 ed. Heinichen (c. 32. §. 4. p. 414 ed. Laemmer):

<p>Καὶ ἀδελφῶν δέ τινων ἐστὶ γράμματα, . . . ἃ ἐκεῖνοι καὶ πρὸς τὰ ἔθνη ὑπὲρ τῆς ἀληθείας καὶ πρὸς τὰς τότε αἰρέσεις ἔγραψαν, λέγω δὲ Ἰουστίνου καὶ Μιλτιάδου . . . , ἐν οἷς ἅπασι θεολογεῖται ὁ Χριστός.</p>	<p>Etiam fratrum quorundam exstant scripta, . . . quae illi ad gentiles pro veritate et contra sui temporis haereticos scripserunt, dico [scripta] Iustini et Miltiadis . . . , in quibus omnibus Christi divinitas adstruitur.</p>
---	---

Biblioth. T. I (1693) p. 54, ubi de Quadrato ait: „Miltiades dans Eus. 5, 17 le met au nombre des prophetes du Nouveau Testament.“ — S. Basnage Annal. pol.-eccles. a. 126. §. 3. — Ittig Hist. eccl. sec. seculi sell. capp. p. 53. — Baraterius l. c. p. 137. — Tzschirner Gesch. d. Apolog. P. I. p. 242. — Baumgarten-Crusius Comp. d. chr. DG. P. I. p. 81. — Ritschl l. c. p. 476. — Ewald Gesch. d. V. Israel, ed. 2. Gott. 1859, p. 393. — Lipsius Zur Quellenkritik d. Epiphanius, Vindob. 1865, p. 225 ss.; adiunge Schenkelii Allg. kirchl. Zeitschr. 1865. p. 153.

26) Postea errorem suum Lipsius ipse notavit, in Liebneri et alior. Jahrb. f. Deutsche Theologie T. XIV (Goth. 1869) p. 158 dicens: „Ich hatte die Worte ὑποκαταβάς δὲ κτλ. (b. Eus. 5, 17), welche dem folgenden Auszuge vorangehen, fälschlich als Worte des Anonymus, das Citat also als ein Citat des letztern aus Miltiades angesehen; es sind aber vielmehr Worte des Eusebios, und zu ὑποκαταβάς ist nicht Miltiades das Subjekt, sondern der Anonymus.“

COMMENTARIUM.

Ex illustri illo anonymi loco constat divinitatem Christi etiam a Miltiade propugnata fuisse. Derlingius (p. 27): „Existimarunt eruditorum nonnulli factum id esse in opere adversus Montanistas. Sed labi eos patet ex Epiphanio Haeres. 48 (ed. Petav. 1682) T. I. p. 402.“ Ad-das Hippolyti Refut. omn. haeres. (ed. Dunck. et Schneidew.) l. VIII. c. 19. p. 436, 78 et l. X. c. 25. p. 528, 76. Cf. Schwegler. l. c. p. 152 ss. et Ritschl. l. c. p. 487 ss.

Θεολογεῖν τὸν Χριστὸν est *Christum deum vocare* vel *Christo divinitatem tribuere*. Sic θεολογεῖν καὶ κυριολογεῖν τὸν Χριστὸν ap. Iustinum Dial. c. Tr. c. 56 (m. edit. 2) p. 188 C, coll. p. 186 B. Eusebius l. c. §. 5: τὸν Χριστὸν ὕμνοῦσι θεολογοῦντες. Quare ὁ θεολογούμενος, qui celebratur deus, h. e. ὁ Χριστός, l. X. c. 4. §. 21. Pariter θεολογία usurpatur: l. I. c. 1. §. 8; comp. c. 2. §. 3: αἱ περὶ αὐτοῦ (τοῦ λόγου) μυστικαὶ τῶν γραφῶν θεολογίαι, = „secretiores scripturae sacrae sermones, qui ad eius (Christi) divinitatem pertinent.“ Adiunge Heinichen Ind. ad Euseb. Praeparat. evang. in v. θεολογεῖν, T. II. p. 469, John, Bish. of Linc., Some account of the writings and opinions of Justin Martyr (Lond. 1853) p. 10. 153, nec non meam adnotationem ad Athenagorae Supplic. p. Chr. c. 10. p. 49 et ad Melitonis Fragm. VII. Commentar. n. 46.

Baumgarten-Crusius loco supra, ad Aristidem, p. 348 laudato: „Wie der alte christliche Schriftsteller gegen die Artemoniten (bei Eus. 5, 28), so beweist es die älteste kirchliche Literatur selbst, und es zeugen auch die Gegner der Christen von Anfang an dafür, dass mit der christlichen Sache zugleich die übermenschliche Verehrung Christi begonnen habe.“ Vide testimonia a V. D. ibidem addita.

MELITO.

Car. Christ. Woog De Melitone Sardium in Asia episcopo. Dissertt. II. Lips. 1744 et 1751. 4^o. Gallandi Tom. I. p. CXIX s. et 677—679. Fabricius-Harles Vol. VII. p. 149—151. Ferd. Piper „Melito“ in *Ullmanni et Umbreitii Theolog. Studien u. Kritiken* (Hamb.) 1838. Fasc. I. p. 54—154. Routh Vol. I. p. 113—153. Guil. Cureton *Spicilegium syriacum*: containing remains of Bardesan, Meliton, Ambrose and Mara Bar Serapion. Now first edited, with an English translation and notes. Lond. 1855. 8^omai. Sect. syr. p. 22—33. 49 s. et sect. angl. p. 41—56 c. nott. p. 85—98. Io. Bapt. Pitra *Spicilegium Solesmense*: complectens ss. patrum scriptorumque eccles. anecdota hactenus opera. Tom. II. Paris. 1855. 8^omai. p. IV—LXVI. Thom. Skat Roerдам Melitos Tale til Kejser Antonin samt nogle hidtil ukjendte Brudstykker af samme Forfatter, oversatte fra Syriisk. (Saerskilt Aftryk af „Nyt theol. Tidsskrift“. 7de Bind.) Havn. 1856.

Melito Asianus¹⁾, ecclesiae Sardium in Lydia episcopus, aequalis Apollinari²⁾, floruit Marco Aurelio Antonino imperante, doctrina et pietate clarus. Polycrates Ephesus in epistola synodica ad Victorem (c. a. 190), ap. Eusebium Hist. eccl. I. V. c. 24, post, quam eum inter magna lumina (στοιχεῖα³⁾) quae in Asia exstincta sint (§. 2) numeravit, ait (§. 5): *Τί δὲ δεῖ λέγειν . . . Μελίτωνα τὸν εὐνοῦχον* (h. e.

1) Hieronym. De vir. illustr. c. 24 et Chronic. pasch. p. 482. 484 ed. L. Dindorf. Cognomine ὁ ἐν τῇ Ἁγίᾳ salutatur Origeni Select. in Psalm., Opp. ed. Lommatszsch. T. XI. p. 411. — Roerдам opinatur eum in Attica natum esse: sed vide quae contra monui infra in Commentar. ad Fragm. XVI. n. 107.

2) Euseb. Hist. eccl. I. IV. c. 21 et 26. §. 1.

3) Vid. ad Fragm. XIII. Commentar. n. 87.

*caelibem*⁴⁾), τὸν ἐν ἀγίῳ πνεύματι πάντα πολιτευσάμενον, ὃς κεῖται ἐν Σάρδεσι περιμένων τὴν ἀπὸ τῶν οὐρανῶν ἐπισκοπὴν, ἐν ᾗ ἐκ νεκρῶν ἀναστήσεται; Ipse Eusebius l. IV. c. 21, praecipuos istius aetatis scriptores ecclesiasticos enumerans, Melitonem quoque inter eos non reticuit, atque ita addidit: ὧν καὶ εἰς ἡμᾶς τῆς ἀποστολικῆς παραδόσεως ἢ τῆς ὑγιоῦς πίστεως ἔγγραφος κατηλθεν ὀρθοδοξία. Philosophi nomine eum veteres appellaverunt, ut iam supra dixi in Proll. ad Herm. p. XXXIV. Melitonis „elegans et declamatorium ingenium“ laudavit Tertullianus apud Hieronymum De vir. illustr. c. 24, qui in epistola ad Magnum 70 (al. 84) T. I. col. 426 ed. Vallars. eum inter illustres ecclesiae scriptores recensuit. Et Anastasio Sinaitae (Hodeg. c. 13) dicitur ὁ θεῖος καὶ πάνσοφος ἐν διδασκάλοις et ὁ θεόσοφος.

Videtur autem non diu post annum 170 e vita discessisse. Multorum enim librorum auctor fuit adeoque non facile a libris scribendis quievit; atqui indicat Eusebius l. IV. c. 26. §. 2 Apologiam illo anno exaratam ultimum opus fuisse quod scripserit, dum caeteris recensitis: ἐπὶ πᾶσι, inquit, καὶ τὸ πρὸς Ἀντωνῖνον βιβλίδιον. Martyris corona non donatus est: quod quidem ex silentio Polycratis ap. Eus. l. V. c. 24. §. 5 colligo; eius tamen natalis in fastos ecclesiae relatus est et in Martyrologiis quibusdam adscriptusprehenditur ad Kalendas Apriles. Cf. Acta SS. Aprilis T. I. Antverp. 1675. Fol. p. 10 s.

Permultos Melito libros conscripsit, qui tamen omnes confectrice rerum omnium vetustate dudum periire: tituli tantum et pauca quaedam fragmenta supersunt, quantivis omnino pretii. Contextuit illorum indiculum Eusebius l. IV. c. 26, ex quo pendet Hieronymus De vir. illustr. c. 24 (Opp. ed. Vallars. T. II) col. 851 s. Ille haec habet, iuxta editio-

4) Cf. Athenagor. Supplic. p. Chr. c. 33. p. 172, Woog Diss. I. p. 27 ss. et Heinichen Commentt. in Eus. H. E. ed. 2 (Lips. 1870) p. 230.

nem 2 Heinichen. p. 193 (coll. edit. Laemmer. l. IV. c. 33. p. 311 s.), a me duobus locis (vide adnotationes 5 et 8 textui subiectas) emendatam:

Εἰς ἡμετέραν γυνῶσιν ἀφῴνται τὰ ὑποτεταγμένα· Μελίτωνος τὰ περὶ τοῦ πάσχα δύο, καὶ τὰ⁵⁾ περὶ πολιτείας τῶν προφητῶν, καὶ ὁ περὶ ἐκκλησίας, καὶ ὁ περὶ κυριακῆς λόγος, ἔτι δὲ⁶⁾ ὁ περὶ φύσεως ἀνθρώπου, καὶ ὁ περὶ πλάσεως, καὶ ὁ περὶ ὑπακοῆς πίστεως αἰσθητηρίων⁷⁾, καὶ πρὸς τοῦτοις ὁ περὶ ψυχῆς καὶ σώματος καὶ νοός⁸⁾, καὶ ὁ περὶ λουτροῦ, καὶ ὁ περὶ ἀληθείας,

5) τὰ] τὸ AEaGH Steph. Pro πολιτείας habent BCDFa τῆς πολιτείας. Tum codd. msti et editi omnes (etiam Heinich. et Laemm.) non τῶν προφητῶν praebent, sed καὶ προφητῶν. Vulgo interpretantur: „de recta vivendi ratione et de prophetis.“ Semlerus (*S. J. Baumgartens Untersuch. theol. Streitigkk. T. II. p. 81* et *Histor. eccl. sell. capp. Vol. I. p. 50*) de politia Mosis accepit: „von der jüdischen Verfassung unter Mose.“ Sed nullo pacto vox πολιτεία ita nude posita stare potest. Iam Hieronymus recte: *de vita prophetarum*. Videtur in suo Eus. codice invenisse τῶν προφητῶν. Caeterum Ruffinus ex uno Melitonis libro fecit duos, sic reddens: *de optima conversatione liber unus; sed et de prophetis*.

6) δὲ] δὲ καὶ CFbRa. Pro περὶ φύσεως ἀνθρ. (ACFbKR^a) habent male EaGHO et Laemm. περὶ πίστεως ἀνθρ. Etiam Ruff., quocumque Pitra T. II. p. VIII facit, *de fide hominis*. Hunc librum π. φύσεως αἰ. omisit Hieronymus. Praeterea ap. Laemm. typosetae vitio bis posita sunt verba (καὶ) ὁ περὶ πίστεως ἀνθρώπου.

7) ὁ περὶ ὑπακοῆς πίστεως αἰσθητηρίων] Hieronymus hunc librum divisit in duos, ut unus sit *de fide*, alter *de sensibus*. Etiam Ruff.: *de obedientia fidei; de sensibus*. Hanc lectionem probarunt Routh p. 120. 138 et Pitra T. II. p. IX. Male.

8) καὶ νοός] Codd. msti et editi omnes (etiam Heinich. et Laemm.) ἡ νοός. Excipias codd. AEa (Niceph. Steph.), qui, id quod nemo adhuc vidit, genuinam lectionem indicant; praebent enim: ἡν, ἐν οἷς καὶ (HNENOICKAI), h. e., quod editores fugit: ἡ, ἐν ἐνίοις (= *in nonnullis codicibus legitur*) καὶ. Haec nota, ad lectionem ἡ in margine posita vel supra lineam, in textum irrepsit. Particulam καὶ (pro ἡ) iam Semlerus (*S. J. Baumg. Unters. l. c.*) et Routhius p. 139 commendaverunt. Etiam Ruff.: *de anima et corpore et mente*. — Hieronymus, incertus quid in re dubia statueret: *de anima et corpore*. Eodem modo titulum reddiderunt Syrus loci Eusebiani interpres ap. Cureton. Spicil. syr. p. 34, 20 et Woogius Diss. II. p. 15: immemores placiti de hominis

καὶ περὶ κτίσεως ⁹⁾ καὶ γενέσεως Χριστοῦ, καὶ λόγος αὐτοῦ περὶ προφητείας ¹⁰⁾, καὶ ὁ περὶ φιλοξενίας ¹¹⁾, καὶ ἡ κλείς, καὶ τὰ περὶ τοῦ διαβόλου καὶ τῆς ἀποκαλύψεως Ἰωάννου ¹²⁾, καὶ ὁ περὶ ἐνσωμάτου θεοῦ, ἐπὶ πᾶσι καὶ τὸ πρὸς Ἀντωνῖνον βιβλίδιον. Quibus, interpositis fragmentis nonnullis, sub finem capitis (§. 14) adduntur ἐκλογῶν ἔξ βιβλία.

Sed age, de libris illis sigillatim nunc videamus.

Ultimum Melitonis scriptum, quo bene de ecclesia meruit, teste Eusebio fuit Apologia pro Christianis: τὸ πρὸς Ἀντωνῖνον βιβλίδιον, sive ἡ πρὸς αὐτοκράτορα Οὐῆρον (= M. Antoninum Verum) ὑπὲρ τοῦ καθ' ἡμᾶς δόγματος ἀπολογία (I. IV. c. 13. §. 8). Hieronymus l. c. primo loco posuit, non temporis habita ratione, sed praestantiae, qua inter caetera excellebat: „Melito Asianus, Sardensis episcopus, librum imperatori M. Antonino Vero [h. e. Marco Aurelio Antonino Vero, 161—180], qui Frontonis oratoris discipulus fuit, pro christiano dogmate dedit.“ De eodem libro apologetico Eusebius I. IV. c. 26. §. 1: Ἐπὶ τῶνδε καὶ Μελλί-

trichotomia. Reprobanda quoque est coniectura Pitrae T. II. p. IX s.: ὁ περὶ ψυχῆς [ἢ νοός] καὶ σώματος.

9) κτίσεως] BCDGaKR^a, κτήσεως Fa, πίστεως EaFbGHO; sic et Laemm. perperam. Hieronymus verba καὶ γενέσεως non transtulit ac nihil praebet nisi *de generatione Christi*. Ruffinus vero librum dividit in binos, alterum *de fide* (sic), alterum *de generatione Christi et de prophetia eius*, verba καὶ λ. α. περὶ προφητείας cum antecedentibus coniungens.

10) προφητείας] Addunt inepte καὶ περὶ ψυχῆς καὶ σώματος AEaFb Ruff. Steph. Hunc librum iam antea memoraverat Eusebius, tertiam hominis partem (mentem: cf. n. 8) addens. Hieronymus verba Eusebii reddidit: *de prophetia sua librum unum*. Adstipulatur Valesius, quem Heinich. affert. At tum verba sic ordinanda forent: λόγος περὶ προφητείας αὐτοῦ sive τῆς αὐτοῦ προφητείας. Syrus interpres l. c. p. 34, 21 prae oculis habuit περὶ λόγου τῆς αὐτοῦ προφητείας.

11) φιλοξενίας] Addunt καὶ ὁ περὶ ψυχῆς καὶ σώματος CKR^a. Cf. n. 10.

12) περὶ τ. διαβ. καὶ τ. ἀποκ. Ἰω.] Hunc librum Hieronymus, cui Woogius Diss. II. p. 5 et Routhius p. 143 se adiungunt, in duos divisit: *de diabolo librum unum, de apocalypsi Ioannis librum unum*.

των τῆς ἐν Σάρδεσι παροικίας ἐπίσκοπος, Ἀπολινάριός τε τῆς ἐν Ἱερραπόλει διαπρεπῶς ἡγμαζον· οἱ καὶ τῷ δηλωθέντι κατὰ τοὺς χρόνους Ῥωμαίων βασιλεῖ [Marco Aurelio, c. 13. §. 8 et c. 14 ss.] λόγους ὑπὲρ τῆς πίστεως ἰδίως ἐκάτερος ἀπολογίας προσεφώνησαν. In Chronicis Canonibus tacet de Melitone. Hieronymus vero ad annum Abrahami 2186 (M. Aurelii 10), h. e. Christi pro aera vulgari 170, ed. Schoen. (Euseb. Chronicle. libb. II. Vol. II) p. 173: „Antonino imperatori Melito Asianus Sardensis episcopus Apologeticum pro Christianis tradidit.“¹³⁾ Prope accedit Chronicon paschale, cuius auctor (p. 484 ed. Dind.) anno 169 βιβλίον ἀπολογίας (iam antea ad a. 164 — 165 perperam commemoratum, p. 482) Μάρκῳ Ἀυρελίῳ Ἀντωνίνῳ a Melitone traditum esse narrat. Certe tradita est Apologia anno 170 exeunte¹⁴⁾, h. e. non ita multo post mortem Lucii Veri, qui, teste Eusebio in Chron. ad a. Abrah. 2186 (Olymp. 237, 3) ed. Schoen. Vol. II. p. 172¹⁵⁾, quum regnasset annos novem, decessit eodem anno 170. Nam si superstite adhuc Lucio Vero Apologiam exarasset Melito, huic illam pariter ac Marco inscripsisset obtulissetque, praesertim quum in ea ageret imperii parte quae ad Lucii potius, quum abesset a fratre, ditionem pertinebat, atque mentionem Lucii procul dubio fecisset illo Apologiae loco (ap. Eus. l. IV. c. 26. §. 7), quo faustum Marco Aurelio (qui d. 7 Mart. a. 171 decennalia agebat) imperium ominatus ait: τὸ Ῥωμαίων ἡνῆχθη κράτος, οὗ σὺ διάδοχος εὐκταῖος γέγονάς τε καὶ ἔσῃ μετὰ τοῦ παιδός (designat Commodum), nec μετὰ τοῦ παιδός dixisset sed omnino μετὰ τοῦ ἀδελφοῦ¹⁶⁾. Tille-

13) Syncellus in Chronogr. p. 665, ap. Schoen. l. c. p. 172: Μελίτων Σαρδιανῶν ἐπίσκοπος τῆς Ἀνδίας, ὃς καὶ βιβλίον ἀπολογίας Ἀντωνίνῳ ὑπὲρ Χριστιανῶν ἐπέδωκε.

14) Idem fere statuunt v. g. Woog Diss. II. p. 25, Piper p. 105, Roerдам p. 38.

15) Calculum criticum adiciunt quum alii tum Haakh in *Pauly Real-Encyklop. d. class. Alterthumswiss.* T. I. p. 580 et Peter *Zeittaf. d. röm. Gesch.* p. 216.

16) Illorum testium antiquorum (Hieronymi in Chron. et Chronici

montius¹⁷⁾ ex voce „tradidit“, qua usus est Hieronymus l. c. (ἐπέδωκε Sync.), colligit Melitonem ipsum, itinere Romam instituto, imperatori obtulisse Apologiam suam: quod, quamvis illud argumentum speciosius est quam verius, Woorio¹⁸⁾ non videtur improbabile. Caeterum Melito, si fide dignum censetur Chronicon paschale p. 483, in sua Apologia eadem fere dixit atque Iustinus Martyr in sua Apologia maiori¹⁹⁾. — Cf. Fragmm. I. II.

Insuper sub nomine Melitonis exstat Apologia, sive potius polytheismi et idololatriae refutatio, graeco sermone scripta, cuius antiqua tantum translatio syriaca conservata est: et quidem perantiquo *codice Nitriaco Musei Britannici*²⁰⁾ num. 14,658 (*Add. MS.*), qui, saeculo sexto septimove exaratus et ex monasterio S. Mariae Deiparae (Syrorum) in valle Nitriaca, ubi per novem circiter saecula reconditus fuit, anno 1843 ab Henrico Tattam in illud Museum translatus, praeter aliorum scriptorum veterum (Bardesanis, Platonis, Isocratis, Ambrosii, Menandri, Pythagorae, Theanus, Sergii de Resano, Bar-Serapionis) opuscula genuina vel supposita²¹⁾ illam septimo loco (columnis viginti duabus) continet, inscriptam his verbis: „*Oratio Melitonis philosophi, quae habita est coram Antonino Caesare. Et locutus est ad Caesarem ut cognosceret deum, et indicavit ei viam*

pasch.) auctoritate tutius profecto videtur acquiescere, quam recentiorum coniecturas sequi, quos inter Tillemontius quidem (*Mémoires* T. II. Par. 1694. p. 446. 707 s.) anno 175 aut serius scriptam hanc Apologiam fuisse existimavit, Sam. Basnagius vero (*Annal. pol.-eccles.* T. II. p. 163) ad annum 177 eam referendam esse iudicavit.

17) L. c. p. 445.

18) Diss. I. p. 51; sed coll. Diss. II. p. 24 s.

19) *Μελίτων ... μετὰ πολλὰ τῶν ἐπιδοθέντων παρὰ τοῦ αὐτοῦ Ἰουστίνου φησίν.*

20) De codicibus Musei Britannici Nitriacis plura dederunt Bernstein *Neue Jen. Allg. Lit.-Zeitung* 1848. N. 220 et Larsow *Die Fest-Briefe d. heil. Athanasius* (1852) p. 3—22.

21) De hoc codice Ern. Renan disseruit: *Journal Asiatique*. Avril 1852.

veritatis, et incepit loqui in hunc modum.“ Ex hoc codice primum, anno 1855, Apologiam syriace ediderunt Guil. Cureton in „Spicilegio syriaco“ p. 22, 1 — 31,7, cum versione anglica p. 41 — 51 et notis p. 85 — 95, et Io. Bapt. Pitra in „Spicilegio Solesmensi“ Tom. II. p. XXXVIII—LIII, cum latina versione ab Ernesto Renan confecta. Nimirum Cureton plagulas, Londini iam a. 1847 typis exscriptas, quibus Melitoniana syriace continebantur, Renano liberaliter miserat, per quem Parisiis in Spicilegio Pitrae repeterentur latinoque sermone redderentur.

Inscriptio huius libelli antiquissima in graeco exemplari haud dubie fuit haecce: *Μελίτωνος φιλοσόφου λόγος πρὸς Ἀντωνῖνον Καίσαρα*. Eusebius, ubi de Melitonis Apologia loquitur, dicit τὸ πρὸς Ἀντωνῖνον βιβλίδιον I. IV. c. 26. §. 2, et πρὸς τὸν αὐτοκράτορα βιβλίον §. 5, immo vero etiam λόγον ἀπολογίας §. 1, h. e. βίβλον ἀπολογίας (Sync., vid. supra n. 13 coll. Chron. pasch. p. 482. 484). Caetera autem verba titulo adiuncta „Et locutus est ad Caesarem“ etc. — id quod omnes viros doctos fugit — originem inde duxerunt quod idem Eusebius I. c. §. 1 ait: οὐ (nempe Melito et Apollinaris) καὶ τῷ ... βασιλεῖ λόγους ... προσεφώνησαν. Hoc προσφωνεῖν homo ille, cui inscriptionis additamentum debetur²²⁾, falso interpretatus est (προσφων. c. dat. pers.: ev. Matth. 11, 16. Luc. 7, 32. Actt. 22, 2) de sermone coram imperatore habito. Pariter alii, verbo ἐπιφωνήσας apud Eusebium I. IV. c. 3. §. 3 (προσεφώνησεν ap. Syncell. p. 658) in errorem inducti, Aristidem apologetam opinati sunt praesente ipso imperatore perorasse; cf. supra p. 347. Sed προσφωνεῖν et ἐπιφωνεῖν (τινὶ τι) ap. Euseb. II. cc. est *dedicare* librum. Vid. I. IV. c. 3. §. 1: Τούτῳ (Hadriano) Κοδράτος λόγον προσφωνήσας ἀναδίδωσιν. Praepar. evang. I. I. c. 1. §. 1: τῇνδε σοι ... σὺν εὐχαῖς ἐπεφώ-

22) Lubenter nonnulla titulis librorum addere solebant; cf. quae ad Tatian. p. 2 et ad Theophilum p. 2 adnotavi.

νησα. Sic etiam Plutarch. in vita Luculli c. 1: ὥστε καὶ Σύλλας τὰς αὐτοῦ πράξεις ἀναγράφων ἐκείνῳ προσεφώνησε. Diogen. Laert. VII, 185: τοσαῦτα γοῦν βιβλία γράψας οὐδενὶ τῶν βασιλέων προσεφώνησε. Cf. Stephan. Thesaur. gr. ling. (ed. Hase) Vol. VI. p. 2037 et Heinichen Commentt. in Eusebii H. E. (ed. 2) p. 731 s. Quid? Ipse Apologiae auctor non oratoris sed scriptoris partes sibi attribuit, quum dicit c. 5: „Ego vero sicut sentio scribam.“ Deinde: „De Nebo quid scribam vobis?“ Denique: „qua de re plura scribere nolo.“

De huius libri apologetici ab interprete Syro servati, quem infra (in 13 capita divisum) edidi, authentia Melitoniana adhuc sub iudice lis est. Eam agnoverunt Cureton (p. VI ss.), quocum Roerdam (p. 40 ss.) et Welte (*Theol. Quartalschr.* Tub. 1862. p. 391) sentiunt²³), impugnavit I. L. Jacobi (*Deutsche Zeitschr. f. christl. Wissensch. u. christl. Leben*, Ber. 1856. N. 14), cui Guericke (*Hdb. d. KG.* ed. 9. Lips. 1866. T. I. p. 100) et Hase (*KG.* ed. 9. Lips. 1867. p. 55) adstipulantur.

Ac primum quidem plerique fere omnes, praeunte Pitra et Renano²⁴), illud monumentum a Syro servatum

23) Neque dubitant de authentia Pitra T. II. p. XII et 545, Renan ap. Pitra p. XXXVII, Cavedoni Nuovi cenni cronologici intorno alla data precisa delle principali apologie etc. (Mut. 1858) p. 16, Rudelbach *Zeitschr. f. d. ges. Luther. Theologie u. K.* 1860. Fasc. II. p. 341 s. Eodem libro tamquam Melitoniano utuntur M. Cabanes Étude critique de la méthode suivie par les apologistes du deuxième siècle pour la défense du christianisme, et particulièrement par Méliton de Sardes. Argentor. 1857. p. 8 ss., Freppel Les apologistes chrétiens au IIe siècle. Cours d'éloquence sacrée, fait à la Sorbonne 1859-60. Par. 1860. p. 369 ss., B. Aubé De l'apologétique chrétienne au IIe siècle. S. Justin. Par. 1861. p. 277 ss., C. Werner *Gesch. d. apolog. u. polem. Literatur d. chr. Theologie* T. I. Scaph. 1861. p. 86. 96 ss., de Pressensé *Gesch. d. drei ersten Jahrh. d. chr. K.* P. IV. Lips. 1865. p. 107 s. Sed illi omnes argumenta non attulerunt.

24) Quibuscum faciunt omnes illi viri eruditi quos in praecedenti nota excitavi.

putaverunt esse fragmentum unicae Apologiae Melitonis Marco Aurelio Antonino repraesentatae, cuius fragmentum satis longum Eusebius l. IV. c. 26 attulit. Sane suspicari liceret illud ex Apologia Melitoniana depromptum esse: si vere fragmentum esset ac non potius totum opusculum, quod ita suis numeris et partibus expletum est, ut nec exordium desit nec conclusio, neque in eo locus sive lacuna comprehendatur, cui fragmentum ab Eusebio suppeditatum inseri possit. Et recte Alzogius ²⁵⁾ monuit: „Die Apologie in syrischer Version ist von dem Bruchstücke bei Eusebius nach Inhalt und Form verschieden.“ Quae quum ita sint, Cureton coniecit Melitonem duas Apologias scripsisse: quarum altera, de qua quaeritur, Eusebio incognita fuerit ideoque silentio ab eo praetermissa. At id verisimile non est, Eusebium hanc Melitonis Apologiam ignorasse, praesertim quum consideres eam, si vere exstiterit, sine dubio ad volumina Melitonis, qui magnam sui famam reliquit, praeceteris insignia et in vulgus nota pertinuisse. Provocavit ille vir doctus ad Chronicon paschale, cuius auctor duarum Melitonis Apologiarum mentionem faciat: ac prioris quidem ad annum 164—165 (p. 482), Marco Aurelio et Lucio Vero traditae, alterius autem ad annum 169 (p. 484), Marco Aurelio oblatae; illam non diversam esse a nostra, ex eaque desumptum hoc fragmentum (II): *Οὐκ ἔσμὲν λίθων οὐδεμίαν αἰσθῆσιν ἐχόντων θεραπευταί· ἀλλὰ μόνον θεοῦ . . . καὶ τοῦ Χριστοῦ αὐτοῦ, ὅντος θεοῦ λόγον πρὸ αἰώνων, ἔσμὲν θρησκευταί.* Egregie contra monuit Jacobi (p. 108): „Diese Worte finden in unserer Apologie gar keinen Ort, da in ihr nirgends davon die Rede ist, dass die Christen Gott verehren, sondern immer nur davon gehandelt wird, dass die Heiden nicht ihn, sondern nichtige Götter anbeten, weshalb auch der göttliche Logos und Christus ganz unerwähnt bleibt. Es ist vielmehr sehr wahrscheinlich, dass die angeführten

25) *Grundr. d. Patrologie.* Frib. 1866. p. 56.

Worte aus der von Eusebius beschriebenen Apologie entnommen sind. Wir zweifeln überhaupt, dass im Chronicon von zweien die Rede sei, und glauben, dass bei dem Jahre 169 nur die schon genannte Apologie mit anderen noch einmal citirt wird, um aus solchen Anlässen das darauf folgende kaiserliche Edict zu Gunsten der Christen, bekanntlich ein untergeschobenes, zu erklären.“²⁶⁾ Rem ut expediret, Ewaldus, cui Kurtzius et Bickellius²⁷⁾ accesserunt, coniectavit illud opusculum a Syro nobis suppeditatum nihil aliud esse quam librum *περὶ ἀληθείας* ab Eusebio l. IV. c. 26 inter alia Melitoniana memoratum. Quid plura dicam? Haec coniectura, quum verbis inscriptionis „indicavit ei viam veritatis“ nitatur, omnino reprobanda est. Nam ista verba scholiastae debentur, qui de exordio (c. 1), ubi nonnulla de veritate (comp. Iustin. De monarch. c. 1, De resurrect. c. 1, Athenagor. De resurrect. c. 1) exponuntur, in margine summam retulit: unde venerunt in ipsam inscriptionem.

Certa igitur non exstant firmaque testimonia, quibus origo huius opusculi Melitoniana probetur. Quid? Observavit Jacobi (l. c.) praeclare: „Mehreres in dieser Schrift führt nicht nur von Melito ab, sondern auch auf eine andere Spur. Es ist nicht wahrscheinlich, wenn wir einen

26) Ipse Welte (p. 388 s.) concedit: „Man kann bemerken, dass das Chronicon paschale, als eine schwache Stütze für Cureton's Behauptung erscheine, weil es eine compilerische und nicht immer sorgfältige Zusammenstellung von Stücken aus verschiedenen Schriftstellern sei, wobei nicht einmal einerlei Compilation durchgeführt werde. In einer solchen Schrift können leichtlich an verschiedenen Stellen wiederholt Aussagen über einerlei Sache vorkommen, und wenn zum Jahr 164—165 unter mehreren Apologien auch eine von Melito von Sardes erwähnt werde und zum Jahr 169 dasselbe geschehe, so folge daraus noch nicht sicher, dass unter der letztgenannten eine andere gemeint sei als unter der zuerst erwähnten.“

27) Ewald *Götting. Gel. Anzeigen* 1856. Fasc. 67. p. 658. — Kurtz *Hdb. d. allgem. KG.* ed. 2. T. I. P. I. p. 364 et *Lehrb. d. KG.* ed. 4. p. 100. — Bickell *Literar. Handweiser* 1869. N. 82. col. 324.

Schluss aus der Vergleichung mit dem von Eusebius überlieferten Fragment machen dürfen, dass Melito die Methode des Angriffs gegen das Heidenthum so ausschliesslich befolgt, die Vertheidigung und Auseinandersetzung des eigenen Standpunktes dagegen so sehr unterlassen haben sollte; nicht wahrscheinlich, dass er den Namen Christen und die eigenthümlich christlichen Begriffe mit solchem Stillschweigen übergangen hätte; es passt nicht wohl, dass er, welcher von Gott anthropomorphische Vorstellungen hatte [at auctor Apol. c. 2 (coll. c. 12): „nullus visus potest videre eum;“ est „absconditus“ c. 11], von der menschlichen Seele den geistigen Begriff haben sollte: sie sei unsichtbar [„non videtur“ c. 8], untastbar und gestaltlos [c. 6: „non visibilis, non palpabilis, et caret figura“]; es muss endlich auffallen, dass ein in Sardes Lebender bei der Aufzählung der Götter keine der gerade in dieser Gegend besonders verehrten Gottheiten nennt, weder Cybele noch Diana, während er [c. 5] griechische und andere in Menge an einander reiht. Hierin liegt ein nicht undeutlicher Wink für eine andere Gegend und für einen anderen Verfasser. Bei keinen Gottheiten verweilt derselbe so lange und mit solchem Interesse, als bei den syrischen [l. c.]. Er nennt sie mit eigenthümlichen Namen; er führt ihre Mythen verhältnissmässig weit und in dem localen Gepräge aus, welches sie in anderen Gegenden mit dem entsprechenden vertauscht haben, ja er giebt ziemlich sicher zu verstehen, dass er Mabug²⁸⁾ aus persönlicher Anschauung kennt. Was soll ich von Nebo, sagt er [l. c.], schreiben; alle Priester, welche in Mabug sind, wissen, dass er das Bild des Orpheus, eines thracischen Zauberers, ist. Für die orientalische Abkunft und Bildung des Verfassers spricht auch die Erwähnung der Windfluth [c. 12], einer, wie Cureton nachgewiesen hat

28) Mabug erat urbs in Syria Euphratensi, graeco nomine Hierapolis. Cf. Movers *Die Phönizier* T. I. p. 594.

[vid. Commentar. n. 207], orientalischen Legende. Es hat daher gewiss nicht wenig für sich, statt des Melito einen Autor anzunehmen, der in Syrien oder dessen Umkreise lebte, und sein theologischer Standpunkt legt die Vermuthung nahe, dass er ein von griechischer Bildung berührter Judenchrist gewesen sei.“

Dedicavit libellum Antonino Caesari. Hunc alloquitur c. 13: „Haec quum didiceris, Antonine Caesar, et filii quoque tui tecum.“ Coll. c. 12: „filii tui vestigiis tuis ingrediantur.“ Et: „Filiis autem tuis dicas sic.“ Itaque significat aut Antoninum Pium († 161) cum eius filiis adoptivis Marco Aurelio et Lucio Vero²⁹), aut — id quod statuit qui Melitonis nomen libello praetexit — Antoninum Verum (h. e. Marcum Aurelium † 180) cum filiis Commodus et Annio Vero († 170). Ille autem vir doctus³⁰) designatum censet Antoninum Caracallum. „Der vom Verfasser angeredete Kaiser Antoninus ist vermuthlich Caracalla, so dass die Abfassung in den Anfang des dritten Jahrhunderts fällt.“ Alius libellum fortasse Elagabalo (218—222), qui etiam Antoninus dicebatur, dicatum putaverit: quum propter ea quae c. 5 exponuntur, tum ob haec verba c. 6, quibus Caesar compellatur: „Tu vero . . . esto penes te ipsum, et si vestitu muliebris te tegere volunt, recordator te esse virum.“ Non vero obstant filii II. cc. memorati; licebat sane scriptori ita dicere etiam de prole posthac exspectanda. Quumque, ut alia (cf. n. 166) mittam, ipsa mater Soaemis Emesae affirmasset Elagabalum esse filium Caracalli: egregie quadrant quae c. 12 efferuntur: „si pater tuus prave ambulabat, tu ambula probe. . . . Et doleas super patrem tuum, qui prave ambulabat.“ Caeterum, — ut de Melitonis prudentia et mo-

29) Roerdam p. 46—48 libellum opinatur a Melitone (?) post mortem Hadriani Antonino Pio traditum esse anno 138. Sed firma ad id firmandum argumenta (p. 46 s.) non attulit.

30) Neander *Christl. DG.*, herausg. v. J. L. Jacobi, Ber. 1857. T. I. p. 108.

destia taceam (cf. Commentar. n. 4), — Iustinus quoque et Athenagoras libere imperatores allocuti sunt: sed tam vehementi voce, ut Pseudo-Melito (coll. c. 7 et 10: „Stulte“), non utebantur.

Reliqua Melitonis Sardiani scripta, quae Eusebius recensuit, ferme omnia ad controversias pertinent illius temporis quum montanisticas tum gnosticas. Hieronymus in epistola supra laudata: „Quid loquar de Melitone Sardensi episcopo, quid de Apollinario Hierapolitanae ecclesiae sacerdote, Dionysioque Corinthiorum episcopo, et Tatiano et Bardesane, et Irenaeo Photini martyris successore, qui origines haereseon singularum, et ex quibus philosophorum fontibus emanarint, multis voluminibus explicarunt?“ Eusebius l. V. c. 28. §. 5: *Τὰ γὰρ Εὐρηναίου καὶ Μελιτωνὸς καὶ τῶν λοιπῶν τίς ἀγνοεῖ βιβλία, θεὸν καὶ ἄνθρωπον καταγγέλλοντα τὸν Χριστόν;*

Iam vero quaeritur, quem locum Melito in istis controversiis montanisticis obtinuerit. Qua quidem de re mirum quantum inter se dissentiant viri eruditi. Etenim pro certo alii (Danz Schwegler Hilgenfeld³¹)) affirmarunt, alii (Woog Ritschl Credner Steitz³²)) negaverunt Melitonem fuisse Montanistam; fuerunt denique (Piper Gieseler Kahn³³)) qui medium quoddam tenuisse eum censerent nec ei attribuerent nisi propensionem ad montanismum: „er war,“ ut verba Lueckii³⁴) repetam, „kein Montanist, aber wahrscheinlich auch kein strenger Antimontanist, sondern ein

31) Danz De Eusebio p. 129 s. — Schwegler *Der Montanismus* p. 171 223. — Hilgenfeld *Der Paschastreit* p. 273.

32) Woog Diss. l. p. 36. — Ritschl *Die Entstehung d. alkath. Kirche* (ed. 2) p. 528. — Credner in *Bauri et Zelleri Theolog. Jahrb.* 1857. p. 298. — Steitz in *Herzogii Real-Encyklop. für protest. Theol. u. K. T.* IX. p. 314.

33) Piper p. 86 ss. — Gieseler *Lehrb. d. KG.* T. I. P. I (ed. 4) p. 201. — Kahn *Die Lehre v. heil. Geiste* P. I. p. 228.

34) *Vers. einer vollst. Einleitung in d. Offenb. d. Joh.* (ed. 2. Bonn. 1852) p. 565.

sogenannter Mittlerer.“ Montanistis qui eum adnumerarunt maxime solent provocare ad Hieronymum De vir. illustr. c. 24, cuius verba male interpretantur. Sunt haecce: „Huius [nempe Melitonis] elegans et declamatorium ingenium laudans [sic — „laudans“ (Sophron. ἐπαινῶν) . . . „dicit“ — editi libri ante Vallarsium, qui (T. II. col. 853) ex codd. Veron. et Vatic., quibus accedunt Gemblac. Sigeberg. Guelpherb., substituit „cavillatur“ . . . „dicens“] Tertullianus in septem libris, quos scripsit adversus ecclesiam pro Montano, dicit eum a plerisque nostrorum [h. e. catholicorum] prophetam putari.“ Ritschl: „Unter den *nostri* haben wir nicht die Partei des Tertullianus zu verstehen, sondern die katholische³⁵⁾. Grammatisch könnte allerdings das Wort *nostri* im Sinne Tertullian's gedeutet werden. Allein unmöglich könnte Tertullian die Anerkennung der prophetischen Gabe Melito's als von *plerique nostrorum* aussagen, wenn jener wirklich zu den neuen Propheten gehörte; und Hieronymus hätte schwerlich blos von einem Lobe des elegans et declamatorium ingenium Melito's gesprochen, wenn Tertullian denselben als einen Gesinnungsgenossen bezeichnet hätte. . . . Es ist auch unwahrscheinlich, dass der Mann, welcher offenbar ein Hauptträger des Episcopats gewesen ist und dessen Tendenzen verfolgt haben wird, sich dem Montanismus angeschlossen haben soll. Falls er denselben nicht bekämpft hat, so hat er sich entweder neutral gehalten, oder die weitere Verbreitung jener Richtung nicht mehr erlebt.“ Iam Piper inter alia monuit: „Dass Melito nicht Montanist gewesen, können wir schon aus dem Stillschweigen des Eusebius schliessen; denn der Uebertritt eines so ausgezeichneten und angesehenen Kirchenlehrers, wie Melito war, zum Montanismus gleich in dessen ersten Tagen wäre für diesen so bedeutsam, ja epochemachend gewesen, dass

35) Revera Polycrates l. c. vocat Melitonem τὸν ἐν ἁγίῳ πνεύματι πάντα πολιτευσάμενον. Coll. Ritschl p. 470.

ein solches Ereigniss unmöglich hätte verschwiegen werden können. Aber auffallend ist, dass Eusebius ihn nicht unter den Gegnern des Montanismus aufführt, von denen er doch ausführlich handelt (l. V. c. 16—19)³⁶). Auch diess scheint unerklärlich, wenn Melito entschieden feindlich gegen diese Richtung aufgetreten ist. Ich vermuthe daher, dass Melito keinerseits auf dem Extrem gestanden, sondern eine vermittelnde Tendenz behauptet hat, wie er denn selbst Prophet die ausserordentlichen Gnadengaben, und selbst unverheirathet die Enthaltbarkeit und Sittenstrenge, und wahrscheinlich selbst Chiliast³⁷) die Hoffnungen der Montanisten theilte. Also mochte er den ächten Grund anerkennen, an welchen auch diese Richtung sich anschloss, ohne die Verfälschungen zu verkennen, denen sie sich hingab, so dass er doch der wesentlichen Tendenz des Montanismus, den gesuchten neuen Offenbarungen und dem schwärmerischen Wesen überhaupt, abhold war³⁸). Eusebius aber, dem diese Art nicht recht entschieden vorkam, hat es verschmäht darüber zu berichten.“

Et haec quidem ratio videtur fuisse librorum, quos conscripsit Melito

1^o. *Περὶ πολιτείας τῶν προφητῶν*. Vide quae supra p. 376. n. 5 observavi. Quum autem Eusebius τὰ περὶ πολ. κτλ. dicat, sequitur Melitonem edidisse aut plures singulatim de hoc argumento libros aut, quod veri simillimum est, unum tantum opus pluribus libris constans. Cae-

36) Aliter Pitra: qui, ut supra in Miltiade p. 369 (n. 17) dixi, illius anonymi „adversus Cataphrygas“ fragmenta, tantopere apud Eusebium l. V. c. 16 s. commendata, temere adiudicavit Melitoni.

37) Cf. Fragm. V. Commentar. n. 37. — Minime a Melitone nostro exorti sunt, ut Piper p. 70 et Schwegler l. c. p. 223 crediderunt, Melitani vel Meletiani potius, chiliasmo dediti, quos Gennadius De eccl. dogm. c. 25 (al. 55) memoravit: Corp. haereseol. ed. Oehler. T. I. (Ber. 1856) p. 349.

38) Fragmenta Melitonis nobis servata nihil habent cum montanismo commune.

terum vox πολιτείας de *agendi ratione* vel de *vita* (*Wandel*) usurpata est; cf. Heinichen ad Euseb. H. E. I. V. c. 13. §. 2 (ed. 2) p. 230. n. 2.

2^o. *Περὶ προφητείας*. De hoc libro cf. p. 377. n. 10. Danzius³⁹⁾, cui tamen non assentior, opinatus est hunc librum et illum primo loco memoratum fortasse sub una exiisse inscriptione: *Περὶ προφητείας καὶ προφητῶν*. Etiam Clemens Alex. librum *Περὶ προφητείας* scripsit contra novam Montanistarum prophetiam (Strom. I. IV. c. 13. §. 95).

3^o. *Περὶ ἐκκλησίας*. Se veram (spiritus) ecclesiam esse dicebant Montanistae. Ille anonymus ap. Euseb. I. V. c. 16. §. 9 de Montano: τὴν δὲ καθόλου καὶ πᾶσαν τὴν ὑπὸ τὸν οὐρανὸν ἐκκλησίαν (h. e. ecclesiam catholicam) βλασφημεῖν διδάσκοντος τοῦ ἀπηρυθλασμένου πνεύματος, ὅτι μήτε τιμὴν μήτε πάροδον εἰς αὐτὴν τὸ ψευδοπροφητικὸν ἐλάμβανε πνεῦμα.

4^o. *Περὶ τοῦ διαβόλου καὶ ἀποκαλύψεως Ἰωάννου*. Cf. p. 377. n. 12. Minime Melito Apocalypsin illustravit commentario integro, ut Millius et Woogius⁴⁰⁾ crediderunt, sed scripsit de (περὶ) Apocalypsi ac diabolo: et plures quidem libros; nam Eusebius dicit τὰ (num. plur.) περὶ τοῦ κτλ., quibus de verbis idem valet quod superius in simili causa monui. Piper (p. 69 s.): „Wahrscheinlich hatte sich Melito in chiliastischem Interesse mit der Apokalypse beschäftigt; es waren ja die kleinasiatischen Kirchenlehrer damaliger Zeit dem Chiliasmus zugethan.“ De auctore Apocalypsis quid statuerit Melito, nescimus; sed recte Lueckius⁴¹⁾: „Nur die Vermuthung ist erlaubt, dass, wenn Melito etwa den Presbyter Johannes für den Verfasser der Apokalypse gehalten hätte, der gerade hierauf sehr aufmerksame Eusebius diess nicht unbemerkt gelassen haben würde.“ — Cf. Fragm. V.

39) L. c. p. 102.

40) Mill Prolegg. in N. T. n. 227 et Woog Diss. II. p. 21.

41) L. c. p. 564.

Memorandi hoc loco sunt libri Melitonis subditicii iique inferiore aetate confecti:

a. Commentarius (catena) in Apocalypsin, circa annum 1300 ab anonymo quodam ex Augustino Hieronymo Beda aliis collectus et consarcinatus, Ienae in Bibliotheca academica inter codices mstos theol. in fol. (olim n. 19, hodie n. 142) asservatus⁴²⁾ et Parisiis anno 1512. 8^o omisso Melitonis nomine typis exscriptus⁴³⁾. Initium codicis Ienensis: „Incipit liber milothonis [sic, vide quae paullo post admonui] super apokalipsin beati ioannis apostoli.“ In fine (p. 73): „Explicit postilla super apokalipsim militonis.“ Haec autem deleta sunt a scriba, qui post, quam glossarium et nonnulla de Ioanne apostolo adiecit, p. 74 haec posuit: „Explicit liber milotonis [sed litera o in i mutata effecit militonis] per manus procopii.“

b. L'Apocalypse de Méliton, ou Révélation des mystères cénobitiques par Méliton. A St. Léger. Prodiit ante a. 1640, quum a. 1641 datum sit responsum sic inscriptum: La conduite de Méliton etc., par le S. de Saint-Romain. Sed inde orta est altera libri illius editio: 1662 et 1665. 12^o. Qui liber, cuius auctor fuit Io. Petr. Camus, Bellicensis episcopus († 1652), satyram adversus monachos, nullo ordine excepto, continet. Cf. P. Bayle Réponse aux questions d'un provincial (Roter. 1704. 12^o) p. 631 et Pitra T. II. p. XXXII.

c. Meliti [h. e. Melitonis; in aliquot exemplis „Mellitus“ nominatur, in aliis „Miletus“ et „Mileto“; in nonnullis additur „episcopi Laodiciae“ vel „Laudociae“] liber De passione S. Ioannis evangelistae (6 Kal. Ianuar.), sive liber De actionibus Ioannis apostoli: latine in

42) Tentzel *Monatl. Unterredungen* Nov. 1692. p. 884 — 890 et Mylius *Memorab. biblioth. academ. Ienensis* (Ien. et Weissenf. 1746) p. 314—316.

43) „Explanatio in Apocalypsim ex commentt. Augustini Hieronymi Bedae Haymonis Elinandi Alberti Gilberti Ioachimi et Berengarii.“

Fr. Mar. Florentinii „Vetust. occident. ecclesiae martyrolog.“ Lucae 1668. Fol. p. 130 — 137, I. A. Fabricii Cod. apocr. N. T. Hamb. 1719. P. III. p. 604 — 613, G. Heinii Biblioth. anecd. P. I. Lips. 1848. p. 108 — 117, Mignii Patrolog. curs. compl. Par. 1857. col. 1239 — 1250. Plura dabunt Piper p. 112 ss. 148 ss., Gieseler *Götting. Gel. Anzeigen* 1849. Fasc. 6 s. p. 52 ss. et Pitra p. XXXI s. Pseudo-Melito in prologo ipse profitetur se nonnulla, quae non ad doctrinam pertinent sed ad miracula, ex Actibus Ioannis a Leucio (haeretico) conscriptis (ap. Tischendorf. Actt. apostt. apocryph., Lips. 1851, p. 266 ss. coll. p. LXXIII ss.) in libellum suum transtulisse.

Hic statim adiiciatur alius Pseudo-Melitonis liber areta propinquitate cum illo coniunctus, h. e.

d. Mileti [in aliquot libris „Miletonis“, in nonnullis vocatur „episcopus Laodiceae“] liber De transitu beatae Mariae virginis: latine in Bibliothecis SS. Patrum (e. g. Max. Bibl. vett. PP. T. II. P. 2. p. 212 — 216: vide ad Herm. Proll. p. XXX), Combefisii Biblioth. concionat. T. VIII. p. 646 ss., Mignii l. c. col. 1231 — 1240 et (bis) ap. Tischendorf. Apocalyps. apocryph., Lips. 1866, p. 113 — 123. 124 — 136. Cf. Nic. le Nourry Appar. ad Bibl. max. T. I. p. 556 ss., Piper p. 115 ss. 151 ss., Gieseler l. c. p. 54 s., Pitra p. XXX, Tischendorf. l. c. p. XXXIV ss. Hic liber apocryphus (a Gelasio papa inter apocrypha reiectus; cf. Gelas. decret. ap. Mansi Concill. T. VIII. p. 151. 167. 168) primum inter Graecos fuit circumlatus: Τοῦ ἁγίου Ἰωάννου τοῦ θεολόγου λόγος εἰς τὴν κοίμησιν τῆς ἁγίας θεοτόκου, ap. Tischendorf. l. c. p. 95 — 112. Exstant etiam recensiones syriacae: quarum quattuor in lucem protraxit W. Wright in Contributions to the apocryphal literature of the N. T. Lond. 1865 et Journal of sacred literature 1865 (Jan. et Apr.). Arabicam versionem edidit M. Enger: Ioann. apost. de transitu b. Mariae virg. etc. Elberf. 1854. Cf. G. Bickell: *Theolog. Quartalschrift* (Tub.) 1866. Fasc. 3. p. 468 ss.

Ad libros transeamus, quos Melito videtur contra Gnosticos conscripsisse. Nonnullorum autem huius generis librorum inscriptiones indicant Melitonem, cui veteres (ut supra memoravi) ipsum philosophi nomen tribuerunt, in quibusdam placitis philosophos sectatum esse platonicos: quos quidem fuisse adversarios gnosticismi inter omnes constat. Recte Baumgarten-Crusius ⁴⁴⁾: „Der Platonismus, der natürliche und allgemeine Feind der Gnosis, war auch die Lehre Vieler von den ältesten kirchlichen Bestreibern derselben.“ Idem ⁴⁵⁾: „Platonisirend waren die philosophirenden Väter des zweiten Jahrhunderts alle, auch Irenäus, entschiedener die Apologeten. Ebenfalls Melito von Sardes hat nach der Aufschrift mehrerer seiner Schriften dem Platonismus nahe gestanden, wie *Περὶ ψυχῆς καὶ σώματος ἡ* [?] *νοός* und *Κλείς*.“ Itaque libris contra gnosticisum scriptis adnumerandi sunt:

5^o. *Περὶ ἀληθείας*. Hic liber neutiquam idem est cum illa Apologia a Syro servata, ut Ewaldo praeunte nonnulli crediderunt, quos supra p. 383 refutavi. Etiam Apollinaris *Περὶ ἀληθείας* scripsit.

6^o. *Περὶ πλάσεως* (Hieronym. „de plasmate“), h. e. non De (universi huius) creatione, „Von der Schöpfung“, ut vulgo interpretantur (Woog Piper Neander ⁴⁶⁾), sed De formatione scil. hominis, „Von der Menschenbildung“, ut Baumgarten-Crusius ⁴⁷⁾ scite transtulit. Genes. 2, 7: καὶ ἔπλασεν ὁ θεὸς τὸν ἄνθρωπον. Ep. 1 ad Timoth. 2, 13: Ἀδὰμ γὰρ πρῶτος ἐπλάσθη, εἶτα Εὐά. Melit. Fragm. XVI: „qui te formavit.“ Ibid.: „hominem formavit.“ Fragm. XV: „ipse est formator hominis.“ Fragm. XIV: Logos „corpus ex formatione nostra texuit sibi.“ Sic antiqui patres con-

44) *Lehrb. d. chr. DG. P. I. p. 165.*

45) *Comp. d. chr. DG. P. I. p. 67.*

46) Woog Diss. I. p. 23 et II. p. 13. — Piper p. 81. — Neander *Allg. Gesch. d. chr. Relig. u. K.*, ed. 2, T. I. P. 2. p. 1167.

47) *Comp. d. chr. DG. P. I. p. 81.*

stanter. Iustin. Dial. c. Tr. c. 40: τὸ πλάσμα, ὃ ἔπλασεν ὁ θεὸς τὸν Ἀδάμ. Cohort. ad gentt. c. 30: εἴτα μετὰ τὰ πολλὰ τῶν κτισμάτων περὶ πλάσεως ἀνθρώπου πεποιήται μνήμην. De resurrect. c. 7: κατ' εἰκόνα θεοῦ πλασσόμενος ὁ ἄνθρωπος. Εἴτα πῶς οὐκ ἄτοπον τὴν ὑπὸ θεοῦ σάρκα πλασθεῖσαν κατ' εἰκόνα τὴν ἑαυτοῦ φάσκειν ἄτιμον εἶναι καὶ οὐδενὸς ἀξίαν; Cf. Corp. Apoll. Vol. III (ed. 2) p. 100. n. 9 et librum meum De Epist. ad Diogn. ed. 2. p. 119. Etiam sola ambulat illa vox, ut ap. Theophilum ad Aut. I. II. c. 19: Ὅπως δὲ καὶ ἡ πλάσις (scil. ἀνθρώπου) δειχθῇ κτλ.

7^o. Περὶ φύσεως ἀνθρώπου. Cf. Baumgarten-Crusius *Comp. d. chr. DG.* P. II. p. 224. 239 s.

8^o. Περὶ ψυχῆς καὶ σώματος καὶ νοός. Cf. supra p. 376. n. 8 et p. 392. Hic titulus indicat platoniceam humanae naturae trichotomiam: qua tres hominis essentiales, quas dicunt, partes defenduntur: corpus anima spiritus, ita quidem, ut σῶμα sit artificiosa materialium membrorum compages (der leibliche Organismus), ψυχὴ vis vitalis, qua corpus animatur (das animalische Lebensprincip, — simul sedes appetituum), νοῦς sive πνεῦμα vis, qua homo cogitat sentit vult (das geistige und unsterbliche Princip). Cf. Ep. 1 ad Thessalon. 5, 23 et Ep. ad Hebr. 4, 12. Pseudo-Iustinus De resurrect. c. 10: Ψυχὴ ἐν σώματι ἐστίν, οὐ ζῆ δὲ ἄψυχον σῶμα, ψυχῆς ἀπολειπούσης, οὐκ ἐστίν. Οἶκος γὰρ τὸ σῶμα ψυχῆς, πνεύματος δὲ ψυχὴ οἶκος. Irenaeus adv. haeres. I. V. c. 9. §. 1: „Sunt tria, ex quibus perfectus homo constat, carne anima et spiritu: et altero quidem salvante et figurante, qui est spiritus, altero, quod unitur et formatur, quod est caro; id vero, quod inter haec est duo, quod est anima, quae aliquando quidem subsequens spiritum elevatur ab eo, aliquando autem consentiens carni decidit in terrenas concupiscentias.“ Cf. quae ad illum locum in Corp. Apoll. Vol. III. ed. 2. p. 242 s. adnotavi. — Huc pertinet Fragm. XIII.

9^o. Περὶ κτίσεως καὶ γενέσεως Χριστοῦ. Cf. supra p. 377. n. 9. Valesius ad locum Eusebii illic alla-

tum: „Hieronymus uno *generationis* [? sic — „Von der Erzeugung (= γέννησις, a v. γεννάω) Christi“ — alii quoque, e. g. Woog p. 17 et Piper p. 81, male reddiderunt; sed γένεσις, a v. γίνομαι, est *nativitas*, cf. meam adnotationem ad Athenagor. Supplic. p. Chr. c. 4. §. 5. p. 21] vocabulo contentus vocem κτίσεως utpote duriores declinavit, propterea quod Christum in ordinem creaturarum cogere videretur. Verum antiqui patres, qui ante concilium Nicaenum vixere, per vocabulum κτίσεως [desumptum haud dubie ex illustri loco Prov. 8, 22: Κύριος ἔκτισέ με ἀρχὴν ὁδῶν αὐτοῦ, comp. supra p. 362] non eam solam creationem quae ex nihilo fit, sed omne genus productionis intellexerunt ipsamque adeo generationem Verbi.“

10^o. Περὶ ἐνσωμάτου θεοῦ. Hieronymus, cui libri Melitonis minime ad manus erant, graeca tituli ambigui verba ex Eusebio retinuit, incertus quid voluerint. Prae-eunte Ruffino („*De deo corpore induto*“) nonnulli viri docti, ut Henschen Ceillier Tzschirner Danz Möhler Pitra Dursch⁴⁸⁾, reddiderunt: De incarnatione dei, h. e. logi. Sic etiam Syrus interpres, ap. Cureton. in Spicil. syr. p. 34, 23. Ἐν-σώματος ἐν τῷ θεῷ est Christus, quatenus humano indutus corpore inter homines apparuit. Hinc τῆς ἐνσωματώσεως (Ἰησοῦ) χρόνοι apud Origenem c. Cels. I. I. c. 43 (Opp. ed. Lommatzsch. T. XVIII) p. 83 sunt tempora, quibus in corpore versatus est Iesus in hac terra, et Athanasius Orat. II (al. I) c. Arian. c. 53. p. 360 loquitur de ἐνσωμάτῳ παρουσίᾳ τοῦ σωτῆρος. At vero, ut iam Tillemont Woog Semler Keil Münscher Piper Neander Gieseler Hefele Nitzsch⁴⁹⁾ aliique

48) Henschen Act. SS. I. c. p. 11. — Ceillier Hist. génér. T. II. p. 76. — Tzschirner Gesch. d. Apolog. P. I. p. 240. — Danz I. c. p. 98. — Möhler Patrologie T. I. p. 315. — Pitra p. XI. — Dursch Symbol. d. chr. Relig. T. II. p. 18 s.

49) Tillemont I. c. T. II. p. 708. — Woog Diss. II. p. 23. — Semler S. J. Baumg. Unters. T. II. p. 82. — Keil ap. Fabric.-Harl. T. VII. p. 151. — Münscher Hdb. d. chr. DG. T. I. p. 398. —

monuerunt⁵⁰⁾, obstat Origenis auctoritas. Qui quidem in *Fragm. Commentar. in Genes. ap. Theodoret. Quaestt. in Genes. XX*, *Opp. ed. Sirmond. T. I. p. 21* (*Origen. Select. in Genes. 1, 26: Opp. T. VIII. p. 49 s.*), Melitonem iis diserte adnumerat qui deum corporalem esse affirmarunt, dicitque eundem reliquisse librum de eo quod deus sit corporeus. Προδιαληπτέον πρότερον, ποῦ συνίσταται τὸ „κατ' εἰκόνα“, ἐν σώματι ἢ ἐν ψυχῇ. Ἰδωμεν δὲ πρότερον, οἷς χρῶνται οἱ τὸ πρῶτον λέγοντες· ὧν ἐστι καὶ Μελίτων, σύγγραμμά τι (sic emendo vulg. συγγράμματα) καταλειπῶς περὶ τοῦ ἐν σώματος εἶναι τὸν θεόν. Μέλη γὰρ θεοῦ ὀνομαζόμενα εὐρίσκοντες . . . ἄντικρυς φάσκουσι ταῦτα οὐχ ἕτερόν τι διδάσκειν ἢ τὴν μορφήν τοῦ θεοῦ. Πῶς δέ, φασί, καὶ ὥφθη ὁ θεὸς τῇ Ἀβραάμ καὶ Μωσῇ καὶ τοῖς ἁγίοις μὴ μεμορφωμένος; Μεμορφωμένος δὲ κατὰ ποῖον χαρακτῆρα ἢ τὸν ἀνθρώπινον; Καὶ συνάγουσι μυρία ῥητὰ μέλη ὀνομάζοντα θεοῦ. Hanc itaque suam sententiam Melito et qui cum eo senserunt ex variis Scripturae locis comprobabant, iis potissimum, in quibus de theophaniis sermo est. Perperam igitur contendit Bretschneiderus⁵¹⁾ Melitonem τὸ σῶμα et τὴν οὐσίαν pro una re usurpasse, ut Tertullianum *adv. Praxeam c. 7*: „Quis enim negabit deum corpus [= substantiam] esse, etsi deus spiritus est?“ *Coll. De carn. Christi c. 11*. Aeque Baumgarten-Crusii⁵²⁾ opinio reiicienda est: „Melito hat wohl σῶμα

Piper p. 71 ss. — Neander l. c. T. II. p. 1167 et *Chr. DG. P. I. p. 108. 190*. — Routh p. 144. — Gieseler *DG. p. 112*. — Hefele in *Wetzeri et Weltii Kirchen-Lexikon* T. VII (Frib. 1851) p. 47. — Hilgenfeld l. c. p. 267. — Nitzsch *Grundr. d. chr. DG. P. I* (Ber. 1870) p. 280.

50) Res videtur ambigua esse Schroeckhio *Chr. KG. (ed. 2) P. III. p. 117*, Baumgarten-Crusio *Comp. d. chr. DG. P. II. p. 93. 143*, Steitzio in *Herzogii Real-Encyklop. T. IX* (1858) p. 314, Hambergero in *Liebneri et alior. Jahrb. f. Deutsche Theologie* (Goth.) 1862. Fasc. I. p. 128.

51) *Hdb. d. Dogmatik*, ed. 4, T. I. p. 487.

52) *Lehrb. d. chr. DG. P. II. p. 932. Comp. d. chr. DG. P. II. p. 93*.

θεοῦ, wie Spätere das τόπος θεοῦ verstanden, und vielleicht Gott im Himmel gemeint.“ Quid? Etiam Gennadius De ecclesiast. dogmat. c. 4 tradit Melitonem et Tertullianum corporeum quid in trinitate credidisse, licet utrumque ex classe Anthropomorphitarum expresse eximat; dicit enim: „Nihil corporeum [scil. in trinitate credamus], ut Melito et Tertullianus, nihil corporaliter effigiatum, ut Anthropomorphus [fort. leg. „Anthropomorphitae“] et Audianus“ [vulg. „Vadianus“]. Quodsi statuere nolumus Origeni — id quod non verisimile mihi videtur — nunquam visum esse Melitonis opus *Περὶ ἐνσωμάτου θεοῦ*, cuius quidem titulus ad notitiam eius pervenisset⁵³⁾, concedamus necesse est Melitonem deo corporalem formam attribuisse. Qua quidem in re eum videmus non cum Platone sensisse, qui summum numen docuerat esse mere spirituale, ab omni mortali concretionem segregatum. Anthropomorphismus, sed minime crassus,prehenditur etiam in Clementinis: Homil. XVII. c. 7 — 11. Secta, quae similem pronuntiavit sententiam, commemoratur ab Augustino De haeres. c. 76 („Alia dicit corpus hominis, non animam esse imaginem dei“), sed sine nomine: quod ne in indice quidem, illi libro praemisso, exstat; cf. Danaeus ad h. l. et Oehler Corp. haereseol. T. I. p. 218. coll. 195.

11^o. *Περὶ ὑπακοῆς πίστεως αἰσθητηρίων* (cf. supra p. 376. n. 7), h. e. De obedientia fidei quae fit a sensibus. Quidam enim haeretici, ut scite advertit Vallesius, aiebant psychicos quidem sensuum opera credere, pneumaticos vero per rationem. Ita Heracleo, Valentini assecla, explicabat locum ev. Ioannis 4, 48: Ἐὰν μὴ σῆμεῖα καὶ τέρατα ἴδῃτε, οὐ μὴ πιστεύσῃτε. Quae Christi verba, aiebat Heracleo, dici proprie ad eos qui per opera et sensus habeant naturam obediendi, non autem credendi per rationem. Refert id Origenes Commentt. in evang. Ioann. tomo 13. c. 59 (Opp. T. II) p. 124, ubi et id refutat, docens tam pneumati-

53) Steitz l. c.

cos quam psychicos non posse nisi per sensum credere. Baumgarten-Crusius⁵⁴⁾ interpretatus est: „Vom Organe des Glaubensgehorsams“ (Hebr. 5, 14).

12^o. *Περὶ λουτροῦ*, = De lavacro (Ruff.), h. e. De baptismo (Hieron. et Syr. interpr. ap. Curet. Spicil. syr. p. 34, 20). Egregie Piper (p. 82 ss.): „Es liegt die Vermuthung nahe, dass diese Schrift ebenfalls dem Gegensatz gegen den Gnosticismus angehört; allein unmittelbar finden wir weder in diesem, noch überhaupt in der Geschichte seiner Zeit eine Veranlassung zur Erörterung dieser Frage. Achten wir indess auf spätere Vorgänge und bemerken wir, dass Umstände, die später obwalteten, ganz besonders schon zu Melito's Zeit eingetreten waren: so werden wir den Gegenstand der Schrift mit Wahrscheinlichkeit bestimmen können. Bekannt ist nach der Mitte des dritten Jahrhunderts der Streit zwischen der afrikanischen Kirche, insbesondere Cyprian und dem römischen Bischofe Stephanus, über die Gültigkeit der Ketzertaufe. Schon vorher war zwischen Stephanus und den asiatischen Kirchen, unter deren Bischöfen Firmilianus von Cäsarea in Cappadocien hervorragte, über dieselbe Frage Zwiespalt entstanden. Aus den Acten dieses Streites ersehen wir nun erstlich, dass schon vor längerer Zeit in Asien auf vielen und bedeutenden Concilien beschlossen war, die, welche von den Häretikern überträten, sollten als Katechumenen gehalten werden und dann erst die wahre Taufe empfangen⁵⁵⁾. Namentlich werden die Concilien zu Iconium und Synnada genannt⁵⁶⁾, auf deren ersterem die Bischöfe aus Galatien, Cilicien und den übrigen benachbarten Gegenden, unter ihnen wahrscheinlich auch Firmilianus, zusammenkamen und jenen

54) *Comp. d. chr. DG. P. I. p. 81.*

55) Dionys. Alex. ep. II de baptism. ad Xystum ap. Euseb. VII. c. 5.

56) Dionys. Alex. ep. III de baptism. ad Philemonen ap. Euseb. VII. c. 7.

Schluss fassten, um das Jahr 235. Wir hören weiter, dass jene Ansicht, die Taufe der Häretiker nicht anzuerkennen, und demnach die Sitte, die aus den Häresien Uebertretenden zu taufen, in Asien seit undenklichen Zeiten gegolten, so dass man sie mit apostolischer Ueberlieferung in gleichen Rang stellte: worauf man sich berief im Gegensatze gegen die römische Kirche, die ihrerseits die entgegengesetzte Tradition geltend machte⁵⁷⁾. Da nun Melito nur zwei Menschenalter vor Firmilianus, der schon gegen das Ende der Regierung des Alexander Severus als Bischof von Cäsarea sich auszeichnete⁵⁸⁾, gelebt, so wird schon zu seiner Zeit dieselbe Sitte gegolten haben. Anlass genug, sie zu üben, musste vorhanden sein, da gerade damals die gnostischen Häresien aufgeblüht waren. Dass eine solche Sitte aufkam, ist bei der streng kirchlichen Tendenz der grossen asiatischen Kirchenlehrer nicht auffallend. Bei der Art, wie Polykarp den Marcion ansah, ist schwer zu glauben, dass er eine durch ihn vollzogene Taufe für gültig erkannt hätte; er selbst hat in Rom viele Valentinianer und Marcioniten zur Kirche zurückgeführt. Wie es in dieser Beziehung mit ihnen gehalten worden, wissen wir nicht; es lässt sich denken, dass sie schon vorher in der allgemeinen Kirche die Taufe empfangen: wonach denn die Gültigkeit der Taufe nicht mehr in Frage kommen konnte. Aber ich möchte vermuthen, dass unter den von Irenäus nicht genannten Differenzen, über welche Polykarp mit Anicet verhandelt hat, auch diese Frage über die Gültigkeit der Ketzertaufe sich befunden. Was insbesondere Marcion betrifft, so mag dieser wohl schon selbst Abweichungen in den Taufritus eingeführt haben, wenn wir auch nicht berechtigt sind, alle die Gebräuche der spätern Marcioniten auf ihren Stifter zurückzuführen. Um so mehr musste man sich gedrungen fühlen,

57) Firmilian. ep. ad Cyprian. in ei. Opp. ep. 75. p. 145. 149.

58) Euseb. VI. c. 26.

die Marcionitentaufe zu verwerfen, — obwohl später der römische Bischof Stephanus ausdrücklich die Taufe des Marcion, des Valentinus und des Apelles für gültig erkannt hat⁵⁹). Wie nun Melito den Marcion in dogmatischer Hinsicht bestritten, so glaube ich auf alle diese Verhältnisse für Melito's Schrift von der Taufe die Vermuthung stützen zu können, dass er in dieser eine disciplinarische Frage aufgefasst und im Gegensatze gegen die marcionitische oder überhaupt gnostische Taufe die Alleingültigkeit des in der Kirche vorgenommenen Sacraments ausgeführt hat. Dass Eusebius hiervon nichts anmerkt, ist nicht zu verwundern, da er selbst bei den spätern wichtigen Streitigkeiten mit auffallender Ungenauigkeit und Schweigsamkeit referirt.“

Ad controversias autem inter Christianos ex Iudaeis et ex gentilibus arcessitos exortas spectant

13^o. *Περὶ τοῦ πάσχα* libri duo. De discrepantia, quae in sacris paschalibus celebrandis inter asianas ecclesias et occidentales intercedebat, primum Polycarpus, Romam profectus, cum Aniceto episcopo romano egit. Cf. Irenaeus ap. Euseb. l. V. c. 24. §. 16 s. Deinde circa a. 167 in ipsa ecclesia asiana, nempe Laodiceae, Sagari episcopo mortuo, de causa paschali dissensiones exoriebantur. Hac occasione Melito opus *Περὶ τοῦ πάσχα* scripsit, in quo docuit, ut patet ex epistola Polycratis ap. Euseb. l. c. §§. 2. 6, pascha die quarto decimo mensis Nisan esse celebrandum. Contra sententiam a Melitone prolatam scripsit Clemens Alexandrinus, ut Eusebius l. IV. c. 26. §. 4 refert: *Τούτου δὲ τοῦ λόγου* (Melitonis) *μέννηται Κλήμης ὁ Ἀλεξανδρεὺς ἐν ἰδίῳ περὶ τοῦ πάσχα λόγῳ, ὃν ὡς ἐξ αἰτίας τῆς τοῦ Μελίτωνος γραφῆς φησιν ἑαυτὸν συντάξαι.* Coll. l. VI. c. 13. §. 9: *Μέννηται* (Clemens Alex.) *δὲ ἐν αὐτῷ* (h. e. ἐν τῷ λόγῳ περὶ τοῦ πάσχα) *Μελίτωνος καὶ Εἰρηναίου καὶ τινῶν ἑτέρων, ὧν καὶ τὰς διηγήσεις τέθειται.* Ecclesia alexandrina, ut fragmentum testatur syn-

59) Cyprian. ep. 74. p. 140. Cf. Thilo Act. Thomae p. 172.

odicae epistolae concilii Caesariensis (ferme exeunte saeculo secundo habiti) ap. Euseb. l. V. c. 25. coll. c. 23, de tempore paschatis celebrandi ab Asianis (h. e. Christianis Asiae proconsularis) dissentiebat, ut etiam Routhius p. 127 (coll. Vol. II. ed. 2. p. 3 ss.) monuit. Cf. Ad. Hilgenfeld *Der Paschastreit der alten Kirche* (Hal. 1860) p. 251 ss. et Aem. Schürer *De controversiis paschalibus secundo saeculo exortis* (Lips. 1869) p. 37 s., germ. in *Kahn'sii Zeitschr. f. d. histor. Theologie* (Goth.) 1870. Fasc. 2. p. 182 ss. Adde quae infra, in Apollinari, data occasione de controversia paschali disserui. — Cf. Fragn. IV.

14^o. *Περὶ κυριακῆς*. Routhius (p. 137): „Hoc nomine appellarunt hebdomale dominicae resurrectionis festum ante Melitonem Dionysiumve Corinthium [ap. Euseb. l. IV. c. 23. §. 11], aequalem eius, S. Ioannes Apoc. 1, 10 discipulusque eius Ignatius in Epist. ad Magnes. c. 9. Qui quidem dies sacer [quem primaevi Christiani nonnunquam, quando gentilibus scribebant, τὴν τοῦ ἡλίου ἡμέραν etiam appellare non dubitabant: Iustin. Apol. I. c. 67], cum apostolicis temporibus institutus esset atque exinde ab omnibus Christianis observatus, sabbatum, quod abrogatum fuisse testatur S. Paulus in Epist. ad Coloss. 2, 16, prorsus exclusit, sed sensim gradatimque. [Cf. Gieseler *Lehrb. d. KG.* T. I. P. 1. ed. 4. p. 121. 239.] Quapropter Melito in libro suo [fortasse etiam Montanistarum habita ratione, qui sabbatum videntur severe observasse: cf. Schweigler l. c. p. 134 s.] ostendisse existimari possit, quantum dies primus, seu, ut mystica ratione eum vocabant, dies octavus, septimum diem dignitate praestaret. Cf. Barnab. Epist. c. 15.“ Woogius (Diss. II. p. 13): „Huius libri scribendi occasionem forte dedit controversia de festivitate paschali.“

Præterea Melito sacris veteris testamenti libris operam navavit. Huc referendae sunt

15^o. *Ἐκλογαί* in sex libros distributae. Precibus Onesimi cuiusdam hoc opus composuit, qui, ut Eusebius l. IV.

c. 26. §. 13 s. narrat, concupiverat libros Veteris Testamenti accurate cognoscere, quot numero et quo sint ordine scripti. Itinere itaque in Palaestinam instituto illos libros non modo didicit Melito eorumque indicem Onesimo misit, verum etiam ex iisdem insuper excerpta quaedam (ἐκλογάς) collegit ad Christum et ad universam fidem nostram spectantia. Hi Eclogarum libri non videntur ultimum a Melitone conscriptum opus, licet potiori loco in librorum serie ab Eusebio non fuerint comprehensi, sed post omnes, interiectis quibusdam aliis, recenseantur appendicis quasi loco, cuius rei Woogius (Diss. II. p. 28) hanc fuisse causam coniicit, „quod non tam ingenii opus censuerit quam laboris.“ — Cf. Fragm. III et IX—XII ibique Commentar. n. 48. ⁶⁰⁾

16⁰. Ἡ κλείς. Hic liber non pertinebat ad controversias poenitentiales, ita quidem, ut de clavi ecclesiae sive de potestate clavium (Matth. 16, 19: δώσω σοι τὰς κλεῖς τῆς βασιλείας) exposuerit, id quod Danzius Schweglerus Neander ⁶¹⁾ perperam crediderunt. Cf. Ritschl l. c. p. 528. Sed, prout ex titulo apparet platonico (comp. ἡ κλεῖς τῆς γνώσεως Luc. 11, 52 coll. 8, 10), aut aperiebat aditum ad veram rerum divinarum (potissimum doctrinae vel fidei christianae, τῆς καθ' ἡμᾶς φιλοσοφίας, ut formula Melitoniana utar ex libro eius apologetico deprompta) cognitionem, quemadmodum inter scripta Hermetica, quorum auctores Platonici erant, comparet libellus *Kleis* inscriptus ⁶²⁾, ut Baumgarten-Crusius ⁶³⁾ monuit, aut forsitan mentem scripturarum sacrarum recludebat, h. e. sive versabatur, ut plerique ⁶⁴⁾ opinantur, in figuratis scripturarum (Veteris Te-

60) Praeterea vide quae in Commentar. ad Fragm. XV. n. 102 adversus Roerdamum monui.

61) Danz l. c. p. 129. — Schwegler l. c. p. 223. — Neander l. c. T. I. P. 2. p. 1167.

62) Incipit „Τὸν χθὲς λόγον, ὃ Ἀσκληπιέ, σοὶ ἀνέθηκα“ κτλ. Poemand. lib. X, rec. G. Parthey. Ber. 1854. p. 67.

63) *Comp. d. chr. DG.* P. II. p. 81.

64) Cf. de Pressensé l. c. P. III, Lips. 1863, p. 125.

stamenti et fortasse etiam Apocalypsis Ioanneae) verbis et formulis exponendis (qua autem ratione ordinaverit nescimus), sive tantummodo nomina (hebraica) in scripturis commemorata (more Philonis, maxime apud Origenem conspicuo: coll. Iustin. Apol. II. c. 6. not. 8 et Dial. c. Tr. c. 103. not. 14) interpretando explanabat, ut Redepenningius⁶⁵⁾ coniecit.

Iam Phil. Labbeus⁶⁶⁾ mentionem fecit cuiusdam codicis membranacei, Parisiis in Collegio Societatis Iesu Claromontano⁶⁷⁾ asservati, quo contineatur *Melitonis Clavis Scripturae*, haud multum diversa a *Formulis spiritualis intelligentiae*, quae inter opera S. Eucherii Lugdunensis numerentur⁶⁸⁾. Inter schedas vero Grabii mstas, quae Oxonii in Bibliotheca Bodleiana asservantur (= *Grab. IV*, paginarum 87 in 4⁰), exstat codicis illius Claromontani apographum (per Michaellem Lequien confectum): et cum alio quidem eiusdem operis exemplari collatum, quod (codici Bibliorum Theodulphi, Aurelianensis episcopi, additum et hodie Parisiis in Bibliotheca Imperiali custoditum: *Supplem. lat.* 687) ad bibliothecam praesidis senatus Parisiensis de Mesmes pertinebat. Initio codicis Claromontani⁶⁹⁾, eadem manu qua liber ipse exaratus est, legitur hic titulus: „*Miletus* [vid. supra p. 390 s.], *Asianus episcopus, hunc librum edidit, quem et congruo nomine clavim appellavit.*“ In exteriori autem margine (teste Grabio) a Phil. Labbeo, e S. I., scriptum est: „*Melitonis, episcopi in Asia et martyris, Clavis sacrae*

65) *Origenes* P. I. p. 368

66) *De scriptt. eccles.*, Par. 1660, T. II. p. 87.

67) *Videsis Corp. Apoll.* Vol. I (ed. 2) Proll. p. XXI.

68) Formulas illas Eucherio abiudicandas censuit Sixtus Sen. (Biblioth. S. p. 226), quippe quae ex auctoribus eodem Eucherio recentioribus hinc inde collectae sint.

69) Gallandius p. CXX inter alia hunc nuntium de illo codice per amicum accepit: „L'ouvrage est un in-quarto assez mince, d'environ 300 pages en velin, dont l'écriture est de la fin du XII ou commencement du XIII siècle.“

scripturae.“ Editurum se hoc monumentum, cum emendationibus Iac. Sirmendi, promiserat Magnus Crusius⁷⁰⁾; sed iura sua cessit Woogio. Verum neque is, qui quidem operis *γνησιότητα* minime in dubium vocavit, promissis suis stetit; in Diss. II. p. 21 nonnisi tredecim huius scripti capitulum syllabum dedit (c. 1 *de deo*, c. 2 *de filio dei*, c. 3 *de supernis creaturis* etc.) et p. 49 — 53 caput primum, in quo membra deo patri in scriptura sacra per *ἀνθρωποπάθειαν* tributa quid significant exponitur, speciminis loco exhibuit⁷¹⁾. Ex quo quidem specimine iam Keilius⁷²⁾ iudicavit non magnam profecto hac in re iacturam fecisse orbem literatum. Anno demum 1855 illa Clavis integra Parisiis publici iuris facta est a I. B. Pitra in „Spicilegio Solesmensi“: Tom. II. p. 1—519 (cc. 1—8) et Tom. III. p. 1—307 (cc. 9—13). Hic monachus ordinis S. Benedicti, artis expertus criticae, librum a Melitone scriptum credit. Textui subiecit veterum (Eucherii, Gregorii M., Hrabani aliorumque) „varium

70) Dissert. epistolica ad Chr. Wormium p. 13.

71) En huius speciminis initium:

„Caput domini, ipsa divinitas: eo quod principium et creator sit omnium rerum; in Danihele [7, 9].

Capilli domini candidi: eo quod antiquus sit dierum; ubi et supra [Dan. 7, 9; coll. Apoc. 1, 14].

Oculi domini, inspectio divina: eo quod omnia videat; sicut est illud in apostolo: *Omnia enim nuda et aperta sunt in oculis eius* [Hebr. 4, 13].

Palpebrae domini, occulta et spiritualia in divinis praeceptis mysteria; in Psalmo [11, 4]: *Palpebrae eius interrogant*, h. e. probant, *filios hominum*.

Odoratus domini, delectatio eius in orationibus sive operibus sanctorum; in Genesi [8, 21]: *Odoratusque est dominus odorem suavitatis*.

Os domini, filius eius vel sermo ad homines; in propheta [Ies. 4, 20]: *Os domini locutus est*, et alibi [Thren. 1, 18]: *Os eius ad iracundiam provocaverunt*.

Lingua domini, spiritus eius sanctus; in Psalmo [45, 2]: *Lingua mea calamus*.“

72) Ap. Fabr.-Harl. p. 150.

commentarium“ et diversas codicum (octo) mstorum lectiones. Germanice sub Melitonis nomine, cum excerptis ex isto veterum „vario commentario,“ reddidit G. M. Dursch: *Symbolik d. chr. Religion*. Tom. II, Tub. 1859, p. 21—543.

At pridem vero Routhius (p. 142) ostendit istam Clavem, cuius portiunculam Woogius edidit, si a Melitone fuerit scripta, sincerum tamen atque incorruptum opus neutiquam censendam esse. Danzius ⁷³⁾: „Clavis, quam Woogius in publicum edere statuerat, nullo modo fuit Melitonis.“ Nuper de eadem re sagacissime disputavit G. E. Steitz: *Kritisches Referat über die von Pitra edirte „S. Melitonis Clavis“ in Ullm. et Umbr. Theolog. Studien u. Kritiken* (Goth.) 1857. Fasc. III. p. 584 ss. Qui quidem inter alia haec observavit: „Das Werk ist ein einfaches Wörterbuch, worin die bildlichen Ausdrücke der Schrift nach den verschiedenen mystischen Bedeutungen, die man ihnen unterlegte, erklärt sind. Nach Art der älteren Glossarien ist es nicht in alphabetischer, sondern in sachlicher Folge geordnet. Die gegebenen Worterklärungen sind aus den mystischen Interpretationen der abendländischen Väter verschiedener Zeiten zusammengestellt und lassen die innere Einheit eines leitenden Gedankens durchaus vermissen. Namentlich sind viele Erklärungen den Moralien und Homilien Gregor's des Grossen entlehnt, und nur die blinde Vorliebe des französischen Herausgebers für seinen Fund, verbunden mit seinem unglaublichen Mangel an kritischem Scharfblick, konnte ihn zu der Behauptung (T. II. p. XXIII) verleiten, dass Gregor die Schätze Melito's mit vollen Händen geplündert habe, um seine Schriften damit zu bereichern.“ Iam multa exempla vir doctus affert ad sententiam suam probandam. Pauca ex iis afferam: „Ungemein häufig sind die Beziehungen auf das Mönchthum. Die Zahl zwei deutet nach Cap. 12. §. 2. Nr. 8 auf praelati et subditi, ein Unterschied, der in den

73) L. c. p. 129.

Schriften Gregor's an unzähligen Stellen gemacht wird; die Zahl drei nach Cap. 12. §. 3. Nr. 6 auf die trifaria fidelium professio, d. h. wie der Cod. A ergänzend hinzufügt: clericorum, monachorum et coniugum (vgl. Moral. lib. XXXII. cap. 20. no. 25: *In tribus ordinibus s. ecclesia constat: coniugatorum videlicet, continentium et rectorum*; cf. Moral. lib. I. c. 14. no. 20 und Homil. in Ezech. lib. II. hom. 4. no. 5, wo die letzteren pastores und praedicatores genannt werden); semita nach Cap. 4. §. 8. Nr. 11 auf die vita regularis (Moral. l. XI. c. 47. no. 63: *semita enim angustior solet esse quam via*); virga nach Cap. 7. §. 34. Nr. 9 auf die disciplina monastica, flos nach Cap. 7. §. 61. Nr. 5 auf die Novizen. Besondere Beachtung verdient, dass die beiden Augen Cap. 5. §. 8. Nr. 2 unter Citation von Matth. 5, 29 auf den auch sonst sehr häufig hervorgehobenen Unterschied der vita contemplativa et activa bezogen werden. In welchem Sinne dieses Citat gemeint sei, ist nicht näher angedeutet; es ergiebt sich aber sofort aus Moral. lib. VI. c. 37. no. 57: *Dexter namque oculus vita contemplativa est, sinister activa. Sed sunt nonnulli, qui indiscrete intueri summa et spiritalia nequaquam possunt, et tamen alta contemplationis assumunt, atque idcirco in perfidiae foream, intellectus pravi errore, dilabuntur. Quibus recte hoc Veritas dicit: Si oculus tuus dexter scandalizat te, erue eum et proice abs te.* Tum vir doctus addit quae de Maria dicuntur, e quibus non assero nisi hoc unum argumentum: „Der Stelle Cap. 11. §. 20. Nr. 2: *Porta . . . uterus virginis: vidi portam in domo domini clausam*, Ezech. 44, 2, liegt unverkennbar der von Paschasius Radbertus in die Theologie eingeführte Gedanke zu Grunde, dass Maria clausis visceribus oder clausa vulva geboren habe.“ Deinde idem haec monet: „Es ist bemerkenswerth, dass die Clavis bereits von dem vollständigen spätern Kanon der katholischen Kirche ausgeht und demnach auch die Apokryphen als kanonische Bücher citirt, während bekanntlich Melito streng

am palästinensischen Kanon festhielt und die Apokryphen ausschloss.“⁷⁴⁾

Inde concludit Steitzius: „Nach allem dem wird Niemand zweifeln, dass wir in der von Pitra⁷⁵⁾ edirten „Clavis“ nicht die *Κλεις* des Melito, sondern ein Glossar weit späterer Zeit vor uns haben. Dieselbe ist auch nicht aus dem Griechischen übersetzt, sondern von einem Abendländer zusammengetragen. Das beweisen einige etymologische Versuche: Cap. 11. §. 63: *Hostia pacifica, opus misericordiae, quae ideo hostia pacifica appellatur, eo quod hosti diabolo resistat et deo hominem reconciliet.* Cap. 7. §. 34. Nr. 6: *Virga, virgo Maria; exiet virga de radice Iesse* (Ies. 11, 1). Denn sicherlich würde der Verfasser die *virga* auf Christus bezogen haben, wenn ihn nicht der Gleichlaut in *virgo* davon abgebracht hätte.“

Qui autem factum est, ut Clavi nomen Melitonis prae-texeretur? Provocavit Steitzius quum ad alios Melitonis libros spurios, „De passione S. Ioannis evangelistae“ et „De transitu beatae Mariae virginis“ (vid. supra p. 390 s.), tum ad Pseudo-Melitonis „Commentarium in Apocalypsin“, in Bibliotheca Ienensi asservatum, de quo supra disserui. „Es unterliegt keinem Zweifel, dass auch dieses Buch mit der von Eusebius und Hieronymus erwähnten ächten Schrift des Melito *Περὶ τῆς ἀποκαλύψεως Ἰωάννου* als identisch gelten und deren Verlust ersetzen will. Wie nahe lag es nach solchen Vorgängen, durch einen ähnlichen Betrug die verlorene Clavis unseres Melito der Literatur zu restituiren! Gleichwohl dürfen wir nicht behaupten, dass der Verfasser diess selbst beabsichtigt habe. Der Herausgeber Pitra hat

74) Clavis c. 1 „De deo“ omnes scripturae sacrae locos, in quibus membrorum dei fit mentio, allegorice exponit: at Melito hac quidem in re non discedebat a proprio usu verborum, ut supra in expositione de libro *Περὶ ἐνσωμάτων θεοῦ* ostendi. Alia attulit censor in *Zarnckii Literar. Centralblatt* (Lips.) 1856. N. 18. col. 278.

75) Quocum Freppel consentit l. c. p. 374 s.

durch seine unermüdlichen Bemühungen acht Handschriften der Clavis zusammengebracht, unter diesen die Grabe'sche Abschrift des Claromontanus und den Codex Mesmianus. Aber die meisten Handschriften wissen nichts davon, dass sie ein Werk des Melito sei. So heisst sie in dem einen Codex von Troyes in dem Inhaltsverzeichniss: *Anonymus de mystica significatione vocum ac loquutionum biblicarum*; in dem Codex von Paris [N. 2327, prius Reg. 3806]: *Glossae in varios scripturae sacrae libros de sensu spirituali multorum locorum*; in dem andern von Troyes: *Distinctionum quarundam tractatus*; in dem mesmianischen [in Bibliis Theodulph.] ist statt des Titels ein leerer Raum gelassen; in der Handschrift von Poitiers erscheint die Clavis in abgekürzter Recension und völlig veränderter Anordnung, sogar unter Angabe eines ganz andern Verfassers, nämlich des Adam, Canonicus von Prémontré. Nur die strassburger Handschrift hat die bestimmte Bezeichnung: *Miletus, episcopus Asianus, hunc librum edidit, quem librum Clavorum* [sic] *appellavit*, ziemlich übereinstimmend mit dem verlorenen, nur in Grabe's Abschrift erhaltenen clermont'schen Codex [cuius titulum superius p. 402 exhibui]. Demnach scheint es keinem Zweifel unterworfen, dass nicht der Verfasser selbst, sondern erst ein Abschreiber den Namen des Melito dieser Clavis unbefugterweise beigelegt habe, und zwar in derselben Form, in welcher er in andern apokryphischen Werken vorkam, um diese zu bekannten verlorenen Schriften des Melito in Beziehung zu setzen.“

Hodie autem, si Schneiderum et Rudelbachium ⁷⁶⁾ exceperis, vix reperiuntur qui in ista Clavi latina, saeculo X aut XI consarcinata, latitare opinentur sinceras aliquot veteris Κλειδός Melitonianae reliquias. Atqui Rudelbachius ipse ingenue fatetur: „Wer wird wohl hier mit völ-

76) Schneider *Comp. d. alt. KG. P. I*, Ber. 1859, p. 56 et Rudelbach *Zeitschr. f. d. ges. Luther. Theologie u. K.* 1860. Fasc. II. p. 344.

liger Sicherheit zwischen dem Aechten und Unächten scheiden können?“ Et contra Schneiderum monuit Steitzius⁷⁷⁾: „Derselbe bewaise erst, dass jene ächte *Κλεις* ein Wörterbuch war; dann erkläre er, wie es kommt, dass nur zwei Handschriften der Pitra'schen *Clavis* den Namen Melito's führen, während die fünf andern, gerade die ältesten, von der Autorschaft des Melito nichts wissen und eine sogar einen andern Verfasser nennt!“ Itaque optimo iure etiam de Pressensé et Uhlhorn⁷⁸⁾ hanc Clavem Melitoni omnino abiudicarunt.

17^o. *Περὶ φιλονεξίας*. De hoc libro Piper (p. 91) adposite: „Diese schon antike Tugend hatte durch das brüderliche Band, das die Christen umschloss, ihre eigenthümliche Verklärung erhalten. Bekannt ist aus jener Zeit der ersten Liebe, wie die christlichen Gemeinden, auch die entferntesten, durch ihre reisenden Glieder mit einander in Verbindung standen, und wie ein jeder, der, fremd herkommend, der Gemeinde sich darstellte, Aufnahme und Erquickung fand. Unbefestigten oder gar unechten Gliedern der Kirche freilich konnte eine solche Weise zu Missbräuchen Anlass geben: — sowohl denen, welche die Gastfreundschaft gaben, wenn sie dadurch zur Unmässigkeit und zum Prunke verleitet wurden, als zumal denen, welche sie nahmen. Erfahrungen der letzteren Art mussten zur Vorsicht gegen Fremde bestimmen. Ob damals schon besondere Vorkehrungen gegen Missbrauch getroffen waren, scheint nicht ausgemacht zu sein. In diesen Verhältnissen lag reichlicher Stoff zu christlicher Erörterung und Ansprache. Es ist aber ein Zeichen des sinnvollen Geistes Melito's, dass er auch diesem in das innere und äussere Leben der Christen tief eingreifenden Gegenstande seine Aufmerksamkeit gewidmet hat.“

77) Herz. *Real-Encyklop.* T. XIII. p. 243.

78) Ille l. c. et hic in *Kahn'sii Zeitschr. f. d. histor. Theologie* 1866. p. 104.

Illa septendecim scripta praeter Apologiam Melitonis Eusebius commemoravit. Qui quidem, ut aperte fatetur (l. IV. c. 26. §. 2), non attulit nisi ea quae ad suam notitiam pervenire. Accedunt duo, gnosticam haeresin impugnantia, quorum Anastasius Sinaita, saeculi sexti scriptor, in Ὁδηγῶ mentionem fecit:

1^o. Περὶ σαρκώσεως Χριστοῦ, *De incarnatione Christi*. Cf. Anastas. l. c. c. 13. Danzius, Kontogonis et Pitra⁷⁹) idem fuisse hoc opus coniecerunt atque illud Περὶ ἐνσωμάτου Θεοῦ. Ast diversa erant opera: nempe Περὶ σαρκώσεως Χριστοῦ — maxime contra Marcionem scriptum — in plures (saltem tres) divisum erat libros. De origine eius Melitonia dubitavit Hilgenfeldus in *Allg. Literatur-Zeitung v. J. 1847* (Hal.) N. 84. T. I. p. 668; sed minus confidenter loquitur in libris *Die Evangelien* (Lips. 1854) p. 345 et *Der Paschastreit* (Hal. 1860) p. 266. 272. Cf. *Fragm. VI. Commentar. n. 41.*

2^o. Λόγος εἰς τὸ πάθος. Cf. Anastas. l. c. c. 12. Huc pertinent *Fragm. VII et XVI*; videsis *Commentar. n. 107.*

Praeterea duo libri exstant, ex quibus fragmenta syriaca Cureton in *Spicilegio syriaco* et Pitra in *Spicilegio Solesmensi* (T. II) publici iuris fecerunt.

1^o. De cruce. Cf. *Fragm. XIV et Commentar. n. 96.* Pitra (p. LVIII) suspicatur fortasse non diversum esse hunc tractatum ab illo sermone, quem modo memoravi, „De passione“ (εἰς τὸ πάθος).

2^o. De fide. Cf. *Fragm. XV.* Hoc fragmentum, ex libro „De fide“ desumptum, Melitoni adscribitur in versione syriaca; cf. *Commentar. n. 102.* At vero nomen „S Irenaei episcopi et apostolorum asseclae“ prae se ferunt alia huius fragmenti (sed multo brevioris) versio syriaca et versio armeniaca, utraque ap. Pitra. l. c. T. I. p. 3 s. et p. 4—6 edita.

79) Danz l. c. p. 98. — Kontogonis *Φιλολ. κ. κριτ. ιστορία τῶν ... ἀγίων τ. ἐκκλησ. πατέρων*. T. I, Athen. 1851, p. 281. — Pitra T. II. p. XI.

Idem fragmentum ex arabica versione, quae textum exhibet nostro simillimum, in lucem protulit Ang. Maius in Spicilegio romano, T. III. p. 704 s., praeposito Hierothei („apostolorum discipuli et Athenarum [sic] episcopi“) nomine: sub quo, ut iam Renanus (ap. Pitr. T. II. p. LIX) vidit, depravatum latet Irenaei nomen; nam similes sunt literarum ductus, quibus arabice scribuntur Hierotheus et Irenaeus. Citatur a Maximo abbate et confessore (Opp. T. II. p. 152) quidam Irenaei Lugdunensis liber „De fide“ ad Demetrium Viennensem diaconum: Τοῦ ἁγίου Εἰρηναίου ἐπισκόπου Λουγδούνων, μαθητοῦ τοῦ ἁγίου Ἰωάννου τοῦ ἀποστόλου καὶ εὐαγγελιστοῦ, ἐκ τῶν πρὸς Δημήτριον, διάκονον Βιαίνης, περὶ πίστεως λόγων, οὗ ἡ ἀρχή· Ζητῶν τὸν θεόν, ἄκουε τοῦ Δαυὶδ λέγοντος. Cf. Iren. Opp. ed. Stieren. T. I. p. 828.

Denique Grabius in schedis mstis N. 28, Oxonii in Bibliotheca Bodleiana asservatis, mentionem facit cuiusdam libri Melitonis, „Melito in Genesin Cod. Vatic.“, cuius notitiam habuit ex Ioannis Mori Catalogo ms. codicum Vaticanorum. Sed minime exstat, ut investigando cognovi, iustum Melitonis opus in Bibliotheca Vaticana: illo scilicet indice quattuor fragmenta IX—XII signantur, infra (vide Commentar. n. 48) a me suppeditata.

FRAGMENTA MELITONIS.

I.

Ex Apologia.

- | | |
|--|---|
| <p>1. ¹ Τὸ γὰρ οὐδὲ πώποτε γένόμενον, νῦν διώκεται τὸ τῶν θεοσεβῶν γένος, ² καινοῖς ἐλαινόμενον δόγμασι κατὰ τὴν Ἀσίαν. Οἱ γὰρ ἀναιδεῖς συκοφάνται καὶ τῶν ἀλλοτρίων ἐρασταί, τὴν ἐκ τῶν διαταγμάτων</p> | <p>1. Quod enim nunquam antea factum fuerat, persecutionem nunc patitur piorum hominum genus, novis per Asiam decretis exagitatum. Impudentes enim delatores et alienarum opum cupidi, ex illis</p> |
|--|---|

ἔχοντες ἀφορμήν, φανερώς ληστεύουσιν, νύκτωρ ³ καὶ μεθ' ἡμέραν διαρπάζοντες τοὺς μηδὲν ἀδικοῦντας.

edictis occasionem nacti, palam latrocinantur, diu nocturne spoliantes eos qui nihil iniusti faciunt.

Καὶ μεθ' ἑτερά φησι·

2. Καὶ εἰ μὲν σοῦ κελεύσαντος ⁴ ταῦτα πράττεται, ἔστω καλῶς γινόμενον. Δίκαιος γὰρ βασιλεὺς οὐκ ἂν ἀδίκως βουλεύσαιο ποῶποτε· καὶ ἡμεῖς ἡδέως φέρομεν τοῦ τοιούτου θανάτου τὸ γέρας. Ταύτην δέ σοι μόνην προσφέρωμεν δέησιν, ἵνα αὐτὸς πρότερον ἐπιγνοὺς ⁵ τοὺς τῆς τοιαύτης φιλονεικίας ἐργάτας δικαίως κρίνεις, εἰ ἄξιοι θανάτου καὶ τιμωρίας ἢ σωτηρίας καὶ ἡσυχίας εἰσίν. Εἰ δὲ καὶ παρὰ σοῦ μὴ εἴη ἡ βουλὴ αὕτη καὶ τὸ καινὸν τοῦτο διάταγμα, ὃ μηδὲ κατὰ βαρβάρων πρέπει πολεμίων, πολὺ μᾶλλον δεόμεθα σοῦ, μὴ περιϋδεῖν ἡμᾶς ἐν τοιαύτῃ δημώδει λεηλασίᾳ.

2. Quodsi tuo iussu haec fiant, recte facta sunt. Non enim fieri potest ut iustus princeps aliquid unquam iniuste constituat: et nos lubenter ferimus eiusmodi mortis praemium. Unum hoc a te petimus, ut, quum huiusmodi pertinacia praeditos homines per te ipse prius examinaveris, deinde pro tua aequitate statuas, utrum morte ac supplicio affici an salvi et securi degere mereantur. Sin vero hoc consilium atque novum hoc edictum, quod neque adversus barbaros hostes sanciri decuerat, nunquam a te profectum est, te multo magis obsecramus, ne permittas nos diutius vexari huiusmodi publico latrocinio.

Τούτοις αὖθις ἐπιφέρει λόγων·

3. ⁶ Ἡ γὰρ καθ' ἡμᾶς φιλοσοφία πρότερον μὲν ἐν βαρβάροις ἤμασεν, ⁷ ἐπανθήσασα δὲ τοῖς σοῖς ἔθνεσι κατὰ τὴν Αὐγούστου τοῦ σοῦ προγόνου μεγάλ-

3. Nostra enim philosophia prius quidem apud barbaros vigit, postea vero, quum tuis populis illuxisset sub magno imperio Augusti, qui unus ex

λην ἀρχήν, ἐγενήθη μάλιστα τῇ
 σῇ βασιλείᾳ αἰσίον ἀγαθόν.
 Ἐκτοτε γὰρ εἰς μέγα καὶ λαμ-
 πρὸν τὸ Ῥωμαίων ηὔξήθη κρά-
 τος, οὗ σὺ διάδοχος εὐκταῖος
 γέγονάς τε ⁸ καὶ ἔσῃ μετὰ τοῦ
 παιδός, φυλάσσων τῆς βασιλείας
 τὴν σύντροφον καὶ συναρξάμέ-
 νην ⁹ Αὐγούστῳ φιλοσοφίαν,
¹⁰ ἣν καὶ οἱ πρόγονοί σου πρὸς
 ταῖς ἄλλαις θρησκείαις ἐτίμησαν.
 Καὶ τοῦτο μέγιστον τεκμήριον
 τοῦ πρὸς ἀγαθοῦ τὸν καθ' ἡμᾶς
 λόγον συνακμάσαι τῇ καλῶς
 ἀρξάμενῃ βασιλείᾳ, ἐκ τοῦ μη-
 δὲν φαῦλον ἀπὸ τῆς Αὐγούστου
 ἀρχῆς ἀπαντῆσαι, ἀλλὰ τούναν-
 τίον ἅπαντα λαμπρὰ καὶ ἔνδοξα
 κατὰ τὰς πάντων εὐχάς. ¹¹ Μό-
 νοι πάντων ἀναπεισθέντες ὑπό-
 τινων βασκανῶν ἀνθρώπων τὸν
 καθ' ἡμᾶς ἐν διαβολῇ καταστιῆ-
 σαι λόγον ἠθέλησαν Νέρων καὶ
 Δομετιανός, ἀφ' ὧν καὶ τὸ ¹² τῆς
 συκοφαντίας ἀλόγῳ συνηθείᾳ
 περὶ τοὺς τοιούτους ῥυῆναι
 συμβέβηκε ψεῦδος. Ἀλλὰ τὴν
 ἐκείνων ἄγνοιαν οἱ σοὶ εὐσεβεῖς
 πατέρες ¹³ ἐπηνωρθώσαντο, πολ-
 λάκις πολλοῖς ἐπιπλήξαντες ἐγ-
 γράφως, ὅσοι περὶ τούτων
¹⁴ νεωτερίσαι ἐτόλμησαν. Ἐν οἷς

maioribus tuis fuit, maxime
 faustum exstitit tuae princi-
 patui omen. Ex eo siquidem
 tempore maximis incrementis
 aucta est Romanorum pote-
 stas: cuius tu haeres exopta-
 tus factus es et eris cum filio,
 si modo tueri velis illam phi-
 losophiam cum principatu edu-
 catam et cum Augusto simul
 inchoatam, quam etiam maio-
 res tui una cum caeteris re-
 ligionibus coluerunt. Atque
 religionem nostram bono pu-
 blico adolevisse una cum prin-
 cipatu qui feliciter coeptus
 fuerat, hoc certissimo argu-
 mento est: quod inde ab im-
 perio Augusti nihil adversi,
 sed contra omnia prospera
 et magnifica votoque omnium
 contigerunt. Soli ex omnibus
 Nero ac Domitianus, malevo-
 lorum quorundam consiliis in-
 ducti, religionem nostram cri-
 minari studuerunt: a quibus
 deinceps falsa adversus nos
 calumnia manavit ad posteros,
 ut mos est vulgi, absque ullo
 iudicio huiusmodi rumoribus
 fidem habere. Verum illorum
 imperitiam pii parentes tui
 correxerunt, frequentibus re-
 scriptis obiurgantes eos qui
 adversus Christianos novi quid

ὁ μὲν πάππος σου ¹⁵ Ἀδριανὸς πολλοῖς μὲν καὶ ἄλλοις καὶ Φουνδανῷ δὲ τῷ ἀνθυπάτῳ, ἡγουμένῳ ¹⁶ δὲ τῆς Ἀσίας, γράφων φαίνεται· ¹⁷ ὁ δὲ πατήρ σου, καὶ σοῦ ¹⁸ τὰ πάντα συνδιοικοῦντος αὐτῷ, ταῖς πόλεσι περὶ τοῦ μηδὲν νεωτερίζειν περὶ ἡμῶν ἔγραψεν, ¹⁹ ἐν οἷς καὶ πρὸς ²⁰ Λαρισσαίους καὶ πρὸς Θεσσαλονικεῖς καὶ Ἀθηναίους καὶ πρὸς πάντας Ἑλληνας. Σὲ δὲ καὶ μᾶλλον περὶ τούτων τὴν αὐτὴν ἐκείνοις ἔχοντα γνώμην, καὶ πολὺ γε φιλανθρωποτέραν καὶ φιλοσοφωτέραν, πεπεῖσμεθα πάντα πράσσειν ὅσα σου δεόμεθα.

moliti essent. Inter quos avus tuus Hadrianus quum aliis pluribus tum Fundano proconsuli, qui Asiae praeerat, literas dedit; pater tuus, quo tempore cuncta simul cum eo administrabas, scripsit ad civitates ne novi quid adversus nos molirentur, nominatim et ad Larissaeos et ad Thessalonicenses et ad Athenienses et ad universos Graecos. Te vero, quippe qui idem quod illi de nobis sentias, immo etiam longe humanius atque sapientius, tanto magis confidimus omnia esse facturum quae rogamus.

II.

Ex eadem Apologia.

²¹ Οὐκ ἐσμὲν λίθων οὐδεμίαν αἰσθησιν ἐχόντων θεραπευταί· ἀλλὰ ²² μόνου θεοῦ, τοῦ πρὸ πάντων καὶ ἐπὶ πάντων, καὶ ²³ τοῦ Χριστοῦ αὐτοῦ, ²⁴ ὄντος θεοῦ λόγου πρὸ αἰώνων, ἐσμὲν θρησκευταί.

Non sumus lapidum nullo sensu praeditorum ministri; sed solius dei, qui est ante omnia et super omnia, et Christi eius, qui est dei logos ante saecula, sumus cultores.

III.

Prooemium Ἐκλογῶν.

²⁵ Μελίτων Ὀνησίμῳ τῷ ἀδελφῷ χαίρειν. Ἐπειδὴ πολλάκις ἠξίωσας σπουδῇ τῇ πρὸς τὸν λόγον χρώμενος, γενέσθαι ²⁶ ἐκλογάς σοι ἔκ τε τοῦ νόμου καὶ τῶν προφητῶν περὶ τοῦ σωτη-

Melito Onesimo fratri salutem. Quum pro studio tuo erga verbum divinum saepe postulareris ut excerpta ex lege et prophetis, quae ad servatorem et universam fidem no-

ρος καὶ πάσης τῆς πίστεως ἡμῶν, ἔτι δὲ καὶ μαθεῖν τὴν τῶν παλαιῶν βιβλίων ἐβουλήθης ἀκριβείαν, πόσα τὸν ἀριθμὸν καὶ ὅποια τὴν τάξιν ²⁷ εἶεν, ἐσπούδασα τὸ τοιοῦτο πρᾶξαι, ἐπιστάμενός σου τὸ σπουδαῖον περὶ τὴν πίστιν καὶ φιλομαθὲς περὶ τὸν λόγον, ὅτι τε μάλιστα πάντων πόθῳ τῷ ²⁸ πρὸς θεὸν ταῦτα προκρίνεις, περὶ τῆς αἰωνίου σωτηρίας ἀγωνιζόμενος. Ἀνελθὼν οὖν εἰς τὴν ἀνατολήν καὶ ἕως τοῦ τόπου γενόμενος ἔνθα ἐκηρύχθη καὶ ἐπράχθη, ²⁹ ἀκριβῶς μαθὼν τὰ τῆς παλαιᾶς διαθήκης βιβλία, ὑποτάξας ἔπεμψά σοι· ὧν ἐστὶ τὰ ὀνόματα· ³⁰ Μωυσέως πέντε, Γένεσις Ἐξοδος ³¹ Ἀριθμοὶ Λευιτικὸν Δευτερονόμιον, Ἰησοῦς Ναυῆ, Κριταί, Ῥούθ, Βασιλειῶν τέσσαρα, Παραλειπομένων δύο, Ψαλμῶν Δαβίδ, Σολομῶνος Παροιμίαι, ³² ἡ καὶ Σοφία, Ἐκκλησιαστής, ᾠδὴ αἰσμάτων, Ἰώβ, Προφητῶν Ἡσαΐου, Ἰερემίου, τῶν δώδεκα ἐν μονοβίβλῳ, Δανιήλ, Ἰεζεκιήλ, Ἔσδρας. Ἐξ ὧν καὶ τὰς ἐκλογὰς ἐποίησάμην, εἰς ἕξ βιβλία διελών.

stram pertinent, tibi componerem, quumque libros veteris testamenti accurate cognoscere concupiveris, quot numero et quo sint ordine conscripti, id perficere studui; scio quippe quanto fidei ardore et quanta discendi verbi divini cupiditate flagres, atque pro comperto habeo te, aeternae salutis obtinendae causa, desiderio dei ductum illa omnibus rebus longe anteferre. Quum igitur in orientem profectus et ad eum locum delatus, ubi haec praedicata et gesta olim fuerunt, accurate cognovissem veteris testamenti libros, indicem eorum infra subiectum ad te misi; nomina eorum sunt haec: Mosis libri quinque, Genesis Exodus Leviticus Numeri Deuteronomium, Iesus Nave, Iudices, Ruth, Regnorum libri quattuor, Paralipomenon duo, Psalmi Davidis, Salomonis Proverbia sive Sapientia, Ecclesiastes, Canticum canticorum, Iob, Prophetae Iesaias, Ieremias, duodecim in uno libro, Daniel, Ezechiel, Esdras. Ex his etiam excerpta collegi, quae in sex libros distribui.

IV.

Ex initio tractatus De pascha.

³³ Ἐπὶ Σερουιλλίου Παύλου ἀνθυπάτου τῆς Ἀσίας, ᾧ ³⁴ Σάγαρις καιρῷ ἐμαρτύρησεν, ἐγένετο ζήτησις πολλὴ ἐν Λαοδικείᾳ περὶ τοῦ πάσχα, ἐμπεσόντος κατὰ καιρὸν ἐν ἐκείναις ταῖς ἡμέραις, ³⁵ καὶ ἐγράφη ταῦτα.

Servilio Paulo proconsule Asiae, quo tempore Sagaris martyrium passus est, magna controversia Laodiceae orta est de solemnitatem paschali, quae tempestive in illos dies inciderat, atque haec scripta sunt.

V.

Fortasse ex tractatu De diabolo et de Apocalypsi Ioannis.

³⁶ Μελίτων γοῦν ὁ ἐν τῇ Ἀσίᾳ φησὶν αὐτὸν εἶναι τύπον ³⁷ τοῦ διαβόλου ἐπαναστάντος τῇ Χριστοῦ βασιλείᾳ, καὶ τούτου μόνου μνησθεὶς οὐκ ³⁸ ἐπεξεργάσατο τὸν τόπον.

Certe Melito Asianus ait Absalonem esse typum diaboli qui insurrexit Christi regno, et hoc quidem solum indicat nec fuse persequitur locum.

VI.

Ex libro tertio operis De incarnatione Christi.

³⁹ Οὐδεμία ἀνάγκη τοῖς νοῦν ἔχουσιν, ἐξ ὧν μετὰ τὸ βάπτισμα ὁ Χριστὸς ἐπραξε, παριστᾶν τὸ ἀληθὲς καὶ ἀφανταστὸν τῆς ψυχῆς αὐτοῦ καὶ τοῦ σώματος, τῆς καθ' ἡμᾶς ἀνθρωπίνης φύσεως. Τὰ γὰρ μετὰ τὸ βάπτισμα ὑπὸ Χριστοῦ πραχθέντα, καὶ μάλιστα τὰ σημεῖα, τὴν αὐτοῦ κεκρυμμένην ἐν σαρκὶ ⁴⁰ θεότητα ἐδήλουν, καὶ ἐπιστοῦντο τῷ κόσμῳ.

Minime est necessarium intelligentibus ex iis quae Christus post baptismum gessit demonstrare eius animae et corporis, humanae naturae nobiscum convenientis, veritatem et ab omni fictione remotionem. Nam quae post baptismum a Christo gesta sunt, et maxime quidem miracula, latentem eius in carno

⁴¹ Θεὸς γὰρ ὢν ὁμοῦ τε καὶ ἄνθρωπος τέλειος ὁ αὐτὸς τὰς δύο αὐτοῦ οὐσίας ἐπιστάσας ἡμῖν, τὴν μὲν θεότητα αὐτοῦ διὰ τῶν σημείων ⁴² ἐν τῇ τριετίᾳ τῇ μετὰ τὸ βάπτισμα, τὴν δὲ ἀνθρωπότητα αὐτοῦ ἐν τοῖς τριάκοντα ⁴³ χρόνοις τοῖς πρὸ τοῦ βαπτίσματος, ἐν οἷς διὰ τὸ ἀτελὲς τὸ κατὰ σάρκα ⁴⁴ ἀπέκρυβε τὰ σημεῖα τῆς αὐτοῦ θεότητος, καίπερ ⁴⁵ θεὸς ἀληθῆς προαιώνιος ὑπάρχων.

deitatem declarabant, et credebantur mundo. Quum enim idem sit deus simul et homo perfectus, duas naturas suas nobis patefecit: deitatem quidem suam per miracula triennio post baptismum perpetrata, humanitatem vero suam triginta annis baptismum antegressis, quibus propter carnis vilitatem abscondebat signa divinitatis suae, tametsi deus verus ante saecula existerit.

VII.

Ex sermone De passione.

⁴⁶ Ὁ θεὸς πέπονθεν ὑπὸ δεξιᾶς Ἰσραηλίδος.

Deus passus est a dextra israelitica.

VIII.

Ex scriptis Melitonis.

⁴⁷ Τὰ γὰρ Ἐιρηναίου τε καὶ Μελλίτωνος καὶ τῶν λοιπῶν τίς ἄγνοεῖ βιβλία, θεὸν καὶ ἄνθρωπον καταγγέλλοντα τὸν Χριστόν;

Nam Irenaei et Melitonis et reliquorum scripta quis ignorat, quae Christum deum et hominem praedicant?

IX—XII.

⁴⁸ Ex libro incerto (fortasse Eclogis).

IX.

⁴⁹ Ὡς γὰρ κριὸς ἐδέσθη, φησὶ περὶ τοῦ κυρίου ἡμῶν Ἰησοῦ Χριστοῦ, καὶ ⁵⁰ ὥς ἀμνὸς ἐκάρη καὶ ὥς πρόβατον ⁵¹ εἰς σφαγὴν ἦχθη καὶ ⁵² ὥς ἀμνὸς ἐσταυ-

Nam sicut aries vinctus est, inquit de domino nostro Iesu Christo, et sicut agnus tonsus est et sicut ovis ad mactationem ductus est et sicut agnus

ρώθη, καὶ ⁵³ ἐβάστασε τὸ ξύλον ἐπὶ τοῖς ὤμοις ⁵⁴ αὐτοῦ, ἀναγόμενος σφαγῆναι ὡς Ἰσαὰκ ⁵⁵ ὑπὸ τοῦ πατρὸς αὐτοῦ. Ἀλλὰ Χριστὸς ἔπαθεν, Ἰσαὰκ δὲ οὐκ ⁵⁶ ἔπαθεν· τύπος γὰρ ἦν τοῦ μέλλοντος πάσχειν ⁵⁷ Χριστοῦ. Ἀλλὰ καὶ ὁ τύπος τοῦ Χριστοῦ γενόμενος ἐκπληξιν καὶ φόβον ⁵⁸ παρεῖχεν τοῖς ἀνθρώποις. Ἦν γὰρ θεάσασθαι μυστήριον καινόν, υἱὸν ἀγόμενον ὑπὸ τοῦ πατρὸς ἐπ' ὄρος ⁵⁹ εἰς σφαγὴν, ὃν ⁶⁰ συμποδίσας ἔθηκεν ἐπὶ τὰ ξύλα τῆς καρπώσεως, ἐτοιμάζων μετὰ σπουδῆς τὰ πρὸς τὴν σφαγὴν ⁶¹ αὐτοῦ. Ὁ δὲ Ἰσαὰκ σιγᾷ, πεπεδημένος ὡς κριός, ⁶² οὐκ ἀνοίγων τὸ στόμα, οὐδὲ φθεγγόμενος φωνῇ. Τὸ γὰρ ξίφος οὐ φοβηθεὶς οὐδὲ τὸ πῦρ πτοηθεὶς οὐδὲ τὸ παθεῖν λυπηθεὶς ⁶³ ἐβάστασεν καρτερῶν τὸν τύπον τοῦ κυρίου. Ἦν οὖν ἐν μέσῳ προκείμενος Ἰσαὰκ πεποδισμένος ὡς κριός, καὶ ⁶⁴ Ἀβραάμ παρεστὼς καὶ κρατῶν γυμνὸν τὸ ξίφος, οὐκ αἰδούμενος φονεῦσαι τὸν υἱὸν αὐτοῦ.

X.

⁶⁵ Τὸν Ἰσαὰκ τοῦ δικαίου ⁶⁶ ἐφάνη κριὸς εἰς σφαγὴν, ἵνα δεσμῶν Ἰσαὰκ λυθῇ. Ἐκεῖνος ⁶⁷ σφαγεὶς ἐλυτρώσατο τὸν Ἰσα-

Corp. Apoll. Vol. IX.

crucifixus est, et portavit lignum humeris suis, adductus ut mactaretur sicut Isaacus a patre suo. Sed Christus passus est, Isaacus autem non passus est; typus enim erat Christi passuri. Sed et ipse typus Christi stuporem et terrorem creavit hominibus. Licebat enim spectare mysterium novum, filium ductum a patre ad montem ut mactaretur, quem vinctis pedibus posuit super lignum holocausti, parans serio res ad mactationem eius necessarias. Isaacus autem silet, ligatus sicut aries, non aperiens os, neque vocem emittens. Gladium enim non reformidans neque ignem horrens neque ob dolores contristatus fortiter gessit typum domini. In medio igitur propositus erat Isaacus sicut aries ligatus, et Abraham adstabat strictumque gladium manu tenebat, haud verens trucidare filium suum.

Pro Isaaco iusto apparuit aries in mactationem, ut vinctulis Isaacus solveretur. Ille mactatus redemit Isaacum:

ἀκ· ⁶⁸ οὕτως καὶ ὁ κύριος ⁶⁹ σφα- ita etiam dominus mactatus
γείς ἔσωσεν ἡμᾶς καὶ δεθείς nos salvavit et vinctus solvit
ἔλυσε καὶ ⁷⁰ τυθείς ἐλυτρώσατο. et immolatus redemit.

XI.

⁷¹ Ἦν γὰρ ὁ κύριος ὁ ἄμνος ὡς Erat enim dominus agnus ad
ὁ κριός. ⁷² ὃν εἶδεν Ἀβραάμ instar arietis, quem vidit
κατεχόμενον ἐν φυτῷ Σαβέκ. Abrahamus detentum in vir-
⁷³ ἀλλὰ τὸ φυτὸν ἀπέφαινε τὸν gulto Sabec; certe virgultum
σταυρόν, καὶ ὁ τόπος ἐκεῖνος designabat crucem, et locus
τὴν Ἱερουσαλήμ, καὶ ⁷⁴ ὁ ἄμνος ille Hierosolyma, et agnus
τὸν κύριον ⁷⁵ ἐμπεποδισμένον dominum colligatum ad macta-
εἰς σφαγὴν. tionem.

XII.

⁷⁶ Τὸ „κατεχόμενος“ τῶν κερά- Illud „*haerens*“ *cornibus* Syrus
των ⁷⁷ ὁ Σύρος καὶ ὁ Ἑβραῖος et Hebraeus „*pendens*“ dicit,
„κρεμάμενός“ φησιν, ὡς σαφέ- quo clarius crux exprimatur.
στερον ⁷⁸ τυπρῦν τὸν σταυρόν. Sed etiam illud „*aries*“ hoc
Ἀλλὰ καὶ ⁷⁹ τὸ „κριός“ τοῦτο perspicuum facit; non enim
ἀκριβοῖ· οὐ γὰρ εἶπεν „ἄμνος“, dixit „*agnum*“, iuvenem, ut
νέος, ὡς ὁ Ἰσαάκ, ἀλλὰ „κριός“, Isaacum, sed „*arietem*“, ut
ὡς ὁ κύριος, τέλειος. Ὡςπερ dominum, adultum. Quemad-
δὲ ⁸⁰ φυτὸν Σαβέκ, τοῦτ' ἔστιν modum autem virgultum *Sabec*,
⁸¹ ἀφέσεως, ἐκάλεσε τὸν ἅγιον hoc est dimissionis, vocavit
σταυρόν, οὕτω καὶ ⁸² Ἰεζεκιήλ sanctam crucem, ita etiam
ἐν τῷ τέλει ὕδωρ ἀφέσεως ἐκά- Ezechiel sub finem *aquam di-*
λεσε τὸ ἐκτυποῦν τὸ ἅγιον βά- missionis vocavit illam quae
πτισμα. Δύο γὰρ συνέστη τὰ exprimit sanctum baptismum.
ἄφεσιν ἁμαρτημάτων ⁸³ παρεχό- Duae enim res exsistunt quae
μενα, πάθος διὰ Χριστὸν καὶ remissionem peccatorum do-
βάπτισμα. nant, Christi causa martyrism
et baptismus.

XIII — XVI.

⁸⁴ Fragmenta a Syro interprete servata.

XIII.

Ex tractatu De anima et corpore [et mente].

⁸⁵ Propterea pater misit filium suum e coelo sine corpore, ut, postquam incarnatus esset in utero virginis et natus esset homo, vivificaret hominem et colligeret membra eius, quae mors disperserat, ⁸⁶ quum hominem divideret.

⁸⁷ Et post alia.

Terra tremuit, et fundamenta eius concussa sunt, fugit sol, et elementa subversa sunt, et dies immutatus est; non enim potuerunt ferre dominum suum pendere a ligno. Et horruit creatura, stupescens ac dicens: „Quidnam est hoc ⁸⁸ novum mysterium? Iudex iudicatur, et quietus est; ⁸⁹ invisibilis videtur, neque erubescit; ⁹⁰ incomprehensibilisprehenditur, neque indignatur; ⁹¹ incommensurabilis mensuratur, neque repugnat; impassibilis patitur, neque ulciscitur; immortalis moritur, neque respondet verbum; coelestis sepelitur, et (id) fert. Quid est hoc novum mysterium?“ Obstupefacta est creatura. At quum dominus noster surrexit e mortuis, et pede deculcavit mortem, et ⁹² vinxit potentem, et solvit hominem: tunc intellexit omnis creatura propter hominem iudicatum esse iudicem, et invisibilem visum esse, [⁹³ et incomprehensibilem prehensum esse,] et incommensurabilem mensuratum esse, et impassibilem passum esse, et immortalem mortuum esse, et coelestem sepultum esse. Dominus enim noster, homo natus, iudicatus est, ut gratiam praestaret; ⁹⁴ vinctus est, ut solveret; prehensus est, ut laxaret; passus est, ut ⁹⁵ misericordiam haberet; mortuus est, ut vivificaret; sepultus est, ut resuscitaret.

XIV.

Ex tractatu De cruce.

⁹⁶ Propter haec venit ad nos, propter haec, quum sit ⁹⁷ in-

corporeus, corpus ex formatione nostra texuit sibi. Qui agnus visus est, pastor mansit; qui servus reputatus est, dignitatem filii non denegavit; a Maria portatus, et patre suo indutus; terram calcans, et coelum implens; ⁹⁸ puer apparens, et aeternitatem naturae suae non fallens; corpus induens, et ⁹⁹ simplicitatem naturae suae divinae non coarctans; pauper visus est, et divitiis suis non se spoliavit; cibo, in quantum homo erat, indigens, et non desinens mundum alere, in quantum deus erat; servi speciem indutus est, et patris speciem non mutavit. ¹⁰⁰ Omnia erat immutabili naturâ. Stabat coram Pilato, et sedebat cum patre; ¹⁰¹ affixus erat ligno, et tenebat universum.

XV.

Ex tractatu De fide.

¹⁰² Ex lege et prophetis collegimus ea quae praedicantur de domino nostro Iesu Christo, ut demonstraremus caritati vestrae ipsum esse ¹⁰³ mentem perfectam, Verbum dei. Ipse est qui ante lucem genitus est, ipse est creator cum patre, ipse est formator hominis, ipse est qui in omnibus omnia erat: ipse est qui in patriarchis patriarcha erat, in lege lex, in sacerdotibus princeps sacerdotum, in regibus gubernator, in prophetis propheta, in angelis princeps angelorum, in voce Verbum, in spiritibus spiritus, in patre filius, in deo deus, rex in saecula saeculorum. Illic enim est qui Noacho fuit gubernator, ipse qui Abrahamum duxit, ipse qui cum Isaaco ligatus est, ipse qui cum Iacobo peregre fuit, ipse qui cum Iosepho venditus est, ipse qui cum Mose fuit dux, ipse qui cum Iosua filio Nunis distribuit haereditatem, ipse qui per Davidem et prophetas praedixit passiones suas: ipse qui in virgine incarnatus est, ipse qui Bethlehemi natus est, ipse qui in praesepe fasciis circumdatus est, ipse qui a pastoribus visus est, ipse qui ab angelis laudatus est, ipse qui a Magis adoratus est, ipse qui a Ioanne adnuntiatus est,

ipse qui apostolos congregavit, ipse qui regnum praedicavit, ipse qui ¹⁰⁴claudos sanavit, ipse qui caecis lumen dedit, ipse qui mortuos suscitavit, ipse qui in templo visus est, ipse qui a populo non creditus est, ipse qui a Iuda proditus est, ipse qui a sacerdotibus comprehensus est, ipse qui a Pilato iudicatus est, ipse qui clavis in carne fixus est, ipse qui ¹⁰⁵in ligno suspensus est, ipse qui in terra sepultus est, ipse qui e mortuis surrexit, ipse qui apostolis apparuit, ipse qui ad coelos sublatus est, ipse qui ad dextram patris sedet, ipse qui est requies defunctorum, repertor perditorum, lumen eorum qui sunt in tenebris, redemptor captivorum, rector errantium, refugium moerentium, sponsus ecclesiae, ¹⁰⁶auriga Cherubim, princeps exercitus angelorum, deus ex deo, filius ex patre, Iesus Christus rex in saecula. Amen.

XVI.

(Ex sermone De passione.)

¹⁰⁷Hic est qui in virgine corporatus est, ¹⁰⁸in ligno suspensus et in terra sepultus est, neque putruit: is qui e mortuis surrexit, et homines suscitavit e terra, e profundo sepulcro ad altitudinem coeli. ¹⁰⁹Hic est agnus qui mactatus est, hic est agnus vocis expers. Hic est qui natus est ex Maria pura, pulchra. Hic est qui ex grege sumtus et ad mactationem ductus est, et vespera mactatus et nocte sepultus est: is in quo os non fractum est in ligno, is qui in terra non putruit, is qui e mortuis surrexit, et suscitavit genus Adami e profundo sepulcro. Hic est qui occisus est. Et ubi occisus est? In medio Hierosolymorum. A quo? Ab Israele. Quia eorum ¹¹⁰claudos sanaverat et eorum leprosos purgaverat et eorum caecis lumen dederat et eorum mortuos suscitaverat: idcirco mortuus est. Tu iussisti, et crucifixus est; tu exsultasti, et sepultus est; tu recubuisti in molli lectulo, et vigilabat in sepulcro et ¹¹¹in loculo. O Israel, legem transscendens, cur hoc novum scelus com-

misisti, dominum in nova mala coniiciens, dominum tuum, qui te ¹¹²formavit, eum qui te creavit, qui te honoravit, qui te ¹¹³Israel vocavit! Tu vero non inventus es Israel; nam non vidisti deum, nec cognovisti dominum. Nesciisti, o Israel, hunc fuisse primogenitum dei: qui ante solem genitus est, qui ut lux oriretur effecit, qui diem illustravit, qui tenebras dissipavit, qui primum fundamentum fixit, qui terram suspendit, qui ¹¹⁴profundum collegit, qui firmamentum expandit, qui mundum exornavit. Amari fuerunt ¹¹⁵clavi tui et acuti; ¹¹⁶amara lingua tua, quam acueras; amarus fuit Iudas, quem (pecunia) corruperas; amari fuerunt ¹¹⁷falsi testes tui, quos produxeras; amara ¹¹⁸bilis tua, quam condieras; amarum acetum tuum, quod paraveras; amarae manus tuae, quae plenae sanguinis erant. Occidisti dominum tuum, et hic tollitur in lignum: et tabula affixa est, eum denotans qui occisus est. Et quis fuit hic? Id quod non dicimus est durum, et quod dicimus est horribile. Audite autem trementes: is, propter quem terra tremuit, is, qui terram suspendit, pendet; is, qui coelum fixit, fixus est (clavis); ¹¹⁹is, in quem terra se adclinat, adclinatus est ligno; dominus contumeliae deditus est nudo corpore: deus occisus est, rex Israelis mactatus est ¹²⁰israelitica dextra. O novum scelus novae caedis! Dominus expositus nudo corpore; ne tegumine quidem dignatus est! ¹²¹Ne autem videretur, lumina conversa sunt et dies obscuratus est, quia mactaverunt deum, qui nudus erat in cruce. Non corpus domini nostri obscuraverunt lumina, quum obirent, sed oculos hominum: nam quia populus non tremuit, tremuit terra; quia ille non metuit, metuit creatura. Proiecisti dominum tuum, tu quoque proiectus es ad terram. Et tu iaces mortuus, ille autem surrexit e mortuis et adscendit in altitudinem coeli: postquam passus est propter eos qui patiuntur, et vinctus propter genus Adami quod in vinculis erat, et iudicatus propter eum qui noxius compertus erat, et sepultus propter eum ¹²²qui sepultus erat.

Et post alia.

Hic est qui coelum et terram fecit et initio cum patre hominem formavit, ipse qui per legem et prophetas praedicatus est, ipse qui in virgine corporatus est, ¹²³ ipse qui in ligno suspensus est, ipse qui in terra sepultus est, ipse qui e mortuis surrexit et adscendit ad altitudinem coeli et sedet ad dextram patris.

¹²⁴ Apologia a Syro interprete servata.

¹²⁵ Melitonis philosophi
oratio ad Antoninum Caesarem.

1. ¹²⁶ Non est facile subito adducere ad rectam viam hominem, qui longo tempore ante captus erat errore. Atamen hoc potest fieri. Homo enim quum recedit ab errore paullulum, ¹²⁷ accipit commonitionem veritatis. Quemadmodum enim, quum paullulum nubes dissipatur, serenitas oritur: ita homo quum convertitur ad deum, subito detrahitur a facie eius nebula erroris, quae cum a recto visu prohibebat. Error enim, ut affectio (animi) et somnus, longo tempore eos tenet qui morantur sub eo; veritas vero utitur verbo sicut stimulo, et ferit qui dormiunt, et expergefaccit eos: quumque expergefacci sunt, vident ipsam veritatem, et intelligunt et audiunt, et discernunt id quod est ab eo quod non est. Sunt enim homines, qui iniquitatem iustitiam vocant et existimant ¹²⁸ istam esse iustitiam, quando homo cum multis errat. Ego vero dico non bonam esse excusationem hanc, hominem cum multis errare. Nam si quis solus stultus est, magna est stultitia eius: multo maior est stultitia, quum stulti sunt multi.

2. Stultitia autem, de qua loquor, est haec, ut homo relinquat id quod vere est, et colat id quod vere non est. Est autem aliquid quod vere est, et vocatur deus, et vere

est, et quaevis res potentiâ eius existit: et is ipse ¹²⁹ nec factus est neque ortus, sed est ab aeterno, et est in saecula saeculorum; neque mutatur, dum omnia mutantur, et ¹³⁰ nullus visus potest videre eum, et nulla cogitatio potest comprehendere eum, et ¹³¹ nullum verbum exprimere eum. Et qui amant eum vocant eum sic: patrem et deum veritatis. Si quis igitur deserit lucem ac dicit „Est deus alius:“ inde quodcunque dicat hoc invenitur: eum unam ex creaturis vocare deum. Etenim si quis ignem vocat deum, non est deus, quia ignis est; et si quis aquam vocat deum, non est deus, quia aqua est; et ¹³² si terram hanc, quam calcamus, et si coelum hoc, quod videmus, et si solem aut lunam aut quamlibet ex his stellis, quae secundum iussum currunt nec quiescunt neque iuxta voluntatem propriam gradiuntur. Et si quis aurum aut argentum deos vocat, ¹³³ haec id non sunt, quibus utimur secundum voluntatem nostram. Et si lignum hoc, quod comburimus, et si lapides hos, ¹³⁴ quos frangimus: quomodo haec dii essent, quae sunt usus hominum? Quomodo non versarentur in magno errore qui commutant magnum deum ¹³⁵ verbo suo cum his rebus, quae iussu exstant quamdiu exstant?

3. Ego vero dico: Quando homo non audit, neque discernit, neque intelligit dominum esse omnibus his creaturis, fortasse non reprehendendus est, quia nemo vituperat caecum, quum male incedit. Eodem quoque modo homines, quum deum quaerent, offenderunt in ¹³⁶ lapides et lignum, et qui ex iis divites erant offenderunt in aurum et argentum, et his offensionibus praepediti sunt ne invenirent quod quaerebant. Nunc vero, ¹³⁷ quum vox auditur in universa terra, esse deum veritatis, et datus est oculus cuivis homini ut videat, sine excusatione sunt qui ¹³⁸ propter multos quibuscum erraverunt erubescunt, quamvis in recta via incedere vellent. Qui enim erubescunt vivere, necesse est ut moriantur. Quapropter ego consilium do iis ut aperiant oculos suos et videant. Ecce enim lux sine invidia nobis omnibus

est data, ut eâ videamus. Si vero post, quam lux nobis orta est, claudit homo oculos suos ne videat, est via eius ¹³⁹ ad foveam. Cur enim homo erubesceret propter eos qui erraverunt cum eo? Multo melius est ei persuadere iis ut sequantur ipsum, et, si non acquiescunt ipsi, liberare animam suam e medio eorum. ¹⁴⁰ Sunt enim homines, qui e terra, matre sua, se extollere non possunt: idcirco faciunt sibi etiam deos ¹⁴¹ ex ipsa terra, matre sua. Atque reiprehenduntur in iudiciis veritatis qui ¹⁴² nomen, quae immutabile est, imponunt rebus, quae mutabiles sunt, et non verentur ¹⁴³ deos vocare illud quod manibus hominis factum est, et audent facere simulacrum dei quem non viderunt.

4. Ego vero dico, quod etiam ¹⁴⁴ Sibylla de iis dixit, eos simulacra regum mortuorum adorare. Atque hoc facile est intellectu; nam ecce etiamnunc ¹⁴⁵ adorant simulacra Caesarum ac ¹⁴⁶ magis venerantur quam illa priora. Etenim ab his prioribus eorum diis ¹⁴⁷ et vectigalia et tributa penduntur Caesari, ¹⁴⁸ quippe qui maior est iis. Idcirco occiduntur qui spernunt eos et fiscum Caesaris deminuunt. Etiam constitutum est, quantum adoratores in diversis regionibus fisco aliorum regum dent ¹⁴⁹ et quot saccos salis marini e mari dent. Atque hoc est malum mundi, eorum qui adorant et verentur ¹⁵⁰ ea quae sensuum sunt expertia. Ac multi eorum qui sapientes sunt non modo ipsi adorant propter lucrum sive propter vanam gloriam sive propter imperium in multos, sed etiam eos qui mente imbecilles sunt impellunt ut adorent ea quae sensuum sunt expertia.

5. Ego vero sicut sentio scribam et divulgabo, quomodo et quibus de causis facta sint simulacra regum ac tyrannorum atque habita sint pro diis. Fecerunt filii Argorum simulacra Herculis, quia in eadem urbe natus et fortis fuit et fortitudine sua occidit pernicioosa animalia, ac praesertim quia eum timebant: violentus enim erat et ¹⁵¹ multis mulieres abduxit; eius enim libido erat magna, sicut etiam ¹⁵² Zoradi Persae, amici eius. Porro adoraverunt Dionysum

regem ¹⁵³ filii Actes, quia plantaverat primum vitem in regione ipsorum. Adoraverunt Aegyptii Ioseph Hebraeum, ¹⁵⁴ qui vocatus est Serapis, quia eos ornavit frumento annis famis. Adoraverunt Athenienses Athenam, filiam Iovis, ¹⁵⁵ regis insulae Cretae, quia aedificavit arcem Athenarum et fecit ibi regem ¹⁵⁶ Erechtheum, filium suum, quem habebat ex adulterio cum Hephaesto fabro, ¹⁵⁷ filio uxoris patris sui. Et omni tempore societatem habebat cum Hercule, quia frater ipsius erat ¹⁵⁸ a patre suo; Zeus enim rex amavit Alcmenen, uxorem Electrionis ex Argis, et moechatus est cum ea, et genuit Herculem. Adoraverunt filii Phoenices ¹⁵⁹ Balti, reginam Cypri, quia amavit Thammuz, filium Kuthar, regis Phoenicum, et reliquit regnum suum, et venit habitatum in ¹⁶⁰ Gebal, arce Phoenicum, et eodem tempore subiecit ¹⁶¹ omnia oppida regi Kuthar. Quia ante Thammuz amavit Arem et moechata est cum eo et deprehendit eam Hephaestus, maritus eius, et zelotypiâ exarsit erga eam: venit et occidit Thammuz in monte Libanon, quum venaretur apros. Et ex eo tempore mansit Balti in Gebal, et mortua est in urbe ¹⁶² Aphaki, ubi sepultus est Thammuz. Adoraverunt Elamitae ¹⁶³ Nani, filiam regis Elam. Post, quam captivam duxerunt eam hostes, fecit ei pater eius simulacrum et templum Susis, arce in Elam. ¹⁶⁴ Adoraverunt Syri Ati Adiabenam, quae misit filiam Belat medicam, et haec sanavit Simi, filiam Hadad, regis Syriae; et post temporis intervallum, quum lepra in ipso Hadad esset, rogavit Ati Elisaeum Hebraeum, et venit eumque sanavit a lepra. ¹⁶⁵ Adoraverunt etiam filii Mesopotamiae Kuthbi Hebraeam, quae liberavit Baeru, patricium Edessae, ex inimicis suis. ¹⁶⁶ De Nebo autem in Mabug quid scribam vobis? Nam ecce omnes sacerdotes in Mabug sciunt eum esse simulacrum Orphei, magi Thracii, et Hadran esse simulacrum Zaraduscht, magi Persici. Ili enim duo magi artem magicam exercebant apud puteum, qui in silva apud Mabug erat, ¹⁶⁷ in quo erat spiritus impurus; et damnum afferebat et prohibere studebat a transitu unumquemque qui

transibat in tota regione, in qua hodie sita est arx Mabug. Et iidem magi praeceperunt Simi, filiae Hadad, ut aquam e mari hauriret et in puteum infunderet, ne exsurgeret spiritus et damnum afferret, iuxta id quod mysterium erat in magia eorum. Atque ita reliqui etiam homines fecerunt simulacra regum suorum et adoraverunt ea: qua de re plura scribere nolo.

6. Tu vero, ¹⁶⁸ animal rationale, liberum ac cognoscens veritatem, si hac de re meditaris, esto penes teipsum, et ¹⁶⁹ si vestitu muliebris te tegere volunt, recordator te esse virum; et crede in eum qui vere deus est, et ad eum aperi mentem tuam, et ei te commenda: et is potest tibi dare ¹⁷⁰ vitam aeternam quae non moritur; nam omnia veniunt in manus eius. Atque caeterae res aestimandae sunt tibi pro eo quod sunt: simulacra ut simulacra, et sculptilia ut sculptilia; et cave ne rem factam ponas loco eius qui infectus est. Deus autem, ¹⁷¹ omni tempore vivens, currit in mente tua; mens enim tua est ipsa eius ¹⁷² similitudo: nam et ipsa est non visibilis, non palpabilis, et caret figura, et voluntate eius totum corpus movetur. Hoc ergo scias: si eum, qui nunquam movetur, colueris, sicut ipse aeternus est, ita etiam tu, ¹⁷³ quum exueris visibilia et corruptibilia, coram eo in aeternum stabis, vivens ac cognoscens, et opera tua erunt tibi ¹⁷⁴ divitiae, quae non deficient, et opes, quae non amittuntur. Scias autem primarium bonorum operum tuorum esse ut deum cognoscas et eum colas. Et scias eum nihil a te petere: ¹⁷⁵ nulla re indiget.

7. Quis est deus? Ille qui ipse est veritas et ¹⁷⁶ cuius verbum est veritas. Quid autem est veritas? Aliquid quod non est formatum nec factum nec fictum, hoc est quod ortum non habet et veritas vocatur. Igitur si homo adorat aliquid quod manibus factum est, veritatem non adorat neque verbum veritatis. Ego autem praeterea habeo multa quae dicam de hac re; sed erubesco eorum vice qui non intelligunt se ipsos maioris esse pretii quam opera manuum ipsorum

sunt, et qui non intelligunt se dare aurum artificibus, ut faciant ipsis deum, et dare iis argentum ad ornamentum et decus ¹⁷⁷ istorum, et divitias suas ex alio loco in alium transferre easque adorare. Et quod flagitium est maius, quam ut homo adoret divitias suas, cum vero deserat qui dat ipsi divitias, et hominem ignominia afficiat, imaginem vero hominis adoret, et animal occidat, effigiem vero animalis adoret? Ac manifestum est eos opificium sociorum suorum adorare: non enim adorant materias in fasciculis positas, sed simulacra quae fecerunt ex his artifices adorant; neque adorant substantiam auri et argenti, sed quod inde poliverunt fictores adorant. Stulte, quid additum est ad aurum tuum, quod nunc adoras? Sive (id adoras), quia assimilatum est animali alato, cur ipsum animal alatum non adoras? Sive, quia assimilatum est animali rapaci, ecce ¹⁷⁸ animal rapax ipsum est coram te. Sive artificium ipsum tibi placet? Placeat tibi artificium dei, qui fecit cuncta et secundum similitudinem suam fecit artifices, qui quidem conantur facere ut ille, sed nihil simile facere possunt!

8. At forsitan dicis: ¹⁷⁹ Cur me deus non ita fecit, ut ipsum colerem et non idola? Eo quod sic loqueris mavis merum instrumentum esse quam homo vivus; nam deus te tam bonum fecit quam placuit ipsi, et dedit tibi liberum arbitrium. Posuit coram te res sublimes, ut ipse dignoscas ¹⁸⁰ et eligas tibi quod bonum est. Posuit coram te coelum, et posuit in eo stellas; posuit coram te solem et lunam, et quotidie currunt ¹⁸¹ in eo; posuit coram te aquas multas et cohibuit eas verbo suo; posuit coram te terram magnam, quiescentem et stantem coram te eadem forma, et, ne putes eam per naturam propriam stare, ipse, quando vult, commovet eam; posuit coram te nubes, quae ad iussum deducunt aquas ex altitudine et saturant terram: ut inde intelligas eum qui haec movet maiorem his omnibus esse, et agnoscas benignitatem eius qui dedit tibi rationem, qua haec diiudicare possis. Quapropter ego consilium do tibi ut cognoscas

teipsum, et cognosces deum. ¹⁸² Cognosce ergo in te hoc esse quod vocatur anima, per hanc oculum videre, per hanc aurem audire, per hanc os loqui, et hanc toto corpore uti. Et ¹⁸³ quum vult tollere animam a corpore, corpus cadit et perit. Ex eo igitur quod in te est nec videtur cognosce etiam deum movere totum mundum potentia sua, sicut corpus, ita ut, quum volet abstrahere potentiam suam, totus mundus sicut corpus cadat et pereat.

9. Cur autem factus sit hic mundus et cur transeat, et cur existat corpus et cur cadat et cur resurgat, non potes cognoscere, ¹⁸⁴ nisi erigas caput tuum ex somno, quo mersus es, et aperias oculos tuos et videas unum esse deum dominum universi, et servias ei ¹⁸⁵ ex toto corde tuo. Tunc dabit tibi ut voluntatem ipsius cognoscas. Quicumque enim longe est a cognitione dei vivi, mortuus est et sepultus in corpore suo. Ideo volutaris in terra coram ¹⁸⁶ daemonibus et umbris, et preces vanas proponis iis qui nihil habent quod dare possunt. Tu vero surge e medio eorum qui iacent in terra et osculantur lapides, et ¹⁸⁷ dant cibum suum escam igni, et offerunt vestes suas simulacris, et volunt, dum ipsi sensibus praediti sunt, ei servire quod sensuum est expers. Tu vero propone preces incorruptibiles deo incorruptibili pro anima tua incorruptibili, et tandem apparebit libertas tua. De ¹⁸⁸ ea sollicitus esto, et gratias age deo, qui fecit te et dedit tibi liberum arbitrium, ut quocunque modo velis te gerere possis. Posuit coram te omnes res, et haec denuntiat tibi: Si malum consecutus eris, damna-beris pro operibus malis, et si bonum consecutus eris, recipies inde bona multa simul cum ¹⁸⁹ vita aeterna quae non moritur.

10. Nihil ergo est quod te impediat quominus malam tuae vitae rationem mutes, quandoquidem liber es, et quaeras et invenias quis sit dominus universi, et servias ei ¹⁹⁰ ex toto corde tuo, quia non invidet cognitionem sui quaerentibus eum, ita ut valeant eum cognoscere. Curae sit tibi pri-

num ut teipsum non fallas. Nam si deum esse dicis id quod non est deus, teipsum fallis et coram deo veritatis peccas. Stulte, ¹⁹¹ num id est deus quod emitur? Num id est deus quod egenum est? ¹⁹² Num id est deus quod custodiendum est? Quomodo emis eum sicut servum, et colis eum sicut dominum? Quomodo rogas eum ut det tibi eum dives, et das ei ut pauperi? Quomodo speras fore ut victoriam det tibi in bello? Ecce enim, si hostes tui te devincunt, etiam ¹⁹³ eum decorticant. Forsitan dicit qui rex est: Non possum ut velim me gerere; quia rex sum, decet ut faciam voluntatem multorum. Qui ita loquitur risu vere dignus est. Cur enim rex non sit dux ad quodvis bonum, et impellat populum sibi subiectum ad pure conversandum et deum vere cognoscendum, nec proponat in seipso exemplar omnium honorum operum? Nam ita eum decet; turpe est enim regem, qui prave se gerit, iudicare et damnare eos qui male agunt. Ego vero opinor regnum tum demum posse in pace gubernari, quum rex cognoscit deum veritatis, et timet propter eum, ne iniuste tractet homines ipsi subiectos, et quum omnia iuste iudicat, ¹⁹⁴ sicut homo qui scit seipsum etiam iudicatum iri coram deo; quum illi quoque qui ei subditi sunt timent propter deum, ne iniuste agant contra regem suum, et timent ne iniuste agant contra se invicem. Atque per hanc cognitionem dei et eius timorem omne malum potest tolli de regno. Si enim rex non iniuste agit contra eos qui ei subditi sunt, et (si) hi non iniuste agunt contra illum, neque alius in alium: res est manifesta totam terram in pace vivere. Et ibi reperiuntur multa bona, quia inter eos omnes nomen dei celebratur. Quod enim bonum est praestantius, quam si rex liberet populum ipsi subiectum ab errore et hoc bono opere placeat deo? Ex errore enim nascuntur omnia haec mala. Origo autem erroris haec est, si homo non cognoscat deum, et loco dei aliquid adoret quod non est deus.

11. Sunt vero homines qui dicunt: In honorem dei

facinus ei simulacrum, scilicet ut adorent simulacrum dei ¹⁹⁵ absconditi, ac nesciunt deum in omni loco esse et ubique, et nunquam absentem esse, et nihil fieri quod non sciat. Tu autem, homo vilis, in quo deus est et extra quem est et supra quem est, vadis et emis tibi lignum ex domo fabri, quod sculptum et fabricatum est ¹⁹⁶ in opprobrium dei; ¹⁹⁷ huic sacrificia facis, et nescis te videre oculum, qui videt omnia, et te reprehendere ¹⁹⁸ verbum veritatis, quod dicit tibi: Deus invisibilis quomodo potest sculpi? At similitudinem tui ipsius facis et adoras. ¹⁹⁹ Quia sculptum est lignum, non animadvertis id esse lignum, aut esse lapidem, et aurum quanti ponderis est tanti pretii esse. Et ²⁰⁰ quod fecisti cur pendis? Ergo amas aurum, sed non amas deum, neque erubescis, si forte quid deficiat, exigere ab artifice quod furatus est ab eo. ²⁰¹ Etsi oculos habes, non vides; etsi cor habes, non intelligis. Cur volutaris in terra, et precaris res sensuum expertes? Time eum qui movet terram et in gyrum ducit coelum et agitat mare et transfert montes, eum qui potest similis fieri igni et comburere omnia. Et si iustificari non potes, ne adde ad peccata tua, et si cognoscere deum non potes, crede eum esse.

12. Rursus vero sunt homines qui dicunt: ²⁰² Quodcunque reliquerunt nobis patres nostri colimus. Idcirco scilicet illi, ²⁰³ quibus patres paupertatem reliquerunt, conantur distescere, et illi, quos patres non erudiverunt, volunt erudiri et discere quod patres non sciebant! Et cur filii caecorum vident, et filii claudorum ambulant? ²⁰⁴ Non enim bonum est ut homo sequatur maiores suos, qui prave ambulabant, sed ut avertatur a via illa, ne forte aliquid quod accidit maioribus afflicteret etiam nos. Quapropter inquire: si pater tuus probe ambulabat, tu quoque eum sequere; et si pater tuus prave ambulabat, tu ambula probe, et filii tui vestigiis tuis ingrediantur. Ac doleas super patrem tuum, qui prave ambulabat; moestitia tua potest ei prodesse. Filiis autem tuis dicas sic: Est deus, pater universi, qui non incepit esse

neque factus est, et omnia existunt eius voluntate. Et fecit luminaria, ut ²⁰⁵ opera se invicem videant, et abscondit se in potentia sua ab omnibus operibus suis. Nulli enim qui mutatur possibile est cum videre qui non mutatur; qui vero admoneri se voluerunt, et in illa conditione versantur quae non mutatur, hi vident deum, ²⁰⁶ quoad valent cum videre: neque iidem ardebunt, quum veniet diluvium ignis super totum mundum. Etenim aliquando fuit ²⁰⁷ diluvium venti, et selecti (ad id) homines occisi sunt aquilone vehementi, et relictii sunt iusti ad demonstrationem veritatis. Rursus alio tempore fuit ²⁰⁸ diluvium aquarum, et perierunt omnes homines et bestiae in multitudine aquarum, et servati sunt iusti in arca lignea iussu dei. Atque ita ultimo tempore erit ²⁰⁹ diluvium ignis, et ardebit terra cum montibus suis, et ardebunt homines cum simulacris quae fecerunt et cum operibus sculptilibus quae adoraverunt, et ardebit mare cum insulis suis, ²¹⁰ et servabuntur iusti ab ira, sicut socii eorum servati sunt in arca ab aquis diluvii. Et tunc ingemiscunt qui deum non cognoverunt, et qui fecerunt sibi simulacra, quum vident simulacra sua, ardentia cum ipsis, et nihil potest ipsos adiuvere.

13. Haec quum didiceris, ²¹¹ Antonine Caesar, et filii quoque tui tecum, trades iis haereditatem aeternam quae non perit, et liberabis animam tuam et animam filiorum tuorum ab iis quae eventura sunt universae terrae in iudicio veritatis, iustitiae. Quemadmodum ²¹² eum cognoveris hîc, cognoscet te illic; et si aestimas eum supervacaneum hîc, non computabit te inter eos qui eum cognoverunt et confessi sunt. Haec maiestati tuae satis sunt: et fortasse nimis multa, ²¹³ si vis.

COMMENTARIUM.

Fragmentum I. 1. Τὸ γὰρ οὐδὲ πώποτε ... ὅσα σου δέομεθα] Ex Eusebii Hist. eccl. l. IV. c. 26. §. 5—11. p. 194 s. ed. Heinichen 1868 (c. 33. §. 5—13. p. 312—315 ed. Laemmer 1862). Praemisit haec: Ἐν δὲ τῷ πρὸς τὸν αὐτοκράτορα βιβλίῳ τοιαῦτά τινα καθ' ἡμῶν ἐπ' αὐτοῦ γεγονέναι ἱστορεῖ. Τὸ γὰρ οὐδὲ πώποτε κτλ. Exstat huius fragmenti versio syriaca, quam Cureton in Spicileg. syr. p. 35, 3—36, 8 (c. vers. angl. p. 58, 1—59, 11) et Pitra in Spicileg. Solesm. T. II. p. LIII—LVI ediderunt, ego vero omisi, quum ad textum graecum melius conformandum prorsus nihil conferat. Cf. infra n. 20. — Laemm. οὐδεπώποτε tacite.

2. καινοῖς ἐ. δόγμασι] Marcus Aurelius, sacris publicis pristinam restituere auctoritatem cupiens, iussit eos puniri qui novas religiones inducerent. Inde istae persecutiones in Asia. Modestinus Digest. XLVIII. 19, 30: „Si quis aliquid fecerit, quo leves hominum animi superstitione numinis terrerentur, Divus Marcus huiusmodi homines in insulam relegari rescripsit.“ Iulii Pauli Sententt. receptt. V. 21, 2: „Qui novas et usu vel ratione incognitas religiones inducunt, ex quibus animi hominum moveantur, honestiores deportantur, humiliores capite puniuntur.“ Huc autem non pertinet edictum quoddam in Actis Symphorianis, ap. Ruinart. p. 69, suppeditatum. Plura dabit Gieseler *Lehrb. d. KG.* T. I. P. 1 (ed. 4) p. 174 s.

3. καὶ] Laemm. τε καὶ tacite. Tum idem, ut Heinich., μεθ' ἡμέραν.

4. ταῦτα] C^{Fab}K^{Ra} Ruf. (*haec*) Hein., τοῦτο A^{Ea}G^{HO} Nic. Steph. Laemm. Caeterum observes Melitonis modestiam et prudentiam tam in iudicio suo imperatoris voluntati submittendo, quam in amolienda ab illo tantae in Christianos acerbitatis invidia atque in alios avaritiae morbo infectos transferenda.

5. τοὺς τῆς τοιαύτης φιλονεικίας ἐργάτας] Strothius in vers. Eus. germ. ad h. l. (T. I. p. 294): „Melito nennt hier die Christen nach der Vorstellung der Heiden Eigensinnige; denn diese nannten die Standhaftigkeit der Christen Eigensinn und Halsstarrigkeit. Es versteht sich von selbst, dass Melito in Gedanken das Wort im guten Sinne genommen.“

6. Ἡ γὰρ καθ' ἡμᾶς φιλοσοφία] H. e. doctrina s. religio christiana. Infra ὁ καθ' ἡμᾶς λόγος vocatur. De illa formula adeas Proll. ad Herm. p. XXXIV et diss. de Miltiade p. 367. Mox βάρβαροι nominantur Iudaei, apud quos primum exorta est religio christiana. Atque ita loquitur etiam Iustinus, ut ad Apol. I. c. 5. n. 10 (Corp. Apoll. Vol. I. ed. 2. p. 15) ostendi. Comp. ad Tatian. Orat. c. 1. n. 1 (Vol. VI) p. 2.

7. ἐπανθήσασα . . . αἰσίον ἀγαθόν κτλ.] Cf. Baur *Das Christenth. u. d. christl. K. d. drei ersten Jahrh.* Tub. 1853. p. 359 et Credner in *Bauri et Zelleri Theolog. Jahrb.* (Tub.) 1857. p. 297, coll. eiusdem *Geschichte des Neutestam. Kanon* (Ber. 1860) p. 205.

8. καὶ ἔση μετὰ τοῦ παιδός] H. e.: cum Commodus, quem tempore procedente regni socium facies. Cf. supra p. 378 observata. Verba μετὰ τ. παιδός cum ἔση iungenda sunt, minime simul cum γέγονας praecedente, ut praeter alios etiam Piper p. 102 admonuit.

9. Ἀυγούστῳ] ἐν Ἀυγούστῳ Ο.

10. ἦν καὶ οἱ πρόγονοι κτλ.] Forte designat Tiberii consilium de Christo inter deos referendo, de quo Tertullianus in Apolog. c. 5 coll. Eusebii H. E. I. II. c. 2, aut templa ex Hadriani instituto sine imaginibus collocata, de quibus vide Spartianum in vita Alexandri Severi c. 43. *Woogius* Diss. II. p. 34. Cf. Moshemium Dissertt. ad histor. eccles. pertin. Vol. I. ed. 2. p. 359 s. et Neandrum *Allg. Gesch. d. chr. Rel. u. K.* ed. 2. T. I. P. 1. p. 159 et 176. Is ait p. 174: „Wenn Melito von Sardes zu dem Kaiser Mark Aurel sagt: seine Vorfahren hätten das Christenthum neben

den übrigen Kultusarten geehrt: so kann daraus nicht viel geschlossen werden; denn es ist natürlich, dass, wer den Schutz eines Kaisers für das Christenthum in Anspruch nahm, in das, was dessen Vorgänger Günstiges für die Christen gethan hatten oder gethan zu haben schienen, so viel als möglich hineinlegte.“

11. *Μόνοι πάντων . . . Νέρων καὶ Δομετιανός*] Idem dixit Tertullianus in Apolog. c. 5 (Opp. ed. Oehler T. I) p. 131 s.: „Reperietis primum Neronem in hanc sectam cum maxime Romae orientem Caesariano gladio ferocisse. . . . Temptaverat et Domitianus, portio Neronis de crudelitate. . . . Ceterum de tot exinde principibus ad hodiernum divinum humanumque sapientibus edite aliquem debellatorem Christianorum! . . . Quales ergo leges istae, quas adversus nos soli exercent impii, iniusti, turpes, truces, vani, dementes, quas Traianus ex parte frustratus est vetando inquirei Christianos, quas nullus Hadrianus, quamquam omnium curiositatem explorator, nullus Vespasianus, quamquam Iudaeorum debellator, nullus Pius, nullus Verus inpressit [h. e. persequendas mandavit et inculcavit] ?“

12. *τῆς συκοφαντίας*] Die Verleumdung gegen die Christen bestand wahrscheinlich in dem Vorgeben, dass die Duldung der Christen über das römische Reich wegen des dadurch gereizten Zorns der Götter Unglück bringe. *Closs Euseb. KG.* p. 143.

13. *ἐπηνωρθώσαντο*] *ἐπανορθώσαντο* E^a et *ἐπανωρθώσαντο* A Steph.

14. *νεωτερίσαι*] AF^bGH(K) Nic. Hein., *νεωτερῆσαι* BCDE^a Fa(OR^a) Laemm. — Piper p. 98: „Das Wort *νεωτερίζειν* [sic et paullo post] scheint absichtlich und mit Vorsicht gewählt; es kann heissen überhaupt nur den status quo aufheben, also behelligen, beunruhigen, aber auch: Unruhen, Aufstand erregen, also von tumultuarischem Verfahren gegen die Christen.“

15. *Ἀδριανός . . . Φουνδανῶ*] Attulit, ut supra p. 335

monui, hanc Hadriani ad Fundanum epistolam Eusebius l. IV. c. 9, a Iustino Martyre Apol. I. c. 68 acceptam. Si nullum aliud crimen proponitur, quam nominis christiani, hoc solum noluit Hadrianus ad criminalem quaestionem referri. Cf. Neander l. c. p. 173.

16. δὲ] Hanc voculam addunt CF^aGHKOR^a, omittunt AE^aF^b Nic. Steph. Val.

17. ὁ δὲ πατήρ σου . . . ταῖς πόλεσι κτλ.] Rescriptum quidem Antonini Pii pro Christianis hodie non exstat. Sed eius mentio fit in rescripto Marci Aurelii Antonini ad civitates Asiae, quod retulit Eusebius l. IV. c. 13. [Cf. aliud huius rescripti subditicii exemplar a me editum in Corp. Apoll. Vol. I. ed. 2. p. 206.] *Valesius*. Hoc quidem non mirum est quod non exstat hodie illud Antonini Pii rescriptum, sed [ut iam Neander l. c. p. 177 advertit] quod Melito, quamvis testimonio eius l. IV. c. 13. §. 8 de rescripto Antonini Pii utatur Eusebius [cf. Danz De Euseb. p. 126], tamen hoc loco, etsi cetera eius ad Larissaeos, Thessalonicens, Athenienses omnesque alios Graecos edicta commemorat, edictum ad Commune Asiae [πρὸς τὸ Κοινὸν τῆς Ἀσίας], quo multo plura in Christianorum gratiam constituturus fuisset Antoninus Pius, prorsus silentio praeteriit. *Heinichenus*. Antoninus Pius zwar gab Befehle nach Larissa, Thessalonich und Athen, welche die Christen der Wuth des aufgeregten Pöbels aufzuopfern verboten [περὶ τοῦ μηδὲν νεωτερίζειν περὶ ἡμῶν], wodurch er jedoch nichts weiter that, als was Hadrianus schon gethan hatte, und was jeder Fürst thun muss, wenn die öffentliche Ruhe erhalten und dem Gesetze sein Ansehen gesichert werden soll. Eine Begünstigung der Christen verrieth er hierdurch nicht, und dass er weiter etwas für sie gethan habe, ist unerweislich. *Tzschirnerus* (*Der Fall des Heidenth.* p. 303 s.). Diese [von Melito erwähnten] Schreiben mögen Veranlassung gegeben haben, dem Antoninus das Edictum ad Commune Asiae unterzuschreiben [quo vetabat, ne quis in posterum Christia-

nos religionis suae causa calumniaretur]. *Gieselerus* l. c. p. 173 s.

18. τὰ πάντα συνδιοικοῦντος] Ita audacter reposui. Vulgo τὰ σύμπαντα διοικοῦντος. Firmat illam scripturam Ruffinus. Caeterum hic non accurate loquitur Melito, ut iam Piper p. 98 animadvertit: „Marcus Aurelius erhielt zwar im J. 147 die tribunicische Gewalt und das proconsularische Imperium ausserhalb der Stadt (Capitolin. in M. Aurel. c. 6; cf. Eckhel De Procons. Caesar. in Doctr. numor. P. II. Vol. VIII, Vindob. 1798. 4^o, p. 340), hat aber die Herrschaft mit seinem Vater niemals getheilt.“

19. ἐν οἷς] Woog l. c. p. 35 dedit ἐν αἷς, contra omnes codd. mstos et editos. Illud οἷς rationem eorum habet qui civitates incolunt: *Λαρισσαίων* etc. Cf. infra n. 32.

20. *Λαρισσαίους*] CF^aGHR^a *Λαρισαίους*. Syrus ante oculos habuit *Φαρισαίους*.

Fragmentum II. 21. Οὐκ ἐσμὲν κτλ.] Hoc fragmentum ad Apologiam Melitonis pertinere, ostendunt verba auctoris Chronici paschalis, qui illud servavit. Ἄλλὰ, inquit p. 482 ed. L. Dindorf., καὶ Μελίτων Ἀσιανὸς Σαρδιανῶν ἐπίσκοπος βιβλίον ἀπολογίας ἔδωκεν τοῖς λελεγμένοις βασιλεῦσιν (? M. Aurelio et L. Vero), καὶ ἕτεροι δὲ πολλοί, ὧν ὁ μὲν δηλωθεὶς Ἰουστίνος μετὰ τινα ἄλλα ὧν ἔγραψεν καὶ τοῦτο ἐνέθηκεν. Καὶ γὰρ προσδοκῶ κτλ. (Apol. II. c. 3). Tum (p. 483) addit illud: Μελίτων Σαρδιανῶν ἐπίσκοπος μετὰ πολλὰ τῶν ἐπιδοθέντων παρὰ τοῦ αὐτοῦ Ἰουστίνου φησίν. „Οὐκ ἐσμὲν λίθων . . . θρήσκευταί,“ καὶ τὰ ἑξῆς.

22. μόνου θεοῦ . . . καὶ τοῦ Χριστοῦ αὐτοῦ] Nulla facta Spiritus mentione tantum deum et Christum nominat: quod quidem minime offensioni esse debet; cf. meam ad Iustini Dial. c. Tr. c. 65 adnotationem 6 (Corp. Apoll. Vol. II. ed. 2) p. 224 s.

23. τοῦ Χριστοῦ] Ducangius, quocum Woogius Diss. II. p. 37 et Gallandius p. 678 faciunt, ex codice Monacensi admodum recenti et mendis foedato ἐπὶ τοῦ Χριστοῦ dedit, ita

quidem, ut haec arcte cohaereant cum praecedentibus verbis (ad *μόνου θεοῦ* appositis), h. e. „*dei, qui est πρὸ πάντων . . . et ἐπὶ τ. Χρ.*“, reddiditque in *Christo* (Baumgarten-Crusius *Theol. Ausleg. der Johann. Schriften* P. I. p. XVII). Routhius (p. 118. 183), Piperus (p. 70) et Pitra (p. LVI) cum Wesselingio (Probabil., Francq. 1731, p. 87 s.) ex *ἐπὶ* effecerunt *ἔτι*, „*et praeterea Christi . . . sumus cultores.*“ At istam vocem *ἐπὶ* (s. *ἔτι*), quippe quam praeclarus codex Vaticanus non agnoscat, Dindorfius probe omisit. Caeterum satis nota est formula *ὁ Χριστὸς (τοῦ) θεοῦ*, de qua vide Luc. 2, 26. 9, 20. Actt. apostt. 4, 26. Apoc. 11, 15. 12, 10. Cf. librum meum De Iustini Mart. scriptt. et doct. p. 135.

24. *ὄντος*] Ita cod. Vatic. et Dindorf. Male vero Ducang. c. cod. Monac. legit *ὄντως*, idque Wesseling. Woog. Galland. II. cc. repetierunt. Hi omnes, quibus Routh (p. 118) Pitra (p. LVI) Hilgenfeld (*D. Paschastreit* p. 266) Bade (*Christotheologie*, Paderb. 1870. p. 493) accedunt, interpretati sunt sic: „*qui vere est Deus Verbum.*“ Debebant reddere: *qui (vere) est dei logos*. Cf. Fragm. XV: „*Verbum dei*“. Iustin. Apol. I. c. 63: *Ὁ λόγος τοῦ θεοῦ ἐστὶν ὁ υἱὸς αὐτοῦ*, et c. 66: *διὰ λόγου θεοῦ = per logon dei*. Apol. II. c. 13: *τὸν γὰρ ἀπὸ ἀγεννήτου . . . θεοῦ λόγον μετὰ τὸν θεὸν προσκυννοῦμεν*. Theophil. ad Autol. I. II. c. 10: *ὁ λόγος ὁ τοῦ θεοῦ*. Adde Fragm. VI. n. 45.

Fragmentum III. 25. *Μελίτων Ὀνησίμῳ τῷ ἀδ. χαίρειν κτλ.*] Servavit hoc fragmentum Eusebius Hist. eccl. I. IV. c. 26. §. 13 s. p. 195 s. ed. Heinichen (c. 33. §. 15 s. p. 315 s. ed. Laemm.), ita de eodem praefatus: *Ἐν δὲ ταῖς γραφαῖσαις αὐτῷ ἐκλογαῖς ὁ αὐτὸς (Melito) κατὰ τὸ προσοίμιον αὐτὸ ἀρχόμενος τῶν ὁμολογουμένων τῆς παλαιᾶς διαθήκης γραφῶν ποιεῖται κατάλογον, ὃν καὶ ἀναγκαῖον ἐνταῦθα καταλέξει. Γράφει δὲ οὕτως: „Μελίτων Ὀνησίμῳ“ κτλ.* Superest fragmenti versio syriaca, quam Cureton in Spicileg. syr. p. 26, 11—26 (c. vers. angl. 59, 17—60, 3) et Pitra in Spicileg.

Solesm. T. II. p. LXII s. ediderunt, non discedens a textu graeco (cf. n. 32) et idcirco a me praetermissa. De illa salutis dicendae formula exposui („Ueber d. apostol. Segensgruss χάρις ὑμῖν καὶ εἰρήνη und χάρις ἔλεος εἰρήνη. Eine exeget. Studie“) in *Liebneri* et alior. *Jahrb. für Deutsche Theologie* T. XII. Goth. 1867. p. 680. — L. Diestel *Gesch. d. Alt. Testam. in d. christl. K.* (Ien. 1869) p. 22: „Je gewichtiger das A. T. in der Kirche wurde, ... um so mehr musste es reizen, den Umfang desselben genauer zu bestimmen und statt der fließenden eine schliessende Grenze zu ziehen. Die eigne Ueberlieferung der palästinensischen Juden bot sich als die beste, rein geschichtliche Basis dar. Melito erforscht sie genau auf Reisen im Orient: das von ihm ermittelte Verzeichniss deckt sich mit dem hebräischen Kanon, falls wir Esra und Nehemia [non enim Melito librum Nehemiae nominatim memorat] als ein Buch denken; nur das Buch Esther fehlt — schwerlich aus Versehen [ut Woogio Diss. I. p. 45 s. placuit, neque propterea quod pariter atque Nehemiae liber sub nomine Esdrae contineatur, ut praeunte Eichhornio nonnulli, in his Bleek *Einleit. in d. A. T.* Ber. 1860. p. 688, crediderunt], sondern in Folge christlicher Kritik, die eine so specifisch jüdische Schrift nicht unter ihre heiligen Bücher zählen durfte.“ Cf. Oehler: *Herz. Real-Encyklop.* T. VII. p. 258. — Fratrem Melito Onesimum vocat, non quod erant iisdem parentibus nati (Woog Diss. I. p. 18 et II. p. 38), sed quod erat eiusdem fidei socius et caritatis vinculo ei coniunctus. Satis constat Christianos primaevos, unam quasi familiam constituentes, se invicem fratrum nomine appellasse.

26. ἐκλογάς σοι] CF^aKR^a Hein., σοι ἐκλογάς caeteri codd. insti et Laemm. — Ruff. *ut excerptam tibi testimonia ex lege.*

27. εἶεν] Pro hoc verbo CF^aKR^a substituerunt εἰδέναι.

28. πρὸς θεόν] πρὸς τὸν θεόν KR^a.

29. ἀκριβῶς] καὶ ἀκριβῶς vulg., ἀκριβῶς sine καὶ CF^aKR^a. Scilicet καὶ necessarium videbatur iis qui non cogitarent

participia ἀνελθὼν et γινόμενος referenda esse ad μαθὼν tantum. *Heinichenus*.

30. Μωυσέως] Μωσέως AE^aO Nic. Steph. Laemm.

31. Ἀριθμοὶ Λευιτικὸν] Inverso ordine Λευιτικὸν Ἀριθμοὶ EA^aF^b Ruff. (at in codice Ruffini vetustissimo Parisiensis ecclesiae legi „Numeri Leviticus“ testatur Valesius) Steph. Vales.

32. ἡ καὶ Σοφία] καὶ ἡ Σοφία GH^O Laemm. perperam, ἡ Σοφία Steph., ἡ καὶ Σοφία caeteri omnes recte. *Heinichenus*. Eadem in Syro de uno Proverbiorum libro. Woogius (Diss. I. p. 46 et II. p. 40) legit αὖ pro ἡ. Sed tu cave faxis. Cf. supra n. 19. Eusebius scripsit H. Quid enim? Fortasse voluit ἡ legi. Idem video placuisse Grimmio (*Exeg. Handb. zu d. Apokryphen d. A. T.* P. VI. Lips. 1860. p. 37): qui rationibus evicit Melitonem per „Sapientiam“, quam Proverbiis Salomonis subiungit, non intellexisse librum Sapientiae graeco idiomate ab incerto auctore compositum, sed ipsa Proverbia Salomonis. Cf. Delitzsch: *Herz. Real-Encyklop.* T. XIV. p. 712.

Fragmentum IV. 33. Ἐπὶ Σεργουλλίου κτλ.] Haec habentur apud Eusebium Hist. eccl. I. IV. c. 26. §. 3. p. 194 ed. Heinichen (c. 33. §. 3. p. 312 ed. Laemm.), his praemissis: Ἐν μὲν οὖν τοῖς περὶ τοῦ πάσχα τὸν χρόνον, καθ' ὃν συνέταττεν, ἀρχόμενος σημαίνει ἐν τούτοις. Ἐπὶ Σεργουλλίου κτλ. Syriacam huius fragmenti translationem, qua nihil lucramur (cf. n. 34 s.), praebent Cureton in Spicileg. syr. p. 34, 25—27 (c. vers. angl. p. 57, 28—32) et Pitra p. LXI. Codd. msti AE^a et Steph. et Val. pro Σεργουλλίου habent Σεργίου. — Hilgenfeld I. c. p. 252: „Rufinus hat Σεργίου Παύλου gelesen, vielleicht mit Recht. Dann würde man an jenen L. Sergius Paulus zu denken haben, welcher 168 zum zweiten Male Consul war. Sollte dagegen Σεργουλλίου ächt sein, so könnte man an Q. Servilius Pudens, Consul im J. 166, denken. Vielleicht war aber Servilius Paulus ein nicht weiter bekannter consul suffectus, der nun Proconsul

von Asien ward. Jedenfalls wird der zu Laodicea ausgebrochene Paschastreit frühestens 170 angesetzt werden müssen, da wir 165/166 den Quadratus, 168/169 den Pollio, 169/170 den Severus als Proconsuln kennen, wenn Servilius Paulus nicht schon 166—168 Proconsul gewesen sein sollte.“ Cf. Cavedoni: Cenni cronologici intorno alla data precisa delle principali apologie etc. (Mut. 1855) p. 29 s. 36.

34. Σάγαρις] Agaris vocatur a Syro: idem ὃς omisit ante hoc nomen, et paullo post legit καὶ ἐγένετο. Iterum Sagarim memorat Polyerates in epist. ad Victor. ap. Euseb. l. V. c. 24. §. 5 s.: Τί δὲ δεῖ λέγειν Σάγαριν ἐπίσκοπον καὶ μάρτυρα, ὃς ἐν Λαοδικείᾳ κατοίμηται, ἔτι δὲ καὶ Παπίριον τὸν μακάριον (qui teste Symeone metaphraste successor fuit Polycarpi, Smyrnaeorum episcopi), καὶ Μελίτωνα; . . . Οὗτοι πάντες ἐτήρησαν τὴν ἡμέραν τῆς τεσσαρεσκαίδεκάτης τοῦ πάσχα κατὰ τὸ εὐαγγέλιον (Schürer De controvers. pasch. p. 35 et Zeitschr. f. d. hist. Theol. 1870. p. 209 s.), μηδὲν παραβαίνοντες, ἀλλὰ κατὰ τὸν κανόνα τῆς πίστεως ἀκολουθοῦντες.

35. καὶ ἐγράφη ταῦτα] H. e., ut nemo non videt, illo tempore, quo commota est quaestio in urbe Laodicea de festo paschali. Woogius Diss. II. p. 31 mallet distinctionis signum poni post κατὰ καιρὸν (haec verba Syrus interpret non intellexit) et verba ἐν ἐκείναις ταῖς ἡμέραις ad ultima trahi. Sed minime mutatur sententia: controversiam Laodiceae excitatam fuisse de solemnitate paschali, quae tunc inciderat iuxta antiquam consuetudinem; hisque diebus ipsis etiam haec a Melitone perscripta fuisse.

Fragmentum V. 36. Μελίτων γοῦν κτλ.] Hoc fragmentum exhibet Origenes ad inscriptionem Psalmi 3: Ψαλμὸς τοῦ Δαβὶδ, ὁπότε ἀπεδίδρασκεν ἀπὸ προσώπου Ἀβεσσαλώμ τοῦ υἱοῦ αὐτοῦ. Cf. Select. in Psalmos (Opp. ed. Lommatszsch. T. XI) p. 411. Praemisit haecce: Ἐξῆς δὲ ἴδωμεν, τίς ὁ Ἀβεσσαλώμ ὁ υἱὸς τοῦ Δαβὶδ. Καὶ οἱ μὲν οἰήσονται αὐτὸν εἶναι εἰκόνα τοῦ προδότου Ἰούδα, οἱ δὲ τοῦ διαβόλου. Μελίτων γοῦν κτλ.

37. τοῦ διαβόλου ἐ. τῇ Χρ. βασιλείᾳ] Cf. Apocali. 20, 7 s. Itaque Melito videtur idem de chiliasmo sensisse cum Apocalypsi.

38. ἐπεξεργάσατο] Lommatzsch. ἐπεξεργάσατο mendose. Τὸν τόπον, quod sequitur, interpreteris de loco psalmistae (Xenoph. Memor. I. II. c. 1. §. 20. Luc. 4, 17); eodem sensu χώρα apud Ioseph. Antiqq. I. I. c. 8. §. 3 legitur. Item τόπος dicitur argumentum quod tractatur, ut apud Isocrat. Helen. Enc. p. 215 D: ἵνα μὴ δοκῶ περὶ τὸν αὐτὸν τόπον δι' ἀπορίαν διατρίβειν.

Fragmentum VI. 39. Οὐδεμία ἀνάγκη κτλ.] Hoc fragmentum servavit Anastasius cognomento Sinaitae in Ὁδηγῷ seu Duce viae adversus Acephalos, ed. Iac. Gretser (Ingolst. 1606. 4^o) c. 13, ap. Mign. (Anastas. Opp. Par. 1860) col. 229. Qui quidem, contra illos monophysitas disputans, Melitonis verbis praemisit haecce: „Quum ostendere velitis, Christum totum nihil aliud esse quam divinitatem, in ipsam divinitatem, instar Manichaeorum et Arianorum, iniuriosi et contumeliosi estis, quia illam passionibus et mutationibus more creaturarum rerum subiicitis. Certe divinus ac sapientissimus inter doctores Melito in tertio De incarnatione libro (ἐν τῷ Περὶ σαρκώσεως Χριστοῦ λόγῳ τρίτῳ) graviter invehitur in illum interpretem, qui comprobare nititur ex factis Christi post baptismum veritatem corporis et animae, non (pro ἧ leg. μὴ) autem ex naturalibus et omnis peccati expertibus operationibus eius, h. e. ex fame, siti, somno, labore, lacrimis, sputo, sudore, excretionem per nares, egestionem naturaliter concocti cibi ac potus, neque ex his dumtaxat, sed et ex iis quae animae nostrae a natura inesse solent, h. e. ex tristitia, moerore et deiectione. Etenim contra Marcionem disputat coelesti cognitione excellens Melito; negabat enim Marcion quoque, sicut Severus et Gaianus, divinam Christi incarnationem (τὴν ἐνσαρκίον Χριστοῦ οὐκονομίαν), iisdem evangelii testimoniis usus, quibus nunc isti Marcionis discipuli adversus nos utuntur.“ Πρὸς ὃν (h. e.

Marcionem) λίαν ἐχεφρόνως ὁ Μελίτων ἀπεκρίνατο φάσκων, ὡς Οὐδεμία ἀνάγκη κτλ. Scilicet, ut Routhii (p. 145) verba repetam, naturalia, quae hic commemorata sunt, tamquam turpia atque indigna filio dei adducens, humanam Christi naturam Marcion impie negabat. Cf. Dorner *Entwicklungsgesch. d. L. v. d. Person Christi* (ed. 2) P. I. p. 522.

40. Θεότητα] Cf. Actt martyr. Iustini c. 2 (Corp. Apoll. Vol. III. ed. 2) p. 266.

41. Θεὸς . . . καὶ ἄνθρωπος] Hilgenfeldus in *Allg. Lit.-Ztg* 1847. T. I. p. 668: „Die Christologie (δύο οὐσίαι, Christus zugleich Gott und vollkommener Mensch) weist frühestens auf das Ende des vierten Jahrhunderts hin.“ Sed audias anonymum ap. Euseb. l. V. c. 28 (Fragm. VIII): Τὰ γὰρ Εἰρηναίου τε (coll. c. g. adv. haeres. l. III. c. 21. §. 4. p. 537 et Fragn. VIII. p. 829 ed. Stieren.) καὶ Μελίτωνος . . . τίς ἀγνοεῖ βιβλία, θεὸν καὶ ἄνθρωπον καταγγέλλοντα τὸν Χριστόν; Coll. Fragmm. II. VII. XIV (n. 98) et XV.

42. ἐν τῇ τριετίᾳ τῇ μετὰ τὸ βάπτισμα] Ex eo quod ab usitatori hic disceditur saeculi huius sententia, quae unum tantum dominicae praedicationi annum statuebat, potest suboriri νοθείας aliqua suspicio in hunc Melitonis librum. Quam vero in alia prorsus abierint circa hanc rem, ut de Tertulliani opinione sileam, Irenaeus discipulusque eius Hippolytus et Origenes, ex quibus Irenaeus c. haeres. l. II. c. 22 Valentinianam opinionem mortem Christi duodecimo post baptismum mensi assignantem confutavit, Hippolytus autem in Interpr. sua in Daniele §. 4 Christum docet advenisse anno mundi 5530, passum vero esse 5533, Origenesque c. Cels. l. II. c. 12. p. 397 ed. Delar. habet istud ὁ δὲ Ἰούδας παρὰ τῷ Ἰησοῦ οὐδὲ τρία διέτριψεν ἔτη: notam inde affigi νοθείας huic operi „De incarnatione Christi“ haud oporteret. Routhius (p. 146). Vide Hilgenfeld *Die clement. Recognitt. u. Homilien* (Ien. 1848) p. 160 s. et Hase *Das Leben Jesu* (ed. 4) p. 17 s.

43. χρόνοις] Χρόνος h. l. est tempus anni, annus. Multa

huius usus exempla collegerunt Valckenarius Diatr. Eurip. p. 135 et Boissonadius ad Herodian. Epim. p. 33.

44. ἀπέκρυβε] Vulgo ἀπεκρύβη.

45. θεὸς ἄλ. προαιώνιος ὑπάρχων] H. c. (Fragm. II) ὦν θεοῦ λόγος πρὸ αἰώνων.

Fragmentum VII. 46. Ὁ θεὸς πέπονθεν κτλ.] Hoc fragmentum suppeditat Anastasius Sinaita in Hodego ed. Grets. c. 12, ap. Mign. col. 197: ubi testimonia affert quae prodebant Theodosiani et Gaianitae (cf. n. 39), ut probarent ipsum etiam dei logon cum carne sua passioni fuisse obnoxium: Μελίτωνος ἐπισκόπου Σάρδεων ἐκ τοῦ λόγου τοῦ εἰς τὸ πάθος· Ὁ θεὸς πέπονθεν κτλ. Repetiit ex Anastasio hunc versiculum Euthymius Zigadenus in Panoplinia (Πανοπλία δογματικὴ Ἀλεξίου βασιλέως τοῦ Κομνηνοῦ, περιέχουσα ἐν συνόψει τὰ τοῖς μακαρίοις καὶ θεοφόροις πατράσι συγγραφέντα κτλ. Tergov. 1710. Fol. min.) tit. 18. p. 143b: Ἀναστασίου μοναχοῦ τοῦ Σιναΐτου ἐκ τοῦ βιβλίου τῆς καλουμένης Ὁδηγοῦ χρήσεις, ἃς προσφέρουσι Θεοδοσιανοὶ καὶ ὅσοι τούτοις ὁμόφρονες, βουλόμενοι δεῖξαι παθητὴν τὴν τοῦ υἱοῦ θεότητα, οὓς διὰ τοῦτο Θεοπασχίτας προσηγόρευσαν. . . . Μελίτωνος Σάρδεων· Ὁ θεὸς πέπονθεν ὑπὸ δεξιᾷ ἰσραηλίδος. Προβάλλονται δὲ (Theopaschitae) καὶ ἄλλα πολλὰ τοιαῦτα· πρὸς πάντα δὲ ἡμῖν μία λύσις ἀρέσκει, φησὶν ὁ θεόλογος Γρηγόριος· μὴ ποντὸν λογισμόν ὀκλάσης, αἶμα θεοῦ καὶ πάθος ἀκούων καὶ θάνατον, μὴ πον περιεμένεθης ἀθέως, ὥς θεοῦ (vulg. οὐ pro Θῷ) συνήγορος. Cf. Gregorii Naz. Orat. 42 (ed. Par. T. I) p. 690. Ex Euthymio illa verba repetiit Nicetas Choniates in Θεσαντροῦ ὁρθοδοξίας libro tertio decimo: unde, et ex codice quidem Vaticano graeco 643, quo continetur Nicetae opus (libris 27 constans)*), repraesentavit Routhius (p. 147).

*) Hoc opus graece adhuc in bibliothecis latet; quinque tantum eius libri priores latine editi sunt, Petro Morello interprete, Par. 1561. 1580 (Max. Biblioth. vett. PP. T. XXV. p. 54 ss.), et cum orthodoxi cuiusdam, ut inscriptio habet, notis Genev. 1592. Cf. Bern. de Montfaucon Palaeogr. graec. p. 327. Morellus usus est codice, qui hodie est

Eadem habes infra in Fragm. XVI: „deus occisus est, rex Israelis mactatus est israelitica dextra.“ Cf. quae ad h. l. in his Commentar. n. 119 s. observavi. — A scriptoribus illius temporis Christus (ὁ λόγος) vocatur θεός (θεολογεῖται ὁ Χριστός, vide Fragm. VIII et supra ad Miltiadem p. 373), absque articulo; cf. quae disputavi in meo libro De Iustini Mart. scriptis et doct. p. 135 atque ad Iustini Apol. I. c. 10 (ed. 2. p. 26) n. 8 et Dial. c. Tr. c. 56 (p. 184) n. 16. Hoc quoque Melitonis loco Dornerus l. c. p. 521 Θεὸς πέπονθεν legit. Baumgarten-Crusius *Lehrb. d. chr. DG.* P. II. p. 1130: „Uebrigens war das θεὸς ἔπαθεν eine anerkannte Formel der alten Kirche (Clemens Rom. 1 Cor. c. 2), und leicht könnte hierbei Etwas aus dem Mysteriengebrauche der alten Welt (vgl. Firmicus De errore prof. relig. c. 19 ff.) eingewirkt haben.“ Clemens Ep. ad Cor. c. 2: τὰ παθήματα αὐτοῦ (h. e. τοῦ θεοῦ) ἦν πρὸ ὀφθαλμῶν ὑμῶν, ubi vero Hilgenfeldus (N. T. extra canonem P. I: Clem. R. Epp. Lips. 1866 p. 5) cum Iunio μαθήματα vult legi, non παθήματα, refragante tamen Laurentio: Clem. R. ad Cor. Epist. (Lips. 1870) p. 9. Ignatius ad Ephes. c. 1: μιμηταὶ ὄντες θεοῦ, ἀναζωπυρήσαντες ἐν αἵματι θεοῦ κτλ., et ad Rom. c. 6: ἐπιτρέψατέ μοι μιμητὴν εἶναι τοῦ πάθους τοῦ θεοῦ μου. Utroque loco etiam Syrus ita legit: cf. Lipsius *Ueber d. Verhältn. d. drei syr. Brr. d. Ignatios* etc. Lips. 1859. p. 8 et 18. Tum Tatianus Orat. ad Gr. c. 13. §. 22 (Daniel *Tatianus* p. 214) τοῦ πεπονθότος θεοῦ mentionem fecit. Idem c. 21. §. 35: Οὐ γὰρ μωραίνομεν, . . . θεὸν ἐν ἀνθρώπου μορφῇ γεγονέναι καταγγέλλοντες. Coll. Iustini Apol. I. c. 21: Τῷ δὲ καὶ τὸν λόγον . . . ἄνευ ἐπιμιξίας φάσκειν ἡμᾶς γεγεννησθαι, Ἰησοῦν Χριστὸν τὸν διδάσκαλον ἡμῶν, καὶ τοῦτον σταυρωθέντα καὶ ἀποθανόντα κτλ. Denique scriptor anonymus ap. Euseb. l. V. c. 28. §. 11, ubi de Natali confessore loquitur: Ὁ γὰρ

εὐσπλαγχνος θεὸς καὶ κύριος ἡμῶν Ἰησοῦς Χριστὸς οὐκ ἐβούλετο ἔξω ἐκκλησίας γενόμενον ἀπολέσθαι μάρτυρα τῶν ἰδίων (dei ac domini nostri Iesu Christi) παθῶν. Ultima autem versiculi verba quod attinet, „dextra israelitica“ (vulgo absurde reddunt „dextra Israelitidis“) μετωνυμικῶς dicta est de potestate Iudaeorum, Christo infestissima.

Fragmentum VIII. 47. Τὰ γὰρ Εὐρηναίου κτλ.] Haec tradit anonymus in libro κατὰ τῆς Ἀρτέμωνος αἰρέσεως (cf. superius p. 364) apud Eusebium Hist. eccl. I. V. c. 28. §. 5. p. 256 ed. Heinichen (c. 32. §. 5. p. 414 ed. Laemm.). Coll. Fragn. VI (n. 41): Θεὸς γὰρ ὢν ὁμοῦ τε καὶ ἄνθρωπος. Praeterea videsis quae paullo ante n. 46 observavi.

Fragmentum IX—XII. 48. Ex libro incerto] Haec quattuor fragmenta, ex Catenis in Genesin desumta, mihi quidem, si coniecturae locus dandus, videntur ad Melitonis Ἐκλογῶν libros pertinere. Idem video Roerdamum (p. 50) statuisse. Dupinus autem (Nouv. Biblioth. des auteurs ecclés. T. I. P. 1, ed. 3. Par. 1698, p. 135) opinatur ea indigna esse Melitoni, puerilibus cogitationibus quum referta sint ac recentiorum potius quam veterum sapiant ingenium. Adstipulatur Tillemontius, quem, ut plurimum, κατὰ πόδα sequitur exscribitque Ceillierus. Sed Melitonianam illorum fragmentorum, quae Isaacum typum Christi existisse pronuntiant (Fragm. XV: „cum Isaaco ligatus est“ — coll. Hebr. 11, 17), originem quum alii probe agnoverunt, tum Piper p. 63 ss. et Hilgenfeld *D. Paschastreit* p. 268 s. Similiter sane typicum immolationis Isaaci sensum explicuere alii scriptores. Tertullianus Adv. Marcion. I. III. c. 18: „Isaac, cum a patre in hostiam deditus lignum sibi ipse portaret, Christi exitum iam tunc denotabat, in victimam concessi a patre et lignum passionis suae baiulantis.“ Eadem habes Adv. Iudd. c. 10. Ibid. c. 13: „Hoc lignum sibi et Isaac, filius Abrahae, ad sacrificium ipse portabat, cum sibi eum deus hostiam fieri praecepisset. Sed quoniam haec fuerant sacramenta, quae temporibus Christi perficienda ser-

vabantur: et Isaac cum ligno reservatus est, ariete oblato in vepre cornibus haerente, et Christus suis temporibus lignum humeris suis portavit, inhaerens cornibus crucis“ etc. Cf. De patient. c. 6. Adde Irenaeum: n. 54. — Fragmenti IX tantum priorem partem, usque ad verba *παρεῖχεν τοῖς ἀνθρώποις* (n. 58), exhibuit Halloix: Vitt. illustr. eccles. orient. scriptt. T. II. p. 835. Verba acceperat ex Catena quadam msta, a Iac. Sirmondo descripta, qui misit ei illa quoque fragmenta quae loco X et XI collocantur. Postea eadem haec ex Catenae in Genesin codice msto Reg. Bibliothecae Paris. n. 1825 (siglo G^a designavi) et alio codice (mihi = G^b) in gratiam I. E. Grabii descripsit Mich. Lequienus, cuius autographum inter schedas Grabii mstas Oxonii in Bibliotheca Bodleiana asservatur: unde publici iuris fecit Woogius in Diss. II. p. 41 ss., sic quidem, ut fragmentum IX plus dimidio quam Sirmondianum sit auctius. Eadem, non vero similiter aucta, una cum fragmento XII (cf. n. 76) in codicibus Bibliothecae Vaticanae mstis 746. 747. 748 (mihi = A. B. C) exstant: quae quidem in Routhii usum sunt descripta, qui quattuor illa fragmenta (ex G^a) edidit p. 122 ss. Denique Pitra, in cuius Spicileg. T. II. p. LXIII s. leguntur, contulit codd. mstos quattuor Parisinos, „quibus continentur Melitonis in scripturam sacram scholia, inter variorum collectanea quae videntur eadem cum Nicephori Catena in Octateuchum: ac demum sunt hi codices inscripti num. 128, fol. 110 (= I); 129, fol. 104 (K); 130, fol. 143 (A), saec. XIII—XIV; 161, fol. 90 (M). In ultimo prima manus saeculi circiter X Climacem et homilias, nonnullis de re medica intermixtis, exaraverat; altera vero manus saeculi XIV, deleta veteri scriptura, rescripsit Catenam Nicephorianam.“ Fragmenta omnia, non tamen integra, exhibet *Σειρά εἰς τὴν Ὀκτάτευχον ἐπιμελεία Νικηφόρου τοῦ Θεοτόκου*, quae Lips. 1772. Fol. typis exscripta est, T. I. col. 281 et 283. Fragmenti autem XII initium, *ὁ Σύρος καὶ ὁ Ἑβραῖος κρεμáμενός φησιν, ὡς σαφέστερον*

τυποῦν τὸν σταυρόν, in Romana τῶν ο' editione ad Gen. 22, 13 affertur.

Fragmentum IX. 49. Ὡς γὰρ κριὸς κτλ.] Praemittunt Τοῦ μακαρίου Μελίτωνος Σάρδεων ABG^bIK^a Halloix. Woog. Pitra, Μελίτωνος ἐπισκόπου Σάρδεων G^a, Με-λίτωνος M. Omisit inscriptionem Routhius. Is incipit fragmentum, ut G^a, verbis Καὶ ὁ κύριος ἡμῶν Ἰησοῦς Χριστὸς ὡς κριὸς ἐδέθη καὶ ὡς ἀμνὸς ἐκάρη. Caeteri codd. msti et editores ut supra in textu; consentit Nicephori Catena.

50. ὡς ἀμνὸς ἐκάρη κ. ὡς πρόβατον εἰς σφαγὴν ἤχθη] Ies. 53, 7 (Actt. apostt. 8, 32): ὡς πρόβατον ἐπὶ σφαγὴν ἤχθη καὶ ὡς ἀμνὸς ἐναντίου τοῦ κείροντος (αὐτόν) κτλ.

51. εἰς] ἐπὶ AM.

52. ὡς ἀμνὸς] Haec verba Routh. ex antecedentibus irrepsisse coniecit, Dübnerus vero, quem Pitra laudavit, voluit legi ὡς ἀλιτρός ob phraseos numerum. Alius fortasse scripserit ὡς ἀμαρτωλός. Quid? Sunt qui iusiurandum darent Melitonem scripsisse ὡς ἀρνίον, quod ad illas quidem vulgatae lectionis literas apte convenit et de Christo ad expianda hominum peccata innocenter passo ac mortuo persaepe in Apocalypsi dicitur, ut 5, 6. 8. 12. 7, 14. 12, 11. 13, 8 al. Sententiam ὡς ἀ. ἐσταυρώθη quod attinet, audias Iustinum Dial. c. Tr. c. 40: Καὶ τὸ κελευσθὲν πρόβατον ἐκείνο ὁπτόν ὅλον γίνεσθαι τοῦ πάθους τοῦ σταυροῦ, δι' οὗ πάσχειν ἔμελλεν ὁ Χριστός, σύμβολον ἦν. Τὸ γὰρ ὀπτώμενον πρόβατον σχηματιζόμενον ὁμοίως τῷ σχήματι τοῦ σταυροῦ ὀπτᾶται· εἰς γὰρ ὄρθιος ὀβελίσκος διαπερονᾶται ἀπὸ τῶν κατωτάτω μερῶν μέχρι τῆς κεφαλῆς, καὶ εἰς πάλιν κατὰ τὸ μετάφρενον, ᾧ προσαρτῶνται καὶ αἱ χεῖρες τοῦ προβάτου.

53. ἐβάστασε] ἐβάσταζε G^a et Niceph.

54. αὐτοῦ] G^aM prima manu (Routh et Pitra), K secunda manu. Caeteris abest. Nic. ἐπὶ τοὺς ὤμους. Idem omisit ἀναγόμενος σφαγῆναι. Melito τὸ ξύλον de cruce (Matth. 27, 32) dixit (vid. Corp. Apoll. Vol. II. ed. 2. p. 479), ita tamen, ut simul ad Gen. 22, 6 respiciat: Ἀβραὰμ τὰ ξύλα ...

ἐπέθηκεν Ἰσαὰκ τῷ υἱῷ αὐτοῦ, et Isaacus Christi cruciferi sit typus. Cfr. Tertullianus: cuius verba supra (n. 48) protuli. De Isaaci sacrificio, typo sacrificii filii dei, adi etiam Irenaeum adv. haeres. I. IV. c. 5. §. 4.

55. ὑπὸ . . . Ἰσαὰκ] Haec omnia in cod. G^a desunt. Omissionis causa est Ἰσαὰκ repetitum.

56. ἔπαθεν] Routh. et Pitra ἔπαθε. De ν ἐφελευστικῶ ante consonas (n. 58. 63) cf. Prolegg. ad Theophil. Ant. (Corp. Apoll. Vol. VIII) p. XVIII.

57. Χριστοῦ] ΚΑ Woog. omiserunt. Verba Ἀλλὰ ad Χριστοῦ usque exciderunt in cod. I, librarii incuria. Woog. γινόμενος, non γενόμενος.

58. παρεῖχεν τ. ἀνθρ.] παρεῖχε τ. ἀνθρ. Pitra, παρεῖχεν ἀνθρ. ΑΜ Hall. Woog. — Hic finitur fragmentum IX in codd. ABG^bIKAM Nic. Hall.; reliqua, Ἴην γὰρ . . . τὸν υἱὸν αὐτοῦ, G^a suppediavit. „Unde,“ inquit Pitra, „sequentia ad n. II [= usque ad Fragn. X] dubio νωθείας [sic] non carere, eo magis aliquis suspicabitur, quod Eusebii et Succensi nomina pro Melitone vidimus ultimis locis praefixa.“ Cf. Fragn. XII. n. 76.

59. εἰς] Woog. ἐπὶ.

60. συμποδίσας κτλ.] Genes. 22, 9.

61. αὐτοῦ] Woog. (c. G^a ?) αὐτῷ.

62. οὐκ ἀνοίγων . . . φωνῇ] Ies. 53, 7: οὐκ ἀνοίγει τὸ στόμα — καὶ ὡς ἀμνὸς . . . ἄφρωνος. Cf. Fragn. XVI (n. 109).

63. ἐβάστασεν] Pitra ἐβάστασε (n. 56).

64. Ἀβραάμ] Woog. πατὴρ.

Fragmentum X. 65. Ὑπὲρ Ἰσαὰκ τ. διμ. κτλ.] Woogius fragmentis X et XI (ex G^b) praemisit: Μερίτωνος Σάρδεων. Et coniunxit, ut Routhius quoque, verbis interpositis: Καὶ μετ' ὀλίγα. Pitra fragmenta X. XI. XII inscripsit sic: Μερίτωνος τῶν Σάρδεων. Codd. ΚΑ, ad omnia illa respicientes, habent: Μερίτωνος Σάρδεων. Cod. Μ hic et paullo ante fragn. XII: Μερίτωνος. Inscriptionem praetermisit Routhius.

66. ἐφάνη κριὸς] Genes. 22, 13.

67. σφαγείς] σφαγῆς G^aIA. Mox ἐλυζώσατο G^b Woog.

68. οὕτως] Routh. et Pitra οὕτω. Cf. Prolegg. ad Theophil. Ant. 1. c.

69. σφαγείς κτλ.] Videsis Hilgenfeld. l. c. p. 272.

70. τυθείς] C Nic. Pitra, δεθείς ἐλυθρώσατο IKA, θυθείς G^bM Hall. Woog. Routh.; ἔλυσε καὶ τυθείς desunt A, καὶ τυθείς ἐλυθρώσατο omisit G^a.

Fragmentum XI. 71. Ἦν γὰρ ὁ κύριος κτλ.] Cf. n. 65. Pro ὁ ἄμνός (Routh. et Pitra) exhibent ACG^b Hall. Woog. ἄμνός. Omnes omittunt ὁ ante κριός, excepto Pitra.

72. ὃν . . . Σαβέκ] Gen. 22, 13: καὶ ἰδοὺ κριὸς εἰς κατεχόμενος ἐν φυτῷ Σαβέκ (in Bibl. hebr. תְּבַעַק = implicatus dumo seu veprelo) τῶν κεράτων. Vide Fragm. XII.

73. ἀλλὰ] ἄλλως. ἀλλὰ M. — Caeterum consona habet Gregentius, episc. Tephrensis († 552), in Disputat. c. Heribano Iud., ap. Galland. Biblioth. vett. PP. T. XI. p. 604 E: ὁ μὲν γὰρ κριὸς τὴν τοῦ θεοῦ λόγου προσηλωθεῖσαν σάρκα τῷ σταυρῷ προετύπου, τὸ δὲ φυτὸν τοῦ Σαβέκ ἐδήλου τὸν σταυρόν.

74. ὁ ἄμνός] Routh. ὁ κριὸς fortasse legendum censet, quod tamen nullus suppeditat codex vel mstus vel editus. „Verumtamen revera exstitisse in nonnullis Sacrae Scripturae versionibus istiusmodi varietatem, vel potius expositionem, cuique patebit *Excerptum* inspicienti *Liturgiae Syriacae Septimanae passionis D. N. Iesu Christi*, quod edidit ex codice msto Lipsiensi anno 1720 I. C. Clodius, p. 5. Cui addendum quod posuit Apollinaris [cf. eius Fragm. IV]: ὁ ἀντὶ τοῦ ἄμνοῦ παῖς θεοῦ, ὁ δεθείς.“

75. ἐμπεποδισμένον] G^bA et Hall. Woog. praebent ἐμπεπεδημένον. Caeteri codd. msti et editi ut supra in textu. In Fragm. IX πεπεδημένος et πεποδισμένος (Gen. 22, 9 συμποδίσας) exstant de Isaaco collato cum ariete, quemadmodum cum eo confertur hoc loco Christus.

Fragmentum XII. 76. Τὸ „κατεχόμενος“ τῶν κεράτων κτλ.] Cf. n. 65. Pitra: „Operae pretium est adnotare in

codice *I* eidem loco praemitti duo alia, quorum quidem priori distincte affigitur nomen *Succensi*, *Σουκένσου Διοκαιοσαρείας*, posteriori vero non minus clare praefulget: *Εὐσεβίου* [Emeseni? Vide quae n. 77 attuli]. Cuius etiam nomen distincte pariter in margine *A* rubricatur.“ Cf. n. 58. Exhibent hanc *ῥῆσιν* praeter codices quattuor Parisinos etiam duo Vaticani (uterque *κατεχόμενον* male) et Nicephori Catena, Routh. et Pitra. — Verba *κατεχόμενος τῶν κεράτων* quod attinet, cf. Genes. 22, 13 (n. 72).

77. *ὁ Σύρος καὶ ὁ Ἑβραῖος*] Routhius, ut lucem afferat his verbis, provocavit ad Eusebium, qui Hist. eccl. I. IV. c. 22. §. 7 de Hegesippo haec tradit: *ἐκ τε τοῦ καθ' Ἑβραίους εὐαγγελίου καὶ τοῦ Συριακοῦ . . . τινὰ τίθησιν*. Cf. Hilgenfeld: N. T. extra canonem P. IV (Ev. sec. Hebr. etc. Lips. 1866) p. 7. — Accuratius hanc in rem inquisivit Piper p. 65 ss., qui potissimum ad Eusebium Emesenum († c. a. 360) provocavit, cuius exstat fragmentum simillimum ad Gen. I. c., ap. Montfauc. Hexapl. Orig. T. I. p. 35: *τὸ „κατεχόμενος“ τῶν κεράτων ὁ Σύρος καὶ ὁ Ἑβραῖος „κρεμάμενός“ φασιν* (sic; Melito *φησιν*). Cf. Ios. Perles Meletemata Peschitthoniana, Vratisl. 1859, p. 3. 49—51. Hoc unum (Pipero facem praeferente) notabo: ex eo, quod *Syrus* et *Hebraeus* excitantur (utriusque lectiones a patribus saepe coniunctim afferuntur: quocirca *φησιν* hic positum videtur; cf. etiam quae ad Herm. Irrision. c. 3. §. 6. p. 12. n. 9 disserui), noli colligere hoc fragmentum Melitoni abiudicandum esse. Eodemque tamquam Melitoniano usus est Hilgenfeld *Der Paschastreit* p. 269.

78. *τυποῦν*] *M* et Nic. *τυποῦντα*, *K* *δηλοῦν*. — Illa voce *τῶν κεράτων* crucem indicatam opinatur. Tertullian. Adv. Iud. c. 13: „inhaerens cornibus crucis.“ Cf. Commentar. ad Apollinar. n. 12.

79. *τὸ „κρίός“*] Genes. 22, 13.

80. *φυτὸν Σαβέν*] Genes. 22, 13. Vide n. 72. Routh.: „Haud significat Melito per verba *φυτὸν Σαβέν* ἐκάλεσε τὸν

ἅγιον σταυρόν hoc Σαβὲν 'graece 'σταυρόν ab interprete ver-
sum esse, sed tantum expositionem suam S. Scripturae my-
sticam Syri et Hebraei vocibus confirmat."

81. ἀφέσεως] Vox Σαβὲν (hebr. קָבַץ) hic exponitur ἄφε-
σις, *dimissio*, perinde ac si derivanda sit a chald. et syr.
קָבַץ *dimisit*, etiam *remisit* (Pesch. Matth. 26, 28). Cf. Schleus-
ner Nov. Thesaur. phil.-crit. in LXX, P. V. p. 2. — Non in
ipsis Melitonis fragmentis Routhius ponendum duxit vetus
scholion ad Gen. 22, 13, ex Bibliorum graecorum τῶν ο' edi-
tione Romana a Woogio Diss. II. p. 45 allatum, quippe quod
haud affirmetur ex ullo Melitonis opere fuisse descriptum.
Ita habet: Τὸ Σαβὲν ἄφεσιν τινες ἐκδεδώκασιν, οἱ δὲ ὁρθίος,
ὡς εἶναι αὐτὸ τὸ λεγόμενον τράγος ὁρθὸς ἐπαναβεβηκὼς φυτῷ,
ἐνταῦθα δὲ ὁρθὸς τῶν κεράτων κατεχόμενος, ὡς εἶναι φανερόν
τύπον σταυροῦ. Διὰ τοῦτο δὲ οὐχ ἐρμηνεύεται, ὅτι ἡ ἐβραϊκὴ
μία οὕσα λέξις πολλὰ σημαίνει ἐρμηνευομένη. Πρὸς δὲ τοὺς
πυνθανομένους δεῖ ἀποκρίνεσθαι καὶ λέγειν, ὅτι τὸ Σαβὲν ἐπηρ-
μένος ἐρμηνεύει.

82. Ἰεζεκιήλ ἐν τῷ τέλει] Ezech. 47, 4: καὶ διήλθεν ἐν τῷ
ῥοδάτι ὕδωρ ἀφέσεως.

83. παρεχόμενα] M et Vaticc., χαριζόμενα IKA. Verba
πάθος ad βάπτισμα usque desiderantur apud Nic. Quod au-
tem attinet ad placitum hic et alibi a veteribus traditum, ut
Routhii verba mea faciam, docet e. g. Tertullianus De bapt.
c. 11 efficax redditum esse lavacrum per passionem ipsius
Christi atque resurrectionem, „quia nec mors nostra dissolvi
posset nisi domini passione nec vita restitui sine resurre-
ctione ipsius;“ neque aliter rem se habere circa marty-
rium ostendit Origenes Comment. in Matth. to. 12. c. 28
(Opp. ed. Lomm. T. III) p. 175: Ἀνθρώπος μὲν οὖν οὐκ ἂν
δώῃ τι ἀντάλλαγμα τῆς ψυχῆς αὐτοῦ, θεὸς δὲ τῆς πάντων ἡμῶν
ψυχῆς ἀντάλλαγμα ἔδωκε τὸ τίμιον αἷμα τοῦ Ἰησοῦ. Praedicant
veteres, ut Clemens et Origenes (Moehler *Patrologie* T. I.
p. 481 et Redepenning *Origenes* P. II. p. 16 s. 25 ss.),
Tertullianus et Cyprianus, martyrii ac martyrum merita.

Cf. Fr. Guil. Gass „Das christl. Märtyrerthum in d. ersten Jahrh.“: *Illg.-Niedn. Zeitschr. für die histor. Theologie* (Goth.) 1859. Fasc. 3. p. 353—382. 1860. Fasc. 3. p. 326 s. 360 s.

84. Fragmenta XIII—XVI a Syro interprete servata] Haec fragmenta syriace in lucem ediderunt Cureton in Spicilegio syriaco et, omisso fragmento XVI, Pitra in Spicilegio Solesmensi; ille anglice vertit (et paucas adnotationes p. 96—98 adpersit), latine Ernestus Renan (Fragmm. XIII. XIV. XV, ap. Pitram), danice (c. adnotatiunculis) Roerdam: *Melitos Tale til Kejser Antonin etc.* p. 30—37. — Equidem versionem Renanianam repetii, ita tamen, ut permultis eam locis tacite emendarem magisque ad textum syriacum accommodarem. Fragmentum XVI ipse in sermonem latinum transtuli, sic quidem, ut verbum respondeat verbo, auxilio Eduardi Sachau adiutus. Desumpta autem sunt illa fragmenta quattuor syriaca e *codice Musei Britannici Nitriaco* n. 12,156 fol. 70. 76. 77, anno domini 562 exarato, teste Curetonio (l. c. p. 95), qui de eo curatius exposuit in *Corpore Ignatiano* (Lond. 1849) p. 352.

Fragmentum XIII. 85. Propterea pater etc.] Inscribitur in vers. syr.: „*Melitonis, episcopi Sardium, ex tractatu De anima et corpore.*“ Sic („De anima et corpore“) Syrus interpres etiam in catalogo librorum Melitonis Eusebiano titulum libri exhibuit; cf. supra p. 376 (ibique n. 8). Exstat hoc fragmentum syriace ap. Curet. p. 31, 8—32, 2 (angl. p. 52, 1—26) et Pitr. T. II. p. LVI s. (c. vers. lat. Renan.); danice reddidit Roerdam p. 30—32. Ewald (*Götting. Gel' Anzeig.* 1856. Fasc. 67. p. 660): „Dieses Bruchstück ist unleugbar von Melito, und spricht beredt die höchsten Vorstellungen über die Erscheinung Christus' aus, aber keine als welche im zweiten Jahrhunderte auch sonst uns entgegengetreten.“ Neque dubitarunt de authentia editores illi (coll. Roerd. p. 49), neque Hilgenfeldus, qui (*D. Pascha-streit* p. 272) protulit ut Melitonianum.

86. quum hominem divideret] „indem der Tod den Menschen zertheilte.“ Mors animam e corpore abstulit. Iustin. De resurrect. c. 10: Ψυχὴ ἐν σώματι ἔστιν, οὐ ζῇ δὲ ἄψυχον· σῶμα, ψυχῆς ἀπολειπούσης, οὐκ ἔστιν. Dial. c. Tr. c. 45: Χριστὸς . . . διὰ τῆς παρθένου . . . γεννηθῆναι σαρκοποιηθεὶς ὑπέμεινεν, ἵνα . . . ὁ θάνατος καταφρονηθῇ.

87. Et post alia] Scil. dicit (Melito). Renanus haec ipsi Melitoni inepte tribuit, sic reddens: „... membra eius a morte dispersa. Divisit hominem *** et post extrema *** Terra tremuit“ etc. — Cum verbis quae sequuntur „Terra tremuit . . . elementa [h. e. στοιχεῖα, qua voce stellae designantur: vid. supra p. 374 et ad Theophil. ad Autol. l. I. c. 4. n. 9] subversa sunt, et dies immutatus est; non enim . . . a ligno“ conveniunt quae in Fragg. XVI (n. 121) dicuntur: „Ne autem videretur, lumina [h. e. stellae] conversa sunt et dies obscuratus est, quia mactaverunt deum, qui nudus erat in cruce.“

88. novum mysterium] „Was ist doch das für ein neues Geheimniss?“ Eadem loquendi formula visitur in Fragg. IX de Isaaci sacrificio: Ἦν γὰρ θεάσασθαι μυστήριον καινόν.

89. invisibilis] Syr. inconcinne: „was nicht gesehen werden soll.“ Irenaeus adv. haeres. l. IV. c. 20. §. 4: ὁ ἀχώρητος καὶ ἀκατάληπτος καὶ ἀόρατος ὁρῶμενον ἑαυτὸν καὶ καταλαμβάνομενον καὶ χωροῦμενον τοῖς πιστοῖς παρῆσεν.

90. incomprehensibilis] Praeter Irenaeum l. c. cf. Iustin. Cohortat. ad gentt. c. 38: ἀχώρητος δυνάμει, et Epist. ad Diogn. c. 7: ἀπερινόητος. Vide meum de hac Epistola librum (ed. 2) p. 28 s.

91. incommensurabilis mensuratur] Roerdam attulit Irenaei locum l. IV. c. 4. §. 2: „Bene qui dixit ipsum immensum patrem in filio mensuratum; mensura enim patris filius, quoniam et capit eum“ (Baumgarten-Crusius *Comp. d. chr. DG.* P. II. p. 152). „Det turde vel vaere sandlynligt, at Citatet er hentet netop fra dette Skrift af Melito“ (?).

92. vinxit potentem] Matth. 12, 29 et Marc. 3, 27. Coll. Apollinar. Fragm. IV (n. 9): ὁ δῆσας τὸν ἰσχυρόν.

93. et incomprehensibilem prehensum esse] Haec editores (cum Syro) errore omiserunt. Reposui equidem, ut consensus sit cum superioribus commatiis.

94. vinctus est, ut solveret] Fragm. X: δεθεῖς ἔλυσε.

95. misericordiam haberet] Renan. *mederetur*, recedens a Syro („ut pateretur“). Cureton: „suffered in order that Hi might have compassion.“ Etiam Roerdam: „han led, forat han skulde have Medlidenhed.“

Fragmentum XIV. 96. Propter haec venit etc.] Hoc fragmentum in vers. syr. his inscribitur verbis: „*Eiusdem* [h. e. Melitonis, ep. Sard.] *ex sermone De cruce.*“ Cf. supra p. 409. Syriace ap. Curet. p. 32, 3—13 (angl. p. 52, 27—53, 12) et Pitr. T. II. p. LVIII (c. vers. lat. Renan.), danice ap. Roerdam. p. 32 (coll. p. 49 s.). — Fragmenta XIV. XV. XVI Ewaldus l. c. Melitoni abiudicavit eaque in vulgus prodiisse coniecit saeculo quarto. Stilum quod attinet, non adeo abhorrent ab illo fragmento XIII, ut necessario sint alii auctori attribuenda. Consimiles autem sententias attuli ad Fragm. XVI. n. 107; coll. n. 98. Fragmentorum XIV et XV authenticam illi editores in dubium non vocarunt, iisdemque tamquam Melitonianis usus est Hilgenfeldus l. c. p. 266—268.

97. incorporeus] Logos divinus (θεὸς προαιώνιος Fragm. VI. n. 45) quum sit. De verbis „ex formatione nostra“ cf. supra p. 392 s.

98. puer apparens . . . in quantum deus erat] Sic in Fragm. VI, ut etiam Hilgenfeldus l. c. p. 266 vidit, Christus dicitur deus simul et perfectus homo fuisse (coll. supra n. 41), qui duas naturas suas nobis patefecerit: divinam quidem triennio post baptismum miraculis, humanam vero triginta annis ante baptismum, quibus διὰ τὸ ἀτελὲς τὸ κατὰ σάρκα signa θεότητος suae abscondebatur.

99. simplicitatem naturae suae divinae] H. e. ἀπλότητα τῆς θεότητος αὐτοῦ. Roerdam.

100. Omnia . . . naturâ] „Alles (omnia quae ante allata sunt) war er in unveränderlicher Natur.“ Male Renan: „patris speciem non mutavit, quod ad naturam immutabilem pertinebat.“

101. affixus erat ligno, et tenebat universum] Pariter Fragn. XVI, ubi cf. n. 119.

Fragmentum XV. 102. Ex lege et prophetis etc.] Inscriptio in vers. syr. est haecce: „*Melitonis episcopi De fide.*“ Syriace ap. Cureton. p. 32, 14 — 33, 12 (angl. p. 53, 13 — 54, 11) et Pitr. T. II. p. LIX s. (c. vers. lat. Renan.), danice ap. Roerdam. p. 33 s. De hoc fragmento consule quae supra p. 409 s. et in Commentar. n. 96 disserui. Roerdamus p. 50 s. opinatur hoc fragmentum esse Ἐκλογῶν conclusio- nem, qua argumentum breviter comprehendatur; nam prima fragmenti verba: „Ex lege et prophetis collegimus ea quae praedicantur de domino nostro Iesu Christo, ut demonstra- remus caritati vestrae“ etc., concordare cum verbis epistolae dedicatoriae ad Onesimum (Fragn. III): . . . γενέσθαι ἐκλο- γάς σοι ἐκ τε τοῦ νόμου καὶ τῶν προφητῶν περὶ τοῦ σωτηῆρος καὶ πάσης τῆς πίστεως ἡμῶν κτλ. Ast, alia ut mittam, obstat non modo diversus titulus (Περὶ πίστεως et Ἐκλογαί), sed diversum etiam alloquium; illic plures lectores compellantur („caritati vestrae“), hic unus „One- simus“. Quae quidem obstacula nullo pacto possunt re- moveri. Caeterum illustris hic hymnus magno honore erat apud veteres, ut iam Pitra T. II. p. IX observavit. Paene totus est repetitus ab Isidoro Hispalensi „De laudibus salvatoris“ ap. Pitr. Spicileg. Solesm. T. III. p. 417. Pari- ter Aireranus, scholasticus in Hibernia cognomento Sa- piens (saec. VI), in Interpretatione mystica progenitorum Christi (Maxim. Biblioth. vett. PP. T. XII. p. 37 s.) ait: „in patriarchis patriarcha, in sacerdotibus sacerdos, in iudicibus iudex, in prophetis propheta, in ducibus dux,

in apostolis apostolus, in angelis magni consilii angelus.“

103. mentem perfectam] *Noῦν τέλειον*. Athenagoras Supplic. c. 10 (et c. 24. §. 27): *νοῦς καὶ λόγος τοῦ πατρὸς ὁ υἱὸς τοῦ θεοῦ*. Explicatio additur: „Verbum dei,“ *ὁ λόγος τοῦ θεοῦ* (n. 24). Paulo infra ponitur: „in voce Verbum,“ *ἐν λόγῳ λόγος*.

104. claudos sanavit ... mortuos suscitavit] Matth. 11, 5 et Luc. 7, 22. Eadem leguntur in Fragm. XVI (n. 110).

105. in ligno ... e mortuis surrexit] Cf. Fragm. XVI. n. 108 et 123, ubi verba ab illis haud aliena reperiuntur.

106. auriga] Syrus vocem *ἡνίοχος* reddidit. „Til Grund“ — verba sunt Roerdami — „for dette Billede ligger rime-
ligvis saadanne Steder, hvor Herren siges: *at fare frem*
(כרכר) *paa Keruber*, f. E. Ps. 18, 11.“

Fragmentum XVI. 107. Hic est qui in virgine etc.] Comparet in vers. syr. sub eo lemmate: „*Melitonis episcopi urbis Atticae* [sic]. Hoc fragmentum, quod a Pitrae Spicilegio abest, suppeditat syriace Cureton p. 49, 1 — 50, 14; idem anglice vertit p. 54, 12 — 56, 4, et danice Roerdam p. 34 — 36. Cf. supra n. 84. Ille inscriptionem recte reddidit: „Of Meliton, Bishop of the city of Attica.“ Hic vero male: „Af Biskop Melito fra Provindsen Attika;“ unde concludit (p. 39. 53) Melitonem Atticâ oriundum esse. At istis temporibus (ut hodie) moris fuit „episcopi“ appellationi neutiquam nomen patriae adicere, sed ecclesiae potius cui ille praeerat. Quid? In voce „*Atticae*“ (*ΑΘΗΝΩΝ*), nisi egregie fallor, depravatum latet Sardium (*ΚΑΡΔΕΩΝ*) nomen. Hoc sane fragmentum, uti ex locis parallelis (comp. e. g. Fragm. XVI. n. 123 [coll. n. 108] et 110 cum Fragm. XV. n. 105 et 104) luce clarius patescit, originem ab eodem habet auctore, cui fragmentum XV debemus: quod quidem a Syro interprete Melitoni diserte tribuitur (vide supra n. 102), ab aliis Irenaeo sive Hierotheo „Athenarum [sic] episcopo“ (vide supra p. 409 s.). Adde easdem *ρήσεις* conso-

nas in hoc Fragm. XVI. n. 109 et Fragm. (Melitoniano) IX. n. 62, tum in Fragm. XVI. n. 119 et XIV. n. 101, denique in Fragm. XVI. n. 121 et XIII. n. 87. Quodsi fragmentum est Melitonis (cf. n. 96; idque genninum censet esse Roerdam p. 53 s.), ex eius sermone εἰς τὸ πᾶθος (vide supra p. 409) desumptum est; nam reperitur in hoc fragmento XVI („deus occisus est, rex Israelis mactatus est israelitica dextra“) insigne illud effatum (Fr. VII): ὁ θεὸς πέπονθεν ὑπὸ δεξιᾷς ἰσραηλίτιδος: quod quidem effatum, ut Anastasius alique veteres testantur, est Μελίτωνος ἐπισκόπου Σάρδεων ἐκ τοῦ λόγου τοῦ εἰς τὸ πᾶθος. Cf. supra n. 46 et infra n. 119 s. Aliorum ea de re opiniones ut afferam, B. H. C[owper: in „Journal of Sacred Literature“ 1855], a Curetonio p. 97 memoratus, temere coniecit in inscriptione fragmenti XVI pro „Melitonis“ legendum esse Meletii et pro „Atticae“ substituendum Antiochiae. De hoc Meletio episcopo Antiochiae († 381) adeas Moellerum in *Herzogii Real-Encyklop.* T. IX. p. 305 ss. Ipse Curetonius l. c., qui de authentia fragmenti Melitoniana minime dubitat, argutius quam verius opinatur in epigrapha fragmenti Melitoni aliquid adscriptum esse quod Meletio conveniat, Sebastopoleos in Ponto episcopo (tempore concilii Nicaeni), qui ob doctrinam et eloquentiam τὸ μέλι τῆς Ἀττικῆς dictus sit, teste Eusebio *Histor. eccles.* I. VII. c. 32. §. 26 s.; coll. Valesium ad h. l., ap. Heinich. *Commentt.* ed. 2. p. 375 s. Tum vero statuas necesse est vocem „urbis“ (τῆς πόλεως) a librario quodam absurde infultam esse.

108. in ligno ... e mortuis surrexit] Sic (comp. n. 123) etiam Fragm. XV (n. 105).

109. Hic est agnus ... vocis expers] Ies. 53, 7. Eadem habes in Fragm. IX (n. 62).

110. claudos sanaverat ... mortuos suscitaverat] Matth. 11, 5 et Luc. 7, 22. Cf. Fragm. XV (n. 104).

111. in loculo] Graece ἐν γλωσσοκομείῳ.

112. formavit ... creavit] H. e. ἔπλασε ... ἐποίησε. Cf. supra p. 392 s.

113. Israel] Quod nomen praecipue honorificum erat, quo respicerentur promissiones salutis messianae Iacobo factae eiusque posteris persolvendae.

114. profundum collegit] H. e. aquas congregavit (Gen. 1, 9).

115. clavi] Quibus Christus fixus est in cruce.

116. amara lingua tua] Matth. 27, 39—43. Luc. 23, 35.

117. falsi testes tui] Matth. 26, 60. Marc. 14, 56.

118. bilis ... acetum tuum] Matth. 27, 34.

119. is, in quem terra etc. usque ad rex Israelis mactatus] Haec ὁῆσις a Syro interprete non solum hoc loco, sed separatim etiam exhibetur, cum hac inscriptione in vers. syr., ap. Curet. p. 50, 15—17 coll. nott. p. 98 (angl. p. 56, 5—7): „S. Melitonis episcopi urbis Illicae“ [sic]. B. H. C[owper], ap. Curet. p. 98, hic quoque (cf. n. 107) substituit temere: „Meletii episcopi urbis Antiochiae.“ — Germanice: „Er, auf den sich die Erde lehnt, ist gelehnt auf das Holz (= qui terram fuleit, affixus est cruci; cf. Fragn. XIV: „affixus erat ligno, et tenebat universum“); der Herr ist der Schmach Preis gegeben mit nacktem Körper: Gott getödtet (cf. Fragn. VII: ὁ θεὸς πέπονθεν, ubi vid. observata n. 46. p. 445), der König Israels geschlachtet.“

120. israelitica dextra] H. e. ὑπὸ δεξιᾶς ἰσραηλίτιδος (Fragn. VII). Roerdam verba syriaca male transtulit: „ved en israelitisk Kvindes (?) hoejre Haand.“ Cf. n. 46. p. 446.

121. Ne autem videretur etc.] Consonat Fragn. XIII, ubi n. 87 consulas. — Lumina, ut paullo post: sol et stellae.

122. qui sepultus erat] Eadem utitur imagine auctor Apologiae c. 9: „Quicumque enim longe est a cognitione dei vivi, mortuus est et sepultus in corpore suo.“

123. ipse qui in ligno etc.] Haec omnia (coll. n. 108) ad verbum leguntur etiam in Fragn. XV, ubi vide n. 105.

124. *Apologia a Syro interprete servata*] Haec *Apologia*, de qua superius p. 379—386 exposui, syriace ex *codice Musei Britannici Nitriaco* n. 14,658 (saec. VI aut VII) primum a Curetonio c. vers. angl. et adnotatt. (maxime contra B. H. Cowperi translationem huius *Apologiae* anglicam in „*Journal of Sacred Literature*“ 1855 suppeditatam) et a Pitra-Renano c. vers. lat. publici iuris facta est in *Spicilegiis* p. 380 laudatis. Eadem latine tantum habetur in I. P. Migne *Patrologia*, Ser. gr. T. V (Ignatii Epistt.), Par. 1857, col. 1225—1232: secundum versionem Renanianam, a Migneo aut ab aliquo ex eius sociis liberius mutatam ideoque nullius pretii. Danice reddidit Th. Skat *Roer-dam Melitos Tale til Kejser Antonin etc.* (1856) p. 5—30, germanice Ben. Welte in *Kuhnii et alior. Theolog. Quartalschrift* T. XLIV. Tub. 1862. p. 392—410; uterque adnotationes versioni subiunxit. Latinam equidem versionem Renani secutus sum, sed innumeris eam locis iuxta exemplar syriacum tacite emendavi, hoc in negotio ab Eduardo Sachau egregie adiutus, rectiusque conformavi, nova ut videri possit. Potissimum id curae fuit, ut, quantum potuit fieri, verbum verbo fidus interpret redderem. Caeterum in capita 13 divisi.

125. *Melitonis philosophi oratio ad Antoninum Caesarem*] Graeco: *Μελίτωνος φιλοσόφου λόγος πρὸς Ἀντωνῖνον Καίσαρα*. Hanc fuisse inscriptionem supra p. 380 ostendi. At Syrus interpret legit: „Oratio Melitonis philosophi, quae habita est coram Antonino Caesare. Et locutus est ad Caesarem ut (*hic* add. Renan.) cognosceret deum, et indicavit ei viam veritatis, et incepit loqui in hunc modum.“ Male Migneus versionem Renani immutavit sic: „Verba Melitonis phil., quae facta sunt coram A. C. Et . . . ut ei deum notum faceret . . . et sic locutus est.“ Curetonius maluit reddere: „An oration of Meliton the philosopher; who was in the presence of Antoninus Caesar, and bade the same Caesar know God“ etc. Pariter Welte: „Rede des

M. d. Phil., welcher war vor Antoninus“ etc. Roerdam: „En Tale af Filosofer Melito, som blev holdt for Kejser Antoninus. Han talte til Kejseren“ etc. Mihi vero deinceps interpretationis diversitatem adnotare non lubet: qui volet comparabit.

Caput I. 126. Non est facile etc.] Syrus praemittit: „Melito dicit.“ — Eandem sententiam, „Non est facile ... potest fieri,“ pronuntiavit Iustinus Mart. Apol. I. c. 12: *γινώσκουμεν οὐ ῥᾶον ἀγνοίᾳ κατεχομένην ψυχὴν συντόμως μεταβαλεῖν, ... εἰδότες ὅτι οὐκ ἀδύνατον ἀληθείας παρατεθείσης ἄγνοιαν φύγειν* — quocum, ut I. c. (Corp. Apoll. Vol. I. ed. 2. p. 32) adnotavi, facit Irenaeus adv. haeres. I. III. c. 2. §. 3: „Si non facile est ab errore apprehensam resipiscere animam, sed non omnino impossibile est errorem effugere apposita veritate.“

127. accipit common. veritatis] Syriaca reddas aut: „so nimmt er an die Erinnerung an die Wahrheit,“ aut: „so wird von ihm angenommen (= ist ihm annehmbar) die Erinnerung an die Wahrheit.“

128. istam esse iustitiam] H. e. „dass der Frevel *δικαιοσύνη* (Rechtbeschaffenheit) sei.“ Welte: „Wenn der Irrende sieht, dass Viele seinen Irrthum theilen, so gilt ihm dieses als Beweis, dass sein Irrthum Wahrheit sei.“

Caput II. 129. nec factus est neque ortus] Sic *ἀγέννητος καὶ ἀίδιος* vocatur deus ab Athenagora Supplic. c. 4. p. 20 et c. 22. p. 106. 108 meae edit.; c. 30. p. 158: *μόνος ἀίδιος ὁ ἀγέννητος θεός*. Concordant illa et quae sequuntur „sed est ab aeterno et est in saecula saeculorum“ cum Sibyll. Oraec. prooem. ap. Theophil. ad Autol. I. II. c. 36. p. 166 meae edit.: *Ὁς μόνος εἰς αἰῶνα καὶ ἐξ αἰῶνος ἐτύχθη, || Ἀύτογενής, ἀγέννητος*.

130. nullus visus ... comprehendere eum] Tatianus Orat. c. 4. p. 18 meae edit.: *ἀόρατός τε καὶ ἀφανής* κτλ. Theophil. I. c. I. I. c. 3. p. 8: *Τὸ μὲν εἶδος τοῦ θεοῦ ἄρρητον καὶ ἀνεκφραστόν ἐστιν, μὴ δυνάμενον ὀφθαλμοῖς σαρκίνοις ὁραθῆναι*.

Δόξη γάρ ἐστιν ἀχώρητος κτλ. C. 5. p. 16: οὐ θεωρεῖται ὀφθαλμοῖς σαρκίνοις διὰ τὸ αὐτὸν ἀχώρητον εἶναι. Sibyll. Oracc. I. c. p. 164: ἀόρατος, ὁρῶν μόνος αὐτὸς ἅπαντα, || Αὐτὸς δ' οὐ βλέπεται θνητῆς ὑπὸ σαρκὸς ἀπάσης κτλ.

131. nullum verbum exprimere eum] Iustinus I. c. c. 61: "Ὄνομα γὰρ τῷ ἀρρήτῳ θεῷ οὐδεὶς ἔχει εἰπεῖν· εἰ δέ τις τολμήσειεν εἶναι λέγειν, μέμνηε τὴν ἄσωτον μενίαν. Apol. II. c. 6: Τὸ δὲ πατὴρ καὶ θεὸς . . . οὐκ ὀνόματά ἐστιν, ἀλλ' ἐκ τῶν εὐποιῶν καὶ τῶν ἔργων προσρήσεις. Cohort. ad gent. c. 21 (n. 1). Tatian. I. c. c. 4: ἀνονόμαστος θεός. Theophil. I. c. I. I. c. 3 et Clement. Alex. Strom. I. V. c. 12. §. 83. Cf. meum librum De Iustini Mart. scriptt. et doct. p. 128.

132. si terram hanc] Mente suppl. „vocat deum, non est deus, quia terra est,“ quam calcamus. Eadem est ratio verborum quae sequuntur.

133. haec id non sunt] Hic quoque ad verbum transluli: „so sind diese es nicht (aurum et argentum non sunt dii), welche wir gebrauchen nach unserem Willen“ (quandoquidem istis utimur ad lubitum nostrum).

134. quos frangimus] Scil. „aliquis deos vocat.“ Caeterum audi Tatian. I. c.: Δημιουργίαν τὴν ὑπ' αὐτοῦ γεγενημένην χάριν ἡμῶν προσκυνεῖν οὐ θέλω. Γέγονεν ἥλιος καὶ σελήνη δι' ἡμᾶς· εἴτα πῶς τοὺς ἐμouς ὑπηρέτας προσκυνήσω Πῶς δὲ ξύλα καὶ λίθους θεοὺς ἀποφανοῦμαι;

135. verbo suo] „in ihrer Rede.“ Supra enim: „Si quis igitur deserit lucem ac dicit *Est deus alius*; inde quodcunque dicat hoc invenitur: eum unam ex creaturis vocare deum. Etenim“ etc.

Caput III. 136. lapides et lignum . . . aurum et argentum] Cf. c. 2 (n. 134 et 133).

137. quum vox auditur in universa terra] Coll. Ep. ad Roman. 10, 18 (LXX Ps. 18, 4): εἰς πᾶσαν τὴν γῆν ἐξῆλθεν ὁ φθόγγος αὐτῶν (h. e. eorum qui evangelium praedicant).

138. propter multos] „die vor den Vielen, mit welchen sie geirrt haben, sich schämen, obgleich sie . . . wandeln

möchten.“ Respicit auctor ad c. 1: „Sunt enim homines, qui . . . , quando homo cum multis errat. Ego vero dico non bonam esse excusationem hanc, hominem cum multis errare.“

139. ad foveam] Alluding to our Lord's words, Matth. XV. 14, who himself probably had reference to some proverb current amongst the Jews. In the *Testaments of the Twelve Patriarchs*, Test. Reuben c. 2, we have the following similar passage: *ὅτι ἀγνοίας πεπλήρωται, καὶ αὐτὴ τὸν νεώτερον ὁδηγεῖ ὡς τυφλὸν ἐπὶ βόθρον*. See Grabe *Spicilegium* Vol. I. p. 147. *Cureton*.

140. Sunt enim etc.] Roerdam apte attulit Iustin. Apol. I. c. 58: „Daemones abducunt homines a deo: καὶ τοὺς μὲν τῆς γῆς μὴ ἐπαίρεσθαι δυναμένους τοῖς γήϊνοις καὶ χειροποιήτοις προσήλωσαν καὶ προσηλοῦσι.“

141. ex ipsa terra] Athenagoras I. c. c. 17: *Γῇ ταῦτα καὶ λίθοι καὶ ὕλη*. Clemens Alex. Protrept. c. 4. §. 56: *χρυσός ἐστι τὸ ἄγαλμά σου, ξύλον ἐστὶ, λίθος ἐστὶ, γῆ ἐστίν*.

142. nomen, quod immutabile est] Iustinus De monarch. c. 6: *Ἀσπάζεσθαι δὲ χρὴ τὸ ἀληθινὸν καὶ ἄτρεπτον ὄνομα* (scil. τοῦ θεοῦ), . . . ἵνα μὴ . . . ὡς ἀχάριστοι τῷ κριτῇ τὰς εὐθύνας παρέξομεν. — De diis, quos homines sic appellarunt, ex materia factis, adeas insignem locum Epist. ad Diogn. c. 2. Adde Iustin. Apol. I. c. 9, Athenagor. I. c. c. 15, Theophil. I. c. I. I. c. 1.

143. deos vocare . . . factum est] Iustinus I. c.: . . . θεοὺς ἐπονομάζουσιν. *Ὅπερ οὐ μόνον ἄλογον ἡγούμεθα ἀλλὰ καὶ ἐφ' ὕβρει τοῦ θεοῦ γίνεσθαι*. Dial. c. Tr. c. 35: *τὸ ὄνομα τοῦ θεοῦ ἐπιγράφουσι τοῖς χειροποιήτοις*. Theophil. I. c.: *εἰσὶ γὰρ . . . ἔργα χειρῶν ἀνθρώπων* (Psalm. 113, 4 s. et 134, 15—17).

Caput IV. 144. Sibylla] Oracc. Sibyll. III. v. 722 s. ed. Alexand. Vol. I. P. I. p. 154 (ed. 2. 1869. p. 126), etiam ap. Iustin. Cohort. ad gentt. c. 16: *Ἔργα τε* (Iust. δὲ) *χειροποίητα σεβάζομεθ'* (Iust. melius *γεραίρομεν*) *ἄφρονι θυμῷ || Εἰδώλων* (Iustin. *Εἰδωλα*) *ξοάνων τε καταφθιμένων ἀν-*

θρώπων. Coll. v. 547. p. 140 (116): ... δῶρα μάταια καταφθιμένοισι πορίζεις. Et v. 279. p. 116 (96): ... θνητῶν εἰδωλα δ' ἐτίμας. Idem professus est Athenagoras l. c. c. 28. p. 150: οὐδὲ λόγος ἔτι καταλείπεται, βασιλεῖς ὄντας αὐτοὺς μὴ νενομίσθαι θεοὺς. C. 29. p. 154: ἄνθρωποι ἐξ ἀνθρώπων γεγονότες, θεοὶ νομίζονται. Exempla attulit c. 28—30. Adde Theophilum l. c. l. I. c. 9: Καὶ τὰ μὲν ὀνόματα ὧν φῆς σέβεσθαι θεῶν ὀνόματά ἐστιν νεκρῶν ἀνθρώπων. Vide quae ibi adnotavi (n. 1). Minucius Fel. Octav. c. 21: „Ob merita virtutis aut muneris deos habitos Euhemerus exsequitur“ etc. Coll. Arnob. Adv. natt. l. IV. c. 29 et quos ibi (p. 192) de ipso Euhemero citavit Oehler. Apposite Jacobi (*Deutsche Zeitschr. f. christl. Wissensch. u. christl. Leben* 1856. N. 14. p. 106): „Diese euhemeristische Betrachtung der Mythologie war unter den Kirchenlehrern die herrschende geworden und kehrt daher bei den Apologeten häufig wieder, abwechselnd nur mit der anderen, dass die Götter böse Geister seien. Von dem Ernste des sittlichen Gegensatzes bestimmt und in dem Kampfe um so weniger zu Anerkennung geneigt, begnügte man sich bei dieser Betrachtung, und verschmähte es, einer tiefen Idee in den Mythen nachzuspüren. Man war um so weniger dazu veranlasst, als jene Theorie auch den Heiden [instar omnium affero Ciceronem, ap. Lactant. Institt. div. I. c. 15] sehr geläufig und von ihnen ererbt war. Dagegen die philosophirende Deutung, welche bei Plutarch und vielen Anderen beliebt war, ging zu den Gnostikern über und wurde von ihnen mit gleicher Willkür der Allegorie durchgeführt. Der Verfasser führt Beispiele solcher menschlichen Götter an: Hercules in Argos“ etc.

145. adorant simulacra Caesarum] Iustinus Apol. I. c. 21: Καὶ τί γὰρ τοὺς ἀποθνήσκοντας παρ' ὑμῖν αὐτοκράτορας, οὓς αἰὲν ἀπαθανατίζεσθαι ἀξιοῦντες καὶ ὀμνύντα τινὰ προάγετε ἑωρῆναι ἐκ τῆς πυρᾶς ἀνελχόμενον εἰς τὸν οὐρανὸν τὸν κατακαέντα Καίσαρα; Alios ad h. l. (p. 56. n. 8) laudavi: Tatian. Orat.

c. 10 et Tertullian. Ad natt. I. I. c. 10. II. c. 7. Primus inter deos relatus est Iulius Caesar. Cf. G. Zeiss *Röm. Alterthumskunde* p. 624 s.

146. magis venerantur] Tertullian writes to the same effect: „Immo iam per deos deierandi periculum evanuit, potiore habita religione per Caesarem deierandi, quod et ipsum ad offuscationem pertinet deorum vestrorum; facilius enim per Caesarem perierantes punirentur quam per ullum Iovem.“ Ad nation. I. c. 10. And again in his Apology c. 28: „... Citius denique apud vos per omnes deos quam per unum genium Caesaris peieratur.“ *Cureton*.

147. et vectigalia et tributa] Theophilus I. c. I. I. c. 10: τέλη καὶ εἰσφορὰς παρέχει τῷ βασιλεῖ αὐτῇ τε (mater deorum) καὶ οἱ υἱοὶ αὐτῆς. Haec de deorum vectigalibus et tributis Caesari solvendis explicari possunt ex Tertulliano (Apolog. c. 13 et Ad natt. I. I. c. 10), ut I. c. exposui.

148. quippe etc.] „als demjenigen, der mehr ist als sie“ (die früheren Götter).

149. et quot saccos etc.] Saltet var hos Romerne fra de aeldste Tider et Statsmonopol (Liv. II, 9. XXIX, 7), og sandsynligt har det Samme vaeret Tilfaeldet ogsaa hos andre Folk; jfr. Bosse *Grundz. des Finanzwesens im röm. Staate* I, 83. 193. *Roerdam*. Caeterum textus syriacus hîc et loco proxime sequenti depravatus est. Nos plane haeremus, nec quidquam in mentem venit quin statim reiiciamus.

150. ea quae sensuum sunt expertia] *Fragm. II*: οὐδεμίαν αἰσθησιν ἔχοντα. *Iustinus* I. c. c. 9: ἄψυχα καὶ νεκρὰ ταῦτα γινώσκουμεν. *Epist. ad Diogn.* c. 2: Οὐ κωφὰ πάντα; Οὐ τυφλά; Οὐκ ἄψυχα; Οὐκ ἀναισθητα;

Caput V. 151. multis mulieres abduxit] Cf. Eusebius *Praepar. evang.* I. II. c. 2. §. 13 ss.

152. Zoradi] Zoradi ist unstreitig derselbe [infra vocatur Zaraduscht], den die Griechen Ζαράδης, gewöhnlicher Ζωροάστρης nennen [cf. Windischmann *Zoroastrische Studien*, Ber. 1863, p. 44 s.], der auch mit Herkules identificirt

(Movers *Die Phoenixier* I. 349. 352) und wie auch Dschemschid als der persische Herkules betrachtet wird (Creyer *Symbolik u. Mythologie d. alt. Völker* 3. Ausg. II. 634). Damit mag hier die Behauptung seiner Freundschaft mit Herkules im Zusammenhange stehen. *Welte*.

153. filii Actes] H. e. Actaei sive Athenienses. Augustinus De civit. dei I. XVIII. c. 12: „His temporibus Dionysus, qui etiam Liber Pater dictus est et post mortem deus habitus est, vitem ferunt ostendisse in Attica terra hospiti suo.“ Coll. Tertullian. Apolog. c. 11.

154. qui vocatus est Serapis] Meliton is not singular in this view. Tertullian: „Nam Serapis iste quidem olim Ioseph dictus fuit, de genere sanctorum,“ Ad nation. II. c. 8. Iulius Firmicus Maternus De errore profan. relig. c. 13: „Ioseph, qui ob pudicitiam in carcerem missus, ereptus post interpretationem somnii fuit particeps regni. Nam septem annorum collectis et servatis frugibus alterius septennii egestatem divinae manus providentia mitigavit. Huic post mortem Aegyptii patrio gentis suae instituto templa fecerunt. . . . Nomen etiam, ut sanctius coleretur, ex primo auctore generis accepit. Nam quia Sarae pronepos fuerat, ex qua nonagenaria Abraham indulgentia dei susceperat filium, Serapis dictus est graeco sermone, hoc est Σαρᾶς ἄπο.“ [Cf. Oehler. ad h. l.] Ruffinus Hist. eccl. I. XI. c. 22. Cureton. Idem Anglus (p. XI) censet Melitonem illosque scriptores veteres aegyptium deum Serapin confudisse cum patriarcha. Ad haec monuit Welte: „Melito's Aussage ist Allem nach ganz richtig. Denn die ältesten ägyptischen Könige waren der Sage nach Götter, und auch die späteren menschlichen Könige bis auf die Ptolemäer wurden als Nachkommen und Nachfolger der Götter betrachtet und geradezu vergöttert, erhielten auf die Vergötterung bezügliche Beinamen und göttliche Verehrung, sogar schon bei ihren Lebzeiten wurden ihnen Tempel und Capellen geweiht und ihre Bilder angebetet. Vgl. Uhlemann *Aegyptische Alterthumskunde*

II. 50 f. Dass solche Ehre auch dem Joseph, dem grössten Wohlthäter des Landes, der dem Könige an Ansehen gleichkam oder vielleicht noch vorging, zu Theil geworden sei, würde man anzunehmen versucht, wenn auch keine Nachricht aus dem Alterthum es bezeugte.“

155. regis insulae Cretae] Theophilus l. c.: Καὶ ὁ μὲν Ζεὺς παῖς Κρόνου, βασιλεὺς Κρητῶν γενόμενος, ἔχει τάφον ἐν Κρήτῃ.

156. Erechtheum] Sive Erichthonium. Syrus errore „Erechthippum“.

157. filio uxoris patris sui] Hephaestus fuit filius Herae, uxoris Iovis, patris Athenae.

158. a patre suo] Nos: „von Seiten ihres Vaters.“

159. Balti] H. e. Venerem. Welte: „Dass unter Balti hier die Venus der Griechen gemeint sei [Creuzer T. II. p. 421], erhellt schon aus ihrer Herkunft von Kypros. Thammuz ist der Adonis der Griechen. Und demnach wird unter Kuthar allerdings Kinyras gemeint sein, wie Cureton glaubt, obgleich derselbe von Eusebius ὁ Κύπριος ὁ νησιώτης Κινύρας genannt wird (Praepar. ev. II. 3, 6) und damit auch die gewöhnliche Ansicht übereinstimmt (Movers I. 238).“

160. Gebal] Graecorum Βύβλος. Cf. Winer *Bibl. Realwörterbuch* ed. 2. T. I. p. 240.

161. omnia oppida] Scil. Cypri.

162. Aphaki] Zosimus I. 58: "Αφαια χωρίον ἐστὶ μέσον Ἡλιουπόλεως τε καὶ Βύβλου, καθ' ὃ ναὸς Ἀφροδίτης Ἀφακίτιδος ἵδρυνται. Cf. Eusebii Vit. Const. l. III. c. 55 et Heinichen. ad h. l.: Commentt. in Eus. (ed. 2) p. 532.

163. Nani] Neutiquam „Nuh“ legit Syrus, quod Cureton et Renan praebent, sed „Nani“, ut ostendit Bernstein: *Zeitschr. d. Deutschen morgenländ. Gesellschaft* T. X (Lips. 1856) p. 549; coll. Cavedoni Nuovi cenni etc. (1858) p. 16 s. Illa „Nani“ (sic etiam Peschitto 2 Maccab. 1, 13. 15, text. gr. Ναναῖα, lat. vulg. Nanea) fuit dea Elamitarum,

cuius templum Susianum opibus maxime florebat. Plura dabunt Windischmann *Die persische Anahita oder Anaïtis* (Aus den Abhandl. d. k. bayr. Akad. d. Wissensch.), Monac. 1856. 4^o, p. 4 s. 11. 19 et Grimm *Kurzgef. exeg. Handbuch zu d. Apokryphen d. A. T. P. IV* (1857) p. 39.

164. Adoraverunt Syri etc.] „Die Syrer beteten die Ati an, die Adiabenerin, welche sendete die heilkundige Tochter Belat's“ etc. — Roerdamus haec adnotavit: „Den her omtalte Kultus er yderst dunkel, da hverken Stedet, hvor den oevedes, er sikkert, eller de her omtalte Personer andensteds fra ere bekjendte. „Syernerne“ kunne nemlig forstaas om Indbyggerne i Coelesyrien, Mesopotamien, Damascene (d. e. det egl. Syrien), Adiabene, Babylonien, Judaea og Sofene (Pompon. Mela I, 11; jfr. Plin. H. N. V, 12). Navnlig forveksles Navnene Syrien og Assyrien meget ofte hos de graeske Forff. (Steder samlede hos Hoffmann Gramm. Syr. p. 3.) Her synes Syrien imidlertid ikke at kunne vaere noget af disse to: at tage det om Assyrien forbydes derved, at Ati i Modsaetning til Syernerne siges at vaere fra *Hadjab*, d. e. Graekernes *Ἀδιαβήνη*, det gamle Assyrien (jfr. Ios. Sim. Assemani Biblioth. orient. III. I, p. 707. St. Ev. Assemani. Actt. SS. martyr. I, p. 104). Og skjoent den umiskjendelige Tilsaetning, som Sagnet her har faaet fra Fortaellingen om Naman den Syrer i 2 Kong. 5, saavelsom Navnet Hadad kunde vise os hen til det egl. Syrien, saa synes det dog ikke at kunne forstaas herom, men om Babylon, dels fordi Melito med Hensyn til de skildrede Kultusformer foelger Retningen fra Oest til Vest (Elymais, Babylonien, Mesopotamien, Syrien), dels fordi den her omtalte *Simi* neppe kan vaere [nogen anden end den babyloniske Semiramis. [Cf. infra n. 166.] Ang. *Ati* mener Cureton, at det skulde vaere den lydiske *Ῥέας* (Rheas Elsker), der efter Lucian Dea Syr. c. 15 drog om i Kvindedragt „og underviste i Rheas Orgier“; men hvis her tales om en babylonisk Kultus, er dette neppe muligt, da Lucian smst. udtrykkeligt

bemaerker, at Folket hinsides Evfrat ikke modtog ham. Jeg formoder derfor, at Ati maa vaere den babyloniske Form for den ovenfor omtalte persisk-armeniske Gudinde *ʿAvaʿtis*, der i Babylon, hvor hun dyrkedes under Navnet Mylitta eller Ada (Hesych., svarende til Tyriernes *Υτέα*, jfr. Movers S. 199), var den til Baal svarende kvindelige Guddom (ligesom ogsaa de tilsvarende Baal og Thanath hos Foenicierne, Gesenius Monum. Phoen. p. 162 ss.). Maaske kunde man ogsaa sammenholde med Ati den „persiske Dronning“ Atossa, der skal have opfundet den Kunst at skrive Breve [Tatian. c. 1. n. 15 meae edit. et Euseb. Praepar. evang. l. X. c. 6. §. 6], saameget mere, som der ogsaa forekommer en Atossa i den assyriske Historie, der forveksles med Semiramis (Photii Bibl. ed. Hoesch. p. 427, cod. 186, jfr. Voss De theol. gent. I, 23). — Den foelgende *Belat* maa vist vaere den samme som den babyloniske *Βελιτάν* (Strabo XVI, 1), d. e. den gamle Bel (jfr. Movers S. 256; at *Βωλάθης* er den samme, er neppe saa sikkert, som Movers antager, jeg vilde hellere anse denne Form for en Komposition af de to Guddomme *בֵּל* [d. e. *בעל*, som saa ofte i de palmyr. Indskr.] og den her naevnte *עֲמִי*). Den omtalte Kvinde kaldes Gudens Datter formedelst sin Laegekyndighed. Og *Hadud* maa vaere Graekernes Adodus, der atter er identisk med Biblens Nimrod (Gen. 10), Graekernes Ninus eller Belus, der ogsaa i Almh. naevnes som Semiramis's Fader, skjoent efter andre som hendes Mand (jfr. Voss l. c. II, 6).“

165. Adoraverunt etiam filii Mesopotamiae . . . ex inimicis suis] Dionys. Telmahharensis (Chronici lib. I. ed. Tullberg, Ups. 1848, p. 66 s. jfr. Assemani Bibl. or. I, 418) naevner to Konger i Edessa, Fader og Soen, af Navnet *Bacru*, som regerede fra 116—92 foer Kristus; muligvis er det en af dem, Sagnet taler om. Om *Kuthbi* ved jeg ingen Oplysning; Jakob af Sarug (Assem. l. c. p. 327 s.) naevner en hel Del Guder, der dyrkedes i Mesopotamien, men hendes Navn er ikke iblandt dem. *Roerdam*.

166. De Nebo ... in magia eorum] *Mabug* er Graekernes Hierapolis i det nordlige Syrien. Her dyrkedes „den syriske Gudinde“, Atergatis, Derketo (jfr. *Movers* S. 584 ff.). Hun betragtedes som Altings Moder (omniparens dea Syria, Apuleius), d. e. en Personifikation af Naturens foedende Kraft, hvorfor ogsaa hendes Tempel var et Slags Pantheon, hvilket laeres af Lucian, de Dea Syr. c. 33—39, hvor han foruden at naevne en Maengde Guder, hvis Billeder fandtes der, siger, at der var utallige (μύρια) Billeder af Heroer. Men maerkeligt er det, at dette Skrift, som dog, enten det er af Lucian eller ej, ikke kan vaere meget yngre end Melito, ikke udtrykkeligt omtaler hverken Nebo eller Hadran, medens de her saerligt fremhaeves. Skulde man ved disse Billeder taenke paa noget af dem, som Lucian naevner, maatte *Nebo* vist vaere Hermes (Luc. c. 38), da disse to ellers ere identiske (jfr. Gesenius *Jesaja* II, 342), og *Hadran* kunde maaske vaere den af Lucian c. 35 omtalte skjaeggede Apollo (jfr. *Movers* S. 655). *Orfevs* og *Zaradost*, d. e. Zoroaster [supra audit Zoradi; cf. n. 152], omtales af Plutarch (De defectu orac., Opp. ed. Xylander, T. II. p. 414 A) som Stiftere af de forskjellige Kultusformer, men uden at saettes i Forbindelse med hinanden; Sagnet her, at de i Forening havde givet Anledning til den hierapolitanske Kultus, ved jeg ikke andensteds fra at oplyse. Maaske kunde man m. H. t. Orfevs finde Spor heraf i det Sagn, Lucian (l. l. c. 16) meddeler, at Bacchus havde indstiftet Junos Dyrkelse i Hierapolis, da han drog fra Aethiopien til Graekenland, medens ellers Orfevs fortaelles at have bragt Bacchus-Dyrkelsen fra Aegypten til Graekenland. — *Simi* kan ikke vaere nogen anden end Semiramis (skjoent hendes Navn ellers skrives *Schemiram*, Barhebr. Chron. Syr. p. 12, Dionys. Tellm. Chron. p. 21), der sagdes (Luc. c. 14, jfr. Athenagor. Suppl. c. 30) at have stiftet dette Tempel for sin Moder Derketo (der af Macrobius Sat. I, 23 saettes som den til den babyloniske Adod svarende kvindelige Gud-

dom [cf. supra n. 164]). Den her omtalte Broend er det Hul (χάσμα), som fandtes i Templet i Hierapolis (Luc. c. 13) og havde givet Anledning til dets Stiftelse. Navnet Simi er aabenbart det Samme som Lucians *σημήϊον*, der ogsaa identificeredes med Semiramis (Luc. c. 33); thi ligesom her Simi oeser Vand i Broenden, saaledes bestod senere en af de vigtigste Kultushandlinger deri, at *σημήϊον* to Gange om Aaret blev baaret ned til Havet for at hente Vand, hvilket da blev oest i dette χάσμα (Luc. c. 13. 33). *Roerdam.* — Caeterum numerus pluralis „quid scribam vobis“ (pro „tibi“, h. e. Antonino) nihil habet offensionis. Pluralis numerus enim idcirco hic positus est, quod simul genus comprehendatur gentilium (Plural der Kategorie). Cf. Meyer. ad Matth. 2, 20 (ed. 2) p. 81. Aut, si oblatus fuit libellus Elagabalo, sic statuas, ut scriptor rationem simul habeat sacerdotum syriacorum (illico enim: „Nam ecce omnes sacerdotes in Mabug sciunt“ etc.), quorum ex numero erat Elagabalus: qui etiam post, quam imperium suscepit, sacerdotis personam non deposuit.

167. in quo] Sc. puteo.

Caput VI. 168. animal rationale] Iustinus Dial. c. Tr. c. 93. p. 324: λογικὸν ζῶον, ὁ ἄνθρωπος.

169. si vestitu muliebris te tegere volunt] Diess bezieht sich wahrscheinlich auf den schon Deuteron. 22, 5 verbotenen Kleiderwechsel, wo die Männer Frauenkleider anzogen und umgekehrt. Es war diess namentlich bei gewissen unzuchtigen Culten, wie z. B. bei'm vorderasiatischen Hercules- und Mylittacult üblich. Vgl. Movers I. 453. *Welte.*

170. vitam aeternam quae non moritur] Eadem formula c. 9 (n. 189) reperitur. Similiter c. 13: „haereditatem aeternam quae non perit.“ Syri verbis minus convenienter transtulit Welte: „das ewige Leben der Unsterblichen.“

171. omni tempore vivens] Sibyll. Oracc. prooem. v. 16 ap. Theophil. I. c. I. II. c. 36. p. 166: ὃς μόνος εἰς αἰῶνα καὶ ἐξ αἰῶνος ἐτύχθη. Adiciat I. III. v. 16 (Vol. I. P. 1)

p. 94 (ed. 2. p. 76): ὄντα τε, καὶ πρὶν εἶναι, ἀτὰρ πάλι καὶ μετέπειτα.

172. similitudo] Graece ὁμοίωσις (LXX Gen. 1, 26).

173. quum exueris . . . vivens ac cognoscens] Theophilus I. I. c. 7: *Εἰ ταῦτα* (deum esse universorum creatorem ac dominum) νοεῖς, ἄνθρωπε, ἀγνώεις καὶ ὁσίως καὶ δικαίως ζῶν, δύνασαι ὁρᾶν τὸν θεόν. Πρὸ παντὸς δὲ προηγείσθω σου ἐν τῇ καρδίᾳ πίστις καὶ φόβος ὁ τοῦ θεοῦ, καὶ τότε συνήσεις ταῦτα. Ὅταν ἀπόθῃ τὸ θνητὸν καὶ ἐνδύσῃ τὴν ἀφθαρσίαν, τότε ὅψῃ κατὰ ἀξίαν τὸν θεόν. . . . Τότε ὅψῃ γενόμενος ἀθάνατος τὸν ἀθάνατον, ἐὰν νῦν πιστεύσης αὐτῷ.

174. divitiae . . . amittuntur] Coll. Matth. 6, 20.

175. nulla re indiget] Ita patres saepissime: deum esse ἀνευδεῖν: v. c. Iustinus (cf. meum librum De Iust. M. scriptt. et doct. p. 126) Apol. I. c. 13. p. 32 et Athenagoras Supplic. c. 13. p. 58. Tatianus Orat. c. 4: ὁ γὰρ πάντων ἀνευδεὴς οὐ διαβλητέος ὑφ' ἡμῶν ὡς ἐνδεής. Athenagoras De resurrect. mortt. c. 12: . . . παντὸς γὰρ ἐστὶν ἀπροσδεής. Τῷ δὲ μηδενὸς δεομένῳ τὸ παράπαν οὐδὲν τῶν ὑπ' αὐτοῦ γενομένων συντελέσειεν ἂν εἰς χρείαν ἰδίαν. Adde Epist. ad Diogn. c. 3: Ὁ γὰρ . . . πᾶσιν ἡμῖν χωρηγῶν ὧν προσδεόμεθα, οὐδενὸς ἂν προσδέοιτο τούτων κτλ. (Actt. apostt. 17, 24. 25).

Caput VII. 176. cuius verbum est veritas] Ioann. 17, 17: ὁ λόγος ὁ σὸς ἀλήθειά ἐστιν. Paullo post et c. 11 (n. 198) commemoratur „verbum veritatis.“ Jacobi I. c. p. 106: „Dem Verfasser ist (wie dem Origenes) die Wahrheit die objective, ewige, mit Gott selbst identische. So sind also die Götzendiener nicht Diener der Wahrheit und ihres Wortes.“ — Paullo post Syrus interpres minus accurate translulit: „et veritas vocatur;“ exspectabas fere sic: „(et) hoc veritas vocatur.“

177. istorum] H. e. operum manuum.

178. animal . . . coram te] Mente supple: Cur ergo id ipsum non adoras, sed eius simulacrum?

Caput VIII. 179. Cur me deus etc.] Iustinus Dial. c.

Tr. c. 102: Μὴ γὰρ οὐκ ἡδύνατο ὁ θεὸς τὴν ἀρχὴν καὶ τὸν ὄφιν (i. q. malum) ἐξᾶραι τοῦ μὴ εἶναι ...; Ἀλλ', ὡς ἐγίνωσκε καλὸν εἶναι γενέσθαι, ἐποίησεν αὐτεξουσίους πρὸς δικαιοπραξίαν καὶ ἀγγέλους καὶ ἀνθρώπους κτλ. Apol. I. c. 43: Ἐπεὶ εἰ μὴ τοῦτό ἐστιν, ἀλλὰ καὶ θ' εἰμαρμένην πάντα γίνεται, οὔτε τὸ ἐφ' ἡμῖν (= τὸ αὐτεξούσιον, *liberum arbitrium*) ἐστιν ὅλως κτλ. Οὐ γὰρ ὥσπερ τὰ ἄλλα, οἶον δένδρα καὶ τετράποδα, μηδὲν δυνάμενα προαιρέσει πράττειν, ἐποίησεν ὁ θεὸς τὸν ἄνθρωπον· οὐδὲ γὰρ ἦν ἄξιος ἀμοιβῆς ἢ ἐπαίνου, οὐκ ἀφ' ἑαυτοῦ ἐλόμενος τὸ ἀγαθόν, ἀλλὰ τοῦτο γενόμενος κτλ.

180. et eligas tibi quod bonum est] Iustinus Apol. I. c. 44: „Deus iam homini primitus creato dixit: Ἴδου πρὸ προσώπου σου τὸ ἀγαθὸν καὶ τὸ κακόν, ἔκλεξαι τὸ ἀγαθόν“ (Deuter. 30, 15. 19).

181. in eo] Scil. coelo.

182. Cognosce ergo etc.] Quemadmodum anima invisibilis corpus movet (Epist. ad Diogn. c. 6: ἔσπαρται κατὰ πάντων τῶν τοῦ σώματος μελῶν ἢ ψυχῇ), ita deus totum movet mundum. Similiter Theophilus I. c. I. I. c. 5: Καθάπερ γὰρ ψυχὴ ἐν ἀνθρώπῳ οὐ βλέπεται, ἀόρατος οὕσα ἀνθρώποις (Melito paullo post. „in te est nec videtur“), διὰ δὲ τῆς κινήσεως τοῦ σώματος νοεῖται ἡ ψυχὴ, οὕτως ἔχει ἂν καὶ τὸν θεὸν μὴ δύνασθαι ὁραθῆναι ὑπὸ ὀφθαλμῶν ἀνθρωπίνων, διὰ δὲ τῆς προνοίας καὶ τῶν ἔργων αὐτοῦ βλέπεται καὶ νοεῖται. Cf. ibid. cc. 4—7.

183. quum vult] Scil. deus. Iustinus De resurrect. c. 10: Ψυχὴ ἐν σώματι ἐστιν, οὐ ζῇ δὲ ἄψυχον· σῶμα, ψυχῆς ἀπολείπουσής, οὐκ ἔστιν.

Caput IX. 184. nisi erigas etc.] Etiam Theophilus I. I. c. 7: Οὗτός μου θεὸς ὁ τῶν ὅλων κύριος, ὁ τανύσας τὸν οὐρανὸν κτλ. ... Τοῦτον ... ἀγνοεῖς. Τοῦτο δέ σοι συμβέβηκεν διὰ τὴν τύφλωσιν τῆς ψυχῆς καὶ πώρωσιν τῆς καρδίας σου. Ἀλλὰ εἰ βούλει, δύνασαι θεραπευθῆναι· ἐπίδος σεαυτὸν τῷ ἰατρῷ, καὶ παρακεντήσει σου τοὺς ὀφθαλμοὺς τῆς ψυχῆς καὶ τῆς καρδίας.

185. ex toto corde tuo] Marc. 12, 30 et Luc. 10, 27: ἐκ ὅλης τῆς καρδίας σου. Cf. n. 190.

186. daemonibus et umbris] De aeldre Apologeter, navnlig Justin, Tatian og Athenagoras laegge megen Vaegt paa, at Hedningene i Virkeligheden ikke tilbede Guder, men Djaevle (δαίμονες), der dels ved Frygt, dels ved Forførelse have forledet Menneskene til at dyrke dem som Guder (jfr. isaer Iustin. Apol. I. c. 5, Tatian. Orat. c. 12 ss., Athenagor. Suppl. c. 26 s.). Skygger [umbrae] maa vist forstaas om legemløse Aander, og dette er da enten ogsaa Daemonerne (jfr. Sibyllas δαίμονες οἱ ἐν ἔδῃ, Theophil. Ad Autol. II. c. 36 [p. 166 meae edit.]), eller de afdoede Menneskers (Kongers [cf. supra c. 4]) Aander, *manes*; jfr. Minuc. Fel. Octav. VI, 4 (ed. Lübker) p. 39. *Roerdam*.

187. dant cibum suum escam igni] Iustinus Apol. I. c. 13: „Hunc solum cultum deo dignum esse didicimus: ea quae ab illo ad alendum creata sunt non igne consumere,“ τὰ ὑπ' ἐκείνου εἰς διατροπὴν γεγόμενα οὐ πυρὶ διαπαντ κτλ.

188. ea] H. e. libertate tua.

189. vita aeterna quae non moritur] Cf. n. 170.

Caput X. 190. ex toto corde tuo] Cf. n. 185.

191. num id est deus quod emitur] Cf. Theophil. I. II. c. 2 et Tertullian. Apolog. c. 13.

192. Num id est deus quod custodiendum est] Non lapidei quidem et testacei dii, sed tamen argentei et aurei includebantur noctu, atque interdiu custodes apponebantur, ne furto auferrentur, ut dicit auctor Epistolae ad Diognetum c. 2. Vide meum de hac Epistola librum (ed. 2) p. 100, ubi Iustini quoque verba ex Apologia I. c. 9 attuli: ἀθέμιτον καὶ τὸ νοεῖν ἢ λέγειν ἀνθρώπους θεῶν εἶναι φύλακας.

193. eum] H. e. eiusmodi deum, qui ipse praesidio eget. Verba respondent praecedentibus: „Num id est deus quod custodiendum est?“

194. sicut homo qui scit etc.] Cf. Iustin. I. c. c. 17 (n. 5).

Caput XI. 195. absconditi] Eodem vocabulo, quo hic

usus est Syrus interpres, reddidit Peschitto Actt. apostt. 17, 23 vocem *ἀγνώστος*, ut iam Roerdam animadvertit. C. 12: „deus . . . abscondit se in potentia sua ab omnibus operibus suis.“

196. in opprobrium dei] Roerdam laudavit Iustin. I. c. c. 9: *ὁπερ . . . ἡγοούμεθα . . . ἐφ' ὕβρει τοῦ θεοῦ γίνεσθαι*.

197. huic] H. e. ligno sculpto et fabricato.

198. verbum veritatis] Cf. c. 7. n. 176.

199. Quia sculptum est lignum, non animadvertis id esse lignum] Similiter Theophilus I. II. c. 2: *ἡγοῦνται θεοὺς αὐτούς, οὐκ εἰδότες ὅτι τοιοῦτοί εἰσιν ὅποιοι καὶ ὅτε ἐγένοντο ὑπ' αὐτῶν, ἥτοι λίθος ἢ χαλκὸς ἢ ξύλον κτλ.* Cf. quos I. c. (p. 48. n. 1) citavi. — Commation autem quod sequitur, „aut esse lapidem“ usque ad „tanti pretii esse,“ in translatione syriaca corrupte exhibetur: quod tamen interpretes sicco quod aiunt pede transierunt. Nobis multa in mentem venerunt, sed quorum nihil satis ex sententia locum expediret.

200. quod fecisti] Nempe simulacrum.

201. Etsi oculos habes, non vides] Marc. 8, 18: *ὁφθαλμοὺς ἔχοντες οὐ βλέπετε*. Xenoph. Cyrop. I. III. c. 1. §. 27: *σὺ δέ γε οὐδὲ ὁρῶν γινώσκεις*.

Caput XII. 202. Quodcunque reliquerunt nobis patres nostri colimus] Ad eandem gentilium opinionem auctor Cohortationis ad gentt. (cc. 1—13) respicit, c. 1 (coll. c. 35. p. 110. n. 6): *εὐχομαι τῷ θεῷ . . . , ὑμᾶς . . . τῆς τῶν προγόνων πλάνης ἀπαλλαγέντας ἐλέσθαι τὰ λυσιτελοῦντα νῦν, οὐδὲν οἰομένους περὶ τοὺς προγόνους ὑμῶν ἔσσεσθαι παρ' ὑμῶν πλημμελές, εἰ τάναντία νυνὶ τῶν πρότερον μὴ καλῶς δοξάντων αὐτοῖς χρήσιμα φαίνονται παρ' ὑμῖν*. Roerdam praeterea protulit Minucium Fel. Octav. c. 5 (ed. Oehl.) p. 6 s.: „Cum igitur aut fortuna certa aut incerta natura sit, quanto venerabilius ac melius antistites veritatis maiorum excipere disciplinam, religiones traditas colere, deos, quos a parentibus ante inbutus es timere quam nosse familiaris, adorare, nec de numinibus ferre sententiam, sed prioribus credere,

qui adhuc rudi saeculo in ipsius mundi natalibus meruerunt deos vel faciles [h. e. beneficos et bene meritos] habere vel reges?"

203. quibus patres paupertatem reliquerunt] Iustinus Apol. I. c. 12: "Ὁν γὰρ τρόπον διαδέχεσθαι πενίας . . . πατρικὰς ὑφαιροῦνται πάντες, οὕτως καὶ ὅσα ἂν ὑπαγορεύῃ ὁ λόγος μὴ δεῖν αἰρεῖσθαι ὁ νουνεχῆς οὐχ αἰρήσεται.

204. Non enim . . . prave ambulabant] Iustin. I. c. c. 2: . . . μόνον τᾷληθὲς τιμᾶν καὶ στέργειν ὁ λόγος ὑπαγορεύει, παραιτουμένους δόξας παλαιῶν ἐξακολουθεῖν, ἂν φαῦλαι ᾧσιν κτλ. Cohortat. ad gentt. c. 14: Δεῖ τοίνυν ὑμᾶς . . . μὴ τῇ τῶν προγόνων ὑμῶν ἀβασανίστῳ προσέχειν πλάνη, μηδ' εἴ τι σφαλέντες αὐτοὶ παρέδοσαν ὑμῖν τοῦτ' ἀληθὲς εἶναι νομίζειν.

205. opera] Renan vertit „servi," et paullo post „ab omnibus servis (pro „operibus") suis;" quae quidem vocis syriacae versio non est falsa, sed illa cum reliquis interpretibus praeferenda.

206. quoad valent eum videre] Videtur deus, si mentis oculi sunt aperti: Theophil. I. I. c. 2. p. 6 (n. 3). Peccatum obstat, quominus eum videamus: I. c. p. 8 (n. 9). Sancte viventes possumus eum videre: c. 7. p. 24.

207. diluvium venti] Eiusmodi diluvium fuit, id quod etiam Cureton observavit, tempore exstruendae turris babilonicae. Magnam enim turrim istam ventus vehemens evertit, ut Sibylla cecinit: I. III. v. 97—105; quos versus attulit Theophilus I. II. c. 31, ubi in notis (p. 147. n. 17. 18) alios citavi ex veteribus, qui ab illa mutuati sunt. Sed probe addidit Cureton haec: The author of the *Cave of Treasures* [de quo codice syriaco vid. Spicileg. syr. p. 79] gives another account of the Flood of Wind: to which tradition, indeed, Meliton may refer: „And in the hundredth year of Nahor, when God saw that men sacrificed their children to devils, and worshipped idols, God opened the storehouse of his wind, and the tempest's door, and a storm of wind

went forth trough all the earth, and overthrew the images and the temples of the devils, and collected together the idols and the images, and the statues, and made great heaps over them until this day. And this storm of wind the doctors call the Flood of Wind:" see fol. 22. The same account is also given in the Ethiopic *Book of Adam*, translated by Dr. A. Dillmann in *Ewald's Jahrbücher der bibl. wissensch.* 1853. p. 118: „Und im 100sten jahre des Nahor sah Gott auf die menschenkinder, welche ihre kinder den gözen opferten; und er liess die vorrathskammer der winde öffnen und liess stürme winde und nebel über die ganze oberfläche der erde kommen, bis dass alle die gözen und bilder und figuren zusammengebracht (—geweht) waren, und sehr hohe berge daraus wurden, und die gözen blieben in ihnen begraben bis auf diesen tag. Viele weisen (gelehrte) haben über jenen wind geschrieben; einige von ihnen sagen, dass es eine windfluth gewesen sei.“

208. diluvium aquarum] Genes. 7. Cf. Theophil. I. III. c. 19, n. 1. 11. p. 232. 234 meae editionis.

209. diluvium ignis] Iustinus Apol. II. c. 7: ... ὡς καὶ πρότερον ὁ κατακλυσμὸς μηδένα λιπὼν ἀλλ' ἢ τὸν μόνον σὺν τοῖς ἰδίοις παρ' ἡμῖν καλούμενον Νῶε. ... Οὕτω γὰρ (coll. Apol. I. c. 20. p. 52) ἡμεῖς τὴν ἐκπύρωσίν φαμεν γενήσεσθαι. In Apol. I. c. 60. p. 142 hunc ignem iudicii ait a Mose praedictum esse; Deuteron. 32, 20—22: καὶ δείξω τί ἔσται αὐτοῖς ἐπ' ἐσχάτων ἡμερῶν. ... Αὐτοὶ παρεξήλωσάν με ἐπ' οὐ θεῶν, παρώξυνάν με ἐν τοῖς εἰδώλοις αὐτῶν. ... Ὅτι πῦρ ἐκκέκασται ἐκ τοῦ θυμοῦ μου. ... καταφάγεται γῆν, ... φλέξει θεμέλια ὀρέων. Tatian. Orat. c. 25 ibique n. 12. Theophil. I. II. c. 37 et 38 (Malach. 4, 1). Adde Sibyll. Oracc. (ad quae Iustin. Apol. I. c. 20 provocat) I. II. v. 286 s. (Vol. I. P. 1) p. 86: ... ὅπου περὶ κύκλον ἅπαντα || Ἀκάματος ποταμός τε ῥέει πυρός. L. IV. v. 171. p. 178: Φλέξει δὲ χθόνα πᾶσαν κτλ. Recte Baumgarten-Crusius *Comp. d. chr. DG.* P. II. p. 394: „Weltuntergang und im

uralten Bildé Weltbrand, kurz eine Katastrophe im Universum, sind Bilder, welche fast allen Religionen gemeinsam sind. In die Kirche kamen sie nicht aus biblischen Stellen (wenigstens nicht aus 2 Petri 3, 10. 12), sondern eben aus dem stehenden Bilderkreise des Alterthums.“

210. et servabuntur iusti ab ira] Hiernach scheint die Verbrennung der Erde dem jüngsten Gericht vorhergehend gedacht zu sein, womit auch Thomas von Aquino (wiewohl nicht ganz entschieden) und viele Andere übereinstimmen; wogegen schon [Iustinus Martyr, cf. quae exposui in *Ersch. et Grub. Allg. Encyclop. d. Wiss. u. K.* Sect. II. P. 30. p. 76, et] Augustinus, dem eine Reihe grosser Theologen folgt, die Weltverbrennung nach dem letzten Gericht eintreten lässt. Vgl. Tanner Theologia scholastica T. IV. p. 713. *Wette*.

Caput XIII. 211. Antonine] Syrus legit *Antonius*; in titulo Apologiae recte scripsit. Forma autem Ἀντώνιος pro Ἀντωνῖνος interdum in codd. mstis comparet, ut observavi ad Athenagor. Supplic. p. 2. n. 2; coll. Schoen. ad Euseb. Chron. Can. Vol. II. p. 171. n. 1. Caeterum videsis supra p. 385.

212. eum] H. e. deum.

213. si vis] In versione syriaca adduntur haec: „Explicit Melito.“

APOLLINARIS.

Gallandi Tom. I. p. CXX—CXXII et 680. Fabricius-Harles Vol. VII. p. 160—162. Routh Vol. I. p. 157—174.

Claudius Apolinarius vel Apollinaris (Ἀπολινάριος constanter apud Graecos dicitur, non Ἀπολλινάριος, quod expectabas, h. e. Latinorum *Apollinaris*), ecclesiae Hierapolitanae in Phrygia episcopus, Marco Aurelio Antonino imperante floruit (c. aa. 170—180), ut Eusebius Hist. eccl. I. IV. c. 26. §. 1 et Hieronymus De vir. illustr. c. 26 referunt¹⁾. Ille pariter eum celebrat atque eius aequales Hegesippum, Dionysium, Melitonem et alios, quod doctrinam verae fidei ab apostolis traditam defendere, I. IV. c. 21: Ἰκμαζον δὲ ἐν τούτοις ἐπὶ τῆς ἐκκλησίας Ἠγήσιππος τε ... καὶ Διονύσιος Κορινθίων ἐπίσκοπος ... καὶ Ἀπολινάριος καὶ Μελίτων, Μουσανός ... καὶ ἐπὶ πᾶσιν Εἰρηναῖος, ὧν καὶ εἰς ἡμᾶς τῆς ἀποστολικῆς παραδόσεως ἡ τῆς ὑγιоῦς πίστεως ἔγγραφος κατῆλθεν ὀρθοδοξία. Etiam Theodoreto (Haeret. fabul. I. III. c. 2) est ἀνὴρ ἀξιόπαινος καὶ πρὸς τῇ γνώσει τῶν θεῶν καὶ τὴν ἔξωθεν παιδείαν προσειληφώς. Neque aliter existimat Photius (Bibl. cod. 14. p. 4 ed. Bekk.): Ἀξιόλογος δὲ ὁ ἀνὴρ καὶ φράσει ἀξιολόγῳ κεχορημένος. Diversa Martyrologia latina septimo Februarii Apollinaris nostri commemorationem faciunt; Baronius vero in Martyrologio romano nomen eius inscripsit ad octavum

1) Neutiquam ad hunc Apollinarem datum est illud M. Aurelii et Veri rescriptum, quod in Digest. XXII. 3, 29 exstat, ut perperam opinatur Teuffelius in *Pauly Real-Encyklop. d. class. Alterthumswiss.* T. I. P. 1 (ed. 2) p. 1251.

Ianuarii. Ignotus est Menaeis ac Menologio Graecorum. Vide Bollandistas ad diem 7 Februarii, T. II. p. 4.

Iam scripta illius viri illustris persequar. Quamvis multa exstent, haec tamen sola Eusebius vidit, ut ipse I. IV. c. 27 (unde sumsit Hieronymus I. c.: qui librum De viris illustribus ex Eusebii Historia totum fere descripsit) aperte fatetur: *Τοῦ δὲ Ἀπολιναρίου πολλῶν παρὰ πολλοῖς σωζομένων τὰ εἰς ἡμᾶς ἐλθόντα ἐστὶ τὰδε.*

1^o. Apologia pro Christianis ad Marcum Aurelium Antoninum, anno circiter eius imperii duodecimo tradita aut tertio decimo: „volumen insigne pro fide Christianorum“ (Hieronym.), quo maxime inclaruit Apollinaris. Primo loco Eusebius (I. c.) collocavit, qui mentionem eius iam superius fecerat, c. 26. §. 1: *Ἐπὶ τῶνδε καὶ Μελίτων τῆς ἐν Σάρδεσι παροικίας ἐπίσκοπος, Ἀπολινάριος τε τῆς ἐν Ἱερραπόλει διαπρεπῶς ἡκμαζον· οἱ καὶ τῷ δηλωθέντι κατὰ τοὺς χρόνους Ῥωμαίων βασιλεῖ (Marco Aurelio c. 14 ss.) λόγους ὑπὲρ τῆς πίστεως ἰδίως ἐκάτερος ἀπολογίας προσεφώνησαν.* Idem in Chronicis Canonibus sec. vers. Armen. ad annum Abrahami 2187 (Olymp. 237, 4. M. Aurelii 11), h. e. Christi 171, ed. Schoen. (Euseb. Chronicc. Vol. II) p. 172 haec praebet: „Apollinarus [sic] Asianus Hierapolitanorum provinciae episcopus cognoscebatur“ (= ἡκμαζε) ²⁾. Atque Chronicon paschale ad Olymp. 237, 1 h. e. ann. Chr. 169 (p. 484 ed. L. Dindorf.) ait: *Μελίτων Ἀσιανὸς τῆς Σάρδεων πόλεως ἐπίσκοπος καὶ Ἀπολινάριος (sic edit. Par.; Ἀπολλινάριος Dind. tacite) Ἱερραπόλεως ἐπίσκοπος καὶ ἄλλοι πολλοὶ τοῦ καθ' ἡμᾶς λόγου βιβλίον ἀπολογίας Μάρκῳ Αὐρηλίῳ Ἀντωνίνῳ ἐπέδωκαν.* Quid igitur? Post mortem certe Lucii Veri, qui, ut supra in dissertatione de Melitone p. 378 ostendi, decessit anno domini 170, Apologia

2) Hieronymus, ap. Schoen. I. c. p. 173, ad annum Abrahami 2186 (M. Aurelii 10): „Apollinaris Asianus Hierapolitanus episcopus insignis habetur.“ Syncellus in Chronogr. p. 665, ap. Schoen. I. c. p. 172: *Ἀπολινάριος (editi Ἀπολλινάριος male) ἐπίσκοπος Ἱερραπόλεως τῆς ἐν Ἀσίᾳ, ἱερὸς ἀνὴρ, ἡκμαζε.*

ab Apollinari scripta est; aliter Lucio illam pariter ac Marco obtulisset. Rursus ante annum 176. Tunc enim Marcus Aurelius Commodum filium suum consortem regni fecit, ut Eusebius in Chron. sec. vers. Arm. ap. Sch. l. c. refert; quodsi, quum ille scriberet, iam consors imperii factus esset Commodus, in Apologia nomen eius non erat praetermittendum. Scripta autem est oblataque Apologia post victoriam illam miraculosam Marci Aurelii de Germanis (in Marcomannico quod vocatur bello) reportatam, siquidem Apollinaris huius victoriae in sua Apologia mentionem fecit atque ex hoc fonte Eusebius ista hausit quae de legione Melitina (fulminea) disserit, h. e. anno Christi 172 aut 173; nam iuxta eadem Chronica (vide infra Commentar. n. 1) victoria illa reportata est anno 172.

Praeterea ab Eusebio l. IV. c. 27 (et Hieronymo) afferuntur:

2^o. *Πρὸς Ἑλληνας* (= gentiles) libri quinque. Dialogi more scriptos innuit Nicephorus, siquidem is fide dignus censetur. Haec „*συγγράμματα*“ („libri“ Hieronym.) *πέντε*, ut mihi quidem videtur, non simul foras data sunt, sed singulatim prodierunt, deinde vero, quum idem argumentum tractarent, in unum corpus compacta. Eadem ratio fuit e. g. librorum Theophili ad Autolycum, ut alio loco monui.

3^o. *Περὶ ἀληθείας* libri duo (*πρῶτον καὶ δεύτερον*)³⁾. Melito quoque *Περὶ ἀληθείας* scripsit.

4^o. *Κατὰ τῆς τῶν Φρυγῶν αἰρέσεως* libri, post illos libros scripti, quum haeresis ista primum enasci coepisset. Euseb.: *ἂ μετὰ ταῦτα συνέγραψε κατὰ τ. τ. Φρ. αἴρ., μετ' οὐ πολὺν καινοτομηθείσης χρόνον, τότε γε μὴν ὥσπερ ἐκ-*

3) Textus vulgatus ap. Euseb. addit: *καὶ πρὸς Ἰουδαίους πρῶτον καὶ δεύτερον*. Sed haec verba non comparent in optimis codd. mstis (BCDFaKR^a) neque apud Ruffinum et Hieronymum: quapropter, quum a librario quodam moleste sedulo addita sint, recte omittuntur a Laemmero et Heinichen.

φύειν ἀρχομένης, ἔτι τοῦ Μοντανοῦ ἅμα ταῖς αὐτοῦ ψευδοπροφήτισιν ἀρχὰς τῆς παρεκτροπῆς ποιουμένου⁴). De his postremis libris eodem saeculo secundo labente Serapio, episcopus Antiochenus, in epistola ad Caricum et Pontium, apud Eusebium I. V. c. 19. §. 2 haec habet: Πέπομφα ὑμῖν καὶ Κλαυδίου Ἀπολιναρίου τοῦ μακαριωτάτου γενομένου ἐν Ἱεραπόλει τῆς Ἀσίας ἐπισκόπου γράμματα, h. e. *scripta* sive *libros*. Sic enim vocem γράμματα, non discrepantes a consuetudine Eusebii (I. V. c. 28. §. 4: vid. supra p. 364), vertere malumus cum Gallandio Keilio (ap. Fabric.-Harl. p. 161) Clossio (*Euseb. KG.* p. 180), quam *litteras* cum Ruffino Hieronymo (I. c. c. 41) Valesio et Strothio (*Euseb. KG.* T. I. p. 376). Quare fuerunt (Danz. De Euseb. p. 103) qui hac interpretatione falsa decepti contenderent opposuisse se Apollinarem Montanistis non peculiari quodam opere, sed literis ad diversos ecclesiae christianae doctores vel ecclesias ipsas datis. Comp. Hieronym. in epist. 70 (al. 84) ad Magn.: „Quid loquar de Melitone Sardensi episcopo, quid de Apollinario Hierapolitanae ecclesiae sacerdote, Dionysioque . . . , qui origines haereseon singularum . . . multis voluminibus explicarunt?“

Eusebius I. V. c. 16. §. 1 ait: Πρὸς μὲν οὖν τὴν λεγομένην κατὰ Φρύγας αἵρεσιν ὄπλον ἰσχυρὸν καὶ ἀκαταγώνιστον ἐπὶ τῆς Ἱεραπόλεως τὸν Ἀπολινάριον, . . . ἄλλους τε σὺν αὐτῷ πλείους τῶν τηνικάδε λογίων ἀνδρῶν ἢ τῆς ἀληθείας ὑπέρμαχος ἀνίστη δύναμις, ἐξ ᾧ καὶ ἡμῖν ἱστορίας πλείστη τις ὑπόθεσις καταλέλειπται. Dein vero (cc. 16 s.) idem Eusebius fragmenta aliquot bene longa affert ex opere quodam ab „uno ex illis“ (tacito eius nomine) adversus Cataphrygas ad Avircium Marcellum scripto. Quod opus Apollinari quidem nonnulli attribuerunt: sed male id fecerunt. Nam Apollinaris libros exaravit contra Cataphrygum sectam „adhuc

4) Eusebius in Chron. p. 172 refert anno Abrahami 2188 (Olymp. 238, 1) h. e. Christi a. 172 Phrygum pseudoprophetiam ortam esse. Aliter alii; cfr. Piper in *Ullm. et Umbr. Theol. Stud. u. Krit.* 1838. Fasc. I. p. 85 et Schwegler *Der Montanismus* p. 249 ss.

nascentem“, ut verba Eusebii (l. IV. c. 27) supra allata testantur; iste vero anonymus auctor opus suum, ut ex fragmentis ab Eusebio servatis liquet, post Montani demum et Maximillae et Theodoti mortem, adeoque multo serius, composuit. Cf. quae supra disserui p. 369 s. Adversus Montanum et Maximillam et Theodotum („τὸν σκντέα“!?) etiam concilium Hierapoli celebrasse Apollinarem scribit auctor „Libelli synodici“ (c. fin. saec. IX), a Darmario (de quo videsis supra p. XVIII) e Graecia in Germaniam adportati atque a Ioanne Pappo, theologo Argentoratensi, anno 1601 primum editi. Σύνοδος θεῖα καὶ ἱερὰ τοπικὴ, inquit (Concill. ed. Labb. et Cossart. T. I. p. 599 et Concill. nov. Collect. ed. Mansi T. I. col. 723), ἐν Ἱεραπόλει τῆς Ἀσίας συναθροισθεῖσα ὑπὸ Ἀπολιναρίου, τοῦ ταύτης ὁσιωτάτου ἐπισκόπου, καὶ ἐτέρων εἴκοσι ἕξ ἐπισκόπων, ἀποκηρύξασά τε καὶ ἐκκόψασα Μοντανὸν καὶ Μαξιμίλλαν τοὺς ψευδοπροφήτας· οἱ καὶ βλασφημῶς ἦτοι δαιμονιῶντες, καθὼς φησιν ὁ αὐτὸς πατήρ, τὸν βίον κατέστρεψαν· σὺν αὐτοῖς δὲ κατέκρινε καὶ Θεόδοτον τὸν σκντέα. Cf. Hefele *Conciliengeschichte* T. I. p. 70. Sed hoc unum haud praetermittendum mihi videtur. Nempe auctor Libelli synodici cum illo Eusebii anonymo convenit, qui l. c. c. 16. §. 13 de morte Montani et Maximillae prorsus idem narrat et proxime post (§. 14 s.) Theodotum, non quidem coriarium, τὸν πατέρα τῆς ἀρνησιθέου ἀποστασίας (l. V. c. 28. §§. 6. 9), sed „Montanistam“, τὸν πρῶτον τῆς κατ’ αὐτοὺς λεγομένης προφητείας οἶον ἐπίτροπον (coll. l. V. c. 3. §. 4), memorat.

Contra Severianos (Encratitas) Apollinarem scripsisse tradit Theodoretus l. c. l. I. c. 21: κατὰ τούτων συγγράφει Μουσανὸς . . . καὶ Κλήμης ὁ Στρωματεὺς καὶ Ἀπολινάριος κτλ.: — „an peculiari opere, non addit“ (Fabric.); „unde festinantius profecto iudicavit Gallandius quod hunc peculiarem librum statuit“ (Keil. l. c. p. 162). Sic a dicto Clemente Alex. Encratitae eorumque diaeta (Ἐγκρατηταί vel Ἐγκρατιῶν αἵρεσις) memorantur Strom. l. I. c. 15. §. 71 et

I. VII. c. 17. §. 106 atque obiter refutantur Paedag. I. II. c. 2. §. 33.

Librum Apollinaris *Περὶ εὐσεβείας* legit Photius I. c.: ἀνεγνώσθη Ἀπολιναρίου πρὸς Ἑλληνας καὶ περὶ εὐσεβείας καὶ περὶ ἀληθείας. Sed „incertum num idem forte opus sit cum illo ὑπὲρ τῆς πίστεως“ (Fabric.) h. e. cum Apologia, quam Eusebius (cf. supra p. 480) vocat λόγον ὑπὲρ τῆς πίστεως. Hieronymus De vir. illustr. c. 26: „Marco Antonino . . . volumen pro fide Christianorum dedit.“ Ita etiam Nicephorus: ὁ πρὸς Ἀντωνῖνον λόγος ὑπὲρ τῆς πίστεως.

Denique Apollinaris librum *Περὶ τοῦ πάσχα* conscripsit, ut testatur Chronicon paschale (in praefatione) p. 13, quod duo eius fragmenta praebet. Propter Eusebii de hoc libro silentium eum Apollinari abiudicarunt Tillemontius et Lardnerus ⁵⁾, qui fragmenta ista malunt Pierio Alexandrino tribuere, qui tertio saeculo vixit ac librum de paschate composuit (Phot. cod. 119). Exigui vero haec dubitatio est ponderis, quum Eusebius ipse asserat, ut supra monui, non omnia sibi innotuisse Apollinaris scripta, I. IV. c. 27. Idem valet de Hieronymi et Photii silentio, quo commotus Neander ⁶⁾ librum Apollinaris *Περὶ τοῦ πάσχα* in dubitationem vocavit. Nam Hieronymus quae de Apollinaris operibus refert ex Eusebio exscripsit; Photius autem diserte: *Λέγεται δέ, inquit I. c., αὐτοῦ (Apollinaris) καὶ ἕτερα συγγράμματα ἀξιολογούμενα εἶναι, οἷς οὐπω ἡμεῖς ἐνετύχομεν.* Vere I. H. Scholten ⁷⁾: „Ueber die Echtheit dieser Bruchstücke, die Neander bezweifelte, ist jetzt kein Zwiespalt mehr.“ Idem addit ⁸⁾: „Sie beziehen sich auf den Streit, welcher, nach Melito bei Eusebius (IV, 26), um 170 [rectius dixeris c. a.

5) Tillemont Mémoires T. II. p. 748 coll. 453 et Lardner Glaubwürdigk. d. evang. Gesch. P. II. Vol. I. p. 565 s.

6) Allg. Gesch. d. chr. R. u. K., ed. 2, T. I. P. I. p. 513.

7) Die ältesten Zeugnisse betr. die Schriften des N. T. (1867) p. 105.

8) P. 106.

167] zu Laodicea über die Feier des Passahfestes ausbrach. Die Bruchstücke werden in dasselbe Jahr 170 gesetzt. Wahrscheinlich verfasste Apollinaris seine Schrift *Περὶ τοῦ πάσχα* etwas später, nachdem der Streit zwischen der alt-asiatischen Kirche oder der Partei der *τηροῦντες* und der neuen Richtung [*οἱ μὴ τηροῦντες*, quibuscum Apollinaris faciebat], welche das Feiern des Passahfestes abschaffte, ein stets bedenklicheres Ansehen bekommen und die Abfassung einer Gegenschrift nothwendig gemacht hatte.“ Cf. supra p. 399 s. Adde Schürer *De controversiis paschalibus* p. 38 s. et *Zeitschr. f. d. histor. Theolog.* 1870. p. 227.

Non exstant nisi perpauca Claudii Apollinaris operum fragmenta. Suspiciari quidem possis nonnulla forsitan in Catenis ad Scripturam sacram inesse: ego vero in iis, quamvis accurate perlustraverim, nihil deprehendi quod certo ac liquido ad hunc Apollinarem pertineat⁹⁾. Neque, id quod contra Zahnium (*Ullm. et Umbr. Theolog. Studien u. Kritiken* 1866. Fasc. IV. p. 682) monuerim, licet huc referre quae de morte Iudae traduntur: „istum proditorem, carne perquam inflatum, curru ita contritum esse, ut eius egesta fuerint viscera,“ ap. Routh. Vol. I. p. 9 coll. p. 25—28: — quippe quum sint desumta ex Apollinari Laodiceno (iuniore), celebratissimo saeculi quarti scriptore, cuius per multa in Catenis *λείψανα* reperiuntur. Is enim, qui in ecclesia multo magis innotuit quam ille Hierapolitanus ideoque solet sine additamento dici *Ἀπολ[λ]ινάριος*, „in sanctas scripturas innumerabilia volumina“ scripsit, ut testatur Hieronymus l. c. c. 104, et ex opere Papiæ, cuius etiam opinionem secutus est de regno mille annorum (Hieron. l. c. c. 18; vid. Routh. p. 174), fabulosam istam de Iudae interitu narrationem repetiit. Cf. Routh. p. 5. Equidem relinquo quaecunque sunt incerta, ex quibus profecto nil nisi incer-

9) Cf. Schwegler l. c. p. 203 s.

tum colligi potest, iamque ea afferam et explicabo quae plane ac diserte Apollinari τῷ Ἱεραπολίτῃ attribuuntur.

FRAGMENTA APOLLINARIS.

I.

Ex Apologia.

... ¹ ἐξ ἐκείνου τὴν δι' εὐχῆς ... ex eo tempore legionem, τὸ παράδοξον πεποιηκυῖαν λε- cuius precibus miraculum per- γεῶνα οἰκείαν τῷ γεγονότι πρὸς petratum est, congruo rei vo- τοῦ βασιλέως εἰληφέναι προση- cabulo fulmineam ab impera- γορίαν, κεραυνοβόλον τῇ Ἰω- tore cognominatam esse. μαίων ἐπικληθεῖσαν φωνῇ.

II.

Fortasse ex eadem.

² Εἰρηναῖός τε καὶ Κλήμης, Ἀ- Irenaeus et Clemens, Apolli- πολινάριός τε ὁ Ἱεραπολίτης καὶ naris Hierapolitanus et Sera- Σεραπίων ὁ τῆς ἐν Ἀντιοχείᾳ pio ecclesiae Antiochenae epi- προσεστὼς ἐκκλησίας, ἔμψυχον scopus, Christum qui homo τὸν ἐνανθρωπήσαντα ἐν factus est animâ prae- τοῖς πονηθεῖσιν αὐτοῖς λόγοις ditum fuisse in libris suis ὡς ὁμολογούμενον [αὐτοῖς] φά- velut rem communi omnium σκουσιν. consensu receptam asserunt.

III.

Ex libro De pascha.

³ Εἰσὶ τοίνυν οἱ δι' ἄγνοίαν φι- Sunt igitur qui ex ignorantia λονεικοῦσι περὶ τούτων, συγ- contentiones de his excitant, γνωστὸν πρᾶγμα, πεπονθότες. rem venia dignam passi: igno- ⁴ ἄγνοια γὰρ οὐ κατηγορίαν ἀνα- rantia enim accusationem non δέχεται, ἀλλὰ διδαχῆς προσδεῖ- admittit, sed doctrina eget: ται· καὶ λέγουσιν ὅτι τῇ ιδ' τὸ ac dicunt decima quarta agnum

πρόβατον μετὰ τῶν μαθητῶν
ἔφαγεν ὁ κύριος, τῇ δὲ μεγάλῃ
ἡμέρᾳ τῶν ἄζύμων αὐτὸς ἔπα-
θεν, καὶ ⁵ διηγοῦνται Ματθαῖον
οὕτω λέγειν ὥς νενοήκασιν·
⁶ ὁθεν ἀσύμφωνός τε νόμῳ ἢ
νόησις αὐτῶν, καὶ ⁷ στασιάζειν
δοκεῖ κατ' αὐτοὺς τὰ εὐαγγέλια.

cum discipulis manducasse do-
minum, magna vero azymorum
die passum esse, atque ita
Matthaeum dicere ut eum in-
telligunt; unde legi contraria
est eorum interpretatio, et
repugnare inter se videntur
secundum eos evangelia.

IV.

Ex eodem libro.

⁸ Ἡ ἰδ' τὸ ἀληθινὸν τοῦ κυρίου
πάσχα, ἡ θυσία ἡ μεγάλη, ⁹ ὁ
ἀντὶ τοῦ ἁμνοῦ παῖς θεοῦ, ὁ
δεθείς, ὁ δῆσας τὸν ἰσχυρόν,
καὶ ὁ κριθεὶς ¹⁰ κριτῆς ζώντων
καὶ νεκρῶν, καὶ ¹¹ ὁ παραδοθεὶς
εἰς χεῖρας ἁμαρτωλῶν ἵνα σταυ-
ρωθῇ, ¹² ὁ ὑψωθείς ἐπὶ κερά-
των μονοκέρωτος, καὶ ¹³ ὁ τὴν
ἀγίαν πλευρὰν ἐκκεντηθεὶς, ὁ
ἐκχέας ἐκ τῆς πλευρᾶς αὐτοῦ
τὰ δύο πάλιν καθάρσια, ὕδωρ
καὶ αἷμα, λόγον καὶ πνεῦμα,
καὶ ¹⁴ ὁ ταφείς ἐν ἡμέρᾳ τῇ
τοῦ πάσχα, ¹⁵ ἐπιτεθέντος τῷ
μνήματι τοῦ λίθου.

Decima quarta est verum do-
mini pascha, sacrificium ma-
gnum, pro agno filius dei,
qui vinctus est, qui vinxit
potentem, et qui iudicatus est
iudex est vivorum ac mortuo-
rum, et qui traditus est in
manus peccatorum ut crucifi-
geretur, qui exaltatus est su-
per cornua unicornis, et qui
in sacro latere percussus est,
qui contra fudit ex latere suo
duo purgatoria, aquam et san-
guinem, verbum et spiritum,
et qui sepultus est die pa-
schatis, lapide monumento
imposito.

COMMENTARI.

Fragmentum I. 1. ἐξ ἐκείνου κτλ.] Ex Eusebii Hist.
eccl. l. V. c. 5. §. 4. p. 221 ed. Heinichen 1868 (c. 7. §. 4.
p. 360 s. ed. Laemmer 1862). Loquitur Eusebius l. c. de

orationibus militum legionis Melitinae ad deum factis, quibus Marci Aurelii exercitus in Germanica expeditione imbres ad sedandam sitim impetravit, dum fulminum iactu vexantur hostes. Verba illius sunt haec: Τούτου δὴ ἀδελφὸν Μάρκον Αὐρήλιον Καίσαρα λόγος ἔχει Γερμανοῖς καὶ Σαρμάταις ἀντιπαρταττόμενον μάχῃ δίψει πιεζομένης αὐτοῦ τῆς στρατιᾶς ἐν ἀμηχανίᾳ γενέσθαι, τοὺς δὲ ἐπὶ τῆς Μελιτινῆς οὕτω καλουμένης λεγεῶνος στρατιώτας διὰ πίστεως ἐξ ἑκείνου καὶ εἰς δεῦρο συνεστῶσης ἐν τῇ πρὸς τοὺς πολεμίους παρατάξει γόνυ θέντας ἐπὶ γῆν κατὰ τὸ οἰκεῖον ἡμῖν τῶν εὐχῶν ἔθος ἐπὶ τὰς πρὸς θεὸν ἰκεσίας τραπέσθαι. Παραδόξου δὲ τοῖς πολεμίοις τοῦ τοιούτου δὴ θεάματος φανέντος ἄλλο τι λόγος ἔχει παραδοξότερον ἐπικαταλαβεῖν αὐτίκα· σκηπτὸν μὲν εἰς φυγὴν καὶ ἀπώλειαν συναλύνοντα τοὺς πολεμίους, ὄμβρον δὲ ἐπὶ τὴν τῶν τὸ θεῖον παρανεκληκότων στρατιάν, πᾶσαν αὐτὴν ἐκ τοῦ δίψους μέλλουσιν ὅσον οὕτω διαφθείρεσθαι ἀνακτώμενον. Statim addit: Ἡ δὲ ἱστορία φέρεται μὲν καὶ παρὰ τοῖς πόρρω τοῦ καθ' ἡμᾶς λόγου συγγραφεῦσιν, οἷς μέλον γέγονε τῆς κατὰ τοὺς δηλουμένους γραφῆς, δεδήλωται δὲ καὶ πρὸς τῶν ἡμετέρων. (Tertullian. Apolog. c. 5, Ad Scapul. c. 4, De orat. c. 24, Cyprian. Ad Demetr. p. 193 ed. Oxon.) Ἀλλὰ τοῖς μὲν ἔξωθεν ἱστορικοῖς, ἅτε τῆς πίστεως ἀνοικείοις, τέθεται μὲν τὸ παράδοξον, οὐ μὴν καὶ ταῖς τῶν ἡμετέρων εὐχαῖς τοῦτο ὡμολογήθη γεγονέναι· τοῖς δὲ γε ἡμετέροις. ἅτε ἀληθείας φίλοις, ἀπλῶ καὶ ἀνακοήθει τρόπῳ τὸ πραχθὲν παραδέδοται· Τούτων δ' ἂν εἴη καὶ Ἀπολινάριος, „ἐξ ἑκείνου“ φήσας „τὴν δι' εὐχῆς“ κτλ. Eusebius librum ipsum, in quo Apollinaris haec verba scripserat, non indicavit. Plurimi, in his Tillemont Ceillier Lardner Routh, non immerito suspicati sunt ea desumta esse ex Apologia eius ad Marcum Aurelium. Præeuntibus aliis Glossius (Euseb. KG. p. 162 s.) haec apte adscripsit: „Die Wahrheit dieser Begebenheit, wie sie hier erzählt ist, ist schon längst in Zweifel gezogen worden. Abgesehen davon, dass des Eusebius Ausdrücke selbst darauf hinweisen, dass er sie selbst nicht für zweifelfrei gehalten [§. 7: Ἀλλὰ ταῦτα

μὲν ὅπη τις ἐθέλη τιθέσθω], so ist schon der Umstand, dass schon damals eine ganze Legion aus Christen bestanden haben sollte, im höchsten Grade unwahrscheinlich. Ueberdiess ist die Angabe ein historischer Irrthum, dass die sogenannte Donnerlegion von dieser Geschichte ihren Namen erhalten habe, da nach Dio Kassius 55, 23 die zwölfte Legion schon unter Augustus, oder wenn je Zweifelsucht behaupten sollte, Dio habe derselben den Namen beigelegt, den sie zu seiner Zeit führte, wenigstens, wie eine von Scaliger aufgefundene Inschrift beweist, doch unter Nerva, wohl von den auf ihren Schilden abgebildeten Donnerkeilen, diesen Namen führte. Sie hatte ihre Standquartiere in Kappadocien oder wohl in der früher zu diesem Lande, später zu Armenien, gerechneten Landschaft Melitene, wo wir sie in der Notitia dignitatum utriusque imperii [sect. 27], noch als legio fulminea, stationirt finden. [„Ex quo colligitur Melitinam nomen legionis non fuisse, sed oppidi, in quo legio XII fulminea consistebat.“ Valesius ad Eus. l. c.] Was die Begebenheit selbst betrifft, so wissen zwar auch heidnische Schriftsteller von derselben und zwar auch als von einem Wunder zu erzählen, gedenken aber bei Darstellung derselben im Geringsten nicht eines Gebets der Christen, sondern sie schreiben das Wunder theils dem Gebete des Kaisers selbst zu [„Hanc dextram ad te Iupiter tendo, quae nullius unquam sanguinem fudit!“], wie Kapitolinus im 24sten Hauptst. des Lebens des Kaisers Antoninus und Themistius in seiner 15ten Rede, theils, wie Dio Kassius 71, 8, der unmittelbaren Einwirkung der Götter, namentlich des Luftgottes Mercurius, welche ein in des Kaisers Gefolge befindlicher ägyptischer Goete, Namens Arnuphis, durch magische Formeln zur Herabgiessung des Schlagregens bewogen haben soll. Dass aber auch der Kaiser Antoninus selbst sowie Senat und Volk ebensoweit entfernt waren, die jenem gewordenen Hülfe dem Gotte der Christen zuzuschreiben, diess beweisen zur Genüge Denkmäler von Erz und Marmor, kai-

serliche Denkmünzen (auf einer derselben [ap. Eckhel. Numism. III. 64] wird Jupiter seinen Blitz auf die zu Boden gestreckten Barbaren schleudernd dargestellt) und die noch zu Rom stehende Antoninische Säule, auf welcher unter andern bildlichen Darstellungen Soldaten sich befinden, wie sie den Regen in ihren Helmen auffangen. Auch ein Gemälde, welches Themistius sah, stellte nur den Kaiser dar, wie er zu den Göttern flehte, seine Soldaten aber, wie sie den Regen in ihren Helmen auffassten und daraus das vom Himmel herab sich ergießende Wasser tranken. Dass diesen verschiedenen Angaben eine wirkliche Thatsache zu Grunde liegt, ist nicht zu bezweifeln, und wir dürfen uns den Vorgang wohl so denken, dass, als die Römer von der Sonne verbrannt und von Durst gequält, von den Germanen eingeschlossen waren, Alles was im römischen Heer war, Heiden wie Christen, jene zu ihren Göttern, diese zu ihrem Gott, um Hülfe flehten. Da erfolgte ein Gewitter; die Römer wurden dadurch erquickt und neu gestärkt und brachten dadurch den Barbaren eine vollständige Niederlage bei. Alles betrachtete diese so unverhoffte Rettung als ein Wunder, und Heiden und Christen schrieben jeder Theil insbesondere für sich diesen glücklichen Erfolg den Wirkungen ihres Gebetes zu.“ Auctores, qui in hanc de legione fulminea historiam inquisiverunt, Danzius l. c. p. 134 citavit. Coll. Maranum supra p. 216 s. — Neander l. c. p. 199: „Claudius Apollinaris, Bischof von Hierapolis in Phrygien, mochte es, bald nach der Begebenheit selbst, aus dem Munde von christlichen Soldaten dieser Legion, die in's Winterquartier nach Kappadocien zurückkehrten, vernommen haben, und er benutzte es in einer an den Kaiser gerichteten Apologie oder in seinen andern apologetischen Werken. Freilich, wo Eusebius den Apollinaris sagen lässt, dass die Legion von dieser Begebenheit den Namen fulminea empfangen habe, entsteht der Verdacht, dass er zu flüchtig gelesen haben möge, da ein so grober Irrthum, bei

einem Zeitgenossen selbst, welcher in der Nähe der Winterquartiere jener Legion lebte, doch schwer zu denken ist. Vielleicht sagte Apollinaris nur: *jetzt könne der Kaiser die Legion mit Recht eine fulminea nennen*, oder etwas Aehnliches. Leicht kann dies den Worten, wie sie Eusebius I. V. c. 5 anführt, zum Grunde liegen: ἐξ ἐκείνου τὴν δι' εὐχῆς τὸ παράδοξον πεποιηκυῖαν λεγεῶνα οἰκείαν τῷ γεγονότι πρὸς τοῦ βασιλέως εἰληφέναι προσηγορίαν.“ — De anno, quo victoria illa reportata sit, discordant inter se viri eruditi. Eusebius vero in Chronicis inscripsit anno Abrahami 2188 (Olymp. 238, 1. M. Aurelii 12), h. e. Christi 172 (cf. Haakh in *Pauly Real-Encyklop.* T. I. 1839. p. 580), his quidem verbis usus: Ἀντωνῖνος αὐτοκράτωρ πικνῶς τοῖς πολεμίοις ἐπέκειτο, αὐτός τε παρῶν καὶ τοὺς πολεμάρχας ἀποστέλλων· καὶ Περγίνακι καὶ τοῖς σὺν αὐτῷ δίψει πιεζομένοις ὄμβρος ἐκ τοῦ θεοῦ ἐγένετο, καὶ τοῖς ἀντιτασσομένοις Γερμανοῖς (vulg. Γερμανικοῖς) καὶ Σαρμάταις σκηπτὸς ἔπεσεν, πολλοὺς τε αὐτῶν διέφθειρεν. Λέγεται δὲ (itaque minus confidenter loquitur) ὡς καὶ ἐπιστολαὶ φέρονται Μάρκου τοῦ βασιλέως (has equidem literas subditicias edidi in Corp. Apoll. Vol. I. ed. 2. p. 208 ss.), ἐν αἷς μαρτυρεῖ μέλλοντα τὸν στρατὸν αὐτοῦ διαφθεῖρεσθαι ταῖς τῶν Χριστιανῶν εὐχαῖς διασεσῶσθαι. Cum his verbis, ab auctore Chronici paschalis p. 486 ad a. 171 servatis, prorsus convenit versio Armenia: ap. Schoen. p. 172.

Fragmentum II. 2. Εἰρηναῖός κτλ.] Servavit hoc fragmentum Socrates Hist. eccl. I. III. c. 7. Qui quidem, catholicam de anima humana a Christo assumpta doctrinam referens (vid. Dorner *Entwicklungsgesch. der Lehre von der Person Christi* ed. 2. P. I. p. 522), quae in synodo Alexandrina sub Athanasio a. 362 confirmata est (vid. Hefele I. c. p. 705 coll. 226), I. c. haec habet: Οὕτω γὰρ πάντες οἱ παλαιότεροι περὶ τούτου λόγον γυμνάσαντες ἔγγραφον ἡμῖν κατέλιπον· καὶ γὰρ Εἰρηναῖός τε καὶ Κλήμης κτλ. — Vox αὐτοῖς post ὁμολογούμενον, a me cancellis inclusa, delenda

esse Valesio (ad h. l.) videtur, utpote ex superiori linea ab oscitante librario repetita. Nicephorus Hist. eccl. l. X. c. 14, hunc Socratis locum describens, pro *ὁμολογούμενον* posuit *ὁμοούσιον*, seu quod in exemplari suo ita legerat, seu quod vocem *ὁμολογούμενον* ita interpretandam censebat.

Fragmentum III. 3. *Εἰςὶ τοίνυν οὐ κτλ.*] Suppeditavit Chronicon paschale in praefatione p. 13 s. ed. L. Dindorf, praemissis hisce verbis: *Ἀπολιναρίου* (cod. Vat. et edit. Par. cur. Ducang., male *Ἀπολλιναρίου* Dind.) *ἐπισκόπου Ἱεραπόλεως*, *ὅτι ἐν ᾧ καιρῷ ὁ κύριος ἔπαθεν οὐκ ἔφαγεν τὸ τυπικὸν πάσχα. Καὶ Ἀπολινάριος* (Vat. et Par., *Ἀπολλινάριος* Dind.) *δὲ ὁ ὀσιώτατος ἐπίσκοπος Ἱεραπόλεως τῆς Ἀσίας, ὁ ἐγγὺς τῶν ἀποστολικῶν χρόνων γεγονώς, ἐν τῷ Περὶ τοῦ πάσχα λόγῳ τὰ παραπλήσια ἐδίδαξε, λέγων οὕτως· Εἰςὶ τοίνυν οὐ κτλ.* Nescio cur *Ἐνιοι* Hilgenfeldus (*Der Paschastreit* p. 255) pro *Εἰςὶ* scripserit. Huius insignis fragmenti qui sit sensus, praeclare paucis dixit Baumgarten-Crusius (*Theol. Auslegung d. Johann. Schriften* T. I. Ien. 1843, p. XXVII): „Derer, welche das Mahl Jesu für das Paschamahl halten und seinen Tod auf den Haupttag des Festes, also den 15. Nisan, setzen: *ἀσύμφωνός τε νόμος ἡ νόησις* — *καὶ στασιάζειν δοκεῖ κατ’ αὐτοὺς τὰ εὐαγγέλια*, d. h. „sie halten nicht die gesetzliche Paschazeit, welche für das Schlachten des Lammes den 14. Nisan gesetzt hat, indem sie nämlich das *ἀληθινὸν πάσχα* (wie es im zweiten Fragment [= Fragm. IV] heisst) erst den 15. sterben lassen — und sie bringen einen Widerspruch in die Evangelien.“ *Τὰ εὐαγγέλια* kann nur die evangelischen Schriften bedeuten; aber gemeint ist Johannes [„von welchem Apollinaris ausging:“ Hilgenfeld l. c. p. 257] und Matthaeus, auf welchen sich jene [*Εἰςὶ οὐ*] beriefen. (Auch später wurden bei diesen Fragen Johannes und Matthaeus sich gegenübergestellt, z. B. Victor v. Ant. zu Markus 14, 12.) Damals also schon [comp. Clem. Al. in Chron. pasch. p. 14

et Hippolyt. *ibid.* p. 13], wie in den späteren Streitigkeiten der griechischen und abendländischen Kirche über den Tag des Mahles Christi (vgl. z. B. Philoponus *De paschate*, b. Gallandi *Biblioth.* T. XII und Usteri *Commentat. crit. de evangelio Ioannis.* Tur. 1823 [p. 101 ss. coll. p. 30 ss.]), wurde angenommen, dass die drei Evangelien dieselbe Tagsbestimmung hätten wie Johannes [dominum coenam suam ultimam vespera diei civilis 13. mensis Nisan celebrasse et die 14. loco agni paschalis a Iudaeis tunc iugulati mactatum esse]: daher das *στασιάζειν*.“ Scholten (*l. c.* p. 107): „Wir sehen hieraus, dass bei der Partei der Nicht-Feiern den das vierte Evangelium nicht geringeren Ansehens genoss, als das Matthaeus-Evangelium; so dass man, wo es dem Matthaeus zu widersprechen schien, ihm, dem erstgenannten, den Vorzug gab, und wahrscheinlich, wie später Hippolytus [*l. c.*], durch harmonistische Ausflüchte den Bericht des Matthaeus, auf den die Gegenpartei mit gutem Rechte sich berief, unschädlich zu machen wusste.“

4. ἄγνοια] Vat. *v* supra lineam habet, ἄγνοιαν ut légatur.

5. διηγοῦνται κτλ.] „Sie führen dabei aus dass Matthaeus, sowie sie ihn verstehen, ebendasselbe sage.“

6. ὁθεν κτλ.] Prius commation (ἀσύμφωνός τε ... αὐτῶν) spectat ad verba λέγουσιν ... ἔπαθεν, alterum vero (στασιάζειν ... εὐαγγέλια) ad διηγοῦνται ... νενοήκασιν. Aliter statuerunt Rettbergius et Baurius quos refutavit Bleekius: *Beitr. zur Evangelien-Kritik*, Ber. 1846, p. 133 s. Routhio praeëunte Schweglerus *l. c.* p. 194: „Die Worte ἀσύμφωνος κτλ. fordern eine zu supponirende Praemisse. „„Christus ist das ἀληθινὸν πάσχα [cf. *Fragm.* IV], das nach mosaischem Gesetz am 14. Nisan geschlachtet werden musste. Wäre Christus erst den darauf folgenden Tag gestorben, so wäre das Pascha nicht zu rechter Zeit geopfert worden;““ ὁθεν κτλ.“ — Pro ἀσύμφωνος, quod Dindorfii coniecturae debemus, est in cod. Vat. et edit. Par. (ex cod.

Mon.), etiam in cod. Bodl. 3401 (de quo vide infra n. 8) et ap. Galland., minus recte ἀσυμφώνως.

7. στασιάζειν κτλ.] „es scheinen nach ihnen die Evangelien unter sich uneins zu sein.“ Apposite Meyer (*Komment. üb. d. Ev. Johann.*, ed. 4. 1862, p. 11): „Dazu bedurfte es bei στασιάζειν eines Zusatzes wie etwa ἐν ἑαυτοῖς oder dergl. keinesweges, da τὰ εὐαγγέλια eine collective Gesammtheit bilden.“ Attulit Xenoph. Cyrop. l. VIII. c. 8. §. 2: ἐπεὶ μέντοι Κῦρος ἐτελεύτησεν, εὐθὺς μὲν αὐτοῦ οἱ παῖδες ἐστασίαζον. Schwegler vero l. c. p. 195 (et Baur *Die christl. Kirche der drei ersten Jahrh.* Tub. 1853. p. 147) male: „nach ihrer Auffassung scheinen die Evangelien in Aufruhr dagegen, nämlich gegen das Gesetz.“ Recte iam Routh: „Scribit καὶ στασιάζειν κτλ., quia discordem illi faciunt, si audis Apollinarem, Matthaeum cum Ioanne, qui quidem coenam ultimam dominicam ante festum paschae celebratam fuisse refert (Ioann. 13, 1. 2).“ De illa evangelistarum dissensione super coena ultima et passione Iesu Christi plura dabit Meyer ad Ioann. 13, 1 et 18, 28 p. 412 et 517 ss.; coll. eundem ad Ep. I ad Corinth. 5, 7 (ed. 4) p. 122.

Fragmentum IV. 8. Ἡ ἰδ' τὸ ἀληθινὸν κτλ.] Praefationis Chronici paschalis auctor, qui hoc fragmentum servavit p. 14, habet sic: Καὶ πάλιν ὁ αὐτὸς (Apollinaris Hierapol.) ἐν τῷ αὐτῷ λόγῳ (De pascha) γέγραπεν οὕτως. — Non τὸ ἀληθινὸν (Vat. et Dind.) sed τοῦ ἀληθινοῦ edit. Par. et Gall. habent. Genuina illa lectio comparet etiam in cod. Bodl. 3401, „in quo praeter alias Praefationis, quae vocatur, huius Chronici particulas haec Apollinaris de paschate fragmenta exstant“ (Routh.).

9. ὁ ἀντὶ τ. ἀμνοῦ παῖς θεοῦ] Clemens Alex. in Chron. pasch. l. c.: ὁ σωτὴρ ἡμῶν αὐτὸς ὢν τὸ πάσχα (d. 14. m. Nis.), καλλιερηθεὶς ὑπὸ Ἰουδαίων. — Cum verbis ὁ δῆσας τὸν ἰσχυρόν (Meliton. Fragm. XIII. n. 92) coll. Matth. 12, 29 et Marc. 3, 27.

10. κριτὴς ζώντων κ. νεκρῶν] Coll. Act. apostt. 10, 42.

11. ὁ παραδοθεὶς ε. χ. ἁμαρτ.] Coll. Matth. 26, 45 et Marc. 14, 41.

12. ὁ ὑψωθεὶς] Coll. ev. Ioann. 3, 14. 8, 28. 12, 32. Verba ἐπὶ κεράτων μονοκέρωτος (LXX Deuteron. 33, 17 coll. Ps. 92, 10) quid sibi velint, patet ex Iustini Dial. c. Tr. c. 91: Μονοκέρωτος γὰρ κέρατα οὐδενὸς ἄλλου πράγματος ἢ σχήματος ἔχοι ἂν τις εἰπεῖν καὶ ἀποδείξαι, εἰ μὴ τοῦ τύπου ὃς τὸν σταυρὸν δείκνυσιν. "Ορθιον γὰρ τὸ ἔν ἐστι κτλ. Vide, si lubuerit, quae ibidem (ed. 2. p. 317 s.) pluribus exposui. Comp. Commentar. ad Meliton. n. 78.

13. ὁ τὴν ... πνεῦμα] Ev. Ioann. 19, 34. Particula πάλιν pertinet ad ὁ ἐκχέας: „der hinwiederum (seinerseits dagegen) aus seiner Seite die zwei ausströmte die da reinigen.“ — Αἷμα et ὕδωρ est Apollinari λόγος et πνεῦμα. „Λόγος mag die Gemeinschaft mit der Person Christi, πνεῦμα die Geistesmittheilung bedeuten.“ Baumgarten-Crusius l. c. — „Est ist möglich, dass Logos und Pneuma in der Deutung des Apollinaris auch auf die beiden Sacramente Bezug haben [coll. Chrysostomum in Ioann. evang. p. 914 T. III ed. Savil. et Augustinum in idem evang. p. 554 T. IX ed. Froben.]: auf das Wort der Segnung im Abendmahl, und den Geist der in der Taufe mitgetheilt wird. Uebrigens vgl. meine Evangelien (1854) S. 316 f.“ Hilgenfeld l. c. p. 260. — Perperam Galland. πλ. αὐτοῦ (pro αὐτοῦ) dedit.

14. ὁ ταφεὶς ἐν ἡμ. τῇ τ. πάσχα] Wir bemerken, dass diese Worte ganz nach der jüdischen Tagesbezeichnung zu nehmen sind: als der Paschatag begann, also zwischen 14. und 15. Nisan. Baumgarten-Crusius l. c. Idem nunc Hilgenfeldus l. c. statuit.

15. ἐπιτεθέντος κτλ.] Coll. Matth. 27, 60. 28, 2. Marc. 15, 46. 16, 3 s. Luc. 24, 2. Ioann. 20, 1.

MELITONIANA.

ANTIQUA VERSIO SYRIACA.

Fragmentum XIII.

[illegible]

[illegible]

۵۰۰ و امتداد.

Ի՞նչ քանակությամբ խմելու ընդունվում է օրը
 և քանի անգամ օրը օրվա ընթացքում օրվա
 ընթացքում օրվա ընթացքում օրվա ընթացքում
 օրվա ընթացքում օրվա ընթացքում օրվա ընթացքում
 օրվա ընթացքում օրվա ընթացքում օրվա ընթացքում
 օրվա ընթացքում օրվա ընթացքում օրվա ընթացքում

Apologia.

ಮಹಿಮೆ, ಮಹಿಮೆ, ಮಹಿಮೆ.

॥ ॐ नमो भगवते वासुदेवाय ॥ ॐ नमो भगवते वासुदेवाय ॥ ॐ नमो भगवते वासुदेवाय ॥
 ॐ नमो भगवते वासुदेवाय ॥ ॐ नमो भगवते वासुदेवाय ॥ ॐ नमो भगवते वासुदेवाय ॥

[illegible]

11
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

ADNOTATIO.

- Antiquam illam versionem syriacam diligentissime typis exprimendam curavi secundum editionem Curetonianam. Cf. supra p. 453. n. 84: ibid. n. 85. p. 455. n. 96. p. 456. n. 102. p. 457. n. 107; p. 460. n. 124. Apologiae capita (13), quae exhibui in versione latina (supra p. 423 ss.), margini apposui. Sed haec fere vitia videntur notanda esse:
- p. 497. l. 19 pro ܠܢܝܠܐ lege ܠܢܝܠܐ (Sachau).
- p. 503. l. 13 pro ܡܝܢ l. ܡܝܢ (Sachau).
- p. 504. l. 6 pro ܡܠܟܐ ܡܠܟܐ Roerdam (p. 10) malit ܡܠܟܐ ܡܠܟܐ. Cf. supra n. 149.
- p. — l. 16 pro ܡܠܟܐ (plur.) l. ܡܠܟܐ, quam lectionem Cureton et Renan in versione tacite secuti sunt.
- p. — l. 20 pro ܡܠܟܐ ܡܠܟܐ l. ܡܠܟܐ ܡܠܟܐ (Roerdam p. 11 et Welte p. 397). Cf. supra n. 156.
- p. 505. l. 2 pro ܡܠܟܐ l. ܡܠܟܐ (Cureton not. p. 90).
- p. — l. 4 pro ܡܠܟܐ l. ܡܠܟܐ (Roerdam p. 13 et Bernstein, cf. supra n. 163).
- p. — l. 12 pro ܡܠܟܐ legit Ewald (*Gött. Gel. Anzeig.* 1856. F. 67. p. 665) ܡܠܟܐ, addens haec: „vgl. mit dem was über diesen syrischen Gott Hadrak aus dem Namen ܡܠܟܐ und den Worten B. Zakh. 9, 1 folgt.“ Cf. supra n. 166.
- p. 510. l. 27 pro ܡܠܟܐ ܡܠܟܐ legit Roerdam (p. 28) ܡܠܟܐ ܡܠܟܐ.

Alia supra indicavi in Commentariis: n. 93. 176. 199. 211.

INDICES
IN
HERMIAE IRRISIONEM PHILOSOPHORUM
ATQUE
QUADRATI ARISTIDIS ARISTONIS
MILTIADIS MELITONIS APOLLINARIS
RELIQUIAS.

- I. INDEX VERBORUM.
 - II. INDEX RERUM.
 - III. INDEX LOCORUM.
 - IV. INDEX SCRIPTORUM.
-

I. Index verborum.

Numerus paginam et n. notam designat.

A.

ἀγέννητος καὶ αἰδῖος 461. n. 129.
ἀδελφός, ὁ, quo sensu apud Chri-
stianos 413 (439. n. 25).
ἀεικίνητος 20. n. 8.
ἀνδρεία, ἡ, *impudentia*, 11. n. 4.
ἀνθίσταμαι τινος 12. n. 9.
ἀνθρωπότης, ἡ, 416.
Ἀντώνιος pro Ἀντωνῖνος 478. n. 211.
ἀπαντάω — σκότος ἀγνοίας ἀπαν-
τᾷ 30 C.
ἀποθηριόω ψυχὴν 6 D (n. 6).
Ἀπολιναρίος (non — λλ —) 479.
ἀποστασία, ἡ, τῶν ἀγγέλων 2 B
(n. 6).
ἀπόστολος, ὁ μακάριος, de Paulo
2 B (n. 2).
ἀρματοποιία, ἡ, 16 D.
ἀρχαί, αἱ, quid 11. n. 7.
ἀρχοντες κοσμηνοὶ imperatores 367 s.
αὐτὸς οὗτος, eben (gerade) dieser,
14 A (n. 18). αὐτὸς ἔφα 24 A
(n. 1).

B.

βάρβαροι Iudaei 411 (434. n. 6).
βιβλίον — vid. παλαιός.

Γ.

γονοποιός 4 C.
γένεσις quid 394.
γλωσσοκομεῖον, τό, *loculus*, 458.
n. 111.

Δ.

δόγμα, τό, νόμον 357. 410; phi-
losophorum 12 D. 22 C, item τὰ
δόγματα 2 B. 18 D. 22 D. 24 A.
30 C.

διάταγμα, τό, = δόγμα 410. 411.
διάταξις, ἡ, 357.

E.

ἐγώ — μοί c. imper. 18 D (n. 13).
εἰ c. opt. et in apod. c. ind. 24 D
(n. 13). εἰ et οἱ commutata 8.
n. 8; item εἰ et ι 23. n. 10.
ἐλάχιστα de atomis 20 A (n. 8).
Ἕλληνες = ἔθνη, gentiles, 368. 481.
ἐμός — ἡ ἐμή sc. γνώμη 13. n. 12.
ἐνανθρωπέω 486.
ἐνσώματος deus 394 ss.
ἐνσωματόω 6 D (n. 7).
ἔξω, οἱ, gentiles, Proll. p. XXXIII.
ἐπεξεργάζομαι τ. τόπον 415 (442.
n. 38).
ἐπί et ἐτι confusa 19. n. 12.
ἐπιδιαμένω 6 D (n. 5).
ἐπιρρώω — ἐπιρρεῖ ὄχλος 23. n. 9.
ἐπιφωνέω τινί τι, *dedico* alicui
aliquid, 380.
ἐργάτης φιλονεικίας 411.
Ἑρμείας Proll. p. XXXIII.
ἔτι et ἔστι commutata 10. n. 20;
vid. ἐπί.

H.

H et I commutata 13. n. 10.
ἡμιδάκτυλος, ὁ, *semidigitus*, 28 D.

Θ.

θεολογέω — θεολογεῖται ὁ Χριστός
348. 372; quid 373.
θεὸς πέπονθεν 416 (444 s. n. 46).
θεοσεβεῖς, οἱ, de Christianis, 410.
θεότης, ἡ, 415 (443. n. 40) 416.
θεραπευταί — λίθων, θρησκευταὶ
— θεοῦ et Χριστοῦ 413.

I.

I et H confusa 13. n. 10; item *ι* et *ει* 23. n. 10.
Ἰησοῦς et *Ἰάσων* 352. n. 8.
Ἰσραηλῖτις, — *ιδος*, fem. v. *Ἰσραηλίτης*; inde *δεξιὰ Ἰσρ.* 416 (446. n. 46) 459. n. 120.
ἵστημι — *ζυγῶ τ. κόσμον* 28 A (n. 14).

K.

καὶ advers. 6. n. 2.
καρτερώω — *καρτερῶν ἐβάστασεν τὸν τύπον τοῦ κυρίου* 417 (n. 63).
κέρας — *τὰ κέρατα* de cruce 418 (451. n. 78).
κλείς, ἡ, *titulus libri Melitoniani* 401.
Κοδράτος ap. Eus. 333, *Κοδράτος* ap. Sync. 334, *Κόδρατος* in Menol. Bas. 338.
κοσμικοί — vid. *ἄρχοντες*.
κυριός et *ἀμνός* 418.
κτίσις de logi generatione 394.
κυριακή, ἡ, = *ἡ τοῦ ἡλίου ἡμέρα* 400.

Λ.

λόγος, ὁ, 1^o. *verbum dei*: *σπουδῇ ἡ πρὸς τ. λ.* 413. — 2^o. de *religione christiana*: *ὁ καθ' ἡμᾶς λ.* 412. — 3^o. *logos divinus*: *λ. Θεοῦ* 413 (438. n. 24).
λουτρὸν de baptismo 397.

Μ.

μακάριος — *ὁ μακ. ἀπόστολος* de Paulo 2. n. 2.
μεγαλόφωνος Plato 16 C (n. 2).
μέν, non seq. *δέ*, 19. n. 3.
μέχρι ποῦ, *quousque*, 20 A (n. 10).

Ν.

ν ἐφελκ. 449. n. 56.
νευροκοπέω 18 A.
νεωτερίζω 435. n. 14.
νήχομαι 10 B.
νοῦς 393. *νοῦς τέλειος* Christus 420 (457. n. 103).

Ξ.

ξύλον de cruce 448. n. 54. Sic *lignum*: affixus ligno 420; in ligno suspensus 421. 423; tollitur in lignum 422; adclinatus ligno 422; pendere a ligno 419; os non fractum in ligno 421.

Ο.

ὁμογνωμόνως 10 B.
ὁμόλογα et *σύμφωνα* 2 B.
οὐδὲ ... *οὐδέ* 2. n. 7.
οὐρανοὶ ἑπτὰ 357 (363. n. 5).
οὕτως, non *οὕτω*, 450. n. 68.
ὀχλέω 18 D (n. 13).

Π.

παλαιός — *τὰ παλαιὰ βιβλία* de Vet. Test. 414, = *τὰ τῆς παλαιᾶς διαθήκης βιβλία* ibid.
παλίρροια, ἡ, *τῶν πραγμάτων* 9. n. 11.
παραλαμβάνω τινά, in disciplinam accipio aliquem, 12 C.
περὶ et *παρά* confusa 28. n. 11.
πλάσις et *πλάσσειν* de formatione hominis 392 s. 459. n. 112.
πνεῦμα, τό, in trichotomia humanae naturae, 393.
πολιτεία τῶν προφητῶν 376. n. 5. 389.
προαιώνιος 416.
πρόειμι — *εἰς ἄπειρον πρόεισιν* 30 C (n. 18).
προσφωνέω τινί τι, *dedico* alicui aliquid, 380 s.

Ρ.

ῥυσμός, ὁ, 21. n. 13.

Σ.

Σαβέν = *ἄφεςις*, *dimissio*, 418 (452. n. 81).
σκιωμαχέω 24. n. 14.
σοφισταί, *ἐρίζοντες μᾶλλον ἢ τὰ ληθῆς εὐρίσκοντες* 4 C (n. 14).
στασιάζειν *δοκεῖ τὰ εὐαγγέλια* 494. n. 7.
στοιχεῖα, τά, *stellae*, 454. n. 87.
συμφυλέτης 24 A.
σύμφωνα et *ὁμόλογα* 2 B.
σῶμα, τό, in trichotomia humanae naturae, 393.

Τ.

τοῖνον 19. n. 3.
τόπος, ὁ, de loco scriptoris aut de argumento quod tractatur 415 (442. n. 38).
τριετία, ἡ, 416.

Φ.

φιλοσοφία de doctrina christiana Procl. p. XXXIV, ἡ ἡμετέρα 367,

- ἡ καθ' ἡμᾶς 367. 411 (434 n. 6). *Χριστός, ὁ (τοῦ) Θεοῦ* 413 (438.
 Inde φιλόσοφος illius doctri- n. 23).
 nae sectator Proll. l. c. *χρόνος — τοσούτω χρόνῳ* 24. n. 12;
 φιλότης — ὦ φιλ. 29. n. 2. de anno 416 (443. n. 43).
- X. Ψ.
- χαίρειν* formula salutis dicendae *ψυχή, ἡ*, hominis 393, mundi 23.
 413 (439. n. 25). n. 7.
-

II. Index rerum.

Numerus paginam, c. caput, n. notam designat.

- A.
Absalon typus diaboli, qui insurrexit Christi regno 415 (441. n. 36).
Aegyptii adoraverunt Iosephum 426. c. 5 (466. n. 154).
Aer est anima secundum sententiam nonnullorum philosophorum 4. n. 9.
Alcmena mater Herculis 426. c. 5. Vid. *Amphitryo*.
Amphitryo maritus Alcmenae 426. c. 5; cf. Emendanda.
Anaxagoras de principiis 12 C (n. 8).
Anaximander motionem aeternam omnium principium esse statuit 16. n. 11.
Anaximenes aerem dixit omnium principium 12 D (n. 13).
Angeli 420 s. Vid. *Philosophia*.
Anima incorruptibilis 429. c. 9. Non videtur 429. c. 8 (473. n. 182). Vid. *Mens*. De eius natura variae philosophorum sententiae 2. 4. Item de eius bono 6. n. 2. Et utrum mortalis an immortalis 6 D (n. 4. 5). — Anima mundi 23. n. 7.
Antoninus Pius ad civitates scripsit, ne novi quid adversus Christianos molirentur 413 (436. n. 17).
Aphaki urbs 426. c. 5 (467. n. 162).
Apollinaris (Claudius 482) Asianus 480. Episcopus Hierapolitanus 479. Floruit Marco Aurelio imperante 479. Aequalis Melitoni 374. 479. Vir praestans et stilo praestanti usus 479. Praeter rerum divinarum cognitionem profana quoque disciplina excultus 479. Doctrinam verae fidei ab apostolis traditam defendit 479. Scripsit teste Eusebio 1^o. Apologiam pro Christianis ad Marcum Aurelium a. CLXXII aut CLXXIII 480 s. Fragm. I. II. 486. 2^o. *Πρὸς Ἑλληνας* 481. 3^o. *Περὶ ἀληθείας* 481. 4^o. *Κατὰ τῆς τῶν Φρυγῶν αἰρέσεως* 481 s. Praeterea, ut alii testantur, scripsit 5^o. Contra Severianos (?) 483. 6^o. *Περὶ εὐσεβείας* (?) 484. 7^o. *Περὶ τοῦ πάσχα* 484 s. Fragm. III. IV. 486 s. Non est ille anonymus (ap. Eus.), qui contra Cataphrygas scripsit 369. 388. 482 s. Perpauca tantum exstant operum eius fragmenta 485.
Apollonius apologeta sub Commodio VI s.
Aqua omnium principium iuxta Thaletis placitum 16 B. Aquam genitalem esse animam nonnulli philosophi opinati sunt 4 C (n. 10).
Archelaus de principiis 16 C (n. 1).
Ares amatus a Balti 426. c. 5.
Argivi adoraverunt Herculem 425. c. 5. Cur ibid.
Aristides Atheniensis 342. Philosophus christianus et vir eloquentissimus 342. Apologiam pro Christianis obtulit Hadriano 342. Anno CXXIV 342. Perijt hoc opus 343. Fragmenta 344. 346.
Aristo Pellaes 349. Iudaeo-Christianus 349. Platonicus? 349.

Altior eius sententia de persona Christi 362 s. Scripsit *Ἰάσονος καὶ Παπίσκου ἀντιλογία* (περὶ Χριστοῦ) 349. 351. Intra annos CXXXVI—CLX 350. In latinum sermonem vertit Celsus saeculo quinto 352 s. Alia scripta perperam ei afficta 353 ss. Fragmenta 356 s.

Aristoteles de principiis 16 D (n. 7).

Athena filia Iovis ab Atheniensibus adorata 426. c. 5. Eius adulterium cum Hephaesto ibid. Societatem habebat cum Hercule fratre ibid.

Athenienses 413. Adoraverunt Dionysum, quia primus plantavit vitem in regione ipsorum 426. c. 5 (466. n. 153). Et Athenam, quia aedificavit arcem Athenarum etc. 426. c. 5.

Ali Adiabena adorata a Syris etc. 426. c. 5 (468. n. 164).

Augustus 411 s.

B.

Bacru patricius Edessae 426. c. 5 (469. n. 165).

Balti, regina Cypri, a Phoenicibus adorata etc. 426. c. 5 (467. n. 159).

Baptismus donat peccatorum remissionem 418 (452. n. 83). De eo scripsit Melito 397.

Belat — eius filia medica 426. c. 5 (469. n. 164).

C.

Caesarum simulacra adorantur a gentilibus 425. c. 4 (464 s. n. 145 s.). A diis vectigalia et tribula penduntur Caesari 425. c. 4 (465. n. 147).

Carneades nihil comprehendi posse statuit ac veritati falsam speciem semper adhaerescere 22 D (n. 10).

Cherubim auriga Christus 421 (457. n. 106).

Christus dei logos ante saecula 413 (438. n. 24). Deus verus ante saecula 416 (444. n. 45). Θεός (sine artic.) 445. Θεολογείται 348. 372 (373. n.). Solus est deus 347 (348. n.). Vid. *Logos*. Est deus simul et homo 416 (443.

n. 41 et 446. n. 47). 420 (455. n. 98). Corpus induit, sed aeternitatem naturae suae divinae non coarctavit 420 (456. n. 99). Palefecit deitatem per miracula triennio post baptismum perpetrata, humanitatem vero triginta annis baptismum antegressis 416. Quae post baptismum gessit latentem eius in carne deitatem declarabant 415.

Christus sibi corpus humanum texuit 420. A Maria portatus est 420. In virgine corporatus 421. 423. In utero virginis incarnatus 419. 420. Anima humana praeditus 486 (491. n. 2). Per tres annos docuit 416 (443. n. 42). Traditus est in manus peccatorum 487. Vinculus 487. Sicut aries 416. Ad instar arietis, quem vidit Abrahamus detentum in virgulto 418. In latere percussus 487. Crucifixus sicut agnus 416 (448. n. 52). Exaltatus super cornua unicornis 487 (495. n. 12). Clavis fixus in cruce 422. Nudus in cruce 422. Occisus in medio Hierosolymorum 421. Terra tremuit, fugit sol etc.: non enim potuerunt ferre dominum suum pendere a ligno 419 (454. n. 87) 422. Deus passus (occisus) est dextra israelitica 416 (444 ss. n. 46). 422 (459. n. 119). Quo tempore 487 (492 s.). Sepultus die paschalis 487 (495. n. 14). Surrexit e mortuis 421. 422. 423. Adscendit ad altitudinem coeli 421. 422. 423. Sedet ad dextram patris 421. 423. Index vivorum ac mortuorum 487. Rex in saecula 421. — Scripsit Melito librum De creatione et nativitate Christi 393 s. Idem De incarnatione Christi 409. Et De passione 409.

Christum deus misit ut vivificaret hominem et suscicaret 419. Opera eius erant vera, quae oculos spectantium non illuderent 339. n. 2. Est verum pascha (d. 14. m. Nis.) 487 (494. n. 9 coll. 492 s.). Maclatus nos salvavit et immolatus redemit 418. Ex latere suo fudit duo purgatoria: aquam et sanguinem, verbum et

- spiritum 487 (495. n. 13). Iudicatus est, ut gratiam praestaret; vinctus est, ut solveret; passus est, ut misericordiam haberet; mortuus est, ut vivificaret; sepultus est, ut resuscitaret 419. E mortuis surrexit et homines suscitavit 421. Per passionem eius et resurrectionem efficax redditum est lavacrum et martyrium 418 (452. n. 83).
- Christiani** solum deum et Christum colunt 413 (437. n. 22). Nero et Domitianus, malevolorum quorundam consiliis inducti, religionem christianam criminari studuerunt 412 (435. n. 11). Hadrianus noluit eos ob solum nomen puniri 436. n. 15. Antoninus Pius scripsit ad civitates, ne novi quid adversus eos molirentur 413 (436. n. 17). Exagitati sub Marco Aurelio 410 s. (433. n. 2). Eorum constantia a gentilibus pertinacia dicebatur 411 (434. n. 5).
- Christiana doctrina** (religio) = philosophia 367. 411 (434. n. 6).
- Clavis Melitonis** 401.
- Cleanthes** de principiis 22 C (n. 2).
- Clitomachus** statuit nihil posse comprehendere 22 D (n. 10).
- Coeli septem** 357 (363. n. 5).
- Commodus** 434. n. 8.
- Conflagratio** ad iudicium futura 432. c. 12 (478. n. 210).
- Corinthii** iuxta Graeciam Laconicam habitantes (?) 2. n. 3.
- Cornua** = crux 418 (451. n. 78). Christus exaltatus supra cornua unicornis 487 (495. n. 12).
- Credere** per sensum 396 s.
- Crux** designata virgulto Sabec 418 (450. n. 73). Crucis supplicium maledictum 357 (359. n. 3). Christi os non fractum in cruce 421. — De cruce scripsit Melito 409.
- D.
- Daemones** et umbrae 429. c. 9 (474. n. 186).
- Democritus** de principiis 20 B (n. 13).
- Deus** est aliquid quod vere est 423. c. 2. Est ille qui ipse veritas et cuius verbum est veritas 427. c. 7. Si deum esse dicis id quod non est deus, teipsum fallis et coram deo veritatis peccas 430. c. 10. Ante omnia et super omnia 413. Nec factus neque ortus, sed ab aeterno et in saecula 424. c. 2 (461. n. 129). Infectus 427. c. 6. 432. c. 12. Aeternus 427. c. 6. Omni tempore vivens 427. c. 6 (471. n. 171). Nullum verbum potest eum exprimere 424. c. 2 (462. n. 131). Caret figura 427. c. 6. In omni loco est et ubique 431. c. 11. In homine est et extra eum et supra eum 431. c. 11. Nunquam movetur 427. c. 6. Nulla re indiget 427. c. 6 (472. n. 175). Non mutatur, nullus visus potest eum videre, nulla cogitatio eum comprehendere 424. c. 2 (461. n. 130). Est unus dominus universi 429. cc. 9. 10. Pater universi 431. c. 12. Pater et deus veritatis 424. c. 2. Eius potentiâ existit quaevis res 424. c. 2. Fecit cuncta 428. c. 7. Omnia veniunt in manus eius 427. c. 6. Cognoscitur ex operibus 428. c. 8 (473. n. 182). Videtur ab iis qui probe ambulant 432. c. 12 (476. n. 206). Stultitia est colere id quod vere non est 423. c. 2. Primarium bonorum operum est deum cognoscere et colere 427. c. 6. Varias de deo sententiae philosophorum 10 BC. n. 1. 6. — De deo corporeo scripsit Melito 394 ss.
- Dii gentilium** sunt homines (reges) mortui teste Sibylla 425. c. 4 (463 s. n. 144). Vectigalia et tributa Caesari solvunt 425. c. 4 (465. n. 147). — Qui verum deum non colunt, unam ex creaturis (ignem, aquam, terram, aliquam stellam etc.) vocant deum 424. c. 2. Pariter offenderunt in lapides et lignum, in aurum et argentum 424. c. 3. 431. c. 11 (475. n. 199). Dant aurum artificibus, ut faciant ipsis deum etc. 428. c. 7. Itaque divitias suas adorant 428. c. 7. Num id est deus quod custodiendum est 430. c. 10 (474. n. 192). Deos vocant opera manuum hominum 425. c. 3 (463.

n. 142 s.). Adorant et verentur ea quae sensuum sunt expertia 425. c. 4 (465. n. 150). Faciunt sibi deos ex ipsa terra, matre sua 425. c. 3 (463. n. 140 s.).

Diabolus insurrexit Christi regno 415 (441. n. 36). — De eo scripsit Melito 389.

Dies dominica — de ea scripsit Melito 400.

Diluvium triplex: venti, aquarum, ignis 432. c. 12 (476. n. 207 ss.).

Dionysius Arcopagita primus Atheniensium episcopus 345. Martyrio coronatus 345. Sub Hadriano ? 345 s.

Dionysus adoratus ab Atheniensibus 426. c. 5 (466. n. 153).

Domitianus contra Christianos 412 (435. n. 11).

E.

Ecclesiae sponsus Christus 421.

De ea librum scripsit Melito 389.

Eclogae Melitonis liber 400 s.

Elamitae adoraverunt Nani 426. c. 5 (467. n. 163).

Elementa quattuor — eorum harmoniam esse animam nonnulli philosophi dixerunt 4 C (n. 10).

Eleutherus 341.

Elisaeus sanavit Hadad regem a lepra 426. c. 5.

Empedocles de principiis 14 A (n. 1). Fruticem me facit 10 B (n. 20).

Epicurus de principiis 22 C. Infinitos mundos admittit 28 A (n. 2).

Erechtheus (Erichthonius), rex Athenarum, filius Athenae ex adulterio cum Hephaesto 426. c. 5.

Error — homo, qui diu captus erat errore, non facile ad rectam viam adducitur 423. c. 1 (461. n. 126). Nebula erroris prohibet a recto visu 423. c. 1. Homo opinatur se non errare, quando cum multis errat 423. c. 1 (461. n. 128). Propter multos, quibuscum errat, erubescit errorem deponere 424. c. 3 (462. n. 138).

Esca nulla repudianda, quae rationalis et humana 341.

Estherae liber a Melitone in in-

dice librorum V. T. omittitur 439. n. 25.

Evangelistae peregre proficiscentes, ut Christum praedicent 333.

Exhalatio est anima iuxta aliquot philosophorum opinionem 4 B (n. 9).

F.

Fides — De fide librum scripsit Melito 409. Item De obedientia fidei quae fit a sensibus 396 s.

Filius — in eo mundus factus 357 (360 ss. n. 4). A deo missus, ut vivificaret hominem et resuscitaret 419.

Fundanus Asiae proconsul, ad quem literas dedit Hadrianus 313 (435. n. 15).

G.

Gebal arx Phoenicum 426. c. 5 (467. n. 160).

Gentiles simulacra hominum (regum) mortuorum adorant 425. c. 4 (464. n. 144). Magis venerantur simulacra Caesarum quam veteres deos 425. c. 4 (465. n. 146). Vid. *Dii*. — Eos libris oppugnantur Miltiades 368 s. et Apollinaris 481.

Gnostici scriptis impugnati a Melitone 392—399.

H.

Hadad rex Syriae 426. c. 5 (469. n. 164).

Hadran simulacrum Zaraduscht 426. c. 5 (470. n. 166).

Hadrianus — vid. *Aristides*, *Christiani*, *Fundanus*, *Iudaei*, *Quadratus*.

Hebraeus — vid. *Syrus*.

Hephaestus scortator 426. c. 5.

Heraclitus de principiis 20 B (n. 17).

Hercules cur adoratus ab Argivis 425. c. 5. Amicus eius Zoradi 425. c. 5 (465. n. 152).

Hermias Proll. p. XXX—XXXVII. Philosophus XXXIV. Scripsit saeculo secundo (aa. 180—200) XXXVII ss. (XLVI). Gentilibus XLII. Passim erravit: 13. n. 10. 16. n. 11. 22. n. 5.

Homo a logo cum patre formatus 423. Constat ex tribus partibus 393. Animal rationale, liberum ac cognoscens veritatem 427. c. 6 (471. n. 168). Habet liberum arbitrium 428. c. 8 (473. n. 179). 429. cc. 9. 10. Ut eligat quod bonum est 428. c. 8 (473. n. 180). Mens hominis est ipsa dei similitudo 427. c. 6 (472. n. 172). — Scripsit Melito De formatione hominis 392. Idem De natura hominis 393.

Hospitalitas — de ea librum exaravit Melito 408.

I.

Iason Hebraeus Christianus 352. Presbyter? 352.

Idololatria — vid. *Dii*.

Iesus — vid. *Christus*.

Ignis est anima, ut quidam philosophi opinantur 4. n. 9. — Ignis iudicii 432. c. 12 (477. n. 209).

Ignorantia accusationem non admittit 486.

Inspiratio — vid. *Prophetae*.

Ioannes — de eius Apocalypsi Melito scripsit 389.

Ioseph diclus Serapis 426 c. 5 (466. n. 154).

Irenaei liber apologeticus ad Gentiles VII.

Isaacus typus Christi cruciferi 440. n. 54 et passuri 417 (446. n. 48).

Israel nomen honorificum 422 (459. n. 113). Cf. Addenda.

Iudaei post, quam Bar-Cochba devictus est, lege Hadriani in regionem circa Hierosolyma sitam pedem inferre prohibebantur, adeo ut ne ex longinquo quidem patrium solum prospicere ipsis liceret 357 (358. n. 1). Eorum canon V. T. 414 (439. n. 25). Christianis locum Deuter. XXI, 23 obiciebant 360. — Eos libris oppugnavit Aristo 349 s. et Miltiades 368 s.

Iudicium 429. c. 9. 432. cc. 12. 13. Christus iudex vivorum ac mortuorum 487.

Iuppiter rex Cretae 426. c. 5 (467. n. 155). Moechatus cum Alcmena 426. c. 5.

Iustinus Phil. et Mart. imitatus Aristidem (Hieronymo teste) 342.

K.

Kuthar rex Phoenicum 426. c. 5 (467. n. 159).

Kuthbi Hebraea a Mesopotamiis adorata etc. 426. c. 5 (469. n. 165).

L.

Laodiceae controversia orta est de sollemnitate paschali 415 (441. n. 33. 35).

Larissaei 413

Legio fulminea 486 (487 ss. n. 1):

Leucippus de principiis 20 A (n. 8).

Lex et prophetae 413. 423.

Liberum arbitrium 428. c. 8. Deus homini dedit, ut quocunque modo velit se gerere possit 429 c. 9.

Logos dei 413 (438. n. 24). Mens perfecta 420 (457. n. 103). Ante lucem (solem) genitus 420. 422. Deus ex deo 421. Primogenitus dei 422. Incorporeus 419 (455. n. 97). Invisibilis, incomprehensibilis, incommensurabilis, impassibilis, immortalis, coelestis 419 (454. n. 89. 90. 91). Vid. *Christus*. Mundi principium 360 z. Creator cum patre 420. Mundum ornavit 422. Coelum et terram fecit et cum patre hominem formavit 423. In omnibus omnia erat: in patriarchis patriarcha etc., Noacho gubernator, Abrahamum duxit etc. 420.

Lumina = stellae 454. n. 87.

M.

Mabug 426. c. 5 (470. n. 166). Prope hoc oppidum puteus, in quo spiritus impurus etc. 426. c. 5 (471. n. 166).

Malum 428. c. 8 (473. n. 179).

Marcus Aurelius iussit eos puniri qui novas religiones inducerent: inde Christianorum persecutiones in Asia 410 s. (433. n. 2).

Maria pura, pulchra 421.

Martyrium Christi causa remissionem peccatorum donat 418 (452. n. 83).

Melissus de principiis 12 D (n. 9).

Melito Asianus 374 (n. 1). Episcopus Sardianus 374. Aequalis Apollinari 374. Floruit Marco Aurelio imperante 374. Mortuus non diu post a. CLXX 375. Caelebs 375. Elegans eius ingenium 375. Magnum lumen 374. Modestus et prudens 433. n. 4. Doctrinam verae fidei ab apostolis traditam defendit 375. Philosophus 375. Platonius 392 coll. 396. Montanista? 386 ss. Chiliasta 388. n. 37. 442. n. 37. In Palaestina libros V. T. accurate cognovit 414. Ab eo non exorti sunt Meletiani 388. n. 37. Per multos libros scripsit: quorum indiculum contexit Eusebius 375 ss. Apologiam pro Christianis obtulit Marco Aurelio a. CLXX 377 ss. Fragm. I. II. 410 ss. Alia scripta ad controversias illius temporis spectant 386. I. Ad controversias montanisticas: 1^o. *Περὶ πολιτείας τῶν προφητῶν* 388. 2^o. *Περὶ προφητείας* 389. 3^o. *Περὶ ἐκκλησίας* 389. 4^o. *Περὶ τοῦ διαβόλου καὶ ἀποκαλύψεως Ἰωάννου* 389. Fragm. V. 415. — II. Ad controversias gnosticas: 5^o. *Περὶ ἀληθείας* 392. 6^o. *Περὶ πλάσεως* 392 s. 7^o. *Περὶ φύσεως ἀνθρώπου* 393. 8^o. *Περὶ ψυχῆς καὶ σώματος καὶ νοός* 393. Fragm. XIII syr. 497. lat. 419. 9^o. *Περὶ κτίσεως καὶ γενέσεως Χριστοῦ* 393 s. 10^o. *Περὶ ἐνσώματου Θεοῦ* 394 ss. 11^o. *Περὶ ὑπακοῆς πίστεως αἰσθητηρίων* 396. 12^o. *Περὶ λουτροῦ* 397 ss. — III. Ad controversias inter Iudaeo- et Ethnico-Christianos: 13^o. *Περὶ τοῦ πάσχα* 399 s. Fragm. IV. 415. 14^o. *Περὶ κυριακῆς* 400. — Porro ad Vetus Testamentum spectant: 15^o. *Ἐκλογαί* 400 s. 410. Fragm. III IX. X. XI. XII. 413 s. 416 ss. (coll. 456. n. 102) et fortasse 16^o. *Ἡ κλέις* 401 s. — Praeterea, ut alii testantur, scripsit: 17^o. *Περὶ φιλονεικίας* 408. 18^o. *Περὶ σαρκώσεως Χριστοῦ* 409. Fragm. VI. 415 s. 19^o. *Εἰς τὸ πάθος* 409. Fragm. VII. 416.

XVI syr. 499 ss. lat. 421 ss. 20^o. De cruce 409. Fragm. XIV syr. 498. lat. 419 s. 21^o. De fide 409 s. Fragm. XV syr. 498 s. lat. 420 s. — Scripta Melitonis Christum deum et hominem praedicant: Fragm. VIII. 416. Melito non est ille anonymus (ap. Euseb.), qui contra Cataphrygas scripsit 369. 388. — Libri subditi-cii: 1^o. Apologia ab interprete Syriaco servata, syr. 501 ss. lat. 423 ss. Quid de ea statuendum 379 ss. 2^o. Clavis sacrae scripturae 402 ss. 3^o. Commentarius in Apocalypsin 390. 4^o. L'Apocalypse de Méliton 390. 5^o. De passione S. Ioannis evangelistae 390 s. 6^o. De transitu beatae Mariae virginis 391.

Mens hominis est ipsa dei similitudo 427. c. 6 (472. n. 172). Est non visibilis et caret figura 427. c. 6. — Anima est mens secundum aliquot philosophorum opinionem 4 B (n. 9).

Mesopotamii adoraverunt Kuthbi Hebraeam 426 (469. n. 165).

Metempsychosis exagitur 8. 10.

Miltiades inclaruit ante tempora Victoris 364. Septimo saeculi secundi decennio 365. Olim gentilis sophista 365. Fortasse scripturarum sacrarum lectione ad rem christianam perductus 365. Sincerae fidei doctor 364. Ecclesiarum sophista 365 ss. Scripsit Apologiam pro Christianis ad Marcum Aurelium et Lucium Verum 367 s. Praeterea duos libros Ad Gentiles et totidem Ad Iudaeos 368 s. Librum contra Montanistas, in quo non decere prophetam in ecstasi loqui docuit 369 s. Contra Miltiadem librum prodixerunt Montanistae 371. Non scripsit contra Valentinianos pecularem librum 371. Divinitatem Christi propugnat 372 (373. n.). Fragmentum 372.

Miracula Iesu Christi 339. n. 2. Latentem eius in carne deitatem declarabant 415. Sanati et ad vitam revocati usque ad tempora Quadrati erant superstites 339 (340. n. 4).

Montanistae quo tempore orti 482. n. 4. Libris impugnati ab anonymo (ap. Eus.) 369, Miltiade 369 s., Apollinari 481 s. Melitonis scripta ad controversias montanisticas spectantia 388 s. Montanistae contra Miltiadem scripserunt 371.

Mors hominem dividit 419 (464. n. 86).

Motio est anima ex nonnullorum philosophorum sententia 4 B (n. 9).

Mundus in filio factus 357 (360. n. 4). Variae de eo opiniones philosophorum 10 C (n. 4). Mundi innumeri 29. n. 2. Anima mundi 23. n. 7. — Conflagratio mundi ad iudicium futura 432. c. 12 (478. n. 210).

N.

Nani, filia regis Elam, adorata ab Elamitis 426. c. 5 (467. n. 163).

Nebo in Mabug, simulacrum Orphei 426. c. 5 (470. n. 166).

Nehemiae liber a Melitone nominatim non memoratur 439.

Nero contra Christianos 412 (435. n. 11).

Numerus movendi vi praeditus anima iuxta aliquot philosophos 4 C (n. 10).

O.

Onesimus amicus Melitonis 401. Accepit ab eo indicem librorum V. T. 414 (438 s. n. 25).

Opera tua erunt tibi divitiae, quae non deficiunt 427. c. 6 (472. n. 174). Primarium bonorum eperum est ut deum cognoscas et eum colas 427. c. 6. Damnaberis pro operibus malis 429. c. 9.

Orpheus (Nebo) magus Thracius 426. c. 5 (470. n. 166).

P.

Papiscus Alexandrinus Iudaeus 352.

Parmenides de principiis 13. n. 10.

Pascha — controversia de eo orta Laodiceae 415 (441. n. 33) 486 s. (492 ss.). Decima quarta verum domini pascha 487 (494. n. 9 coll. 492 s.). — Melito scripsit De

paschate 399. Item Apollinaris 484.

Paulus beatus apostolus 2. n. 2.

Peccatorum remissionem donant martyrium et baptismus 418 (452. n. 83). Doleas super patrem tuum, qui prave ambulabat: molestia potest ei prodesse 431. c. 12.

Persecutio Christianorum 412 (435. n. 11). In Asia 410 s. (433. n. 2).

Pherecydes de principiis 18 A (n. 4).

Philosophi diversas protulerunt sententias de anima — vid. *Anima*. De deo et mundo 10. n. 1. De rerum principiis 11. n. 7.

Philosophia, sapientia huius mundi, ab angelorum defectione principium accepit 2 B (n. 6). Hinc philosophi inter se de omnibus decertant 2 B. — Philosophia = doctrina christiana 367. 411 (434. n. 6). Hinc philosophi christiani: qui sequuntur sapientiam divinam Proll. p. XXXIV.

Phoenices adoraverunt Balti 426. c. 5 (467. n. 159).

Plato de principiis 16 C.

Polytheismus — vid. *Dii*.

Princeps iustus nihil iniuste constituit 411.

Principium mundi filius (logos) 360 s. — De principiis diversae philosophorum sententiae 10 C (n. 7).

Prophetiae logo moventur 420. Lex et prophetiae 413. 423. — De prophetis Melito scripsit 388 s. Protagoras de principiis 14 B (n. 4).

Purgatoria duo Christus fudit ex latere suo 487 (495. n. 13).

Pythagoras omnia ex numeris componit 24 A (n. 2).

Pythagorici graves homines et taciturni placita sua tradunt quasi quaedam mysteria 24 A. In metiendo mundo occupantur 26 C.

Q.

Quadratus Magus 337. Apostolorum discipulus 334. Evangelista 333. Propheta 334. Apologiam pro Christianis obtulit Hadriano 334. Anno CXXIV (in

Graecia) 335. Huius operis fragmentum 339. Aliud male eidem auctori tributum 341.

Quadratus episcopus Athenarum 335 s. Tempore Marci Aurelii 337.

R.

Regnum tum demum potest in pace gubernari, quum rex cognoscit deum veritatis etc. 430. c. 10.

Religio christiana = philosophia 367. 411 (434. n. 6). Populis illuxit sub Augusto 411. Bono publico adolevit 412. Nero et Domitianus eam criminari studuerunt 412. Ab his deinceps falsa adversus Christianos calumnia manavit ad posteros 412.

Remissio peccatorum — vid. *Peccata*.

Rex proponat in seipso exemplar omnium bonorum operum 430. c. 10.

S.

Sabec 450. n. 72. H. e. dimissio 418 (452. n. 81). Designabat crucem 418 (450. n. 73).

Sagaris episcopus Laodiceae 415 (441. n. 34).

Salomonis Proverbia sive Sapientia 414 (440. n. 32).

Sanguis est anima secundum aliquot philosophorum sententiam 5. n. 11.

Sapientes — multi eorum adorant ea quae sensuum sunt expertia, propter lucrum etc. 425. c. 4.

Scripturae sacrae V. T. iuxta canonem Palaestinensem 414 (439. n. 25). Lex et prophetae 413. 423.

Serapis i. q. Ioseph Hebraeus 426. c. 5 (466. n. 154).

Servilius Paulus proconsul Asiae 415 (440. n. 33).

Severiani 483.

Sibylla de diis gentilium 425 (463. n. 144).

Sidera — animam vim ab iis promeantem esse nonnulli philosophi dicunt 4. n. 10.

Simi filia Hadad 426. 427. c. 5 (468. n. 164. 470. n. 166).

Simulacra (statuae 428. c. 7) hominum (regum) mortuorum adorantur a gentilibus 425. c. 4 (464 s. n. 144). Caesarum 425. c. 4 (464 s. n. 145 s.).

Sophistae contendunt magis quam veritatem inveniunt 4 C (n. 14). Sophista ecclesiarum Miltiades 365 ss.

Spiritus est anima iuxta quosdam philosophos 4 C (n. 11). Vid. *Trias*. — Spiritus impurus in puteo prope Mabug 426. c. 5 (471. n. 166).

Stellae secundum iussum currunt 424. c. 2.

Syrus et Hebraeus interpretes 418 (451. n. 77).

Syri adoraverunt Ati Adiabenam 426. c. 5 (468. n. 164).

T.

Thales aquam omnium principium esse statuit 14 B (n. 8).

Thammuz, filius Kuthar, amatus a Balti etc. 426. c. 5 (467. n. 159).

Thessalonicenses 413.

Trias: spiritus non memoratur una cum patre et filio 413 (437. n. 22).

V.

Vectigalia et tributa a diis penduntur Caesari 425. c. 4 (465 n. 147).

Veritas est aliquid quod non est formatum nec factum nec fictum 427. c. 7. Utitur verbo sicut stimulo 423. c. 1. Homo quum recedit ab errore paullulum, accipit commonitionem veritatis 423. c. 1. Veritati semper falsam speciem adhaerescere docuerunt Clitomachus et Carneades 22 D (n. 10). Vid. *Error*. — De veritate scripserunt Melito et Apollinaris 392. 481.

Vetus Testamentum: eius libri 414 (439).

Vita aeterna quae non moritur 427. c. 6 (471. n. 170).

Umbrae 429. c. 9 (474. n. 186).

Unitas est anima ex sententia

- aliquot philosophorum 4 C (n. 11).
Voluptas a nonnullis philosophis vocatur bonum animae, ab aliis malum, ab aliis medium quoddam 6 D (n. 2).
Vulgus sine iudicio rumoribus fidem habet 412.
- Z.
- Zaraduscht (Zoroaster) — vid. *Zoradi*.
Zoradi sive Zaraduscht, magus Persicus 426. c. 5 (470. n. 166) et amicus Herculis 425. c. 5 (465. n. 152).
-

III. Index locorum

quos Apologetae in hoc volumine editi respexerunt.

Designat c. caput, p. paginam, n. notam.

1. Scriptorum sacrorum.

Genes. 1, 1.	Aristo	Fragm.	3. p. 357 (360. n. 4).
— 1, 9.	Melito	—	16. p. 422 (459. n. 114).
— 1, 26.	Ps.-Mel.	Apol.	6. p. 427 (472. n. 173).
— 7.	—	—	12. p. 432 (477. n. 208).
— 22, 6.	Melito	Fragm.	9. p. 417 (448. n. 54).
— 22, 9.	—	—	9. p. 417 (449. n. 60).
— 22, 13.	—	—	10. p. 417 (450. n. 66).
— —	—	—	11. p. 418 (450. n. 72).
— —	—	—	12. p. 418 (451. n. 76).
— —	—	—	12. p. 418 (451. n. 79).
— —	—	—	12. p. 418 (451. n. 80).
Deuteron. 21, 23.	Aristo	—	2. p. 357 (359. n. 3).
— 32, 20—22.	Ps.-Mel.	Apol.	12. p. 432 (477. n. 209).
— 33, 17.	Apollin.	Fragm.	4. p. 487 (495. n. 12).
Psalm. 18, 4.	Ps.-Mel.	Apol.	3. p. 424 (462. n. 137).
— 92, 10.	Apollin.	Fragm.	4. p. 487 (495. n. 12).
— 113, 4. 5.	Ps.-Mcl.	Apol.	3. p. 425 (463. n. 143).
— 134, 15—17.	—	—	3. p. 425 (463. n. 143).
Iesai. 53, 7.	Melito	Fragm.	9. p. 416 (448. n. 50).
— —	—	—	9. p. 417 (449. n. 62).
— —	—	—	16. p. 421 (458. n. 109).
Ezech. 47, 4.	—	—	12. p. 418 (452. n. 82).
Matth. 6, 20.	Ps.-Mel.	Apol.	6. p. 427 (472. n. 174).
— 11, 5.	Melito	Fragm.	15. p. 421 (457. n. 104).
— —	—	—	16. p. 421 (458. n. 110).
— 12, 29.	—	—	13. p. 419 (455. n. 92).
— —	Apollin.	—	4. p. 487 (494. n. 9).
— 15, 14.	Ps.-Mel.	Apol.	3. p. 425 (463. n. 139).
— 26, 45.	Apollin.	Fragm.	4. p. 487 (495. n. 11).
— 26, 60.	Melito	—	16. p. 422 (459. n. 117).
— 27, 34.	—	—	16. p. 422 (459. n. 118).
— 27, 39—43.	—	—	16. p. 422 (459. n. 116).
— 27, 60.	Apollin	—	4. p. 487 (495. n. 15).
— 28, 2.	—	—	4. p. 487 (495. n. 15).
Marc. 3, 27.	Melito	—	13. p. 419 (455. n. 92).

Marc.	3, 27.	Apollin.	Fragm.	4. p. 487 (494. n. 9).
—	8, 18.	Ps.-Mel.	Apol.	11. p. 431 (475. n. 201).
—	12, 30.	—	—	9. p. 429 (474. n. 185).
—	14, 41.	Apollin.	Fragm.	4. p. 487 (495. n. 11).
—	14, 56.	Melito	—	16. p. 422 (459. n. 117).
—	15, 46.	Apollin.	—	4. p. 487 (495. n. 15).
—	16, 3. 4.	—	—	4. p. 487 (495. n. 15).
Luc.	7, 22.	Melito	—	15. p. 421 (457. n. 104).
—	—	—	—	16. p. 421 (458. n. 110).
—	10, 27.	Ps.-Mel.	Apol.	9. p. 429 (474. n. 185).
—	23, 35.	Melito	Fragm.	16. p. 422 (459. n. 116).
—	24, 2.	Apollin.	—	4. p. 487 (495. n. 15).
Ioann. ev.	—	—	—	3. p. 492 ss.
—	3, 14.	—	—	4. p. 487 (495. n. 12).
—	8, 28.	—	—	4. p. 487 (495. n. 12).
—	12, 32.	—	—	4. p. 487 (495. n. 12).
—	17, 17.	Ps.-Mel.	Apol.	7. p. 428 (472. n. 176).
—	19, 34.	Apollin.	Fragm.	4. p. 487 (495. n. 13).
—	20, 1.	—	—	4. p. 487 (495. n. 15).
Actt.	8, 32.	Melito	—	9. p. 416 (448. n. 50).
—	10, 42.	Apollin.	—	4. p. 487 (494. n. 10).
Ad Roman.	10, 18.	Ps.-Mel.	Apol.	3. p. 424 (462. n. 137).
I. ad Corinth.	3, 19.	Herm.	Irris.	1. p. 2. n. 5.
Galat.	3, 13.	Aristo.	Fragm.	2. p. 357 (359. n. 3).
Hebr.	11, 17.	Melito	—	9—12. p. 416—418 (446. n. 48).
Apoc.	20, 7. 8.	—	—	5. p. 415 (442. n. 37).

2. Scripterum profanorum.

Delph. orac.	Herm.	Irris.	c. 9. p. 28. n. 13.
Homer. Il. 14, 200 s.	—	—	c. 10. p. 30. n. 6.
(301 s.)	—	—	c. 1. p. 3. n. 8.
Iustin. Cohort. c. 7.	—	—	c. 7. p. 23. n. 9.
Plat. Phaed. p. 229 D.	—	—	c. 4. p. 425. n. 144.
Sibyll. Oracc. 3, 722 s.	Ps.-Mel.	Apol.	

IV. Index scriptorum

ab editore (p. V—LI. 2—31. 331—512) allegatorum.

Numeri designant paginas.

1. Scriptorum veterum.

(Aliquot emend. aut expl.)

- Ado 336. 343. 344. 346.
Adscensio Iesaiæ 363.
Aeneas Gaz. XXIII.
Aeschylus 12. 19.
Aireranus 456.
Albinus XVI.
Alcmaeon 4.
Alexander monach. XX.
Ambrosius 379.
Anastasius Sin. 375. 409. 442 (em.).
444.
Anaxagoras 4. 12.
Anaximander 16. 29.
Anaximenes 13. 29.
Antisthenes 7.
Apollinaris Hierap. 369. 450. 455.
— Laodic. 485.
Apollonius Rom. VI.
Aquila 359.
Archelaus 16.
Aristides XXXIV.
Aristippus 7.
Aristotelés 4. 5. 17. 21. 31.
Arnobius 464.
Asterius Urbanus 369.
Athanasius XVII. 394.
Athenagoras (Corp. Apoll. Vol. VII)
XXXIV. XXXVII. XXXIX. XLIII.
17. 19. 362. 375. 457. 461. 463.
464. 474.
Augustinus XXXV. XLIX. 396. 466.
478. 495.
Bardesanes 379.
Bar-Hebraeus 358. 470.
Bar-Serapion 379.
Basilius XIV. XVI.
Beda 341.
Cabasilas XVII.
Caius Rom. 364.
Capitolinus 489.
Carneades 23.
Celsus philos. (saec. II) 350 s. —
Interpr. operis Ariston. (saec. V)
352 s. 356.
Chronicon paschale 353 (em.). 378.
379. 383 (n. 26). 437. 480. 484.
491 (em.). 492. 494.
Chrysostomus 495.
Cicero 4. 7. 16. 18.
Cleantes 22.
Clemens Rom. XLII. 445. — Ps.-
Clemens 9. 345. 349. 396. — Alex.
XLII. XLV. 18. 23. 360. 361. 389.
399. 452. 462. 463. 492.
Clitomachus 23.
Critias 5.
Cyprianus 399. 452. 488.
Cyrillus Alex. XXI. XXXVII.
Democritus 4. 7. 20. 29.
Dio Cassius 489.
Diogenes Laert. XXXVI. 16. 17. 18.
20. 22. 24.
Dionysius Corinth. 335. 400. — Alex.
397. — Telmahhar. 469. 470.
Empedocles 5. 10. 14.
Epicurus 7. 20. 29.
Eucherius 402.
Eunomius XIV. XV. XVI.

- Eusebius Caes. VII. XXXIV. 333.
 334. 335 s. (expl.). 339. 342. 345.
 349. 354. 356. 364. 367 (expl.).
 368 s. (expl.). 371 s. (expl.). 373.
 376 s. (em. et expl.) 380 s. (expl.).
 433. 437 (em.). 438. 440 (em.).
 446. 479. 480. 481 (em.). 482
 (expl.). 487. 491 (em.). — Emes.
 451. — Thessal. 338.
 Euthymius 444.
 Firmicus Matern. 445. 466.
 Firmilianus 398.
 Gennadius 388. 396 (em.).
 Gregentius 450.
 Gregorius Naz. XIV. XVI. XIX.
 XLVIII. 359. 444. — Nyss. XIV.
 — Magn. 404 s.
 Hegesippus 340. 363.
 Heraclas XXXIV.
 Heracleo 396.
 Heraclitus 4. 21.
 Hermes Trism. XVII. XXXV. 401.
 Hermias: multi huius nominis XXXV
 —XXXVII.
 Herodotus 19. 28.
 Hieronymus VII (err.). 335. 336
 (err.). 342. 357. 361 (err.). 365
 (err.). 369 (err.). 376 (err.). 377
 (err.). 387 (em. et expl.). 394.
 480. 482 (err.).
 Hilarius 357. 360.
 Hipparchus (Hippasus) 4. 5.
 Hippo 5.
 Hippolytus XLII. XLVIII. 4. 5. 16.
 20. 21. 373. 443. 493.
 Homerus 20. 30.
 Ignatius XXIII. 400. 445.
 Ionathan (Pseudo-) 361.
 Iosephus XVI. 352. 442.
 Irenaeus VII. XLVIII. 340. 393.
 399. 409. 410. 443. 449. 454. 461.
 Isidorus 456.
 Isocrates 379. 442.
 Iulianus XIX. XX. XXI.
 Iustinus Mart.: 1^o. Opera indubitata
 (Corp. Apoll. Vol. I—II) XXXIV.
 XXXVII. XL. 335. 358. 360. 362.
 373. 393. 400. 434. 438. 445. 448.
 462. 463. 464. 472. 473. 476. 477.
 495. — 2^o. Dubia (Vol. III) XXXVIII.
 3. 17. 393. 454. 463. 473. 474.
 475. — 3^o. Subditicia (Vol. IV—
 V) XIV. — 4^o. Acta martyrii (Vol.
 III) 443.
 Lactantius 464.
 Lampridius — vid. Add.
 Leo Bulg. XVII.
 Leucippus 7.
 Libellus synodicus 483 (err.).
 Livius 465.
 Lucianus XL. 21. 29. 470. 471.
 Macrobius 5. 470.
 Marcus Diac. 348.
 Maximus Tyr. 23. — Conf. 349. 350
 (em.). 357. 410.
 Meletius Antioch. 458. 459. — Se-
 bastopol. 458.
 Melissus 13.
 Melito XXXIV. 367. 369. 481.
 Menander 379.
 Minucius Fel. 464. 474. 475.
 Modestinus 433.
 Moses Choren. 354.
 Nemesius 18.
 Nicephorus 358. 369. 481.
 Nicetas Chon. 444.
 Notkerus 347.
 Olympiodorus XIII.
 Onkelosus 361.
 Origenes 17. 351 (expl.). 362. 374.
 394. 395 (em.). 396. 402. 441.
 443. 451. 452.
 Pantaenus XXXIV.
 Parmenides 13.
 Paulus Iul. 433.
 Pherecydes 19.
 Philaster XXXV.
 Philippus Sid. XXXIV.
 Philo 402.
 Philoponus 21. 493.
 Philostorgius 359.
 Philostratus 23.
 Photius 366. 469. 479. 484.
 Pierius 484.
 Plato 4. 7. 9. 12. 13. 15. 17. 20.
 23. 29. 379.
 Plinius 348. 468.
 Plotinus L.
 Plutarchus 4. 5. 7. 8. 12. 15. 17.
 18. 22. 24. 470.
 Pollux 366.
 Polycrates Eph. 374. 375. 387. 399.
 441.
 Pomponius Mela 468.
 Porphyrius L.
 Proclus L.
 Protagoras 15.
 Pythagoras 5. 7. 24. 379.
 Quintus Smyrn. 12.
 Rhodon 369.
 Ruffinus 369. 376 (err.). 377 (err.).
 394. 440. 466.

- Seneca 21.
 Serapio 482.
 Sibylla 461. 462. 463. 471. 476. 477.
 Simeon XVI.
 Simplicius 16. 21.
 Socrates Schol. XLVIII. L. 491 (em.).
 Sophonias (Revel. S.) 363.
 Sozomenus XXXVI. XXXVII.
 Stobaeus 17.
 Strabo 469.
 Succensus 451.
 Suidas 350.
 Syncellus 334. 378. 480 (em.).
 Tatianus (Corp. Apoll. Vol. VI)
 XV. XXXVIII. XL. XLII. XLIV.
 365. 367. 434. 461. 462. 464.
 472. 474.
 Tertullianus 4. 358. 362. 365 s. (expl.).
 371 (expl.). 375. 395. 435 (expl.).
 446. 452. 466. 488.
 Testamenta XII Patr. 363. 463.
 Thales 4. 5. 15.
 Theano 379.
 Theodoretus XLVII. L. 395. 479.
 Theodorus Phil. 7.
 Theodotion 359.
 Theodulphus Aurel. 402.
 Theophilus (Corp. Apoll. Vol. VIII)
 XXXVIII. XLIII. 361. 362. 393.
 438. 461. 462. 463. 464. 465. 467.
 471. 472. 473. 474. 475. 476. 477.
 Thomas Aq. 478.
 Usuardus 337. 345. 347.
 Victor Ant. 492.
 Xenocrates 4.
 Xenophon 14. 442. 475.
 Zeno 17.
 Zonaras XVII.
 Zosimus 467.

2. Scriptorum recentiorum.

- Alzog XXXI. LI. 382.
 Aschbach XLII.
 Assemani Ios. Sim. 468. 469. —
 Steph. Evod. 468.
 Ast 23. 29.
 Aubé 381.
 Bade 438.
 Bähr LI.
 Baluze 369.
 Baratier 368. 372.
 Baronius 371. 479.
 Bartoloccius 352. 361.
 Basnage 337. 372. 379.
 Baumgarten-Crusius XLVII. 348.
 371. 372. 373. 392. 393. 395.
 397. 401. 438. 445. 454. 477.
 492. 495.
 Baur F. Chr. XL. LI. 340. 434.
 493. 494.
 Bayle 390.
 Beine XVI.
 Bernstein 379. 467. 512.
 Bickell 383. 391.
 de la Bigne XXX. XXXV.
 Bleck 439. 493.
 Boissonade 23. 444.
 Boll XXXVI.
 Bosse 465.
 Bretschneider 395.
 Brucker XXIII.
 Brunn VIII. XV.
 Buttmann Ph. 14. — Al. 14.
 Cabanes 381.
 Caillau XXX.
 Calosyna XXI.
 Camus 390.
 du Cange (du Fresne) 353. 437.
 Cave XXVI. XXXVII. XLVIII. 337.
 Cavedoni 335. 381. 441. 467.
 Ceillier 369. 371. 394. 446. 488.
 Charpentier LI.
 Chateaubriand 343.
 Closs 337. 435. 482. 488.
 Colomesius 343.
 Combefis 391.
 Cowper 458. 459. 460.
 Coxe XIX.
 Credner 365. 386. 434.
 Creuzer 466. 467.
 Crusius Mg. 403.
 Cureton 374. 380. 381. 382. 409.
 433. 453. 460. 466. 476. 512.
 Dallaeus 335. 346.
 Danaeus XXXV. 396.
 Daniel XLIV. 445.
 Danz 354. 368. 386. 389. 394. 401.
 404. 409. 436. 482.
 Darmarios XVIII. XIX. XX. 483.
 Davisius 18.
 Delitzsch 440.
 Demetrius Cydon. XVII. XXI.
 Derling 364. 366. 368. 369. 371. 373.
 Diestel 439.
 Dillmann 477.

- Dindorf Lud. 353. 438. 480. — Guil.
 in Add.
 Dodwell 368.
 Dommerich XXVIII.
 Dorner 338. 341. 362. 363. 443.
 445. 491.
 le Duc XXIV.
 Dursch 394. 404.
 Ebrard 340.
 Eckhel 437. 490.
 Eichhorn 439.
 Enger 391.
 Ericius XIII.
 Ewald 372. 383. 392. 453. 455. 512.
 Fabricius XXI. XXXV. XXXVI. 333.
 335. 342. 343. 349. 353. 364. 366.
 374. 391. 477.
 Fessler XLI. LI.
 Florentini 391.
 Freppel XL. XLII. 381. 406.
 Gale XVIII. XXVI. XLVII.
 Gallandi XXVII. 333. 349. 352. 353.
 369. 374. 402. 437. 477.
 Gass 453.
 Gataker 4.
 Gesenius 469. 470.
 Gesner XXIII.
 Gieseler VII. LI. 362. 386. 391.
 395. 400. 433. 437.
 von Goethe VII.
 Grabe 333. 337. 342. 343. 349. 402.
 410. 447. 463.
 Grässe XXXVI.
 Greppo XXXI.
 Grimm Vilib. 24. 440. 468.
 Guericke 343. 381.
 Guilletière (Guillet) 343.
 Guillon XXX.
 Gutschmid 335.
 Haakh 335. 336. 378. 491.
 Halloix 447.
 Hamberger 395.
 Hartel — vid. Add.
 Hase C. B. 353. 381. — C. A. LI.
 381. 443.
 Hasse LI.
 Hefele 370. 395. 483. 491.
 Heine 391.
 Heineccius 366.
 Heinichen VII. 337. 339. 368. 373.
 375. 376. 381. 389. 436. 440.
 Henke XLVII.
 Henschen 337. 341. 394.
 Herzog 337.
 Heumann XXXIV.
 Hilgenfeld 386. 395. 400. 409. 438.
 440. 443. 445. 446. 450. 451. 453.
 455. 492. 495. 535.
 Hoffmann Andr. Theoph. 468.
 Iacobi 381. 382. 383. 385. 464. 472.
 Iriarte XX. XXI.
 Ittig 372.
 Iunius 366.
 Kahnis 386.
 Karsten 13. 14.
 Kaye, Io., episc. Linc. 373.
 Keil 349. 354. 367. 369. 371. 394.
 403. 482.
 Kellner L.
 Kontogonis VIII. LI. 343. 409.
 Krabinger VII. XIV. XVIII. XIX.
 Kuinoel XXI.
 Kurtz LI. 383.
 Labbé 402.
 Lagarde 357.
 Lämmer 339. 370. 376. 377.
 Lambecius XII. XXXV.
 Lange Lobeg. XXXV. LI.
 Lardner XLVIII. 484. 488.
 Larsoy 379.
 Laurent 445.
 Lentz XLVII.
 Lipsius R. A. 372. 445.
 Lommatzsch 442.
 Lorentzen VIII. XV. XIX.
 Lücke 363. 386. 389.
 Lumper XLIX.
 Mai Ang. 410. Add.
 Maran XXVI. 352. 356.
 Matthiae Aug. 12. 24. — Bernh. VIII.
 Menagius 17.
 Menzel XXIX. XXXVII ss.
 Meyer H. A. W. 360. 363. 471. 494.
 Migne XXVII. 460.
 Mill 389.
 Miller XV. XIX. XX. XXI.
 Möhler L. 346. 361. 369. 394. 452.
 Möller 458.
 Montfaucon XIX. 444. 451.
 Morel Petr. 444. — Fed. XXIV.
 Morus Io. 410.
 Mosheim 349. 434.
 Movers 384. 466. 467. 469. 470. 471.
 le Moyne 337.
 Müller Car. 358. 359.
 Münscher XLVII. 394.
 Mullach 10. 12. 13. 15. 16. 21. 24.
 Muratori XVIII.
 Mylius 390.
 Neander XLVI. LI. 337. 343. 392.
 395. 401. 434. 436. 484. 490.
 Nessel XII.

- Nicephoros Hierom. 447.
 Niedner LI.
 Nitzsch Fr. 395.
 Nösselt 366.
 Nolte XVI. XXVIII. 445.
 Nourry 391.
 Oberthür XXVII.
 Ochler Franc. 366. 396. 464. 466.
 — G. F. 439.
 Olearius 354.
 Pagi 335.
 Pamelius 352.
 Pape XXXIII. 19.
 Papebroche XXXVI.
 Pappus 483.
 Passow 12.
 Péricaud XXXI.
 Perles 451.
 Permaneder LI.
 Peter 378.
 du Pin XLVIII. 337. 371. 446.
 Pinus 347.
 Piper 374. 378. 386. 387. 389. 391.
 392. 394. 397. 408. 434. 435. 437.
 446. 482.
 Pitra 369. 374. 376. 377. 380. 381.
 388. 390. 391. 394. 403. 409. 433.
 453. 460.
 Potter XLVI.
 de Pressensé XLI. LI. 381. 401. 408.
 le Quien 447.
 Rahmer 360.
 Rechenberg XXXV.
 Redepenning 350. 402. 452.
 Reifferscheid — vid. Add.
 Renan 379. 380. 381. 410. 453. 460.
 Rettberg 346. 493.
 Rettig 369.
 Ritschl 370. 372. 373. 386. 387. 401.
 Ritter theol. XLI. — Philos. LI.
 Roerdam 374. 378. 385. 446. 453.
 460. 465. 468. 469. 470. 474. 512.
 Rost 12.
 Rothe 369.
 Routh 333. 340. 342. 349. 364. 370.
 376. 377. 395. 400. 404. 443. 477.
 485.
 Rudelbach 381. 407.
 Sachau VIII. 453. 460. 512.
 Scaliger 354. 359.
 Schleusner 452.
 Schmidt (I. E. C.) XLVII.
 Schneider 407.
 Schoene 334. 478.
 Scholten 370. 484. 493.
 Schröckh XLII. XLIX. 395.
 Schürer 400. 441. 485.
 Schwegler 365. 370. 371. 373. 386.
 388. 400. 401. 482. 485. 493. 494.
 Seiler XXII.
 Seligsohn 361.
 Semisch 360.
 Semler 376. 394.
 van Senden XL. XLIV. L.
 Sirmond 403. 447.
 Sixtus Sen. 352. 402.
 Spon 343.
 Stäudlin XLVII.
 Steitz 386. 395. 396. 404 ss.
 Stephanus H. 19. 20. 381.
 Stieren 340.
 Stroth 364. 369. 434. 482.
 Tattam 379.
 Tanner 478.
 Tentzel XXXVI. 390.
 Teuffel 479.
 Thienemann XXXI. XXXV. XLI.
 Thilo 399.
 Tillemont VII. XLVIII. 337. 351.
 366. 379. 394. 446. 484. 488.
 Tirinus XXXVI.
 Tischendorf 391.
 Tzschirner XLI. XLIX. 372. 394.
 436.
 Uhlemann 466.
 Uhlhorn 408.
 Usteri 493.
 Valckenaer 444.
 Valesius 337. 354. 359. 367. 369.
 377. 393. 436. 458. 482.
 Vallarsi 369. 387.
 Volck 362.
 Voss Gh. Io. 469.
 Wagenmann LI. 349.
 Walch 371.
 Weizsäcker 363.
 Welte 381. 383. 460. 466. 467. 471.
 478. 512.
 Werner XXXI. 381.
 Wesseling 438.
 Windischmann 465. 468.
 Winer 24. 352. 467.
 Wolf Hier. XXIII. — Io. Chr. 361.
 Woog 374. 375. 376. 377. 378. 379.
 386. 389. 392. 394. 400. 401.
 434. 437. 439.
 Worth XXV.
 Wright 391.
 Zahn 485.
 Zeiss 465.
 Zeller XIII. XXXVI. LI. 4. 5. 7. 8.
 12. 13. 14. 16. 19. 21. 23. 29.

Addenda et emendanda.

P. XIX. v. 15 pro msta lege mstorum. Ibidem in nota adde (Ang. Mai) Spicileg. Roman. T. V (Rom. 1841) Praef. p. XXII s. — P. XXIV. v. 8 p. dubitavi l. dubitant. — P. XXVII. v. 19 l. Worthi. — P. XXXIV. v. 5 post *Ταύτην* adde: (τὴν καθ' ἡμᾶς φιλοσοφίαν: Melito Fragm. I. §. 3; coll. ibid. n. 6). — P. XXXVIII. v. 10 verbis De monarchia adde: et Pseudo-Melitonis libro „ad Antoninum Caesarem“ contra idololatriam gentilem (comp. p. 379 et 423). Ibidem v. 20 adde: Etiam Irenaei libellus *Περὶ ἐπιστήμης* philosophos gentiles impugnabat, quibus ignota erat veritas (Euseb. l. V. c. 26). — P. 10. v. 7 p. *θεῶ* l. *θέω*. — P. 20. v. 14 p. *τοῖς* l. *ταῖς*. — P. 42. v. 4 p. suscepta met l. susceptam et. — P. 50. v. 13 tolle comma post iudicio. — P. 118. v. 31 l. *εὐχαριστία*. — P. 124. v. 20 l. Allixius. — P. 191. v. 25 l. asserit. — P. 219. v. 33 p. quia l. qui a. — P. 256. v. 32 l. sequeretur. — P. 335. not. 3. v. 5 l. Mutinae. — P. 336. v. 15 p. (vulg.) Eleusinae l. Eleusina (vel Eleusine). — P. 356. v. 8 Hartel (Cypr. Opp. P. III. Vindob. 1871. p. 128) pro brevi legit *Hebraei*, v. 9 et (ante *victricem*) omisit, v. 13 p. *filium dei* l. *dei filium*, v. 18 p. ad ... *dei* ... *iuuantis* l. *in* ... *domini* ... *viventis*. — P. 361. v. 15: Multos Hieronymi errores notavi in Ind. scriptt. p. 530. — P. 362. v. 33 l. Origenes. — P. 376 s.: in loco Eusebii cum Heinichenno concordat G. Dindorfius (Euseb. Opp. Vol. IV. Lips. 1871. p. 176), nisi quod v. 8 pro *ἀλθετηγρίων* dedit [*καὶ ὁ περὶ ἀλθετηγρίων*]. — P. 377. not. 9. v. 2 p. *καὶ γενέσεως* l. *κτίσεως καὶ*. — P. 378. v. 26 p. (designat Commodum) l. (designat Commodum: quem Marcus Aurelius demum a. 176 consortem imperii fecit, ut Eusebius in Chron. p. 172 et Lampridius in Commod. cc. 2. 12 testantur). — P. 386. v. 14 p. *καὶ* l. *τε καὶ*. — P. 391. v. 5 p. compl. l. compl. T. V. — P. 394. v. 3 l. Woog Diss. II. — P. 402. not. 69 adde: Hic codex, a. 1764 aut 1765 cum caeteris Claromontanis publice venditus, nunc Romae adservatur in Bibliotheca Barberina, ut Aug. Reifferscheid in Bibliotheca Patrum Latinorum Italica, Tom. I. Fasc. 2. Vindob. 1866. p. 171 (= *Sitzungsberichte d. K. Akademie d. W. W. Philos.-histor. Classe. T. LIII. p. 326*), testatur. Qui vero vir doctus aliter quam ille Gallandii amicus Parisinus de codice exposuit: „Melitonis Clavis: XI. 135. membr. 8. foliorum 111 [sic] saec. X [? sic]. Auf dem Vorsetzblatt ist die Herkunft der Handschrift angegeben: Collegii Claromontani Soc. Iesu. ... Ferner enthält das Vorsetzblatt von einer Hand des zwölften Jahrhunderts die Notiz: Miletus asianus *ἐπς* hunc librū edidit — quem et congrue nomine clauim appellant.“ — P. 407. v. 30 p. aut XI l. ut Steitzio quoque (l. c. p. 592) videtur. — P. 422. v. 3: „Tu vero non inventus es Israel; nam non vidisti deum.“ Itaque auctor verbum *יִשְׂרָאֵל* non duxit a *יִשְׂרָאֵל* et *אֵל*,

qui luctatus est cum deo (Genes. 32, 29 coll. Hos. 12, 4), sed, ut alii patres (cf. Suiceri Thesaur. eccles. Amstel. 1682. Fol. col. 1465), inepte a רָאָה et אָל, *qui vidit deum*, quum respiceret fortasse ad Genes. 32, 31: „... quia vidi deum.“ — P. 425. v. 9 p. quae l. quod. — P. 426. v. 10 p. Electronis l. Amphitryonis. — P. 431. v. 19: „Et si iustificari non potes.“ Nos: „Und wenn du dich nicht zu rechtfertigen vermagst.“ — P. 433. v. 24 p. Symphorianis l. Symphoriani. — P. 445. v. 20 adde: Cfr. Hilgenfeld *Zeitschr. f. wissenschaft. Theologie* (Lips.) 1870. Fasc. IV. p. 399 s. — P. 462. v. 35: sich schämen [scil. errorem deponere ac verum deum colere]. — P. 481. not. 3 adde: At verba spuria recepit G. Dindorf. l. c. p. 179.

Ienae, typis Fr. Maukii.

(Syriaca Vindobonae, typis C. R. Typographeii Aulici.)

Specimen Codicis Vindobonensis.

III ἐρμῶν φιλόσοφου, δια συγγραμμάτων ἐξω μετέφω-
αῦτος ὁ μακάριος διπλόσολος, τοῖς ἡνὶ ἑκάδα ἡνὶ λα-
κωνικῶν παροικούσιν κορινθίοις γράφων. ὧς ἀγαπη-
τοὶ ἀπεφωλόατο λέγων, ἡ θεοφία τοῦ νόστμου τοῦτον, με-
εῖα παρὰ ὃν δὲ οὐκ ἀσκόπως ἔσων, δοκῶν ἡνὶ
ἀρχὴν ἔχον φέειναι, ἀπὸ ἡς ἡνὶ ἀγγέλων διπλοσολίας. διὸ
αἰτίαν, οὐδὲ ἐκείνη φωνα, οὐδὲ ὁ μέσολογος οἱ φιλόσοφοι
ἀγνήλους λέγοντες ἐκτίθενται ἐκ δόξα. οἱ μετὰ ἡνὶ φε-

o Gent-
1305

Hermias

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA,

1305,

